

গিরিশ-গ্রন্থাবলী

দ্বিতীয় ভাগ



পিতৃশাস্ত্র মোক্ষ-বিবর্তিত

কলিকাতা, বাগবাড়ার, ১৩নং বসুপাড়া লেন,

পিতৃশাস্ত্র-ভাষ্য হইতে

শ্রীসুরেন্দ্রনাথ ঘোষ কর্তৃক প্রকাশিত

আধুনিক - ১৩২৫ সাল

প্রকাশক—শ্রীসুরেন্দ্রনাথ ঘোষ
“গিরিশ-ভবন”

১৩নং বসুপাড়া লেন—কলিকাতা।

N.S.B.

Acc. No. 5402

Date 7.12.91

Item No. B/B 3303

Don. by

এই গ্রন্থাবলীর একমাত্র স্বহাদিকারী—

গ্রন্থকারের দৌহিত্র

শ্রীমান দুর্গাপ্রসন্ন বসু।

প্রাপ্তি-স্থান—

‘গিরিশ-ভবন’—১৩নং বসুপাড়া লেন, বাগবাজার, কলিকাতা।

গুরুদাস চট্টোপাধ্যায় এণ্ড সন্স, ২০৩।১।১, কর্ণওয়ালিস স্ট্রীট, কলিকাতা

ও অগ্রান্ত প্রধান প্রধান পুস্তকালয়।

প্রিন্টার—শ্রীশশিভূষণ পাল


মেট্‌কাফ্‌ প্রেস্

১৫ নং নয়ানচাঁদ দত্ত স্ট্রীট, কলিকাতা।



श्रीगणेशाय नमः

সূচিপত্র



বিষয়		পৃষ্ঠা
১। বিল্বমঙ্গল ঠাকুর	(প্রম ও বৈরাগ্য-মূলক নাটক)	১
২। ম্যাক্বেথ	(সেক্সপীয়র-প্রণীত 'ম্যাক্বেথ' নাটকের বঙ্গানুবাদ)	৪১
৩। পূর্ণচন্দ্র	(ভগবদ্-বিশ্বাস-মূলক নাটক)	৮৮
৪। শ্রীবৎস চিন্তা	(পৌরাণিক নাটক)	১৩২
৫। প্রভাস-যজ্ঞ	(পৌরাণিক নাটক)	১৮৪
৬। আনন্দ রহো	(ঐতিহাসিক নাটক)	২১৮
৭। মলিনা-বিকাশ	(গীতিনাট্য)	২৫০
৮। মহাপূজা	(রূপক নাট্য)	২৬৩
৯। বেল্লিক-বাজার	(বড়দিনের পঞ্চ রং)	২৭২
১০। মোহিনী প্রতিমা	(গীতি-নাট্য)	২৮৯
১১। ভোট-মঙ্গল	(ব্যঙ্গ-নাট্য)	৩০৫
১২। গল্প ও নক্সা		
(১) হাবা (গল্প)	...	৩১২
(২) বাচের বাজী (ঐ)	...	৩১৭
(৩) নসীরাম (নক্সা)	...	৩২১
(৪) নবদর্শন (ঐ)	...	৩২৪



মহাকাব্য গিরিশচন্দ্র ঘোষ-প্রণীত

নিম্নলিখিত গ্রন্থগুলি স্বতন্ত্রাকারে পাওয়া যায়।

১। অশোক (ঐতিহাসিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১২	১৩। প্রতিধ্বনি (গিরিশচন্দ্র-রচিত ষাবতীয় কবিতা-সংগ্রহ) সুন্দর বাঁধাই ৫০, অবাঁধাই ১১০
২। প্রফুল্ল (সামাজিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১২	১৪। বিশ্বমঙ্গল ঠাকুর (প্রেম ও বৈরাগ্য-মূলক নাটক) ১২
৩। বলিদান (সামাজিক নাটক) ১২	১৫। মনের মতন (মিলনাস্ত নাটক) ৫০
৪। গৃহলক্ষ্মী (ত্র) ১২	১৬। বাসর (ত্র) ৫০
৫। শান্তি কি শান্তি? (ত্র) ১২	১৭। আবুহোসেন (গীতি-নাট্য) ১০০
৬। জনা (পৌরাণিক নাটক) ১২	১৮। মনিহরণ (ত্র) ১০
৭। শঙ্করাচার্য (ত্র) ১২	১৯। আলাদিন (ত্র) ১০
৮। বুদ্ধদেব-চরিত (ত্র) ১২	২০। বেল্লিক-বাজার (প্রহসন) ১০০
৯। অপোবল (ত্র) ১২	২১। আয়না (ত্র) ১০
১০। পাণ্ডব-গৌরব (ত্র) ১২	২২। স্যামসা-ক্ষা-ত্যাগসা (ত্র) ১০
১১। পাণ্ডবের অজ্ঞাতবাস (ত্র) ১২	২৩। ছটাকী (নতুন প্রকাশিত) (ত্র) ১০০
১২। ভ্রান্তি (অলৌকিক নাটক) ১২	

শ্রীঅবিনাশচন্দ্র গঙ্গোপাধ্যায়-প্রণীত ও সম্পাদিত

১। মেঘনাদ বধ (নটগুরু গিরিশচন্দ্র কর্তৃক নাট্যকারে গঠিত মাইকেলের মহা কাব্য) ৫০	৪। চাঁদে-চাঁদে (গীতিনাট্য) ১০
২। স্বকমারী (সামাজিক প্রহসন) ১০০	৫। শিব-চতুর্দশী (ত্র) ১০
৩। ওলোট-পালোট (ত্র) ১০০	নীতিশতক বা চানক্য-শ্লোক (বেঙ্গল গভর্নমেন্টের অফিসে সম্পাদিত স্বল্পপাঠ্য) ১০

রঙ্গালয়ের রঙ্গ-কথা

নাট্যাচার্য্য শ্রীযুক্ত অমৃতলাল বসু-লিখিত ভূমিকা সহ

শ্রীঅবিনাশচন্দ্র গঙ্গোপাধ্যায়-প্রণীত

বহু চিত্র-সুশোভিত রঙ্গাল গল্পের বহি।—সুন্দর সিল্কের বাঁধাই,—মূল্য ১১০ দেড় টাকা।

“পুস্তকখানি পাঠ করিতে আরম্ভ করিলে নিঃশেষ না করিয়া উঠিতে পারিবেন না, এ কথা আমরা নিঃসন্দেহে বলিতে পারি। পুস্তকখানির ছাপা, কাগজ ও বাঁধাই ভাল এবং তাহার উপর বহু অভিনেতা ও অভিনেত্রীর ভবিণ্ড তাহাতে পরিবেশিত হইয়াছে।” বসুমতী (৬ই পৌষ, ১৩৩০)

“Being the only mentionable biographer of our late great actor-dramatist Girish Chandra Ghosh the author needs no introduction to our readers. In the present volume he has brought in existence a long-felt desideratum of the Bengali literature in as much as the treatise supplies us with so many touches of light wit and rippling humour our social life is badly wanting in.” Forward (6th March 1924.)

“রঙ্গ-ব্যঙ্গ এখন একরকম উঠিয়া বাইতে বসিয়াছে; এ সময় অবিনাশবাবু এই বইখানি ছাপাইয়া পাঠক-পাঠিকাগণকে দুই দণ্ড আমোদ উপভোগ করিবার সুযোগ প্রদান করিয়া ধন্যবাদার্থ হইয়াছেন। জিনিষ হিনাবে দেড় টাকা মূল্য পূর্ব কমই হইয়াছে।” রায় শ্রীজলধর সেন বাহাদুর।

ভারতবর্ষ (পৌষ, ১৩৩০)

গুরুদাস চট্টোপাধ্যায় এণ্ড সন্স,

২০৩/১১ কৰ্ণওয়ালিস স্ট্রীট,—কলিকাতা।

বিল্বমঙ্গল ঠাকুর

(প্রেম ও বৈরাগ্যমূলক নাটক)

[২০শে আষাঢ়, ১২৯৩ সাল, ষ্টার থিয়েটারে প্রথম অভিনীত]

—:~*~:—

চরিত্র

পুরুষ ।

বিল্বমঙ্গল	ধনাঢ্য ব্রাহ্মণ যুবক ।
সাধক	ভণ্ড সাধু ।
ভিক্ষুক ।			
সোমগিরি	সন্ন্যাসী ।
বণিক ।			
রাখালবালক	ছদ্মবেশী স্ত্রীকৃষ্ণ ।

পুরোহিত, ভৃত্য, দেওয়ান, শিষ্যগণ, টহলদারগণ,
দারোগা, চৌকিদারগণ ইত্যাদি ।

স্ত্রী ।

চিন্তামণি	বারাঙ্গনা ।
থাক	চিন্তামণির বাটীর ভাড়াটিয়া ।
পাগলিনী ।			
অহল্যা	বণিকের স্ত্রী ।

মঙ্গলা দাসী, জর্নৈক স্ত্রীলোক ইত্যাদি ।

প্রথম অঙ্ক

—:~*~:—

প্রথম গভাক

পথ ।

(বিল্বমঙ্গলের প্রবেশ)

বিল্ব । আমি দেখে নোবো, দেখে নোবো, দেখে
নোবো । এত বড় আশ্পর্ক—এক দণ্ড বিল্ব হ'য়েছে
ব'লে ছুপুর রাত অবধি দোর খুলে দিলে না ! এর তাৎপর্য
ছিল,—এর তাৎপর্য ছিল । দেখ, সমস্ত রাত জেগে আমি
ব'সেছিলুম, একবার একটা মিষ্টি কথা কইলে না,—পেছন
ফিরে শুয়ে রইল ! আমি যদি বিল্বমঙ্গল হই, আর তার
মুখদর্শন কচ্চিনি । যেমন না ব'লে চ'লে এসেছি, তেমনি,
বাস্—আজ থেকে খতম । যদি কখন দেখা হয়, দুটো
কথা শুনিয়া দোবো ; কড়া নয়—মিষ্টি ।—না ব'লে
আসাটা ভাল হয়নি,—মিষ্টিমুখে বিদায় নিয়ে এলেই হ'ত ;
ব'লেই হ'ত,—'ভাই, তোমারও পোষাল না, আমারও
পোষাল না ; আজ থেকে খতম—বাস্ ।' যখন এসেছি,
তখন আর যাচ্চিনি ।

(গান করিতে করিতে জনৈক ভিক্ষকের প্রবেশ)

ঝিঁঝিঁট—আড়খেমটা ।

ওঠা নাবা প্রেমের তুফানে ।

টানে প্রাণ যায় রে ভেসে, কোথায় নে যায়, কে জানে ?
কোথাও বিষম ঘুরণ পাক, চুবন খেয়ে হাঁপিয়ে ওঠে, ছনিয়া দেখে ফাঁক ;
কোথাও তরতরে ধায় ভাসিয়ে নে যায়, টান পড়েছে কি টানে ।

বিষ । উঃ ! প্রাণের টানই বটে বাবা !

ভিক্ষুক । মশাই, কিছু দিন না ।

বিষ । যা যা—দেখ করিস্নি—কি রে কি ? গানটা
কি, “টেনে টেনে” ?

ভিক্ষুক । আর মশাই—পেটে টান পড়েছে ।

বিষ । বলি—শোন্ শোন্, আমার গানটা লিখে দে
তো ।

ভিক্ষুক । না মশাই, পাঁচ বাড়ী মেখে বেড়াতে
হবে ।

বিষ । দাঁড়া না বাটা, তোকে ভিক্ষে দেবো এখন ।

ভিক্ষুক । না ঠাকুর, তোমার ভিক্ষায় কাজ নেই ;
তোমার মিষ্টিমুখেই খুসী আছি ।

বিষ । না না, কিছু মনে ক’র না ; গানটা লিখে
দাও, আমি একটা টাকা দেবো এখন ।

ভিক্ষুক । সত্যি ? মাইরি ?

বিষ । এই নাও, এই নাও । (টাকা দিতে উদ্বৃত)

ভিক্ষুক । অ্যা ! ফাঁড়ীদার ধরিয়ে দেবে না তো
বাবা ?

বিষ । না না, লিখে দাও ।

ভিক্ষুক । এ, বাবা, আমার চোরাই গান নয়, বাবা ;
রীতিমত সাক্ষরিক ক’রে শেখা, বাবা ।

বিষ । আচ্ছা, কি গান বল ।

ভিক্ষুক । (সুর করিয়া) ওঠা নাবা প্রেমের তুফানে—

বিষ । নে, নে, স্তর রাখ, গানটা বল ; এই কয়লা
দে আমি লিখি ।

ভিক্ষুক । “ওঠা নাবা প্রেমের তুফানে ।”

বিষ । ইস্ ! পিরীতের বেজায় দৌড় ; ওঠ্ বোস্
করা’চ্ছে ;—তার পর ?

ভিক্ষুক । “টানে প্রাণ যায় রে ভেসে, কোথায় নে
যায়, কে জানে ?”

বিষ । আচ্ছা, এ পিরীতের ব্যাপারটা কি বলতে
পারিস্ ? কি বলিস্, অ্যা ?

ভিক্ষুক । (স্বগত) এ শালা পাগল না কি ?

বিষ । তুই বলতে পারিনি ? গলায় গামছা দিয়ে
টানে ।—আমি আর ভুলি নি ।—বল্, —বল্ ।

ভিক্ষুক । “কোথাও বিষম ঘুরণ পাক, চুবন খেয়ে
হাঁপিয়ে ওঠে, ছনিয়া দেখে ফাঁক ।”

বিষ । পাক বলে পাক ? দে চড়কীর পাক ! তার
পর, তার পর ?

ভিক্ষুক । “কোথাও তরতরে ধায়, ভাসিয়ে নে যায়,
টান পড়েছে কি টানে !”—এই ত গান হ’ল ; কৈ মশাই,
দাও ।

বিষ । দাঁড়া বাবা, আমি গানটা গড়ে নিই ! শোন্,
হ’য়েছে কি ? কি ?—ওঠ্ বোস্ ক’ছে প্রেমের—

ভিক্ষুক । আজ্ঞে হ্যা ; দিন্ ।

বিষ । গলায় গামছা দে’ নে যায় টেনে ।

ভিক্ষুক । আজ্ঞে হ্যা, দিন্ না ।

বিষ । দে চড়কীর পাক ;—উহ্,—গানটা ঠিক হ’ছে
না ।

ভিক্ষুক । আজ্ঞে, ওই !

বিষ । হ্যা রে, তুই কখন পিরীতের টানে পড়েছিস্ ?

ভিক্ষুক । আজ্ঞে, ও সব আমার নাই ; আপনি যে
শুনেছেন, হাতটান,—সে গেরোর ফেরে হ’য়েছিল ; সেই
অবধি নেশাটা ভাঙটা কদাচ কখন করি ; পেলুম কল্পন,
নইলে নয় ।

বিষ । আচ্ছা, তুই একটা কাজ কত্তে পারবি ?

ভিক্ষুক । আজ্ঞে আনায় দিন্, আমি কাজ পা’ব্ব
না ; আমি এম্নি ভিক্ষা ক’রে খাই ।

বিষ । এই নে, (টাকা দেওয়া) শোন্ না, আরও
টাকা পারি—একটা কাজ কর না । (স্বগত) দাঁড়াও,
এই ব্যাটাকে দে’ সন্ধান নিই ; বেটীর মন একটু ধকপক
কত্তেই হবে, বলে পাঠাই,—“মনে ক’রেছ, সে আবার
আ’স্বে, সে দফায় কচু !” (প্রকাশে) শোন্ বলি,—ঐ
বাড়ীতে যা ; চিন্তামণি বলে একটা আছে ; সে কি ক’ছে,
দেখে আয় ; আর বলিস্,—“বাছা, মনে ক’রেছ, সে
আ’স্বে—সে আর আস্বে না ।”

ভিক্ষুক। আজ্ঞে, কোন্ বাড়ী ?

বিশ্ব। ওই—ওই বাড়ী। দেখতে এমন কি ? চিমড়ে ছুঁড়ীপানা ; তবে আমার নজরে প'ড়েছিল, তাই। আর ঐ গানটা শুনিয়ে আসিস্।

ভিক্ষুক। কি ব'লব ? যে, মশাই আস্চে।

বিশ্ব। না না ; ব'লবি যে, শর্খা আর বাচ্চেন না।

ভিক্ষুক। বুঝছি বুঝছি ; আমি জানি। বেমোল চক্রবর্তী আমায় পাঠাত—রাগ টাগ হ'লে পাঠাত।

বিশ্ব। আমি ঐ বটগাছের তলায় ব'সে আছি ; সব খবর খুঁটিয়ে আন্বি ;—কি ক'ছে, কে আছে, সব ; খবরদার, গানটা লিখে দিস্নি।

ভিক্ষুক। হ্যা, তা কি দিই ? আমি এ কাজ জানি।

বিশ্ব। দেখ, দেখ, দেখ—ওই যে মাগী আস্ছে ওই মিস্টার সঙ্গ, ওইটে চিন্তামণির বাড়ীতে থাকে, দাসীর মতন। ওর কাছে আগে খবর নে ; আমার কথা জিজ্ঞেস করে ত কিছু বলিস্নি। আমি ওই বটতলায় আছি।

[প্রস্থান।

ভিক্ষুক। বাবা, কাজ ক'ত্তে কি নারাজ ? এমন মনের মতন কাজ হয় ত করি। (অন্তরালে অবস্থান)

(সাধক ও থাকর প্রবেশ)

সাধক। দেখ থাক, প্রেমের কথা যদি কেউ অনুধাবন করতে পারে, সে কেবল তোমায় আমি দেখ্ছি। একি যে সে প্রেম ?—রাধাকৃষ্ণের প্রেম !

থাক। আমি প্রেমের কি জানি, বল ? তবে এই জানি যে, মনের মানুষ পেলুন না।

সাধক। মনের মানুষ কি পাবে ? ক'রে নিতে হবে। মানুষ সবই মনের মতন ; ব'লেছে—“পুরুষ পরেশ।” তবে গোপন রাখা চাই। প্রেমের খেলা !—দেখ, রাধিকা—মাগী, কৃষ্ণ—ভাগিনা, রাসলীলা তাই অত গোপন। তুমি যে বড় ব্যস্ত রয়েছ, নৈলে প্রেমের কথা আরো দুটো শোনাতুম। আমার মনে বড় সাধ, তোমায় অসংপথ থেকে সংপথে নিয়ে আসি।

থাক। তা আ'স্বেন, একবার অনুগ্রহ ক'রে বিকেল বেলা। আমিও শুনতে বড় ভালবাসি ; তবে কি জান ? পেটের জ্বালা বড় জ্বালা।—ও মা, কই ?

সাধক। কি কই ?

থাক। এই, বাড়ীওলা মেসোকে ডাক্তে এসেছি। বাড়ীউলী মাসীর সঙ্গে ঝগড়া ক'রে মিস্সে এইখানে ব'সেছিল।

সাধক। আমি এখন আসি। সন্ধ্যার পর আ'স্বে, যেন বড় গোল থাকেনা ; আমি তিনটি টোকা দিয়ে ডাক্বে। পল্লীটে বড় খারাপ ; কেউ যদি দেখে।

থাক। তা আ'স্বেন, ভুল্বেন না।

[সাধকের প্রস্থান।

(ভিক্ষকের প্রবেশ)

ভিক্ষুক। ওগো, তোমাদের বাড়ীতে আমি যাব।

থাক। তুই কে রে ?

ভিক্ষুক। কে রে এখন ব'ল্চিনি ; চল, শীগ্গির শীগ্গির বাড়ী নিয়ে চল।

থাক। মব্ মুখপোড়া ! তোর মুখে ছুড়া জ্বলে দিই।

ভিক্ষুক। তা দাও না, আমার চৌদ্দপুকুর মুখে দাও না ; কিন্তু আমি কথায় ভোলবার নয় ; চল এখন, তোমার সঙ্গে যাই।

থাক। আ ম'ল ! মড়া পাগল নাকি ?

ভিক্ষুক। নাও নাও, দেবী হ'য়ে যাচ্ছে ; আবার আমায় খবর দিতে হবে, তিনি যার গাছতলায় দাঁড়িয়ে আছেন।

থাক। কে, কে ? বলত, বাড়ীওলা মেসো ? কোথা গেল রে ?

ভিক্ষুক। হাঁ, এখানে ভাঙি ? চল, আগে বাড়ী চল।

থাক। আ মব্ মিস্সে ! ঝাকুরা করিস্ নাকি ?

ভিক্ষুক। ঝাকুরা কেন ? আমার কথা আছে ; আমি তোমাদের বাড়ী গিয়ে ব'ল্বে।

থাক। বল না, বল না ; এইখানে একটি বামুনের ছেলের সঙ্গে তোর দেখা হয়েছে ?

ভিক্ষুক। দেখা হ'য়ে থাকে—হয়েছে ; না হ'য়ে থাকে—না হয়েছে। বাড়ী চল, টেরুটা পাবে। আমি কি যার তার কাছে বলি ?

থাক। মিস্সে বুঝি খবর জানে।—(অদূরে চিন্তামণিকে

দেখিয়া) এই দেখ, মাসীর আর বাপু তবু নাই, আপনিই আস্চে। আমি কি আর খুঁজতে কহুর ক'চ্চি ?

ভিক্ষুক। ওই ত চিম্ড়ে চিম্ড়ে গড়ন ; এ বেটাও মাসী ব'ল্চে। পেটের কথা শীগ্গির বা'র কচ্চি নি ; একটু দেখি।

(চিন্তামণির প্রবেশ)

থাক। বলি, হ্যাঁ গা মাসি ! তোমার একটু তবু সয় না ? বাড়ী থেকে ফরফরিয়ে বেরিয়ে এলে ? লোকে কি ব'ল্বে বল ত !

চিন্তা। আর বলুক গে, বাছা ! আমার আর সয় না। ডুবটা দিয়ে আসি।

থাক। বলি, কই ? এখানে ত দেখতে পেলুম না ! বাছা, পরের ছেলে,—ছোটো মিষ্টি না ব'ল্লে থাকবে কেন ?

চিন্তা। আমি আর কি ব'লেছি ? তুই বাড়ী ছিলি, আমি খেতে ব'সেছিলুম ; তাই দোর খুলতে দেরি। এই সমস্ত রাত গজ্জগজ্জানি।—ভাল ক'রে কথা কবে না, ঘুমতে দেবে না। ভোরবেলায় দেখি ডাক্চ ; আমি আর সাড়া দিলুম না। এই টবুটরিয়ে একবারে সিঁড়িতে। আমার বাছা, রাগ হ'য়ে গেল ; ছ'বার তিনবার ফিরে এল ; আর কথা কইলুম না।

ভিক্ষুক। বলি, হ্যাঁ গা, শোন শোন ; ঐ ঠাকুরটি যে এখানে ব'সেছিল ?

থাক। কি তা ?

ভিক্ষুক। (চিন্তামণির প্রতি) শোন,—(থাকর প্রতি) তোমায় না,—(চিন্তামণির প্রতি) তুমি শোন, মনে ক'রেছ বাছা যে, সে আ'সবে, সে আর আ'স্চে না।

চিন্তা। সে কোথা গেল ?

ভিক্ষুক। চল, আগে তোমার বাড়ী যাই, কি ক'চ্চ দেখব, কি দে' ভাত খা'চ্চ দেখব, কি ব'ল্চ শুনব ; তবে বটতলায় গে' খবর দোব। সে গিয়েছে নদীপার চ'লে।

(বিশ্বমঙ্গলের প্রবেশ ও ঝোপের মধ্যে অবস্থান)

চিন্তা। ওলো থাকি, দেখ, পেছনের ঐ ঝোপের ভিতর এসে মড়া লুকুচ্ছে।

(অন্ধভঙ্গী করিয়া ভিক্ষকের গীত)

সিকু (মিশ্র)—খেমটা।

ব'সে ছিল বধু হেঁসেলের কোণে।
বলে না ফুটে, খামকা উঠে,
হামা দিয়ে গিয়ে সোঁ ধুল বনে।
সাঁজে সকালে, ফেরে চালে চালে,
আহা ! পগার পাবে বধু যেত এগোনে।

বিশ্ব। (স্বগত) দেখ, বেটার মনে একটুও দুঃখ নাই, হা'স্ছে ! (প্রকাশে) দেখ, আমি এ পারে কাঠ কিন্তে এসেছিলুম, দেখা হ'ল ত একটা কথা ব'লে যাই ; “যত হাসি তত কান্না, ব'লে গেছে রানশমা।”

চিন্তা। কেন রে মড়া ! কাঠ কিন্তে কেন ? তোর চিত্তা মাছাবি না কি ?

বিশ্ব। দেখ, একটা কথা বলি ; মনে ক'রেছিলুম যে, তুমি ভদর ; তা নয়, তুমি ভারি ছোটলোক।

চিন্তা। আর তুমি খুব ভদর লোক—আচরণেই বোঝা গিয়েছে।

থাক। দেখ বাড়ীওলা মেসো, তুমি যদি মাল্লু হও ত—ও ছোটলোক বেটার কথায় উত্তর দিওনা। হ্যাঁ দেখ মাসি, মাসী হও আর যা হও বাছা, তোমার বড় আল্গা মুখ।

বিশ্ব। দেখ থাক, আমি আর আ'স্ছি নি ; তবে মনের দুঃখ একদিন তোমার কাছে গোটা কতক ব'লে যাব। আমরা বাবা যত্নের পায়রা ; যেখানে যত্ন পাব, সেখানে যাব।

চিন্তা। কেন, তোমায় কি ব'লেছি ? থাক বাড়ী ছিলনা, আমি খেতে ব'সেছিলুম, তাইতে দোর খুলে দেবার দেরি হ'ল। তোমার আর সমস্ত রাত্তির রাগ প'ড়লো না ! তা ভাই, যেখানে যত্ন পাবে, যাবে বই কি আমি কিন্তু তোমায় ব'লেছিলুম, গোড়ার কথা মনে ক'রে দেখ।

থাক। দেখ মেসো, আমি কিন্তু একটা কথা বলি তোমার বাপু, আর ভাল দেখায় না, মেয়েমাল্লুটা যখ রাস্তা পর্য্যন্ত এসেছে।

চিন্তা। পোড়া কপাল ! আমি নাইতে এসেছি তুই বলিস, থাকি, আচরণ দেখলি ! সকাল থেকে এখা

ব'সে আছে, আমি ভেবে মরি, কোথা গেল—কোথা গেল ;
তা একবার দেখাটি দিলেনা !

থাক। এটি মেসো, তোনার অগ্নায় হ'য়েছে,
মেয়েমানুষটা ভেবে সারা হয় ; বলে,—দশ হাত কাপড়ে
মেয়ে নেংটা ।”

বিল্ব। দেখ চিন্তামণি, মনে বড় দুঃখ রইল।

চিন্তা। থাকে থাক, রাগ করিস্নি ; চল, বাড়ী
চল।

বিল্ব। না, আমার আজ বাপের শ্রাদ্ধ ; বেলা হয়ে
গিয়েছে।

চিন্তা। হ্যা, হ্যা ; তবে আর দেরি করিস্নি, যা ;
ব'লে যা,—রাগ নেই।

বিল্ব। না, রাগ কিসের ?

চিন্তা। দেখ, বেলা হ'ল ; বল রাগ নেই, নইলে
ছেড়ে দোব না।

বিল্ব। না।

চিন্তা। তা চল, আমিও নাইতে যাই, তুইও পারে
যা। সন্ধ্যাবেলা আসবি ত ? না, আজ আবার বুঝি
নদী পেরতে নেই ?

বিল্ব। না, আজ আর আ'স্খিনি, নদী পেরতে নেই
ত, আ'স্ব কেমন ক'রে ?

চিন্তা। তা না আসিস, কাল সকালবেলা একবার
আসিস, মাথা খাস।

বিল্ব। সকালে কি আর আসা হয় ?

চিন্তা। দেখছিস্ লা থাকি, তোর ভদ্রলোক !
আজ যাবেন, সমস্ত রাত্রির দেখা পাবনা, কাল সকালে
আ'স্বতে ব'ল্চি ; বলে—“সকালবেলা কি আসা হয় ?”—
আর ঠর শরীরে রাগ নেই ! রাগ নেই বটে আমাদের
শরীরে,—যখন যা হয় ব'লে ফেল্লুম।

বিল্ব। সকালে কি ক'রে আসি ? এ কি রাগের
কথা ? কাজ-কর্ম নেই ?

চিন্তা। দেখ, মাথা খাস, সকালে আসিস।

বিল্ব। তা দেখি।

চিন্তা। দেখি নয়, ছপুর বেলায় তা নইলে তোর
বাড়ীতে গে হাজির হব।

বিল্ব। ঠিক কি ক'রে ব'লব ?

[প্রস্থান।

ভিক্ষুক। হ্যা ঠাকুর, আমায় যে কি দেবে
ব'লেছিলে ? [প্রশ্নাং প্রস্থান।

থাক। বুঝি এখনও রাগ পড়েনি। বাড়ী নে গেলেনা
কেন ?

চিন্তা। না, কক্ক গে—বাপের শ্রাদ্ধ কক্ক গে।
বাড়ী নিয়ে গেলে কি আর যেত ? আর বাছা, একটা
রাত জুড়ুই। যেমন কয়েদখানা ! কাছ থেকে ন'ড়তে
দেবেনা ; সমস্ত রাতটে ভ্যান্ ভ্যান্ !—মাথামুণ্ড নেই—
খালি, “ভালবাসি, ভালবাসি, ভালবাসি !” আরে, ভাল-
বাসিস্ ত আমার কি মাথা কিনিছিস ?—ওই দেখ, আবার
আ'স্বচে !

(বিল্বমঙ্গলের পুনঃপ্রবেশ)

বিল্ব। দেখ, আজ রাত্রির আমি আর আ'স্বতে
পা'ব্ব না, আমার কাপড় ক'খানা গুছিয়ে রেখো।

চিন্তা। শুন্নি, শুন্নি ? আমি কি কাপড় মাঠে
ফেলে রাখি ?

বিল্ব। তাই ব'ল্চি। (প্রস্থান করিতে করিতে
প্রত্যাবর্তন) আর, ঐ টিয়ে পাখীটাকে দু'টি ছোলা দিও।
(প্রস্থান করিতে করিতে প্রত্যাবর্তন) আর একদিকে
একটু জল।

চিন্তা। না, দোব না ; ঘাড়টা মুচড়ে মেরে রাখ'ব।

বিল্ব। তা তুমি পার, তাই ব'ল্চি। (প্রস্থান
করিতে করিতে প্রত্যাবর্তন) আর, যদি শীস্ দেয় ত দিতে
ব'ল।

চিন্তা। বলি যাও না ; কখন শ্রাদ্ধ ক'ববে ? কখন
খাওয়া-দাওয়া ক'ববে ? বেলা কি আর হয়না ?

বিল্ব। যাচ্ছি, (প্রস্থান করিতে করিতে প্রত্যাবর্তন)
আর ঐ মেড়াটাকে দু'টি দানা দিও। (প্রস্থান করিতে
করিতে প্রত্যাবর্তন) আর শিং ঘষে ত বারণ কর না ;
আমি চল্লুম।

চিন্তা। দাঁড়াও না, আমিও নদীতে যাব। কাল
সকালে আ'স্ববে ত ?

বিল্ব। দেখি।

[সকলের প্রস্থান।

দ্বিতীয় পর্ভাঙ্ক

পথ।

(ভিক্ষুক ও সাধকের প্রবেশ)

ভিক্ষুক। বলি, মশাই ত গোয়েন্দা নন ?

সাধক। শিব, শিব, শিব! আমার পরিচয় তোমায় দিচ্ছি—শোন। আমি নবাব সরকারে চাকরী কভেম, আমার নাম রামকুমার সাহাল। কলির লোক জান ত? —যে ধর্মভীত হয়, তারই বিনাদ! আমার নামে তহবিল তহরুপের দাবী এল, এতেই সংসারের প্রতি বৈরাগ্য জন্মে; কাশীধামে গমন ক'লেম, তথায় ভাগ্যক্রমে আমার গুরুর দর্শন পেলেম—একজন সিন্ধু ব্যক্তি,—তিনি বারো বংসর পুত্রের মতন আমায় উপদেশ দেন।

ভিক্ষুক। ই্যা গা, তা ত'বিল ভেঙ্গছিলে, ফাঁড়িদার ধ'লেনা ?

সাধক। শিব, শিব, শিব! আমি তহবিল ভাঙ'ব কেন? দুর্জনেরা এইটে রটিয়েছিল।

ভিক্ষুক। বলি, বা হোক, ফাঁড়িদার কিছু বলেনি ?

সাধক। যতো ধর্মন্ততো জয়ঃ। ঈশ্বরের ইচ্ছায় ব্যাঘাত হয়নি।

ভিক্ষুক। তোমার ভারি কপাল! আমি পাইখানায় লুকিয়েছিলুম, আমায় টেনে বা'র ক'লে।

সাধক। তারপর শোন। এই যোগশাস্ত্র, ধর্মশাস্ত্র, চিকিৎসাশাস্ত্র—এই সকল গুরুর রূপায় শিক্ষা কল্পুমা। এখন জগতের হিত যাতে হয়, তাই কভে হবে, তাই ভাব'চি—তোমায় আমি চেলা ক'র'ব। তুমিও দেখ'চি একজন ত্যাগী পুরুষ, তাই তোমার পরিচয় চা'চ্ছি।

ভিক্ষুক। না, তুমি গোয়েন্দা নও। কি জান, সকলের বরাত সমান নয়!—আমার ছেলেবেলায় নেশাটা ভাঙটা কর্তে শিখে একটু হাতটান হ'য়ে প'ড়ল; একটা বাধা হ'কো সরিয়ে প'চিশ কোড়া খাই, আর ঘানি টানি একমাস। আমিও কাশী গিয়েছিলুম, তোমার মতন একটা মোহন্তও পেয়েছিলুম। তার জটার ভেতর একখানা সোণার বাট ছিল; যে দিন জটা ধ'সে দিতে ব'ল'ত, সে দিন বার ক'রে রা'খত! গাঁজা টাজা চ'ল'ত মন্দ নয়, কিন্তু লোভ সংবরণ হ'লনা—বাটখানা নিয়ে স'রলুম।

সাধক। আহা! তুমিই আমার চেলা হবার যোগ্য! ভিক্ষুক। তা' কাজ তোমার মা-বাবের আশীর্বাদে সকল জানি। কিন্তু একটা প্যাচ আছে—আমার নামে একখানা পরওয়ানা আছে; শান্তিপুর থেকে একটা সোণার বাটী সর'ই।

সাধক। তার উপায় হবে, তোমার জটা ক'রে দেব, গেরুয়া প'রে খা'কবে, ছাই মেখে খা'কবে।

ভিক্ষুক। বলি, সে সব ত ছিল; পরওয়ানার দায়ে জটা কেটে ফেলেচি।

সাধক। দেখ, আমার কাছে থাকায় তোমার কোন শঙ্কা নাই; আমি অন্তর্দান বিদ্যায় তোমায় লুকিয়ে রেখে দেব।

ভিক্ষুক। ব'ল'চি যে, তোমার কপাল ভাল। ফাঁড়িদারের চোখ বড় সফ; জাননা, কেলে হাড়ি মাথায় দিয়ে জলে লুকিয়ে থাকলে ধরে!

সাধক। এখানে থাকলে বড় সে সব ভয় নাই।

ভিক্ষুক। আচ্ছা, এ ফন্ একরকম মন্দ নয়; চ'লে ভাল। বলি, তুমি কথা কইবে ত? না, কথা কইবে না?

সাধক। যোগ্য লোকের সঙ্গে কইব।

ভিক্ষুক। ধুনি জাগাবে ?

সাধক। কখন কখন।

ভিক্ষুক। তোমার ভৈরবী খা'কবে ?

সাধক। খুব গোপনে।

ভিক্ষুক। লোককে কি ব'ল'ব যে টাকা-কড়ি দাও? না, যে বা শ্রদ্ধা ক'রে দিলে,—কি বল?

সাধক। সামনে একটা হোমকুণ্ড থাকবে; যার যা ইচ্ছা হবে, তারই ভিতর দিয়ে যাবে।

ভিক্ষুক। হঁ, বুঝেছি; এখন কোথায় আস্তানা ক'রবে ?

সাধক। একটা শিবের মন্দির টম্দির দেখে নেওয়া যাবে।

ভিক্ষুক। এখন কি রকম বখ'রা, বল।

সাধক। দেখ, আমার বাড়ীতে খেতে প'রতে—স্ত্রী, একটি ছেলে, আর মা ঠাকুরণ। তা গোটা পোনের টাকা মাসে পাঠালেই হবে। বাকী আনাদের খোরপোয় বাদে—দশ আনা ছ' আনা।

ভিক্ষুক। কি, দশ আনা তোমার, ছ' আনা আমার ?
সাধক। হুঁ ।

ভিক্ষুক। তুমি সাধুগিরি জাননা। বাড়ীফাড়ি
বুঝিনি ; চলার সঙ্গে আধাআধি বখরা ।

সাধক। দেখ, ওতে আটকাবে না। তোমায় আমি
শিখ্য ক'রব ; গুরুসেবার জন্ত যা দিতে হয়, দিও ।

ভিক্ষুক। এ কথা ভাল ।

সাধক। আজ রাত্তিরে একটু কাজ ছিল ।

ভিক্ষুক। আমারও বিশেষ কাজ আছে ।

সাধক। একটা স্ত্রীলোকের বাড়ীতে যাবার কথা ছিল ।

ভিক্ষুক। আমারও যাবার কথা আছে ।

সাধক। কি, নদীপার ?

ভিক্ষুক। নদীপার ।

সাধক। আজ কাজ মা'রতে পার, ভাল ; না হ'লে
কা'ল থেকে চেলি হবে ।

(গান করিতে করিতে পাগলিনীর প্রবেশ)

কাফি (মিশ্র)—একতারা ।

পাগ।— ওমা কেমন মা কে জানে ?

মা ব'লে মা ডাক্‌চি কত বাজে না মা তোর প্রাণে ?

মা ব'লে ত ডাক্‌ব না আর, লাগে কি না দেখ্‌ব তোমার,

বাবা ব'লে ডাক্‌ব এবার, প্রাণ যদি না মানে ।

পাখাণী পাখাণের মেয়ে, দেখে নাক' একবার চেয়ে,

পেত্নী নিয়ে ধেয়ে ধেয়ে বেড়ায় সে শ্মশানে !

সাধক। আহা আহা ! বেড়ে গায় ।

ভিক্ষুক। (পাগলিনীর প্রতি) ইয়া গা, তুমি কে গা ?

পাগ। আমি বাছা, পাগলদের মেয়ে ।

ভিক্ষুক। ইয়া গা, তোমার বে হয়েছে ?

পাগ। হুঁ, পাগলদের বাড়ী ।

(গীত)

গৌরী—একতারা ।

পাগ।— আমার পাগল বাবা, পাগলী আমার মা ।

আমি তাদের পাগলী মেয়ে, আমার মায়ের নাম শ্যামা ॥

বাবা বব বম্ বলে, মদ খেয়ে মা গায়ে পড়ে চ'লে,

শ্যামার এসোকেশ দোলে ;

রাস্তা পায়ে ভ্রমর গাজে, ওই নুপুর বাজে শোন না ॥

[পাগলিনীর প্রস্থান ।

সাধক। দেখ, দেখ, এ পাগলীটাকে হাত কর ; ও
বেড়ে গায় ।

ভিক্ষুক। ব্যবসাটা শীগ্‌গির জমবে ।

সাধক। তোমার ভৈরবী কত্তে পার ত ভাল ।

ভিক্ষুক। বটে ? ওকে পেলে ত আমিও একটা
দল করি । [উভয়ের প্রস্থান ।

তৃতীয় গর্ভাঙ্ক

বিল্বমঙ্গলের বাটীর বক্ষ, সম্মুখে শ্রাহকের আয়োজন ।

(বিল্বমঙ্গল ও পুরোহিত আসীন)

বিল্ব। এই ত বাপের পিণ্ডি দিলুম, এই নাও । সন্ধ্যা
হ'ল—তোমার যে মন্ত্র পড়বার ধুম !

পুরো। তুই বেলা ক'রেই ত সর্দনাশটা কল্লি । এম্মি
ছুটি যজমান হ'লেই আর আমাদের ক্রিয়া-কর্ম চ'লবে !
ব্রাহ্মণেরা উপবাস রয়েছে ।

বিল্ব। আর আমি বুঝি মাগুর মাছের ঝোল আর
ভাত খেয়েছি ?

পুরো। দেখ্‌, অমন করিস্‌ ত লোকে তোকে
জাতঃপাত ক'রবে ।

বিল্ব। যাও যাও, এখন তোমার কাজে যাও।—
ওরে ভোলা !

(ভোলার প্রবেশ)

এই পুরুন্ঠাকুরের বাড়ী এইগুলো দিয়ে আয় ; আর
মথুর ঠাকুরকে এইদিকে আসতে বল ।

ভোলা। আজ্ঞে, এখন মথুর ঠাকুর পরিবেশন
ক'রবেন, ব্রাহ্মণদের পাত হয়েছে ।

বিল্ব। সে থাক্‌, আগে আমার পাঁচ চেঙারি খাবার
এইখানে রেখে যাক্‌ । যাও না ঠাকুর, শালগ্রাম নিয়ে
যাওনা ।

পুরো। বলি, তোর আক্কেলটা গুন্‌চি,—রাধেক্ষ !

[প্রস্থান ।

বিল্ব। দেখ্‌ ভোলা, তুই দাঁড়িয়ে থেকে ভাল ভাল
জিনিস সব তুলে আন্‌বি—পাঁচখানা চেঙারি ।

[ভোলার প্রস্থান ।

ধরনা—চিন্তামণি, থাক,—তুই; থাকব মাসী আছে
ভুনিচি, এই ধর—তিন। চিন্তামণির আর একখানা
ধর—চার; ও তিনখানাই ধর—পাঁচ। আমি এখন
আর খাবনা, দেরি পড়ে যাবে; চিন্তামণির সঙ্গে একসঙ্গে
খাব। (আকাশে দৃষ্টিপাত করিয়া) ইস্! এই সা'বুলে!
পশ্চিমে মেঘখানা বড় উঠেছে;—উঃ, বেজায় বড়!

(ভোলার পুনঃ প্রবেশ)

ভোলা। ওগো বামুনদের পাতা উড়ে গেল!

বিল্ব। তা যাক্; তুই পাঁচ চেংড়া খাবার এনে
এইখানে রাখ্ না, একটা লোক সঙ্গে ক'রে খেয়াঘাটে দিয়ে
আসিস্। আমি নৌকা দেখতে চ'ল্লেন। আমি পাইখানা
যাবার নাম ক'রে বেরিয়ে পড়ি, কেউ যদি খোজে, বলিস্
—আমার বড় জর। (অদূরে দাওয়ানকে দেখিয়া) আ
ম'ল! আবার দাওয়ান ব্যাটা এল।

(দাওয়ানের প্রবেশ)

দাওয়ান। (স্বগত) ঘরের ভিতর সব পাত ক'রে দিষ্ট;
মুঘলের ধারে বৃষ্টি এসেছে। (সহসা ভোলাকে দেখিয়া)
ভোলা, এখানে দাঁড়িয়ে কেন রে?

বিল্ব। কাজ আছে, তুমি পাত করগে, যাও।

দাওয়ান। মশাই, ব্রাহ্মণভোজন পণ্ড হই।

বিল্ব। হ'ক। পরশু আমার একশ' টাকা চাই,
যেখান থেকে পাও, ঠিক রাখতে চাও; বুঝেছ?

দাওয়ান। আর টাকা চাইলে বাড়ী বাঁধা ভিন্ন উপায়
নাই।

বিল্ব। তা, যেমন ক'রে হয়।

দাওয়ান। দাঁড়ান মশাই, আমি এখন পাত করিগে।

বিল্ব। দেখ, টাকা চাই, না পেনে টের পাবে।

দাওয়ান। যে আজ্ঞে। (স্বগত) চাকরী আর বেশী
দিন কত্তে হবে না।

[প্রস্থান।

বিল্ব। উঃ! বেজায় বৃষ্টি, কিন্তু এ সময়ে না বেরুলে
নৌকা ঠিক কত্তে পার'বনা। যা ভাড়া লাগে, পার হ'তেই
হবে।

[প্রস্থান।

ভোলা। এই যে সিদ্ধুকের চাবি ভুলে গিয়েছে!

মাইনে যত পাব, তা'ত বুঝতে পেরেছি; আজ যা পাই,
তাই নিয়ে সটকাই।

[প্রস্থান।

চতুর্থ গর্ভাঙ্ক

নদীতীর—শ্মশান

ঝোপের পাশে চিতা জ্বালাইয়া পাগলিনী উপবিষ্টা।

(বিশ্বমঙ্গলের প্রবেশ)

বিল্ব। দেখি, আর ছ' ক্রোশ পরে আর একটা
খেয়াঘাট আছে।—একখানা কি জেলেডিক্টিও বাঁধা
থাকতে নেই? একখানা ভেলা টেলা, কাট টাট্—কত
কি যে নদীর ধারে থাকে—তা কি একটা নেই? উঃ!
মুঘলের ধারে বৃষ্টি! রাগ ক'রে এসেছি; ব'লে এসেছি,
আ'সব না;—চিন্তামণি হয় ত নদীর ধারে দাঁড়িয়ে
ভিজ্ছে। আহা প্রাণেশ্বর! আমার ছ'জনে যেন
চক্রবাক চক্রবাকী—মাঝে এই প্রবল নদী।—এ ঝোপটার
পাশে আলোটা কি? এ শ্মশানে চিতের আলো, এ
বৃষ্টিতেও চিতের আগুন নেবেনা! কালস্বরূপ নদী কারও
কথা শোনে না, চ'লেছে! আমার যে প্রাণ যায়। উঃ!
কি ভয়ঙ্কর তুফান, কি ভয়ঙ্কর গর্জন, যেন পিশাচ যুদ্ধ ক'চ্ছে!
প্রাণ, তোরে আমি তুচ্ছ ক'রুম, কিন্তু চিন্তামণিকে
যে দেখতে পাব না। উঃ! কি করি? তারও
প্রাণ এমনি হ'চ্ছে; স্বীলোক- কি ক'ববে? নৈলে নদী
পার হয়ে এসে, আমার গলা ধ'রে কেঁদে আমায় তিরস্কার
কত্ত। চিন্তামণি আমার, আমি চিন্তামণির; আমার প্রাণ
নয়, চিন্তামণির প্রাণ—সে যে আমায় ভালবাসে। কি
করি? কেমন ক'রে পার হই? এ ছুরন্ত তরঙ্গ! শ্মশান
থেকে একখানা মোটা কাঠ এনে দেখি। (কিঞ্চিৎ
অগ্রসর হইয়া পাগলিনীকে দেখিয়া) এ কি পেত্নী নাকি?
পেত্নী বৈ কি; ঐ যে মড়ার মাথা পুড়িয়ে থাকে! ওরা
মনে ক'লে পার ক'রে দিতে পারে; বলি, এয়েও প্রাণ
গেছে, অয়েও প্রাণ গেছে। (পাগলিনীর প্রতি) ওগো,
তোমায় আমি যোড়শোপচারে পূজা দোব, তুমি যদি
আমায় পার ক'রে দাও। মা, কৃপা ক'রে কথা কও,
চিন্তামণির জন্ত আমার প্রাণ বড় ব্যাকুল হ'য়েছে।

পাগ। (বেগে দণ্ডায়মান হইয়া)

কই সই কই চিন্তামণি ?

বল,

কোথা গেল ?

হৃদয়ের মণিহারি আমি পাগলিনী ।

দেখ দেখ এসেছি শ্মশানে,—

সে ত নাই লো এখানে,

পর্কিত-গুহায়, নিবিড় কাননে,

তারই অনেষণে কেঁদে গেছে কত দিন ।

কভু ভস্ম মাখি গায়—

এ প্রাণের জ্বালা না জুড়ায়,

শূন্তে শূন্তে ফিরি, বৃকে বজ্র ধরি,—

সে কোথায় দেখা ত হ'লনা !

হৃদয়ের চাঁদ, দেখি মাত্র সাধ,

তাতে বাদ কেবা সাধে ?

কই—কই চিন্তামণি !

বিশ্ব। (স্বগত) এ কে! চিন্তামণিকে ডাক্চে কেন ? এ ত পেত্নী নয় ; পাগল বোধ হ'ছে। (প্রকাশে)
হ্যা গা, চিন্তামণি তোমার কে ?

পাগ। সে আমার গো, সে আমার ; নাম ধ'রে ডাকিনি ; ছি ! লজ্জা করে।

বিশ্ব। চিন্তামণি ত মেয়ে মানুষের নাম ?

পাগ। চিন্তামণি—কভু এলোকেশী

উলঙ্গিনী ধনী,

বরাভয়করা ভক্তমনোহরা

শবোপরে নাচে বামা।

কভু ধরে বাঁশী,

ব্রজবাসী বিভোর সে তানে !

কভু রজত-ভূধর—

দিগম্বর জটাজুট শিরে,

নৃত্য করে বব বম্ বলি' গালে।

কভু রাসরসময়ী প্রেমের প্রতিমা,

সে রূপের দিতে নারি সীমা ;—

প্রেমে চলে, বনমালা গলে,

কাঁদে বামা—

“কোথা বনমালী” ব'লে।

একা সাজে পুরুষ প্রকৃতি ;

বিপরীত রতি,—

কেহ সব, কেহ বা চঞ্চলা।

কভু একাকার,

নাহি আর কালের গমন ;

নাহি হিল্লোল কল্লোল,

স্থির—স্থির সমুদয় ;

নাহি—নাহি “ফুরাইল” বাক ;—

বর্তমান বিরাজিত।

বিশ্ব। আমার চিন্তামণি! আমি এতদিনেও তার রূপের সীমা পেলুম না। আহা সে রূপ দেখতে দেখতে বাক্ ফুরিয়ে যায়ই বটে! কি ক'ব্ব? কেমন ক'রে যাব? চিন্তামণি! চিন্তামণি! বুঝি এই নদীকুলেই প্রাণ যাবে।

পাগ। প্রাণ ত যাবার নয়, প্রাণ যাবেনা। জলে ঝাঁপ দে দেখিছি—জল শুকিয়ে যায়! আগুনে ঝাঁপ দে দেখিছি—আগুন নিবে যায়! হায়! সে মনচোরা কোথায়? চল সখি, ছু'জনে ছু'দিকে যাই, তারে খুঁজি। মা! মা! কোথায় তুমি? শ্মশানভূমি আলো ক'রে এস মা!

বিশ্ব। নিবিড় অন্ধকার; দিক নির্ণয় করা দুষ্কর! সত্য কি প্রাণ যাবার নয়? ওহো, যদি প্রাণ যায়, চিন্তামণিকে আর দেখতে পাবনা। মেঘগজ্জন, তোমার ভয় করিনা; তরঙ্গ, তোমারও কলকল নাদে ভয় করিনা; দেহ, তোরও মমতা রাখিনা; কিন্তু চিন্তামণিকে যে আর দেখতে পাবনা, ঐ ভয়। নৈলে তুমি নদী নও, গোখুর জল; আমি সমুদ্রে ঝাঁপ দিতে প্রস্তুত!—চিন্তামণি! চিন্তামণি!

পাগ।— (গীত)

কানেড়া (মিশ্র)—একতারা।

সাধে কি গো শ্মশানবাসিনী।

পাগলে ক'রেছে পাগল, তাই ত ঘরে থাকিনি।

সে কোথা একলা বসে,

নয়নজলে বয়ান বাসে,

আমাহারা দিশেহারা, ডাক্চে কত না জানি!

ওই যেন সে পাগল আমার,

দেখ্চি যেন মুখখানি তার,

ঘোর যামিনী, একলা আছে প্রাণের চিন্তামণি।

[প্রস্থান।

বিল্ব। যাব, চিন্তামণিকে দেখব। চিন্তামণি!
চিন্তামণি !!

[জলে বাষ্পপ্রদান।

দ্বিতীয় অঙ্ক

—*—

প্রথম গর্ভাঙ্ক

চিন্তামণির বাটী—থাকর ঘরের দাওয়া।

(সাধক ও ভিক্ষুর প্রবেশ)

সাধক। বলি তোমার এ বাড়ীতে কাজ ছিল কি ?

ভিক্ষুক। আমার কি আর কাজ থাকতে নেই ? যখন কথা দিয়েছি, তোমার কাছে গাফিলি পাবেনা।

সাধক। বলি, তবু কি শুনি ?

ভিক্ষুক। ঠিকে কাজ। ঐ যে বাড়ীর গিন্নী আছেন, তাঁর মাল্যুঘটি আমায় ব'ল্লেন, “যতক্ষণ না আমি আসি, তুই নজর রাখবি—কে আসে যায়।” দোরগোড়ায় ছিলুম ; ঝড়-ঝাপটায় ঘরে এসে ঢুকিছি। মাগীরে পরকে ঠকায় বটে, আপনারাও ঠকে ;—বল্লুম, “বাবা বিদেশী অতিথি” ; তাই চাঁড়ে মুড়কি দই—ফলার করালৈ। কিন্তু শেষটা চিনে ফেলৈ,—বল্লৈ, “সেই পোড়ারমুখো রে—সেই পোড়ারমুখো ; ঐ পোড়ার মুখো পাঠিয়ে দিয়েছে।” বাঁটা ঝাড়ছিল, বড় ঝড়-বৃষ্টি দেখে “মা মা” শব্দ করে কেঁদে ফেল্লুম। এই দাওয়ায় এক কোণ দিয়েছে। বাবা, তুমি ত দেখ'চি সারারাতটা মশা তাড়ালে, ব্যাপারখানা কি ?

সাধক। তুমি এতক্ষণ ছিলে জানলে আমি দুটো কথা শেখাতুম।

ভিক্ষুক। আর কথা শিখিয়ে কাজ নেই ; এই বাদলার দিন—ঐখানেই একটু মুড়ি দে ঘুমোও। চেলাগিরি ত ? ও আমি খুব জানি।

সাধক। আরে না না ; থাক এলে বল যে আমি খুব সাধু।

ভিক্ষুক। বলি, থাকর সঙ্গে ব্যাপারখানা কি বল

দেখি ? তোমার ভৈরবী পাকাচ্ ? দেখ, হেথা খুরের ধার ; গুরুগিরি চেলাগিরি চ'লবে না। তোমায় আসতে বলেছিল, তা আমি শুনিচি—সেই, যখন সেই কৃষ্ণপ্রেম ভজাচ্ছিলে। তোমায় আগে একটু না চিন্লে আমার রীতের কথা খুলতুম না।

সাধক। কেন, তুমি আমার চেলা ব'লে পরিচয় দেবে, তা দোষ কি ?

ভিক্ষুক। দেখ, তুমি খুব সেজেচ গুজেচ বটে ; কিন্তু তুমি চার আনা বখ'রারও যুগিয়া নও। বলি, আ'কল নেই ? সকাল বেলা গুরু শিষ্যে দেখা নেই, আর রাতছপুরে “গুরবে নমঃ” !

সাধক। তবে তুমি একটু স'রে যাও, আমি থাকর সঙ্গে নিরিবিলি দুটো কথা কব।

ভিক্ষুক। ভোর বেলা ক'য়ো এখন। ভোর না হ'লে ত আর তার দেখা পাচ্চনা, সে এখন ছাপরখাটে শুয়েছে ; রুদ্রাঙ্গির ঠক'ঠকানিতে কি আর সে উঠবে ? টাকার শব্দ বত্তে পাত্তে ত সে কথা ছিল। ব্যবসাটা জমিয়ে কিছু হাতে কর, তারপর এস।—দেখ, তোমার ভৈরবীর জন্তে সে পাগলীটাকে জোটাবার চেষ্টায় গিয়েছিলুম, ভয় হলো, বাবা ! বেটী শ্মশানবাগে চ'লে গেল।

সাধক। আমার ভৈরবী কেন ? আমি তোমার ভৈরবীর জন্তে বলেছিলুম।

ভিক্ষুক। ও হরি ! আমি তা বুঝতে পারি নি। তুমি আবার সৌখীন, সে ভৈরবী মন ধ'চ্ছেনা ; তাই থাকমণির কাছে এসেচ ! দেখ, আমরা এক আঁচড়ে মাল্যুঘ চিনি ; (উদ্বৃত্তে থাকর পদশব্দ শুনিয়া) থাকমণি কি ভৈরবী—ও ভৈরব ! দেখনা, ব্রহ্মদত্তের মতন চ'লে আস্চে ! (মুড়ি দিয়া শয়ন)

(থাকর প্রবেশ)

থাক। (স্বগত) ছ' পোড়ারমুখো দাওয়ায় ব'সে আছে ; তালা ভেঙ্গে ত সে'দোয়নি ? কে জানে, চোর কি না ! (প্রকাশে) বলি, মশায় আছেন কি ?

সাধক। (স্বর করিয়া) হ' আছি।

থাক। (স্বগত) আমার আহ্লাদে গোপাল ! বিবি বাজের ডাকে মুছে' যান ! (প্রকাশে) তার আজ মাল্যুঘ

আসেনি ব'লে আটকে রেখেছিল ; আমি কতক্ষণে আসি, কতক্ষণে আসি, মনে কতে কতে ঘুমিয়ে গেছি। বড় ক্লেশ হুয়েছে, তামাক টামাক পাওনি, আর সন্ধ্যা থেকে ব'সে আছি ; তা কি ক'রুব বল ? আমার ত আর হাত নয়। এই আমি প্রদীপ জ্বালি, তামাক সেজে দিই, তার পর পিড়ে পেতে দাওয়াতে ব'সে তোমার কথা শুনি। (ভিতরে গমন)

ভিক্ষুক। বিশ্বাস দেখেছ ? ঘর ঢোকাবেনা ! দেখ, তুমি আমায় আর সাক্ষী টাক্ষী মেনো না, তা হ'লে ছ'জনেরই গলাধাক্কা !

থাক। (বাহিরে আসিয়া) আ মুয়ে আগুন ! তামাক ছ'ছিলিম এনে রাখ'ব, তা ভুলে গেছি।

সাধক। তা থাক, তামাক থাক ; তুমি ব'স। দেখ, আমি সেতুবন্ধ রামেশ্বর, হরিদ্বার,—সমস্ত বেড়িয়ে এসেছি, কিন্তু কোথাও মনের মতন মানুষ পেলুম না।

থাক। যা ব'লেন, ঐটি পাওয়া মুশ্কিল। এই প্রায় একুশ বছর বয়স হ'ল—ও কুড়িও যার নাম, একুশও তার নাম—কুড়ি এখনও পোরে নি, এই চোং মাসে উনিশে প'ড়েছি,—তা, বই, মনের মানুষ ত কোথাও খুঁজে পেলুম না।

সাধক। কিন্তু তুমি আমার মনের মতন।

থাক। আস্তে কথা কও, এক মড়া ভিকিরী দাওয়ায় শুয়ে আছে। তা দেখুন, আমি আপনার মন যোগাতে পা'রুব কি ?

সাধক। আমার বড় সাধ, তোমায় রাধা-প্রেম শেখাই।

থাক। আমায় যা শেখাবেন, আমি আর ভুলবনা।

সাধক। তবে মন দে শোন। বলি, ত'রুতে ত হবে—এ ভবসমুদ্র ত'রুতে ত হবে ?

থাক। তা বটে ত।

সাধক। তাই তোমায় ব'লছি, বেষ্টাবৃত্তি ছেড়ে দাও ; পাঁচজনের মুখ আর চেয়োনা।

থাক। আমি তেমন মানুষ নই ; যদি আপনার সঙ্গে আলাপ হয় ত আপনি বৃদ্ধিতে পারবেন। আমি হরি নাম না ক'রে জল খাইনি ; আর যে মানুষ অল্পগ্রহ ক'রে আমার কাছে আসেন, তাঁকে আমি স্বামীর মতন দেখি ; আর

পরপুরুষের মুখ দেখিনা। আমি একাদিক্রমে বাইশ বছর একজনের কাছে ছিলাম।

সাধক। দেখ, তুমি আমার ভাব বৃদ্ধিতে পা'চ্চনা ! রাখা রাখির কথা নয়, এ প্রেমের কথা।

থাক। তা ত বটেই, তা ত বটেই ; হাজার হ'ক আমি মেয়েমানুষ। ভাল ক'রে বৃদ্ধিয়ে দিলে বৃদ্ধিতে পা'রুব।

সাধক। দেখ, এক কথায় বলি,—আমি তোমায় দেখব যেন রাধা, আর তুমি আমায় দেখবে যেন কৃষ্ণ। তারপর যা খুসি তা কর, আর পাপ নেই। কেমন, রাধা হ'তে পা'রবে ?

থাক। আপনি আমায় ভাল ক'রে বলুন ; আমি ভাল বৃদ্ধিতে পাচ্চিনা।

সাধক। দেখ, তুমি আমার রাসরসময়ী রাধা হও। তুমি মান ক'রবে, আমি পায়ে ধ'রে ভাঙব ; আমি বাঁশী বাজাব—তুমি “কৃষ্ণ কই, কৃষ্ণ কই” ব'লে অর্ধৈর্ষ্য হবে।

থাক। তা আমি সব পা'রুব। আপনি যদি আমার ভার নেন্ ত,—আমার একটা পেট আর একখানা কাপড় ; বিছানা মাত্র ক'রে দাও, তুমিই ব'সবে ; গয়নাগাঁটি তোমার মন হয় দিও, না হয় না দিও।

সাধক। দেখ, আমি ব্রহ্মচারী, আমার কিছু সঙ্গতি নেই ; তবে ছুটো একটা বিড়া জানি ;—এই হরিতালভস্ম, তাঁবাকে সোণা করা,—তোমাকে শিথিয়ে দোব।

থাক। ঔ্যা ! তাঁবাকে সোণা কতে জানেন ?

সাধক। গুরুর কৃপায় কতক জানি।

থাক। তবে আপনি আমার মতন দশটাকে প্রতি-পালন কতে পারেন। (স্বগত) এ কি দমবাজি কতে এসেচে না কি ?

সাধক। আমি বিটাই শিথিছি, কব্বার যো নেই—গুরুর নিষেধ আছে। তবে শিথিয়ে দিতে পারি, তুমি যদি আমার রাধা হও—আর এক বৎসর মন যুগিয়ে চল, তবে তোমায় বিড়া দোব।

থাক। (স্বগত) মিসে দমবাজ, তাড়াই ; নইলে ঘুমুনো হবেনা। (প্রকাশে) তা দেখুন, আপনি আস্তানায় যান ; আমি একটু গড়াইগে। (ভিক্ষকের প্রতি) বলি,

ও পোড়ারমুখো, তুইও ওঠ, আমি ঘুমুইগে। (সাধকের প্রতি) আপনি উঠুন, আর দেবী ক'রবেন না।

(প্রাচীর হইতে বিশ্বমঙ্গলের পতন)

ও মা গো, বাবা গো, মাসি গো, দেখসে গো, ওগো, ডাকাত গো! এরা সব কেটে ফেল্লে গো!

(নেপথ্যে চিন্তামণি।) কি রে থাকি? কি রে থাকি?

থাক। ওগো মাসি গো, আনো নে শীগগির এস গো! প'ড়ে কে গো গো ক'ছে গো!

(আলো লইয়া চিন্তামণির প্রবেশ)

চিন্তা। কি রে? কি রে?

থাক। (বিশ্বমঙ্গলকে দেখিয়া) ও মা, এ যে মেসো গো!

চিন্তা। অ্যা অ্যা! পোড়ারমুখো এখন জ্বালাতে এসেচ? গোঁ গোঁ ক'ছে কেন? ও মুখপোড়া, গোঁ গোঁ ক'চ্চিস্ কেন?

থাক। ও গো, এই পাচীল থেকে লাফিয়ে প'ড়েছে—কেনন বেকায়দায় প'ড়েচে।

চিন্তা। অ্যা! মিসে হাতে দড়ি দেবার যোগাড় ক'রেচে! ও মা—এমন জ্বলনেও প'ড়লুম।

বিশ্ব। চিন্তামণি, একটু জ্বল দাও।

থাক। ওগো, আছে গো আছে!

চিন্তা। থাকবে না ত জ্বালাবে কে?

থাক। ও গো, তোমরা একবার এখানে এসনা গা, ধরাধরি ক'রে ঘরে নে যাই।

বিশ্ব। না, আমার কারকে ধ'ত্তে হবেনা; চিন্তামণি, তোমার গলা ধ'রে আমি ঘরে যাই।

চিন্তা। নে থাকি, হাত ধর, তোলা নাও-ওঠ।

থাক। মেসো, তোমার কি আক্কেল গা?

চিন্তা। থাকি, তুই যেন খুকী, কথার ভাব বুঝিসনি। মন্যেবেলা ভিকিরী মড়াকে পাঠিয়েছিল, রাত দুপুরে দেখতে এয়েচে—মানুষ নে আছি, কি একলা আছি।

বিশ্ব। চিন্তামণি, তোমায় দেখতে এসেচি, চিন্তামণি!

চিন্তা। (একটা দুর্গন্ধ পাইয়া) ও মা, গেলুম গো! বি দুর্গন্ধ গা!

[বিশ্বমঙ্গল, চিন্তামণি ও থাকর প্রস্থান।

ভিক্ষুক। দেখ, তোমার বখরা হু' আনা—হু' আনা; এই হাতে এসেছ ছুঁচ্ বেচতে? আর ভাব্ চ কি? স'রে পড়, এসে ঝাটা বন্দোবস্ত ক'রবে! আমিও স'রতুম, তবে কি না, আমার কিছু পিতেশ আছে।

(থাকর পুনঃ প্রবেশ)

থাক। থু থু থু! মাসি, দেখ ত গা, মেসো গায়ে ত কিছু মেখে আসেনি? থু থু! এ যে নাড়ী উঠে গেল গা! পচা মড়ার গন্ধ যে গা!

(চিন্তামণির পুনঃ প্রবেশ)

চিন্তা। ওলো থাকি, সর্দনাশ ক'রেছে! পচা মাস—পোকা থিক্ থিক্ ক'ছে! বিছানা মাদুর সব ভ'রে গেছে লো, সব ভ'রে গেছে! আমি মাথা মুড় খুঁড়ে ন'রব।

সাধক। বলি থাক, তবে আদি?

চিন্তা। ও গো এ মড়া কে লা? আবার লোক পাঠিয়েছিল বুঝি?

থাক। বলি হ্যা গা, তুমি এখনো রয়েচ? একবার ব'ল্লে কথা শোন না কেন বল দেখি?

সাধক। কাল একবার দেখা ক'রব, কি বল?

থাক। এখন যাও, তা তখন দেখা যাবে।

[সাধকের প্রস্থান।

ভিক্ষুক। ঠাকুরণ, আমি এতক্ষণ সটুকাতুম; তা আমি কিছু পাব।

চিন্তা। হ্যা, তুই দাঁড়া ত, দাঁড়া ত। কেনন মুখ নাড়া দে ব'ল্চে যে, মানুষ ধ'ত্তে আশিনি, তোমায় দেখতে এয়েচি। তবে এ মড়াকে পাঠিয়েছিল কেন? আচ্ছা, ও ঝড়্ বৃষ্টিতে নদী পেরুলো কি ক'রে? শ্রাদ্ধ ফ্রাদ্ধ সব মিছে, এ পারে কোথা ব'সেছিল।—আর, পাচীল টপ-কালেই বা কি ক'রে? তেলপানা পাচীল, খড়া ফড়া ত নেই।

(বিশ্বমঙ্গলের প্রবেশ)

বিশ্ব। কেন চিন্তামণি? তুমি যে দড়ি ফেলে রেখে-ছিলে, চিন্তামণি!

চিন্তা। শুন্চিস্ লা, ঠাট্টা শুন্চিস্? আমি মানুষের

জন্তে দড়ি ফেলে রাখি!

বিশ্ব। সত্য, চিন্তামণি, দড়ি ধ'রে উঠিচি।

চিন্তা। থাকি, তুই আমার বয়সে বড়; তোর সাক্ষাতে ব'ল্চি বাছা—এমন জ্বলনে আর কখন পড়িনি। একটা পয়সা চাইলে সাত দিন ভাঁড়া-ভাঁড়ি; বাড়ী ঘর দোর—সব বাঁধা প'ড়েচে; এখন মই বেয়ে পাঁচীল টপকে লোকের বাড়ীর ভিতর পড়া!

বিশ্ব। সত্য, চিন্তামণি, মই দে উঠিনি, দড়ি দে উঠেছি। আর দাওয়ানকে আজ ব'লে এসেচি, পরশু এক শ' টাকা এনে দেবে।

চিন্তা। তবে রে মড়া! খেংরায় বিষ ঝেড়ে দোব, নোর দড়ি দেখাবি চল ত।

বিশ্ব। চল, চিন্তামণি, আমি দড়ি দেখাব, চল।

চিন্তা। (থাকর প্রতি) আয় ত, আয় ত, ফরনা হয়েছে; দেখি, ওর দড়ি কেমন।

[থাক, চিন্তামণি ও বিশ্বমঙ্গলের প্রস্থান।

ভিক্ষুক। আজকের গতিক ভাল নয়, রাত্তিরের মজুরীটাই গেল। “গেল” কি ব'ল্চি বাবা? রাত্তিরবাসই লাভ। সাক্ষী ফাক্ষী কাজনি বাবা; হাকিমরে আপনারাই নকদমা ক'রবে এখন। ব'ল্চে ত মিছে নয়,—এ রাত্তিরে নদী পেরুল কি ক'রে? আর, আমিও ত ঠাণ্ডর ঠোর রেখেচি, পাঁচীল বাইবার খো নেই, বাবা! এ কি মই লাগিয়ে পিরীত? তফাৎ থেকে মজাটা দেখে যাই।

[প্রস্থান।

দ্বিতীয় গর্ভাঙ্ক

প্রাচীর—মৃতসর্প লম্বমান

(বিশ্বমঙ্গল, চিন্তামণি, থাক ও ভিক্ষুকের প্রবেশ)

বিশ্ব। এই দেখ, দড়ি দেখ।

চিন্তা। কৈ, দেখি। (প্রাচীরের নিকট গিয়া) ওগো মাগো! এ যে অজগর গোখ'রো সাপ!

বিশ্ব। অ্যা! গোখ'রো সাপ!

ভিক্ষুক। ও গো ঠাকুরণ, হয়েছে;—সাপে যদি গর্ভে মুখ দেয়, লেজ ধ'রে টেনে মুখ বা'র কত্তে পারা যায় না। ভয় নেই, টানের চোটেই অঙ্কা পেয়েছে! (স্বগত) উঃ!

মাছুষটা যদি চোর হ'ত, সাতমহলের ভেতর থেকে টাকার তোড়া বা'র ক'রে আনতে পা'বৃত। [প্রস্থান।

থাক। (স্বগত) একেই বলি টান; একেই বলি মনের মাছুষ! নৈলে, হুদে পোড়ার মুখো? খেংরা মারি, খেংরা মারি!

চিন্তা। এ কি! তুমি কালসাপ ধ'রে উঠেছিলে! তুমি আমার মুখপানে চেয়ে রয়েছ যে?

বিশ্ব। তোমায় দেখ্চি।

চিন্তা। কি দেখ্চ?

বিশ্ব। তুমি বড় সুন্দর!

চিন্তা। তুমি নদী পেরুলে কি ক'রে?

বিশ্ব। আমি নদীতে ঝাঁপ দিলুম—ভাবলুম, সাত'রে পার হ'ব; কিন্তু বড় তুফান, মাঝখানে এসে ঢেউ লেগে আমার নিশ্বাস বন্ধ হ'য়ে যেতে লাগল; এমন সময় একখানা কাঠ ভেঙে যাচ্ছিল—

চিন্তা। তোমার গায়ে অত দুর্গন্ধ কিসের?

বিশ্ব। আমি ত তোমায় বলিচি, তা আমি ব'ল্চে পারিনি।

চিন্তা। সাপটা অনায়াসে ধ'রলে?

বিশ্ব। চিন্তামণি! বোধ হয়, তুমি কখন প্রাণ দাওনি, তা হ'লে বুঝতে, প্রাণ অতি তুচ্ছ; তা হ'লে জান্'তে, সাপেতে দড়িতে বিশেষ প্রভেদ নাই।

চিন্তা। তুমি কি উন্মাদ?

বিশ্ব। যদি আজও না বুঝে থাক, নিশ্চয় তুমি প্রেমিকা নও; কিন্তু তুমি অতি সুন্দর—অতি সুন্দর!

চিন্তা। কি ফ্যাল্ ফ্যাল্ ক'রে দেখ্চ?

বিশ্ব। দেখ্চি, তোমার কথা সত্য কি মিছে। আমি যে উন্মাদ, এ পরিচয় কি তুমি আগে পাওনি? তুমি নিদ্রা যাও, আমি সমস্ত রাত্রি তোমার মুখপানে চেয়ে থাকি, তুমি দীর্ঘনিঃশ্বাস ফেলে দশ দিক শূন্য দেখি, তোমার চক্ষে জল পড়লে আমার বুক শেল বাজে, এতেও কি বুঝতে পারনি—আমি উন্মাদ কি না? আমার সর্কস্ব ঋণে বিকিয়ে যা'চ্ছে, একবারও তার প্রতি চাইনি, মিন্দা অপের আভরণ করিচি। আজ কি তোমার বোধ হয়, এ কথা আমি সত্য ব'ল্চি? (সর্পের প্রতি দেখাইয়া) আমি উন্মাদ কি না, দেখ—প্রত্যক্ষ প্রমাণ দেখ! সত্য

চিন্তামণি, আমি উন্মাদ ; কিন্তু তুমি অতি সুন্দর—অতি সুন্দর !

চিন্তা। আচ্ছা, ব'ক্চ কেন ?

বিষ্ণু। জানিনা—অবশ্যই তুমি অতি সুন্দর, নইলে এতদিন কার পূজা করিচি ? তোমায় দেখিচি, তুমি দেবী কি রাক্ষসী। যদি দেবী হ'তে, আমার মনের ব্যথা বুঝতে ; নিশ্চয় তুমি রাক্ষসী ! কিন্তু অতি সুন্দর—অতি সুন্দর !

চিন্তা। চল, তুমি কি কাঠ ধ'রে এলে, আমি দেখব।

বিষ্ণু। তোমার এখনও অবিশ্বাস ? চল।

(টহলদারদিগের প্রবেশ ও গীত)

ভৈরবী—কারুকা।

কি ছার আর কেন মায়া, কাকন-কায়া ত হবে না।
দিন যাবে, দিন হবে না ত, কি হবে তোর তবে ?
আজ পোহালে কাল কি হবে, দিন পাবি তুই কবে ?
সাধ কখন' মেটেনা ভাই, সাধে পড়ুক বাজ,
বেলাবেলি চল রে চলি, সাধি আপন কাজ ;
কেউ কারো নয় দেখ' না চেয়ে, কবে ফুটেবে আঁধি ?
আপন রতন বেছে নে চল, হরি ব'লে ডাকি।

[শুনিতে শুনিতে সকলের প্রস্থান।]

তৃতীয় গর্ভাঙ্ক

নদীকূল—গলিত গব পতিত

(বিষ্ণুমঞ্জল, চিন্তামণি ও থাকর প্রবেশ)

বিষ্ণু। সত্য, সকলই মায়া ! কই, কেউ ত আমার আপনার দেখিনি ;—যার জন্তে জলে ঝাঁপ দিলুম, সে ত আমার নয় ! আর কেউ কোথাও কি আমার আছে ? একবার দেখলে হয়।

চিন্তা। উঃ ! এখনও নদী যেন রণমুখী ! নদী চার পো হ'য়েছে ! ঝাঁপ দিতে সাহস হ'ল ? কৈ কাঠ কৈ ?

বিষ্ণু। ঐ।

চিন্তা। (কিঞ্চিং অগ্রসর হইয়া দেখিয়া) এ কি !
এ যে পচা মড়া ! দেখ, আর আমার অবিশ্বাস নেই !
তুমি সত্যই উন্মাদ !—তোমার ঘৃণা নেই, লজ্জা নেই, ভয়
নেই, তুমি দড়ি ব'লে সাপ ধর, কাঠ ব'লে পচা মড়া ধর !
দেখ, আমি একদিন কথা শুন্তে গিয়েছিলুম, আমার আজ
কথাটি মনে প'ড়ল। এই মন, আমি বেথা—যদি আমায়

না দিয়ে, হরিপাদপদ্মে দিতে—তোমার কাজ হ'ত !
তোমায় আর অধিক কি ব'লব ! তুমি পচা মড়া ধ'রে
রাস্তিরে নদী পার হ'য়ে এলে ! গায়ে কাঁটা দেয় !—
সাপের লেজ ধ'রে উঠলে ! দেখ, আমাদের সকলই ভাণ
বোধ হয় ; কিন্তু এ যদি ভাণ হয়, এমন ভাণ কিন্তু কখন
দেখি নি।

বিষ্ণু। (স্বগত) এই পরিণাম !

এই নরদেহ—

জলে ভেসে যায়,

ছিঁড়ে খায় কুকুর শৃগাল,

কিন্ধা চিতাভস্ম পবন উড়ায় !

এই নারী—এরও এই পরিণাম !

নশ্বর সংসারে,

তবে হয় ! প্রাণ দিছি কারে ?

কার তরে শবে করি আলিঙ্গন ?

দারুণ বন্ধনে ছায়ায় বাঁধিয়া রাখি।

ওই উষা—ও'ও ছায়া !

মিথ্যা—মিথ্যা—মিথ্যা এ সকলি !

হেরি আজ নিবিড় আঁধার ;—

আমি কার, কে আছে আমার ?

কার তরে জীবনের উত্তাপ বহন ?

শূন্য অভিপ্রায়ে,

ঘুরিতেছি নশ্বর—নশ্বর ছায়া মাঝে !

কোথা, কে আছে আমার ?

দেখা দাও, যদি থাক কেহ—

জুড়াই প্রাণের জালা,

প্রাণ মন করি সমর্পণ।

কদাকার ছায়ার সংসার,

হেথা কোথা প্রেমের আঁধার ?

কোথায় সে প্রেমের পাথার—

মন প্রেমের প্রবাহ মিশে যায় হ'বে লয় ?

কোথা আছে কে আমার, বল ;

সাধ হয় দেখিতে তোমারে ;—

আত্মজন দেখি নাই জন্মাবধি !

কোথা যাব ? কোথা দেখা পাব ?

অন্ধকার মাঝে হ'য়ে আছি দিশেহারা—

কে দেখাবে আলো ?

খুঁজে ল'ব আমার যে জন ।

• (গান করিতে করিতে পাগলিনীর প্রবেশ)

ছায়ানট—মধ্যমান ।

পাগ ।— আমায় নিয়ে বেড়ায় হাত ধরে ;
যেখানে যাই, সে যায় পাছে, আমায় ব'লতে হয়না জোর করে ।
মুখখানি সে যত্নে মুছায়, আমার মুখের পানে চায়,
আমি হাস'লে হাসে, কাঁদলে কাঁদে, কত রাখে আদরে ;
আমি জানতে এলেম তাই, কে বলে রে আপনার রতন নাই,
সত্যি মিছে দেখ'না কাছে, কক্ষে কথা সোহাগভরে ।

[পাগলিনীর প্রস্থান ।

চিন্তা । আহা ! কি মিষ্টি গায় !

বিষ । আমার কি কেউ নাই ? অবশ্যই আছে—
আমিই অন্ধকারে দেখতে পাচ্ছি নি ; আছে—আমার
কাছে কাছে আছে ! নৈলে, ঘোরতর তরঙ্গমধ্যে কে
আমায় শবদেহ ভেলা দিলে ? করাল কালসর্পের দংশন
হ'তে কে আমায় বাঁচালে ? কে আমায় ব'লে দিলে,
“সংসারে আমার কেউ নাই ।” কে আমায় এখন ব'ল্চে,
“আমি তোমার আছি ।” কে তুমি ? তোমার কি রূপ ?
অবশ্যই তুমি পরম সুন্দর ! দেখা দাও, কথা কও, আমার
প্রাণ জুড়াও । এই যে, তুমি আমার কাছে আছ ; আমি
অন্ধ, তোমায় দেখতে পাচ্ছি নি । কে আমায় চক্ষু দেবে ?
আমি কোথায় যাব ?

[প্রস্থান ।

চিন্তা । কোথা চ'ল্ল ! এ কি বিবাগী হ'ল নাকি ?
বোধ হয় । তা হ'লে আমারও কেউ আপনার নাই ।
দেখতে হ'ল ।

[প্রস্থান ।

থাক । আমি এমন ত কখন দেখি নি !

[প্রস্থান ।

তৃতীয় অঙ্ক

—:—

প্রথম গর্ভাঙ্ক

পথ

সোমগিরি ও বিষমঙ্গল ।

সোম । আপনি দেখ'চি বিদেশী ; আমার বোধ
হ'ছে, আপনি একজন ত্যাগী পুরুষ । আজ রাত্রে যদি
আচ্ছাদন না থাকে, আপনি আমার সঙ্গে এলে কৃতার্থ হই ।
বিষ । হে ব্রহ্মচারি, কে আমার—ব'লতে পারেন ?
সংসারে ত আমার বল'বার কেউ দেখ'চিনি ! ব'লে দিন—
আমার কে, ব'লে দিন ।

সোম । আপনি প্রেমোন্মাদ মহাপুরুষ, আপনাকে
নমস্কার করি ।

বিষ । আপনি যে হন, আমি হীন লম্পট—আমায়
নমস্কার করবেন না ; আপনার চরণে আমার নমস্কার ।—

ওহো ! শূণ্যগার হৃদয় আমার !

কে আমার—এস হৃদি মাঝে ;

দারুণ আধারে, এ দেহ-পিঞ্জরে

প্রাণ আর রহিতে না পারে ।

হতাশ ! হতাশ !

একা আমি প্রাস্তুর মাঝারে !

কেবা আমি ?

কেন আমি এসেছি এখানে ?

কি হেতু উদাস ?

প্রাণ কিবা চায় ?

কে কোথায় আছ প্রেমময় ?—

প্রেম দিতে আছে বড় সাধ ।

সোম । আপনি ভাগ্যবান, প্রেমময়ী রাধা আপনাকে
প্রেমপূর্ণ করেছেন—আপনার কৃষ্ণপ্রেম জন্মেছে ।

বিষ । আপনি আমার গুরু ; প্রেমময়ী রাধা কে,
আমায় বলুন ।

সোম । গুরু ? সেই শ্রীকৃষ্ণই গুরু ; গুরু আর
কেউ নেই ।

বিষ । রাধা কে, আমায় বলুন ।

সোম । দেখুন, আমি রাধাকৃষ্ণের ছবি দেখেছি, প্রেমময়ীর অন্ত কিছুই পাই নি । আপনিও যদি রাধাকৃষ্ণের ছবি দেখে থাকেন, আপনি একবার ধ্যান করে দেখুন—যদি সেই প্রেমময়ীর কিছু মর্ম্ম বুঝতে পারেন ।

বিষ্ণু । (ধ্যানস্থ হইয়া) আহা ! সত্য—এত দিন চ'খে পড়ে নি ; সত্য, অতি সুন্দর ! এ ছবি কি সত্য দেখা যায় ? রাধাকৃষ্ণের কি দর্শন পাওয়া যায় ?

সোম । কৃষ্ণের রূপায় নকলই হয় ।

বিষ্ণু । কোথায় কৃষ্ণের দেখা পাব ?

সোম । কৃষ্ণকে ডাকুন, তিনিই ব'লে দেবেন, কোথায় তাঁর দেখা পাবেন ।

বিষ্ণু । আপনি কে ? আমার মৃত হৃদয়ে আশার সঞ্চার হ'চ্ছে কেন ? গুরুদেব ! আমায় পদে আশ্রয় দিন ।

সোম । আপনি ভাববেন না ; কৃষ্ণ আপনাকে আশ্রয় দিয়েছেন । আসুন, আজ আমার মনোবাঞ্ছা পূর্ণ করুন ।

বিষ্ণু । আপনাকে যখন পেয়েছি, পায়ে ঠেলবেন না ; আপনার সঙ্গ আমি কখন' ছাড়ব না । আপনি আমার দক্ষ হৃদয়ে আশার সঞ্চার ক'ল্লেন ; যদি কখন' আমার আশা পূর্ণ হয়, সে আপনারই রূপায় ।

[উভয়ের প্রস্থান ।

দ্বিতীয় গর্ভাঙ্ক

চিন্তামণির বাটীর সম্মুখ

(চিন্তামণি ও থাকর প্রবেশ)

থাক । ষলি, মাসি, তুমি দেখ্‌চি, বাছা, ভালবাস । ব'লবে, “ভালবাসি ব'লে গা'ল দিচ্ছে” ; তা নয় । খাওয়া নেই, নাওয়া নেই, রাত-দিন ব'সে ব'সে ভাবনা । যদি যাঁয়ই, মানুষ কি আর জুটবে না গা ? আর, সে রাগ ক'রে যাবে কোথা ? বেটা দশদিন থাকুক—পোনেরো দিন থাকুক—এক মাস থাকুক—

চিন্তা । থাকি, সে আর আসবে না ।

থাক । না, আসবে না ! তোমার, বাছা, রাগ হ'লে ত জ্ঞান থাকে না ; যা মুখে বেরোয়, বল । সেয়ানা বেটা ছেলে, তাই দু'দিন চেপে দেখ্‌চে ।

চিন্তা । থাকি, তুই তাকে চিনিস্‌ নি ;—সে আমা ভিন্ন জানতো না ; সে যখন আমায় না দেখে তিন দিন আছে, সে ফাঁকি দে চ'লে গেছে ।

থাক । তা থাক্‌ গে ; তোমার'গতর স্মৃথে থাকুক । ঐ দত্তদের মেজ বাবু আমার সঙ্গে ইসারা ক'রে কত ব'লেচে ; তা আমি ও কথায় কাণ দিতুম না । সে ছ'খানা বাড়ী লিখে দিতে চায় ।

চিন্তা । আহা ! সে আমার জন্ম সর্ব্বত্যাগী হ'য়েছিল ; শেষটা আমিই তারে দেশত্যাগী কল্পম ।

থাক । ই্যা গা, তার বাড়ী রয়েছে, ঘর রয়েছে, সে কেন দেশত্যাগী হ'তে গেল গা ? তুই ত কিছু জান্‌লি নি, ও পুরুষের দম্ ।

চিন্তা । যদি রাগ ক'রে থাক্‌ত ত বাড়ীতে থাক্‌ত । শুনেছিলুম মানুষের বিরাগ জন্মায়, এ সেই বিরাগ ।

থাক । তুমি মনে ক'রেচ বুঝি, সে বৈরাগী হ'বে ? সে হয় অমন ঢের বেটা !

চিন্তা । আজ আমার চক্ষু খুলেচে ; আমি জান্তুম, ভালবাসা একটা কথার কথা ; তা নয়—ভালবাসা আছে । তারে এক দিনের তরে আমি মিষ্টি কথা বলিনি ; আমি ঘরে রাগ ক'রে দোর দিয়ে শুয়েছি—সমস্ত রাত ছাদে ব'সে আছে ; আমায় একবার ডাকেও নি,—পাছে আমার ঘুম ভেঙে যায় ; রাগ ক'রে যদি কখন' আমার চক্ষু দে জল পড়তো, শতধারে তার বুক ভেসে যেত । আমি এত দিনে জান্‌লুম, যে আমার ছিল—তাকে আমি ছ'পায়ে ঠেলেছি ।

থাক । ও মা, এ সংসারে কে কার, মা ? তবে, পেট বড় বালাই, তাই লোকালয়ে থাকতে হয়।—আশীর মুখ দেখা—তুমি ভেংচাপ্ত, ভেংচাবে ; হাস, হাসবে । পোড়া পেটের জন্তে পরকে আপনার ক'রে রাখতে হয় ।

চিন্তা । আপনার হয়, তবে ত । থাকি, সত্যি বল্‌চি, আপনার মানুষ পেয়েছিলুম, স্মৃথে থাকলে থাকতে পাত্তুম ; কিন্তু এখন আর আমার কেউ নেই । আমি রাজরাণী হ'তে পাত্তুম ; এখন আমি যে ঘৃণিত বেশা ছিলুম সেই ঘৃণিত বেশা !

থাক । “কেউ নেই, কেউ নেই” ক'র না । হরি আছেন, ভাবছ কেন ?

চিন্তা । হরি কি আমার মতন পাপীয়সীকে রূপা ক'রবেন ? শুনেছি, তিনি প্রেমময় ; আমি প্রেমহীনা বেশা, আমি প্রেম কখনও দিতে জানিনি, প্রেম কখনও নিতেও জানিনি, আমি হরির প্রেম পেলেও ত নিতে পা'রব না, আমার বেশার চক্ষে ত কখনও প্রেম দেখিনি । কিন্তু থাকি, আমার ছেলেবেলাকার কথা মনে হয় ;—আমি কি বরাবরই এমনি ? না, পুড়ে পুড়ে কয়লা হ'য়ে আছি ? আমার প্রাণে কত সাধ ছিল, সে সব কোথায় ? অনেককে অনেক দাগা দিয়েছি ; ভগবান্, আমি কি দাগা পাইনি ? আমিও বিস্তর দাগা পেয়েছি, কিন্তু বিশ্বমঙ্গলের মতন দাগা পাই নি । সে আমাকে তার সর্কষ ভেবেছিল, শেষ দেখলে, কালসাপিনী ! সে প্রেম জানে,—প্রেমময়ের রূপা পাবে ; আমার প্রাণ মরুভূমি,—মরুভূমিই থাকবে !

থাক । সকলই কেনন বাড়াবাড়ি ! মাহুয গেছে, গুণ গান কর, অশ্রু মাহুয দেখ । আমি বাপু, আর পারিনি ।

চিন্তা । হ্যা থাকি, সে পাগলীর খপর নিয়েছিলি ?

থাক । ও একটা গেরস্তর বো : বাপ মা কেউ ছিল না ; মাসী মাহুয ক'রেছিল, বিয়ে দিয়েছিল, বিয়ের রাত্তিরেই ভাতার ছোঁড়া ম'রে গেল ; তার পর মাগী পাগল হ'য়েছে ।

চিন্তা । তুই কি ক'রে জানলি ?

থাক । ওমা ! আমি জানিনি ? আমার বাড়ীর কাছে । ও অমনি বেড়াত ; ওর দেওরগুলো ধ'রে নে গে মা'রুত । এই নেও, সেই পাগলী আস্চে ।

চিন্তা । এও সামান্য পাগলী নয় ; একেও দাগা দে ভগবান্ গৃহত্যাগী ক'রেচে ।

(পাগলিনীর প্রবেশ)

পাগ । মা, তুই ভাবিসনি, তোকে হরি রূপা ক'রবেন । সকলকে রূপা করে, আমার ওপর বড় নির্দয় । ও মা, লজ্জা করে মা—লজ্জা করে ;—সে আমায় দেখতে পারে না !

(গীত)

পরজ যোগীয়া—একতালা ।

আমায় বড় দেয় দাগা ।

সারা রাত কি পাগলা নিয়ে যায় গো মা, জাগা ?

সারা রাতই সিঙ্কি বাঁটি, ভূতে খায় মা, বাঁটি বাঁটি,
ব'লব কি বল্ বোঝে না মা, তার ওপর মিছে রাগা ।
কাছে এসে ছাই মেখে বসে, মরিগো মা, ফণীর তরাসে,
কেনন ক'রে ঘর করি, মা, নিয়ে এই ছাংটা নাগা ?

চিন্তা । মা গো, তুই কে ? তুই সাফাং জগদম্বা ?
পাগ । হ্যা, মা—আমি সেই আবাগী মা—সেই আবাগী । দেখ না মা, সব সেই—সব সেই ! কিছু বলিস্ নি, মা ; চূপ ক'রে থাক ;—লজ্জা করে—লজ্জা করে ।

চিন্তা । মা, তুমি কি বল ? তোমার কথা শুনে আমার আপাদমস্তক কাঁপে ; মা, তুই কে ?

পাগ । আমি, মা, পাগলীদের মেয়ে ; আমি, মা, তোমার মেয়ে । তুইও পাগলী মা, আমিও পাগলী মা ।

চিন্তা । (স্বগত) কেনরে পাষণ হৃদি

হ'তেছ কম্পিত ?

পরের কথায়

কাঁপিতে ত দেখিনি তোমায় ।

আরে মন,

এ কি তোমার নব প্রতারণা ?

তুমি বারান্দনা—বেশভূষা-পরায়ণা,

মলিনবসনা বিভূষণা

পাগলিনী সম হ'তে চাও ?

তবে, কেন, তোমার এত শ্রবণনা ?

কেন এত করেছ ছলনা ?

কার তরে করিয়াছ অর্থ উপার্জন ?

দেহ-পণে বিবিধ কাঞ্চন,

কার তরে করেছ সঞ্চয় ?

কার তরে প্রাণ-বিনিময়

কর নাই এত দিন ?

এ কি শিক্ষা দিতেছ নূতন ?

পর কতু না হয় আপন—

জান তুমি চিরদিন ।

মন, গেছে দিন ব'য়ে,

ফিরে ত পাবি নি আর ।

(প্রকাশে) কে তুমি মা পাগলিনী ?

পাগ । ও মা, তবে আসি, মা ? বেলা গেল, মা ।

চিন্তা। মা, তুই আমার মেয়ে; আয় তোরে গহনা পরিয়ে দিই। (পাগলিনীকে গহনা পরাণ)

পাগ। দে, মা—দে। [প্রস্থান।

থাক। ও যে চলে গেল গো?

চিন্তা। থাক, চল—বাড়ীর ভিতর যাই। [প্রস্থান।

থাক। আঁ! মাগী খেপেচে।

(সাধকের প্রবেশ)

সাধক। থাক, থাক!

থাক। কি গো, কি? আমার এখন মাথা ঘুরচে।

সাধক। বলি, কৃষ্ণপ্রেম শোনবার এখন সময় আছে?

থাক। গোটা কতক টাকা এনা দেখি—সময়

আছে।

সাধক। বলি, সে নয়, বিশুদ্ধ কৃষ্ণপ্রেম—বনমালা গলায়।

থাক। স্বগত) দাঁড়াও; একটা কন্দি ক'লে হয়না? বাড়ীউলী ত পাগল হ'ল, একে ওকে দিয়ে সব খোয়াবে; একে দিয়ে কিছু আদায় ক'লে হয় না? দেখি, ওকে ফকির টকির ঠাওরে যদি কিছু দেয়। (প্রকাশে) বলি, বাড়ীউলী মাসীকে সব শোনাতে পার?

সাধক। পারি; কিন্তু তোমায় শোনাই কিছু, আমার সাধ।

থাক। বলি, তোমার ঞাকাম আমি বুঝতে পেরেছি। আমাদের বাড়ীউলীকে “মা” বলতে পার? এ রকম সাজে হবে না, পাগলা সাজতে হবে। ঠাকুরদের কথা ত তুমি জানই;—আমি তোমায় পেম্নাম ক'রব। কিন্তু, যা আদায় হবে, দু' আনা মজুরি কেটে নিয়ে আদায় দিতে হবে।

সাধক। থাক, এইজন্তে তোমায় আমার এত পছন্দ। তোমায় কৃষ্ণপ্রেম আমি বোঝাবই বোঝাব।

থাক। বলি, তোমার আর কে আছে?

সাধক। (ক্রন্দনের স্বরে) কেউ নেই, থাক—কেউ নেই।

থাক। যা রোজগার করবি, আদায় দিবি?

সাধক। প্রাণ দোব, থাক—প্রাণ দোব।

থাক। শোন, আমার আলাদা বাসা; তোমার

আলাদা বাসা; তাতে কেবল তোমার হাঁড়ী থাকবে, কাপড়খানা শুদ্ধ আমার ঘরে রেখে যাবে। যদি বনিয়ে না চল, এক কাপড়ে বেরিয়ে যাবে। হ্যা—আমায় কাছে স্পষ্ট কথা।

সাধক। তাই হবে, থাক—তাই হবে।

থাক। সন্ধ্যার সময় এসো; শিথিয়ে দোব, কেমন ক'রে বাড়ীউলীর ঠেঙে আদায় কত্তে হবে। ফিটফাট হয়ে এসো না; ছেঁড়া কাপড় টাপর একটা প'রে আসবে, পাগলের মতন আসবে।

(নেপথ্যে চিন্তা।) থাক!

থাক। যাই মা, যাই। (সাধকের প্রতি) তবে সন্ধ্যার সময় এসো; আমার এখন কাজ আছে।

[প্রস্থান।

(ভিক্ষুর প্রবেশ)

ভিক্ষুক। বলি, কি হ'ল?

সাধক। আর কি হবে? একবার সন্ধ্যা বেলা চেষ্টা ক'রে দেখব; তার পর যা হয় হবে।

ভিক্ষুক। কি ব'লে?

সাধক। তুমি ঠিক ব'লেছ; --“টাকা নিয়ে এসো!”

ভিক্ষুক। ঠিকঠাক মিলিয়ে পেল, আবার সন্ধ্যার সময় যেতে চাচ্চ?

সাধক। আর একবার দেখি।

ভিক্ষুক। না বাবা, সাদা কথা কইচ না; ফুসুর ফাসুর ঢের কথা হ'য়েছে, আমি তফাত থেকে দেখেছি।

সাধক। কি কথা? তা চল, এখন যাই। তোমায় বল্লম, চিন্তে পারবে না; তা, তুমি ত একবার চেলা হ'য়ে আসতে পারলে না।

ভিক্ষুক। বুঝেছি, খবর খারাপ হ'লে ঐ ধমকটা আগে আসত; এখন কুঁতিয়ে ধমক দিচ্চ; ভাবছ শালা ছিল না, হ'য়েছে ভাল। তা, যাও এখন, বখরা ছাপালে বোঝা যাবে।

সাধক। আমি সে মাছুষ নই। হ্যা, দেখ,—সন্ধ্যার সময় আদায় পাবে না; কোথায় যাই, কোথায় থাকি।

[প্রস্থান।

ভিক্ষুক। আচ্ছা, সন্ধ্যার সময় তোমার পেছ পেছ

ফিরুছি। (অদূরে পাগলিনীকে দেখিয়া) আচ্ছা, পাগলী
মাগী গয়না পেলে কোথা? চিন্তামণির গয়নার মতন
ঠেক্‌চ। ষণ্ডা মাগী—কি ক'রে হাতাই!

(পাগলিনীর প্রবেশ)

পাগ। দেখ, তুমি আমার ননীচোরা গোপাল! বাবা,
নেবে? খেলা কর। (গহনা খুলিয়া দেওয়া)

ভিক্ষুক। (স্বগত) বাবা রে, বেটী গোয়েন্দা!
(প্রকাশে) না বাছা, আমার ও নিয়ে কি হবে?

[পাগলিনীর প্রশ্ন।

না বাবা,—গোয়েন্দা না, পাগলই বটে। (গহনা লইতে
অগ্রসর হইয়া) ঐ না পাতাটা ন'ড়্‌চে? কে আস্‌চে
বুঝি? (ত্রস্তভাবে গহনা লইয়া) যদি বেচতে পারি, একটা
আড্ডাধারী টাড্ডাধারী হ'য়ে ব'সব।

[প্রশ্ন।

তৃতীয় গর্ভাঙ্ক

বাপী-তট

(সোমগিরি ও শিষ্যের প্রবেশ)

সোম। চল, আজই বৃন্দাবন যাত্রা করি।

শিষ্য। প্রভু, কই, যে মহাপুরুষ দর্শনে আপনি
এসেছিলেন, তিনি কোথায়?

সোম। আমার সে মহাপুরুষ-দর্শনলাভ হয়েছে, তুমি
কি দেখনি?

শিষ্য। কই প্রভু, কই, দেখি নি তো।

সোম। কেন, বিষমঙ্গলকে দেখ নি?

শিষ্য। প্রভু, কেমন আদেশ কছেন? আপনি
একজন লম্পটকে দেখতে এসেছেন? ওর বেষ্ঠার
দায়ে বৈরাগ্য হ'য়েচে, কতদূর স্থায়ী হয়, বলা যায় না।

সোম। কামিনী কাঞ্চন—

এক মায়া, দুই রূপে করে আকর্ষণ,

বিষম বন্ধনে রহে জীব মুগ্ধ হ'য়ে।

ভ্রমি এ সংসারে, হের ছারে ছারে,

কেবা চায় নিরঞ্জে কামিনী-কাঞ্চন ত্যজি।

সেই মহাজন,

এ বন্ধন যে করে ছেদন;

অবহেলি কামিনী-কাঞ্চন,

নিরঞ্জন করে আশা।

স্বার্থশূন্য প্রেমলুদ্ধান,

প্রেমের কারণ

ক'রেছিল বেষ্ঠা-উপাসনা;

বিফল কামনা!

ক্ষুদ্রাধারে প্রেম কোথা পাবে স্থান?

প্রেমে মত্ত প্রেমিক পুরুষ,

প্রেমময়-আশ

সংসার দলেছে পায়।

অতি তীব্র বৈরাগ্য-সঞ্চার,

উন্নত আকার,—

একমনে ডাকে ভগবানে।

শিষ্য। প্রভু,

মম সংশয় না যায়।

বলুন কৃপায়,

এঁর কিসে মাহাত্ম্য অধিক?

কামিনী-কাঞ্চন করিয়ে বর্জন,

লক্ষ লক্ষ সন্ন্যাসী ফিরিছে;

গৌরব কি হেতু নাহি তার?

সোম। বৎস, জাননা—জাননা

মায়া'র আশ্চর্য লীলা।

কেহ কাঞ্চনের তরে

জটা ধরে শিরে;

কাহারও বা সাধুর আকার

নারী সহ করিতে বিহার,—

সন্ন্যাসীর ভাণ

ভুলাইতে বামাগণে;

কেহ মান করিতে সঞ্চয়

দীর্ঘ জটা বয়;

কেহ অষ্টসিদ্ধি করে আশ!—

অহেতুকী ভক্তির বিকাশ

অতীব বিরল ভবে।

হের,

এই মহাজন, নাহি আকিঞ্চন—

কৃষ্ণ-প্রায় অপিয়াছে প্রাণ,
মান-অপমান সুখ দুঃখ নাহি জানে,
কৃষ্ণ চার, কিবা হেতু—
কিছু নাহি জানে।

ব্রজের এ প্রেম,
তুলনা নাহিক আর তার।
যেই জন বেঙ্গার কাবণ
শবে নেয় আলিঙ্গন,
কালস্পর্শ দ্বার অনায়াসে—

ঈশ্বরের তবে কিবা নাহি লগ্নে সেই ?

শিখা : অদ্বৈত এ তব কিছু নাহি বৃদ্ধিবারে

বরে, মহাশয় তা জিলেন কালীদাস,
সামুদ্র-দর্শন-মানসে—
বেঙ্গা-প্রেমে বন্ধ ছিল এ বিহীনঙ্গন,
পরে,

প্রেমের লঙ্ঘনা—বৈরাগ্য ঘটনা

কহ দিন মাত্র ইহা ?

তাজি প্রহরগা,

গুরুদেব, কহ মোবে,

ভবিষ্যৎ গোচর কি তব ?

সোম : নহে কিছু গোচর আমার

সকল স্তম্ভে ভগবান,

উত্তর (ই) নিঃশব্দে

প্রাণে প্রাণে অপূর্ণ বন্ধন,

সাগর লঙ্ঘিয়া

পরস্পরে করে দেখা,—

প্রাণ বোঝে কোথা তার উন।

এ সঙ্কান বিমর্শী নহেক গোচর ;

মত, যুক্তি, অভিমান, বিরোধী হইয়ে

বুঝায় তাহারে—মিথ্যা কথা কহে প্রাণ ;

কহ,

কেহ শিখে, মহাত্ম্যে নিপতিত বরে।

ঈশ্বর রূপায় আমি দেখিছি জীবনে,

স্বার্থশূন্য প্রাণে

নাহি উঠে মিথ্যা কথা।

অকস্মাৎ প্রাণে মম হইল উদয়,

বাক্যলাঘ্য দাবু সদাশয়

কৃষ্ণ মিলাবেন আমি।

বৃক, বংশ, সত্য মিথ্যা প্রাণের এ ভাব।

শিখা : প্রভু,

শিখা তব—ওক তুমি,

এত কি গৌরব তার ?

সোম : কেবা ওক ? কেবা শিখা কাব ?

শিব-রাম ওক শিখা হোয়ে হোতাকাব ?

জগদ্গুরু সেই সনাতন।

শিখা : তবে কিবা ওক শিষ্ট-ভাব ?

সোম : এ শাস্ত্রের সাক্ষর-আগার ;

বিন্দু নহে উজ্জ্বল-গোচর,—

ঈশ্বর লঙ্ঘিয়া

তব যুক্তি করে অভিমান,

যত করে শিব,

সাক্ষর-তুমি ততই অচ্ছত্র করো।

ঈশ্বর প্রাণ

ব্যাকুলিত আনিত সঙ্কান,—

কি উপায়ে পূজাটীবে মন-আশা,

অনিবাস তার প্রতি সদয় হইয়ে,

কেন মিলাইয়ে ব্যক্তিত রতন তার,—

অকস্মাৎ কোথা হইতে কেবা আসে,

তার ভাসে হয় ক্রমে আশার সঞ্চার,

বিশ্বাস বিকাশে প্রাণে ;

মানেন মনে জানেন,

ঈশ্বরের বাক্য বলি।

সে হয় নিমিত্ত-ওক তার,—

দার কথা করিয়া প্রহায়

জগদ্গুরু করে লাভ।

এই কহু নিমিত্ত এ স্থানে আমি ;

বিশ্বাস ঈশ্বর দাতা,—

বাক্যরূপে তিনি বিরাজিত।

কিছ শোন,

ওক নহি তার, ওক সে আমার,

প্রেমিক সে মহাজন ;

প্রেমহীন আমি ;—

কত দিনে প্রেমের হইব অধিকারী !
এস, বৎস !—

[উভয়ের প্রশ্নান ।

(বিশ্বমঙ্গলের প্রবেশ)

বিশ্ব । মন, কিছুতেই স্থির হবে না ? ভাল, যাও,
কোথা যাবে ; দেখি কতক্ষণ ঘোরো ! জিহ্বা, তুমি নাম
উচ্চারণ কর ।

(চক্ষু মুদ্রিত করিয়া উপবেশন)

(অহল্যা ও একজন স্ত্রীলোকের প্রবেশ)

স্ত্রী । দেখ, দিদি, এই মড়া—কুকুরের এঁটো ভাত-
শালো খাচ্ছিল !

অহল্যা । ও কি ব'ল্‌চিস্ ? ও কোন সাধু হবে,—
দেখ্‌ছিস্‌নি, জপ ক'ছে ব'সে ?

স্ত্রী । ও মা, দিদি জ্বালালে ! ও একটা উন্মাদ পাগল !
(বিশ্বমঙ্গলের প্রতি) ওরে ও পাগ্‌লা, ও পাগ্‌লা, ছুটি ভাত
খাবি ?

বিশ্ব । ইস্ ! এ ত নির্জন স্থান নয় । (চক্ষু উন্মীলন
করিয়া মাত্র অহল্যার প্রতি দৃষ্টি পতিত হওয়া) চক্ষু,
তোমার বড়ই স্পর্ক ! আরে মূঢ় চক্ষের দাস মন, চল, কি
দেখ বি ।

স্ত্রী । দিদি, দেখ, বৈরাগী ঠাকুর তোর মুখ পানে
চেয়ে র'য়েছে ! দিদি, তুই চ'লে আয়, ও মিন্‌সে নেশাখোর
হবে,—চোখ ছুট' যেন করম্‌চা ।

(প্রশ্নানোত্ত)

বিশ্ব । (স্বগত) চক্ষু, দেখি—তুমি কত দিন দাস
ক'রে রাখবে ।

(প্রশ্নানোত্ত)

স্ত্রী । ও দিদি, পেছনে পেছনে আ'স্‌চে গো !

অহল্যা । আম্‌ক না, তুই চ ।

[উভয়ের প্রশ্নান ।

বিশ্ব । আরেরে নয়ন,
নয়নের তুইরে প্রধান সেনাপতি !
ছদ্মবেশে আপন হইয়ে,
শত্রু ডেকে আন ঘরে !
স্বধ--আশে সতত বিকল,

মূঢ় মন নাহি বুঝে ছল,
সাপিনীরে হৃদে দেয় স্থান—
ঈশ্বরের স্থান যথা !

সে করে দংশন,

তবু আঁখি আনে প্রলোভন ;

জালায় ব্যাকুল—

পোড়া প্রাণ

পুনঃ তারে দেয় কোল ;

শত লাঞ্ছনায় ধিকার না হয় ;

তবু ছলে আঁখি বলে,

“জুড়াবার এই ধন !”

ধন সংস্কার !

মন, পশু তুমি—

তোমাতে কি দিব দোষ ?

চল মন, যথা আঁখি নিয়ে যায় ।

[প্রশ্নান ।

চতুর্থ গর্ভাঙ্ক

চিন্তামণির বাটীর সম্মুখ

ঝোপের অন্তরালে ভিক্ষুকের অবস্থান ।

(থাক ও সাধকের প্রবেশ)

থাক । ঘরের চেয়ে এখান ভাল, এর চারিদিক ফাঁক ।
কেউ কানাচ থেকে গুন্‌তে পাবে না ।

ভিক্ষুক । (স্বগত) নেহাত ফাঁক নয়, বাবা ! আমি
আছি ঘাপ টি মেরে ।

থাক । তুমি আবার সেই রুদ্রাক্ষী এঁটে এসেচ ?
বল্লম, পাগলের মতন হ'য়ে আ'স্‌তে ।

সাধক । থাক, তোমার সঙ্গে বিরলে একটা কথা আছে ।

থাক । বলি, তোমার কৃষ্ণপ্রেম রাখ ; কি ক'বে,
ভাব । মাগী ত আর কিছু দেখেনা, ভিথিরী নাগারী, যে
আ'স্‌চে, ছ' হাতে দিচ্ছে । এখন যাতে কিছু আদায় হয়,
তা কর ।

সাধক । থাক !

থাক । কি, বল না ?

সাদক। এ হুঁসুড়ি কী?—

থাক। তুমি কি ব'ল্চ, হুঁসুড়ি কী?

সাদক। কিছুই ত দেখে না?

থাক। তুমি ব'ল্চ, হুঁসুড়ি কী?—

বসে থাকে। বেরিয়ে গিয়েছে, ঘরে পৌঁছেছে।

একবার সন্ধ্যার সময় নদীর ধারে বসে বসে বসে বসে।

কাজীটি নিশ্চয়ই বা কি ক'রে? নদীর তীরে তুমি

ভাঙতে পারবে না যে, সোনা দানা পাবে?

সাদক। তুমি বুঝলে না—আমার ভব বুঝলে না।

বলি, যাওয়া দাওয়া ত দেখে না?—

থাক। কিছু দেখে না গো, কিছু দেখে না—তবে

আর তোমায় ব'ল্চি কি?

সাদক। এস না কেন, নিশ্চিন্দী হই।

থাক। আরে, কি ক'রে—যানমেনে মিন্দে যদি ব'লবে!

সাদক। ছুঁবে সঙ্গে বিষ দিয়ে।

থাক। জ্যা! বিষ? বিষ কে দেবে? আমি পা'ব না, তুমি আমার গর্দানা দেওয়াবে?

সাদক। ভাব্চ কেন? অন্ধকার রাত্রিরে নদীর ধারে পুঁতে আ'স্ব;—আর, উঠানে পুঁতলেই বা কে কি করে? পাগল হয়েছে, সবাই ত জানে; তুমি রটিয়ে দেবে, এক-দিকে চ'লে গিয়েছে।

থাক। বল কি? আমার গা কাঁপ্চে, আমি ভাই, তা পা'ব না। কোথায় বিষ পাই? দেবার সময় কেউ দেখুক, আনয়ে কত যত্ন করে;—আমি ভাই, তা পা'ব না।

সাদক। থাক, বুঝলে না, যখন পাগল হয়েছে, তখন ওর মরাই ভাল।

থাক। না ভাই, আমি তা পা'ব না।

সাদক। (ট্যাক হুঁতে একটি মোড়া বাতির করিয়া)

থাক, দেখ এই বিষ। বাড়ী নেই ব'ল্চ; ছুঁবে এইটুকু দেওয়া—ব্যস, আমি রাতারাতি পুঁতে ফেলব এখন।

থাক। তুমি বিষ কোথায় পেলো?

সাদক। বিষ আমার থাকে—আমি মন্বার জন্ম সর্সদা প্রস্তুত; কেবল তোমার প্রেমে প'ড়ে পারি নি। তুমি যদি আমার না হও, আমি প্রাণত্যাগ ক'রব।

থাক। কি বল ভাই, বুঝতে পারিনি। হেঁসেল-ঘরে

এ ছাড়া অন্য আছে, তোমার যা হয় কা, আমি কিছু চাই, বাড়ী থাকবে না, তুমিই যা হয় কর।

সাদক। একলা পোঁতা হবে না।

থাক। কেন? হাল্কা ন'হয়, তুমি যখন জেগে

হবে ছেলে; পা'বে এখন, আমার ভাই, পা'বে কখন।

সাদক। তোমার কিছুই না নেই, মন ত তখন—

তুমি মন দিয়ে শুনিবে পেরে।

থাক। মেন. যে কথা—যখন বিছা

থাকবে। উদ্ধর লোকের একই কথা—এখন বুঝ

সাদক। এখন তুমি ঠিক থাকলে হয়।

থাক। আমার যে কথা, সেই কাছ।

[উভয়ের প্রধান

ভিক্ষুক। (বাহিরে আসিয়া) ও বাবা! তোমার

ভিতবে এত? যা থাকে কপালে—মাগী আ'স্চে। আমি

ব'লে দিই। (অদূরে পাগলিনীকে দেখিয়া) আ'স্চে

সেই পাগলীটা আ'স্চে। যাঃ ওর জন্মে খাবার

আ'ন্তে ভুলে গেলুম। বাবা, পাপ ক'লে মনের ধোঁকা

সারে না;—আহা! ওই মেলা-খেলা মাগীকে মনে ক'রে-

ছিলুম গোয়েন্দা! যে যা দেয়, তাই খায়। পাগলী বেটা

আবার তখন ব'লে, “বাবা, তুই আমার ছেলে!”

(চিন্তামণির প্রবেশ)

চিন্তা। (স্বগত) দিন গেল, ফের রাত হ'ল। একা ঘরে

শোব—বেশার পুরী; ধনের লোভে যদি কেউ এসে মেরে

ফেলে—তা হ'লে ইহকালও গেল, পরকালও গেল! মন,

যে অর্থ উপার্জনের জন্মে এত লোকের মনে ব্যথা দিয়েচ,

সেই অর্থ তোমায় আপনার ঘরে শুতে নিবারণ ক'চ্ছে!

যখন বিলম্বঙ্গল ছিল, তখন এ ভাবনা ভাবনি। মন, তার

যত্নে তুমি একদিনও টের পাও নি, তুমি হীন বেশা

তোমার গর্ভকারিণী তোমায় এই কার্যে প্রবৃত্তি দিয়েছে;

জন্মাবধি কেউ তোমার আপনার ছিল না। যে রূপের

দর্পে বিলম্বঙ্গলকে মর্মে পীড়িত ক'রেচ, সেই রূপই এখন

তোমার শত্রু! তুমি ত নিশ্চয় জান, কত লোকের মন্বা

স্থানে আঘাত দিয়েচ; কেউ যদি এই নিরাশ্রয় অবস্থায়

তোমার বুকে ছুরি মারে? পোড়া মন, এই কি তোমার

লাভালাভ? মন, ম'বতে হবে, এ কথা কি ভাব? কবে

এই দিন, জান? পোড়া মন, কিছু কি তোমার সম্বল আছে?
কোথায় যাব? এ মহাপাতকীকে কে উদ্ধার করবে?—
যাব, আমি বিশ্বমঙ্গলের কাছে যাব, সে সাধু ব্যক্তি—সে
আমায় স্বগণা করবে না, সে আমার পরকালের উপায়
করবে। উঃ! একা জীবলোক, কোথায় যাব? কোথায়
খুঁজব? পোড়া পেট সঙ্গে আছে।

(পাগলিনীর প্রবেশ)

পাগ। আমি, মা, বসে বসে তোকে দেখেছিলুম।
দেখ মা দেখ, ঐ শেয়ালটা খাচ্ছে দেখ—পেট ভরে
খাচ্ছে। আমিও পেট ভরে খাই, পাখীগুলোও পেট
ভরে খায়। আমি দেখেছি না, দেখেছি,—সে দেখ!

চিন্তা। মা, মা, আমার ঘরে আয় না মা!

পাগ। না মা, আর ত ঘরে যাব না মা; ঘরে সে
নেই মা;—তোমার সে পাগলা জামাই, মা, সে ঘরে নেই;
সে শশানে থাকে;—আর ঘরে যাব না মা; আমার ঘর
শূন্য হয়ে রয়েছে।

চিন্তা। মা, সত্যি বলেছি, ঘরে যেতে আমারও
ভয় হয়।

পাগ। মা, বিষ, বিষ, বিষ! মাগীতে মিস্তেতে
পরামর্শ করলে, সমুদ্র-মন্ডন দেখতে গেল। বিষ, বিষ, বিষ!
তুই আয় মা, তুই বিষ খেতে পারবি নি মা! সমুদ্র-
মন্ডনে বিষ উঠেছিল, জানিসনি মা? হরগৌরী দেখতে
গেল, জানিসনি?

ভিক্ষুক। (স্বগত) ইম্! এ ত পাগল নয়, এ সব
ঠিকঠাক বলে। (পাগলিনীর প্রতি) মা, তুই কে মা?
(চিন্তামণির প্রতি) ও গো, সব সত্যি—সব সত্যি!
(পাগলিনীর প্রতি) মা, তুই কে মা?

পাগ। ওরে, পতি মোর ভুনায়ে এনেছে ভবে।

ধরামাঝে উন্মাদিনী ধাই,

তার দেখা নাই!

কোথা পাই, কে আমারে বলে দেবে?

যথা সক্ষ্যা হয়—তথায় আলায়,

শয্যা—শ্যামা মেদিনী সুন্দরী;

ব্যোম—আচ্ছাদন;—নাহিক মরণ!

কত আঁচ আছে তার মনে।

চিন্তা। তোমার স্বামী কে মা?

পাগ। আমি মা পাঁচ-ভাতারী;—এই ছুর্গা, কালী,

শিব, কৃষ্ণ—না মা, আমি এক-ভাতারী এয়ো;—

আমার ভাতার সেই, মা, সেই;—

সে বিনা আর নেই, মা, নেই।

আমি তাঁর দাসী, মা, দাসী,

সে বাঁকা হ'য়ে বাজায় মোহন বাঁশী,—মা, বাঁশী।

আমার লজ্জা বরে, মা—লজ্জা করে! ঘরে থাকতে
নারি, মা—থাকতে নারি। বিষ, বিষ, বিষ! তুই পালিয়ে
আয় মা—পালিয়ে আয়।

ভিক্ষুক। (স্বগত) এ কি! জানেও আবার, পাগলও
আবার! (চিন্তামণির প্রতি) ও গো, তুমি ওকে পাগল
মনে কর না, ও সব ঠিকঠাক বলে; আমি আড়ালে
থেকে সব শুনেছি। এই তোমাদের থাকি না কি, আর
দেই যে গেরুয়াপরা আমার সঙ্গে সে রাত্তিরে দেখেছিলে,
এরা দু'জন ঠাউরেচে—তুমি পাগল; তোমার ছুঁধে বিষ
দিতে গিয়েছে; তার পর তুমি ম'রে গেলে, গর্ত খুঁড়ে
পুঁতবে।

চিন্তা। বিষ? মন সব টের পায়! থাকি আমায়
পাগল ঠাউরেছে—বটে? পোড়া মন, একবার দেখ, অর্থ
কত আপনার!

পাগ। থাকি, মা, তরুর মূলে,

হাত যুড়িনি কোন কালে।

বলি, মা, লক্ষী এলে,

“যাও বাছা, তুমি যাও চ'লে;

তুমি এলে, তারে পাব না কোন কালে।”

তুই আয় মা, আয়; আর ঘরে থাকব না মা, থাকব
না।

চিন্তা। বিষময় এ সংসার!

কেন আর মমতা তাহার?

এই ত মিলেছে সাথী।

এত দিন করিয়াছি সবারে সন্দেহ;—

আয়, পাগলিনী,

তোরে আজ করিব প্রত্যয়,

র'ব ছায়া সম তোমার।

কেন, কেন, কি হেতু না জানি,

প্রাণে জন্মে আশ—

বাসনা পূরিবে মোর।

মাগা,

সত্য কথা,—শূকরে উদর পূরে ;

শূন্তে শূন্তে ভ্রমে বিহঙ্গিনী,

ভক্ষ্য তার মেদিনী যোগায়।

তবে কেন ভয় ? এই ত আশ্রয়।

বল, মা, আমায়—কোথা যাব।

কোথা নিয়ে যাবে মোরে ?

পাগ। চল গো, চল— সেই যমুনা-তীরে চল।

চিন্তা। চল মা, যাই। (অঞ্চল হইতে চাবি খুলিয়া
ফেলিয়া দেওন)

পাগ। আমায় দিবি, মা ?

চিন্তা। নাও মা ; চল।

পাগ। এই, তুই নে। (ভিক্ষুককে চাবি দেওন)

[উভয়ের প্রস্থান।

ভিক্ষুক। এ কি ! বেষ্ঠা সব ছেড়ে ছুড়ে দিয়ে চ'ল্লো
না কি ? আঃ দূর মন ! আমি আর কা'র জন্তে গাঁট
দিই ? আমিও পিছু নিলুম। (দূরে চাবি নিক্ষেপ) দেখ্‌চি,
ছু'টি খেতে পাওয়া যায় ;—তবে, ঐ পরওয়ানার কি করি ?
এখনই বা কি ক'চ্চি ? যা থাকে বরাতে, হবে ; সেই ত
যুরে ঘুরে বেড়াই—হরিনাম ক'রে বেড়াব। লোভ কি
সাম্প্রাভে পা'বুব ? দেখি, মা দুর্গা আছেন ! এই ত,
চিন্তামণি যমের হাত থেকে বেঁচে গেল, আমি আর
দারোগার হাত থেকে বাঁচব না ? [প্রস্থান।

পঞ্চম গর্ভাঙ্ক

জৈনিক বণিকের বাটীর সম্মুখ

দ্বারে বিশ্বমঙ্গল উপবিষ্ট।

(বণিকের প্রবেশ)

বণিক। তুমি কে ?

বিশ্ব। আমি পথিক, আজ আপনার আশ্রয়ে
এসেছি।

বণিক। আপনার এ দশা কেন ? আপনার নিবাস ?

বিশ্ব। যেথায় থাকি, সেইখানেই আমার বাস।

বণিক। আপনি কি সংসারাত্মক করেন না ?

বিশ্ব। না।

বণিক। আপনি আজ আমার আতিথ্য স্বীকার
করুন।

বিশ্ব। আমি সেই নিমিত্তই এসেছি।

বণিক। আমার সৌভাগ্য, আসুন।

বিশ্ব। আমার বিশেষ প্রয়োজন আছে।

বণিক। আজ্ঞা করুন।

বিশ্ব। অগ্রে আমার পরিচয় গ্রহণ করুন,—আমি
একজন লম্পট—বেষ্ঠার দ্বারা সংসার-তাড়িত।

বণিক। আপনি যে হ'ন, আমার অতিথি—আপনি
নারায়ণস্বরূপ ; রূপা ক'রে গৃহে প্রবেশ করুন।

বিশ্ব। আমার প্রয়োজন শোনেন নি।

বণিক। বলুন।

বিশ্ব। নারী তব স্তবেশা স্তন্দরী,—

বাপীকুলে হেরি তার রূপের মাধুরী,

আঁখির ছলনে, পূর্ক-সংস্কারে,

মুগ্ধ মম পাপ মন ;

পশু মন কোন মতে না মানে বারণ—

সদা উচাটন,

দরশন কতক্ষণে পাবে পুনঃ ;

সেই আশে আছি ব'সে তব বাসে।

ইচ্ছা যদি হয় তব অতিথি-সংস্কার,

কর অঙ্গীকার,—

একা মম সনে

দিয়ে আমি পত্নীরে তোমার ;

অলঙ্কারে ভূষিতা স্তন্দরী,

আজি নিশা হ'বে মম আজ্ঞাবারী।

পাপ ব্যক্ত করিছু তোমারে,

যেবা হয়, কর মতিমান !

বণিক (স্বগত) নারায়ণ ! একি আজ প্রতারণা !

দেহ ব'লে,—

নহে অতিথি বিমুখ হয় পুরে !

কি জানি—কি ছলে

ছলে আজি কোন জন ?

অতিথি-সংকার সার ধর্ম গৃহস্থের,—

তাহে কি বঞ্চিত হব ?

না, অতিথি না বিমুখ করিব ।

কেবা কার নারী ?

ধর্ম সার,—ধর্মরক্ষা করিব নিশ্চয় ।

(প্রকাশে) মহাশয়, আসুন আলয়,

নারায়ণ নিশ্চয় আপনি,

কর ছল মৃঢ় জনে ভুলাইতে ।

হে অতিথি, পুরাইব বাসনা তোমার ;—

আজ রাত্রে পতি তুমি, পত্নীর আমার ।

বিষ । (স্বগত) দেখ মন,

কি বাতুল ক'রেছে তোমারে অঁথি ।

দেখ, কত বাকী আর ।

[উভয়ের প্রস্থান ।

শ্রেষ্ঠ গার্ভাক্ষ

বণিকের বাটীর অন্তঃপুর

অহল্যা ও মঙ্গলা আসীনা ।

অহল্যা । মঙ্গলা, তুই আবার যা, পাগলকে ভাল
ক'রে বুঝিয়ে ব'লবি—তার যা ইচ্ছা হয়, কিছু থাক ।

মঙ্গলা । আমি বাপু, আর পারি নি ; সে পাগলা
মাড়াও দেয় না, শকও দেয় না ।

অহল্যা । সমস্ত দিন গেল, রাত হ'ল, যা বাছা, যা—
আর একবার যা । কর্তা যদি শোনেন, অতিথি এতক্ষণ
ক'রে আছে—খায় নি, তা হ'লে আর আমার মুখ দেখবেন
না ! আর, তাঁর আস্‌বারও সময় হ'ল ।

মঙ্গলা । হ্যা, মুখ দেখবেন না ! আর, আমরা
ব'লব না যে, পোড়ার মুখে অতিথি ছু'টি ঠোঁট এক ক'রে
গাড়া গেড়ে ব'সে রইল ? দেখ না, হতচ্ছাড়া মিন্‌সে !
—ভাল মানুষের মেয়ে, নেয়ে এসে ছোলাটি পর্য্যন্ত দাঁতে
কাটতে পেলেন না । ও উন্মাদ পাগল ; আমি বল্লম—
কলসী কতক জল মাথায় ঢেলে দিই,—একটু খাত ঠাণ্ডা
ক'লে ধেত দেত এখন ।

(বণিকের প্রবেশ)

বণিক । মঙ্গলা, যা ; অতিথি ঠাকুরের খাওয়া হ'লে
এইখানে পাঠিয়ে দিস ।

মঙ্গলা । কোথা পাঠিয়ে দোব গো ? সে পাগলা
অতিথ কোথা গেল ?

বণিক । মঙ্গলা, পাগল বলিস্‌ নি, তিনি মহাজন ।
তিনি চণ্ডীমণ্ডপে ব'সে আছেন, বিনয় ক'রে তাঁরে এইখানে
নিয়ে আয় ।

[মঙ্গলার প্রস্থান ।

প্রিয়ে,

আজি বেশ ভূষা হেরিয়ে তোমার,

অতি পূলকিত প্রাণ মোর ।

ধন্য তব রূপের মাদুরী,—

নারায়ণ-সেবা করিব এ রূপের ছটায় ।

শুন প্রিয়ে, বাক্য মোর অতি সাবধানে,—

ধর্ম সার এ ছার জীবনে ;

পরীক্ষার স্থল এ সংসার,

অতি যত্নে ধর্মরক্ষা হয় ;

শ্রেষ্ঠ ধর্ম—সত্যের পালন ।

জ্ঞান, সতি, যবে বাঁধিত্ব বসতি,

অঙ্গীকার করিলাম দুই জনে—

এ গৃহে না অতিথি ফেরাব ।

দেবের রূপায়,

অনায়াসে এত দিন গেছে চ'লে ;

আজি দেবের ইচ্ছায়,

পরীক্ষার দিন, সতি !

হের, দীন-হীন মলিন বসন,

ছারে আসি করে আকিঞ্চন,

আজি রাত্রে পতি হবে তব ।

শুন, সুলোচনা,

অতি আশ্চর্য ঘটনা—

পতির সম্মুখে যাচে আসি পত্নী তার !

ধর্ম-মর্ম বুঝেছ কি সতি ?

গৃহিণী আমার, কর অতিথি-সংকার ।

অহল্যা । একি নাথ, কহ বিপরীত !

সমগীর সতীত্ব ভূষণ ;

নিজ করে দেছ, নাথ, সিন্দূর কপালে—
মুছাইতে কেন চাহ ?

অধর্মে না হয়, প্রভু, ধর্ম উপার্জন ।

নষ্ট রীতি— অশ্রে আকিঞ্চন ;

সতীত্ব বিহনে রমণীর

রত্ন কিবা আছে আর ?

স্বামী ধ্যান-জ্ঞান, স্বামী মন-প্রাণ,—

হ'ন নারায়ণ, হ'ন ত্রিলোচন,

তোমা বিনা অশ্রু মূর্তি নাহি ধরি হৃদে ;

তুমি সর্ব দেবতার দার ।

কুৎসিত আচার কেন আজ্ঞা দেহ, নাথ ?

বণিক । জানি আমি— কায়-মন-প্রাণ,

সকলই সংপেছ মোরে ;

কতু সতি, চাহ নাই বিনিময় ;

নাহি কর স্বার্থের বিচার ।

তুমি হে আমার—

মম দন বিতরণে কেন হও বাদী ?

সত্য সার, সত্য বিনা কিছু নাহি আর ।

অতিথি ফিরিবে, সত্য ভঙ্গ হবে,

পতি তব হবে মিথ্যাবাদী—

কল্যাণ যাহার নিরবধি বহু তব ।

মৃত আমি, করি হে স্বীকার,—

স্মৃতিত আচার তোমারে আদেশ করি ;

স্বার্থপর,—

ধর্ম-উপার্জনে তোমারে করিব দান ।

পুনঃ কহি, পরীক্ষার দিন,—

আগে ছিল ভাবিতে উচিত ।

ববে উচ্চাশয় ভাবি আপনায়,

তুই জনে গোপনে করিছ পণ—

অতিথি না ফিরিবে আবাসে ;

আসিবে যে আশে, পূরাইব সে বাসনা—

ধর্মমাত্র সাক্ষী তার ;

আজ যদি ভাঙ্গি অঙ্গীকার,

সত্য-ভঙ্গ না হবে প্রচার ;

কিন্তু, ধর্ম সাক্ষী এখনও, স্মরি !

প্রিয়ে, গৃহবাসী তব প্রেম-আশে,

আজি মম পরীক্ষার দিন,

পরীক্ষা করিব প্রেম তব ।

সত্যে কর পতির উদ্ধার ।

হের, ধর্ম সাক্ষী এখনও তখনও ।

অহল্যা । ধর্মধর্ম কি আছে আমার ?

স্বামী, প্রভু, কি পরীক্ষা আর ?

আমি দাসী— আজ্ঞা তব শিরোধার্য মোর,

তব পদে শুভাশুভ বিচারের ভার ।

বণিক । প্রিয়ে, পরীক্ষার স্থান—

শুভাশুভ বিচারের নহে ।

(মঙ্গলার প্রবেশ)

মঙ্গলা । ওগো, অতিথ দরদালানে দাঁড়িয়ে আছে ।

[প্রস্থান ।

বণিক । আস্তে আজ্ঞা হয়, আস্তন ।

অহল্যা । স্বামি, পতি, প্রাণেশ্বর, তুমি দায়ে ঠেকিয়েচ,

তুমিই রক্ষা করবে ; আমি অবলম্ব ।

(বিশ্বমঙ্গলের প্রবেশ)

বণিক । এই আমার গৃহিণী— আপনার দাসী ।

[প্রস্থান ।

অহল্যা । আপনি পালকের উপর উপবেশন করুন ।

বিশ্ব । না ; আমি তোমায় দেখব— এইখান থেকেই

দেখব ।

(স্বগত) ভেবে দেখ্ মন,

কত তোরে নাচায় নয়ন !

ছিল ব্রাহ্মণ কুমার—

বেশ্যা-দাস নয়নের অনুরোধে ।

পিতৃশ্রদ্ধ-দিনে, ধৈর্য নাহি প্রাণে,—

ঘোর নিশা, মহা ঝঙ্কাবতে,

তরঙ্গের সনে রণ,—

রহিল জীবন শবদেহ আলিঙ্গনে !

সর্পে রজ্জু ভ্রম,—

হেন অন্ধ করেছে নয়ন !

পুরস্কার— বারাজনা-তিরস্কার !

মন, হাসি পায়,—

হ'ল তোর বৈরাগ্য-উদয়,

চ'লে গেলি একবাসে গৃহবাস ত্যজি ;
“কোথা কৃষ্ণ ?” বলি হ'লি উতরোলি—

যেন তোর কত প্রেম !

আরে পাগল মন,

ধ্যানে মগ্ন বাপী-তটে সাধুর আকার,—

ভুনি—কঙ্কণ ঝঙ্কার,

চাহিলি নয়ন মেলি' ।

দেখ পুনঃ, নয়নের ছলে

কি উন্মাদ দশা তোর !

মন, তুমি আঁখির গরব কর ?

নিত্য ডর—পাছে যায় এ রতন ?

দেখ তোর আঁখির আচার !

সেই মাংস অপি,

কাষ্ঠ ভ্রমে, প্রাণের তাড়নে

দিলে যারে আলিঙ্গন,—

সেই মত গলিত হইবে

বাহ্যিক এ লাভণ্যের আবরণ,—

এই রত্ন ভাব তুমি সংসারের সার ?

ভাব, মন, বৃথা জন্ম তার—

এ রতনে বঞ্চিত যে জন ?

বুঝ, মন, নয়ন তোমার

অন্ধ কিবা নহে ?

কিছু নাহি হেরে,

অসার যে বস্তু, তাহে কহে নিত্যধন !

এর ছলে কত দিন র'বি ভুলে ?

(প্রকাশে) তোমার অলঙ্কার থেকে ছু'ট কাটা খুলে

রাও ।

(অহল্যার তদ্রূপকরণ)

মা, তোমার স্বামীকে বল গে,—আমি তোমার পাগল

ছলে ; যাও মা, তোমার পতি-আজ্ঞা—আমার কথা

হলন ক'ত্তে নেই ।

অহল্যা । কে এ মহাজ্ঞন !

[প্রস্থান ।

মা । মন, এখন' কি আঁখির মমতা কর ?

শক্র তোর শীঘ্র কর বধ ।

দিব আমি উত্তম নয়ন,

যেই আঁখি ব্রজের গোপালে

“আমার” বলিয়ে তুলে নেবে কোলে—

অন্ত সব দেখিবে অসার ।

যাও—যাও—নখর নয়ন !

(চক্ষু বিদ্ধকরণ)

চল পদ, যথা ইচ্ছা হয় ।

[প্রস্থান ।

চতুর্থ অঙ্ক

—:~:—

প্রথম গর্ভাঙ্ক

চিন্তামণির বাটা—কক্ষ

থাক ও সাধক ।

থাক । কোথায় গেল ? আমি এই তিন দিন ধরে
ছিষ্টিটে খুঁজছি ।

সাধক । আমার বোধ হ'চ্ছে, পাগলামীর কোঁকে
বেরিয়ে প'ড়েছে ।

থাক । তা, এখন উপায় কি ?

সাধক । বড় শক্ত সমিচ্ছে ; হাকিম টের পেলে সব
নে যাবে । কি করি ?

থাক । নে যাবে, না ? ওই, অধিকের সব নিয়ে
গেল । বুড়ো মিন্‌সে, যা হয়—একটা কর ; আমি মেয়েমানুষ
কি কিছু ক'ত্তে পারি ?

সাধক । মাল সরান ভিন্ন ত উপায় দেখিনি ।

থাক । কি ক'রে সরাবে ? ভারি ভারি দিল্লুক,
দেলের সঙ্গে সব গাঁথা ।

সাধক । তাই ত ভাব্‌চি ।

থাক । (চিন্তামণির উদ্দেশে) সেই ত গেলি, চাবিটে
দে যেতে পারি নি ? আমি কি আর কখনও তোর কিছু
করি নি ?—কালের ধর্ম !

সাধক । থাক, ধর্ম কি আর আছে ? দেখ না,
“ধর্মশ্চ সূক্ষ্মা গতিঃ ।”

থাক। নাও, ভাই, তোমার এখন ছড়া রাখ; পোড়া দিন্দুক কুড়ল দে ভাঙ্গা গেলনা? মড়া মিন্‌সে যেন খায় না; আমি যে জ্বোরে মারতে পারি, উনি পারেন না।

সাধক। আরে, বোঝ না; বড় শব্দ হয় - জ্বোরে কি মারবার যো আছে?

থাক। আমার, বাপু, গালে-মুখে চড়াতে ইচ্ছা করে। বুড়া মিন্‌সে একটা উপায় ক'ত্তে পারে না!

সাধক। থাক, স্থির হও; আমি যা হয় একটা উপায় ক'চ্ছি।

থাক। ময়না মিন্‌সে, তিন দিনে একটা উপায় ঠাওরাতে পার'লি নি! হাকিমের লোক এসে বসুক, তার পর ঠাওরাবি!

সাধক। অকুল পাথার! ভাবলুম এক, হ'ল আর এক!—দেল খুঁড়ে তো দিন্দুক বা'র করি; যা থাকে অদৃষ্টে। (দিন্দুক আঘাত)

(নেপথ্যে।) বাড়ীতে কে আছে গো, দরজা খোল।

থাক। ওই! কে ও?

(নেপথ্যে।) কে আছে, দরজা খোল—দরজা খোল। আরে, শোনে না; হাকিম খাড়া।

থাক। ও গো, কি হবে গো? ওগো, কি হবে গো?

(নেপথ্যে।) আরে, দরজা ভাঙ।

সাধক। থাক, আমি ব'লব, আমার মালেকান্ স্বত্ব; তুমি মাকী হ'য়ো।

(দারোগা ও চৌকিদারগণের প্রবেশ)

থাক। দোহাই কাজী সাহেবের!—চোর—চোর—চোর—

দারোগা। হাঁ, হাঁ, চুরি হোতা থা।

থাক। দোহাই, দারোগা সাহেবের দোহাই! এই মিন্‌সে দিন্দুক ভাঙ'ছিল।

দারোগা। হাম্ লোক যব্ দরজা ভাঙ'লে, তব্ “চোর, চোর” ক'ব'লে, হারামজাদি! হাম্ সব বুঝে। (সাধকের প্রতি) ওরে, তোম্ কোন্‌ রে?

সাধক। হাকিমের দাফাতে প্রকাশ ক'ব'ব।—আমি চিন্তামণির ভিক্ষাপুত্র; আমার এতে মালেকান্ স্বত্ব আছে, জা'না'স সে দিয়ে গিয়েছে।

দারোগা। চাবি হ্যায় তোমারি পাশ?

১ম চৌকিদার। খোদাবন্দ! নেই হ্যায়; রহনেসে তোড়েগা কাহে?

দারোগা। তোম্ চূপ! (সাধকের প্রতি) আরে, চাবি আছে?

সাধক। (স্বগত) ইস্! জেরায় জব্দ ক'ল্লে!

দারোগা। (১ম চৌকিদারের প্রতি) দেখো, এ দোনোকো লে যাও; উস্কো ঠাণ্ডা গারদ্‌ম—আউর, ইস্কো পহেলা হামারা কোঠরি পর, পিছে ঠাণ্ডা গারদ্‌মে লে যাইও, হাম্ খানাতল্লাসী করুকে যাতা হ্যায়।

১ম চৌকি। বো হুকুম, খামিন্!

থাক। দোহাই দারোগা সাহেবের! ঐ মিন্‌সে চুরি ক'ত্তে এয়েছিল। আমার নীচের ঘর; চিন্তামণি আমার মাদী হয়। দোহাই দারোগা সাহেব! তোমায় ধন, মন, প্রাণ—সব সমর্পণ ক'ল্লুম; আমায় বৈধো না।

দারোগা। আরে, কুঞ্জি ছিন্‌ লেও।

১ম চৌকি। (সাধকের প্রতি) দেখো, তোম্ মারা যাওগে—তোমারা বদ্‌নামিসে মারা যাওগে; হাকিম্‌ক সাম্নে কবুল নেই দিয়া, চল্।

সাধক। আরে, চল্।

[থাক ও সাধককে পুত করিয়া প্রথম চৌকিদারের প্রশ্নান।

দারোগা। দেখো, মানসিং, তোড়'নেকো ওয়াস্তে ক' আদমি চাহি? তোম্‌সে হাম্‌সে হোগা নেই? কেঁও?

২য় চৌকি। নেহি, খোদাবন্দ; জাতসিং আউর ধনীসিংকো চাহি।

দারোগা। কেয়া করুগা, ভাই! নেই চলে ত কেয়া করে? কেঁও, দো পাইকো জাস্তি দেনে হোগা?

২য় চৌকি। দো পাইসে বনেগা নেহি; দো আনা।

দারোগা। কেয়া করুগা, ভাই? দেখো, তেরা ধরম! হাম্ বাহার বৈঠ'কে এজেহার লিখে,—চিজ্‌ ব্যস্ বুছ নেই থা, দিন্দুক তোড়'কে চোর লিয়া; চোর গেরে প্যার হো গিয়া।

২য় চৌকি। হাঁ, আপ্‌ ত মুন্‌সি হ্যায়; ওইঠো খোড়া ফলায়কে লিখিয়ে।

দারোগা। আচ্ছা, হাম্ বাহার ফারাক্‌মে বৈঠ'তা; তোম উনুলোক্কো বোলায় লাও।

(প্রথম চৌকিদারের প্রবেশ)

১ম চৌকি। খোদাবন্দ, কয়েদী জহর থাকে গির
গিয়া।

দারোগা। জহর? জহর কাঁহা মিলা?

১ম চৌকি। মরদকা পাশ থা।

দারোগা। মরদঠো গির গিয়া?

১ম চৌকি। নেহি খোদাবন্দ; দোনো কয়েদী গির
গিয়া।

দারোগা। বেকুব! দোনো ক্যায়সে গিরা?

১ম চৌকি। পহেলা মরদঠো থাকে গির পড়া;
হাম্ উস্কা সামালনে গিয়া, রেণ্ডীবি পিছু থা লিয়া। খাস
নেই চলতা; দোনো মুরদা হো গিয়া।

দারোগা। চল, চল। দেখো মানসি, বদবক্ত।

[সকলের প্রস্থান।

দ্বিতীয় গর্ভাঙ্ক

পথ

(চিন্তামণি ও পাগলিনীর প্রবেশ)

চিন্তা। মা, একটু দাঁড়াও। আমি আর চলতে
পারি নি, এইখানে একটু বসি।

পাগ। ব'স, মা, ব'স। আমি ত ব'সতে পারব না,
মা, সে যে পথে দাঁড়িয়ে আছে; নে দেরি হ'লে আবার
কি ব'লবে। তুমি তোমার স্বামীর কাছে যাও, মা, আমি
আমার স্বামীর কাছে যাই। তোমার মতন তোমার,
আমার মতন আমার; এক কৃষ্ণ যোল শ'। তুমি তোমার
কৃষ্ণের কাছে যাও, আমি আমার কৃষ্ণের কাছে যাই। সে
এক বই আর দুই নয়;—তোমার মতন তোমার কাছে,
আমার মতন আমার কাছে; শঠ, লম্পট, কপট! তবে
যাই, মা? না, একটু বসি; তুই ব'লছি—একটু বসি।

চিন্তা। (স্বগত) সত্য,—আমি কার সঙ্গ নিয়েছি!
এ যেই হোক, বাহ্যিক একজন পাগল বৈ ত নয়। যদি
সকল ত্যাগ ক'রতে পেরে থাকি, তবে এর সঙ্গ ত্যাগ
ক'তে পারব না? কেন, বিষমঙ্গল ত একা বেড়াচ্ছে!

আমি আর পাগলীকে আমার সঙ্গে থাকতে অস্বীকার
ক'রব না; যা হয়, হবে। শুনেছি, কৃষ্ণ সকলেরই; দেখি,
আমার অদৃষ্টে কি হয়। কিন্তু আমার প্রাণ কাঁদে—
পাগলীর কাছ থেকে বিদায় নিতে আমার প্রাণ কাঁদে।

পাগ। দেখ, পাখীটে একলা বেড়াচ্ছে, আর গান
ক'ছে।

চিন্তা। মা গো, বুঝেছি সকলই;

কিন্তু, প্রাণ বুঝেও না বুঝে!

মা গো, তুমি সর্কৃত্যাগী, কৃষ্ণ-অস্বরাগী।

মম হৃদে জাগে, মা, বাসনা,

যাচিব মার্জনা বিষমঙ্গলের পদে;

সে যদি না ক্ষমা করে মোরে,

কৃষ্ণ নাহি দিবেন আশ্রয়;

সাধু সদাশয়—

শত অপমান ক'রেছি তাঁহার;

কিসে পাব কৃষ্ণের চরণ?

আমি তাঁর কাছে যাব,

পদধূলি ল'ব,

ক্ষমা চাব কৃতাজলি হ'য়ে,—

তবে যাবে মানিণ্ড আমার,

তবে হবে কৃষ্ণ-পদে মতি।

যুক্তি তব ল'ব;

একা আমি ধরায় ভ্রমিব।

রহিল, মা, সাধ মনে—

পারি যদি,

ওই বিহঙ্গিনী সম

কখন করিব গান।

যাও, মা গো, যাও

যথা ডাকে তোর প্রাণনাথ;

দিস্ দেখা, পড়ে যদি মনে।

তুমি মা আমার,—

কণ্ঠা ফেলে নিশ্চিন্ত থে'ক না।

যাও, সতি, যথা তোর ডাকে পতি।

পাগ। যাই, মা, যাই; আবার আ'স্ব। আমি, মা,
পাগলদের; তুইও পাগলী মা;—তোমার কাছে আমি
আ'স্ব। তবে যাই, মা, যাই?

(গীত)

ম.ঝ. মিশ্র—পোস্তা ।

যাই গো ওই বাজায় বাণী প্রাণ কেমন করে ।

একলা এসে কদমতলায় দাঁড়িয়ে আছে আমার তরে ।

যত বাঁশরী বাজায়, তত পথ পানে চায়,

পাগল বাণী ডাকে উভরায় ;—

না গলে সে কেঁদে কেঁদে, চলে যাবে মানভরে ।

[প্রস্থান ।

চিত্তা । কঁাদ, অঁাখি—

কভু কঁাদ নি পরের তরে ;

কঁাদ নি তখন,

যবে গুণনিধি চ'লে গেল অভিমান-ভরে !

কঁাদ প্রাণ ভ'রে,

তোর জলে দৌত হবে হৃদয়ের মলা,

তপ্ত প্রাণ হটবে শীতল ।

ঢাল, অঁাখি, প্লাবনের বারি ;

নহে, মলা নাহি হবে দূর ।

উঠ, বারি, প্রস্থর ফাটিয়ে ;

ঢাল—ঢাল এ শ্মশান-প্রাণে—

দহে চিত্তানল,

স্বার্থ চিন্তা সতত প্রবল !

আরে স্বার্থ, নিজ অর্থ করেছ কি লাভ ?

তবে—

কিবা অর্থে ভুলে আমারে মজালে ?

কেন মোরে ক'রেছ পাষণ ?

ভগবান্, পতিতপাবন, রক্ষা কর, দয়াময় !

মরি, প্রভু, মনের বিকারে—

অবলারে কর রূপা ।

(ভিক্ষকের প্রবেশ)

ভিক্ষুক । ঠা'গা, তুমি একলাটি ব'সে কঁাদ' কেন ?
বাড়ী ফিরে যাবে ?

চিত্তা । তুমি কে ?

ভিক্ষুক । আমি সেট য়ে—বারে পাগলী চাবি দিলে ।
যদি বাড়ী যাও ত আমি তোমায় সঙ্গে ক'রে নে যেতে
পারি । ফ্যালফ্যাল ক'রে দেখ'ছ কি ? তোমার ঠেয়ে ত
কিছুই নেই যে কেড়ে নেব ।

চিত্তা । আমি আর বাড়ী যাব না ।

ভিক্ষুক । তবে কোথায় যাবে ?

চিত্তা । যেখানে ছ' চোখ যায় ।

ভিক্ষুক । আমি তোমায় জিজ্ঞাসা ক'চ্ছি কেন,
শোন ;—আমি মনে ক'রেছি—বুন্দাবন যাব, যদি যেতে,
একসঙ্গে ছ'জনে যেতুম ; তোমার সঙ্গে দিনকতক খোরা-
কাঁটে হ'ত ।চিত্তা । বাপু, তুমিত জান, আমার কিছুই নেই ;
আমি ভিক্ষ ক'রে খাব ।ভিক্ষুক । তোমার ঠেয়ে নাইও বটে, আবার তোমার
সঙ্গে খাবও বটে ।চিত্তা । বাপু, তুমি কি মনে ক'রেছ, আমি বাড়ী
থেকে অর্থ আনাব ? তা নয় । অর্থের জন্ত যারা আমায়
বিষ দিতে চেয়েছিল, তাদের সে অর্থ দিয়ে এসেছি । তারা
এখন জানে না, যে কি বিষ তাদের দিয়ে এলুম । তুমি
কি দেখ নি যে, আমি চাবি ফেলে দিয়ে এসেছি ?ভিক্ষুক । দাঁড়িয়ে দেখলুম, আর দেখি নি ? তবে
দাঁড়াও, পুঁটলী খুলি । (গহনা বাহির করিয়া) এ গহনা
কা'র ?

চিত্তা । কা'র গহনা ?

ভিক্ষুক । দেখ ; ভাল ক'রে দেখ চিন্তে পেরেছ ?
তোমারই ; পাগলীকে যা দিয়েছিলে ।

চিত্তা । তুমি কোথায় পেলেন ?

ভিক্ষুক । আমি চুরি ক'রবার ফিকিরে ছিলুম ; তা,
তত ক'ত্তে হ'ল না ; পাগলী দিয়ে দিলে ।

চিত্তা । তবে ও তোমার ; আমার কেন ব'ল'চ ?

ভিক্ষুক । গুণে, গহনা স্তম্ভ দ্বারা প'ড়লে এখনই মিয়াদ
হ'য়ে যাবে । পাগলীর ঠেয়ে ভুলিয়ে নেওয়াও যা, একটা
ছোট মেয়ের ঠেয়ে ভুলিয়ে নেওয়াও তা ।

চিত্তা । না, না, ও গহনা তোমার ।

ভিক্ষুক । আচ্ছা, ভাল ; পাগলী দিয়েচে ব'লে যদি
আমার হয়—তোমায় দিলুম, এবার ত তোমার হ'ল ?

চিত্তা । না বাছা, আমার গহনায় কাজ নাই ।

ভিক্ষুক । বলি, তুমি একবার নাও না ; আমি আবার
নোব এখন ।

চিন্তা। আঃ! এ পাগল নাকি?

ভিক্ষুক। তুমি মনে ক'চ্ছ, আমি খুব বোকা—আর তুমি খুব সেয়ানা! কথাটা কি বুঝিয়ে বলি, শোন,— দেখ, আমার কিছু হাতটান্টা আছে; দেখে শুনে ভেবেছি যে, ও রোগটা ছেড়ে দোব; কিন্তু চুরি টুরি না ক'ত্তে পাল্লে, রাত্রে নিদ্রা হয় না—ওই একটা দোষ হয়েছে। তাই, করি কি জান?—একটা গাছকে মনিষিয়া ক'রে বল্লম, “এই তোরা।” তাকে তাকে ফিচ্ছি,—গাছটা যেন ডাল নাড়লেই জেগে আছে; দুপুর রাত্রে যখন কাঠ হ'য়ে দাঁড়িয়ে আছে, আমি ওয়ি পোটলা নিয়ে স'রলুম; দৌড়—দৌড়—যেন চৌকিদার আ'স'চে; তার পর, একটা কোঁপে গিয়ে পোটলাটা মাথায় দিয়ে তবে ঘুমুই! তোমার ঠেঁয়ে গয়না দিলে আমি চুরি ক'রব, আর গয়না বেচে খাব; আর, সব গয়না ফুরিয়ে গেলে, ইট বেঁধে পোটলাটা নিয়ে নাড়া-চাড়া ক'রব। আর, তোমার সুবিধার কথা বলি; একেবারে অতটা সহিবে না; কখন' ত ক্লেস কর নি—একবারে অতটা সহিবে কেন? যখন পাগলীর মত স'য়ে যাবে, তখন যা খুসী ক'র।

চিন্তা। (স্বগত) ধন্য, ধন্য পূর্ক সংস্কার!

এ বিকার কত দিনে হবে দূর?
বসি তরুতলে,
মনে পড়ে কলুষিত শয্যা মোর—
যথা দেহ-পণে কিনিয়াছি ধন;
জিহ্বা চাহে স্বস্বাচ্ছ আহা—
শত্রু যাহে গরল মিশায়;
ঘৃণা করে মলিন বসন—
চাহে আভরণ,
সাজিবারে ছলের প্রতিমা!
ভাবি তাই,
কত দিনে সংস্কার হবে দূর।

ভিক্ষুক। আর ভাব্চিস্ কি? মা-বেটার মতন হু'জনে চ'লে যাই আয়।

চিন্তা। কোথায় যাবে?

ভিক্ষুক। তোর যেখানে মন।

চিন্তা। চল।

ভিক্ষুক। (গীত)

ভৈরবী - যৎ।

ছাড়ি যদি দাগাবাজী, কৃষ্ণ পেলেও পেতে পারি;
আমি কি পারব বাবা? দেখি বেয়ে পারি হারি।
যদি কেউ বাতলে দিত, এমন লোক দেখলে হ'ত;
দাগাবাজীর উপর বাজী, খেলা বড় বিষম ভারি।

[উভয়ের প্রস্থান।

তৃতীয় গর্ভাঙ্ক

বণিকের বাটী

বণিক ও অহল্যা।

বণিক। হা'স্চ যে?

অহল্যা। এই, তোমার এক গাছা চুল পেকেচে, তুমি বুড়া হ'য়ে গেলে। তুমি হা'স্চ যে?

বণিক। ভাব্চি, বুড়া হয়েছি—এখনও কি কচ্ছি, দেখ!

অহল্যা। হো! হো! বেশ হয়েছে; তোমার আর বে' হবে না।

বণিক। তাই ত! তবে আর এখানে থেকে কি ক'রব বল দেখি? চল, চ'লে যাই।

অহল্যা। বেশ ত, চল না।

বণিক। কোথায়, বল দেখি?

অহল্যা। আমি কি জানি? তুমি বল না।

বণিক। তুমি বুঝেচ।

অহল্যা। বুঝে থাকি ত আবার জিজ্ঞাসা ক'চ্ছ কেন?

বণিক। বলি, বুঝেছ কি? দিন ত গেল।

অহল্যা। আমি কি জানি? তুমি বল না?

বণিক। শোন,

কহে শুভ্র কেশ শিরে,—

“এই ত রে শমন ধরিল আসি!”

কহে কেশ—

“আর নহ বালক এখন,

যেতে হবে,—কর যত্নে পাথের অর্জন,

এ সকল কিছু নহে সাথী।”

দিন গেল, কোতুকে কাটিল ;
 হরিনাম হ'ল না এ দেহে ।
 ধূল্য মাখি খেলিছু প্রথমে ;
 যৌবনে যুবতী-কাঞ্চন সনে ।
 কহে শুভ্র কেশ,—
 “এবে তোমার মে খেলা ফুরাল,
 কিবা খেলা খেলিবি নূতন ?
 খেলা তোমার ফুরাবে স্মরিত ;
 একা এলি, একা যেতে হবে ।”

অহল্যা । প্রাণনাথ,
 সে ভাবনা নাহিক আমার ;
 আগে তুমি এসেছ হেথায়ে,
 আসিয়াছি পাছে পাছে ;
 প্রাণ বাঁধা আছে,
 যাব পাছে পাছে ;
 যথা যাবে, পাছে পাছে র'ব ।
 স্বামী—তঁার আমি ;
 স্বামি-পায় বিকাইতে কায় ।

বণিক্ । চল, বৃন্দাবনে যাই ।

অহল্যা । চল ।

বণিক্ । তবে গুছিয়ে নাও ।

(রাখাল-বালকের প্রবেশ)

রাখাল । হ্যা গো, হ্যা গো, তোমরা বৃন্দাবন যাবে ?

অহল্যা । (বণিকের প্রতি) আহা ! দেখ—দেখ,
 কেমন সুন্দর ছেলেটি ! (রাখাল-বালকের প্রতি) তুমি
 কাদের ছেলে, বাবা ?

রাখাল । দেখতে পাচ্চ না, আমি রাখালদের ?

বণিক্ । তুমি এখানে কি ক'রে এলে ?

রাখাল । আমি অমন আসি ।

অহল্যা । তুমি কেন এসেছ ?

রাখাল । ওই যে বন্ধুম—তোমাদের জিজ্ঞাসা ক'ন্তে,
 বৃন্দাবন যাবে ?

বণিক্ । কেন, তুমি 'বৃন্দাবন যাব' জিজ্ঞাসা ক'চ্চ
 যে ?

রাখাল । আমি অমন বাড়ী বাড়ী জিজ্ঞাসা করি ।

বণিক্ । কেন জিজ্ঞাসা কর ?

রাখাল । আমার দরকার আছে ; বল না ?

অহল্যা । যাব ; তুমি যাবে ?

রাখাল । হঁ ।

অহল্যা । (বণিকের প্রতি) আহা ! ছেলেটিকে যেন
 বৃকে রাখতে ইচ্ছা করে । তোমার মা কিছু বলবে না ?

রাখাল । আমার মা নেই,—মাও নেই, বাপও নেই ।

অহল্যা । তুমি কোথায় থাক ?

রাখাল । ঐ গয়লাদের গরু চরাই—আর থাকি ।

অহল্যা । তুমি গরু চ'রাতে পার ?

রাখাল । হঁ—

অহল্যা । সত্যি তোমার কেউ নেই ?

রাখাল । (অহল্যার প্রতি) তুমি আমার মা ;

(বণিকের প্রতি) তুমি আমার বাপ ।

অহল্যা । কৈ, 'মা' বল দেখি ?

রাখাল । মা, মা, মা !

বণিক্ । ছেলেটি অনাথ ।

রাখাল । হ্যা গো, আমি অনাথ ।

বণিক্ । আমরা আজই বৃন্দাবনে যাব ।

রাখাল । হো, হো, বেশ হ'য়েচে—বেশ হ'য়েচে !

বণিক্ । কেন, তোমার বৃন্দাবনে যাবার এত ইচ্ছা
 কেন ?

রাখাল । ওগো, আমি বড় মুন্সিলে প'ড়েছি ।

বণিক্ । তোমার আবার মুন্সিল কি ?

রাখাল । ওগো, তার জন্তে গরু চরাতে পাই নি,
 তার জন্তে খেলতে পাই নি, তার জন্তে যাব বৃন্দাবনে যেতে
 পাইনি । এই, তোমরা তাকে সঙ্গে নেবে, তবে বৃন্দাবনে
 যাব ।

বণিক্ । কেন ?

রাখাল । দেখ, সে দেখতে পায় না ; সে “কৃষ্ণ কৃষ্ণ”
 বলে বৃক চাপড়াতে থাকে, আমার প্রাণ কেমন করে ।
 সঙ্গে যাই ;—কোথা কাঁটাবনে পড়বে, খেতে পাবে না ।
 আমি না দিলে আর খেতে পাবে না । কে দেবে বল ?
 কাণা মামুষ ;—আর, সে যার খেতেই চায় না, আমি কত
 ভুলিয়ে খাওয়াই ।

বণিক্ । (অহল্যার প্রতি) দেখ, সেই মহাপুরুষ ।

অহল্যা। আমারও বোধ হয়।

বণিক্। তিনি কোথায় আছেন?

রাখাল। ওগো, সে যেখানে বন বাদাড় পায়, সেই-
খানেই যায়।

বণিক্। কি করেন?

রাখাল। “কৃষ্ণ কৃষ্ণ”—ওই করে, আর কি; কৃষ্ণ
যেন তার সাত পুরুষের চাকর।

বণিক্। (ঈষৎ হাসিয়া অহল্যার প্রতি) বালক!
(রাখাল বালকের প্রতি) আর কি করেন?

রাখাল। কখন মুখ রগড়ায়, কখন চিপ ক’রে মাটিতে
পড়ে, কখন চুল ছেঁড়ে। তুমি তাকে নে যাবে?

বণিক্। তিনি যাবেন?

রাখাল। আমি ভুলিয়ে নে যাব। যাক্,—বৃন্দাবনে
যাক্; “কৃষ্ণ কৃষ্ণ” ক’ছে—কৃষ্ণকে পাবে।

বণিক্। কেমন ক’রে জানলে?

রাখাল। বৃন্দাবনে যাবে, কৃষ্ণকে পাবে না?

বণিক্। বৃন্দাবনে গেলেই কি কৃষ্ণকে পায়?

রাখাল। হ্যাঁ, পায় না বই কি? তুমি ত বড় জান!

অহল্যা। তুমি কৃষ্ণকে পাবে?

রাখাল। তা কেন? আমি কি আর “কৃষ্ণ কৃষ্ণ”
ক’ছি? আমি ওই “কাণা কাণা” ক’ছি, কাণাকে পাব;
—যে যা চায়।

বণিক্। বাবা, তোর কথায় আমার আশার উদয়
হ’ছে। বৃন্দাবনে কি, যে যা চায়, তাই পায় রে?

রাখাল। তা দেখবে চলনা। আমি তবে তাকে
বলি গে? তোমরা ত বাঁধাঘাটে নৌকা ক’রবে? আমি
তাকে সেইখানে নিয়ে যাচ্ছি। ঐ যে নদীর ধারে বটগাছটা
আছে—যেখানে খুব বন, ব্রহ্মদত্তির ভয়ে কেউ যায় না
—সেইখানে আছে। আমি আর থাকুব না, দেখ,
বেলা গেল; তোমরা এস। [প্রস্থান।

অহল্যা। আহা! ছেলেটি ‘মা’ ব’লে, আমার
প্রাণ জুড়িয়ে গেল।

বণিক্। আহা! ছেলেটি যেন ব্রজের গোপাল;—
গোপাল এসে যেন আমার মনে আশা দিয়ে গেল। ভাব্‌চি,
মহাপুরুষ কি আমাদের সঙ্গে যাবেন? জানি ত, কত
ক’রেছিলুম এখানে থাকবার জগ্‌, তিনি কোন মতে

রইলেন না। আশ্চর্য্য, এত কাছে আছেন—আমি এত
খুঁজলুম, এক দিনও দর্শন পেলুম না। আহা! রাখাল-
বালকটা কে!—সেই ভয়ঙ্কর বনের ভিতর তাঁর সেবা ক’ত্তে
যায়।

অহল্যা। দেখেচ? আমি “না বিইয়ে কানাইয়ের
মা”! যেনন লোকে “ছেলে নেই, ছেলে নেই” ব’ল্‌ত,
তেম্মি ছুই ছেলে নিয়ে বৃন্দাবনে চল্লুম।

বণিক্। ভাব্‌চি, তিনি যাবেন কি?

অহল্যা। অবশ্য যাবেন। ও রাখাল-বালক নয়, ও
গোপাল; ওর মিষ্টি কথায় অবশ্য ভুলুবেন।

বণিক্। চল, তবে আমরা সত্বর হই।

[উভয়ের প্রস্থান।

চতুর্থ গর্ভাঙ্ক

কানন

বিন্দমঙ্গল উপবিষ্ট।

বিন্দ। হা কৃষ্ণ! হা কৃষ্ণ! কোথায় তুমি? দেখা
দাও। তুমিত অন্ত্যায়নী,—দেখ, আমার প্রাণ বড় ব্যাকুল
হয়েচে; ব্যাকুল হ’লে ত দেখা দাও! দীননাথ, তুমি
কোথায়—কোথায় তুমি—কোথায় তুমি? হা কৃষ্ণ! হা
কৃষ্ণ!— (মূচ্ছা)

(রাখাল-বালকের প্রবেশ)

রাখাল। (বিন্দমঙ্গলের কর্ণমূলে) কৃষ্ণ, কৃষ্ণ, কৃষ্ণ।

বিন্দ। (চৈতন্য পাইয়া) কই কৃষ্ণ?

কই শুনি বাঁশরী-নির্নাদ?

কই কালাচাঁদ?

সাধে বাদ কে সাধে এখন?

সে কি এতই নির্দয়?

হ’ক, সয় স’ক, প্রাণে স’ক।

হায়—হায়, বিফল যন্ত্রণা!

সে ত কই আমার হ’ল না।

গেল দিন ব’য়ে;

ছার দেহে কিবা কাজ?

জেনেছি—জেনেছি,

মম ভাগ্যে দেখা নাই।

কি করি ? কোথায় যাই ?

কে আমায় এনে দেবে হরি ?

বংশীধারী,

এস—এস বাজায় বাশরী,

পায় পায় দাঁড়াও সম্মুখে—

বামে হেলা শিথিপাখা !

দেখ, একা আমি ;

এস, এস হে অনাথ-নাথ !

রাখাল। কেন ভাই ? একলা কেন ভাই ? আমি
যে তোমার সঙ্গে রয়েছি, ভাই ?

বিষ্ণু। রাখাল, রাখাল, আবার এসেছ ? তুমি
আমার সর্কনাশ ক'রবে—তুমি আবার আমায় মোহে
ডুবাবে ! দেখ, তোমার কথা শুনে আমি কৃষ্ণকে
ভুলে যাই—আমি কৃষ্ণকে ডাকতে পারি না ! তুমি
কেন, ভাই, আমার জন্ত অমন কর ? যাও, ভাই,
ঘরে যাও।

তোর পায়ে ধরি,—

একে জ'লে মরি কৃষ্ণ বিনা,

কৃষ্ণধন আমার হ'ল না ;

কত জালা জান কি, রাখাল ?

জান যদি, যাও—কৃষ্ণ এনে দাও,

দাঁস হব, কেনা রব তোর।

যাও তুমি, যাও হে রাখাল,

কেন নিত্য বাড়াও জঞ্জাল ?

তুচ্ছ সংসার-আশ্রয়,

পদাশ্রয় লয়েছি রে তাঁর ;

সে রাখে, রহিব ; সে মারে, মরিব।

আমি অতি দীন, আমি অতি হীন,

কেন, হে রাখাল,

এস তুমি গহন কাননে

হেন অভাজন-সহবাসে ?

হে রাখাল, জান যদি, বল,

হৃদয়ের আলো—কোথা বনমালী কালো ?

দাও—এনে দাও—

—

রাখাল। আমায় যেতে বল্চ, ভাই ? তুমি যে
থাও না।

বিষ্ণু। ভাই, আমি বল্চি, খাব। ওরে, তুই বা, তোর
কথা শুনে আমি যে কৃষ্ণকে ভুলে যাই রে !

রাখাল। তুমি খাবে ? লোকে ভাই, এখানে
তোমাকে কি ক'রে খাবার দেবে ? ব্রহ্মদত্তির শুয়ে এ
পথে যে কেউ চলে না, ভাই !

বিষ্ণু। রাখাল, তুমি যাও, ভাই।

একে অণু মন,

তাতে তুমি ক'র না বিমনা।

দেখ, কৃষ্ণ আমার হ'ল না !

দিন গেল,—দিন যায়,

রহে না ত দিন,—

কবে তবে কৃষ্ণ পাব ?

(নেপথ্যে শঙ্খঘণ্টা ধ্বনি)

ওই শঙ্খঘণ্টা নাদে,

সায়ংসন্ধ্যা করে দ্বিছগণে।

ওই ত ফুরাল দিন ;

দিন গেল—কই দেখা হ'ল ?

এস—এস, কোথা গুণনিধি !

মরি যদি দেখা ত হবে না।—

দেখা দাও—দেখা দাও দয়াময় !

প্রাণ করে আকুলি ব্যাকুলি।

কোথা যাব ? কোথা দেখা পাব ?

এস, বাজায় মুরলী,

বনমালী রাধিকা-রজন !

রাখাল। আচ্ছা ভাই, তুমি কৃষ্ণকে ডাক, আমি
চূপটি ক'রে ব'সে শুনি।

বিষ্ণু। না, ভাই ; তুমি বালক, তুমি কেন ব'সে
থাকবে ?

রাখাল। তুই যে, ভাই, বনে থাকবি ; “একলা আমি,
একলা আমি,” ব'লে চৈঁচাবি ;—আমার ভাই, বড় কারা
পায়।

বিষ্ণু। না, এই রাখাল আমার সর্কনাশ ক'রবে !
কৃষ্ণের দেখা ত পেলুম না ; আবার কেন মোহ ? প্রাণতাগ
বহি।

রাখাল। না ভাই, আমার বড় মন কেমন ক'রবে,
ভাই !

বিশ্ব। রাখাল, তুই কে ? তোমার হাত আমি কেমন
ক'রে এড়াব ? তুই যে দেখছি, আমায় ম'রতেও দিবি নি !

রাখাল। আচ্ছা ভাই, তুই কেন বৃন্দাবনে যা না,
ভাই ! চল্ চল্ বৃন্দাবনে চল্ ; কৃষ্ণকে দেখবি চল্ ।

কথা আমার মিথ্যা নয়,
দেখ না কেন—নয় কি হয় !

বিশ্ব। চল—চল, যাব বৃন্দাবনে—

প্রেমধামে যাব, আমি প্রেমহীন !

সেখা যমুনা-পুলিনে

মাধব বাজায় বাঁশী,

ধেমুগণে নাচে কুতুহলে,

বনহারে সাজায় রাখাল—

শ্রীগোপাল, চল—চল, দেখি গিয়া ।

রঞ্জে লুটাইয়ে, রজ মাগি কায়,

“কৃষ্ণ কৃষ্ণ” বলি ডাকি' উভরায়,

প্রেম-ধারে ভেসে যায় কায় ;

প্রেমের পুলকে কম্প ঘন ঘন ;

উন্মাদ নর্তন, কত হাসি—কত কঁাদি ।

চল বৃন্দাবনে, প্রাণকৃষ্ণ মোর । (গমনোচ্ছত)

রাখাল। ও দিকে যাচ্চিস্ কোথা ? বৃন্দাবন যে এ
দিকে ।

বিশ্ব। এই কি সে মধু-বৃন্দাবন ?

কই তবে ভ্রমর-গুঞ্জন ?

কই সেই মুরলীর পল্লবি—

তান-তরঙ্গিণী উন্মাদিনী কই পায় ?

কই পীতাম্বর মুরলী-অধর—

বামে রাধা বিনোদিনী ?

কই, কই ? কি হ'ল আমার ?

বৃন্দাবনে কই সে মাধব ?

রাখাল। আয়, দেখবি আয় ।

(গীত)

পাহাড়ী—কারুফা

আমি বৃন্দাবনে বনে বনে ধেনু চরাব ।

খেলব কত ছোটোছোট, বাঁশী বাজাব ।

খেলতে বড় ভালবাসি, ছুটে ছুটে তাইত আসি ;—

আমার মনের মতন খেলার জুটি কত জন পাব ।

[উভয়ের প্রধান ।

পঞ্চম অঙ্ক

—:~:~:~:—

প্রথম গর্ভাঙ্ক

বৃন্দাবন—গোবর্দ্ধন পার্কত

চিন্তামণি আসীনা ।

চিন্তা। আগে তাঁর মন ভোলাবার জন্ত কত রকম
বেশ তুই প'রতিস্ ; এখন বল, কি বেশে গেলে তিনি
রুপা ক'রবেন। দেখ, তোমায় স্বর্ণ-অলঙ্কারে যত সাজিয়েছি,
তাতে কেবল তুমি কলঙ্কিনী প্রাণের পরিচয় দিয়েছ !
বিভূতিই তোমার ভূষণ ; নইলে, সাধুতম তোমায় রুপা
ক'রবেন না ; তুমি এত সুন্দর ভূষণ কখন পর নাই।

(অঙ্গে বিভূতি লেপন)

প'রেছি ভূষণ ; এবে কেশের বিগ্ৰাস ।

কেশ, তুমি অতি প্রতারক ;

কহিতে সতত—তুমি বন্ধু মন,

অন্তে মজাইতে চাহিতে সতত ;

তোমার ছলে ভুলে,

বাধিতাম কবরী যতনে ।

তুমি শঠ, প্রতারক, মজায়েছ মোরে ;

আজি তব নূতন বিগ্ৰাস—

পূর্বভাণে

সাধুতমে ভূলা'তে নারিবি আর ।

ঠার কৃপা হ'লে কৃষ্ণচন্দ্রে পাব ;

আরে, আমি বড়ই পতিত —

পাব আমি পতিতপাষন । (চুল কাটিতে উত্তত)

(রাখাল-বালকের প্রবেশ)

রাখাল । (চিন্তামণির হস্ত হইতে অঙ্গ কাড়িয়া লইয়া) ছি ভাই, চুল কাটছ কেন ভাই ? চুল কি কাটতে আছে ? ছি ছি, চুল কেট' না ।

চিন্তা । আহা ! আহা ! ছেলেটি কে গা ? মরি মরি, কথা শুনে প্রাণ জুড়াল !

রাখাল । তুমিও বুঝি “কৃষ্ণ কৃষ্ণ” কর ? ঐ, ঐ ? ছি ভাই, কথা কইলে না ? আমি তবে চলুন ।

চিন্তা । আহা ! তুই কে রে ?

রাখাল । ছি ভাই, তুমি মিস্ট্রি কথা জান না : তুমি বল্—“তুমি কে ভাই ?” আমি বল্, “কেন ভাই, তোমায় বল্ কেন, ভাই ?”

চিন্তা । কেন ভাই, বল্বে না, ভাই ? আহা, আমার যেন সকল জালা জুড়াল ! এখন যে ভাই, তুমি কথা ক'চ্ছ না, ভাই ?

রাখাল । তোমার সঙ্গে আমার সঙ্গে ভাব, ভাই ।

চিন্তা । হ্যা, ভাই, তোমার সঙ্গে আমার সঙ্গে ভাব ।

রাখাল । আচ্ছা, ভাই, তবে তুমি বল, ভাই,— কৃষ্ণকে ভালবাস, কি আমার ভালবাস ?

চিন্তা । আহা ! আমি অভাগিনী প্রেম-হীনা ! আমি কৃষ্ণকে কি ক'রে ভালবাস'ব ?

রাখাল । ভাই, তুমি কৃষ্ণকে চাও, কি আমাকে চাও, ভাই ? বুঝেছি ভাই, কৃষ্ণকে চাও, ভাই ; আমি চলুন, ভাই ।

চিন্তা । যাও কেন, ভাই ? শোন না ।

রাখাল । এই বৃন্দাবনে এসেছ - ঠিক কথা বল,— কৃষ্ণকে চাও, কি আমায় চাও ?

চিন্তা । কৃষ্ণকে চাই ; তোমায়ও ভালবাসি ।

রাখাল । না ভাই, এমন ভাব আমি করি নি । যাকে হয়, একজনকে পছন্দ ক'রে নাও । আমি ত বল্চি নি যে, আমায় তোমায় নিতেই হবে ।

(ভিক্ষুকের প্রবেশ)

ভিক্ষুক । আহা, আহা, কি সুন্দর রাখালের ছেলেটি রে—যেন ব্রহ্মের বালক !

রাখাল । ও ভাই, তোমার সঙ্গে আমার ভাব ।

ভিক্ষুক । হ্যা ভাই, তোমার সঙ্গে আমার ভাব ।

রাখাল । তবে রে চোর ! ভাব বল্লে, তবে পোটলটি লুকুচ্ছ যে ? আমায় দাও । (পুটলী কাড়িয়া লওন)

ভিক্ষুক । ওতে ত কিছু নেই ।

রাখাল । নেই, তবে গেরো কেন ?

ভিক্ষুক । সত্যি ; দেখ, পথে ভুলে গেরো দিয়েছি । (স্বগত) বৃন্দাবনে এলে কি হবে ! হাত পা মন ত আমার ।

রাখাল । (পুটলী ফিরাইয়া দিয়া) আর গেরো দিও না ।

ভিক্ষুক । আচ্ছা ভাই রাখাল, আমি এই ফেরে দিলুম ; আর গেরো দোব না । (দূরে পুটলী নিক্ষেপ)

চিন্তা । কেন, ভাই, তুমি যে আর একজনের সঙ্গে ভাব ক'চ্ছ ?

রাখাল । কেন ভাব ক'ব না, ভাই ?

চিন্তা । তবে যাও, ভাই, তোমার সঙ্গে আড়ি ।

রাখাল । যাব ? তবে যাই ; আর খুব না ডা'কলে আসব না ।

(প্রশ্নানোত্তত)

চিন্তা । দাঁড়াও না, দাঁড়াও না ।

রাখাল । না, আর দাঁড়াব না । [প্রশ্না]

ভিক্ষুক । ওহে, দাঁড়াও না, দাঁড়াও না ।

চিন্তা । আহা, যাক ; ক্ষিদে টিদে পেয়েছে ।

ভিক্ষুক । আমি কিছু খাবার এনে খাওয়াতুম ;— দেখ, সেই পাগলীটে আস্চে ।

চিন্তা । দেখ,— বোপ হয়, কৃষ্ণ আমায় কৃপা ক'রবেন ; মা'র মুখ দেখে আমার বড় ভরসা হ'ছে । আহা, কাহ্নাঘনী'র বরে গোপিনী'রা যেমন শ্রীকৃষ্ণকে পেয়েছিল, মা'র বরে আমার মনস্কামনা পূর্ণ হয় ! মা আমার কার সঙ্গে কথা ক'ছে ;—ও তেজঃপুঞ্জ সন্ন্যাসী কে ।

ভিক্ষুক । বেটী যখন বৃন্দাবনে এসেছে, আমার একটা

হিলে লাগলেও লাগতে পারে; ও বেটা কি রকমে ফিরে।

(পাগলিনী ও শিষ্যগণসহ সোমগিরির প্রবেশ)

পাগ। বাবা, চল যাই, আর কেন বাবা? অনেক দিন ঘর ছেড়ে এসেছি।

সোম। মা, আর ত কাজ বাকী নেই; চল, যে কাজে এসেছি, সেয়ে যাই।

পাগ। বাবা, আর থাকতে পারি নি; বাবা, আমার মন কেমন করে, বাবা; দেখ দেখি, কতদিন ঘুরে ঘুরে বেড়াচ্ছি! আমায় এমন লাঞ্ছনা করে গা! আমায় ভুলিয়ে বনে পাঠিয়ে দিলে!

চিন্তা। মা, করুণাময়ি মা, সত্যি তুই আমার মা! দয়াময়ি! আমায় ত ভোল নি?

পাগ। ওমা, আমি নই, মা; বাবাকে জিজ্ঞাসা কর, বাবা তোরে ব'লে দেবে।

চিন্তা। মা, তোমার কথায় দেশ ছেড়েছি; তোমার কথায় বাবাকে জিজ্ঞাসা ক'চ্ছি—আশীর্ষাদ কর, যেন মনোবাহু পূর্ণ হয়। (সোমগিরির প্রতি) বাবা, আমার উপায় কি হবে? আমি মহাপাতকী;—রাধাবল্লভ কি আমায় দয়া ক'রবেন?

সোম। মা, তোমার যে প্রেম,—অবশ্যই দয়া ক'রবেন।

চিন্তা। বাবা, আমার প্রেম!—

প্রেমহীনা পাষণী পাপিনী,

মরুভূমি পোড়া প্রাণ—

বারিবিন্দু নাহি তাহে,

তাহে, অহুতাপ প্রবল অনল—

দিবানিশি দহে!

এ হৃদয়ে কোথা প্রেম পাব?

প্রেমময় কৃষ্ণপদে কি তবে অর্পিব?

পিতা,

কৃপা ক'রে বল না উপায়।

সোম। মা, আমি হীন; আমি কি উপায় ক'রব? বৃন্দাবনে বিষমঙ্গল নামে একজন সাধু আছেন; তাঁর শরণাগত হও, তোমার উপায় হবে।

চিন্তা। বাবা, তুমি আমার গুরু; যখন তুমি ব'লে,

উপায় হবে,—আমার প্রাণে স্থির বিশ্বাস হ'ল; কিন্তু বাবা, ভয় হয়, আমি মহাপাতকী; আমি তাঁরই চরণে শত অপরাধী।

সোম। মা, তিনি পরম সাধু; সাধু কারও অপরাধ লন না।

চিন্তা। দেখ, বাবা, আমার অদৃষ্টদোষে গুরুবাক্য যেন বিফল না হয়। বাবা, ব'লে দিন—তিনি কোথায় থাকেন? আমি বৃন্দাবনে আসা অবধি তাঁর অনুসন্ধান ক'চ্ছি, কোথাও তাঁর দর্শন পাই নি।

পাগ। তুই দেখা পাস্ নি? আমি দেখিয়ে দোব। তুই যেন, মা, আমার মেয়ে; তোমার যেন স্বামীর কাছে রেখে আ'সতে যাব। তোমার গলা ধ'রে খানিক কাঁদি,—আর ত মা, তোমার সঙ্গে দেখা হবে না; তোমার স্বামীর বাড়ীতে দিয়ে চ'লে আ'সব। ও মা, সেখানে কাঁদতে পা'রব না; লজ্জা করে, মা,—লজ্জা করে!

ভিক্ষুক। মা, তোমার বেটাকে যে ভুলে গেলি।

পাগ। ভুলব কেন? বাবাকে ব'লে তুইও আমার সঙ্গে আয় না।

ভিক্ষুক। বাবা, আমার উপায় কিছু কি হবে?

সোম। তুমি সাধু, এ বৃন্দাবন আনন্দধাম,—আনন্দ-ময়ের কৃপায় এখানে কেউ নিরানন্দ থাকে না।

ভিক্ষুক। বাবা, আমি যে চোর।

সোম। মাখন-চোরকে চুরি ক'রবে।

ভিক্ষুক। গুরুদেব, পারি যদি—চুরির মতন চুরি বটে।

সোম। মা, তুমি তোমার ছেলে-মেয়ে নিয়ে থাক; আমি গোবর্দ্ধন প্রদক্ষিণ ক'রব।

পাগ। বাবা, এবার যখন দেখা হবে—বাপ-বেটাতে হাত-ধরাধরি ক'রে চ'লে যাব। আর থাকব না, আর কি ক'তে থাকব? (চিন্তামণি ও ভিক্ষুকের প্রতি) আয় গো আয়।

[চিন্তামণি, ভিক্ষুক ও পাগলিনীর প্রস্থান।

(শিষ্যগণের গীত)

বৃন্দাবনী সারঙ্গ—খামশা।

জয় বৃন্দাবন, জয় নরলীলা,

জয় গোবর্দ্ধন—চেতনশিলা।

নারায়ণ, নারায়ণ, নারায়ণ !
 চেতন যমুনা, চেতন রেণু,
 গহন-কুঞ্জবন-ব্যাপিত বেণু ।
 নারায়ণ, নারায়ণ, নারায়ণ !
 খেলা খেলা—খেলা মেলা,
 নিরঞ্জন নিম্নল ভাবুক-ভেলা ।
 নারায়ণ, নারায়ণ, নারায়ণ !

[সকলের প্রধান ।

দ্বিতীয় পর্ভাঙ্ক

বন

বিষ্ণুদ্বন্দ্বল অঙ্গীশ ।

বিষ্ণু । ওঃ ! রাখাল আমার সর্কনাশ ক'রে ; আমি কোন মতেই তারে ভুলতে পারছি নি । আরে মহাপাতকী, তুই মহামোহে বদ্ধ, তুই কৃষ্ণদর্শন ক'রবি কি ক'রে ? দেখি—আর সন্ধ্যা পদ্যত দেখি, যদি মনস্থির ক'রে না পারি, ত অস্বপ্নত্যা ক'রবি । এ কি ! আমার প্রাণের উপর ছুরকু আদিপত্যা রাখাল কিরূপে ক'রে ? কে ও রাখাল আমার কান হ'য়ে এল ? হা কৃষ্ণ ! আর কেন বিড়ম্বনা ক'চ্ছ ? আমার এ কি সর্কনাশ হ'ল ? আমি সাত দিন রাখালের কাছ থেকে পালিয়ে এসেছি, প্রতি মুহূর্তেই বোধ হ'চ্ছে—সে এল ! আমি কি ক'রব ? তার সঙ্গে কথা না কইলে আমি বাঁচি নি, মন আমার যে তার জগুই লালসিত ! শুনেছি, একুশ দিন অনাহারে থাকলে প্রাণবিরোগ হয় ; আর এক পক্ষ অনাহারে দ্যান করি—প্রাণ যায়, যাবে । না,—সে রাখাল ছোড়া আমায় ম'রতে দেবে না, সে বারণ ক'রে আমি ম'রতে পারিব না । আমি এই দ্যানে ব'সলুম । আর উঠ'ব না ; সে এনে ম'রবে । (দ্যানমগ্ন হ'ওন) রাখাল, রাখাল !—দেখ, এঁক হ'ল ! 'কৃষ্ণ' বলে ভাকতে 'রাখাল' বেরিয়ে পড়ে ! না, দেখি, আর একবার দেখ'ব । একবার চক্ষু, তুমি মজিয়েছিলে, এবার কর্ণ আমায় নজ্বালে ! বদির হ'তেও সাধ হয় না—তার কথা শুন্তে পাব না । চক্ষু, আজ তোমার জগু ক্ষোভ হ'চ্ছে ; রাখাল-বালকটি কেমন,

একবার দেখতে পেলুম না । দেখ, মূঢ় মন রাখালের কথাই ভাব্ছে ! (দ্যানমগ্ন হ'ওন) রাখাল, রাখাল !

(রাখাল-বালকের প্রবেশ)

রাখাল । ভাই, তুমি এখানে লুকিয়ে ব'সে আছ ? আমি দুধ হাতে ক'রে সাত দিন বেড়াচ্ছি, তুমি মা'রতে আশ বলে ভয়ে আসতে পারি নি ।

বিষ্ণু । রাখাল, তুমি আমায় খোঁজ কেন ?

রাখাল । তুমি যে ভাই, অনাথ ! আমি যে ভাই, অনাথকে বড় ভালবাসি ।

বিষ্ণু । কি, তুমি অনাথকে ভালবাস ?

রাখাল । এই দেখ না ভাই, তোকে কত ভালবাসি ।

বিষ্ণু । (স্বগত) মূঢ় মন, এই যে অনাথনাথ শ্রীকৃষ্ণ !
 —(প্রকাশে) রাখাল, রাখাল, আয়রে প্রাণের রাখাল—আয় !—

রাখাল । না ভাই, যাব না ভাই,—তুই যে ধ'রবি ভাই ।

বিষ্ণু । কই, আমায় দুধ দাও, আমি যে সাত দিন খাই নি ।

রাখাল । আয়, রোদে ব'সে আছিস, ছায়ায় আয় ।

বিষ্ণু । আমার হাত ধর, আমি ত দেখতে পাই নি ।

রাখাল । আয় ।

(বিষ্ণুদ্বন্দ্বল কড়ক রাখাল-বালকের হস্তধারণ)

বিষ্ণু । আর ত ছাড়'ব না—আমার অনেক যত্নের নিমিত্ত রাখাল । আমার ক'চি হাত,—ছাড়, ছাড়, লাগে ।

(বিষ্ণুদ্বন্দ্বল কড়ক হস্ত ছাড়িয়া দেখন)

এই—এই ত ছেড়ে দিয়েছিলি [পলায়ন]

বিষ্ণু । ছলে হাত ভিনাইলে,

দোকম্ব কি তাহে তব ?

আরে বে গোপাল,

দেছ প্রেম বড় কাঁদাইয়ে ;

সেই প্রেমে—

হৃদয়ে হৃদয়ে রাখিব বাঁদিয়ে ;

পার যদি হৃদয় হইতে পলাইবে,

তবে ত তোমারে গণি ।

অক্ষ আমি—পলাইবে কোন্ কথা ?

ধরিব তোমায় ;

দেখি, পারি কিবা হাবি, হরি !

রাখাল। (বৃষ্ণের অন্তরাল হইতে) ট ;—কই ধরু
দেখি ?

[বিষ্মমঙ্গলের ধরিতে গমন ও রাখাল-বালকের কৃষ্ণরূপে
দেখা দেওন]

রাখাল। দেখ্ দেখি, কেমন সেজেছি ! চা'—
তোব চোক হ'য়েছে ।

বিষ্ম। আহা, আহা, মরি মরি ! নয়ন, দেখ্—
তোব কত দেখ্‌বার সাধ !

নবীন জলধর, শ্যাম সুন্দর,

মদনমোহন ঠাম ।

নয়ন-খঞ্জন, হৃদয়-রঞ্জন,

গোপিনী-বল্লভ শ্যাম ॥

ধীর নষ্ঠন, নৃপূর-গুঞ্জন,

মুরলী-মোহন তান ।

কুসুম ভূষণ, গমন নিধুবন,

হরণ গোপিনী-প্রাণ ॥

শ্রীপদপঙ্কজ, দেহি পদ-রজ,

শরণ মাগিছে দিন ।

প্রাণ মাধব, সাধ, রব - রব

প্রেমমাধুরী-লীন ॥

রাখাল। (অদূরে পদশব্দ শুনিয়া) কে আস্ছে ;
আমি লুকুই । তোব কাছে কেঁদে আস্ছে, ভাই,
তুই থাক । আমি এই খানে আছি, ওরা গেলে
তোব সঙ্গে খেলুবো ।

বিষ্ম। না, দয়াময়, আমার আর কাঙ্ক্ষকে প্রয়োজন
নেই ।

রাখাল। না, ভাই, ওরা যে কাঁদবে, ভাই ; আমি
তা হলে কাঁদব ।

বিষ্ম। আহা ! কে রে ভাগ্যবান, তুমি যার জন্ত কাঁদবে ?

রাখাল। তুই কেন ভাই, দেখ্ না । তুই এখানে
বস ; আমি এই আড়ালে রইলুম । ওই দেখ্—ওরা
বাস্ছে । [প্রস্থান ।

[নিমীলিত-নেত্রে বিষ্মমঙ্গলের অবস্থান—বণিক ও অহল্যার
প্রবেশ]

বণিক। অহল্যা, সে রাখাল-বালক কে ? সে ব'লেচে,
এইখানে আমি শ্রীকৃষ্ণের দর্শন পাব ।

অহল্যা। রাখাল-বালক যদি আমায় 'মা' বলে,
আমি শ্রীকৃষ্ণকে চাই নি !

সেপথ্যে। মা !

অহল্যা। বাবা, তুমি কোথায় ?

নেপথ্যে। চুপ, আমি এই গাছের আড়ালে লুকিয়ে
আছি । শেষেরা ওই খানে ব'স ।

অহল্যা। আহা ! রাখাল ব'লেচে, এইখানে ব'সতে ।

নেপথ্যে। হ্যা, ব'স ; কৃষ্ণ এলেই তোমায় ব'লব ।

বিষ্ম। (আপন মনে) আহা ! কি রূপ দেখ্‌লুম !
রাখালরাজ, রাখালরাজ !

(চিন্তামণি, পাগলিনী ও ভিক্ষুকের প্রবেশ)

পাগ। তুই যা মা, আমি কি জামায়ের কাছে যেতে
পারি ? আমি এইখানে বসি । বাবা, ব'স—চুপ ক'রে
ব'স । এই নে । (কাঞ্চন প্রদান)

ভিক্ষুক। আর কেন, মা ?

পাগ। নিবি নি ? তা, না নিস্, কিন্তু এবার যদি
কিছু পা'স ত নিস্ ।

ভিক্ষুক। তা—আচ্ছা মা ।

(সোমগিরি ও শিষ্যগণের প্রবেশ)

সোম। (শিষ্যগণের প্রতি) সংসারীকে বৈরাগ্য
শিক্ষা দিবার জন্ত বেণ্ডা ও লম্পট ভাণ মাত্র । (বিষ্ম-
মঙ্গলের প্রতি দেখাইয়া) বৈরাগ্যের চেতনমূর্তি প্রত্যক্ষ
দেখ ! বেণ্ডা ও লম্পটের রূপায় আজ আমরাও কৃষ্ণদর্শন
ক'রব ।

১ম শিষ্য। প্রভু, আমি অজ্ঞান ; যাকে লম্পট ব'লেচি,
যাকে বেণ্ডা ব'লেচি, তাঁদের চরণে আমার কোটি প্রণাম ।
আমায় রূপা ক'রে বলুন, কৃষ্ণদর্শনের ফল কি ?

সোম। বৎস, কৃষ্ণদর্শনের ফল—কৃষ্ণদর্শন ; আর অশ্রু
ফল নাই ।

চিন্তা। (বিষ্মমঙ্গলের প্রতি)

চাও ফিরে বারেক সন্ন্যাসী,

দাসী তব মাগে পদাশ্রয় ।

দয়াময়, চিরদিন সদয় হে তুমি,

আজি হ'যো না নিষ্ঠুর।
 রূপা যদি নাহি কর, গুণধাম,
 হেয় প্রাণ এখনই ত্যজিব—
 নারীবধ লাগিবে তোমায়।
 এসেছি হে বড় আশে,
 আকিঞ্চন, করিব হে কৃষ্ণ দরশন
 তব রূপা-বলে, প্রভু!

বিশ্ব। আ-হা-হা! কৃষ্ণনাম আমায় কে শুনায়ে?
 (চিন্তামণির প্রতি দৃষ্টিপতন) একি! গুরু? প্রেমশিক্ষা-
 দাতা? বিশ্ব-মোহিনি, আমায় রূপা করুন। (প্রণামকরণ)

চিন্তা। প্রভু, অকিঞ্চনকে আর বকনা ক'র না।
 হে যোগিবর, হে প্রেমিক পুরুষ, প্রেমময় কৃষ্ণ তোমার :—
 আমায় বলেছিলে, আমি যা চাই, তুমি দিতে পার; তোমার
 কৃষ্ণকে আমায় দাও; না দাও, তোমার কৃষ্ণ তোমার
 থা'কবে—আমায় একবার দেখাও। আমি বড় পতিত,
 —পতিতপাবনকে একবার দেখি।

বিশ্ব। প্রেমময়ি, কৃষ্ণপ্রেমে তোমার হৃদয় পূর্ণ—
 কৃষ্ণ তোমার হৃদয়ে।

চিন্তা। না, না, হৃদয় আমার শূন্য; জ্ঞান ত—হৃদয়
 আমার পাষণ! মহাপুরুষ, কৃষ্ণকে কি পাব?

বিশ্ব। অবশ্যই পাবে।

চিন্তা। কোথা কৃষ্ণ, দেখা দাও; ভক্তবৎসল! না
 দেখা দিলে, তোমার ভক্তের কথা মিথ্যা হবে।

নেপথ্যে। কেন ভাই, তোমার সঙ্গে যে আমার
 আড়ি।

চিন্তা। হায়! আমি চিনেও চিনি নি! প্রেমিক

রাখাল, আমি প্রেমশূন্য, তুমি জান ত; -নিজ গুণে
 দেখা দাও।

নেপথ্যে। মা, দেখ—

পতি পল্লিবর্তন :

(দোলমঞ্চোপরি শ্রীকৃষ্ণ-রাধিকার যুগলমূর্ত্তি)

সকলে। জয় রাধে! জয় রাধাবল্লভ!

বণিক্। আ-হা-হা!

অহল্যা। বাবা, চাঁদমুখে আর একবার 'মা' বল।

চিন্তা। দেখে, প্রাণ ভ'রে দেখে।

শিষ্য। গুরুদেব, কৃষ্ণ-দর্শনের ফল—কৃষ্ণ-দর্শন।

ভিক্ষুক। মাখন-চোর, তোমায় চুরি ক'তে পারি, তা
 হ'লেই আমার চুরি-বিজা সার্থক।

পাগ। বাবা, আমার কান্না পা'চ্ছে; বাবা, দেখ
 দেখি, কত ঘোরালে! চল, বাবা, যাই।

সোম। মা, নরলীলা আর অল্প বাকী; দেখে যাই।

বিশ্ব। গুরুর চরণে প্রণাম, ভক্তবৃন্দের চরণে প্রণাম
 — ঘাঁদের রূপায় আমি গোপিনীবল্লভ দর্শন পেলাম।

সকলের গীত।

বাগেত্রী (মিশ্র)—ধামার।

বৃন্দাবনে নিতালীলা দেখে, নয়ন।

যার সাধ থাকে, সে দেখ এসে, রাধার পাশে মদনমোহন ॥

নয়ন এ অমৃতবে,

দেখবে যখন—নীরব রবে;

এমন সাধের রতন সাধ কর নি, না জানি রে তুই কেমন।

(দেখ) তেমনি করে মোহন বাণরী,

তেমনি বামে ব্রজেশ্বরী—প্রেমের কিশোরী;

তেমনি গোপী তেমনি খেলা—শুনেছিলি রে যেমন ॥

মননিকা

ম্যাক্বেথ

—:~*~:—

(মহাকবি সেক্সপীয়র-প্রণীত ম্যাক্বেথ নাটকের বঙ্গানুবাদ)

[১৬ই মাঘ, ১২৯৯ সাল, মিনার্ভা থিয়েটারে প্রথম অভিনীত]

প্রস্তাবনা

ভাবুক স্বধীর জনে, আসি এই বঙ্গদেশে,
কাব্যের বিকাশমাত্র করে মাকিঞ্চন।
কটাফের ভঙ্গি যার, ক্ষুদ্র প্রাণে অধিকার,
হেরে মাত্র কামিনীর কটাফ-ঈঙ্গণ ॥
চিত-হারা চিত্রকর, ধ্যান-মুগ্ধ কবিবর,
রঙ্গালয় তাহার জীবনে প্রয়োজন।
অমিছে বল্লনা-পথে, পুরাইতে মনোরথে,
উচ্চআশে জনমের সুখ বিসজ্জন ॥
কেবল কলঙ্ক ভার, জীবনের সার তার,
অঙ্গীক সম্পদ আশা বাসা কল্পনায়।
হ'লে গ্রাণ অবসান, কেহ করে গুণগান,
মহাকবি সেক্সপীয়র আদর্শ হেথায় ॥
মগন অনন্ত ঘুমে, শান্তির শ্মশান-ভূমে,
নিন্দা বা আদরে তার কে জানে কি হয়।
চিত্রিয়ে স্বভাব-ছবি, বৃষ্টি বা ভাবিত কবি,
চিত্রের আদর তার হবে ধরাময় ॥
জীবনে বিফল আশ, এবে পূর্ণ অভিশাপ,
নাহি শ্বাস, সে প্রয়াস নাহি এবে তার।
অভিনেতামাত্র আমি, কবিবর অমুগামী,
আলোচনা বিফল কি হেতু করি তার ॥
কি জানি কি প্রাণে গায়, কে জানে কি হেতু হায়,
নাট্যাগারে কবিবরে করিব সম্মান।
হারি যদি স্বধীত্রজ কর শিক্ষাদান ॥

শ্রীগির্শ

নাট্যোল্লিখিত ব্যক্তিগণ

পুরুষগণ

ডনক্যান (Duncan)	স্কটল্যান্ডের রাজা।
ম্যাকম্ (Malcolm)	ঐ পুত্রদ্বয়।
ডনালবেন (Donalbain)	
ম্যাক্বেথ (Macbeth)	ঐ সেনাপতিদ্বয়।
ব্যাঙ্কো (Banquo)	
ম্যাকডফ (Macduff)	ঐ অমাত্যগণ।
লেনক্স (Lenox)	
রস্ (Rosse)	
মেন্টেথ (Menteth)	
অ্যাঙ্গাস্ (Angus)	
কেথনেস্ (Cathness)	ব্যাঙ্কোর পুত্র।
ফ্লিয়েন্স্ (Fleance)	
বৃদ্ধ সিউয়ার্ড (Old Siward)	ইংলণ্ডরাজের সেনাপতি।
যুবা সিউয়ার্ড (Young Siward)	ঐ পুত্র।
সিটন (Seyton)	ম্যাক্বেথের অমুচর।
রক্তাক্ত সৈনিক, দ্বারপাল, বৃদ্ধ, দূত, লর্ডগণ, ডাক্তার, হত্যাকারীগণ, সেনাগণ, ম্যাকডফের পুত্র, ব্যাঙ্কোর প্রেতাশ্মা, ছায়ামূর্তি সমূহ, খানসামাগণ ইত্যাদি।	

স্ত্রীগণ

লেডী ম্যাক্বেথ (Lady Macbeth)	ম্যাক্বেথের স্ত্রী।
লেডী ম্যাকডফ (Lady Macduff)	ম্যাকডফের স্ত্রী।
হিক্কেট (Hecate)	ডাকিনীগণের ইষ্টদেবী।
ডাকিনীত্রয় ও অন্যান্য ডাকিনীগণ, লেডীগণ, পরিচারিকাগণ ইত্যাদি।	

সকলে। ভাল মোদের কালো, মন্দ মোদের ভাল।
আঁদাড় পাঁদাড় আনাচ কানাচ ঘুরে বেড়াই চল।

(অপর ডাকিনীগণের প্রবেশ)

সকলে।—

(গীত)

চল্ যাই চল্ যাই,
চল্ চল্ চল্ চল্ যাই লো যাই,
ওই লো ওই, ওই লো ওই,
ওই ওই ওই ওই, ওই ওই ওই ওই,
নিদিলি দেয় ঝি ঝি র ঝাই।
হাতে হাতে ধরাধরি,
হেলা দোলা, চাতুর মেলা,
বাদার জলে দলে দলে খেলা ;—
কিলি কিলি ঝিলি ঝিলি হেসে ভেসে,
কুয়াশায় চল্ মেথায়,
হিলি হিলি হিলি হিলি, সাঁই সাঁই সাঁই।

[সকলের প্রস্থান।]

প্রথম অঙ্ক

—:০:০:—

প্রথম দৃশ্য

মরুভূমি

বজ্রনাদ ও বিদ্যুৎ-চমক।

(তিনজন ডাকিনীর প্রবেশ)

১ম ডা। দিদি লো, বল্ না আবার
মিল্বে কবে তিন বোনে ?
যখন ঝব্বে মেঘা ঝপুর্ ঝপুর্,
চক্ চকাচক্ হান্বে চিকুর্,
কড়্ কড়াকড়্ কড়াং কড়াং

ডাক্বে যখন ঝন্ঝনে ?

২য় ডা। যখন বাপ্বে, মাত্বে, হারবে,
জিন্বে, খাম্বে লড়াই রন্থে।

৩য় ডা। চিকি চিকি ঝিকিমিকি,
ডুব্ ডুব্ হ'বে চাকি,
লড়াই কি আর থাক্বে বাকী।

১ম ডা। কোন্ খানে, বোন্ কোন্ খানে,
বোন কোন খানে ?

ঠিক্ ঠাক্ ব'লে দেলো,

যেতে হবে কোন্ খানে ?

২য় ডা। চুষণো রাঁড়ীর মাঠে যাব।

৩য় ডা। ম্যাক্বেথেরে দেখা দেব,
ঘাপ্টি মেরে এক কোণে।

১ম ডা। যাই যাই যাই লো দিদি,
ডাক্ছে মেনী ঞ্চাল্নেলে ;

২য় ডা। পাদার থেকে ডাক্ছে বোড়া,
কোলা ঞ্চ ফ্যারকা জিব্টা মেলে।

৩য় ডা। আয়্ যাই চ'লে, আয়্ যাই চ'লে,
আয়্ যাই চলে।

দ্বিতীয় দৃশ্য

ফরেষের নিকটস্থ শিবির

(নেপথ্যে রণডঙ্কা—ডন্ক্যান, ম্যাকম, ডনাল্‌বেন,
লেনক্স ও অম্‌চরবর্গ,—জনৈক শোণিতাক্ত
সৈনিকের সহিত সাক্ষাৎ)

ডন্ক্যান। সর্কাস্বে রুধির-ধারা আসে কোন্ জন ?
জ্ঞান হয় হেরিয়া উহায়,
উপস্থিত বিদ্রোহ-বারতা পারে করিতে বর্ণন।

ম্যাকম। এই বীরবর,

শক্রকরে করিতে উদ্ভার মোরে,
যথাসাধ্য করিল সমর।
(সৈনিকের প্রতি)

এস এস স্বপক্ষ ধীমান্,
নরপাল-সমীপে করহ্ নিবেদন—
সমর-অবস্থা কিবা,

যবে তুমি রণভূমি আইলে ত্যজিয়ে।

সৈনিক। জয় পরাজয়, বহুক্ষণ না হ'ল নির্ণয়,—
যেন সস্তরিত দুইজনে ক্রান্ত পরিণামে

ধরে পরস্পরে,
 যাহে হয় বিফল কৌশল দৌহে ।
 দয়াহীন ম্যাক্ভোনাল বিদ্রোহী-প্রধান—
 বিদ্রোহী নামের বটে যোগ্য ছুরাচার !
 পশ্চিম দ্বীপের যত পাপাশয়গণে,
 পদাতিক ভল্লধারী,
 আর আর বর্ষাবৃত যতেক দুর্জন,
 মক্ষিকার সম লিপ্ত হ'ল সে আধারে ।
 সৌভাগ্য সহায় তার হ'ল ক্ষণকাল,
 বারনারী সম হাসিল প্রসন্ন মুখে,
 কিন্তু বিফল সকলি !
 মহামতি ম্যাক্বেথ অসীম সাহস—
 বীর নামে যোগ্য সে ধীমান,
 উপেক্ষিয়া বিপক্ষের সৌভাগ্যের হাসি,
 করে ধরি সূশাগিত অসি—
 উষ্ণ শোণিতের ধূম খেলিছে ফলকে,
 রণদেব-বরপুত্র সম, শ্রেণী ভেদি পশিল সমরে,
 ভেটিল সে ক্রীতদাসে ;
 না করিল বাক্যব্যয় মিষ্ট সম্ভাষণ —
 স্কন্ধ হ'তে নাভিদেশ দ্বিখণ্ড করিয়ে,
 দুর্গের প্রাচীরে মুণ্ড করিল স্থাপন ।

ডুক্যা । ধন্য ধন্য বীরবর ! ধন্য তুমি ভ্রাতঃ !

সৈনিক । কিন্তু হায় নরনাথ !

ভেদিয়া তুষার মালা দিনকর খরকর যবে,
 সে সময়ে বহে ঝঞ্জাবাত জলপোত-নাশকারী ;
 সেইরূপ সমরে ভূপাল,
 আনন্দে হইল মহা নিরানন্দোদয় ।
 দৃঢ় অস্ত্রে গায়পক্ষ স্বপক্ষ তোমার,
 মথিল সমরে যবে ছুরস্ত নিকরে,
 পৃষ্ঠ দিল ক্ষতগামী বিপক্ষ বিগ্রহে ;
 স্বযোগ সক্ষানে ছিল নরওয়ে-প্রধান,
 সুসজ্জিত নব সৈন্তে কৈল আক্রমণ ।

ডুক্যা । নাহি চমকিল তাহে সেনাপতিদ্বয়,
 ব্যাকো আর ম্যাক্বেথ ?

সৈনিক । হাঁ, গরুড় চমকে যথা চটকে হেরিয়া,
 শশক দর্শনে যথা শিহরে কেশরী ।

শুন রাজা করি আমি স্বরূপ বর্ণন,—
 দ্বিগুণ বারুদপূর্ণ কামান যেমন,
 অধ্যক্ষ দু'জন, পুনঃ পুনঃ আঘাতিল অরিদলে,
 উষ্ণ রক্তে করিবারে স্নান—
 কিম্বা অস্থির ময়দান করিতে নির্মাণ,
 বাসনা দৌহার ;
 কি জানি কি অভিপ্রায়ে যুঝে দুই বীর ।
 বাক্য নাহি সরে,
 ক্লান্ত তনু, ক্ষতমুখ করিতেছে শুশ্রুষা প্রার্থনা ।
 ডুক্যা । তব বীর অঙ্গে অস্ত্র-লেখাসম
 বাক্য তব গৌরব-বাঞ্ছক ।

(অমুচরগণের প্রতি)

লয়ে যাও ভিষক নিকটে ।

[সৈনিককে লইয়া অমুচরগণের প্রস্থান ।

এ কে আসে ?

ম্যাকম । রস্ প্রদেশ-প্রধান ।

লেনক্স । হেরি নয়নের ভাব, হয় অমুভব—

অদ্রুত ঘটনা কিছু করিবে বর্ণন ।

(রসের প্রবেশ)

রস্ । ঐশ্বর করুন নর-বরের কল্যাণ ।

ডুক্যা । কোথা হ'তে আগমন অমাত্য-প্রধান ?

রস্ । রণ-লে হ'তে নরোত্তম !

বিপক্ষ-পতাকা যথা করিছে ব্যঞ্জন—

শ্রমযুক্ত কলেবর, স্বপক্ষ সেনার ।

বহু সৈন্তে সুসজ্জিত নরওয়ে-প্রধান,

ছুরাচার কুলাঙ্গার কদরের পতি,

রাজপক্ষ ত্যজিয়া দুর্মতি,

সম্মিলিত বিদ্রোহী সংহতি,

আরস্ত্রিল ঘোর রণ, অরি ।

সমর-দেবীর প্রিয় সামন্ত-প্রধান—

সৈন্তাধ্যক্ষ তব,

দৃঢ় বর্ষে সাজি মহাশূর

ভেটিল সে বিপক্ষ প্রধান ;

প্রতিদ্বন্দ্বী আয়ুধ চালনে,

অস্ত্রমুখে অস্ত্রমুখ করিল বারণ—

অশ্নে করি অস্নাঘাত,
 দুর্জনের দুঃসাহস দমি ;
 বণ অবসান—হইয়াছে জয়লাভ ।
 ডন্থ্য।। অতি স্নেহের সংবাদ !
 রস্। বিপক্ষ-প্রধান করে সন্ধির প্রার্থনা,
 সন্ধির কথায় কেবা করে কর্ণপাত !
 চাহে দুষ্ট, হত সৈন্তে করিতে সংকার ;
 তব পক্ষ হ'তে আজ্ঞা হইয়াছে প্রচার—
 দেবের মন্দিরে দান দিলে চুরাচার,
 তবে পূর্ণ মনস্কাম হইবে তাহার ।
 ডন্থ্য।। অতঃপর কদর-ঈশ্বর,
 আর না করিবে প্রতারণা,
 আর না করিবে গম অস্তরে আঘাত ।
 যাও, তার মৃত্যু আজ্ঞা করহ প্রচার ;
 তার পদ সৈন্তাধ্যক্ষ করহ অর্পণ ।
 রস্। হেরিয়া আসিব প্রভু, আজ্ঞা সমাধান ।
 ডন্থ্য।। কৰ্মদোষে যেই পদ হারা'ল দুর্জন,
 নিছগুণে সেনাপতি করিল অর্জন ।

[সকলের প্রস্থান ।

তৃতীয় দৃশ্য

ফরেসের নিকটস্থ উষর
 বজ্রনাদ

(ডাকিনীদ্বয়ের প্রবেশ)

১ম ডা। বোন, কোথায় ছিলি ব'সে ?
 ২য় ডা। কচি কচি শোরের ছানা চিবুচ্ছিলেম ক'সে ।
 ৩য় ডা। তুই কোথায় ছিলি বোন ?
 ১ম ডা। শোন, বলি তবে শোন,—
 এলো চুলে মালার মেয়ে, ব'সে উদ্যোগ গায়,
 ভোর কৌচড়ে ছেঁচা বাদাম, চাকুম চাকুম খায় ;
 চাইতে গেলুম একটা মুঠো, পাড়াকুঁহুলী মাগী,—
 নাকটা নেড়ে দিলে তেড়ে, ব'লে “দূর হ যাগী” !
 তার ভাতার গ্যাছে বিদেশ ভূঁয়ে, নৌকা টেনে মরে,
 সেই পাতল তার কাছ হারা চালনীটা ধরে :

হ'য়ে ইঁহুর বেঁড়ে, নৌকা দেবো ফেড়ে,
 আমি দেখ'ব তারে, দেখ'ব তারে, দেখ'ব ।
 ২য় ডা। বাতাস ফুর ফুরে, পূবে বেড়ায় ঘুরে,
 এনে দেব তোরে ।
 ১ম ডা। ওলো, তুই আপন গুণে রাখ'লি আশায় কিনে ।
 ৩য় ডা। ঝটকী ব্যাটার দেখা পেলে আন'ব জটে ধ'রে ।
 ১ম ডা। এ দিক্ ও দিক্ ঘুরে বেড়ায়, আর যত সব বায়,—
 এখান ওখান হেথায় সেথায়, যেথায় তারা যায়,
 সকল আমার হাতে, এড়াবে কি তাতে ?
 ক'ব তারে খড়ের আঁটি, স্বহ শুয়ে খেয়ে.
 বুজবে না চোখ দিনে রেতে, থাকবে ব্যাটা চেয়ে ।
 ভেকো ভাকা থাকবে একা, জবু থবু হ'য়ে ।
 জলবে দ্বিগুণ নয় নবগুণ, সাত সতর রাত,
 ডুববে না তার নৌকা খানা, ঝড়ে ক'ব্বো কাত ।
 জাপ্ জাপ্ কি এনেছি !
 ২য় ডা। কৈ দেখি, কৈ দেখি ।
 ১ম ডা। চাঁড়াল নেয়ের ভৃত্যে পুতো, নৌকা টেনে যেতে,
 ঝটকী উঠে মলো ব্যাটা, ডুবলো আঁধার রেতে ;
 ওং পেতে গে ভিড়, নিছি বুড়া আঙ্গুলটা ছিঁড়ে ।
 (নেপথ্যে ভেরি ধ্বনি)

৩য় ডা। গুম্ গুম্ ওই জয়টাক বলে,
 ম্যাক্বেথ এলো চ'লে ।

সকলে। এলো চুলে তিন বোনে আয়,
 হাত ধ'রে আয়, যাই ঘুরে,
 আকাশ পাতাল জলে স্থলে,
 সমান ভাবে যাই লো চলে ।
 মনের কথা ঘাঁটবে খেটা, ব'লতে পারি সট্ ক'রে ;
 আয়, যাই ঘুরে ।
 তিন পাক তোয়, তিন পাক মোয়,—
 তিন তিরিখো ন' পাক হবে, আর তিন পাক ঘোর ;
 থাম্ থাম্ থাম্ নাচোন কৌদন, পুরলো কুঙ্ক ঘোর ।

(ম্যাক্বেথ ও ব্যাঙ্কোর প্রবেশ)

ম্যাক্। এই ঝগড়াতে কাঁপিল অবনী—
 তখনি অমনি দিনগনি প্রকাশিল হেমকর,
 দুর্দিন স্থদিন হেন হেরিনি কখন ।

ব্যাঙ্কো । আর কত দূর ফরেন হইতে ?
একি ! জীর্ণ শীর্ণ কায় বিকট বসন
নহে যেন ধরাবাসী —
কিন্তু হের ধরা' পরে !
জীবিত কি তোরা ?
পার কি মানব-ভাষে দানিতে উত্তর ?
জ্ঞান হয় বোঝে বাক্য মম,
তুলিতেছে শুষ্ক ওষ্ঠে
অতি ক্ষীণ বিকট অঙ্গুলি ।
নারী মম আকার সবার,
কিন্তু হেরি শ্মশ্রু মুখে—
যাহে, নারী নাম দিতে নারি ।

ম্যাক্ । কে তোরা, প্রকাশ ত্বরা,
যদি থাকে ভাষা ?

১ম ডা । জয় জয় জয়, ম্যাক্বেথের জয় !

গ্লানিসের পতি যারে সর্কলোকে কয় ।

২য় ডা । কদরের পতি আজ, জয় জয় জয় ।

জয় জয় ম্যাক্বেথের জয় জয় জয় !

৩য় ডা । জয় জয় জয়, ম্যাক্বেথের জয় !

রাজরাজেশ্বর যেই হইবে নিশ্চয় ।

ব্যাঙ্কো । শুনি ভাবি শুভ বিবরণ,—

কহ, কি কারণ শিহরিলে মহাশয় ?

অশুভ শঙ্কায় যেন !

(ডাকিনীগণের প্রতি)

শুধাই সত্যের নামে,

তোরা কি রে কল্পনা-মজিত—

কিন্মা দেখি যেই মত

সেই মত বিকট আকারধারী ?

সস্তাষিলে সদাশয় বন্ধুরে আমার, জয় রবে,

রাজ্য-অধিকার তাঁর হবে ভবিষ্যতে ;

বাক্যের ছটায় তো সবার,

অভিভূত হের তাঁরে ।

নাহি সস্তাষিলে মোরে,—

থাকে যদি দৃষ্টি তব সময়ের বীজে,

কিবা হ'বে অঙ্কুরিত কি যাবে শুকায়ে,

সস্তাষ' আমায় ;

নাহি অনুগ্রহপ্রার্থী তো সবার,

নিগ্রহে না ডরি ।

সকলে । জয় জয় জয় !

১ম ডা । ম্যাক্বেথ হইতে ক্ষুদ্র কিন্তু উচ্চতর ।

২য় ডা । নহে সন স্ত্রী, স্ত্রী তা হ'তে বিস্তর ।

৩য় ডা । নহে রাজা, পুত্র তব হ'বে রাজ্যেশ্বর ।

জয় জয় জয় !

ম্যাক্বেথ ব্যাঙ্কো উভয়ের জয় !

১ম ডা । জয় জয় ম্যাক্বেথ ব্যাঙ্কোর জয় !

ম্যাক্বেথ । রহ রহ রে অক্ষুটবাদি !

বিস্তারি কহরে মোরে,

জানি আমি হইয়াছি গ্লানিস ঈশ্বর ;

কিন্তু কদরের পতি বলি সস্তাষ' কেমনে ?

জীবিত, সৌভাগ্যশালী সেই মহাজন ।

আর রাজা, রাজ্যলাভ হইবে আমার ?

প্রত্যয়ের সীমার অতীত কথা !

কদরের পতি হ'ব সেইরূপ অসম্ভব !

বল বল, কোথায় পাইলে হেন অদ্বীত বারতা ?

কিবা হেতু, তৃণশূণ্য ছুস্তর প্রান্তরে,

নিবারিছ গতি দৌহাকার, কহি ভবিষ্যৎ-বাণী ?

সত্য কহ, জিজ্ঞাসি তোদের ।

[ডাকিনীগণের অন্তর্ধান ।

ব্যাঙ্কো । ওঠে বৃদ্বুদ সলিলে,

ধরায় নেহারি সেই মত,

মৃত্তিকার বৃদ্বুদ এ সব ;

অকস্মাৎ কোথায় মিশা'ল ?

ম্যাক্ । মিশা'ল অনিলে,

স্থলকায় শ্বাসবায়ু সম মিশাইল বায়ুমনে ;

হ'ত ভাল রহিত যতপি ।

ব্যাঙ্কো । সত্য কিবা ছায়া, যাহা প্রত্যক্ষ হেরিছ ?

কিন্মা কোন ঔষধ-প্রভাবে

জ্ঞানবুদ্ধি হরেছে দৌহার ?

ম্যাক্ । রাজ্যেশ্বর হ'বে তব বংশধরগণে !

ব্যাঙ্কো । তুমি হ'বে রাজা !

ম্যাক্ । কদরের অধিপতি আর—

হইল না এইরূপ বাণী ?

ব্যাঙ্কো। অবিকল ওই কথা। কে আসিছে হেথা ?

(রস্ ও অ্যাঙ্কাসের প্রবেশ)

রস্। সখী নরনাথ তব বিজয়-সংবাদে,
বিদ্রোহ-বিবাদে গুনি বীরত্ব আখ্যান,
যেইরূপ চমৎকার লাগিয়াছে তাঁর ;
ততোধিক প্রশংসা তোমার, উঠিছে হৃদয়ে,
হৃদি-হৃন্দে নীরব ভূপাল ।
যেন প্রতিক্ষণে তোমারে করেন দরশন—
যুদ্ধক্ষেত্রে বিপক্ষের শ্রেণী মাঝে, অতীত হৃদয়,
চারিদিকে রচিতেছ অদ্বিত মৃত্যুর ছবি ;
শিলাবৃষ্টি হয় যেই মত :
এলো দূত যুদ্ধবার্তা ল'য়ে,
প্রতি জনে ঢালিল সংবাদ,
অবসাদহীন তব বিক্রম বিশাল—
প্রকাশিলে যাহা বীর, রাজ্যের রক্ষণে ।

অ্যাঙ্কাস। প্রেরিলেন নরনাথ আমা দৌড়ে,
জানাইতে ধন্যবাদ তাঁর ;
পাইয়াছি অমূল্যমতি
ল'য়ে যেতে সময়ে ভূপতি সননে,
আসি নাই দিতে পুরস্কার ।

রস্। দানিবেন উচ্চ-মান ভূপাল আপনি,
নিদর্শন তার, তাঁরই আজ্ঞামতে আজি,
সস্তামি তোমায় কবরের অধিপতি নামে ;
সেই উচ্চ পদ আজি তব ।

ব্যাঙ্কো। এ কি, প্রেতে কহে সত্য কথা !

ম্যাক্। জীবিত সে মহাজন,
পর-পরিচ্ছদে কেন সাজাও আমায় ?

অ্যাঙ্কাস। সত্য বটে জীবিত দুর্জন,
কিন্তু গুরুতর রাজ-আজ্ঞা তার প্রতি ;
যে আজ্ঞায় জীবন সংশয় তার ।
অযোগ্য জীবন,
বিদ্রোহীর সনে যোগ দিল রণে,
কিন্তু গুপ্তভাবে সাহায্য করিল
স্বদেশের অধিত্য সাদনে, নাহি জানি ।
নিজমুখে নিজ দোষ করিল স্বীকার ;
রাজদ্রোহী, পদচ্যুত সেই হেতু ।

ম্যাক্। (স্বগত) ম্যামিস ঈশ্বর—কদর-ঈশ্বর,
উচ্চতর-সম্মান এখনও বাকী !

(প্রকাশে) আপ্যায়িত হইলাম আমি,
এত ক্লেণ করিয়াছ দিতে সমাচার !
(ব্যাঙ্কোর প্রতি) হয় কি হে আশা তব মনে,
তব বংশধরগণে, হ'বে রাজ্যেশ্বর জনে জনে ?
দেখ না, দেখ না, কদর-ঈশ্বর কহিল আমায়,
সত্যে পরিণত হ'ল ভবিষ্যত-বাণী ।

ব্যাঙ্কো। সে কথায় কহিলে প্রত্যয়,
উত্তেজিত করিবে তোমায় ধরিতে মুকুট শিরে !
কিন্তু অতি আশ্চর্য ঘটনা,
গুনিয়াছি, তমাচ্ছন্ন নরকের অমৃতচরণে
কহে সত্য বাণী, ল'য়ে যেতে পাপ-পথে,
ক্ষুদ্র দানে ভূলায় মানব-মতি,
করে প্রতারিত পরে গুরু আশা ভঙ্গ করি ।
(রস্ ও অ্যাঙ্কাসের প্রতি) ভাই, শোন ।

ম্যাক্। (স্বগত) দুই ভবিষ্যৎ-বাণী সত্যে পরিণত,—
রাজ-অভিনয়ে সুন্দর সূচনা গান যেন !

(রস্ ও অ্যাঙ্কাসের প্রতি)

আপ্যায়িত হইলাম মহোদয়গণ !

(স্বগত) অমাত্যমণী ভবিষ্যৎ-বাণী নহে ত অশুভ,
কিন্তু নহে শুভ ;

অশুভ যতপি, কেন তবে সফল বচন—

ভাবী শুভ নিদর্শন সম ?

আজি ত কদর-পতি আমি ।

কিন্তু যতপি মঙ্গলকর,

পাপচিন্তা কেন উঠে মনে ?

যে ভীষণ ছবি কটকিত করে অঙ্গ মম ;

বার বার অন্তর আমার আঘাতিছে বক্ষঃস্থলে ।

অন্তরে কি হেতু হেন অস্বভাব-ক্রিয়া ?

কল্পনা-চিত্রিত ঘোর আতঙ্কের ছবি,

বর্তমান ভয় হ'তে অতীব ভীষণ ।

হত্যার কল্পনা হয়েছে উদয় মাত্র এবে,

কিন্তু তায় বিশৃঙ্খল মনোরাজ্য মম,

চিত্ত, মতি, বুদ্ধি আচ্ছাদিত—

বর্তমান দৃষ্টিগীন আমি,

দূর ভবিষ্যৎ দৃশ্য হয় সত্যজ্ঞান।

ব্যাঙ্কো। হের, বন্ধু মম চিন্তায় মগন।

ম্যাক্। (স্বগত) ভাগ্য যদি করে মোরে রাজা,

ভাগ্য দেবে মুকুট আঁমায় চেঁচা বিনা।

ব্যাঙ্কো। নূতন সম্মান যেন নব পরিচ্ছদ,

ব্যবহার বিনা ভাল অঙ্গে নাহি বসে।

ম্যাক্। (স্বগত) যা হ'বার হয় হোক,

চিন্তা কিবা তায় ;

হোরা মিলি গড়িবে সময়,

তুদ্দিন না রয়, ব'য়ে যায়।

ব্যাঙ্কো। মহাশয়, আছি অপেক্ষায়।

ম্যাক্। কর ক্ষমা, অতি জড় মস্তিষ্ক আমার,

ভুলিয়াছি, কোন কথা

নাহি আর আসে স্মৃতিপথে।

সদাশয় মহোদয়গণ,

আমা হেতু করেছ যে ক্লেশ,

বুহিল অঙ্কিত মম অন্তরে অন্তরে

পুস্তকে অক্ষর যথা,

প্রতিদিন করিব স্মরণ।

চল যাই, ভূপাল সদন।

(ব্যাঙ্কোর প্রতি)

দেখ বীর, বিচারিয়া মনে—

ঘটিল যে অদ্ভুত ঘটন,

পার যদি নির্ণয় করিতে কিছু ;

পরে সময় অন্তে, ক'ব কথা পরস্পরে—

অকপটে জানা'ব অন্তর দোহে।

ব্যাঙ্কো। ভাল ভাল, ভাল মহাশয়!

স্বখী হ'ব এ বিষয় আন্দোলনে।

ম্যাক্। তদবধি এ কথা না কর উত্থাপন।

চল বন্ধুগণ।

[সকলের প্রস্থান।

চতুর্থ দৃশ্য

ফরেষের রাজবাটী

বিজয়-বাণরব

(ডনক্যান, ম্যাক্, ডনাল্বেন, লেনক্স ও
অমুচরবর্গের প্রবেশ)

ডনক্যান। কদরপতির জীবন-দণ্ড হ'লো কি ? যাদের
প্রতি সে কার্যের ভার ছিল, তারা কি ফিরেছে ?

ম্যাক্। আর্থা, তারা প্রত্যাগমন করে নাই, কিন্তু
আমার সহিত এক ব্যক্তির সাক্ষাৎ হ'য়েছিল, যিনি বধ্য-
ভূমে তার প্রাণদণ্ড দেখেছেন। তাঁর মুখে সংবাদ পেলেম,
নিজ দোষ সে নিজমুখে স্বীকার পেয়েছে ; মহারাজের
নিকট মার্জনা প্রার্থনা ও বিস্তর অমুতাপ ক'রেছে ; তার
জীবন অপেক্ষা মৃত্যু তার গৌরবকর। শুন্লেম, লোকে
যেমন তুচ্ছ বস্তু ত্যাগ করে, সেইরূপ অনায়াসে অমূল্য-
জীবন ত্যাগ ক'রলে, যেন মৃত্যু তার অভ্যস্ত ছিল।

ডনক্যান। মানব-মুখে মানব-মনের গঠন দেখবার
কোন কৌশলই নাই ; এই ব্যক্তির উপর আমি বিস্তর
বিশ্বাস স্থাপন করেছিলাম।

(ম্যাক্বেথ্ ব্যাঙ্কো, রস্ ও অ্যানাসের প্রবেশ)

হে বীরবর, হে ভ্রাতঃ ! অকৃতজ্ঞতা-পাপভার আমার
অন্তঃকরণকে নিপীড়িত ক'রেছে ; গৌরব-রথে তুমি একরূপ
ক্রতগামী যে পুরস্কার তোমার নিকটবর্তী হ'তে অসমর্থ
হয়। তুমি যেকরূপ যোগ্য, তা' অপেক্ষা যদি ন্যূন হ'তে,
তা হ'লে তোমার যোগ্য পুরস্কার দান ও কৃতজ্ঞতা প্রকাশ
ক'রতে পারতেন। কেবল মাত্র বক্তব্য, কেহ তোমার
যোগ্য পুরস্কার প্রদান ক'রতে পারে না।

ম্যাক্। নরনাথ, রাজকার্যে রাজভক্ত প্রজার যা
কর্তব্য, সেই আমার পুরস্কার ; আমরা কেবল কর্তব্য
সাধনে সক্ষম। মহারাজ সমস্ত কার্যের অধিকারী, এতে
আর পুরস্কার কি ? রাজার সহিত—রাজ্যের সহিত
আমাদিগের সন্তান ও ভৃত্য সম্বন্ধ ; আমাদিগের কাৰ্য্য
কর্তব্যসাধন মাত্র। সেই শ্রেয়ঃ— যাহা আমাদের প্রীতি ও
সম্মানভাজন—মহারাজের কল্যাণকর।

ডনক্যা। হে মহাত্মন! তোমায় আমি যত্নে রোপণ ক'রেছি; এবং দিন দিন সুন্দর বৃক্ষের গায় যা'তে বদ্ধিত হও, সে নিমিত্ত আমি বিশেষ যত্ন ক'রব। হে সদাশয় ব্যাঙ্কো! তুমি যোগ্যতায় কিছুমাত্র নান নও, যোগ্যতা প্রকাশে কিছুমাত্র ক্রটি কর নাই। এস, তোমাকে আলিঙ্গন ক'রে হৃদয়ে আবদ্ধ ক'রে রাখি।

ব্যাঙ্কো। যদি মহারাজের অস্থঃকরণে আমি বদ্ধিত হই, ফলাফল সমস্ত মহারাজের।

ডনক্যা। আমার হৃদয়ে আর আনন্দ পরে না,—যেন, আমার চক্ষুর জলে সেই আনন্দ লুক্কায়িত হ'তে চাচ্ছে। পুত্র, অমাতা, বন্ধুগণ! আজ আমরা আমাদের জ্যেষ্ঠ-পুত্র ম্যাকমকে যৌবরাজ্যে অভিষিক্ত করেম; সম্মান কেবল একা তার প্রতি অর্পিত হবে না, রাজসম্মানে সকল যোগ্য ব্যক্তিই তারকার গায় উজ্জল বিভাষ ভূষিত হবে। (ম্যাকবেথের প্রতি) তোমার নিকট অধিকতর ঋণ আবদ্ধ হ'বার জন্ত তোমার গৃহে অতিথি হ'ব।

ম্যাক। মহারাজের কাণ্ড অবহেলা ক'রে যে বিশ্রাম লাভ, তাহা কঠিন শ্রম অপেক্ষা ক্লেশকর। আমি স্বয়ং আমার গৃহে দূত হ'ব, আনন্দ সংবাদে আমার পরিবারের কর্ণকুহর পরিতৃপ্ত ক'রব, বিদায় প্রার্থনা করি।

ডনক্যা। তোমার যেরূপ অভিরুচি, ধীমান!

ম্যাক। (স্বগত) যুবরাজ,—

মম উচ্চপথ-মাঝে ঝ'য়েছে এ বাধা,
লক্ষ্যে এই অবরোধ করিতে হইবে অতিক্রম,
অথবা পতন হ'বে তাহে।
হে তারকামালা, নিভাও হে আলোক নিচয়,
তমোময় গভীর বাসনা-কূপ মম,
আলোক না করে ভেদ;
চক্ষু নাহি নেহাবে হস্তের ক্রিয়া,
পলক পড়িয়ে ঢাকে যেন আঁখি,
কিন্তু কার্য্য হোক সমাধান—
আতঙ্কে শিগরে আঁখি যে কার্য্য হেরিলে।

[প্রস্থান।

ডনক্যা। হে ধীমান! ব্যাঙ্কো, সেনাপতির বীর হ তোমার বর্ণনা-অমুরূপ! তাঁর প্রশংসা আমাদের তৃপ্তিকর রাজভোগ, অতি আনন্দকর ভোগ; চল, আমরা তাঁর পশ্চাৎ

গমন করি। আমাদের অভ্যর্থনার জন্ত ব্যগ্র হ'য়ে চ'লে গেলেন; এ মহাত্মার আর তুলনা নাই।

[সকলের প্রস্থান।

পঞ্চম দৃশ্য

ইনভারনেসস্থ ম্যাকবেথের দুর্গের কক্ষ

(পত্রহস্তে লেডী ম্যাকবেথের প্রবেশ)

লে-ম্যাক। (পত্রপাঠ) 'এই জয়লাভের দিনই আমি তাহাদের দেখা পাই এবং বিশ্বস্ত সূত্রে অবগত হ'লেম, তাহারা মানবাতীত শক্তিসম্পন্ন। যখন আমার অধিক জানিবার জন্ত প্রবল তৃষ্ণা জন্মিল, তখন যেন হাওয়ার শরীর হাওয়ায় মিশাইয়া গেল; আমি বিশ্বয়ে মগ্ন! এমন সময় রাজার নিকট হইতে দূত আসিয়া আমাকে 'কদর-পতি' বলিয়া সম্বোধন করিল। ঐ বিকটা ভগিনীজন্য আমাকে পূর্বে ঐ নামে সম্বোধন করিয়াছিল এবং ভারী রাজ্য বলিয়া অভিবাদন করে। তুমি আমার উচ্চপদের সঙ্গিনী, তোমায় এ সংবাদ না দিয়া নিশ্চিত হইতে পারিলাম না। আমার আনন্দে তোমার যে অংশ, তাহাতে যেন তুমি না বদ্ধিত হও। আমার পদ-বৃদ্ধিতে তোমার পদবৃদ্ধি; তুমিও আপন পদ অবগত হও এবং ভবিষ্যৎ-বাণীতে তুমি দে পদ অধিকারিণী, এই পত্র তোমায় জানাইলাম। নিজ অস্থঃকরণে এ কথা গোপন রাখিবো।' ইতি—

ম্যামিস কদর-পতি হ'য়েছ এখন,
হ'বে পরে শুনেছ যা ভবিষ্যৎ বাণী;
কিন্তু উরি আমি স্বভাব তোমার,
পরিপূর্ণ দয়াদারে—
পাছে ঋজুপথ কর অবহেলা।
উচ্চপদ ইচ্ছা তব, উচ্চ আশ নহ ত বিহীন;
কিন্তু বিনা পাপে সাধিবারে চাহ প্রয়োজন।
যে পদ বাসনা তব হৃদয়ে প্রবল,
ধর্মপথে অর্জন করিতে তাহা সাধ।
প্রতারণা কর ঘৃণা, কিন্তু পরস্ব লালসা তব।
যেই উচ্চাসন লাভ প্রয়াস তোমার,
চাহ যদি সে আসন,

অবশ্য দুষ্কর কার্য্য হইবে সাধিতে ;
ভয় চিতে, যে কার্য্য করিতে—
সেই কার্য্য হোক সমাধান ইচ্ছা তব ।
এস ত্বর, অন্তরের অমুরাগ মম
ঢালি তব কর্ণপথে,
সবল জিহ্বায় করি তাড়না তোমায় ;
দূর করি অন্তরের বাধা,
প্রতিরোধ করে যাহা মুকুট পরিতে,
যে মুকুট ভাগ্যসনে শক্তি অমামুখী
চাহে তোমা করিতে ভূষিত ।

(দূতের প্রবেশ)

কি সংবাদ ?

দূত । অণু রাত্রে মহারাজ এ পুরে অতিথি হবেন ।

লে-ম্যাক্ । ক্ষিপ্ত তুমি, তাই কহ হেন বাণী ।

প্রভু তব নাহি কি রাজার সাথে ?

রাজসমীপে রহিলে,

অবশ্য আসিত হেথা সংবাদ লইয়ে,

ব্যস্ত চিতে রাজ-অভ্যর্থনা হেতু ।

দূত । দেবি, অবধান করুন, সত্য কথা, প্রভু

আসছেন, আমার একজন সহযোগী তাঁ হ'তে ত্বরান্বিত

হয়ে পৌঁছেছে, দ্রুত আগমনে তার স্বাসরুদ্ধ । কেবল

এই সংবাদ মাত্র দিতে পেরেছে ।

লে-ম্যাক্ । সমাদর কর দূতে,

আনিয়াছে উচ্চ সমাচার ।

[দূতের প্রস্থান ।

স্বাসরুদ্ধ দূত, কর্কশ বায়স,

হ'বে স্বাসরুদ্ধ তার,

জানাইতে রাজ-আগমন,

এই পুরে যমের দুয়ারে !

আয়, আয়, আয় রে নরক-বাসি পিশাচ নিচয় !

ডাকিছে জিঘাংসা তোরে আয়, ত্বর করি,

হর নারী-কোমলতা হৃদি হ'তে মগ,

আপাদ মস্তক কর কঠিনতাময়,

কর ঘন শোণিত-প্রবাহ,

রুদ্ধ রাখ হৃদয়ের দ্বার,

মানব-স্বভাব-জাত অহুতাপ যেন নাহি পশে,

না টলায় উদ্দেশ্য ভীষণ, হৃদ নাহি উঠে মনে,
যদবধি কার্য্য নাহি হয় সমাধান ।

এস হত্যা-উত্তেজনা কারি !

ভ্রম যারা অদৃশ্য শরীরে,

মানব-স্বভাবে পাপ-উত্তেজনা হেতু,

এস এস নারীর হৃদয়ে,

পয়ঃ পরিবর্তে বিষ দেহ পয়োধরে !

আয়, আয়, ঘোররূপা তামসী ত্রিধামা !

ভীষণ নরক-ধূমে আবরিয়া কায় ;

যেন তীক্ষ্ণ ছুরী না হেরে আঘাত,

তমাচ্ছন্ন আবরণ ভেদিয়া গগন

“কি কর, কি কর !” নাহি বলে ।

(ম্যাক্বেথের প্রবেশ)

গ্যামিসের পতি, কদরের পতি !

উচ্চতর পদ যারে দিবে ভবিষ্যতে,

গাইল ডাকিনীগণ যাহা ।

তব পত্রপাঠে ভ্রমি আমি ভবিষ্যতে,

ভাবীবর্তী-অঙ্গ,—

এই বর্তমান ত্যজি ভবিষ্যৎ উদয় এখন ।

ম্যাক্ । প্রিয়ে, রাজ আগমন হ'বে পুরে ।

লে-ম্যাক্ । কবে তাঁর ফিরিতে বাসনা ?

ম্যাক্ । কল্য, এই মত বুঝিলাম অভিপ্রায় ।

লে-ম্যাক্ । ওঃ ! দিনকর,—সেই কল্য কতু না হেরিবে ।

সরল হে মুখ-ছবি তব,

যাহে নরে পুস্তকে যেমতি—

পাঠ করে হৃদয়ের অদ্ভুত সংবাদ ।

ভূলাও সকলে, সময়-উচিত আবরণে ;

চক্ষু, হস্ত, জিহ্বায় ধর হে অভ্যর্থনা ।

হও প্রস্ফুটিত যেন নির্মল কুসুম,

কিন্তু ফণী হ'য়ে বস' মাঝে তার,

উদ্বোধের প্রয়োজন অভ্যর্থনা হেতু তার ।

নিশার ভীষণ কার্য্য সমর্পন কর মম করে,

যেই কার্য্য ফলে, নিশি দিন—

করিব স্থাপন আধিপত্য সর্বোপরি,

হ'ব দৌহে প্রভু স্বাকার ।

ম্যাক্। এ সকল আলোচনা করিব পশ্চাৎ।

লে-ম্যাক্। রহ মাত্র প্রসন্ন বদনে,
বিকৃত বদন ভাব ভয়ের লক্ষণ;
অন্য কার্য্য ভার মম প্রতি।

[উভয়ের প্রস্থান।

ষষ্ঠ দৃশ্য

ম্যাক্বেথের দুর্গতোরণ।

(ডনক্যান, ম্যাকম, ডনাল্বেন, ব্যাঙ্কো, লেনক্স, ম্যাকডফ,
রস্, অ্যান্ডাস, বাণ্যমন্ত্রকারক, মশালধারক
ও অমুচরবর্গের প্রবেশ।

ডনক্যা। এ অতি সুন্দর পুরী,

বায়ু মুহুমন্দ-গতি মধুর পরশে কায়।

ব্যাঙ্কো। বসন্তের অতিথি এ বিহঙ্গ সুন্দর

উচ্চ-গৃহচূড়বাসী, করিছে প্রচার

এই স্থানে বহে চির বসন্ত অনিল,

গৃহচূড়ে সুষোগ যথায়—

ঝুলায় তথায় সুন্দর আপন নীড়,

রহে যথা বহে তথা বায়ু মন্দগতি।

(লেডী ম্যাক্বেথের প্রবেশ)

ডনক্যা। দেখ, গৃহিণী আমাদের অভির্থনা হেতু আগ-
মন কচ্ছেন। সুন্দরি, প্রজাগণে রাজভক্তি প্রদর্শন করে
কখন কখন আমাদের বিরক্ত করে সত্য; কিন্তু তাদের
প্রীতি দর্শনে আমি পরম প্রীত হই, প্রীতিভরে আমরা অচ্য
তোমার আবাসে এসেছি; দেখ, অনাদর ক'র না।
আমার, তোমাদের প্রতি অপার স্নেহ, তাই বিরক্ত ক'রতে
এলেম। আমার প্রীতির পরিবর্তে প্রীতিদান করে ঈশ্বরের
নিকট আমার মঙ্গল প্রার্থনা কর। তোমরা আমার নিতান্ত
প্রীতির ভাজন।

লেডী-ম্যাক্। মহারাজ, আমরা রাজসেবায় যে সকল
কার্য্যে সক্ষম, যদি তার দ্বিগুণের দ্বিগুণ সমর্থ হ'তেম, তা
হ'লেও মহারাজের রূপার নিকট অতি ক্ষুদ্র হ'ত। রাজ-
আগমনে এ পুরী যেরূপ সম্মানিত, তার আংশিক কৃতজ্ঞতা
প্রদানে আমরা অপটু। পূর্করূপা ও বর্তমান রূপায় কি

আর পরিশোধ দেব?—কেবল দিব্যরাত্র ঈশ্বরের নিকট
মহারাজের মঙ্গল বাসনা ক'রব।

ডনক্যা। কোথায়, স্বামী তোমার কোথায়? আমরা
তাঁর পশ্চাৎ পশ্চাৎই আসছি, ভেবেছিলাম তাঁর অগ্রে এসে
পৌছিব; কিন্তু তিনি বেগগামী, রাজভক্তিতে অধিকতর
ক্রতগমনে তোমার নিকট উপনীত হয়েছেন। হে সুন্দরী,
অচ্য আমরা তোমার অতিথি।

লেডী-ম্যাক্। মহারাজ! ভূত্যের যা আছে, তা
সকলই মহারাজের; কেবল আমরা তার রক্ষক। যা মহা-
রাজের, তাই দিয়ে মহারাজের পূজা ক'রব, আর ত
আমাদের কিছুই নাই।

ডনক্যা। আমায় তোমার কোমল হস্ত প্রদান কর,
তোমার স্বামীর নিকট লয়ে চল; আমি তাঁকে অতিশয়
ভালবাসি, আমাদের স্নেহ চিরস্থায়ী।

[সকলের প্রস্থান।

সপ্তম দৃশ্য

ম্যাক্বেথের দুর্গের কক্ষ।

(বাণ্যমন্ত্রকারক ও মশালধারকগণ পরে খানা হস্তে
খান্দামাগণের প্রবেশ ও প্রস্থান, পরে ম্যাক্বেথের প্রবেশ
ম্যাক্। এ কঠিন ত্রুত যদি উচ্চাপনে হ'ত উচ্চাপন,

শ্রেয়: তবে শীঘ্র সমাধান;

লক্ষ্যকাম হত্যা যদি বারিতে পারিত পরিণাম,

অস্ত্রাঘাতে ফুরা'ত সকলি,

ভূঞ্জিতে না হ'ত ফলাফল ইহকালে।

সংকীর্ণ এ শব-কূলে দাঁড়িয়ে নির্ভয়ে,

করিতাম অবহেলা পরলোকে।

কিন্তু এই গুরু পাপে দণ্ড ইহলোকে!

অন্যে শিখে এ শোণিত খেলা,

শিক্ষকে দেখায় সেই খেলা প্রাণনাশী।

বিষম অপকৃপাতী বিধির নিয়ম!

যার বিষপাত্র, আনি ধরে তার মুখে।

দ্বিগুণ বিশ্বাসভঙ্গ বধিলে ভূপালে,

জ্ঞাতিত্ব প্রথমে, তাহে প্রজা আমি তাঁর,

উভয়ে প্রবল রোধ এ কার্য্য সাধনে।

দ্বিতীয়তঃ, মমাশ্রয়ে অতিথি সে জন,
ঘাতকে রোধিতে ছার উচিত আদার,
আপনি ধরিব ছুরি,
এ হ'তে সম্ভবে পাপ-কিবা ?
বিশেষ এ নরপতি মাৎসর্য্য বিহীন,
সদাশয় অতি, রাজ-কার্য্য অমল তাঁহার ;
গুণগ্রাম তাঁর,
বাজায়ে ধর্ম্মের ভেরী নিদারুণ বোলে,
কহিবে সকলে নিদারুণ হত্যাকাণ্ড,
দয়া, পবন বাহনে—
প্রাণনাশ-উপগ্রাস ক'বে ঘরে ঘরে,—
জন-মন ঝবিবে গুনিয়া,
নবশিশু নিরাশ্রয় হেরি যথা দেবদূতগণ,
অশরীরি অশুপৃষ্ঠে করি আরোহণ, করিবে ভ্রমণ,
উঠিবে তুমুল ঝড় তাহে ।
খর বালুকা সমান, নর-চক্ষুে বাজিবে সংবাদ,
আখিজল বহিবে প্রবল, নিবিড় নীরদধারা সম,
দেবক্রোধ তুষ্টি হেতু ।
নাহি অণু উত্তেজনা মম,
একমাত্র উচ্চাশায় মাতায় আশায়,
লক্ষ্য দিতে চায় প্রাণ, উচ্চাসন 'পরে,
উঠিতে না পারে, লক্ষ্যভ্রষ্ট পড়ে অণু পারে ।

(লেডী-ম্যাক্বেথের প্রবেশ)

কি কি, কি সংবাদ ?

লেডী-ম্যাক্ । তাঁর ভোজন শেষ হ'য়েছে, তুমি কি

সমিত্র চলে এলে ?

ম্যাক্ । আমি কোথায়, জিজ্ঞাসা ক'রেছে না কি ?

লেডী-ম্যাক্ । জান না কি, জিজ্ঞাসা ক'রবে ?

ম্যাক্ । এ কার্য্যে না হ'ব অগ্রসর ।

অশেষ সম্মান দান ক'রেছে আশায়,

রাজ্যময় প্রজাগণ গাহিছে সুশশ,

হেন সম্মান-ভূষণ,

যুক্তি নহে ত্বরা করি করিতে বর্জন ।

লেডী-ম্যাক্ । মণ্ডপায়ী আশা কি তোমায়

ক'রেছিল উত্তেজিত ?

ঘোর মাদকের ভরে নিদ্রিত হইল আশা পরে ;
ঘুমঘোর এক্ষণে টুটিল, মত্ততা ছুটিল,
রুগ্ন-প্রায় পাণ্ডুগুণ্ড এবে আশা তব,
চায় চারিভিতে,
হেরে সচকিতে নিজ কার্য্য প্রতি,—
করেছিল পূর্বে যাহা উন্নততাবশে ।
বুঝি প্রেম তব, মম প্রতি উন্নত সে মত ;
এবে কি সন্তীত তুমি পূরা'তে বাসনা ?
নিজ পুরুষার্থ বলে, চাহ কি লভিতে
জীবনের সাররত্ন মুকুট-ভূষণ ?
কিন্তু সন্তীত অন্তরে ক'হ,
সাহসে না আঁটে সাধিতে ভীষণ কার্য্য ।
মংসুপ্রিয় বিড়াল যেমতি,
ডরে নাহি নামে জলে ।

ম্যাক্ । হও স্থির, ক'র না ভংসনা ;

মন্তুষ্যের যোগ্য কার্য্য সাধনে না ডরি ;

অযোগ্য কার্য্যেতে ব্রতী, হেয় সেই জন ।

লেডী-ম্যাক্ । কোন্ পশু তবে আমার নিকটে,

করেছিল উত্থাপন এ কঠিন পণ ?

মানব নামের যোগ্য আছিলে তখন,

সাহস বাধিলে যবে এই উচ্চরতে ।

উচ্চতর পদ যদি করহ গ্রহণ,

মন্তুষ্য পুরুষার্থ অধিক তাহায় ;

সময় সুযোগ স্থান আছিল অত্রাব,

করেছিলে পণ সুযোগ গুঁজিয়া ল'বে,

সে সুযোগ এবে উপস্থিত ;

সুযোগ হেরিয়ে তুমি পুরুষার্থ হারা !

সুগুণ্য শিশুরে দিয়েছি স্তন,

সম্মেহে ধরেছি তারে বৃকের উপরে,—

হেন শিশু এবে যদি হাসে মম বৃকে,

দস্তহীন মুখ হ'তে স্তনাগ্র ছিনায়ে,

আছাড়িয়া মস্তিষ্ক বিদারি তার—

প্রতিজ্ঞা যতপি করি তোমার সমান ।

ম্যাক্ । কার্য্য যদি হয় হে বিফল ?

লেডী-ম্যাক্ । বিফল !

বাধ সাহসের তার বৃকে উচ্চ সুরে,—

ক'ত হ'ব না বিফল ;
 পথশ্রান্তে, ধূমঘোরে হ'লে অচেতন,
 আছে যেই রক্ষক দু'জন—
 মনুপানে উন্নত করিব হেন মতে,
 যেন স্মৃতি, বুদ্ধির প্রহরী, —
 হ'বে ধূমাকার ধূমে আবরিত ;
 দ্বিতাহিত জ্ঞানের আধার, মস্তক দৌহার—
 তপ্তধূমপাত্র প্রায় রবে ;
 মদমত্ত শূকর যেমতি,
 প'ড়ে রবে মৃত প্রায় ।
 সেই কালে,
 কি কার্য্য অসাধ্য হবে আমা দৌধাকার,
 অরক্ষিত ডন্ক্যানের প্রতি ?
 হত্যাদোষ—মনুপায়ী রক্ষকের পরে
 অর্পিতে কি হবে ভার ।

ম্যাক্ । নিভীক, নিভীক তুমি কোমলতা হীন !
 কঠিন জঠরে প্রসব' কঠিন নরে,
 কাঠিষ্ঠ ব্যতীত;
 কি আর সম্ভবে তোমা হ'তে ?
 প্রহরীর অস্ত্রে হত্যা হইলে সাধন,
 রক্তাক্ত যতপি করি সেই দুই জনে,
 ক'বে না কি সবে,
 হত্যাকাণ্ড ক'রেছে তাহারা ;

লেডী-ম্যাক্ । কার সাধ্য কহে অশ্রুত,—
 যবে উচ্চ শোকধ্বনি তুলিব গগনে
 তার মৃত্যু-বার্তা শুনে ?

ম্যাক্ । স্থির মম পণ এবে, দৃঢ় অঙ্গ প্রত্যঙ্গ আমার,
 গুণবদ্ধ ধনুসম, সাধিতে ভীষণ কাজ ;
 যাও, অতিক্রম করহ সময়,
 সৌজনের করি ভাণ ;
 চাতুরীর আবরণ, ধর হাস্যানন,
 স্বরূপ অস্তুর ভাব করিতে গোপন ।

[উভয়ের প্রস্থান ।

দ্বিতীয় অঙ্ক

—***—

প্রথম দৃশ্য

ম্যাক্বেথের দুর্গ-প্রাঙ্গণ ।

(ব্যাঙ্কো ও মশালহস্তে ফ্লিয়েন্সের প্রবেশ)

ব্যাঙ্কো । বৎস, কত রাত ?

ফ্লিয়ে । চন্দ্র অস্ত গিয়েছে, আমি ঘড়ি বাজা শুনি নি ।

ব্যাঙ্কো । আ'জ্ দ্বিপ্রহরে চন্দ্র অস্ত ।

ফ্লিয়ে । আমার বোধ হয়, আরও অধিক রাত্রি ।

ব্যাঙ্কো । আমার তরবারি ধর, আকাশ যেন ব্যস্ত
 কুণ্ড হ'য়ে তারামালার আলোক নির্মাণ করেছে । এটাও
 ধর, আমার চক্ষের পাতায় যেন সীসে ঢেলে দিয়েছে, কিন্তু
 আমার নিদ্রা যেতে ইচ্ছে হ'চ্ছে না ; যে সকল দুশ্চিন্তা,
 স্বপ্নে উত্তেজিত হয়, রূপাময়ী মহাশক্তি আমার অস্তর হ'তে
 দূর করুন । তরবারি দাও,—কেও ?

(ভৃত্যানহ ম্যাক্বেথের প্রবেশ)

ম্যাক্ । বন্ধু ।

ব্যাঙ্কো । কি ম'শায়, এখনও নিদ্রা যান নি ?
 মহারাজ শয়ান,—অতিশয় আনন্দ করেছেন, আপনার
 ভৃত্যগণকে নানা প্রকার রাজপ্রসাদ দিয়েছেন । এই হীরটি
 আপনার স্ত্রীর । তিনি পুনঃ পুনঃ তাঁর অতিথি সংকারের
 প্রশংসা করেছেন ; তিনি পরম সন্তোষে মগ্ন ।

ম্যাক্ । রাজ-অভ্যর্থনার নিমিত্ত প্রস্তুত ছিলাম না,
 ইচ্ছা স্বহে কত শত ক্রটি হ'য়েছে ; প্রস্তুত থাকলে
 এরূপ অপ্রতিভ হ'তে হ'ত না ।

ব্যাঙ্কো । অতি সূচাকরূপ হয়েছে । দেখুন, কলা
 রাত্রে আমি সেই বিকটাত্মকে স্বপ্নে দেখেছিলাম ;
 তা'দের ভবিষ্যৎবাণী, আপনার সম্বন্ধে কতকটা সত্য
 হ'য়েছে ।

ম্যাক্ । আমি আর তা'দের বিষয় চিন্তা করি না ;

কিন্তু সাবকাশ মত, যত্নপি আপনি হানি বিবেচনা না করেন, সে বিষয় আন্দোলন ক'লে ক্ষতি কি ?

ব্যাঙ্কো। আপনার সাবকাশেই আমার সাবকাশ।

ম্যাক্। যত্নপি, আপনি আমার মতাবলম্বী হন, তা হ'লে বোধ হয়, আমার দ্বারা আপনার সম্মান বৃদ্ধি হ'তে পারে।

ব্যাঙ্কো। আমার তায় ক্ষতি কি ? রাজ-ভক্তি সহকারে যদি মান বৃদ্ধি হয়, আপনার উপদেশ মতে চলব' ম্যাক্। এখনকার কথা নয়, বিরাম লাভ করুন।

[ব্যাঙ্কো ও ফ্লিয়েন্সের প্রস্থান।

ম্যাক্। (ভৃত্যের প্রতি) কত্রীকে বল গে, আমার পানপাত্র প্রস্তুত হ'লে, ঘণ্টা নিনাদ করেন। তুই শুগে যা।

[ভৃত্যের প্রস্থান।

একি, তরবারি নেহারি সম্মুখে !

মুষ্টি মম হস্ত অভিমুখে,

আয় অসি, করিরে ধারণ !

ধরিতে না পারি, তথাপি নেহারি,—

আরে আরে বিভীষিকা ছবি !

অল্পভূত নহ কি পরশে,—নয়নে যেমতি !

কিন্মা তুমি অন্তরের ছুরী,

উত্তপ্ত মস্তিষ্ক মম, সজিয়াছে তোমর ছায়া-কায়া !

এখনও নেহারি, কোষ মুক্ত করি যেই অসি—

অবিকল তার সম প্রত্যক্ষ আকার তোমর,

দেখাইয়া চলিতেছে পথ ;

তোমা সম অঙ্গ মম হ'বে প্রয়োজন।

প্রতারিত নয়ন কি মম ?

কিবা প্রতারিত অপর ইন্দ্রিয়গণে ?

আঁখি করে সত্যনিরূপণ !

এখনও নেহারি,—

হেরি শোণিতের চিহ্ন মুষ্টিফলক তোমার,

নাহি ছিল পূর্বে যাহা ;

ভ্রম দৃষ্টি, কিছু নহে আর,—

এ মম শোণিত-ব্রত, প্রতারিত করিছে নয়নে।

স্বভাব সুষুপ্ত এবে অর্ধ ধরা প'রে—মৃতবৎ ;

বিকট স্বপন কেহ দেখে থেকে থেকে,

বিকটা ডাকিনীগণে মাতিয়ে শ্মশানে,

দেয় বলি ইষ্টদেবে তুষ্টি হেতু যেন,

প্রেত সম,

শুক কায় হত্যা যায় নাশিতে নিদ্রিত জনে—

ব্যভিচারী বলাৎকারী যথা ধীরপদে,

কতু বা চমকে নিশির প্রহরী,

বৃকের বিকট রব শুনি।

দৃঢ়কায় কঠিনা মেদিনী, পদশব্দ নাহি শুন,

যেন প্রতি শিলাখণ্ড তব,

ভাষে না প্রকাশে কোথায় গমন মম !

যেন নাহি হরে,

ভয়ঙ্কর সময় উচিত নিশির নীরব ভাব !

হেথা করি ভয় প্রদর্শন,

জীবিত সে র'য়েছে এখন,

বাক্যব্যয়ে করে মাত্র উৎসাহ শিথিল।

(নেপথ্যে ঘণ্টাশব্দ)

গমনে আমার, কার্য্য হ'বে সমাধান,

ঘণ্টার নিনাদে মোরে করে আবাহন।

ডন্ক্যান,—

শুন না এ রব, মৃত্যু ঘণ্টা রব এ তোমার,

স্বর্গ তোরে ডাকে কিন্মা নরক দুস্তর।

[প্রস্থান।

দ্বিতীয় দৃশ্য

পূর্ব দৃশ্যপট।

(লেডী ম্যাক্বেথের প্রবেশ)

লেডী ম্যাক্। যে মদিরা উন্নত করেছে সবে—

করিয়াছে সাহস প্রদান মোরে ;

জ্ঞান-জ্যোতি নির্ঝান সবার যে প্রভাবে—

উদ্দীপিত ক'রেছে আমায়।

একি ? না, পেচক ঘুংকার,

ভয়ঙ্কর রজনীর ঘণ্টা-নিনাদক,

কঠিন আরাবে দেয় বিদায় সবার।

এতক্ষণ নিয়োগ হয়েছে বুঝি কাজে ;

উৎঘাটিত দ্বার, মদমত্ত ভৃত্যগণে,
নিজ কার্য করে উপহাস—
নাসিকার ধ্বনি করি ;
পানপাত্রে করিয়াছি ঔষধ প্রদান,
যাহে প্রকৃতির সনে, মৃত্যু করে বাদ—
জীবিত কি মৃত বলি।

নেপথ্যে ম্যাক্বে। কেও ? কি, আঁ !

লেডী-ম্যাক্। বুঝি সর্কনাশ হয়, কাঁপিছে হৃদয়,
জেগেছে সকলে, কার্য্য নহে সমাধান।
উত্তম বিফল, কার্য্য নাশ, মজাইল—মজাইল !
এ কি !

কোষমুক্ত করি রাখিয়াছি রক্ষকের অঙ্গি,
ভ্রম নাহি হ'বে দেখে নিতে।
আকারে না হ'ত যদি পিতার সমান,
আমি সাধিতাম কাজ ;—

(ম্যাক্বেথের প্রবেশ)

স্বামী মম !

ম্যাক্বে। করিয়াছি কার্য্য সমাধান,
শুনেছ কি কিছু ?

লেডী-ম্যাক্। মাত্র পেচকের নাদ, আর ঝিল্লির ঝঙ্কার।

কয়েছিলে কোন কথা ?

ম্যাক্বে। কখন ?

লেডী-ম্যাক্। এখন।

ম্যাক্বে। নামিতে নামিতে ?

লেডী-ম্যাক্। হাঁ।

ম্যাক্বে। শুন, দ্বিতীয় কক্ষেতে কেবা ?

লেডী-ম্যাক্। ডনাল্বেন।

ম্যাক্বে। (হস্ত দেখিয়া) দৃশ্য অতি দুঃখকর !

লেডী-ম্যাক্। পাগলের কথা,—দুঃখকর।

ম্যাক্বে। নিদ্রাঘোরে জনেক হাসিল;

জনেক কহিল—‘হত্যা’

জাগাইল পরস্পরে ;

শুনিলাম দাঁড়ায়ে সে সব—

প্রার্থনা করিয়া পুনঃ নিদ্রা গেল সবে।

লেডী-ম্যাক্। এক কক্ষে আছে দুই জন।

ম্যাক্বে। জনেক কহিল,—‘রক্ষা কর ভগবান্ !’

‘শান্তি ,শান্তি’ জনেক কহিল,

হত্যাকারী হস্ত যেন দেখিল আমার।

শুনিয়া সতয় উক্তি সে সবার,

নারিলাম ‘শান্তি’ উচ্চারিতে,

যবে দৌহে ডাকিল কাতরে,—

‘রক্ষা কর ভগবান্ !’

লেডী-ম্যাক্। এন না এ ঘোর দুর্ভাবনা !

ম্যাক্বে। কেন নারিলাম ‘শান্তি’ উচ্চারিতে

ঈশ্বরের আশীর্বাদ মম, প্রয়োজন সমধিক ;

‘শান্তি’ উচ্চারিতে কণ্ঠরোধ হ'ল মম।

লেডী-ম্যাক্। এরূপে এ সব চিন্তা নাহি দেহ স্থান,

উন্নততা হ'বে তাহে।

ম্যাক্বে। যেন করিছ শ্রবণ, ‘ঘুমাওনা আর’,

‘হত্যাকারী নিদ্রা করে নাশ,।

নিদ্রা অবিরোধি—

চিন্তায় বিক্ষিপ্ত মন সংযত যাহাতে,

শান্তি প্রদায়ক, দিনগত শ্রম বিনাশক,

ক্ষত মনে মহৌষধি,

প্রকৃতির দ্বিতীয় প্রবাহ,

জীবনের ক্ষয় নিদ্রা করে সম্পূরণ।

লেডী-ম্যাক্। এ কি ভাব তব ?

ম্যাক্বে। কহিল আবার—

‘ঘুমাওনা’ আর নিদ্রাগত গৃহবাসীগণে;

‘শ্রামিসের অধিপতি নিদ্রা করে নাশ,

কদর না ঘুমাইবে আর’

ম্যাক্বেথ না ঘুমাইবে আর।’

লেডী-ম্যাক্। কে করিল এরূপ চীৎকার ?

একি, বীর তুগি, নত কর হৃদয়ের বল,

হেন ক্ষিপ্ত চিন্তা করি আন্দোলন !

বারি ল'য়ে ধৌত কর

কুৎসিত এ হস্তের প্রমাণ।

কি হেতু আনিলে অস্ত্র তথা হ'তে ?

অস্ত্র তথায় রহিবে ;

ল'য়ে যাও,

করহ লঙ্ঘনগণে রক্তাক্ত শরীর।

ম্যাক্বে। যাইতে নারিব,
ক'রেছি যে কাজ, ভয় হয় চিন্তায় আমার ;
নাহি হেন সাধ্য, পুনঃ বিলোকন করি তাহা ।
লেডী-ম্যাক্। অদৃঢ়-প্রতিজ্ঞ, অস্ত্র দাও মোরে ;
মৃত বা নিদ্রিত চিত্রপটের সমান,
ভয় পায় বালকের আঁখি
চিত্রিত প্রেতের ছবি হেরি ।
এখন' যতপি বহে শোণিত প্রবাহ,
আরক্ত করিব তাহে উভয় লক্ষ্যে ;
অপরাধ সে দৌহার দেখে যেন সবে ।

[প্রস্থান ।

(নেপথ্যে দ্বারে আঘাত)

ম্যাক্বে। কোথা হ'তে ছুয়ারে আঘাত ?
একি, প্রতি শব্দ কি হেতু এ আতঙ্ক আমার ?
একি বিভীষিকা করদ্বয়—
চক্ষু মম করে উৎপাটন ।
বরণের অধিকারে আছে যে সাগর
দৌত তাহে হ'বে কি এ হস্তের শোণিত ?
করাপর্গে রঞ্জিত করিবে সিন্ধু জল,
নীলাশু হইবে রক্তাকার ।

(লেডী ম্যাক্বেথের পুনঃ প্রবেশ)

লেডী-ম্যাক্। হের, মম তোমা সম হস্তের বরণ !
কিস্তি পাণ্ডুবর্ণ সত্য অস্তর তোমার যেমন,—
লজ্জা হয় দিতে স্থান হৃদাগারে ।

(নেপথ্যে দ্বারে আঘাত)

শুনি আঘাত দক্ষিণ দ্বারে ;
কক্ষে চল
কিঞ্চিৎ সলিল, দোষ মুক্ত করিবে দৌহার ;
দেখ, কত তুচ্ছ, সহজ কেমন ;
দৃঢ়তা তোমারে করিয়াছে পরিত্যাগ ।

(নেপথ্যে দ্বারে আঘাত)

শুন পুনঃ পুনঃ ছুয়ারে আঘাত ।
চল, রাত্রিবাস বস্ত্র করিগে গ্রহণ ;
কি জানি যতপি হয় প্রয়োজন,
কেহ নাহি বোঝে আছি জাগ্রত উভয়ে ।
অযোগ্য চিন্তায় মগ্ন হ'ওনা এমন ।

ম্যাক্বে। হোক মম আত্ম-স্মৃতি লোপ,
কার্য্য-স্মৃতি লোপ হোক তাহে ।

(নেপথ্যে দ্বারে আঘাত)

উঠ হে ডনক্যান্ ! শুন, ডাকিছে তোমায়,
হায়, যদি জাগিবার থাকিত উপায় ।

[উভয়ের প্রস্থান ।

তৃতীয় দৃশ্য

পূর্ব দৃশ্যপট ।

(দ্বারপালের প্রবেশ)

দ্বার। (নেপথ্যে দ্বারে আঘাত) সত্যই তো দোরে
ঠক্ঠকাচ্ছে, যদি কোন মিক্রাকে নরকের দোরে দরওয়ান
হ'তে হয়, তবে দেদার চাবি ঘোরায় । (নেপথ্যে দ্বারে
আঘাত) ঠক্ ঠক্ ঠক্—কেও ? বল বাবা ছোট সময়তানের
দোহাই ! এ যে চাষা ভায়া, ফসলের দর কমে গেল, গলায়
দড়ি দে বুলে । এস, সকাল সকাল চ'লে এস ; রুমাল
সঙ্গে এনো, এখানে ঘামতে হবে । (নেপথ্যে দ্বারে
আঘাত) ঠক্ ঠক্ ঠক্, বড় শয়তানের নামে কেও ? ওঃ !
এ যে সেই বক্সুলে ; বাবা, ছু দিক্ গিয়েছ, খোদার নাম
নিয়ে বদিয়াতি ! ভেবেছিলে স্বর্গে যাবে, তা হ'ল না ;
এস বক্সুলে চাঁদ ! (নেপথ্যে দ্বারে আঘাত) ঠক্ ঠক্ ঠক্—
কেও ? এ যে দজ্জি ভায়া ! কি বাবা, জাঙ্গিয়ার ছাঁট্ চুরি
ক'রেছিলে ? খুব সাফাই হাত বাবা ! এস এখানে ইস্তিরি
তাতাবে এস ! (নেপথ্যে দ্বারে আঘাত) ঠক্ ঠক্ কচ্ছেই !
থামে না । কেও ? এ বড় ঠাণ্ডা নরক যে বাবা, এখানে
আর দরওয়ানী চলে না, ভেবেছিলেম—সকল রকম পেশার
লোক কিছু কিছু ছেড়ে দেব ; যারা বেশ ফুলের উপর দে
চ'লে যাচ্ছেন, আখেরী নরকের আগুনে গা তাতাবেন ।
যাই যাই, ভুলবেন না মশাই ! (দ্বারমুক্ত করণ)

(ম্যাক্‌ডফ ও লেনক্সের প্রবেশ)

ম্যাক্‌ড। কাল্ কি রাত্রির ঢের হ'য়েছিল শুতে ?
এখনও ঘুম ভাঙ্গে নি ?

দ্বার। ছু'বার মোরগ ডেকে গেল, তখনও আয়োদ
কচ্ছি ।

ম্যাক্‌ড। এত ঘুম মদেরই দেখছি।

দ্বারপা। হাঁ ম'শায়, গলায় গলায় হ'য়েছিল; আমায় যেমন কাত্‌ ক'রে ফেলেছিল, আমিও তেমনি জঙ্গ ক'রে ছেড়েছি। আমার ত মজবুতী কম নয়, এক একবার ঠ্যাং ধ'রে টানাটানি করে তুলেছিল, আমিও তেমনি উগ'রে ঝেড়ে দিয়েছি।

ম্যাক্‌ড। তোমার প্রভু উঠেছেন কি? এই যে, ডাকাডাকিতে উঠেছেন, এই দিকেই আসছেন।

(ম্যাক্‌বেথের প্রবেশ)

লেনক্‌। মহাশয়, সুপ্রভাত!

ম্যাক্‌বে। সুপ্রভাত, সুপ্রভাত!

ম্যাক্‌ড। মহারাজের নিদ্রা ভঙ্গ হ'য়েছে?

ম্যাক্‌বে। এখনও উঠেন নি।

ম্যাক্‌ড। আমার প্রতি খুব প্রত্যাশেই ডাক্‌বার আজ্ঞা ছিল, একটু যা দেরি হ'য়ে প'ড়েছে।

ম্যাক্‌বে। আমি আপনাকে নিয়ে যাই চলুন।

ম্যাক্‌ড। ম'শায় কষ্ট করবেন, এ কষ্টে আপনার আনন্দ আমি জানি।

ম্যাক্‌বে। যে কার্যে আমাদের অনুরাগ, সেই কার্যই আমাদের শাস্তিপ্রদায়ক। এই দোর।

ম্যাক্‌ড। যখন আমার প্রতি ভার দিয়েছেন, সাহস ক'রে প্রবেশ করি।

[প্রস্থান।

লেনক্‌। মহারাজ বুঝি অতী প্রস্থান ক'রবেন?

ম্যাক্‌বে। হাঁ, এইরূপ তো তাঁর আজ্ঞা।

লেনক্‌। কাল বড় অশাস্ত রাত্রি। আমাদের শয়নাগারের ধূমপথ সকল খ'নে পড়েছে, হাওয়ায় যেন রোদনধ্বনি, অদ্ভুত মূর্গের আর্ন্তনাদ! শুনেছি না কি একরূপ অপ্রাকৃতিক শব্দ ঘোরতর সমাজ-বিপ্লবের পূর্বলক্ষণ; সময়ে দুর্দিন পরিপুষ্ট হবে! তিমির-সহচর পেচক সমস্ত রাত্রিই ঘুংকার ধ্বনি ক'রেছে। গুনলুম, পৃথিবী যেন অরাজক হ'য়ে কম্পিত হ'য়েছিল।

ম্যাক্‌বে। অতি দুর্নিশা!

লেনক্‌। আমার স্মৃতিতে তো এর তুলনা নাই।

(ম্যাক্‌ডফের পুনঃ প্রবেশ)

ম্যাক্‌ড। বিভীষিকা! বিভীষিকা! বিভীষিকা! অন্তঃ-করণে নয়,—জিহ্বায় নয়! ধারণা হয় না,—ব্যক্ত করা যায় না!

ম্যাক্‌বে।

লেনক্‌।

} কি, কি হ'য়েচে?

ম্যাক্‌ড। সর্বনাশের চরম কাণ্ড সম্পন্ন হ'য়েছে! অপবিত্র হত্যা, প্রভুর অভিমুক্ত মন্দির ভগ্ন ক'রে প্রবেশ ক'রেছে,—জীবনরত্ন অপহরণ ক'রেছে!

ম্যাক্‌বে। কি বলছেন?—জীবন?

লেনক্‌। মহারাজের?

ম্যাক্‌ড। কক্ষে প্রবেশ করুন, প্রস্তুতকারিণী ভয়ঙ্করী নবরাগনী দর্শনে চক্ষের দৃষ্টি বিনাশ করুন। আমায় কিছু জিজ্ঞাসা ক'রবেন না, দেখে এসে আপনার যা বলবার হয় বলুন।

[লেনক্‌স ও ম্যাক্‌বেথের প্রস্থান।

ওঠ, জাগ, ঘোর রবে ঘণ্টা নিনাদ কর। হত্যা, রাজদ্রোহ! ব্যাঙ্কো, ডনাল্‌বেন, ম্যাক্‌ম, জাগ! মৃত্যুর প্রতিক্রম এ অঘোর নিদ্রা পরিত্যাগ কর; মৃত্যু দেখবে এস ওঠ ওঠ, প্রলয়ের ছবি দেখ এসে! ম্যাক্‌ম, ব্যাঙ্কো, যদি সমাপিত হ'য়ে থাক, প্রেতের শ্রায় এসে এ ভয়ঙ্কর দৃশ্য দর্শন কর, ঘণ্টা নিনাদ কর।

(ঘণ্টানিনাদন।

(লেডী ম্যাক্‌বেথের প্রবেশ)

লেডী-ম্যাক্‌। কি কার্যে এ ভয়ঙ্কর নিনাদে, নিদ্রিত ব্যক্তিদিগকে একত্রিত করা হ'চ্ছে?

ম্যাক্‌ড। আঃ সুলীলা! আমার সংবাদ আপনার শোন্‌বার উপযুক্ত নয়, স্ত্রীলোকের কর্ণে এ সংবাদ প্রবেশ ক'লেই সংহার ক'রবে।

(ব্যাঙ্কোর প্রবেশ)

হায় ব্যাঙ্কো! আমাদের প্রভুকে হত্যা করেছে।

লেডী-ম্যাক্‌। ওঃ কি দুঃখ! আমাদের বাড়ীতে?

ব্যাঙ্কো। স্থান অস্থান কি, অতি নিদারুণ! বন্ধুত্বম, তোমার সংবাদ পরিবর্তন কর, বল 'না'।

(লেনক্স ও ম্যাক্বেথের পুনঃ প্রবেশ)

ম্যাক্বে। যদি এক ঘণ্টা পূর্বে আমার মৃত্যু হ'ত, জীবন সুখকর বিবেচনা কর্তে। এখন হ'তে ভদ্র জীবন সারহীন, সকলই ক্রীড়ার বস্তু, যশ মান মৃত, সুরা-রূপ জীবনের সুসার নির্গত হ'য়েছে; যা আমার, ভাঙারে তাই আছে।

(ম্যাক্স ও ডনাল্বেনের প্রবেশ)

ডনাল্। কি অমঙ্গল উপস্থিত ?

ম্যাক্বে। নাহি জান' হয়!

বিদ্যমান তোমা দৌড়ে,

কিন্তু জীবন-আকর উৎস—

অস্তরের শোণিত নিষ্কার রুদ্ধ এবে,

রুদ্ধ সেই মূল প্রশ্রবণ।

ম্যাক্ভ। তোমাদের মুকুটধারী পিতা হত।

ম্যাক্স। অ্যা! কে ক'রলে ?

লেনক্স। বোধ হ'লো, তাঁর বক্ষস্থিত ভৃত্যরা; তাদের হস্ত, দেহ শোণিতাক্ত দেখলুম; শোণিতাক্ত অস্ত্র লকল তাদের শিরঃস্থানে পাওয়া গেল; তারা হতবুদ্ধি হ'য়ে ফ্যাল ফ্যাল ক'রে চেয়ে রইল। এইরূপ দুর্ঘটি ব্যক্তির হস্তে জীবন অর্পণ অতি অবিবেচনার কাণ্ড।

ম্যাক্বে। কিন্তু এখন আমার অমৃত্যু হ'চ্ছে, কেন তাদের বধ কল্পম!

ম্যাক্ভ। কেন ক'ল্লেন ?

ম্যাক্বে। ির বুদ্ধি, অভিজুত, ধীর, রোষান্বিত,

রাজভক্ত অথচ উদাস এককালে—

হ'তে পারে কেবা ? নাহি হেন জন।

প্রভুভক্তি অবশ করিল ক্রোধে,

অধীরতা টলাইল স্থির মতি মম।

ডনুক্যান শায়িত, রুধিরাক্ত শ্বেতকায়—

সুবর্ণের কারুকার্য রঞ্জতে যেমতি,

অঙ্গে ক্ষত—ভগ্নদ্বার প্রকৃতির

সর্বহস্তা ধ্বংসের বিমুক্ত পথ।

উপস্থিত ঘাতক তথায়,

লোহিত বরণ ছুর্নীত বৃত্তির ভূষা ;

অস্ত্র অঙ্গে রক্তছড়া বিভীষিকা !

কেবা রহে স্থির, অস্তরে যে রাজভক্তি ধরে ?

আছে যার সাহস সে হৃদে—

সেই ভক্তি করিতে প্রকাশ !

লেডী-ম্যাক্। আমায় ধর, এখান থেকে নিয়ে যাও !

ম্যাক্ভ। কর্তীকে কেউ দেখ।

ম্যাক্স। (জনাস্তিকে) আমরা কি নিমিত্ত নীরব র'য়েছি ? এত' আমাদেরই সর্বনাশ !

ডনাল্। (জনাস্তিকে) এখানে কি কথা ক'বে ? কোথায় কোন্ বিবরে কোন্ ফণী লুক্কায়িত আছে, ধাবমান হ'য়ে আমাদের আক্রমণ ক'রবে। চল, পলায়ন করি ; অস্ত্রের অশ্রু যেমন সহজে নিষ্যাসিত হ'য়েছে, আমাদের তো সেরূপ নয়।

ম্যাক্স। (জনাস্তিকে) সত্য, এ বিষম অস্তর্দাহ দেখাবার নয়।

ব্যাঙ্কো। কর্তীকে স্থানান্তরিত কর।

[লেডী-ম্যাক্বেথকে লইয়া প্রস্থান।

চলুন, আর অর্দ্ধাবরিত অঙ্গে হিমে অবস্থান ক'রে কি হবে ? আমরা একত্রিত হ'য়ে হত্যা বিষয়ের অনুসন্ধান ক'রব। নানা প্রকার আশঙ্কা ও সন্দেহ আমাদের বিচঞ্চল করেছে, আমার ঈশ্বরের উপর নির্ভর। এ ছুর্নীত, রাজ-দ্রোহীর জিঘাংসার কারণ জানুতে পাল্লে, আমি প্রতিশোধ প্রদানে যত্নবান হ'ব।

ম্যাক্ভ। আমারও ঐ পণ।

সকলে। সকলেরই এই কর্তব্য।

ম্যাক্বে। চলুন, অরান্বিত হ'য়ে প্রস্তুত হওয়া যাক্, মন্ত্রণা-গৃহে একত্রিত হ'ব।

সকলে। সেই উত্তম।

[ম্যাক্স ও ডনাল্বেন ব্যতীত সকলের প্রস্থান।

ম্যাক্স। কিবা অভিপ্রায় তব ?

মন্ত্রণায় নাহি কাণ্ড আর ;

প্রতারক—সুনিপুণ শোক প্রকাশিতে।

ইংলণ্ডে যাইব আমি।

ডনাল্। আয়ল্ণ্ডে করিব গমন,

ভিন্ন স্থানে আমি নিজ ভাগ্যের পশ্চাৎ,

সম্ভবত রব তাহে নিরাপদে।

র'য়েছি যথায়, নাহিক প্রত্যয় কা'রে,

হাসিমুখে রেখেছে লুকায়ে ছুরী,
শোণিত সম্বন্ধে যেবা আত্মীয় অধিক,
অহরে রুধির-লিপ্সা তত বলবান।

ম্যাকম। ছুটিয়াছে ঘাতকের তীর,
হয় নাই এখনও পতন,
লক্ষ্য মুখ পরিহার—নিরাপদ পথ দৌঁহাকার।
চল যাই অশ্বপৃষ্ঠে করি আরোহণ;
শিষ্টাচার, বিদায় গ্রহণ নাহি প্রয়োজন।
চল দ্রুত হই বহির্গত, দয়া মায়া নাহিক যথায়,
শুপ্রভাবে পলায়ন সুবিধি তথায়।

[প্রস্থান।

চতুর্থ দৃশ্য

ম্যাকবেথের দুর্গের বহির্দেশ

(রস্ ও জনৈক বৃদ্ধের প্রবেশ)

বৃদ্ধ। তিনকুড়ি দশ বৎসরের কথা আমার স্মরণ হয়,
অনেক দুর্দিন, নানাবিধ দুর্ঘটনা দর্শন করেছি, কিন্তু এ
ভয়ঙ্কর রাত্রির তুলনায় সকলই তুচ্ছ।

রস্। আর্ষা, দেখুন, স্বর্গ যেন মানবের কার্যে কুপিত
হ'য়ে রুধিরাক্ত রক্তভূমির প্রতি তর্জ্জন গর্জ্জন ক'রচে।
সময় নিরূপণে এক্ষণে দিনমান, কিন্তু রজনী আলোকময়
একচক্র-রথকে আবরণ করেছে, নিশা প্রাদাণ পেয়েছে বা
দিনমণি প্রকাশ হ'তে লজ্জিত হ'চ্ছেন, সেই নিমিত্তই বৃদ্ধি
মেদিনী অন্ধকারাচ্ছন্ন, উজ্জল জ্যোতিষ্মালায় এখনও চূপিত
হচ্ছে না।

বৃদ্ধ। যে অস্বাভাবিক হত্যাকাণ্ড ঘটল, সেই মত
এই ব্যাপারও অস্বাভাবিক। গত মঙ্গলবারে একটি বাজ-
পক্ষী অতি দূর আকাশে ভ্রমণ করছিল, সহসা একটি পেচক
তার প্রতি ধাবমান হয়ে সংহার ক'লে।

রস্। বেগবান সুন্দর রাজ-অশ্ব সকল অশ্বজাতির
শ্রেষ্ঠ, অকস্মাৎ উন্নত হ'য়ে, মন্দুরা ভগ্ন ক'রে পলায়ন করলে,
কোনরূপ বাধা মান্লে না; যেন তারা মৃত্যুর সঙ্গে
সংগ্রামে প্রবৃত্ত হ'ল। অতি আশ্চর্য্য, এ সত্য কথা।

বৃদ্ধ। শুন্লেম নাকি তারা পরস্পর পরস্পরকে ক্ষত-
বিক্ষত ক'রে মাংস ভক্ষণ ক'রলে।

রস্। আমি বিস্মিত নেত্রে দেখলেম, তাই বটে!
ম্যাকডফ্ মহাশয় আসছেন।

(ম্যাকডফের প্রবেশ)

মহাশয়, সংবাদ কি?

ম্যাকড। সকলই তো অবগত আছ।

রস্। মহাশয়, অবগত হ'লেন, এ দুর্নীত কাজ কে
ক'রলে?

ম্যাকড। যাদের ম্যাকবেথ বধ ক'রেছে।

রস্। আচ্ছা কি দুর্দৈব! এ কার্যে তাদের ফল কি?

ম্যাকড। তারাই নিয়োজিত হ'য়েছিল; ম্যাকম,
ডনাল্বেন শুপ্রভাবে পলায়ন ক'রেছে, সকলে তাদেরই
সন্দেহ ক'রছে।

রস্। অস্বাভাবিক কাণ্ড! এ রাজ্যালোভে ফল?
আপনার উন্নতির পন্থা বোধ ক'রলে। বোধ হয়, এখন
রাজ্যভার ম্যাকবেথের উপর অর্পিত হবে।

ম্যাকড। হা, সকলে তাঁরে রাজা নির্ধারিত ক'রেছে,
তিনি অভিষিক্ত হ'তে গিয়েছেন।

রস্। রাজসংকার কি হ'য়েছে?

ম্যাকড। হা, তাঁর পূর্বা-পুরুষদের সমাধিস্থলে, তাঁর
দেহ ল'য়ে যাওয়া হ'য়েছে।

রস্। মহাশয়, অভিষেক দেখতে যাবেন না?

ম্যাকড। না ভাই, আমি গৃহে চলুম।

রস্। আমি অভিষেক দেখতে যাই।

ম্যাকড। সব যেন সুচারুরূপে সম্পন্ন হয়, বিদায় হই।
ভয় হ'চ্ছে, পুরাতন পরিচ্ছদ যেমন অঙ্গ-সুখকর, নূতন
কতদূর কি হ'বে!

রস্। আর্ষা, নমস্কার করি।

বৃদ্ধ। ঐশ্বর-রূপা যেন তোমার সাথী হয়। অমঙ্গল
হ'তে মঙ্গল উদ্ভাবনা করা ও শত্রুকে বন্ধু করা যাদের
স্বভাব, তাদের যেন করুণাময় মঙ্গল করেন।

[প্রস্থান।

তৃতীয় অঙ্ক

—:~:—

প্রথম দৃশ্য

রাজভবনের কক্ষ ।

(ব্যাঙ্কোর প্রবেশ)

ব্যাঙ্কো । সকলি পেয়েছ এবে, রাজ্য আদি সমুদয়,—

যেই মত কহিল বিকটাত্ময় ।

ভাবি মনে সে কারণে খেলেছ বিষম খেলা !

কিন্তু সেই ডাকিনী বচনে,

তব বংশে সিংহাসন নহে স্থায়ী ।

আমি মূল, ক্ষিত্তিধর-শ্রেণীর জনক,

তব ভাগ্যে সত্য যদি ভবিষ্যত-বাণী—

উজ্জল প্রভায়, হ'বে নাকি তাহে মম প্রারক নির্ণয়,

আশে উত্তোজিত নাহি হ'ব কি কারণ ?

কিন্তু স্থির হও অন্তর আমার,

আন্দোলন অধিক নাহিক প্রয়োজন ।

(রাজবেশে ম্যাক্বেথ, রানীবশে লেডী-ম্যাক্বেথ, লেন্স্‌,
রস্, লর্ডগণ, লেডীগণ ও অনুচরগণের প্রবেশ)

ম্যাক্বে । এই যে আমাদের প্রধান আহূত ব্যক্তি !

লেডী-ম্যাক্ । একে ভুল হ'লে, আমাদের আয়োজন
কলই বিফল ।

ম্যাক্বে । অচ্যু রাতে শুভ কার্য উপলক্ষে ভোজ হবে,
আমাদিগের আকিঞ্চন, মহাশয় উপস্থিত থাকবেন ।

ব্যাঙ্কো । কেবল মাত্র মহারাজ আজ্ঞা করুন, কর্তব্য-
ডারে, রাজ-আজ্ঞায় আমি চির আবদ্ধ ।

ম্যাক্বে । অচ্যু অপরাহ্নে, আপনি স্থানান্তরে গমন
ক'রবেন ?

ব্যাঙ্কো । হাঁ মহারাজ !

ম্যাক্বে । অচ্যু সভাস্থলে রাজকার্যে, মহাশয়ের

স্ববিজ্ঞ ও হিতকর পরামর্শ গ্রহণ ক'রতেম । থাক, কল্যই
হ'বে । বহুদূর কি গমন ক'রবেন ?

ব্যাঙ্কো । প্রত্যাগমন ক'রতে প্রায় ভোজনের সময়
হবে ; আমার অশ্ব যদি কিঞ্চিৎ মন্তরগতি হয়, ছুঁচার দণ্ড
বিলম্ব হ'তে পারে ।

ম্যাক্বে । উপস্থিত হবেনই, আমায় বঞ্চিত ক'রবেন
না ।

ব্যাঙ্কো । মহারাজ, কদাচ নয় ।

ম্যাক্বে । পিতৃহত্যা রাজপুত্রদ্বয়, ইংলণ্ড ও আয়ার্ল্যান্ড
অবস্থান ক'চ্ছেন, আপনাদিগের হত্যাকাণ্ড গোপনপূর্বক
নানাবিধ গল্প রচনায়, শ্রোতাদিগের কর্ণ পরিপূর্ণ ক'রছেন ;
কল্য সে সকল কথা হ'বে । আর আর বহুবিধ রাজকার্য
আমরা উভয়ে একত্রিত হ'য়ে কল্যই সমাধান ক'রব ।
আপনি অশ্বাবোহণ করুন গে । আপনি ফির আসা পর্যন্ত
বিদায় । আপনার পুত্র কি আপনার সাথী ?

ব্যাঙ্কো । হাঁ মহারাজ ! আমাদের বিদায়ের সময়
উপস্থিত ।

ম্যাক্বে । আপনার অশ্ব দৃঢ়-পদ ও দ্রুতগামী হ'ক,
এই আমাদের ইচ্ছা ; এক্ষণে বিদায় ।

[ব্যাঙ্কো ও ফ্লিয়েন্সের প্রস্থান ।

রাত্রি সাত ঘটিকা অবধি আপনারা, যথা ইচ্ছা কার্যে
নিযুক্ত হ'ন ; আমরা উৎসবকালীন আনন্দবর্ধনের নিমিত্ত
এইক্ষণে নিঃসঙ্গ হ'ব । আপনারা আসুন, ঈশ্বর মঙ্গল
করুন ।

[ম্যাক্বেথ ও জনৈক ভৃত্য ব্যতীত সকলের প্রস্থান ।
(ভৃত্যের প্রতি) বাদের আমরা আজ্ঞা ক'রেছিলাম, তারা
উপস্থিত আছে ?

ভৃত্য । হাঁ মহারাজ, দ্বারে উপস্থিত আছে ।

ম্যাক্বে । তাদের নিয়ে আয় ।

[ভৃত্যের প্রস্থান ।

নিরাপদে সিংহাসনে না হ'লে স্থাপন,

বিড়ম্বনা মাত্র শিরে মুকুট ধারণ ;

অন্তঃস্থল সভয় ব্যাঙ্কোর ডরে,

ভূপাল সদৃশ উচ্চ প্রকৃতি তাহার,

বিরাজিত তাহে হেন ভাব—

যাহে হয় শকার উদয় ;

অভীত অন্তর বীর মহাকাব্যক্ষম,
সম্মিলিত বিজ্ঞতা সে সাহসের সনে—
প্রভাবে যাহার, কৃতকার্য হয় নিরাপদে ।
জীবিত নাহিক হেন জন,
যার জীবনে সভীত মম চিত ;
ভাগ্য মম, মলিন সম্মুখে তার—
অ্যাটনির ভাগ্য যথা সিদ্ধার সম্মুখে ।
যবে রাজা বলি, সম্বোধন করিল আমায়
ভীষণা ডাকিনীগণে,
নিবারিল সেই, ভাগ্য তার বর্ণিতে কহিল ;
ভবিষ্যত-বাণী অমনি ফুটিল
ডাকিনীজয়ের মুখে,—
জয় জয় রবে সম্বোধন, রাজবংশ-আকর বলিয়ে ।
নিফল মুকুট পরাইল মম শিরে ;
বীজহীন রাজদণ্ড দিল করে,
যেই দণ্ড কাড়ি ল'বে, শোণিত-সম্বন্ধহীন পবে,
তনয় আমার নহে তার অধিকারী ।
প্রদানিতে সিংহাসন ব্যাঙ্কোর তনয়ে,
করেছি কি কলুষিত মন ?
সদাশয় ডুক্যানে করিল হত,—
শান্তিপাত্রে গরল ঢালিলু ব্যাঙ্কো-বংশধর হেতু ?
নর-অরি পাতকের করে,
অর্পিতাম নিত্য আত্মা মম,
তা সবারে করিবারে রাজা ?
রাজা—ব্যাঙ্কোর নন্দন !
প্রতিকূল ভাগ্য সনে করিব সংগ্রাম,
মৃত্যু পণ মম তাহে ।
কে ও ?
(দুই জন হত্যাকারীকে লইয়া ভূতের পুনঃ প্রবেশ)

যাও, রক্ষা কর দ্বার,
যদবধি না ডাকি তোমাঘ ।

[ভূতের প্রস্থান ।

গত কল্যা না আমরা পরস্পর কথাবার্তা কয়েছিলেম ?

১ম-হত্যা । হা মহারাজ, সেইরূপই রাজরূপা হ'য়েছিল ।

ম্যাক্বে । আমার বাক্যের মর্ম তোমরা বুঝেছ কি ?
স্থির জেনো, সে সময়ে ব্যাঙ্কোই তোমাদের অবনতির

কারণ । তোমরা ভেবেছিলে—আমি ; তা নয়, আমি
নির্দোষী । এ সব কথা তোমাদের নিকট সম্পূর্ণ প্রতীয়মান
করেছি । আমি তন্ন তন্ন প্রমাণ করেছি, কিরূপ তোমাদের
আশা দিয়ে প্রতারিত করেছি, কিরূপ তোমাদের বিরুদ্ধে
কার্য্য করেছি, কি রূপ কা'দের দ্বারায় কে তোমাদের পীড়ন
করেছি, এবং অল্প সমস্ত বিষয় বিবৃত করেছি ;— যার
দ্বারা অপ্রফুটিত-আত্মা, অতি ধীনবুদ্ধি ব্যক্তিরও প্রতীতি
হবে, সমস্ত ব্যাঙ্কোরই কাষ্য ।

১ম-হত্যা । আপনি সমুদায়ই জানাইয়াছেন ।

ম্যাক্বে । হা, আমি সমস্তই বলেছি, আরও অধিক
ব'লেছি ; সেই সম্বন্ধেই আমাদের এই দ্বিতীয় পরামর্শ ।
তোমাদের প্রকৃতিতে কি দৈবশক্তি এতই প্রবল যে, এই
সকল দুব্যবহার উপেক্ষা করতে পার ? যে তোমাদের
এই চরম সীমায় এনেছে, যে তোমাদের সম্মান-সম্মতিকে
ভিক্ষুক করেছে, তা'র মঙ্গল, তা'র সম্মানের মঙ্গল কামনা
ক'রে প্রার্থনা কর্তে পার, এতদূর কি তোমাদের নীতিজ্ঞান ?

১ম-হত্যা । মহারাজ, আমাদের রক্তমাংসের শরীর,
আমরা মামুষ !

ম্যাক্বে । হা, মামুষের তালিকায় তোমাদের নাম
বটে ; যেমন নানা জাতি কুকুর ; যথা—তীত্রঘাণ, তীত্রগতি,
ক্ষুদ্র খেঁকি, লোমশ, জলকুকুর, ব্যাঘ্রাকার প্রভৃতি কুকুরকে,
কুকুর বলিয়া থাকে ; কুকুররাও যেরূপ গুণের দ্বারা খ্যাত,
যথা—বেগগামী, ঘাণালুমারী, তীক্ষ্ণবুদ্ধি, গৃহরক্ষক, শিকারী,
মামুষেরাও সেইরূপ । যদি তোমরা মামুষের তালিকায়
নিম্নশ্রেণীস্থ না হও, আমি তোমাদের কোন কাষ্য-ভার
অর্পণ ক'রব,—যাতে তোমরা শক্রহীন হ'বে, প্রীতিভরে
আমাদের অন্তরে তোমরা আবদ্ধ হ'বে । সে জীবিত
থাকায় আমাদের জীবন সম্বন্ধ, সে সম্বন্ধ তা'র মৃত্যুতে
দূর হ'বে ।

২য়-হত্যা । মহারাজ, আমায় দেখছেন, সংসারে বার
বার আঘাত পেয়ে এতদূর সম্ভাপিত হ'য়েছি যে, সংসারকে
প্রতিশোধ দিতে কোন কাষ্যে আমার বাধা নাই ।

১ম-হত্যা । আমায়ও দেখছেন, বিপদের সহিত বার
বার যুদ্ধে এত কঠিন হ'য়েছি, দুর্গটনায় এত ক্লান্ত যে, প্রাণ
নিয়ে স্মৃতি খেলতে আমি সম্পূর্ণ প্রস্তুত । হয়, জীবন
ফিরুক—নয় যাক ।

ম্যাক্বে। উভয়েই বুঝতে পেরেছ, ব্যাঙ্কো তোমাদের শত্রু।

উভয়ে। হাঁ, প্রভু।

ম্যাক্বে। আমাদেরও শত্রু। এরূপ ভয়ঙ্কর শত্রুতা যে, সে জীবিত থাকায়, প্রতি মুহূর্তে মর্মান্বিত হব আশঙ্কা করি। যদিচ আমরা প্রকাশে সে চক্ষের কণ্টক মোচনে সম্পূর্ণ সক্ষম এবং আমাদের আজ্ঞামত, লোকে কার্য্য সঙ্গত বিবেচনা করবে; কিন্তু আমরা সেরূপ ক'রব না। কারণ, আমাদের সাধারণ বন্ধু কতক-গুলি আছেন, তাঁদের আমরা উপেক্ষা ক'র্ত্তে পাচ্ছি। আমাদের দ্বারা এ কার্য্য সমাধা হ'লে, তাঁরা তার পতনে শোকার্ত্ত হবেন। তোমাদের সহিত আলাপ ক'রে, এই জঘন্য সাহায্য চাচ্ছি। এ কার্য্য সাধারণ চক্ষু হ'তে আবরণিত করবার, নানাবিধ গুরুতর কারণ আছে।

২য়-হত্যা। প্রভু, আমরা আপনার আজ্ঞা সমাধান ক'রব।

১ম-হত্যা। যদিচ আমাদের জীবন,—

ম্যাক্বে। তোমাদের হৃদয় ভাব তোমাদের চক্ষের জ্যোতিতে প্রকাশ পাচ্ছে। আমরা, তোমাদের এক ঘণ্টা মধ্যে ব'লে দেব, কোন্ খানে তোমরা লুকিয়ে থাকবে, ঠিক সময়ও নির্দ্ধারিত ক'রে দেব, ঠিক মুহূর্ত্ত,—অত্ন রাত্রেই কার্য্য নিষ্পন্ন ক'র্ত্তে হ'বে; রাজবাটী হ'তে কিঞ্চিৎ দূরে। সাবধান, যেন আমাদের উপর কোন সন্দেহ না আরোপিত হয়। তার পুত্র ফ্লিয়েন্স তার সাথী; সেই অন্ধকারে যেন পিতা-পুত্র মৃত্যু আলিঙ্গন করে। তার অন্তর্দান হওয়া কোনও অংশে অপ্রয়োজনীয় নয়। দেখ', দক্ষতার সহিত সমস্ত কণ্টক আমাদের নিম্মূল ক'র, যেন কোন রূপ আর সাধা না থাকে। বিরলে তোমরা কৃতসঙ্কল্প হও, আমি পশ্চাৎ আস্ছি।

উভয়ে। আমরা দৃঢ়সঙ্কল্প।

ম্যাক্বে। আমি তোমাদের নিকট শীঘ্রই আস্ব, গৃহান্তরে অবস্থান কর। [হত্যাকারীদের প্রস্থান।

আন্দোলন সমাপ্ত এখন।

শুন ব্যাঙ্কো! তব আত্মা আজ নিশাকালে

স্বর্গপ্রাপ্ত হ'বে, যদি স্বর্গ থাকে ভালে। [প্রস্থান।

দ্বিতীয় দৃশ্য

রাজভবনের অপর কক্ষ।

(লেডী-ম্যাক্বেথ ও জনৈক অনুচরের প্রবেশ)

লেডী-ম্যাক্। ব্যাঙ্কো কি প্রস্থান ক'রেছেন?
অনুচর। হাঁ দেবি, কিন্তু অত্ন রাত্রেই প্রত্যাগমন ক'রবেন।

লেডী-ম্যাক্। মহারাজকে বলগে, আমি তাঁর সাব-কাস মত তাঁর সহিত দুই চারুটি কথা কইব।

অনুচর। যথা আজ্ঞা দেবি।

[প্রস্থান।

লেডী-ম্যাক্। শান্তিহীন বাসনা পূরণে কিবা ফল?

লাভ মাত্র নাই, ক্ষতি সম্পূর্ণ কেবল।

যে স্বপ্নের হেতু চিত্ত সদা সশঙ্কিত,

বিষম আনন্দ যাহা হত্যায় অর্জিত,

এ ভোগ হইতে শ্রেয়ঃ মরণ নিশ্চিত,

হত জন নিকৃৎসগ সঙ্কোচ রহিত।

(ম্যাক্বেথের প্রবেশ)

বিকট কল্পনা-ছবি মনে, কেন নাথ, বঞ্চহ বিজনে?

সম্বতনে কি হেতু দুশ্চিন্তা পাল?

মৃত ব্যক্তি ল'য়ে আন্দোলন, কর্ত্তব্য করিতে লয়;

যে বিষয় বিহীন উপায়, আলোচনা উচিত বর্জন,

হ'য়ে গেছে, গিয়াছে ফুরায়ে।

ম্যাক্বে। অস্বাঘাত করিয়াছি ভূজঙ্গের কায়,

হয় নাই নিধন সাধন, ক্ষত পুনঃ হইবে পূরণ;

সবল হইবে অহি, ঘাঁটা'য়েছি তায়,

রহি আশঙ্কায়, বিষদন্ত বসাইবে ক'বে।

হয় হোক এ বিশাল বিশ্ব গ্রন্থিহীন,

ভূলোক দ্যুলোক যদি যায় রসাতলে,

শয়নে ভোজনে সশঙ্কিত প্রাণে,

রব না—রব না পুনঃ।

দুঃস্বপনে, প্রতি নিশাযোগে,

কম্পিত হ'ব না আর;

বরঞ্চ এ দেহ বিসর্জনে, র'ব মৃত মনে,

সুখ আশে করি যার নিধন সাধন,—
 চিরশাস্তি ক'রেছি বর্জন।
 নিদারুণ অস্তর পীড়ন,
 নিয়ত এ ঘোর অধীরতা, শ্রেয়ঃ মৃত্যু ইহা হ'তে।
 ভূতপূর্ব রাজা এবে মহা নিদ্রাগত,
 নশ্বর জীবন তাপ সহি কয় দিন,
 সুনিদ্রা-মগন এবে :
 নাহি আর বিদ্রোহের ডর,
 অতিক্রম করিয়াছে সীমা তার।
 অস্ত্র বা গরল কিম্বা গৃহভেদ,
 বিপক্ষ বিগ্রহ কিবা,
 স্পর্শিতে না পারে তারে আর।

লেডী-ম্যাক্। এস এস,
 কঠোর এ মুখকাস্তি কর পরিহার ;
 অস্ত্র নিশাযোগে আহৃত সমাজে,
 বিকাশ' হে উজ্জ্বল আনন্দ-ছবি।
 ম্যাক্বে। হ'বে কাণ্ড তব কথা মত প্রিয়ে,
 মম মম তুমি হও আমোদিনী।
 ভুল না, ভুল না,
 মহা সমাদরে ব্যাক্কোরে করিতে পরিতোষ,
 ভাসে, নয়নের ভাবে প্রকাশিবে অভ্যর্থনা,
 উচ্চ মান করি দান।
 বিড়ম্বনা অধিক এ হ'তে কিবা আর,—
 চাটকারী আলম্বন মুকুট করিতে স্থায়ী !
 হানিমুখে মনোভাব গোপন ব্যতীত,
 উপায় নাহিক কিছু।

লেডী-ম্যাক্। কেন এ চুশ্চিন্তা প্রাণনাথ !
 ম্যাক্। প্রাণপ্রিয়ে, হৃদয় আমার বৃশ্চিক-আগার,
 সপুত্র জীবিত ব্যাক্কো দেখ না অত্যাধি।
 লেডী-ম্যাক্। নহে তো অমর,
 দেহস্বল্প চিরস্থায়ী নহে তো দৌহার।
 ম্যাক্বে। ঐ ত মাস্থনা।

অভেদ নহে তো দৌহে,
 কর তবে চিন্তা দূর, হও প্রফুল্লিত ;
 পাকে পাকে মন্দির ভিতরে প্রদোষ-ভ্রমণ
 না হইতে অবমান বাতুলীর ;

ডাকিনীর আবাহনে গোময়োথাগনে
 করি অবিচ্ছিন্ন আচ্ছন্নকারিণী ধ্বনি—
 তদ্রাস্তিত যামিনী ব্যাপিয়ে,
 শঙ্করূত পক্ষভরে না হ'তে উড্ডীন,
 হ'বে ভয়ঙ্কর কার্য সমাধান।
 লেডী-ম্যাক্। কি কার্য সাধন ?
 ম্যাক্। শ্রবণে তোমার নাহি প্রয়োজন আদরিণি।
 অগ্রে কাণ্ড হউক সাধন, প্রীতিকর কাণ্ড তব।
 আয় রে যামিনী আঁখি-আবরণকারি !
 আবরণ কর আসি,
 কোমলতা উদ্দীপনী দিবার নয়ন ;
 অদৃশ্য শোণিত-সিক্ত-করে,
 খণ্ড খণ্ড কর সে জীবনলিপি,
 পাণ্ডুগণ্ড সভয় অস্তর ঘাড়ে আমি !
 অমল আলোক ক্রমে সমল এখন,
 বায়স নিচয় ধায় নীড় অভিমুখে—
 তমাচ্ছন্ন বনুশাখিচূড়ে।
 দিবার মঙ্গলকর প্রকৃতি মলিন,
 নিদ্রায় আচ্ছন্ন যেন ;
 ভয়ঙ্কর নিশা-অনুচর আমিষ-লোলুপ,
 চলে ভক্ষ্য অশ্রমেণ।
 হইতেছ চমৎকৃত বচনে আমার,—
 হও স্থির, দৈবো বীধ মন ;
 পাপকাণ্ড পাপ বিনা না হয় পোষণ ;
 হও প্রিয়ে, মম সহগামী।

[উভয়ের প্রস্থান।]

তৃতীয় দৃশ্য

রাজভবনের নিকটস্থ উপবন

(তিনজন হত্যাকারীর প্রবেশ)

১ম-হত্যা। আমাদের সঙ্গে থাকতে তোমাঘ কে
 ব'লে ?

৩য় হত্যা। ম্যাক্বেথ।

২য়-হত্যা। এ যখন সব কথা ঠিক ঠাক্ জানে, ঠিক্

ঠাক্ যখন খবর এনেছে, একে অবিশ্বাস করবার দরকার নাই।

১ম-হত্যা। তবে দাঁড়াও, আলোর ছড়া এখনও একটু একটু পশ্চিমে চিক্ চিকুচ্ছে, মোসাফেরেরা এখন খুব ঘোড়া চালিয়ে দিয়েছে, চটিতে পৌছন চাই। আর যার প্রত্যাশাপন্ন হ'য়ে দাঁড়িয়ে আছি, তিনিও এলেন ব'লে।

৩য়-হত্যা। শোন, ঘোড়ার পা'র শব্দ শোনা যাচ্ছে।

ব্যাকো। (নেপথ্যে) ওহে একটা আলো দেও তো।

২য়-হত্যা। সেই বটে! আর যাদের নেমন্তন্ন ছেল, তারা সব পৌছে গ্যাছে।

১ম-হত্যা। ঘোড়া ছেড়ে দিলে যে।

৩য়-হত্যা। প্রায় আধক্রোশ; ও বরাবরই এখন থেকে হেঁটে যায়, সকলেই তাই করে।

২য়-হত্যা। ওই আলো! ওই আলো!

(ব্যাকো ও আলো হস্তে ফ্লিয়েন্সের প্রবেশ)

৩য়-হত্যা। সেই বটে।

১ম-হত্যা। ওং পেতে দাঁড়া।

ব্যাকো। আজ্ বৃষ্টি না ববে।

১ম-হত্যা। তবে আশুক নেবে।

(ব্যাকোকে প্রহার করণ)

ব্যাকো। বিশ্বাসঘাতকতা! ফ্লিয়েন্স, পালাও, পালাও, পালাও! প্রতিশোধ দিও! আরে নরকের ক্রীতদাস!

(ব্যাকোর মৃত্যু ও ফ্লিয়েন্সের পলায়ন)

৩য়-হত্যা। কে,—আলো নিবিয়ে দিলে কে?

১ম-হত্যা। আলো না নেবালে চলে?

৩য়-হত্যা। এটা তো পড়েছে, ছেলেটা পালাল।

২য়-হত্যা। কাজটা আধা খেঁচড়া হ'য়ে পড়লো, ভাল কাজটাই হাতছাড়া হয়ে গেল।

১ম-হত্যা। তবে চল যাই, যদুর হ'য়েছে বলা মাক্বে।

[সকলের প্রশ্নান।

চতুর্থ দৃশ্য

রাজভবনের সজ্জিত কক্ষ

(খানা—প্রস্তুত)

(ম্যাক্বেথ, লেডী-ম্যাক্বেথ, রস্, লেনক্স, লর্ডগণ, ও অনুচরগণের প্রবেশ)

ম্যাক্বে। যথাযোগ্য আসন গ্রহণ করুন। সকলেই আমার আহুত, সকলকেই আমি সমভাবে অভ্যর্থনা ক'রছি।

লর্ডগণ। মহারাজের সৌজন্যে আপ্যায়িত হ'লেম।

ম্যাক্বে। অতিথি-সংকারে আমি ব্রতী, আমি আপনাদের সহিত রইলেম; রাণী সিংহাসনে থাকুন, ওঁকেও আমাদের দেখতে শুনতে হবে।

লেডী-ম্যাক্। মহারাজ, আমার হ'য়ে বলুন, ওঁদের আগমনে আমার অন্তঃকরণ আনন্দে পরিপূর্ণ।

(১ম হত্যাকারীর দ্বারে আগমন)

ম্যাক্বে। এঁরাও কৃতজ্ঞতার সহিত রাজ্যীকে অভিবাদন ক'চ্ছেন। জু' দিকেই সমান, এই মধ্যস্থলে আমি ব'সছি। সকলে আনন্দ করুন, পান-পাত্র গ্রহণ করুন, আসছি। (দ্বারের নিকট আসিয়া) তোমার মুখে শোণিতের চিহ্ন।

হত্যা। তবে এ ব্যাকোর রক্ত।

ম্যাক্বে। এ শোণিত তার ধমনীতে প্রবাহিত হওয়া অপেক্ষা তোমার অপ্লে ভাল, তাকে সেরেছ কি?

হত্যা। প্রভু, তার গলা কাটা গিয়েছে, আমি কেটেছি।

ম্যাক্বে। তুমি খুন্সীর শিরোমণি! আর যে ফ্লিয়েন্সকে বধ করেছে, সেও খুব যোগ্য। তুমি যদি ক'রে থাক, তোমার তুলনা নাই।

হত্যা। মহারাজ, ফ্লিয়েন্স পালিয়েছে।

ম্যাক্বে। তবে আবার আমার পীড়া উপস্থিত হ'ল; নতুবা আমি আরোগ্য লাভ করতাম, প্রসূরের গ্নায় অটুট হতাম, পর্কতের গ্নায় অচল হ'তাম, ধরাব্যাপী বায়ুর গ্নায় স্বাধীন হ'তাম; এক্ষণে আমি ক্ষুদ্র, ক্ষীণ কাঁরাগারে সন্দেহ-পাশে আবদ্ধ। কিন্তু, এর সম্বন্ধে ত নিশ্চিত?

হত্যা। ইহা মহারাজ, সম্পূর্ণ নিশ্চিত হোন, তার আর কোন উদ্বেগ নাই; খানায় প'ড়ে আছেন, কুড়িটা ঘা মাথায়, তার ভেতর যে ছোট ঘা'টা, তাতেই মাছুষের প্রাণ বেরোয়।

ম্যাক্বে। ভাল, ভাল,—উত্তম করেছ।

(স্বগত) বৃদ্ধ সর্প হ'য়েছে নিধন,
যে কীট ক'রেছে পলায়ন—
কালে তাহে জন্মিবে গরল, বিষদন্ত হীন এবে।
(প্রকাশে) যাও, কল্য পুনঃ দেখা হ'বে।

[হত্যাকারীর প্রস্থান।

লেডী-ম্যাক্। মহারাজ, আপনার অভ্যর্থনার ক্রটি হ'চ্ছে। আছোপাস্ত্র নিমন্ত্রিতগণের সমাদর না হ'লে, পাস্ত্রনিবাসে অর্থদানে ভোজনের সদৃশ হয়। যদি ভোজনের আবশ্যক হ'ত, গৃহে ভোজন ক'রলেই হ'ত। এরূপ সমারোহে অভ্যর্থনা, নিতান্ত প্রয়োজন।

ম্যাক্বে। প্রিয়ে, যথার্থ বলেছ; সকলেই আহার করুন, পান করুন, আহার সূজীর্ণ হউক, স্বাস্থ্য বর্ধন করুক।

লেনক্। মহারাজ, অস্থগ্রহ ক'রে আসন গ্রহণ করুন।

(ব্যাক্সের প্রেতাঙ্গার প্রবেশ ও ম্যাক্বেথের আসনে উপবেশন)।

ম্যাক্বে। উনারসভাব ব্যাক্সে এ স্থলে উপস্থিত থাকলে, আমাদের গৃহে স্বদেশগৌরব সমস্ত ব্যক্তি একত্রিত হ'তেন। কোন দুর্দৈব আশঙ্কা অপেক্ষা তাঁর অস্থপস্থিতিতে তাঁর স্নেহের অভাবই অস্থভূত হ'চ্ছে।

রস্। তিনি উপস্থিত না হ'য়ে সম্পূর্ণ অঙ্গীকার ভঙ্গ ক'রেছেন। মহারাজ আসুন, সভার গৌরব বর্ধন করুন।

ম্যাক্বে। সমস্ত আসনই পরিপূর্ণ দেখ'ছি।

লেনক্। এই তো মহারাজের আসন শূণ্য রয়েছে।

ম্যাক্বে। কোথায়?

লেনক্। মহারাজ, এই যে। আর্ধ্য, কি নিমিত্ত এরূপ চঞ্চল হ'চ্ছেন?

ম্যাক্বে। এ কাজ কার?

সকলে। মহারাজ, কি আজ্ঞা ক'রছেন?

ম্যাক্বে। আমি করেছি ব'ল না, শোণিতাক্ত কে? আর্ধ্য কেন প্রদর্শন ক'রছ?

রস্। মহাশয়েরা গাত্রোখান করুন, মহারাজকে অস্থস্থ দেখ'ছি।

লেডী-ম্যাক্। হে অমাত্য মহোদয়গণ! বসুন, আমি স্বামী যৌবনকাল হ'তে কখন কখন এইরূপ অবস্থাপন্ন হন মুহূর্ত্ত মধোই স্তস্থ হবেন, উঠবেন না, আপনারা গুঁর প্রতি লক্ষ্য রাখবেন না, তা'তে উত্তেজনা করা হ'বে, উন্নত বৃদ্ধি পাবে। আহার করুন, গুঁর প্রতি লক্ষ্য রাখবেন না। (ম্যাক্বেথের প্রতি) এই কি তোমার মহত্ব? তুমি কি মাছুষ?

ম্যাক্বে। অতি নির্ভীক চিত্ত মন্তুমা। দেখ, দেখে দৃশ্যে দানবপতি ভীত হয়, আমি সাহসপূর্ণক দর্শন ক'রছি।

লেডী-ম্যাক্। (জনাস্তিকে) দিবা সারহীন কথা!

আতঙ্ক-চিত্রিত ছবি : শৃগাগামী তরবারি সম,
কহ যাহা পথ প্রদর্শিল উন্ক্যানের হত্যাকালে।

থেকে থেকে বিভীষিকা অঙ্গ শিহরণ,

কল্পিত আতঙ্কে দিয়ে স্থান,

শোভা পায় স্ত্রীলোকের,—

হিমালী নিশিতে অগ্নিসেবা কালে,

পিতামহী-মুখস্ত গল্প আন্দোলনে।

লজ্জার এ প্রতিরূপ কি হেতু এ বিকৃত বদন?

বার্তা এই,

চেয়ে আছ একদৃষ্টে আসনের পানে।

ম্যাক্বে। করি হে মিনতি দেখ চেয়ে,

দেখ দেখ,—কি বল, কি বল?

কি,—কি চিন্তা আমার?

সক্ষম যতপি তুমি মস্তক চালনে,

কর বাক্য উচ্চারণ!

যতপি শশানভূমি, সমাধি মন্দির

উদগীরণ করে পুনঃ সমাধিস্থ জনে,

তবে ত কবর-ভূমি, নহে ত কবর

পাকস্থলী গৃহের কেবল।

[প্রেতাঙ্গার অন্তর্ধান।

লেডী-ম্যাক্। এ কি! মতিভ্রংশে মনুষ্যত্ব দিলে বিসর্জন!

ম্যাক্বে। মিথ্যা যদি নাহি হয়—

মম অবস্থান এই স্থানে,
নিশ্চয় দেখেছি তারে।

লেডী-ম্যা। ছিঃ ছিঃ, কি ঘৃণা!

ম্যাক্বে। হইতেছে রক্তপাত পূর্বকাল হ'তে -

যে কালে সমাজবন্ধ ছিল না মানব
নীতিধারা অমুসারে,
হইয়াছে হত্যাকাণ্ড শ্রবণ-ভীষণ
পূর্নাপর আছে এ নিয়ম ;
মস্তক টুটিল, মস্তিষ্ক ছুটিল,
মৃত হ'ল নর, তাহে ফুরাল সকলি।
কিন্তু এবে,
পুনঃ ওঠে শিরে ল'য়ে বিংশতি আঘাত,
বলে করে আসন হইতে চ্যুত।
এবে দেখি হত্যাকাণ্ড অতীব অদ্ভুত!

লেডী-ম্যা। হে প্রভু,

অমাত্য সকলে হের অপেক্ষায় তব।

ম্যাক্বে। হই বিশ্বিত সকলি,

না হও বিশ্বিত—ওহে অমাত্য নিচয়!
আছে এ অদ্ভুত পীড়া মম,
যারা জানে নাহি গণে ;
এস পান করি সবার কল্যাণে—
করি আসন গ্রহণ,
দেহ সুরা পান-পাত্র ভরি,
করি পান সবাঁকার আনন্দ বর্ধনে।
অনাগত বন্ধু মম ব্যাকোর উদ্দেশে বিশেষতঃ,
উপস্থিত থাকিলে সে জন,
কত হ'ত আনন্দ বর্ধন ;
তীর—আর অগ্র সবাঁকার,
মঙ্গল উদ্দেশে করি পান।

লে। ভূপতির মঙ্গল উদ্দেশে করি পান,

সম্মান প্রদান কার্য্য আমা সবাঁকার।

(ব্যাকোর প্রেতাঙ্গার পুনরাবির্ভাব)

ম্যাক্বে। দূর হ', দৃষ্টির বাহিরে যা, পৃথিবী তোরে
ছাদন করুক। তোর অস্থি মজ্জা-বিহীন, তোর
গিত উষ্ণতাহীন, দৃষ্টিহীন চক্ষে কেন চেয়ে আছিম্ ?

লেডী-ম্যা। হে বন্ধুগণ, এরূপ বরাবরই হয় ; আর
কিছু নয়, তবে আজকের আনন্দ নষ্ট হ'ল।

ম্যাক্বে। ধরি হৃদে অদ্ভুত সাহস,

যতদূর ধরে নর-হৃদি।

আয়, আয়, হ' রে সম্মুখীন

ভয়ঙ্কর, লোমশ ভল্লুক কায়া ধরি,

খজ্জী কিস্মা ব্যাঘ্রের শরীরে,—

এ মূর্ত্তি করিয়ে পরিহার,

ধর যে আকার অভিপ্রায় ;

দৃঢ়স্নায়ু মম কম্পিত না হ'বে কভু,

কিস্মা পুনঃ হও রে জীবিত—

তরবারি করে,

রণে কর আবাধন মরুভূমি মাঝে ;

ভয়ে যদি গৃহে রই লুকাইয়ে,

বালিকার পুতলী আখ্যান দিও মোরে।

দূর হ' ভীষণ ছায়া, দূর হ' অলীক অভিনয়!

[প্রেতাঙ্গার অন্তর্দ্বান।

আঃ! গেল চলে,

দেহে প্রাণ ফিরিল আবার!

স্থির হ'ন বসুন সকলে।

লেডী-ম্যা। আনন্দের সম্পূর্ণ ব্যাঘাত ক'রলে, সমারোহ
ভঙ্গ ক'রলে ; চমৎকার, চমৎকার বটে!

ম্যাক্বে। নহে ত সম্ভব এ হেন ঘটনা,

চ'লে যাবে নিদাঘ নীরদ সম,

ক্ষণমাত্র আচ্ছন্ন করিয়ে, অন্তরে আঘাত বিনা ;

বুঝিতে না পারি,—

আপনা পাসরি, হেন দৃশ্য হেরি,

না মিলায় বদনে আরক্ত আভা কার ?

যাহে পাণ্ডু গণ্ড আশঙ্কায় মম।

রস্। কিবা দৃশ্য মহারাজ ?

লেডী-ম্যা। না জিজ্ঞাস কোন কথা মিনতি আমার,

বাড়িতেছে ব্যাধি,—

জিজ্ঞাসিলে বাড়িবে অধিক।

হ'ন বিদায় সকলে,

ধারাবাহী গমনে নাহিক প্রয়োজন,

যান সবে।

লেনক্। বিদায় এখন,

মহারাজ করুন আরোগ্য লাভ।

লেডী-ম্যা। মাগি হে বিদায় আমি সবার নিকটে।

[ম্যাক্বেথ ও লেডী-ম্যাক্বেথ ব্যতীত সকলের প্রস্থান।

ম্যাক্বে। শোণিত,—শোণিত চাহে ;

কহে সবে,

শোণিতের পরিবর্তে শোণিত মোক্ষণ।

শুনেছি সচল হয় অচল প্রস্তর,

বৃক্ষগণে কহে ভাষা, কাক তোতা,

কুংসিং বিহঙ্গ-ববে হ'য়েছে গণনা,

কার্য-কারণের গুপ্ত সম্বন্ধ-শৃঙ্খল প্রকাশিত—

যাহে অতি গুহ্য হত্যা হয়েছে প্রমাণ।

কত রাত্রি ?

লেডী-ম্যা। উষা মনে হৃদয় করে নিশা

আধিপত্য হেতু যেন।

ম্যাক্বে। অল্পমান কিবা তব তাহে,

রাজ-আজ্ঞা করি অবহেলা, কি হেতু ম্যাক্ভেথ—

নিমন্ত্রণ কৈল অস্বীকার ?

লেডী-ম্যা। তব্ব কিছু নে'ছ তার ?

ম্যাক্বে। ল'ব তব্ব,

জানিয়াছি পরম্পরা কিছু।

এ রাজ্যে যতক আছে অমাত্য-প্রধান,

প্রতি ঘরে আছে মম গুপ্তচর বৃন্দ-ভোজী।

কালি যাব ভেটিতে ডাকিনীগণে,

হাটব অরাম,

করিব শ্রবণ অধিক কি বলে আর ;

ভাগ্য যাহা জানিব নিশ্চিত—

এ সঙ্কল্প দৃঢ় মম।

হয় হোক অমঙ্গল ভাগ্যে লেখা যত,

কুংসিত পন্থায়, তাহা হ'ব অবগত ;

পথের কণ্টক যত করিয়া মোচন

নিজ কার্য করিব সাধন,

এতদূর চলিয়াছি রুধির-আপ্ত পথে—

অগ্রসর যদি নাহি হই সে কক্ষমে

সম ক্রেশ পুনরাগমনে।

বিক্রীষিকা কল্পনা ক'রেছি যত—

করে তাহা করিব সাধন ;

মস্তব্য, করিব অগ্রে কার্যে পরিণত,—

অভিপ্রায় কেহ না হইতে অবগত।

লেডী-ম্যা। প্রকৃতি রক্ষণে তব 'নিজ প্রয়োজন।

ম্যাক্বে। চল যাই করি গে বিশ্রাম।

হ'য়েছি সম্প্রতি ব্রতী,

সেই হেতু আতঙ্কে নেহারি

কল্পনার বিভীষিকা ছবি ;

অভ্যাসে কঠিন হ'ব,

আপাততঃ এই কার্যে নহি ত প্রবীণ।

[উভয়ের প্রস্থ]

পঞ্চম দৃশ্য

উষর-ক্ষেত্র।

(বজ্রনাদ—হিক্কেটের প্রবেশ ও তিন জন ডাকিনীর সহিত সাক্ষাৎ)

১ম-ডা। কেন বল ডাইনী ধাড়ী,

চোখ ছুটো তোর রাগা রাগা ?

হিক্কেট। থাক থাক থাক ! আবাগী ! মাধে রাগি—

জানিস্ নি কি দিছিষ্ দাগা ?

বৃকের পাটা এম্নি আটা

পেল্ খেলালি মিলে জুলে।

হেয়ালি ঝাড়ুলি যত,

খুন খারাপীর ব্যাসাৎ তত

পুছলি না তো আমায় মূলে।

কুংকের আমি রাগী,

লুকিয়ে ক'রে কাণাকাণি,

শিথিয়ে দিছি বদমাতি।

দিলি নি কোন সাড়া,

কারদানি না হ'ল ঝাড়া,

ভাগ দিলি নি আমায় তোরা,

নই কি আমি তোদের সাথী ?

বাড়ালি কা'কে এত,

নয় তো সেটা মনের যত,

ঘেমা করে দেখতে নারে,
 কাজ গোছালে কে পায় তারে ।
 যদি সব চাস্ লো ভালাই,
 বলি যেমন ক'রু গে'যা তাই,
 যা নরকের নদীর ধারে ।
 কাল সকালে ক'রবে দেখা,
 সকালে সে আসবে একা,
 আপন বরাত যাবে জেনে ।
 আনিস্ কুহকের কড়া,
 পড়িস্ কুহকের ছড়া,
 কুড়িয়ে কুহক আনবি টেনে ।
 হাওয়ায় ঘুরে রাত ছপুবে,
 থাকব খুন'খুনী কাজে ।
 না হ'তে ছপুর বেলা,
 হবে লো বিষম খেলা,
 হবে লো ডাইনী মেলা,
 ডাইনী জুটে বিষম ধাঁজে ।
 চাঁদের কোণে আছে মাথা,
 এক ফোটা জল ধোওয়া ঢাকা,
 ফোটা টুকু কুহক ভরা ;
 ভূয়ে না প'ড়তে ফোটা,
 নেব গোটা,
 তাই নিয়ে কাল চাতর করা ।
 হাওয়ায় গড়া দতি্য দানা,
 উঠবে কত নাই ঠিকানা,
 ক'রবে তারা ভেল্‌কী কত,
 থাকবে ছোড়া খতমত,
 আপন বকুতে মেরে লাথি,
 মরণকে সে ক'রবে সাথী,
 থাকবে না তার ঠাই ঠিকানা,
 বাধ্বে আশা ষোল আনা,
 মান্বে না ভয়ের মানা,
 ধর্মের গালে দেবে ঠোঁনা ।
 কত আর বল্‌ব লো ছাই,
 জানিস্ তো তোরা সবাই,
 নিশ্চিন্দীর মতন লোকের,

অমন কি আর আছে বালাই ?
 শোন্ শোন্ ডাক্ছে আমায়,
 খুদে ভূতের ছাই,
 কুয়াসার মেখে ব'সে,
 চাচ্ছে আমায়—যাই ।
 ১ম ডা। চল্ চল্ চল্‌লো চ'লে,
 ফিরে ও এলো বলে ।

(অবশিষ্ট ডাকিনীগণের আবির্ভাব ও গীত)

ইমন-ভূপালী—পটতাল ।
 তন্ন তন্ন তন্ন তন্ন ফন্ন ফন্ন ফন্ন ফন্ন
 ঘুট্ ঘুট্ ঘুট্ ঘুট্ নিশি যায় ।
 কোঁ কোঁ কোঁ কোঁ, শোঁ শোঁ শোঁ শোঁ
 কাহ্নী ওই ওই লো বায় ।
 গন্ন গন্ন গন্ন গন্ন ফন্ন ফন্ন ফন্ন ফন্ন চ'লে চল ।
 ফিন্ ফিন্ ফিন্ ফিন্ ফিন্ ফিন্ খুনের কাণে কথা বল ।
 চক্ চক্ চক্ চক্ ঝক্ মক্ ঝক্ মক্
 কেলে মেখে বিজলী আয় খেলি,
 ছাথ্ ছাথ্ ছাথ্ ছাথ্
 খোঁজে মোদের কে কোণায় যাই সেখায়,
 জুটে পুটে মিঠে মিঠে শোনাই তায়,
 মাতে যায়, আয় আয় আয় ।

[অন্তর্দান

অষ্ট দৃশ্য

ফরেষের রাজবাটী

(লেনক্স ও জনৈক লর্ডের প্রবেশ)

লেনক্স। মহাশয়কে আর অধিক নিবেদন ক'রুব কি,
 মহাশয় তো মনে মনে বুঝতে পাচ্ছেন ; কেবল আমার
 বক্তব্য এই যে, ঘটনা-প্রণালী বড় আশ্চর্য্য । উদারচরিত
 ভূতপুত্র রাজা, ম্যাক্বেথের হস্তে আত্মসমর্পণ ক'রুলেন,
 কি সংবাদ ? তিনি খুন হলেন । বীরপ্রধান ব্যাকো,
 পথে আসতে সক্ষ্য হয়েছিল, মহাশয় ইচ্ছা করেন—বলতে
 পারেন, তাঁর পুত্র তাঁরে হত্যা করেছে ; কেননা তাঁর
 পুত্র পলায়ন করেছে । এখন সক্ষ্যার পর চলা বিপদ ।
 ম্যাক্বেথ, ডনালবেন রাজপুত্রদ্বয় কি নৃশংসের শাস্তি ব্যবহার

কল্লেন, কে না এ কথা বলেছেন? কি বলেন, কি অত্যাচার! ম্যাক্বেথ কত দুঃখ কল্লেন। আহা! তিনি ধর্ম-উত্তেজিত রোষভরে তৎক্ষণাৎ গিয়ে দু'জন হত্যাকারীকে বধ ক'ল্লেন, যারা মদ্যপানে স্তূথে অচেতন হ'য়েছিল। ওঃ! কত বড় উচ্চাশয়ের ন্যায় কার্যা! খুব সুবুদ্ধির কার্যা বটে, কারণ কার না অতঃকরণে ক্রোধের সঞ্চার হ'ত,—যখন তারা অস্বীকার ক'রত 'আমরা হত্যা করি নি'; তাহঁতে ব'লছি, বেশ সূচাক্রমে কার্যা সম্পন্ন ক'রে আসছেন। আমার বিবেচনা হয়, ডনক্যানের পুত্রদ্বয়কে যদি একবার চাবিতালার ভেতর পেতেন, ভগবানের ইচ্ছায় তা হ'ল না,—পিতৃহত্যা যে কেমন, তা টের পাইয়ে দিতেন; ব্যাঙ্কোর পুত্র ফ্রিয়েন্স তিনিও টের পেতেন। রসুন, শুন্ছি স্পষ্টবক্তা ম্যাক্ভক্ নিমন্ত্রণে যান নাই, সেই নিমিত্ত তাঁর পদচ্যুতি হ'য়েছে। মহাশয়, ব'লতে পারেন, তিনি এক্ষণে কোথায়?

লর্ড। ডনক্যানের এক পুত্র—যাকে পৈতৃক সম্পত্তি হ'তে এই নিষ্ঠুর বঞ্চিত ক'রেছে, ইংলণ্ডের রাজসভায় আছেন। ধর্ম্মায়া ইংলণ্ডের ঈশ্বর তাঁর দুর্দশায় অবজ্ঞা না ক'রে, যথেষ্ট সম্মানের সহিত তাঁকে স্থান দিয়েছেন; ম্যাক্ভক্ সেই স্থানেই গেছেন। তাঁর অভিপ্রায়, পুণ্যায় রাজসমীপে আবেদন জানান যে, তিনি সৈন্য সামন্ত দিয়ে সাহায্য করেন। তাঁর সেই সাহায্যে ও ঈশ্বর-কৃপায় যেন আমাদের নিকরদেগে ভোজন আর নিশিতে নিদ্রা হয়। রুধির-প্রদানী ছুরী যেন ভোজন সমারোহে না চলে, যেন ভক্তিসহক রে রাজপূজা করা যায়, আর চাটুর্ভাষন প্রয়োগ ব্যতীত যথারোগ্য সম্মান পাওয়া যায়। আমাদের যে সকল মর্ম্মপীড়া, তা যেন মোচন হয়। এই সংবাদে রাজা এত ক্রুদ্ধ যে, তিনি যুদ্ধ ক'রতে প্রস্তুত হ'চ্ছেন।

লেনক্। তিনি ম্যাক্ভক্কে নিমন্ত্রণ ক'রে পাঠান নি?

লর্ড। হাঁ, তার উত্তর এই যে, 'আর্য্য! আমা হ'তে হবে না'; এই কথা নিয়ে দূত ফিরে এল, যেন বিকৃত মুখভাবে ব'লতে ব'লতে এল,—'এই উত্তর দিলে, সময়ে টের পাবে!'

লেনক্। হাঁ, তাঁর সাবধান থাকা উচিত, যত দূর তফাতে থাকতে পারেন, থাকা কর্তব্য। কোন দেবদূত, ক্ষত পক্ষভরে তাঁর পূর্বে ইংলণ্ডে উপস্থিত হ'য়ে, তাঁর

আবেদন রাজসমীপে জ্ঞাপন করেন, যেন ভারাক্রান্ত জন্মভূমি পাপহস্তে পরিভ্রাণ প্রাপ্ত হ'য়ে, অচিরে ভগবানের দয়ালভ করে।

লর্ড। আমি ঈশ্বরের কাছে তাঁর মঙ্গল প্রার্থনা করি
[উভয়ের প্রস্থান]

চতুর্থ অঙ্ক

—:~:~:~:—

প্রথম দৃশ্য

পর্কিত-গম্বর মধ্যে কুহক-কটাঠ

(বজ্রনাদ—ডাকিনীত্রয়ের প্রবেশ)

১ম-ডা। তিনবার চিতে মেনি,

ডাক দিয়েছে মিউ মিউ মিউ।

২য়-ডা। রেতো শোর কানাচ থেকে তিনটে,

ডেকে কল্ল আবার কিউ কিউ কিউ।

৩য়-ডা। ভুকো দানা ডেকে গেল,

সময় হ'লো সময় হ'লো।

৪ম-ডা। চল চল ঘুরে ফিরে, চল ঘুরে চল কড়া বেড়ে,

বিষ মাখান আঁতি ভূঁতি, কড়ার মাঝে দেত ছেড়ে।

বনকনে পাথর চাপা, বোড়া কোলা থাক্ত গেবে,

ঠিক ঠাক্ একত্রিশ দিন, দিনে রেতে গুণ্লে হবে।

বিষের ঘোরে ঘুমিয়ে পড়ে,

বিষ গেছে তার গায়ে বেড়ে,

দে লো দে কুহক কড়ায়,

দে লো সে'টা আগে ছেড়ে।

সকলে। খাটু খাটুনী দ্বিগুণ দ্বিগুণ,

ফুটুক কড়া জলুক আগুন।

২য়-ডা। জলার সাপের ডুমোখানা,

সেদ্ধ ক'রে সেকে নেনা,

আঞ্জুনের চোখটা নিয়ে,

কোলা ব্যাণ্ডের আঙ্গুল দিয়ে,
বাছড়ের পর কেটে নে,
কুকুরের জিব্ তাতে দে,
বোড়া সাপের জিব্ খানা ছুঁল,
ছিঁড়ে নে কাণা মাছির হল,
গির্গিটীর ঠ্যাংটা নেনা,
দে না প্যাচার ছানার ডানা,
লাগ্বে যাতে ঘোর কুহকের গোল ;
ঘেঁটে ঘেঁটে ফুটিয়ে নেনা,
হোক নরকের ঝোল ।

সকলে । খাট্ খাট্নী দ্বিগুণ দ্বিগুণ,
ফুটুক কড়া জলুক আগুন ।
২য়-ডা । ছেড়ে দে নেকড়ে বাঘের দাঁত,
সাপের ঐসো মিশিয়ে নে তার সাথ ।
শুট্ কী করা ডাইনী মরা,
নোনা হাঙ্গর ক্ষিধেয় জরা,
টুঁটীটে নে না ছিঁড়ে,
বাঁর কের নে ভুঁড়ি ফেঁড়ে ;
বিষের চারার শেকড় খানা,
আধার রেতে খুঁড়ে আনা ;
দেব্ তাকে গাল দেছে মেটে,
নে এ যীহ্নীর মেটে ;
ছাগলের পিক্তি খোবা,
নিয়ে লো কড়ায় চোবা ;
কবর ভুঁইয়ের ঝাউয়ের ডাঁটা,
গেরণের রেতে কাটা ;
তুরকীর নাকের বোঁটা,
তাতারের ঠেঁটা মোটা ;
বিয়িয়ে ছেলে খানার ধারে,
মুখ টিপে তার দেছে সেরে,
শাল্নেলে আঙুল চেলে,
এনে দে লো কড়ায় ফেলে,
থক্ থকে ঘন ঘন,
কর ঝোল কথা শোন ;
বাঘের ভুঁড়ি তার উপরে,
মসলা রাখ কড়া ভরে ।

সকলে । খাট্ খাট্নী দ্বিগুণ দ্বিগুণ,
ফুটুক কড়া জলুক আগুন ।
২য়-ডা । ছনোর রক্ত ঢাল্লে ঝোলে,
থাক্বে কড়া সম শীতলে,
যাবে খুব কুহক ফ'লে,
যাবে খুব কুহক ফ'লে ।

(হিক্কেটের প্রবেশ)

হিক্কেট । বেশ্ বেশ্ বেশ্ লো,
তোরা কল্লি ভাল খেটে খুটে ;
পাবি যা নিবি তোরা, সবাই মিলে জুটে পুটে ।
মোহিনী মন্তরে সব, চেলে দে যাছ ক'রে,
দতি্য দানা পরীর মত ফুর্ফুরে, স্বর ক'রে,
হাত ধ'রে—
আয় আয় কড়া বেড়ে যাই ঘুরে ।

(অবশিষ্ট ডাকিনীগণের আবির্ভাব ও গীত)

মিশ্র—পটতাল ।

ধলা কালী কটা লালী, মিলে জুলে চ'লে আয়,
ঝন্ ঝন্ ঝন্ ঝন্ ঝন্ ঝন্ ঝন্ ।
টম্ টম্ ঝম্ ঝম্ বাদবে মাত্বে
রণারণি হানাহানি খুন ।
মেঘের কোলে নোণা জলে,
যে যেখানে চলে বলে আয় আয় আয় ।
আয় আয় কুয়াসায়, আয় আয় ঘূর্ণাবায়,
ঘুরে ফিরে সুরে সারে আয় আয় গাই,
ডাকি তাই—আয় সবাই, কর গান—তোল তান,
গুন্ গুন্ গুন্ গুন্ গুন্ গুন্ গুন্ ।

(হিক্কেট ও তৎসঙ্গিনী ডাকিনীগণের অন্তর্দ্বান)

২য়-ডা । আমার বুড়ো আঙুল চুল্কুলোলো চুল্কুলো,
কু-আকারে দেখ্ লো বুঝি কে এল ?
ওই কে ঠ্যালো, ওই কে ঠ্যালো, ওই কে ঠ্যালো,
তালা যা খুলে, তুই যা খুলে, তুই যা খুলে ।

(ম্যাক্বেথের প্রবেশ)

ম্যাক্বে । তমাচ্ছন্ন ঘোরা নিশা সহচরী,
বিভীষণা গুহ কুহকিনী বিকটা ডাকিনী,
সবে মিলি কি কাজে র'য়েছ রত ?
সকলে । নাই কো তার নাম, কি ব'ল্বে বল তা ?

ম্যাক্বে। কুহকের দোহাই তোদের,
 সূধাই কহ বে সত্য ভাষা।
 কে জানে, কিরূপে জান বার্তা ভবিষ্যৎ !
 দেহ প্রশ্নের উত্তর মম, দেহ প্রশ্নের উত্তর।
 খুলে যদি বায়ুর মণ্ডল,
 তাহে ভাঙ্গিতে মন্দির চূড়া,
 নাচে যদি ফেনিল তরঙ্গরাশি—
 গ্রাসিতে অর্ণবপোতচয়,
 শস্যশীল যদি হয় নাশ,
 মূলচ্যুত হয় তরুরাজি,
 দুর্গ-শির পড়ে খসে রক্ষকের মাথে,
 ভিত্তি হ'তে খসে পড়ে স্তম্ভ বা প্রাসাদ,
 লগ্ন ভগ্ন হয় যদি প্রকৃতি আকারে,
 সৃষ্টির অঙ্কুর যত,
 বিশ্বগ্রাসী নরকনাশী প্রলয় যত্মপি
 হয় তাহ মন্দানল,
 দেহ উত্তর আমার,—
 সূধাই যে বার্তা, দেহ উত্তর তাহার।

১ম-ডা। বল, বল।

২য়-ডা। কি চাও, কি চাও ?

৩য়-ডা। বলি, বলি; নাও শুনে নাও—
 নাও শুনে নাও।

১ম-ডা। শুনবে কি মোদের মুখ ?
 না হয় আনি দুনিব ডেকে।

ম্যাক্বে। ডাক, ডাক,—দেখা দিক আদি সবে।

১ম-ডা। যেটা তার নটা ছানা খেলে,
 সেই মাদী শোরটার রক্ত দেহে চেনে।
 ফাদিকারের গায়, চপ্পি টম্ টমাঘ,
 আন্ চেনে, আন্ চেনে দে চেনে।

সকলে। ওঠ ওঠ, বড় ছোট, কাজ কর মালাই,
 ডাকি তোদের তাই।

(বজ্রনাদ—কাটামুণ্ডর উত্থান)

ম্যাক্বে। বল মোরে অজানিত কেবা শক্তিবান্ ?

১ম-ডা। জানে তোমার মন,
 কোন কথা ক'ও না এখন।

কাটামুণ্ড। ম্যাক্বেথ! ম্যাক্বেথ! ম্যাক্বেথ!

সাবধান! সাবধান! সাবধান!

ম্যাক্ভফ! ছেড়ে দে, ছেড়ে দে!

চের হ'য়েছে! চের হ'য়েছে! (অধোগমন)

ম্যাক্বে। যে হও সে হও,
 সতর্ক করিলে, আমি বাধিত তাহায়।
 মম আশঙ্কা যথায়,
 লক্ষ্য তুমি ক'রেছ সে স্থান;
 এক কথা সূধাই তোমায় আর।

১ম-ডা। তোর কথাতে কি থাকে ?
 ওর-ও চেয়ে আস্বে বড়—
 জিজ্ঞাসা কর তাকে।

(বজ্রনাদ—শোণিতাক্ত শিশুর উত্থান)

শো-শিশু। ম্যাক্বেথ! ম্যাক্বেথ! ম্যাক্বেথ!

ম্যাক্বে। যত্মপি শ্রবণত্ৰয় থাকিত আমার,
 শুনিতাম তোর বাণী।

শো-শিশু। কর হত্যা, রহ যদা অটল অভয়,

নারী-পুত্র হ'তে তব নাহি কিছু ভয়। (অধোগমন)

ম্যাক্বে। রহ তবে জীবিত ম্যাক্ভফ!

তোমারে নাহিক ভয় আর;

তথাপি নিশ্চিততর করিতে নিশ্চিত,

ভবিতব্য করিতে পূরণ,

জীবিত না র'বে তুমি আর।

অন্তরে হইবে যবে পাণ্ডমুখ আশঙ্কা উদয়—

কহিব তাহায়, মিথ্যাবাদী তুই।

গর্জে যদি গর্জ্জ্বল বজ্রনা,

ধুমাইব নিশ্চিত হইয়ে।

(বজ্রনাদ—শাখা করে মুকুটধারী শিশুর উত্থান)

একি দেখি উঠে যেন নৃপতি নন্দন,

করিয়াছে শিশু শিরে মুকুট ধারণ।

সকলে। শোন, শোন, ক'ও না কথা কোন।

মু-শিশু। মদে মত্ত রহ যদা,

সিংহের প্রতাপে, কর উপেক্ষা সকল।

কে কোথায় বো'ব, কে কোথায় দোষে,

ঘড়্বস্বের রত কে কোথায়,

মনে নাহি দেহ স্থান।

বিরুদ্ধে তোমার—

ডান্‌সিনান শিখরেতে বার্ণাম কানন,
না উঠিলে তব নাহি হইবে পতন। (অধোগমন)

ম্যাক্বে। এ ত নহে সম্ভব কখন,
শক্তি কার অটবী চালনে !
বন্ধমূল তরু কার শুনিবে বচন
ভাজ্জিবে আপন স্থান ?
অতি শুভ মঙ্গলসূচক এ গণনা।
বিদ্রোহ না তোল শির কভু,
যত দিন কানন না চলে।
বসি উচ্চস্থানে—
করিব প্রকৃতিদত্ত জীবন যাপন
সময়ে এ প্রাণবায়ু যাবে দেহ ছাড়ি,
রীতি যথা শরীর ধারণে ;
তথাপিও অধীর অন্তর মম জানিতে বারতা,
বল মোরে, জান যদি সমাচার গণনা প্রভাবে—
ব্যাক্কোর সহানগণে ভূগাল কি হ'বে এই ধামে ?
সকলে। আর শুন্তে মানা, আর কিছু চেও না।

ম্যাক্বে। পূরাব বাসনা।
বঞ্চিত যত্নপি কর ইথে,
শাপভ্রষ্ট রহ চিরদিন।
দেহ বার্তা,— (কটাহ নিমগ্জন)
অকস্মাৎ নাবিল কটাহ কি কারণ,
কোথা হ'তে উঠে যন্ত্রপন ?

১ম-ডা। দেখাও !

২য়-ডা। দেখাও !

৩য় ডা। দেখাও !

সকলে। দেখিয়ে দেত আঁতে যা,

ছায়ার মতন এসে যা।

ধারাবাহীরূপে অষ্ট রাজ-মূর্তির প্রবেশ ও প্রস্থান, অষ্টমের
হস্তে দর্পণ, সর্কশেষে ব্যাক্কোর প্রবেশ ও প্রস্থান)

ম্যাক্বে। মৃত ব্যাক্কোর সদৃশ আকার রে তোর,
প্রবেশ পাতালে, মুকুটে ঝলসে আঁখি মম।
স্বর্ণ-মণ্ডিত ভাল, রে দ্বিতীয় ছবি,
কেশ তোর প্রথমের মত।
আকারে সদৃশ একি তৃতীয় উদয় ;
বীভৎসা প্রেতিনি !

কোন্ হেতু এ দৃশ্য করিস্ প্রদর্শন ?
একি চতুর্থ আবার, চক্ষু হ'ক কক্ষচ্যুত,—
প্রলয় অবধি চলিবে কি এই স্রোত ?
একি, আর ? পুনঃ অপর মূর্তি !
নেহারি সপ্তম, আর না দেখিব !
অষ্টম প্রকাশ, করে ধ'রে মোহিনী দর্পণ।
প্রতিবিন্দু প্রদর্শিছে আরও কত জন—
তুই মুকুট কাহার, তিন রাজদণ্ড কার করে,—
দৃশ্য ভয়ঙ্কর !
সত্য ইহা বুঝিছ এখন,
শোণিতাঙ্গ ব্যাক্কো হানে,
দেখায় সকলে আপন নন্দন বলি—
সত্য এ সকল ?

[ছায়ামূর্তির তিরোধান।

১ম-ডা। সত্যি বটে, সত্যি বটে,

ক্যাল্ ফেলিয়ে আছে চেয়ে,

বুদ্ধি তো ওর নাইক ধটে।

আয় বোন্, সবাই মিলে,

এর ডুব মন দিই লো তুলে,

আমাদের আমোদ দেখাই,

যাছু হাওয়ার বাজনা শোনাই—

ধুরে নাচ্ তোরা সবাই।

আদর কত ক'বলুম রাজায়,

রাজা যেন গুণ গেয়ে যায়।

(অবশিষ্ট ডাকিনীগণের আবিভাব ও গীত)

বেহাগ মিশ্রিত—পটতাল।

কড়্ কড়্ কড়াং, পড়্ পড়্, ঝন্ ঝনা।

থর থর মাটি কাঁপ, খানা খানা খানা খানা,

পাহাড় হ' খানা খানা।

মড়্ মড়্ মড়্ গাছের মাথা ভাঙ্ রে ঝড়্,

তড়্ তড়্ শিলে পড়্ :

লাখে লাখে পাকে পাকে,

নেচে নেচে ঝাঁকে ঝাঁকে দে হানা ॥

[ডাকিনীগণের অন্তর্ধান।

ম্যাক্বে। কোথা গেল ? লুকা'ল সকলে,

যেন পঞ্জিকায়, আজিকার দিনে এ সময়,

কুক্ষণ লক্ষিত রহে ।

এস, কে আছ হোথায় ?

(লেনক্সের প্রবেশ)

লেনক্স । কি আজ্ঞা মহাশয় ?

ম্যাক্বে । বিকটা ডাকিনীত্বে ক'রেছ দর্শন ?

লেনক্স । কই, না প্রভু !

ম্যাক্বে । যাও নাই তোমাদের পথে ?

লেনক্স । কই, কোথা ? দেখি নাই প্রভু !

ম্যাক্বে । হোক সেই বায়ু কলুষিত—

যাহে তারা করে আরোহণ,

তা সবারে যে করে প্রত্যয়—

তার হোক অদোগতি ।

শুনিলাম অশ্ব পদ-ধ্বনি,

আইল হেথা কোন্ জন ?

লেনক্স । আইল দূত দুই তিন জন

বার্তা দিতে নৃপতি সমীপে,

ইংলণ্ড প্রদেশে পলায়ন ক'রেছে ম্যাক্‌ডফ ।

ম্যাক্বে । ইংলণ্ডে ক'রেছে পলায়ন ?

লেনক্স । হাঁ মহারাজ !

ম্যাক্বে । সময় বিরোধী তুমি,

কার্যে মম হও প্রতিবাদী ।

অস্থির মন্তব্য কভু না হয় সাধন,

মন্ত্রণার পার্শ্বগামী কাব্য না হইলে ।

যে ভাব যখন হ'বে অন্তরে উদয়,

সেই ক্ষণে হস্ত মম করিবে সমাপা,

এ নিয়ম এই দণ্ড হ'তে—

এবে উদয় হয়েছে মনে,

কার্যে এইক্ষণে পূরণ করিব তাহা ।

অকস্মাৎ হানা দিয়ে ম্যাক্‌ডফের গৃহে,

অসিধারে করিব অর্পণ দারা পুত্র তার,

আর অশ্ব দেবা তার উত্তরাধিকারী ।

বাতুলের মত নহে বাক্যব্যয় আর,

না হতে শিথিল মন্তব্য, কাব্য হবে ।

কিন্তু না চাই এ ভীষণ দর্শন ;

চল কোথা দূতগণ ।

[উভয়ের প্রস্থান ।

দ্বিতীয় দৃশ্য

ফাইফ্—ম্যাক্‌ডফের দুর্গ

লেডী-ম্যাক্‌ডফ, ম্যাক্‌ডফ-পুত্র ও রস্ ।

লেডী-ম্যাক্‌ডফ । কি এমন গর্হিত কাজ করেছিলেন,
যা'তে তাঁরে পলাতে হ'ল ?

রস্ । দেবি, দৈঘ্য ধরুন ।

লেডী-ম্যাক্‌ডফ । কিন্তু তিনি সম্পূর্ণ অধীর, পলায়ন
করা অতি অববেচনার কাণ্ড হয়েছে । আমরা রাজদ্রোহী
নই, কিন্তু আশঙ্কায় যেন রাজদ্রোহীর ন্যায় ব্যবহার হলো ।

রস্ । সুবিবেচনা বা ভয়ের কাণ্ড আপনি বুঝতে
পাচ্ছেন না ।

লেডী-ম্যাক্‌ডফ । বিবেচনার কাণ্ড ! যেখান হ'তে
তিনি পলায়ন করেছেন, সেখানে স্ত্রী-পুত্র, গৃহ-সম্পত্তি সমস্ত
রেখে গিয়েছেন । আমাদের তিনি ভালবাসেন না, তাঁর
হৃদয় স্বভাবপ্রসূত স্নেহহীন । অতি ক্ষুদ্র টুণ্টুর পক্ষীও
নীড়ে শাবক-রক্ষণের নিমিত্ত পেচকের বিরুদ্ধে যুদ্ধ করে ।
তাঁর সকলই ভয়, ভালবাসা নাই, বিবেচনাও সেইরূপ ক্ষুদ্র,
যুক্তি-বিরুদ্ধ, পলায়নেই তা প্রকাশ ।

রস্ । হে সুলীলা ! আমার মিনতি, আপনি স্থির
হোন । আপনার স্বামীর মঙ্গলের নিমিত্ত স্থির হোন ।
তিনি উচ্চাশয়, সুবোধ, জ্ঞানী এবং সময়ের অবস্থা তিনি
সম্পূর্ণ অবগত ; আমি সাহস ক'রে অধিক ব'লতে পাচ্ছি
না । এ অতি নিষ্ঠুর কাল উপস্থিত, আমরা রাজদ্রোহী
ব'লে পরিগণিত ; কিন্তু কেন—আর কখন হলেম, তা
আমরা জানি না । জনশ্রুতি শুনে ভয় পাই, কিন্তু কিসের
আশঙ্কা তা জানি না । আমরা উত্তাল তরঙ্গ অর্ণবে ভাস-
মান, ছলে ছলে ঘুরে বেড়াচ্ছি । আমি এক্ষণে বিদায় হই,
শীঘ্র ফিরে আসব । মন্দ অবস্থা চরম সীমা প্রাপ্ত হ'লে হয়
নিঃশেষ হয়, নয় পুনর্বার পূর্ন-অবস্থা প্রাপ্ত হয় । বন্দ,
ঈশ্বর মঙ্গল করুন, আমি আসি ।

লেডী-ম্যাক্‌ডফ । আহা ! পিতা থেকেও পিতৃহীন !

রস্ । আমার অধিকক্ষণ বিলম্ব করা বাতুলের কাণ্ড
হবে, নিজ অপমান ও আপনার দুঃখের কারণ হব ; আমি
এখনই বিদায় লই ।

[প্রস্থান ।

লেডী-ম্যাক্‌ড। ওরে, তোর বাপ মরেছে। কি
ম'রে খাবি এখন ?

পুত্র। পাখীতে যে করে খায় মা।

লেডী ম্যাক্‌ড। কি রে, পোকা মাকড় খেয়ে থাকবি
মা কি ?

পুত্র। কেন, পাখীরা যা পায় তাই খেয়ে থাকে,
আমিও যা পাব তাই খেয়ে থাকব।

লেডী-ম্যাক্‌ড। আ অবোধ শাবক ! তুই কখনও
ব্যাধের জালে ভয় পাবি না।

পুত্র। কেন ভয় পাব মা ? খারাপ পাখীর ছন্তে
তো জাল পাতে না ? তুমি যতই বল না, আমার বাপ ত
মরে নি।

লেডী-ম্যাক্‌ড। হাঁ মরেছে, তুই বাপ কোথা থেকে
আনবি ?

পুত্র। তুমি স্বামী কোথায় পাবে ?

লেডী-ম্যাক্‌ড। কেন, আমি বাজার থেকে গোটা
কুড়ি কিনে আনব।

পুত্র। তা হ'লে তুমি তক্ষুণি আবার বাজারে বেচে
কেনাবে।

লেডী-ম্যাক্‌ড। তোর যত টুকু বুদ্ধি, তত টুকু
বলেছি কিন্তু ঠিক ব'লেছি।

পুত্র। হাঁ মা, আমার বাপ কি বিশ্বাসঘাতক ?

লেডী-ম্যাক্‌ড। হাঁ, বিশ্বাসঘাতক বৈ কি।

পুত্র। বিশ্বাসঘাতক কাকে বলে মা ?

লেডী-ম্যাক্‌ড। কেন রে, যে দিবি গেলো মিথ্যা কথা
বলে।

পুত্র। যারা মিথ্যা কথা বলে, তারাই বিশ্বাসঘাতক ?

লেডী-ম্যাক্‌ড। হাঁ, তারাই বিশ্বাসঘাতক, আর তারা
ফাঁসী যায়।

পুত্র। যারা মিথ্যে কথা বলে, তারাই ফাঁসী যাবে ?

লেডী-ম্যাক্‌ড। হাঁ, সন্দাই যাবে।

পুত্র। কারা ফাঁসী দেবে ?

লেডী-ম্যাক্‌ড। কেন, যারা ভালমানুষ।

পুত্র। তবে তো মিথ্যাবাদী গুলো বড় বোকা,
মিথ্যাবাদীই তো ঢের, তারা সবাই মিলে ভালমানুষদের
ফাঁসী দেয় না ?

লেডী-ম্যাক্‌ড। আ বাঁদর ! ভগবান তোকে রক্ষা
করুন ! এখন তোর বাপের জন্তু কি ক'রবি বল ?

পুত্র। বাবা মরে নি, তা হ'লে তুমি কাঁদতে।
আর ম'রে থাকেন তুমি না কাঁদ, নতুন বাবা হ'বে।

লেডী-ম্যাক্‌ড। আহা, কি মিষ্টি কথা !

(জর্নৈক দূতের প্রবেশ)

দূত। দেবি, আপনাকে ঈশ্বর রক্ষা করুন ! আমি
আপনার নিকট অপরিচিত, আপনি অতি পুণ্যাত্মা আমি
জানি, এই নিমিত্ত সংবাদ দিতে এসেছি। আমার আশঙ্কা
হচ্ছে বিপদ নিকট, যদি আমার মত হীন ব্যক্তির উপদেশ
গ্রহণ করেন, এখানে থাকবেন না, আপনার ছেলে পুত্র
নিয়ে পালান। আমি নরাধম, আপনার নিকট ভয়ের
কথা উত্থাপন কল্লম, কিন্তু আপনার আসন্ন বিপদ জেনে
যদি সংবাদ না দিই, সে অতি নির্দয়ের কার্য হবে। আমার
আর এখানে অধিকক্ষণ থাকতে সাহস হ'চ্ছে না। ভগবান
আপনাকে রক্ষা করুন। [প্রস্থান।

লেডী-ম্যাক্‌ড। কোথায় যাব ? আমি তো কোন
দোষ করি নাই। এখন বুঝতে পেরেছি, যে পৃথিবীতে
আছি, সেখায় কুকাজ প্রশংসনীয়, সুকাজ প্রায়ই বাতুলতা
ও বিপদকর, তবে আমি দোষ করি নি ব'লে কেন আর
নারীসূচক প্রতিবাদ করি। এরা কারা ?

(হত্যাকারীগণের প্রবেশ)

১ম-হত্যা। তোর স্বামী কোথা ?

লেডী-ম্যাক্‌ড। ভরসা করি, এমন অপবিত্র স্থানে
নাই, যেখানে তুই তাকে দেখতে পাবি।

১ম হত্যা। সে রাজার শত্রু।

পুত্র। মিথ্যাবাদী, ঝুন্ডো চুলো নরাধম !

১ম-হত্যা। হুঁ, ডিমে এত ঝাঁজ ! (ছোরার আঘাত)
বিশ্বাসঘাতকের ছানা !

পুত্র। মা, পালাও—মা, পালাও ! আমায় খুন
করেছে ! মিনতি করি মা,—পালাও ! (মৃত্যু)

লেডী-ম্যাক্‌ড। খুন ক'রলে ! খুন ক'রলে !

[লেডী-ম্যাক্‌ডফের পলায়ন ও হত্যাকারীগণের তদক্ষুসরণ।

তৃতীয় দৃশ্য

ইংলণ্ড রাজপ্রাসাদের সম্মুখ ।

(ম্যাকম ও ম্যাকডফের প্রবেশ)

ম্যাকম । চল, যাই কোন জনহীন লতিকা-মণ্ডপে,

রোদনে হৃদয়-ভার করি গে মোচন ।

ম্যাকড । একি কথা ?

সংহারিণী অসি দৃঢ় করিয়া ধারণ,

বীরের মতন,

রক্ষিব এ পীড়িত শায়িত জন্মভূমি ।

নিত্য নিত্য বিধবা রোদন,

নিত্য নব অনাথের হা হা রোল,

নিত্য শোকধ্বনি পরশে গগন কায়ে—

প্রতিধ্বনি শোকাকুলা যাহে

ঈদিতেছে মাতৃভূমি সহ সমস্বরে ।

ম্যাকম । শুনি যাহা, প্রতীতি জন্মায় তাহে,

সে প্রতীতি করে শোকাকুল ।

সময় যতপি কতু হয় অক্ষয়কুল,

পারি যদি উপায় করিব ;

কহিলে যেমত, হ'তে পারে সম্ভব সকল ।

এই অত্যাচারী, নামে দার দগ্ধ করে জিহ্বা,

সাধু বলি গণ্য ছিল এক দিন,

ভক্তি তুমি করিতে বিশেষ তারে,

স্পর্শে নাহি অত্মপি তোমারে ।

এবে হের নিরীহ আমায়,

জান কি, কি হ'বে পরে ?

কেমনে জানিলে, এই ছুটে সম—

নাহি হব আমিও অহিতে রত ?

আর কেবা জানে,

নিরাশ্রয় মেঘ নাহি হবে বলিদান

ক্রুদ্ধ দেব তুষ্টির কারণে ?

ম্যাকড । নাহি আমি বিশ্বাসঘাতক ।

ম্যাকম । নহ তুমি,

বিন্দু সে ত বিশ্বাসঘাতক, ম্যাকডেব ?

রাজ-আজ্ঞা করিতে পালন,

কতু সাধুজন হয় কদাচারী ।

করি মার্জনা প্রার্থনা,

প্রকৃতি কখন তব না হ'বে বর্জন—

অন্য মত ভাবি যদি আমি ;

শুনছি যদিও,

ভূষিত উজ্জ্বলতম বিমল বিভাষ

দেবদূত হ'য়েছে পতিত,

তথাপিও অন্য অন্য বিভূচরণে,

সুবিমল উজ্জ্বল অত্মপি ।

বাহ্য আবরণে, হয় কতু কুৎসিত সুন্দর ;

সুন্দর—সুন্দর চিরদিন ।

ম্যাকড । ফুরাল সকল আশা মম ।

ম্যাকম । দাবা, পুল কি ভাবে তাজিলে,

আসিবার কালে বিদায় না করিলে গ্রহণ ?

মমতায় দিয়ে বিসজ্জন, দৃঢ় প্রেমের বন্ধন

কিরূপে বা করিলে ছেদন ?

এ সকল করি আন্দোলন,

হয় সন্দেহ বর্জন মম ।

ক্ষমুন আমায়, আত্মরক্ষার কারণে—

হেন চিন্তা স্থান দিই মনে ;

তব অসম্মান নহে ত বাসনা মম ।

ক্রিঘা তব গ্ৰায়ণের অবশ্য সম্ভব,

হয় হোক যে ভাব উদয় মম ।

ম্যাকড । হে জন্মদে !

বক্ষে তব বহুক শোণিত-ধারা ।

অত্যাচার হও বন্ধমূল,

ধর্ম ভরে দমিতে তোমারে,

পর' চির পীড়ন ভূষণ ;

চুরাচার স্থাপিয়াছে পূর্ণ অধিকার ।

বিদায় এক্ষণে মহাশয় !

রাজ্য সনে ভারতের ঐশ্বর্য পাইলে,

হেন দুর্নীত ব্যাভার,

আমা হ'তে কতু না সম্ভবে ।

ম্যাকম । হ'ও না ক্ষোভিত,

নহে দৃষ্টীকৃত আশঙ্কা আমার ।

আছে অপর কারণ, যাহে অসম্মত আমি ।
জানিয়াছি জন্মভূমি ভার নিপীড়িত—
বহিছে শোণিত-ধারা করিছে রোদন,
নূতন আঘাতে ক্ষত কৃষ্ণি দিন দিন ।
মম অধিকার স্থাপন কারণ,
বহু হস্ত হ'বে উত্তোলন লয় মনে ।
হেথা সদাশয় ইংলণ্ড-ঈশ্বর,
সহস্র সহস্র সেনা করিতে প্রদান,
অঙ্গীকৃত মম ঠাই ।

কিন্তু যবে—
অত্যাচাৰী শির দলিত হইবে পদে,
কিন্মা অসি-অগ্র যবে করিবে ভূষিত,
দুখিনী জনমভূমি—
এ হ'তে অধিক পাপে হইবে তাপিত,
বিদ্রিমতে সহিবে অধিকতর ।
যারে তুমি বসাইতে চাহ সিংহাসনে,
অধিক অনর্থ হেতু হ'বে সেই জন ।

ম্যাক্‌ড । কার কথা ক'ন মহাশয় ?
কে বসিবে সিংহাসনে ?

ম্যাক্‌ম । কহি আমি, আপনারে লক্ষ্য করি,
নানা পাপশাখা সংযোজিত হৃদে,
সে সকল হ'লে বিকশিত
তুলনায় মসীময় বর্তমান রাজা—
হ'বে যেন বিমল তুষার,
মেঘ সম নির্দোষী কহিবে লোকে তারে,
অসীম এ পাপরাশি করি আন্দোলন ।

ম্যাক্‌ড । ঘোর নারকীয় চমুমাঝে নাহি হেন কেহ,
পাপকার্যে উচ্চ হ'বে সে হ'তে অধিক ।

ম্যাক্‌ম । হত্যাকারী সেই, নাহি করি অস্বীকার,—
অর্থপ্রিয়, বিলাসী, বঞ্চক, শঠ, উগ্র, পরিপূর্ণ ঘোষ,
যত দোষ নাম আছে যার—
মানি আমি আছে সে আধারে ।
কিন্তু ব্যভিচার অগাধ আমার,
দারা, কন্যা, কত্রী বা কুমারী
প্রজাদের আছে যত,
তাহে মম কামপাত্র পূর্ণ না হইবে ;

বাসনা আমার,
লঙ্ঘন করিবে যত সতীত্বের বাধা ।
ম্যাক্‌বেথ অবশ্য শ্রেষ্ঠ হেনজন হতে !

ম্যাক্‌ড । অতিরিক্ত অসংযম, ঘৃণাকর অত্যাচার,—
করিয়াছে তায়, শূণ্য কত স্থখ-সিংহাসন,
হইয়াছে কত শত রাজার পতন ;
কিন্তু সে কারণে,
কুণ্ঠিত না হও নিজ সম্পত্তি গ্রহণে ।
বহু সপ্তে ভোগ-ক্রিয়া,
অনায়াসে গোপনে সাধন হ'বে,
সময় উচিত আবরণে,
লোকে না প্রকাশ পাবে,—
জ্বিতেন্দ্রিয় দেখিবে সকলে ।
আছে বহু উৎসুক রমণী, বৃষ্টি প্রকৃতির গতি—
উচ্চ জনে, আত্ম সমর্পণ করে যত নারীগণে ।
সে সবারে করিতে ভক্ষণ,
নাহি হেন গৃধিনী অন্তরে তব ।

ম্যাক্‌ম । কাম সনে পাপরাশি গঠিত অন্তরে,
বাড়িয়াছে ধনতৃষা এতাদৃশ মম—
হইলে ভূপাল,
বিনাশিব আছে যত ভূমি-অধিকারী ।
হ'বে অলঙ্কার লালসা ইহার,
আবাস উহার ; রুচিকর-জারক সদৃশ—
অজ্ঞানে বাড়াবে ক্ষুধা সমধিক ।
ধন হেতু বিবাদিব ধার্মিক সূজন সনে,
সে সবারে করিব বিনাশ ।

ম্যাক্‌ড । হেন ধনলিপ্সা বহুদূর তলগামী,
দূষিত এ মূল যৌবনস্বলভ কাম হ'তে,
বহুভূপ-হস্তা তরবারি ইহা,
কিন্তু চিন্তা স্থান নাহি দেহ মনে ।
তব ইচ্ছামত ধন, অভাব নাহিক জন্মভূমে,
তব তৃপ্তি অনায়াসে হইবে সাধন ।
অর্থ-লিপ্সা করি তুল, অগ্র নানা সদ গুণের সনে
অসহ নাহিক হ'বে ।

ম্যাক্‌ম । হেন কিছু নাহি মম—
শ্রায়, সত্য, বদাশ্রয়তা, অক্রোধী স্বভাব,

দৃঢ়তা, তিত্তীক্ষা, দয়া, অমায়িক ভাব,
 দেবভক্তি, সহিষ্ণুতা, অথবা সাহস,
 স্থিরতা বিপদে, ভূপতি-ভূষণ-গুণগ্রাম,
 রতি মম নাহি সে সকলে,
 কিন্তু পরিপূর্ণ নানা দোষে নানা পথ বাহী ।
 শক্তি যদি থাকিত আমার,
 চালিতাম সদ্ভাব মধুর-পয়ঃ নরক মাঝারে,
 নাশিতাম শাস্তি রণনায়ে,
 লগু ভগু করিতাম একতা ধরায় ।

ম্যাক্‌ড । হা জন্মভূমি—হা জন্মভূমি !

ম্যাক্‌ম । হেন জন যোগ্য কতু রাজ্যের শাসনে ?

বর্ণনার অনুরূপ জানিবে আমায় ।

ম্যাক্‌ড । রাজ্যের শাসনে যোগ্য ?

যোগ্য নহে জীবিত থাকিতে !

হায়রে অভাগা জাতি, শোণিতাক্ত রাজদণ্ড—

চুরাচারী অনধিকারীর করে !

কত দিনে সূদিন উদয় হ'বে পুনঃ ?

রাজার নন্দন, সিংহাসন অধিকার যার—

নিজমুখে কুলাঙ্গার করিল প্রচার,

জন্মে করি কলঙ্ক অর্পণ ।

পিতার তোমার, ঋষিতুল্য আছিল আচার ;

রাজরাণী,—যার গর্ভে জন্ম তব, ত্যজি বিলাস ভ্রমণ—

নিয়ত ছিলেন রত ঈশ্বর-সাধনে জাহ্নু পাতি,

প্রস্তুত হইতে নিত্য চরম কালের হেতু ।

বিদায় এক্ষণে, যেই পাপরাশি

অর্পণ করিলে তুমি আপনার পরে,

আশঙ্কায় তার,

দূরিত ক'রেছে মোরে জন্মভূমি হ'তে ।

হা হৃদয় ! যত আশা ফুরাল হেথায় ।

ম্যাক্‌ম । মহাত্মন ! সততা-সম্বৃত, মহাত্মা-ব্যঞ্জক

এই বাক্যেতে তোমার, দৌত করিয়াছে

সংশয়-মালিন্য মম অন্তর হইতে ;

অকপট সাধুভাবে তব, প্রত্যয় স্থাপনে—

আর নহে অসম্মত মম মন ।

প্রেরাচার ম্যাক্‌বেথ দুর্জন,

করণত করিতে আমায়, করিল শঠতা কত ;

বিবেচনা করে মানা প্রত্যয় স্থাপনে অকস্মাৎ,

কিন্তু ঈশ্বর মন্তকোপরি—

হোন আজ মধ্যস্থ দৌহার,

এইক্ষণ হ'তে পরামর্শ-অনুগামী আমি তব ।

আত্মকুৎসা শুনিলে হে যত,

করি তার প্রতিবাদ ;—

যত দোষ নিজ' পরে করেছি গ্রহণ

করি পরিহার, জানিহ নিশ্চিত

অজানিত সে সকল প্রকৃতিতে মম !

রমণীর আলিঙ্গন—অচ্যাবধি জানি না কেমন,

করি নাই প্রতিজ্ঞা ভঞ্জন কতু ;

দূরে থাক পরস্ব গ্রহণ—

আপন সম্পত্তি লাভে, লালসা-বজ্জিত আমি ।

করি নাই বিশ্বাসঘাতন প্রতারণা সহকারে,

দুর্জনে দুর্জন-করে করিতে অর্পণ—

নাহিক বাসনা মম ।

সত্য প্রতি আসক্তি আমার নহে ন্যূন—

জীবন আসক্তি হ'তে ।

কহিলাম আপন বিরুদ্ধে যাহা—

মিথ্যা কথা প্রথম এ মম ।

দে রূপ স্বরূপ মম,

জন্মভূমি, আর তুমি তার অধিকারী ।

না হইতে তব আগমন,

সেনাপতি সিউয়ার্ড প্রবীণ—

সুসজ্জিত সেনা দশ সহস্র সংহতি,

প্রস্তুত, করিতে যাত্রা দেশ-অভিমুখে ।

চল, হই অগ্রসর,

যেইরূপ ঞ্চায়ুদ্ধে প্রবৃত্ত আমরা,

বিজয় সম্ভব যেন হয় সেই মত ।

কি হেতু নীরব তুমি ?

ম্যাক্‌ড । এ প্রিয় সংবাদ, অপ্রিয় সংবাদ মনে—

সামঞ্জস্য অতি সুকঠিন ।

(জনৈক ডাক্তারের প্রবেশ)

ম্যাক্‌ম । এ সকল কথা পরে হ'বে। (ডাক্তার)

প্রতি) মহারাজ কি আসবেন ?

ডাক্তার। হাঁ মহাশয়, কতকগুলি পীড়িত আত্মা, আরোগ্যলাভ ইচ্ছায় অপেক্ষা করছিল, তাদের পীড়ায় বৈজ্ঞানিক-শাস্ত্র পরাজিত। কিন্তু ঈশ্বর-রূপায় মহারাজের স্পর্শে এরূপ শক্তি বিরাজিত যে, তারা বিশেষ উপশম লাভ করেছে।

ম্যাকম। আপনার সংবাদে বাধিত হ'লেম।

[ডাক্তারের প্রস্থান।]

ম্যাক্‌ড। কি পীড়ার কথা উনি বলেন ?

ম্যাকম। দুঃস্বপ্ন ;—দৈব-শক্তি আশ্চর্য্য রাজার !

কত দিন প্রত্যক্ষ দেখেছি,

আরোগ্য করিতে তাঁরে ;

কে জানে, কিরূপ তিনি করেন সাধন।

শোথযুক্ত, কদাকার ক্ষতপূর্ণ কায়,

আসে কতজন, দুঃখকর দৃশ্য সে সকল,

হতাশ চিকিৎসা-শাস্ত্র উপায় সাধনে,—

আরোগ্য করেন তিনি।

মন্ত্র বলি ঈশ্বর উদ্দেশ্যে,

সুবর্ণ কবচ কণ্ঠে করেন প্রদান।

তিনি লোকমুখে,—

মঙ্গল সূচক এই শক্তি ঈশ্বরিক—

করিবেন সম্মানে প্রদান।

এ শক্তি সহিত, ভবিষ্যত গণনা নিপুণ তিনি।

ঈশ্বর-রূপায়, আরও নানা গুণে—

রাজ্যসন বিভূষিত তাঁর,—

ঈশ্বরের রূপাপাত্র প্রকাশ যাহায়।

(রসের প্রবেশ)

ম্যাক্‌ড। দেখুন, কে আসে।

ম্যাকম। মম স্বদেশী জনেক, কিন্তু নহে পরিচিত।

ম্যাক্‌ড। স্বাগত হে ভ্রাতঃ !

ম্যাকম। চিনেছি এক্ষণে ; ঈশ্বর-রূপায়—

অচিরে হউক দূর সেই বাধা,

পর সম বন্ধি যাহে দৌহে।

রস্। সেই মত প্রার্থনা আমার, প্রভু !

ম্যাক্‌ড। অত্যাধি স্বদেশ-অবস্থা সেইরূপ ?

রস্। হায় রে ! দুঃখিনী—

সভীতা জানিতে আপনারে,
জন্মভূমি নহে ত জননী আর,
কবর সবার এবে।

কিবা হয়, নির্ণয়-অক্ষয় সবে ;

হাস্তমুখ নাহি আর কার,—

দীর্ঘশ্বাস, আর্তনাদ, রোদনের ধনি,

ছিন্ন ভিন্ন যাহে সমীরণ, হইতেছে অহরহ,

কেহ নাহি লক্ষ্য করে তায় !

ঘোর শোক নিত্য নৈমিত্তিক ভাব,

হয় ঘন মৃত্যু-ঘণ্টা নাদ,—

কে মরিল কেহ না জিজ্ঞাসে।

মন্তকেকুম্ম গালা নাহি শুকাইতে

সাধুজন হত কত,

মৃত্যু অগ্রে পীড়া না জন্মা'তে।

ম্যাক্‌ড। পুঙ্খ-অল্পপুঙ্খ ইহা স্বরূপ বর্ণনা।

ম্যাকম। কিবা নূতন সংবাদ এবে ?

রস্। পলে পলে হয় হেন নব বিবর্তন,

পূর্ষ-দণ্ড-অবস্থা যে করিবে বর্ণন,

হবে সেই হাশ্বের ভাজন—

পুরাতন সংবাদ দানিয়ে।

যেন হোরায় হোরায়,

ঘটনা নিচয় বক্তায় উপেক্ষা করে।

ম্যাক্‌ড। কিরূপ অবস্থাগত পরিবাব মম ?

রস্। কেন, আছেন কুশলে।

ম্যাক্‌ড। মম সন্ততি সকল ?

রস্। কুশলে সকলে।

ম্যাক্‌ড। সে সবার, শাস্তিভঙ্গ করে নাই ছুঁচাচার ?

রস্। না, বিদায়ের কালে—

দেখিলাম কুশলে সকলে।

ম্যাক্‌ড। কিরূপ অবস্থা সমুদয়,

কহ সে সকল অসঙ্কোচে।

রস্। প্রদানিতে দুঃখকর এ সব সংবাদ,

আসিবার কালে শুনিলাম হেনশ্রুতি—

বহু যোগ্য জন সেজেছে বিগ্রহে,

প্রতীতি জন্মিল মম তায়,

অত্যাচারী দলবল আগুয়ান হেরে—

উপায়ের কাল উপস্থিত ।
দৃষ্টিতে তোমার সৈন্য হইবে সৃজন,
নারীগণে প্রবেশিবে রণে—
নিদারুণ দুঃখভার তাজিবার হেতু ।

ম্যাকম । হোক এ সাহসী সবার,
অচিরে হইব অগ্রসর ;
সদাশয় ইংলণ্ডের পতি,
দীর সিউয়ার্ড চালিত দশ সহস্র বাহিনী,
ক'রেছেন প্রদান আনায়,
রণক্ষ বীরশ্রেষ্ঠ সিউয়ার্ড যেমতি,
সমকক্ষ নাহি আর তার—
খৃষ্টমন্ড অবলম্বী সমস্ত প্রদেশে ।

রস্ । হায় ! যদি হ'তেম সক্ষম,
শুভবাদে এ শুভ সংবাদে
করিবারে প্রত্যাভর,—
যোগ্য মম সমাচার, উচ্চনাদে মরুভূমে
সমীরণ কবিত্তে প্রচার,
নরকর্মে যেন নাহি পশে ।

ম্যাক্‌ড । সাধারণ সম্বন্ধে কি একপ বারতা,
কিধা কোন অভাগা-হৃদয়
এ সংবাদ অধিকারী ?

রস্ । নাহি এ হেন সৃজন—
ভাগী দেবা নহে এ দুঃখের,
কিন্তু, অধিকাংশ আপনার সম্বন্ধে কেবল ।

ম্যাক্‌ড । আমার সম্বন্ধে যদি,
শীঘ্র কহ—কিবা হেতু না দাও বারতা ?

রস্ । জন্মের মতন যদি শ্রবণ তোমার—
নম রসনায় নাহি করে ঘৃণা,
হায় ! এ হেন কঠিন বাক্য নিঃসৃত হইবে তায়,—
যাহা কহু কর্ণে তব করে নি প্রবেশ ।

ম্যাক্‌ড । হুঁ, বুঝিয়াছি ।

রস্ । পুরী আক্রমিত নির্দয়তা সহকারে,
হত্যা করিয়াছে তব দারা পুত্রগণে ;
আহা ! শাবক-বেষ্টিত সেই বন্য কুরঙ্গিণী,
শুনিলে বর্ণনা—মৃত্যু হ'বে আপনার ।

ম্যাকম । হা করুণাময় !

শিরস্রাণে মুখ আবরণে, কি হেতু নীরবে রহ ?
ভাষে—দুঃখ করহ প্রকাশ ;
গোপনে ধরিলে দুঃখ হৃদে,
ভগ্ন হ'বে হৃদাগার ।

ম্যাক্‌ড । হত সন্ততি সকল ?
রস্ । দারা, পুত্র, দাস, দাসী, পাইল যাহারে ।
ম্যাক্‌ড । আর দেখা আমি
আইলু পলায়ে !

প্রিয়ায় ক'রেছে হত ?
রস্ । কি আর কহিব !
ম্যাকম । দৈব্যা দর, জীবন-বিনাশকারী—
এ দুঃখ হইতে মুক্তিলাভ হেতু,

এস করি প্রতিহিংসা-ঔষধ সেবন ।

ম্যাক্‌ড । নাহি সন্ততি ইহার ;
আহা, স্নন্দর সন্ততিগণ মম !
সকলে—সকলে কি হুয়েছে নিহত ?
আরে নারকী আতায়ী !

আহা ! শাবক সহিত কপোতীরে—
লাগে গেলি বিদরি দারুণ নখে !

ম্যাকম । কর শোক জয়, দেহ নরহের পরিচয় ।

ম্যাক্‌ড । শোকে নাহি দিব স্থান,
কিন্তু, বেজেছে আঘাত,—মানব হৃদয় মম !
আহা ! অতি যতনের মন—
অবশ্য স্মরণ হ'বে ।

হা ঈশ্বর ! হত্যাকাণ্ড দেখিলে সকলি ?

নিরাশ্রয়ে আশ্রয় না করিলে প্রদান ?

এবে হত জনে করহ গ্রহণ !

আবে পাতকী ম্যাক্‌ডফ্,

হত সবে তোর দোষে ।

অতি চেয় আমি,—

নিহত, নির্দোষীগণে আমার কারণে ।

ভগবান, রাখ হে কল্যাণে সে সবারে ।

ম্যাকম । শাপিত করহ অসি শোকের গ্রন্থরে,

দুঃখ গোক রোষে পরিণত ;

হ'ক উত্তেজিত অস্তর তোমাব,

কদাপি শিথিল নাহি হয় ।

ম্যাক্‌উ। ওঃ! রমণীর মত চোখে ধারা বরিষণ,
বিফল গর্জন মুখে, না সম্ভবে আমা হ'তে।
কিন্তু ভগবান্! বিলম্ব করহ দূর,
দুরাচারে দাও হে সম্মুখে মোর,—
অসি-দৈর্ঘ্য মাঝে ব্যবধান,
যতপি সে পায় পরিত্রাণ,
হে ঈশ্বর, তুমিও মার্জনা ক'রো তায়।

ম্যাক্‌ম। বীর সম এ ভাব তোমার,
এস যাই রাজার সঙ্গীপে।
দলবল প্রস্তুত সকল,
আছে বাকী বিদায় গ্রহণ।
পতন-উন্মুখ এবে,
পক্ষফল সম সেই দুরাচার।
পাপে দণ্ড করিতে বিধান,
উত্তেজিত করিতেছে ঐশ্বরিক বল,—
সে শক্তির—নিমিত্ত আমরা সবে;
ধৈর্য ধর, বাধ বৃক, শোক কর দূর।
নাহি হেন তমাচ্ছন্ন অনন্ত রজনী,
অস্তে যার প্রকাশ না পায় দিনমণি।

[সকলের প্রশ্ৰুতি।

পঞ্চম অঙ্ক

প্রথম দৃশ্য

ডান্সিনান দুর্গের কক্ষ।

(ডাক্তার ও পরিচারিকার প্রবেশ)

ডাক্তার। আমি দুই রাত্রি তোমার সহিত জাগরণ
ক'রেছি, কিন্তু তুমি ঘেরূপ ব'লে, তার ত কিছু দেখতে
পাচ্ছি না, রাজ্ঞী কবে শেষ বেড়িয়েছেন?

পরি। মহারাজ যুদ্ধক্ষেত্রে যাওয়া অবধি আমি দেখেছি,
তিনি গাত্রবস্ত্র ধারণ ক'রে শয্যা পরিত্যাগ করেন, পেটিকা

খুলে কাগজ বাহির ক'রে লন, ভাঁজ ক'রে তাতে লেখেন,
প'ড়ে মোড়ক করেন, তার পর আবার শয্যায় যান; কিন্তু
সমস্ত সময় গাঢ় নিদ্রায় অভিভূত।

ডাক্তার। এ প্রকৃতির অতিশয় বিকৃত ভাব। নিদ্রিত
অথচ জাগ্রতের গায় কাণ্ড; এই রূপ বিকৃত নিদ্রাবস্থায়
ভ্রমণ ও অপরাপর কার্য ব্যতীত কখন কোন কথা ব'লতে
শুনেছ?

পরি। সে ম'শায়, আমি বলতে পারুব না।

ডাক্তার। তুমি আমায় বল, আমায় বলা উচিত।

পরি। যখন আমার কথার সাক্ষ্য নাই, ম'শায় হোন
আর অণু কোন ব্যক্তি হোন, আমি কা'কেও ব'লব না।
দেখুন, তিনি আসছেন।

(আলো হস্তে লেডী-ম্যাক্বেথের প্রবেশ)

ঠিক এইরূপ অবস্থাই হয়; সম্পূর্ণ নিদ্রিত লক্ষ্য করুন;—
স'রে দাঁড়ান।

ডাক্তার। ও আলো কোথায় পেলেন?

পরি। কেন? তাঁর কাছে ছিল, আলো সর্বদাই তাঁর
কাছে থাকে; এইরূপ তাঁর আজ্ঞা।

ডাক্তার। চক্ষু খোলা রয়েছে।

পরি। হাঁ, কিন্তু দৃষ্টি আবদ্ধ।

ডাক্তার। এ কি করেন? হাত রগড়াচ্ছেন দেখ।

পরি। ঐ রূপই ক'রে থাকেন, যেন হস্ত ধৌত ক'চ্ছেন;
প্রায় অর্ধ দণ্ডকাল ক্রমান্বয়ে এইরূপ ক'রতে দেখেছি।

লেডী-ম্যাক্। এখনও এখানে দাগ রয়েছে।

ডাক্তার। শোন, কথা ক'চ্ছেন, আমি টুকে নিই,
নইলে ঠিক স্বরণ থাকবে না।

লেডী-ম্যাক্। দূর হ নরকের কালি, দূর হ! এক—
দুই; এই তো কাজের সময় হ'য়েছে; নরক কি অন্ধ-
কার! ছি—প্রভু, ছি! তুমি যোদ্ধা হ'য়ে ভয় পাও? যে
জানে জানুক, কিসের ভয়? আমাদের শক্তির বিরোধী
হ'য়ে কে দায়ী ক'রতে সাহসী হবে? কিন্তু কে ভেবেছিল,
বুড়োর শরীরে এত রক্ত!

ডাক্তার। লক্ষ্য ক'রছ!

লেডী-ম্যাক্। ফাইপের অধিপতির এক স্ত্রী ছিল, সে
এখন কোথায়? কি, এ হাত কি পরিষ্কার হ'বে না? আর

ও কথা কেন প্রভু, আর ও কথা কেন? তোমার এই আতঙ্কেই সমস্ত পণ্ড ক'রলে!

ডাক্তার। ছিঃ ছিঃ! যা ক'রেছ, যা জেনেছ, তা না জানলেই ভাল ছিল।

পরি। উনি যা ব'লেন, আমি নিশ্চয় বৃদ্ধিতে পাচ্ছি, সে সব বলবার উপযুক্ত নয়। এ যে কি ভাব, তা কেবল ঈশ্বরই জানেন।

লেডী-ম্যাক্। এখনও শোণিতের গন্ধ র'য়েছে। সমস্ত আরবা-সুগন্ধিতে আমার এই ক্ষুদ্র হস্ত দুর্গন্ধহীন হ'বে না? ওঃ হো হো!

ডাক্তার। কি দীর্ঘশ্বাস! অস্তঃকরণ অতি ভারাক্রান্ত!

পরি। রাজদেহ, রাজসম্মান পেলেও আমি, একরূপ অস্তঃকরণ হৃদয়ে ধারণ ক'রতে সম্মত নই।

ডাক্তার। সত্য, সত্য, সত্য—

পরি। ভগবানের নিকট প্রার্থনা করুন, যেন আরোগ্যলাভ করেন।

ডাক্তার। এ পীড়া আমার চিকিৎসার বাইরে। কিন্তু আমি জানি, অনেকেই একরূপ বেড়া'ত,—যারা সম্ভ্রান মৃত্যুলাভ ক'রেছে।

লেডী-ম্যাক্। হাত ধুয়ে কেল,—রাত্রিবাস পরিধান ক'র। ওরূপ মলিন হ'ও না, আমি তোমায় ব'লছি,—ব্যাকো কবরে, গোর থেকে উঠে আসতে পারবে না।

ডাক্তার। ওঃ এতদূর?

লেডী-ম্যাক্। শয্যায় চল—শয্যায় চল; ঐ বহির্দ্বারে আঘাত। এস—এস—এস—এস! আমার হস্ত ধারণ কর! যা হ'য়েছে, তা আর কি হবে না! শয্যায় চল—শয্যায় চল—শয্যায় চল—

[প্রস্থান।

ডাক্তার। এখন কি শয্যাতেই যাবেন?

পরি। বরাবর।

ডাক্তার। লুক্কায়িত অস্তুরের পাপ প্রচারিত।
অস্বভাব কার্ষ্যে হয় অস্বভাব দুঃখের উদয়।
কলুষিত মন,
কর্ণহীন উপাধানে কহিবে গোপন কথা।
বৈষ্ণব অপেক্ষা এ'র দৈব প্রয়োজন।
জগদীশ্বর—জগদীশ্বর!

মার্জনা করুন আমা সবে।

যাও, পশ্চাতে উইয়ার,

সর্বদা রাখিবে দৃষ্টি,

দূর কর উদ্বিগ্নের কারণ সকল।

হোক মঙ্গল তোমার, বিদায় এক্ষণে।

মুক্ত আখি, স্তম্ভিত অস্তুর মগ—

বহে তাহে চিন্তাস্রোত খর,

বাক্য উচ্চারণে হয় ভয়।

পরি। নমস্কার—বৈষ্ণবরাজ, বিদায় এখন।

[উভয়ের প্রস্থান।

দ্বিতীয় দৃশ্য

ডান্সিনাম নিকটস্থ প্রদেশ।

(রণ-বাণ—মেন্‌টেথ, কেথনেস্, অ্যান্সাস্, লেনস্
ও সৈন্যগণ)

মেন্‌টেথ। অদূরে ইংরাজ দলবল;

চালে সেনা ম্যাকম—

মাতুল তাহার আর ম্যাকডফ ধীমান।

প্রতিহিংসা-তৃষা জলে সে সবার;

যেই প্রয়োজনে আসিয়াছে রণে,

ঋষি তাহ হয় উত্তেজিত,

ঘোর রণ-কোলাহল ঋষির ক্রিয়ায়।

অ্যান্সাস্। আসিতেছে বাণাম-কানন অভিমুখে,

ভেটিব তথায় সে সবার।

কেথনেস্। হয় তো ডনাল্‌বেন রাজার তনয়,

মিলিয়াছে সহোদর মনে?

লেনস্। নিশ্চয় নাহিক তিনি সাথে।

সমাগত বীর যত, জানি সে সবারে।

সাজিয়াছে সিউয়ার্ড তনয়,—

অশ্রুহীন অশ্রু যুবাগণ,

পদার্পণ প্রথম যৌবনে যে সবার।

মেন্‌টেথ। অত্যাচারী কি করে এখন?

কেথনেস্। ডান্সিনাম মহাজুর্গ করে স্মস্কৃত।

কেহ ব'লে হয়েছে উদ্ভাদ;

অগ্রে যারা, ঘৃণা তদধিক নাহি করে,
রোষাক্ত বলিয়া তারে করিছে বর্ণন ।
কিন্তু নিশ্চয় এ কথা,
বিকৃত সকল কার্য্য তার
নহে কোন নিয়ম-অধীন ।

দাস । অমুভব করে এবে
হস্তে লেপিত জড়িত গুপ্ত হত্যা যত ।
প্রতিফলে বিদ্রোহ বিশ্বাস ভঙ্গে করে তিরস্কার ;
সৈন্তগণে, মানে মাত্র ডরে,
প্রেমে বাধা নহে কেহ ;
এবে রাজ্য, ভার হয় জ্ঞান —
বীর-পরিচ্ছদ যথা বামন তস্কর-কায়া ।

মুটেথ । চমকে শিহরে ঘন ঘন,
বিচিত্র নহে ত তাহা ।
আত্মগ্নানি করে সদা মন,
পাপদেহে করিয়া বসতি ।

থেনেস্ । প্রকৃত অধীনে যার আমরা সকলে,
চল যাই হই গিয়ে তাঁহার অধীন ;
রোগগ্রস্ত রাজ্যের মঙ্গল, চল ভেটিব ভিষকে ।
মিলি তাঁর সনে,
শেষ:বিন্দু অঙ্গের শোণিত করি দান—
জন্মভূমি ধোতের কারণে ।

লক্ষ্ম । ডুবাতে কণ্টক বৃক্ষ,
প্রক্ষুটিত করিবারে এ রাজ-কুসুম,
শোণিত মোক্ষণ,
প্রয়োজন মত আনন্দে করিব সবে ।
অগ্রসর হই মোরা বন-অভিমুখে ।

[সকলের প্রস্থান ।

তৃতীয় দৃশ্য

ডান্সিনান দুর্গ-কক্ষ ।

(ম্যাক্বেথ, ডাক্তার ও অমুচরগণ)

ম্যাক্বে । নাহি চাহি সমাচার ;
রাজ্য ত্যজি যাক্ যেবা যায় ।
বর্ণাম কানন না আসিলে ডান্সিনানে
শঙ্কা নাহি স্পর্শিবে আমায় ।
কেবা সেই বালক ম্যাকম,
নহে সে কি রমণী-প্রসূত ?
মানব প্রারক অবগত—
যেই উপদেবীগণে ব'লেছ আমায়,—
'নাহি ডর, রমণীর গর্ভজাত আছে যত জন,
শক্তি নাহি ধরে তব'পরে ।'
তবে দূর হরে বিশ্বাসঘাতক যত
সরদার সকল ;
ইংরাজের ভোগী সৈন্তে হ'গে সম্মিলিত ।
যে মনে চালিত আমি, যে অন্তর ধরি হৃদি-মাঝে
সন্দেহের ভারে তাহা কভু না ডুবিবে,—
আশঙ্কায় কভু তাঁর কম্প না ধরিবে ।

(জনৈক ভৃত্যের প্রবেশ)

আরে ভীক্ ! প্রেত তোর কালি দিক মুখে !
সভীত এ ভঙ্গী তুই পাইলি কোথায় ?

ভৃত্য । দশ সহস্র—

ম্যাক্বে । ক্ষীণ মরালের পাল, ভীক্ ?

ভৃত্য । সৈন্তগণ মহাশয় !

ম্যাক্বে । নখাঘাতে রক্তপাত কর মুখে—

পাণ্ডু গণ্ড ঢাকে যাহে তোর ।

আরে কর্মহস্তা চর !

কোন সৈন্ত আরে রে নির্কোষ ?

ধ্বংস হোক আত্মা তোর !

শ্বেতগণ্ডে করে আশঙ্কার আবির্ভাব ।

কোন সৈন্ত, আরে বিকৃতবদন ?

ভৃত্য। ইংরাজের দল বল অবধান মহারাজ !

ম্যাক্বে। দূর হ'রে কুংসিং বদন।

[ভৃত্যের প্রস্থান।

সিটন ! হৃদি ভঙ্গ হয় মোর এ দৃশ্য—

আরে রে সিটন ! এই আক্রমণ

হয় তো দানিবে শাস্তি চিরদিন তরে

নতুবা করিবে মোরে সিংহাসনচ্যুত।

বহুদিন গত এ জীবনে ;

গুণ এ জীবনতরু এবে—

নীলপত্র তার ধরিয়াছে হরিদ্রা বরণ ;

মান, প্রেম, প্রভুত্ব বা বান্ধবগণ,

বান্ধকের সাথী যে সকল—আমার না হলে বড় ;

কিন্তু পরিবর্তে তার, গাঢ় অভিশাপ,

উচ্চভাষে নহে প্রকাশিত ;

মুখের সম্মান, ডরে করে দান—

অসম্মত চিত ঘেই সম্মান প্রদানে।

সিটন !

(সিটনের প্রবেশ)

সিটন। কিবা আজ্ঞা মহারাজ ?

ম্যাক্বে। আরও কিবা নূতন সংবাদ ?

সিটন। নিশ্চিত হ'য়েছে এবে সকল বারতা।

ম্যাক্বে। করিব সংগ্রাম—

যতদিন মাংস নাহি খ'সে পড়ে

অস্থি হ'তে খণ্ড খণ্ড হ'য়ে,

যুদ্ধে নাহি দিব ক্ষমা।

বর্ষ দেহ মম।

সিটন। প্রয়োজন নাহি তার এবে।

ম্যাক্বে। করিব ধারণ।

প্রেম' অশ্বারোহী চারিভিতে ;

যে কেহ ভয়ের কথা কহে,

ফাসীকাঠে বুলাও তাহারে।

দেহ বর্ষ।

কহ বৈজ্ঞ, রোগীর অবস্থা কিবা ?

ডাক্তার। এ তো পীড়া নহে, মহারাজ,

কল্পনা-সম্বৃত ছবি আবির্ভূত হ'য়ে অবিরত,

করিয়াছে বিরাম বঞ্জিত তাঁরে।

ম্যাক্বে। কর আরোগ্য প্রদান এ পীড়ায় !

পার না কি মনোব্যাদি করিতে মোচন ;

শ্বতি হ'তে উখাড়িতে নার কি হে তুমি

হুরস্ত সস্তাপ বন্ধমূল ;

অগ্নি বর্ণে থরে থরে মস্তিষ্ক-মাঝারে

লেখা অমৃতাপ-লিপি —

আছে কি কৌশল তব মুছিবারে তাঘ ;

অন্তর গরল যার প্রবল পীড়নে,

ব্যথিত হৃদয়গার, বিন্মতি অমৃতবারি করি দান

ধৌত কর—পার যদি ?

ডাক্তার। এ ভীষণ রোগে নাহি রোগীই ভিবন্ধ।

ম্যাক্বে। কুকুরে ঔষধ কর দান, নাহি মম প্রয়োজন।

“দেহ সাজোয়া পরায়ে ;

দেহ দণ্ড ; প্রের' অশ্বারোহী।”

বৈজ্ঞ, পলায় সরদারগণে।—

“আরে, হও ত্বরান্বিত।”—

মৃত্যু হেরি করে যথা রোগের নির্ণয়,

পার কি করিতে স্থির কি পীড়ায়,

আক্রান্ত এ স্থান ?

আছে কি রেচক, যাহে পূর্ববৎ স্বাস্থ্য করে লাভ ?

পার যদি, হেন উচ্চরবে প্রশংসি তোমায়—

যাহে প্রতিধ্বনি, পুনঃ কহে সে প্রশংসাবাগী।

“লহ ছিন্ন করি।”

সোণামুখী প্রভৃতি সারক কিছু আছে,

নির্গত করিতে এই ইংরাজের সেনা ?

শোন কিছু তা'দের সংবাদ ?

ডাক্তার। হেরি রণ-সমাবেশ, নানা কথা হয় আন্দোলন।

ম্যাক্বে। (সিটনের প্রতি) নিয়ে এস আমার পশ্চাতে,

পরাজয়, মৃত্যু-ভয় করি কি কারণ,

যতদিন নাহি আসে বার্ণাম কানন।

ডাক্তার। (জনাস্তিকে) এ স্থান ত্যজিতে যদি পারি একবার

অর্জন আশায় পুনঃ না আসিব আর !

[প্রস্থান]

চতুর্থ দৃশ্য

বার্ণাম কাননের নিকটস্থ প্রদেশ।

(ম্যাকম, বৃদ্ধ-সিউয়ার্ড, যুবা-সিউয়ার্ড, ম্যাকডফ,
মেন্‌টেথ, কেথনেস্, অ্যাঙ্কাস, লেনক্স,
রস্ ও সৈন্যগণের প্রবেশ)

ম্যাকম। বকুগণ, অমুমান করি, সূদিনের আর বিলম্ব
ই, নিজ নিজ গৃহ আর বোধ হয় ভয়ময় হ'বে
।

মেন্‌টেথ। তার আর সন্দেহ কি !
বৃদ্ধ-সিউ। সম্মুখে কি বন ?
মেন্‌টেথ। এর নাম বার্ণাম কানন।

ম্যাকম। সেনাগণ, এক একটা বৃক্ষশাখা সকলে
হৃদন ক'রে ধারণ কর। শাখা-অস্তুরালে আমাদের
গতের সংখ্যা নির্ণীত হবে না, যথার্থ সংবাদ কেউ পাবে
।।

সৈন্যগণ। যথা আজ্ঞা।

বৃদ্ধ-সিউ। কেবল এই সংবাদই পাওয়া গিয়েছে যে,
রাখা নিশ্চিন্ত হ'য়ে দুর্গ মধ্যে আমাদের আক্রমণ প্রতীক্ষায়
।। মনে মনে ধারণা, শীঘ্র আমরা দুর্গ অধিকার
ক'রতে পারুব না।

ম্যাকম। ঐ তার প্রধান ভরসা। কারণ, যারাই
যোগ পেয়েছে, তারাই তা'কে পরিত্যাগ ক'রেছে। ছোট
সকলেই এ বিদ্রোহে মিলিত হ'য়েছে; ভয়ে যা হোক,
স্বপক্ষ সহিত কেহ তার স্বপক্ষ নয়।

ম্যাকড। এক্ষণে এ বিষয়ে আমাদের মতামত
আন্দোলনের প্রয়োজন নাই; যখন সত্য দেখব, তখন
মিরা ব'লব। আপাতত শ্রম-সহকারে যুদ্ধ-কার্যে নিযুক্ত
কি।

বৃদ্ধ-সিউ। আমাদের লাভালাভ গণনার সময় উপস্থিত,
সুখ সংগ্রামে তাহা নির্ণীত হ'বে।

অনিশ্চিত আশা, মনে নানা কথা কয়;

অস্বপ্নাঘাতে হবে সত্যের নির্ণয়,

উপস্থিত রণে চল লই পরিচয়।

সৈন্যগণ।—

(গীত)*

গোড়—ত্রিতাল।

ঘোর রোলে ভেরী বাজে।

বীর ব্যাকুল রণসাজে!

ফলক ঝক্ ঝক্, চুম্বিত রবিকর,

নীরব বীরব্রজ প্রফুল্ল অস্তর;

উথলে বীরমদ, চঞ্চল দ্রুতপদ,

অধীর গভীর ঘেরী গাজে, হৃদে বাজে ॥

[সকলের প্রস্থান।

পঞ্চম দৃশ্য

ডান্সিনান দুর্গাভ্যন্তর।

(ম্যাক্বেথ, সিটন ও সৈন্যগণ)

ম্যাক্বে। প্রাচীর উপরে কর পতাকা উড্ডীন।

আসে তারা, শব্দ চারিদিকে,

দৃঢ় দুর্গ, আক্রমণ উপেক্ষা করিবে।

বেড়িয়া রহুক অরি

কম্পজ্বর, দুর্ভিক্ষে না গ্রাসে যত দিন।

স্বপক্ষ বাহিনী যদি না হইত শত্রুর সহায়,

রণক্ষেত্রে হ'য়ে সম্মুখীন,

খেদাইয়া দিতাম সকলে গৃহমুখে।

(নেপথ্যে স্ত্রী-কণ্ঠধ্বনি)

কিসের এ ধ্বনি ?

সিটন। স্ত্রীলোকের কণ্ঠধ্বনি শুনি, মহারাজ !

[প্রস্থান।

ম্যাক্বে। ভুলিয়াছি শব্দ আর আশ্বাদ।

ছিল হেন দিন, শুনি নিগীথ-রোদন-ধ্বনি

শিথিল হইত যত ইঞ্জিয় আমার;

দুর্ঘটনা বর্ণনা শুনিয়ে, কণ্টকিত—

উখিত হইত কেশ মম জীবিত সমান;

এবে বিভীষিকা সনে করিয়াছি পূর্ণপাত্র পান;

হত্যাকারী, চিন্তায় আমার অস্তরঙ্গ বিভীষিকা,

আর না শিহরি তারে হেরি।

* ইংরাজী ম্যাক্বেথে, এই পুস্তকে সংযোজিত গীতগুলি নাই।
প্রথম গীতখানি,—“মালকোথ—পটতাল” এ গীত হইয়া থাকে।

(সিটনের পুনঃ প্রবেশ)

কিসের রোদন ধ্বনি ?
সিটন। রাজ্ঞী মৃত মহারাজ।
ম্যাক্বে। মরণ আছিল শ্রেয়ঃ পরে।
রাজ্ঞী মৃত—
হেন কথার সময় সঙ্গত হইত কোন দিন।
কল্যা—কল্যা—কল্যা
চলে ধীর পদে দিন দিন,
হয় লয় নির্ণীত সময়ে
প্রারক লিপির শেষাক্ষরে ;
গত কল্যা একত্র হইয়ে,
ল'য়ে যায় পথ দেখাইয়ে,
মিশাইতে আশান ধূলায়।
নিভে ঘা, নিভে ঘা, করে ক্ষণস্থায়ী দীপ !
চলচ্ছায়া মাত্র এ জীবন ;
ক্ষুদ্র অভিনেতা, নিজ অভিনয় সময়ে যেমন,
মদগর্বে চল রঙ্গস্থলে,
হস্ত-পদ সঞ্চালিয়ে গর্জন করিয়ে ;
পরে তার তব্ব নাহি জানে কেহ।
বাতুলের গল্প এ জীবন,—
অর্থহীন মাত্র—বহু বাক্য আড়ম্বর।

(দূতের প্রবেশ)

আসিয়াছ রসনা চালনা হেতু ;
শীঘ্র কহ কিবা উপগাস।
দূত। অবদান প্রভু, দেখিয়াছি বাধা,—
নাহি জানি বর্ণিব কেমনে।
ম্যাক্বে। ভাল, কহ মহাশয়।
দূত। আছিলাম প্রহরী শিখরে,
বার্ণাম-কানন অভিমুখে,
মনে হ'ল, ক্রমে বেন বন অগ্রগামী।
ম্যাক্বে। মিথ্যাবাদী, ক্রীতদাস !
দূত। মিথ্যা যদি হয় শাস্তি দিও মহাশয়।
এক আর অর্ধ ক্রোশ মাত্র ব্যবধান,
প্রত্যক্ষ হইবে তব ; সচল কানন—মহারাজ।
ম্যাক্বে। মিথ্যা যদি হয় তোর বাণী,

ঝুলাইব প্রথম তরুতে তোরে,—
যতদিন অনাহারে শুষ্ক নাহি হও।
কিন্তু যদি সত্য হয় তোর ভাষা,
মম প্রতি কর যদি সেরূপ ব্যাভার,
তাহা আর নাহি আমি গনি।
প্রতিহত হইতেছে প্রতিজ্ঞা আমার ;
জন্মিল সংশয়, প্রেতিমীর দ্বি-অর্থ ভাষায়,
সত্য সম কহে মিথ্যা বাণী।
“ভয় নাই, যত দিন বার্নাম কানন
ডান্সিনানে না করে গমন।”
এক্ষণে কানন আসে চলি।
অস্ত্র ধর, অস্ত্র ধর, চল রণে !
সত্য যদি হয় এর বাণী
নহে পলায়ন,—
নহে অলসে এ স্থানে অবস্থান।
অনাসক্তি জন্মিতেছে সূর্যের আলোকে,
ইচ্ছা হয় মেদিনীর হউক পতন।—
কর রণঘণ্টা নাদ!—
ব'য়ে যাক ঝঙ্কা, হোক প্রলয় উদয় !
বীর সাজে অস্ত্রতঃ করিব তরুক্ষয়।

[প্রথমে

অষ্ট দৃশ্য

ডান্সিনান দুর্গের সম্মুখস্থ প্রাস্তর।
(ম্যাকম, বৃদ্ধ-সিউয়ার্ড, ম্যাকডফ ও শাখাহস্তে
তাহাদের সৈন্যগণ)
ম্যাকম। এবে উপস্থিত মোরা সবে ;
দূর কর শাখা আবরণ,
স্বরূপ প্রকাশ হোক তোমা সবাচার।
হে মাতুল সুধীর,
পুত্র সনে প্রথম সংগ্রামে,
আজ আরতি তোমার।
আমি আর বীর ম্যাকডফ,
ক্রমাগ্রে পশি রণে—
পরিশিষ্ট কার্য্য সাদ করি।

বুদ্ধ-সিউ । বিদায় এক্ষণে ।

অন্য রাতে বিপক্ষ হইলে সম্মুখীন,
সমরে যতপি হই উন,
করে যেন বিমুখ আঁমায় ।

ম্যাক্‌ড । পূর্ণশ্বাসে কর তূর্য্যধ্বনি—

অগ্রগামী সমরে গভীর নিনাদিনী । [প্রস্থান ।

সপ্তম দৃশ্য

রণ-ক্ষেত্রের অপর প্রান্ত ।

(ম্যাক্‌বেথের প্রবেশ)

ম্যাক্‌বে । বাক্সিগাছে দণ্ড সনে মোরে যেন ;

পলাইতে নাহি পারি, করিব সংগ্রাম—
বন্ধ কক্ষ, কুকুরের সনে যথা যুদ্ধে ।
কেবা হেন, রমণীর গর্ভজাত নহে ?
হেন জনে ডয় মম, নহে অন্য কারে ।

(যুবা-সিউয়ার্ডের প্রবেশ)

যুবা-সিউ । কিবা তব নাম ?

ম্যাক্‌বে । শুনিলে সভীত চিত্ত হইবে তোমার ।

যুবা-সিউ । না; নরক-নিবাসী হ'তে উগ্রতর নাম যদি ধর ।

ম্যাক্‌বে । ম্যাক্‌বেথ আমার নাম ।

যুবা-সিউ । কর্ণে মম এ হ'তে ঘৃণিত নাম,

প্রেত-পতি উচ্চারিতে নারে ।

ম্যাক্‌বে । না, আর এ হেন ভীষণ ।

যুবা-সিউ । মিথ্যাবাদী, ঘৃণিত নারকী ;

অসিমুখে প্রকাশিব মিথ্যা কথা তোমার ।

(পরস্পর যুদ্ধ ও যুবা-সিউয়ার্ডের মৃত্যু)

ম্যাক্‌বে । রমণী-সম্ভূত তুমি ;—

রমণী-সম্ভূত নরে বত অস্ত্র ধরে,
উপেক্ষি সে সবে, আমি হাশ্ব সহকারে ।

[প্রস্থান ।

(রণনাদ—ম্যাক্‌ডঃফর প্রবেশ)

ম্যাক্‌ড । শব্দ ঐ দিকে ।

দুরাচার, দেখি রে বদন তোমার !
নম অস্ত্রে যদি হত না হ'স্ পামর,

মম মৃত দারাপুল্লগণে,

নিত্য আসি দাঁড়াবে সম্মুখে ।

অর্থলোভী অস্ত্রধারী হীন প্রাণিগণে,

আঘাতিতে নারি আমি ।

না পাইলে তোরে, তীক্ষ্ণধার তরবারি মম

রাখিব পিধানে কার্য্যহীন ।

বৃষ্টি আছে এই স্থানে,—

ঐ উচ্চ কাড়ার নিনাদ,

সর্ব্ব উচ্চ ধ্বনি শুনি হয় অন্তমান ।

দেখি যদি পাই তারে,

ভাগ্যদেবী, নাহি আর অধিক প্রার্থনা মম ।

[প্রস্থান ।

(ম্যাকম ও বুদ্ধ-সিউয়ার্ডের প্রবেশ)

বুদ্ধ-সিউ । এই পথে—এই পথে মহাশয় ;—

বিনাযুদ্ধে দুর্গ করগত ।

বিপক্ষ স্বপক্ষ হেরি অরির বাহিনী ;

বীরদন্তে যুঝিছে সরদারগণে ;

বিজয় উদয় আজ আপনা হইতে,

স্বল্প কার্য্য আশা সবাকার ।

ম্যাকম । স্বপক্ষ এ অরি,

ইচ্ছা করি না করে আঘাত ।

বুদ্ধ-সিউ । প্রবেশ করুন দুর্গে মহাশয় ।

[উভয়ের প্রস্থান ।

অষ্টম দৃশ্য *

যুদ্ধক্ষেত্রের অপর ভাগ ।

(ম্যাক্‌বেথের প্রবেশ)

ম্যাক্‌বে । বাতুলের মত—

পূর্ব্বতন রাজগণে, রাখিতে সম্মান

নিজ অস্ত্রে ত্যজিত জীবন ;

আমি নাহি খেলিব সে খেলা,

নিজ অস্ত্রে না হ'ব নিধন ;

* ইংরাজী ম্যাক্‌বেথে সপ্তম দৃশ্যে নাটক সমাপ্ত হইয়াছে । গিরিশ চন্দ্র অভিনয়-সৌকর্য্যার্থে এই দৃশ্যটী সপ্তম, অষ্টম ও নবম দৃশ্যে বিভক্ত করিয়া লইয়াছেন ।

দেখিতেছি জীবিত সকলে,
অস্ত্রের আঘাত উত্তম শোভিবে দেহে।

(ম্যাকডফের প্রবেশ)

ম্যাকড। ফের, ওরে নারকী কুকুর !

ম্যাকবে। অস্ত্রের অপেক্ষা আমি—

পরিহার করিয়াছি তোরে।

যাও ফিরে ;

হইয়াছে আত্মা মম ভারাক্রান্ত অতি,

তোর আত্মীয়-শোণিতে।

ম্যাকড। নাহি বাক্য মোর, মম বাক্য তরবারে ;

আরে শোণিত-পিপাসী-মূঢ়,

ভাষা নাই নাম দিতে তোরে !

(পরস্পর যুদ্ধ)

ম্যাকবে। মিথ্যা পরিশ্রম।

অচ্ছেদ্য বায়ুর অঙ্গে—

তীক্ষ্ণধার অসির আঘাত, বরঞ্চ সহজ হ'বে,

শোণিত মোক্ষণ—

তুই মম দেহ হ'তে, নারিবি করিতে কতু।

হান্ অস্ত্র ভেদ্য শিরোপরে ;

মোহিনী জীবনধারী আমি,

নারীগর্ভজাত নাহি করিবে হরণ।

ম্যাকড। হ'রে নিরাশ্বাস, যাহু না কলিবে আর ;

ক'রেছিম্ এত দিন যার সেবা তুই,

কবে সে দেবতা তোরে—

“অসময়ে ম্যাকডক,

বহিষ্কৃত জননী-জঠর হ'তে

ভিষকের অস্ত্রের প্রভাবে।”

ম্যাকবে। ক্ষয় হোক জিহ্বা,

যাহে কহে হেন ভাষা,

মন্তব্য আমার কুক্ষিত যে কথায় !

বাজীকরী এ ডাকিনীগণে,

প্রত্যয়ের উপযুক্ত নহে আর,

ছুই ভাবে কহে কথা ;—

কর্ণে কহে প্রবোধ বচন,—

আশা ভঙ্গ করে অরণ্যে।

যজ্ঞ না করিব তোরে মনে।

ম্যাকড। হও তবে অধীন আমার ভীক,

দৃশ্য বস্তু হ'য়ে কর জীবন যাপন।

অপ্রাপ্য জন্তুর সম রাখিব বে তোরে,

তুলি ধ্বজা লিখিব তাহায়,—

“দেখে যাও, এই স্থানে অত্যাচারী মূঢ়।”

ম্যাকবে। না মানিব পরাজয়,

বালক ম্যাকম, তার পদানত হ'য়ে—

সাষ্টাঙ্গে চুম্বিব ভূমি ?

কুবচনে উত্যক্ত করিবে হীনজন।

বার্ণাম কানন যদি এসেছে চলিয়ে,

তুই রে বিপক্ষ, ন'ম্ নারীগর্ভজাত,

তথাপিও পরীক্ষিব কিবা হয় শেষ।

বিশাল এ রণচর্শ্ব

করিয়াছি দেহ আবরণ।

কর আক্রমণ, হ'বে সে নিরয়গামী,

প্রথমে যে ক'বে—“হইয়াছে, সম্বর, সম্বর !”

[যুদ্ধ করিতে করিতে প্রস্থান]

নবম দৃশ্য

দুর্গাভাস্তুর।

(রণবাত্ত—ম্যাকম, বৃদ্ধ-সিউয়ার্ড, রম্, অমাত্যগণ)

ও সৈন্যগণের প্রবেশ)

ম্যাকম। যে সকল বন্ধুগণ নহে উপস্থিত,

ফেরে যেন নিরাপদে সবে।

বৃদ্ধ-সিউ। সমর-তরঙ্গে যাবে কেহ কেহ ভাসি ;

বিচ্যমান এ সকলে হেরি, ভাবি মনে—

স্বলভে হ'য়েছে আজ বিজয় অর্জন।

ম্যাকম। সদাশয় পুত্র তব আর ম্যাকডক

উপস্থিত নাহি হেথা।

রম্। মহাশয়, পুত্র তব বীর-ব্যবহারে

ভূমিমাছে বীরত্বের ধার।

যৌবনে করিয়ে পদার্পণ—

বীৰ্য্যবলে নরত্বের দিয়ে পরিচয়,

পশি রণে অসীম সাহসে,

অটল অচল যোদ্ধার মতন
 দিয়াছেন দেহ বিসর্জন ।
 ক-সিউ । প'ড়েছে সমরে ?
 প । কি কহিব মহাশয় !
 আনিয়াছি রণস্থল হ'তে ।
 অসীম হইবে শোক তব,
 যোগ্যতার সনে তার করিলে তুলনা ।
 ক-সিউ । অস্ত্রলেখা সম্মুখে দেখিলে ?
 প । বক্ষে অস্ত্রঘাত ।
 ক-সিউ । দেবসেনা হোক পুত্র মম ।
 কেশ ষত পুত্র তত থাকিলে আমার,
 শ্রেয়ঃ মৃত্যু এ হতে না বাঞ্ছিতাম তা সবার ।
 হেন বাঞ্ছিত মরণে, বাঞ্ছিয়াছে মৃত্যু-ঘণ্টা তার ।
 ম্যাকম । স্মরি গুণগ্রাম তার—
 শোক-অশ্রু বরিষণ অধিক উচিত,
 সে শোক-সলিল আমি করিব প্রদান ।
 ক-সিউ । শোক কিবা আর ।
 শোধি জীবনের ধার, গেছে চলি স্তম্ভলে ;
 কল্পণায় ঈশ্বর দিবেন স্থান ।—
 করিবারে অভিনব আনন্দ বিধান,
 হের বীর আগুয়ান ।
 (ম্যাক্বেথের কাটামুণ্ড লইয়া ম্যাক্‌ডফের প্রবেশ)
 ম্যাক্‌ড । জয় জয় মহারাজ !
 এবে রাজ্যেশ্বর তুমি ।
 দেখ দেখ,—
 রাজ্য-অপহারকের ঘৃণিত মস্তক ।
 গেছে দাসত্বের দিন সূদিন উদয় ।
 রাজ্যের ভূষণ,
 বেষ্টিত অমাত্যগণে এবে তুমি,
 যারা মনে মনে করিতেছে

এ অভিবাদনে যোগদান ;
 সাধ মম, উচ্চ সমস্বরে,
 মম সনে করুন বন্দনা,—
 জয় জয় মহারাজ !
 সকলে । জয় জয় মহারাজ !
 (ভেরীবাদন)
 ম্যাকম । আমি প্রতি যত স্নেহ তোমা সবাকার,
 অচিরে করিব সেই ঋণ পরিশোধ ।
 অমাত্য কুটুম্ব সবে,
 আজি হ'তে মহাপাত্র নামে হও খ্যাত ।
 এই পদে অভিষিক্ত—
 অত্যাধি হয় নাই এ প্রদেশে কেহ ।
 বাকী এবে স্থাপন করিতে পুনঃ
 নির্ধারিত বন্ধুগণে—
 সতর্ক ছুষ্টির জাল হ'তে পলা'য়েছে যে সকলে ।
 সে নরহস্তার,—আর প্রেতিনী সদৃশ
 নর-অরি রাজ্যীর তাহার—
 যেই ছুটা,
 গুনি, করিয়াছে নিজ করে আত্মনাশ ;—
 অহুচর এ দৌহার আছে যে যথায়,
 আছে কাষ্য—
 আনিবারে সে সবারে বিচারের দ্বারে ।
 ক্রুপাময়ের ক্রুপায়
 অশ্রু অশ্রু কর্তব্য সাধিব বিধিমত,
 যথাকালে যথাযোগ্য স্থানে ।
 জনে জনে সবার নিকটে—
 বন্ধ আমি কৃতজ্ঞতা-পাশে —
 ধন্যবাদ দিই সবে করি নিমন্ত্রণ,
 মম অভিষেক আসি কর দরশন ।

পূর্ণচন্দ্র

(ভগবদ্-বিশ্বাস-মূলক নাটক)

—:○*○:—

[এই চৈত্র, ১২৯৪ সাল, এমারেস্ত থিয়েটারে প্রথম অভিনীত ।

নাট্যোল্লিখিত ব্যক্তিগণ

পুরুষ

গোরক্ষনাথ দিঙ্ক যোগী (মহাদেবের অবতার)
শালিবাহন ঞালকোটের রাজা ।
পূর্ণচন্দ্র প্রথমা রাণীর গর্ভজাত পুত্র ।
জম্বু লুনার পিতা—চক্ষুকার ।
দামোদর } গোরক্ষনাথের শিষ্যদ্বয় ।
সেবাদাস }
গোরক্ষনাথের অন্যান্য শিষ্যগণ, দূত, রক্ষকগণ ইত্যাদি ।

স্ত্রী

ইচ্ছা শালিবাহন রাজার প্রথমা মহিষী ।
লুনা ঐ ঐ দ্বিতীয়া মহিষী ।
সুন্দরা পঞ্চদশ স্বাধীন রাজ্যের রাণী (ছদ্মবেশে)
সারী সুন্দরার সহচরী ।
লুনার পরিচারিকা, ইচ্ছার পরিচারিকা ইত্যাদি ।

প্রথম অঙ্ক

—:~:—

প্রথম গর্ভাঙ্ক

কক্ষ

ইচ্ছা ও পূর্ণচন্দ্র ।

ইচ্ছা । বিশ্বদল, ধর বংশ, শিবের প্রসাদ ।
পূর্ণ । যাগো,

বন্দীসম এত দিন ছিলাম উঠানে ।

জন্মাবধি পূজি নাই পিতার চরণ,

পিতৃ-দরশনে আমি বঞ্চিত অভাগা ;

আজি মম শুভ দিন—

করিব মা জনকের চরণ বন্দন !

ওই শোন, জয়োল্লাসে গায় প্রজাগণ ;

এ সুখের দিনে

কেন তুমি বিষন্ন, জননি ?

ইচ্ছা । এত দিন ছিলে, বংশ, মম অঙ্ক'পরে,

আজি তোরে পাঠাইব সংসার-মাঝারে ;

ডরে মম কাঁপে কায়—

অকূলপাথার সম ভীষণ সংসার,

ক্ষুদ্র তরী নর তাহে ভাসে ;
ভীষণ তরঙ্গ-রঙ্গে করিতেছে খেলা—
কখন সে ক্ষুদ্র তরী গ্রাসে !
এ হেন দুর্গম স্থানে পাঠাব তোমায়,
তাই, বাছা, চখে আসে জল।

পূর্ণ। সংসার-পাথার যদি ছুরস্ত এমন,
মা গো, আমি যাব না সংসারে ;
পিতার চরণ দুটি করিয়া বন্দন
ফিরে এসে ধরিব মা, তোমার অঞ্চল ;
চিরদিন তোর কোলে থাকিব, জননি !
কিবা ভয় আর, মা গো ?

ইচ্ছা। রাজ-বংশে এক পুত্র তুমি যাহুধন,
মাগিয়া নিয়েছি নিধি শিবের চরণে।
যেই দিন জনম তোমার,
নৃপতির আনন্দের রহিল না সীমা,
অদীন হইল রাজ্য রাজার প্রসাদে,
বধাবধি নাটশালা রহিল নগর ;
আজি যথা নাচে প্রজ্ঞা আনন্দ-উৎসবে,
সেই মত আনন্দে বঞ্চিল সর্ষ জন।
রাজার ভরসা তুমি, প্রজ্ঞার রঞ্জন,
বিপুল বংশের মান জ্ঞেয়ার রক্ষণে ;
করিয়াছ বিচা অধ্যয়ন,
রাজ-কার্য শিক্ষা কর জনক-সদন।

পূর্ণ। আছে কি সংসার ভয় পিতার আশ্রয়ে ?

ইচ্ছা। এই তব সংসারে প্রবেশ,
রাজা তো'রে সযতনে দেবে উপদেশ ;
কিন্তু,
তব'পরে উপদেশ পালনের ভার,—
স্বকঠিন সস্তরণ সংসার-সাগরে।

পূর্ণ। মা গো,
সংসার-পাথার যদি ছুরস্ত এমন
কি হেতু মানব তবে ঝাঁপ দেয় তাহে ?
ছুরস্ত দুর্গমে কিছু আছে কি উপায় ?

ইচ্ছা। ঈশ্বর-প্রত্যয়—

এক মাত্র আশ্রয় সংসারে ;
সে প্রত্যয় জীবনের ধ্রুব-তারা যার,

কূল পায় এ ছুরস্তে লক্ষ্য রাখি তা'য় ;
কিন্তু, নানা তরঙ্গের খেলা
উঠায় নাবায়, লক্ষ্য ভ্রষ্ট হয়,—
কতু সে সাগর ধরে সুন্দর প্রকৃতি,
বিমোহিত-মতি, ধ্রুব-তারা যায় ভুলে,
সংশয়-সাগর-চর আসি' সংগোপনে
আঁখি করে আচ্ছাদন,
পথহারা—ডোবে তরী ঘূর্ণমান জলে।

পূর্ণ। করিব, মা, ঈশ্বর-প্রত্যয়,—
সংশয়ে না দিব স্থান !

ইচ্ছা। অতি শঠ কপট সংশয়,
কেবা জানে কবে আসে কিবা বেশে ?—
সুখ দুঃখ উভয় সহায় তার।
সাবধানে শুন তব জন্ম-বিবরণ—
বুঝিবে সংশয়, বৎস, কপট কেমন।

পূর্ণ। মা গো, কৃপা করে পুরাও বাসনা,
বড় সাধ শুনিতে মা, সে সব কাহিনী ;—
বঞ্চিত কি হেতু আমি পিতৃ-দরশনে ?

ইচ্ছা। বালক-শ্রবণযোগ্য নহে সে আখ্যান,
এই হেতু এত দিন করিনি বর্ণন।
পুত্রধনে বঞ্চিত, সস্তাপে হরি কাল,
পুত্র বর মাগি নিত্য মহেশ-চরণে,
কত দিনে এল এক অদ্ভুত সম্রাসী,
দীর্ঘ জটারাশি—

গজাধর আপনি উদয় যেন।
আশ্বাসিয়া মধুর বচনে
কহিলেন যোগীবর,—
'পাইবে মা, উত্তম নন্দন,
শিবচতুর্দশী-ব্রত কর স্বামী সনে'।
বর দিয়া যোগীবর কবিল পয়ান,
নৃপতির কহিলাম সকল বারতা।
তুষিত চাতক যথা ঘন দরশনে,
নরনাথ আনন্দে অধীর।
বর্ষ তিন করিলাম শিবচতুর্দশী,
চতুর্থ বৎসরে দিন হইল উদয়,
তবু মম পুত্র না জন্মিল ;

যোগীর বচনে হ'ল সংশয় উদয়,

সংযম না করিলাম ত্রয়োদশী দিনে ।

পূর্ণ । ইয়া মা, পিতার কি হইল সংশয় ?

ইচ্ছা । বিশ্বাস ছলিত অতি জেনো বাছাধন,

অভাগীর সম, চিত্ত টলিল রাজার ।

পূর্ণ । কিসে তবে পুত্রবতী হ'লে গো, জননি ?

ইচ্ছা । শুন,—

উজানে আনন্দে আছি, নৃপতির সনে

শ্রদ্ধাহীন চতুর্দশী-ত্রতে ;

যবে গভীরা যামিনী—

অকস্মাৎ হেরিলাম দীর্ঘ-জটাধারী ।

পূর্ণ । স্বপনে জননি ?

ইচ্ছা । নহে স্বপ্ন, প্রত্যক্ষ সে তেজঃপুঞ্জকায়,

ভস্ম-ভূষা, উজ্জ্বল নয়ন-আভা,

জলদগভীর স্বরে কহিল সন্ন্যাসী,—

‘দেব-বাক্য কর অবিশ্বাস ?

অবশ্য হইবে লাভ উত্তম নন্দন,

কিন্তু তোমা দৌহা প্রতি বিধি বিড়ম্বন ;

দেব-বাক্যে অবিশ্বাস করিছাছ, নারী,

পুত্র বরি' পাবে তুমি অশেষ বস্তুগা ।’

গভীরে সস্তাষি নৃপে কহে উদাসীন,—

‘বিলম্বে যেমতি তুই হারালি বিশ্বাস,

পুত্রমুখ-দর্শনে দ্বাদশ বৎসর,

বঞ্চিত রহিবে তুমি শুন, নরবর ।’

সভয়ে ছু' জনে দরি' সাধুর চরণ,

করিলাম কতই মিনতি ।

কহিল সন্ন্যাসী, অগ্রে সঙ্ঘোধি' আমায়,—

“পাবে পুত্র দীর্ঘজীবী সর্কস্বলক্ষণ,

পুত্র রাখি' যাবে পরলোকে,

বিশ্বাস যতপি কর আমার বচন,

কতু নাহি হবে সস্তাপিত ;

রমণীর অধীর হৃদয়—

এই হেতু মার্জনা তোমার ;

অবিশ্বাস কতু নাহি কর' আর,

সযতনে পুত্রে সদা দিবে উপদেশ,

ঈশ্বর-প্রত্যয় যেন জন্মে দৃঢ় তার ।’

পূর্ণ । প্রসন্ন পিতার প্রতি হ'লেন তাপস ?
ইচ্ছা । ভূপেরে সস্তাষি, কহিল সন্ন্যাসী,—

“দ্বাদশ বৎসর নাহি হের পুত্রমুখ ;

বাক্য মম কর যদি হেলা—

সেই দিন যেতে হবে শমন-সদনে ;

সাধু সদাশয় পাইবে তনয়,

পবিত্র হইবে বংশ তনয়ের গুণে,

পিতৃ লোক পাবে উচ্চ গতি ।”

পূর্ণ । মা গো, কেবা সে সন্ন্যাসী,

কোথায় বসতি তাঁর ?

ইচ্ছা । বৎস, কিছু নাহি জানি ;

সাধিলাম বহু যত্নে পূজা লইবারে,

যোগীরাজ পূজা না লইল ;

কহিলেন মোরে,—

“পুনঃ হবে দেখা,

সেই দিন পূজা তোরা করিব গ্রহণ ;

কর চিত্ত সংযম-বজ্জিত ।”

এত কহি' গেল চলি' যোগীবর,

যেন শূণ্ডে মিশাইল !

নীরব রহিলু ছুই জনে ;

কত দিনে চাঁদমুখ দেখিছু তোমার ।

পূর্ণ । মা গো,

হেরিতে সে যোগীবরে বড় হয় সাধ ;

পাই যদি, পূজি ছুটি রাজী বচরণ,

কতু তাঁরে নাহি ছাড়ি পূজা না লইলে ।

ইচ্ছা । শুন, বৎস, হয় মম সার্থক জীবন—

ঈশ্বর-প্রত্যয় যদি জন্মে তোরা মনে ;

ঋণী আছি যোগীর চরণে,

দিতে তোরে উপদেশ ;

রাখ যদি ঈশ্বরে প্রত্যয়,

সংসারে নাহি আর ভয় ;

দেখো যেন দুঃখে স্মৃখে মতি নাহি টলে ।

পূর্ণ । মা গো, তব আশীর্বাদে যোগীর প্রসাদে,

রাখিব গো মন স্থির,

না হব প্রত্যয়হারা ।

ইচ্ছা । যদি বতু হয় মতিভ্রম,

শুন শুন মাতার বচন,—

যোগীবরে ক'রো রে স্মরণ ।

অন্তর্যামী জেনেছি নিশ্চয়,

রূপা হবে তাঁর—সংশয় হইবে নাশ ।

পূর্ণ । রূপাদৃষ্টি যদি মোরে করেন ঈশ্বর,

যতনে পালিব, মাতা, বচন তোমার ;

যতক্ষণ রাজদূত না আসে লইতে,

শুনিব শ্রীমুখে তব—বাসনা, জননি,

কি ভাবে ভাবিব মা গো, ঈশ্বর-চরণ ;

সবিশেষ কর গো বর্ণন,—

দুঃখে স্নেহে কেন টলে মন ?

শুনেছি গো দুঃখ-স্নেহ-মাঝে দোলে নর ;

তবে কি মা, নিরন্তর সংসারের ডর,

সাবকাশ নাহি কি, জননি ?

ইচ্ছা । ঈশ্বর মঙ্গলময় করুণানিদান,

স্নেহ তাঁর তোমা' প্রতি আমা' স্নেহ হ'তে ;

কদাচিত্ বিস্মৃত না হও, যাদুমণি,

মাতৃ-পয়োধরে দুঃখ জনমের আগে,

মাতার হৃদয়ে স্নেহ রূপায় যাহার,

স্নেহের ছলনে মুগ্ধ ভুলে তাহা নর,

অহঙ্কার-অন্ধকার-ঘোরে ।

হায় ! দেখিতে না পায়,—

সৌভাগ্য উদয় তার বিভূর রূপায় ;

ভাবে মনে—নিজ গুণে স্নেহের ভাজন ।

অশাস্ত হইতে যবে বালক বয়সে,

বুঝালে না মানিতে বচন,

তব ইষ্ট-কামনায় করেছি পীড়ন,

তাড়নায় করেছ বোদন ;—

এবে দেখ সে সকল মঙ্গলের তরে ।

এই মতে জেনো স্থির—মঙ্গল-আলয়

দুঃখ দেন নরে তার শিক্ষার কারণ ;

যুত মন না বুঝে সে অপার করুণা,

ভাবে—কেন বিনা দোষে এ হেন যজ্ঞণা ?

দানবের বল্লনা এ ধরা ;

কেহ বলে—'কোথায় ঈশ্বর ?

কলেবর ধরে নর ভূতের সংযোগে ।'

অনিয়ম স্রোতের অধীন হবে ভাসে ;

কিন্তু, ধীর জন দুঃখে স্নেহে দৃঢ় রাখে মন,

নেহারে মঙ্গলময় বিভূর বদন ;

আকিঞ্চন—সেই মত রেখো মতি স্থির ;

কখন' তোমা'রে নাহি দিব অণু ভার ।

পূর্ণ । তোমা' সম মম প্রতি স্নেহ কি মা, তাঁর ?

ইচ্ছা । এ হ'তে অনন্ত গুণে করুণা তাঁহার—

বিন্দু মাত্র যেই স্নেহ বসে মম হৃদে ।

পূর্ণ । তবে আর কি ভয় সংসারে ?

জয় জয় মঙ্গল-আলয় !

(পরিচারিকার প্রবেশ)

পরি । দেবি, রাজদূত কুমারকে নিতে এসেছেন, নগর-
তোরণে রাজা পারিষদ্বর্গ ল'য়ে কুমারের জন্ম অপেক্ষা
ক'ছেন । মহারাজের বাসনা—এত দিন কুমার আপনার
কোলে ছিলেন, আজ আপনি গিয়ে তাঁর পুত্র তাঁর কোলে
দেন ।

ইচ্ছা । রাজদূতকে অভ্যর্থনা কর, আমরা সহর প্রস্তুত
হ'চ্ছি । আয়, বাছা ।

[সকলের প্রস্থান ।

দ্বিতীয় গর্ভাঙ্ক

উদ্যান

সেবাদাস ও দামোদর ।

সেবা । কি হে তুমি হেথা—গুরুদেব কোথায় গেলেন ?

দামো । তাঁর বেটাকে দেখতে ।

সেবা । কি, এ প্রদেশে তাঁর কি কোন প্রিয় শিষ্য
আছে ?

দামো । শিষ্য তোমায় কে বলে, আমি বলেম্ 'বেটা',
তুমি বলে 'শিষ্য' !

সেবা । হি ! কি বল ? গুরুদেবের যে কলঙ্ক হয় ;
তিনি সংযমী মহাপুরুষ ; শিষ্যই তাঁর 'পুত্র' ।

দামো । তুমি রাগ'লে আমি কি ক'ব বল ? তিনি
বল্লেন 'ছেলে'—তুমি জোর ক'রে ব'লে 'শিষ্য' !

সেবা । তিনি ব'লে গেলেন 'পুত্র' ?

দামো । বলে গেলেন না ত রাতারাতি আমি গ'ড়লুম ?

সেবা। মহাপুরুষের লীলা আমরা কি বুঝব বল ?

দামো। লীলা তাঁর বেলা, আর আমাদের মহাপাতক !
বলি, তুমি ত বার খুব কাঁদা কাঁদা করে ধরেছিলে দেখ-
লুম্—তা নতুন কিছু পেলে ?

সেবা। হাঁ, প্রভু আমায় আশ্বাস দিয়েছেন, কয়েক দিন
সাধুসেবা করলেই আমার মহাপাপের প্রায়শ্চিত্ত হবে ;
সাধুসেবায় নিষ্পাপ হলে, আমায় পূর্ণ অবস্থা প্রদান
ক'রবেন।

দামো। সাধু ত গুরুদেব, আর দিন কতক তাঁরই ত
সেবা ? সে সেবা এখন শীগগির ফুরাচ্ছে না—তার জ্ঞান
চিন্তা নাই ; তুমি ত বার বৎসর সঙ্গে ফিরেছ, আমি চেলা-
গিরিতে ষেটের কোলে ষোলোয় পা দিইছি !

সেবা। দেখ দামোদর, আজ তোমার এ কিরূপ ভাব ?
বার বছর সন্ন্যাস গ্রহণ ক'রেছি বটে, কিন্তু, পদে পদে
অপরাধ ক'রেছি ; আপনার দোষেই সিদ্ধতা লাভ হয় নি।
গুরুদেবের অপার করুণা—বার বার মার্জনা ক'রেছেন ;
আমার কি চিত্ত স্থির হ'য়েছে ? অঙ্গনার কটাঙ্গ এখন
সহ হয় না।

দামো। তা ভাই, তোমাকে গুরুদেব আশ্বাস দিয়েছেন,
তুমি সাধুসেবা কর গে,—সে সাধু কোথায় থাকেন ?

সেবা। আমি আপাততঃ অবগত নই।

দামো। সাধু কে, তা বুঝেছি।

সেবা। তুমি কি তাঁকে জান ?

দামো। সাধুর পুত্র সাধু, গোরোকুনাথের পুত্র একটা
কিছু দিগ্গজনাথ !

সেবা। দামোদর, তুমি কি আমার গুরু-ভক্তি পরীক্ষা
ক'রছ ?

দামো। ওহে, ভক্তিই কর আর যাই কর, আর বড় কিছু
পাচ্চ না ; যে ক'টা আসন ছিল তা মেয়ে দেওয়া গিয়েছে,
যোগের আর বাকি কি যে, তা নেবে ? আর যদি ছ'ট
একটা থাকে, তা আর দিচ্ছে না, আপনার বৃদ্ধকির
জ্ঞান রইল।

সেবা। নরাদম, গুরুনিন্দা করিস ?

দামো। বলি, শোন না, তার পর চোটো। আমি
অনন তোমার মতন ভিবুকুটি ষোল বৎসর ক'রে আসছি,
আমি কেঁদে কেঁদে পায়ে ধ'রে জিজ্ঞাসা ক'রলেম্ যে, প্রভু,

শিক্ষা কত দিনে অবশ্য হবে ? তাতে উত্তর ক'রলেন,
'শিক্ষার অন্ত নাই, যোগীবর মহাদেব আজও যোগ শিক্ষা
করছেন'। উনি যত দিন না মরেন, তত দিন আর তলপি
বওয়া ঘুচ্ছে না। আপনি চল্লেন পুত্র দর্শনে, আমায় ব'লে
গেলেন, 'এ পাপস্থান, এ স্থানে ব'সো না।' এ গাছের
তলায় বসতেও দোষ !

সেবা। এ কি বিড়ম্বনা ! এ পাপস্থানই বটে, আমি
চল্লেম্। [সেবাদাসের প্রস্থান।

দামো। যা, তুই যা, আমি একটা নিদ্রা দিই ; একটা
চেলা চুলি দেখে নেব—পাটা টিপবে, ভিক্ষা টিক্ষা কর্কে—
আর পারা যায় না ঘুরতে, আজ থেকে চেলাগিরি ইস্তফা।
(অন্তরালে প্রস্থান)

(সারী ও সুন্দরার প্রবেশ)

সুন্দরা। দেখ সারি, তুই যদি রাণী ব'লবি, কি মৃত্যু
ক'রে কথা ক'বি ত তোর গালে আমি ঠোনা মার্কো ; কি
বল্ছিলি বল্—সন্ন্যাসী ব'লে গিয়েছিল, বার বছর মুখ
দেখতে নেই, তার পর ?

সারী। তার পর আর কি, রাণী ইচ্ছা সহরের বাইরে
বাগানে ছেলে নিয়ে রইল। আজ বার বছর পূর্ণ হ'য়েছে,
তাই রাজা আজ ছেলে দেখবে। আহা, নগর যে
সাজিয়েছে, যেন ছবি খানি ! আর, ঘরে ঘরে গান বাজ
নৃত্য হ'চ্ছে, তুমি চল না—দেখতে যাবে ?

সুন্দরা। আঃ দূর মড়া, বড় মড়া শালিবান্ আমায়
চেনে।

সারী। কি ক'রে চিনলে ?

সুন্দরা। তুই যখন জালামুখী যাস, একদিন দেখি, বড়ো
পিরীত কর্তে এসেছে। ওলো কি ব'লবে—ঘাটের মড়া লো,
ঘাটের মড়া ! বলে—'সুন্দরি, তুমি আমায় বরমালা
প্রদান করা।'

সারী। তুমি কি ব'লে ?

সুন্দরা। আমি বল্লম্—'সারী আশুফ, তার সঙ্গে বে
দেব।

সারী। সত্যি, কি ব'লে ?

সুন্দরা। কি আর ব'লবো,—বড়ো মাহুষ ব'লে মাথা
মুড়িয়ে দিই নি ; তের রেঘাত ক'রেছি। সে মড়ার যে
চাউনি লো, সে এখন তোরে পেলে বে করে।

সারী । তোমায় পেলে নয় ?

সুন্দরা । বৃড়া ভারি লোভাছে লো—আজ বছর
খানেক হ'ল, একটা চামারের মেয়ে বে ক'লে !

সারী । সত্যি না, কি ?

সুন্দরা । হাঁ লো, নিমন্ত্রণের পত্র এসেছিল, মন্ত্রী আমায়
যেতে দিলে না ।

সারী । মা গো, আর কি ক'নে জুটল না ? কে
জোটািলে ?

সুন্দরা । ছুঁড়ি পাতকোর জল তুলছিল, রাজা মৃগয়া
কতে গিয়ে দেখেই মোহিত ! তোকে যার জন্তে ডেকেছি
শোন ; মন্ত্রী আমায় দেশে যেতে পত্র লিখেছে,—আমার
বাপের বন্ধু—নেহাত কথাটাও ঠেলতে পারি নে ।

সারী । কেন, চল না ? তুমি এমম ছদ্মবেশে কত দিন
বেড়াবে ?

সুন্দরা । আমার যত দিন ইচ্ছা । দেশে গিয়ে কি
করো ?

সারী । দেখ সখি, তোমার মনের বিকার আমি বুঝতে
পেরেছি, তোমার যৌবনকাল, আর কুমারী থেক না ।

সুন্দরা । সারি, তুই আজ আমায় নূতন উপদেশ দিতে
এলি ? আমার শশুশালী রাজ্য, পূর্ণ ধনাগার, নতশির
শক্র—তবে কেন আমি দেশে দেশে সামান্তের গায় ভ্রমণ
ক'চ্চি ?—দেখ, আমায় রাণী ব'লে আমার ম'নে আগুন জ্বলে,
মনে ভাবি—আমার রাজা ত নাই ! সকল আমোদ-
প্রমোদই আমার তিক্ত বোধ হয় । আমার অদৃষ্টে
বিধাতা বর লেখন নাই—আমি চির-কুমারীই থাকুব ।

সারী । 'বর নাই' কেন বল ভাই ? তোমার মন নাই,
তাই বল । কত রাজা, রাজকুমার তোমার জন্তে এল ;
কাকুর গোঁপ মুড়িয়ে দিলে, কাকুর মাথা মুড়িয়ে দিলে, ওমা,
সম্মাসীগুলোরও জটা কেটে নিলে ! তুমি ভাই, রূপের
গরবেই গেলে ।

সুন্দরা । তুই বলিস্ কি ? যে সে কি পতির যোগ্য ?
আমি যার দাসী হব, সে কি স্ত্রীলোকের কথায় গোঁপ
মুড়িয়ে যায় ? আমার যিনি পতি, তিনি বীর, ধীর,
প্রশান্তস্বভাব । যে আমার পতি—আমি দেখলেই জানতে
পার'ব, তিনি এলেই তাঁর চরণে আমি অবনত হব ।
পতির জন্তে আমি যা ক'রেছি, বোধ করি, কোন নারী তা

করে নাই । দেখলেম, পৃথিবীতে পুরুষ নাই । যে বিজ্ঞা-
গর্বে গর্কিত, আমার সঙ্গে বিচারে সে মূর্খের গায় নির্ঝাঁকু
হ'ল ; যে ধন-গর্বে গর্কিত, আমার ধনাগার দৃষ্টে চমকিত
হ'ল ; রূপ-গর্কিত, আমার রূপ-দর্শনে দাস হ'য়েছে ।
পুরুষের প্রধান গর্ক তরবারি, রণস্থলে বিপক্ষ-রাজ আমার
পতাকা দর্শনে তরবারি ত্যাগ ক'রেছে । তবে, তুমি
আমায় কারে বরমালা দিতে বল, কার দাসী হ'তে বল ?
সারি, তোমার সেই গানটি গা' ।

(সারীর গীত)

খান্ধাজ—কাওয়ালী ।

যে ধর্তে পারে ধরা দিই তারে ।

বাধা থাকি, মিনি হুতোর মোহাগের হারে ।

নইলে পরে মজতে পরে, সাধ ক'রে, সেই, মন কি সরে ?

থাকতে বশে প'ড়ব ফাঁসে যেচে কার তরে ?

জোরে মন কেড়ে নিতে—যে পারে, সেই—সেই পারে !

(দামোদরের প্রবেশ)

দামো । আরে বাঃ, বাঃ, বাঃ, বাঃ, বাঃ, কি গান রে !
মরি, মরি মরি ! আবার মরার উপর মরি—কি রূপ রে !
ব্যোম্, ব্যোম্ ।

সারী । প্রভু, প্রণাম হই ; আপনি কে ?

দামো । আমি—আমি গোরক্ষনাথ ।

সারী । প্রভু, কি সৌভাগ্য !

দামো । আমি তোদের আশীর্বাদ কর্তে এলেম ।

সুন্দরা । (জনাস্তিকে সারীর প্রতি) ওলো সারি, এই
সম্মাসীটে ভণ্ড, এ কোন পুরুষে—গোরক্ষনাথ নয় । তিনি
মহাত্মা ; দেখু'ছিস্ নি, মা ব'লে ডাকছে না ।

দামো । তোমরা এস, আমার কাছে ব'স ।

সুন্দরা । ব'সছি ; সম্মাসী ঠাকুর, একটা গান শুন্বে ?

দামো । আচ্ছা, শোনাও । আমি যোগী, স্ত্রীলোকের
গান শুনি নি, তবে, তোদের কৃপা করেছি তাই ।

(সুন্দরা ও সারীর গীত)

বাহার—ভবতঙ্গা ।

এসেছে নবীন সম্মাসী—

সুন্দরা । না, আর গাইব না ।

দামো । গাও, গাও—আমি শুন্ব ।

সুন্দরা । তুমি আমাদের সঙ্গে নাচ ত গাই ।

দামো। এঁয়া, সন্ন্যাসী নাচে ?

সুন্দরা। না নাচ, তবে চলেম।

দামো। আচ্ছা, গাও গাও ; তোমায় কৃপা ক'রেছি
—আমি নাচ্চি।

(সুন্দরা ও সারীর গীত)

এসেছে নবীন সন্ন্যাসী—

ঐথিতে দেয় লো ফাঁকি, হামিতে পরায় ফাঁসী।

ছি ছি লো, হ'ল একি দায়, ঘন ঘন কেন যোগী মুখের পানে চায় ?

কে জানে কি আছে মনে, কায় কি,—সরে আয়।

উদাসী নাগা নিয়ে হকুলে কেন ভাসি ?

শেষে ছাই, মাথ'ব কি ছাই, ভাল না ত এ হাসি।

সুন্দরা। চল লো, সারি।

দামো। ধাস্নে, ধাস্নে, আমি তোদের ভাল ক'র'ব।

সুন্দরা। না ঠাকুর, তোমার মুখখানি বেশ দেখে
আমি তোমার কাছে বসি, আর তুমি ভুলিয়ে যোগিনী
কর! তোমার চাঁদমুখ দেখে কি আমি শেষে পথে পথে
ফিব্ব ?

দামো। আরে, না, না—ব'স ব'স।

সুন্দরা। আহা, সন্ন্যাসী ঠাকুর, তোমার কি রূপ!

দামো। দেখ, আমি স্ত্রীলোকের মুখ দেখি নে ; তবে,
তোকে কৃপা করেছি ; আমি গোরক্ষনাথ—জানিস্ সাক্ষাৎ
শিব ; ব'স, কাছে এসে ব'স।

সুন্দরা। ও মা গো, তোমার জটায় যে ঘেন্নো গন্ধ!
আমার ইচ্ছা ছিল, তোমার ঠেয়ে যোগ শিখ'ব—তা কাছে
দাঁড়াতে পারি নি।

দামো। তুমি যদি যোগ শেখ ত আমি বেশ ক'রে
জটা ধুই।

সুন্দরা। ধুলে কি ও ভেপ্‌সো গন্ধ যাবে? কেটে স্নগন্ধ
মাথ'তে হয় ; আর কাজ নাই, বাপু, যোগ শেখায়! অম্নি
ক'রে ত ছাই মাথ'তে হবে?

দামো। না, না, তুমি যোগ শিখলে ছাই মাখা'ব না—
চন্দন মাথিয়ে শেখাব।

সুন্দরা। আর—তোমার জটা ত থাকবে? তা হ'লেই
বাছে বসেছি! জটা ত নয়, যেন তালের সোঁটা! অমন
চাঁদপানা মুখ খানা—অমন জটা রেখেছ কেন? যোগ
শিখলে ত আমায় অম্নি জটা রাখ'তে হবে?

দামো। না, তোর জটা রাখ'তে হবে না।

সুন্দরা। না, না, আমার যোগ শেখায় কাজ নেই ;
তোমার অমন রূপ, জটা রেখেছ দেখে আমার প্রাণ কেমন
করে। (সারীর প্রতি) আয় লো সারি, (দামোদরের
প্রতি) চলেম।

দামো। দেখ, তোমায় আমি কৃপা ক'রেছি, তুমি যদি
যোগ শেখ ত, আমি জটা কেটে ফেলি।

সুন্দরা। আহা! ঠাকুর, তোমার এত কৃপা? তবে
আমার ঘরে এস।

দামো। যখন তোমায় কৃপা ক'রেছি—চল।

সারী। (জনান্তিকে সুন্দরার প্রতি) সখি, তোমার
এ কি রীত?

সুন্দরা। (জনান্তিকে সারীর প্রতি) এই আমার খেলা।

সারী। (জনান্তিকে সুন্দরার প্রতি) ছি! এ খেলায়
অপরাধ হয়।

সুন্দরা। (জনান্তিকে সারীর প্রতি) পূর্ণচন্দ্র দেখে লোক
মোহিত হয়—সে কি চন্ড্রের অপরাধ?

দামো। তোমরা কি ব'লছ?

সুন্দরা। সারি জিজ্ঞাসা ক'চ্ছে—সন্ন্যাসী ঠাকুর কি
আমায় শেখাবেন?

দামো। হ্যা, হ্যা, আমি দু'জনকেই শেখা'ব।

সুন্দরা। আসুন না—ব'সে রইলেন যে?

দামো। চল।

[সকলের প্রস্থান।]

তৃতীয় গর্ভাঙ্ক

বক্ষ

শালিবাহন ও পূর্ণচন্দ্র।

শালি। বৎস,

অমর-বাহিত এই সুন্দরী নগরী,

সযতনে রক্ষা করি তোমার কারণ।

ফুলমতি প্রজাগণ তব দরশনে,

অভিলাষ উল্লাসে প্রকাশে,

বৃদ্ধ-পরিবর্তে হোক নবীন ভূপতি।'

প্রজার উল্লাসে ভাসে আনন্দে হৃদয়,
নাহিক বাসনা অণু ঈশ্বরের পদে,
অঙ্কজে অপিয়া রাজ্য পরম কৌতুকে
নিশ্চিত হরিব কাল এ' বৃদ্ধ বয়সে,
অম্বকালে তোর কোলে ত্যজিব এ দেহ ।

পূর্ণ । উছানে মাতার সনে ছিলাম যখন,
কত আমি করেছি রোদন,
শ্রীচরণ দেখিবারে হ'ত কত সাধ !
আজি প্রসন্ন দেবতা—
অপিলেন মাতা মোরে তোমার চরণে ;
জননী-অঞ্চল ধরি' ভ্রমণ উছানে—
সংসার-বারতা, তাত, না জানি কেমন ;
নাহি জানি পিতৃসেবা, পিতার দম্মান—
অপরাধী হই যদি করো গো মার্জনা ।

শালি । অপরাধ তোর ?
বংশের ছুলাল তুই, নয়ন-আনন্দ,
নাহি জান পিতৃস্নেহ, আরে রে অবোধ !
বুঝিবি বুঝিবি যবে হ'বি পুত্রবান,
অপরাধ করিব মার্জনা ;
শিখায়ে দিয়েছে বুঝি জননী তোমার ?
দেখাইব কেবা কত জানেরে আদর—
রাজ্যের সঞ্চয় তুমি কুলের শেখর !

পূর্ণ । শুনিছ জননী-মুখে ছুরস্ত সংসার,
পদে পদে অপরাধী হয় তাহে নর,—
তাই ডরি, হে ভূপাল, অবোধ অজ্ঞান,
লালিত মাতার অঙ্কে চঞ্চল সন্তান ।

শালি । বৎস, দরিদ্রের—ছুরস্ত সংসার,
কণ্টক-আগার, ভীতিপূর্ণ চির দিন ।
পাতিয়া কুসুম-শয্যা নৃপতির তরে,
সভয়ে সংসার রহে নৃপের সদনে ।
আজ্ঞা মাত্র অবনত শত শত শির,
আজ্ঞা মাত্র খোলে অসি শত শত বীর,
আজ্ঞা মাত্র নীর সম ঢালিবে রুধির,
কোথায় তিমির ঘটা, উদিলে মিহির ?

পূর্ণ । কণ্টক কি নাহি পিতা কুসুম-শয্যায় ?

শালি । নাহিক কণ্টক-কীট জানিবে অচিরে ।

(দূতের প্রবেশ)

আরে মূঢ়,
জীবনের সাধ মম পূর্ণ এত দিনে—
নির্জনে নেহারি আমি পুত্রের বদন,
জীবনের নাহি কর ডব,
কি সাহসে পশিলা এখানে ?

দূত । মহারাজ, দাসকে অভয় দিন, লুনাদেবী পত্র প্রেরণ
ক'রেছেন, অধীনের অপরাধ নাই ।

শালি । এ্যা ! লুনা!—পত্র—(পত্রপাঠ) এখন কি করি ?
বৎস, ক্লান্ত তুমি নগরভ্রমণে,
ক্ষণেক বিশ্রাম কর ।

রজনীতে বার দিতে হবে সভা-মাঝে,
পারিষদ্বর্গ পূজা করিবে তোমায় ;
যত দিন উৎসব না হয় অবসান,
তত দিন, বৎস, তব নাহিক বিরাম ।

পূর্ণ । দেবতা পূজার যোগ্য—শুনেছি ভূপাল,
কিবা হেতু পূজিবে আমায় ?

শালি । ভূপতির পূজা অগ্রে দেবতা রাখিয়া,
ক্রমে ক্রমে জানিবে সকলি ;
এস, বৎস, দিতে হবে পত্রের উত্তর ।

[পূর্ণচন্দ্রের প্রণাম করিয়া প্রস্থান ।

পরামর্শ মন্ত্রী সনে—মন্ত্রী হবে বাদী ;
গুণবতী ইচ্ছা অতি পতিপরায়ণা,
জানাব সকল কথা—যাচিব মার্জনা ।

(ইচ্ছার প্রবেশ)

ইচ্ছা । মহারাজ, পূর্ণের আর আনন্দ ধরে না, বলে,—“মা,
তোমার চেয়ে মহারাজ আমায় আদর ক'রবেন,
বলেছেন ।”

শালি । শুন রাণি, শুভ দিনে ঠেকিয়াছি দায়,
আমি অতি অপরাধী তোমার সদনে ;
মহিষি, মার্জনা কর ধরি হে চরণ ।

ইচ্ছা । এ কি কর ? ছি ছি মহারাজ !—
তুমি স্বামী—দাসী আমি সেবিতে চরণ ;
পতির কি অপরাধ সতীর সদন ?

শালি । প্রিয়ে, আমি অতি দোষী, শুন বিবরণ,—

আছিলে ষ্ঠাদশ বর্ষ পুত্রের পালনে—

তোমা' সনে কদাচ হইত দেখা,

একা বাস শূন্য রাজপুরে !

একদা মৃগয়া হেতু পশিলাম বনে,

কুক্ষণে হে, বারি-অন্বেষণে,

আসিলাম কৃপ-সন্নিধানে—

কি কহিব—মজিলাম কি বিপদে ?

ইচ্ছা।। কহ, নাথ, কি হইল পরে,

দাসী সনে সূচনার কিবা প্রয়োজন ?

শালি। হেরিলাম—সুন্দরী রমণী,

যৌবন-স্ফুটনোগুণী,

বারি হেতু আসিয়াছে কৃপপাশে ;

পাপ অঁথি মুগ্ধ মম, রূপের ছটায় !

প্রিয়ে, রূপায় মাজ্জনা কর।

ইচ্ছা।। ধরণীর অধীশ্বর তুমি প্রাণনাথ !

আছে হে নিয়ম—

রাজার চরণ সেবে শত শত নারী ;

যাহে তব মন, করহ গ্রহণ,

দাসীর কি মানা আছে তা'য় ?

ভগ্নীসম আমি তারে করিব যতন ;

তব ইচ্ছাধীন দাসী ছেনো নরনাথ !

শালি। গুণবতী তুমি, সতি, নাহিক তুলনা !

বিধি-বিড়ম্বনা—

হইয়াছে উদ্বাহ নিকাহ—

মরি হে, সরমে,

গলগ্রহ রেখেছি গোপনে,

মন্ত্রী মাত্র জানে সমাচার।

ইচ্ছা।। কেন, কেন প্রাণনাথ, রেখেছ গোপনে ?

চল যাই ভাগ্যবতী রূপসী সদনে,

আদরে ভগ্নীরে আমি আনি রাজপুরে।

শালি। করেছি কদর্য্য কার্য্য শুন লো, মহিষি,

যুগিত চামার বংশে জনম তাহার।

ইচ্ছা।। পকে হয় পদ্মিনী বিকাশ,

দেবতা মস্তক 'পরে শোভে সে নলিনী।

শুন, গুণমণি,—যেবা তব আদরিণী,

হীন বংশ তার কিবা ?

আমি রাণী যে পদ-পরশে,

ভগিনী আমার রাণী সে চরণ ধরি'।

শালি। জানি হে মহিষি, তব অসীম মহিমা,

শত অপরাধে ক্ষমা করিবে আর্মাণ ;

কিন্তু দেখ দায়,—

কুমারে সে দেখিবারে চায় ;

(পত্র প্রদান)

নহে, কহে, অভিমানে ত্যজিবে জীবন।

ইচ্ছা।। সে ত রাজরানী, সেও ত জননী—

মম সম কুমারে তাহার অধিকার,

পুত্র পাবে মাতার প্রসাদ—

বিষাদ কি হেতু তাহে ভাব নরনাথ ?

শালি। অতুলনা হে ললনা, পতিভক্তি তব ;

অধিক কি ক'ব—

ঋণপাশে চিরবন্ধ রহিলাম রাণি !

(পূর্ণচন্দ্রের প্রবেশ)

বৎস, হ'য়েছে কি অম দূর ?

পূর্ণ। পিতা, নাহি অম।

যেতে পারি শত ক্রোশ অশ্ব-আরোহণে ;

জিজ্ঞাস 'মাতায়—

সারাদিন ফিরি তবু নাহি হয় ক্লেশ।

ইচ্ছা।। পূর্ণ, আর (৩) তোর আছে যে জননী ;

এস, বৎস, তাঁর পদে করি নমস্কার।

পূর্ণ। চল, তবে।

শালি। আসিয়াছে দূত তোরে লইতে আদরে,

আগত ভূগলগণে করিতে সম্মান,

রব আমি রাজপুরে ;

যাও তুমি দূতের সহিত।

এস প্রিয়ে!—

[সকলের প্রশ্নান।

চতুর্থ গর্ভাঙ্ক

লুনার কক্ষ

লুনা ও জম্বু।

লুনা। হায়, পিতা হ'য়ে এই সর্কনাশ ক'ল্লে! সতীন-
য়কে পত্র লিখে ডাক্তে পাঠালে, আমার জলে ঝাঁপ
তে ইচ্ছা হ'চ্ছে।

জম্বু। আমি দশ বার বারণ কল্লুম, ফের পণ্ডিত
থা কচ্চিস, পোড়ারমুখি? ফের 'পিতা পিতা' বলিস?
পনাথ বলিস, তোর বুড়া ভাতারকে। আমি চামার—
পণ্ডিত কথা আমার সাথে? যে পণ্ডিত রেখে তোরে
থা শিখিয়েছে, তারে পণ্ডিত ক'রে পিতা বলিস। আমি
মার—আমার সাথে চামারে কথা ক! আমি চামার-বুদ্ধি
টিয়ে তো'র রাজার সাথে বে দিলুম, আর আমার সঙ্গে
লি-গালাজ কল্লি?

লুনা। তুই রাজা বে দিয়েছিলি, না রূপে রাজা বশ
য়েছিল? রাজা আমুক, আমার সতীন আছে বলে নি
-আবার সতীন পো!

জম্বু। রাজা এখন ছেলের মুখ দেখেছে, তোর মুখে
খন জুতার বাড়ী মার্কো। আমি যদি না থাকতুম ত
তাকে এত দিন পয়জার দিয়ে খেড়ে দিত।

লুনা। তুই যেমন চামার, তোর চামারের মতন কথা;
রাজাকে মলের মতন পায়ে দিয়ে আমি বাজিয়ে বেড়াই।

জম্বু। কৈ, আজ তিন দিন বেটা আনবার রোস্নাই
ছে, তোর মুখে ঝাড়ু মারে নি?

লুনা। ঝাড়ু মারে নি, আজ এলে আমি ঝাড়ু মার্কো;
ই চামার, চামারের বেটা চামার; তোর কথায় আমি
তীনপোকে আনতে পাঠালুম, আমার মাথা কাটা গেছে,
আমার কুণ্ডু ডুগতে মন হ'চ্ছে।

জম্বু। সতীনপোকে যদি আদর ক'রে না চিঠি
পথতিস, তোরে কুণ্ডু আপনি ফেলে দিত। রাজার
আদরের ছেলে তা জানিস পোড়ারমুখি? সম্যাসীর
খুশ খেয়ে ছেলে তা জানিস জুতাখাকি?

লুনা। আদরের ছেলে আছে জানিস ত আমায় বে
বলি কেন? আমার অমন জুয়ান ভাতার ছিল।

জম্বু। আবার সে কথা, পোড়ারমুখি? রাজা
জানলে তোকে গেড়ে ফেলবে।

লুনা। তুই ছেলের কথা আমায় বলিস নি কেন?

জম্বু। আ মর! কে জানে? ছেলে লুকান ছিল।
তুই ছেলে এলে খুব দরদ কর্কি, ছেলে তোকে মা জানবে;
তুই রাজা ভোলালি, ছেলের কি কর্কি? ছেলে রাজা হ'য়ে
তোকে খেদিয়ে দিবে, বুড়া রাজা সব দিন বাচবে?

লুনা। দরদ করবে, দরদ করবে, দরদ করবে! সতীন-
পো আমার হবে!

জম্বু। তুই পোড়ারমুখী কথা শুন্বি নি; আমি ত
তোকে বলেছিলুম,—যে পণ্ডিতের কাছে লেখাপড়া
শিখিস নি, ভাল কথা কইতে শিখিস নি, চামারের কথা
ভুলবি—বুদ্ধি ভুলবি! তুই রাজাকে খোস করতে প্রাণনাথ
শিখলি, আর চামারের বুদ্ধি ভুললি! তুই মা হ'বি, আমি
দাদা হব একদিন আদর ক'রে লাডু খেতে দিব—বিষ
দিয়ে দিব! ছেলে মরবে, আমি পালাতে পারি—পালাব;
না হয় গর্দান দিব; বুড়া রাজা ম'লে—তোর ছেলে হয়
রাজা ক'রবি, নয় তোর ভাইকে রাজা ক'রবি, চামারের
বেটা! বুদ্ধি শুন্লি জুতাখাকি?

লুনা। আচ্ছা বাপ, তুই যদি ছেলে মারবি, রাজা বেগে
তোকে মারবে, আমায় মারবে।

জম্বু। তোকে মারবে কেন, তুই কি বিষ দিবি?
আমি আদর ক'রে বাড়ী নিয়ে যাব; চামারের বুদ্ধি শুন্লি,
চামারের বেটা?

লুনা। বাপ, তুই বেশ বুদ্ধি ক'রেছিস।

জম্বু। ঐ ডকা পড়ে, আমি চল্লুম, ছেলে আসছে।

লুনা। আমি দরদ করব; বাপ, তোর খুব বুদ্ধি!

জম্বু। রাজা পণ্ডিত রেখে তোকে লেখা শিখিয়েছে,
ভাল কথা কইতে শিখিয়েছে; পণ্ডিত পড়া দিতে জানে—
বুদ্ধি দিবে? চামারের বুদ্ধি, আমার সাত পুরুষ চামার,
হাঁ!

[জম্বুর প্রশ্নান।

(একজন সখীর প্রবেশ)

সখী। মহারানি, যুবরাজ এসেছেন।

লুনা। এখানে আন।

[সখীর প্রশ্নান।

আমার মাথা নিচু হ'চ্ছে -সতীন-ছেলে ঘরে ডেকে
অনুলুম্ ।

(পূর্ণচন্দ্রের প্রবেশ)

পূর্ণ । জননি, আশীর্বাদ করুন ।

লুনা । আজ আমার সুপ্রভাত-তোমার চন্দ্রবদন
দেখলুম্ । (স্বগত) আরে, সত্যি, চাঁদপানা মুখ ! আরে,
আরে, ফুলপানা দাঁত ! আরে, আরে, কি আঁখি রে !

পূর্ণ । মা, আজ আমার কি শুভ দিন, আজ আমি
পিতার চরণ বন্দন করলুম্, তোমার পাদপদ্ম দর্শন করলুম্ !
জননি, জননি, সন্তান কি অপরাধী ?—

লুনা । মরি মরি ! ভূতলে কি পূর্ণ শশী ?

কিবা রতি-আশে এসেছে মদন !

উহ, মরি মরি—

নয়নে বরষে ফুলশর !

অঙ্গ জর জর,

ধর ধর, কাঁপে থর থর,

পিপাসীরে সুশীতল বারি কর দান ।

পূর্ণ । এ কি !

কোথায় জননী—কারে করি সম্ভাষণ ?

কেননে বা পিশাচিনী এল এ আগারে ?

লুনা । কহ কথা, র'ওনা নীরব,

ঢাল রে বচনস্রোত—জুড়াক জীবন ।

পূর্ণ । কহ, কার এই পুরী—কে তুমি সুন্দরি,

কোথায় জননী মম ?

কহ, তুমি কেবা ছদ্মবেশী—

পাপকথা কহ কি কারণ ?

লুনা । শুন গুণনগি,

প্রেমাধিনী দাসী তোর আমি,

সতিনী জননী তোর !

বৃদ্ধ রাজা পশে কবে কালের কবলে—

আমি কি হে নারী যোগ্য তার ?

কর্মলিনী ফোটে কি ভেকের তরে ?—

আদরে ভ্রমরে ;

হৃদি-ভ্রুঙ্গ, এস হৃদি-নায়ে !

পূর্ণ । এ কি, এ কি ! কি শুনি—কি শুনি !

এ কি, এ কি, কি বল জননি !

এখনি মা, রসাতলে পশিবে মেদিনী,
হবে একাকার, নরক আঁধার,
ব্যাপিবে বিপুল স্থান !

বাড়াইতে সে তমঃ ভীষণ,

ঈশ্বরের রোষ-ছত্যাশন

প্রলয়দামিনী সম দলকে ফিরিবে !

রুদ্ধ সমীরণ,

কক্ষচ্যুত হইবে তপন,

বেগু হবে ব্রহ্মাণ্ড বিশাল !

মা, মা, সন্তানে অভয় কর দান ।

লুনা । ছি, ছি, তুমি নির্দয় কেমন ?

মরে নারী, তোল না বদন !

কেন কর ঘৃণা, দেখ না দেখ না,

তোর সম কিশলয়ে রঞ্জিত অধর,

লাবণ্য-সলিলে হের অঙ্গ চল চল,

দেখ দেখ তোমার যেমন—

থঙ্গনগঙ্গন আঁখি মম ।

দেখ না, দেখ না, মরে রে ললনা,

চাঁদমুখ তোল না, তোল না !

তুমি, নব যুবা—আমি, নবীনা যুবতী,

আমি রতি—তুমি হে মদন !—

কেন হে মিলনস্থখে রহিব বঞ্চিত ?

যায় ধরা যাক রসাতলে,

ঘেরুক আঁধার,

আমি তোর, তুমি রে আমার !

অধরে অধরে, হৃদি হৃদি' পরে,

ধরাধরি ভুঙ্গপাশে,—

বিশ্বনাশে প্রেমিকের কিবা ডর ?

পূর্ণ । (স্বগত) এই ত সে ছরস্তু সংসার,

নহে এ ত কুসুম-আগার,

ভীষণ কণ্টকময় !

ঘোরে মস্তিষ্ক আমার,

চলিতে চরণ নাহি চলে,

এ কি কোন কুহকের ছলে

হেন ভাষা শুনি আজ জননীর মুখে ?

এ কি সেই তরঙ্গের খেলা ?

এই কি সেই সাগর-গর্জন—

পথহারা যথা নর পাথারে মগন ?

এই কি প্রথম শিক্ষা পুশিয়া সংসারে !

হেন ছার কারাগারে কেন রহে নরে,

কেন ডরে বিসর্জন দিতে কলেবরে ?

ছি ছি, দিক্ ! এই কি সংসার,

এই কি সে কুংসিং পাথার ?

দিক্, দিক্, শত দিক্, মানব-জীবনে !

মাতৃপদে শত শত প্রণাম আমার ।

মা । যেও না, যেও না, বধ'না বধ'না,

কিঙ্করীয়ে রাখ পায়, প্রাণেশ্বর !

ব'না কোথা, কোথা হে মঙ্গলময় !

এস,

চাহ নাথ, রূপা কর কাতর কিঙ্করে—

দয়াময়, হয় হৃদে সংশয় উদয়,

ভাবি মনে, এ সংসার দৈত্যের রচনা !

কোথা, কোথা দয়াময় ?

দারুণ সংশয়ে কর ত্রাণ ।

[প্রস্থান ।

লুনা । ইস্ এত অপমান ? বিষ খাব ! জলে ঝাঁপ

ব, আগুনে পুড়ে মরবো ! কোথায় যাব ? নরক,

পথায় তুই ? আয়, আমার বৃকে এসে ব'স্ ; আয়, আয়,

আমার সহায় হ ! আমি প্রতিশোধ দেব, প্রতিশোধ

ব ! এলি নি ? নরক, বুঝেছি—তোর ভয় হ'চ্ছে ;

বীর প্রতিশোধ,—নারীর প্রতিশোধ ! নরক, তুইও

ত ভয়ানক ন'স্ ।

দ্বিতীয় অঙ্ক

—:০০০:—

প্রথম গর্ভাঙ্ক

রোষাগার

লুনা ও শালিবাহন ।

শালি । বহু কাষ্যে ব্যাপৃত রয়েছি, প্রণয়িনি,

তব সংবাদসুখে বঞ্চিত সে হেতু ।

উৎসবে আসিছে রাজা নানা দেশ হ'তে,

নানা জন-সমাগম পুরে,

সাবকাশ করিয়াছি বিশ্রামের ছলে ।

লুনা । রেখেছি জীবন তব দরশন-আশে,

দেখা হ'ল, ফুরাইল সকল বাসনা ;

তুয়ানলে পাপদেহ তাজিব, রাজন্,

ঘৃণার ভাজন—কেন রাখি ছার প্রাণ ?

শালি । কহ, প্রিয়ে, কহ ত্বরা, কহ কি কারণ

জলধরাবৃত তব শশাঙ্কবদন ?

মানিনি, ত্যজলো মান ধরি লো চরণে,

কেন বিগলিত ধারা নগিনী-নয়নে ?

যায় প্রাণ, ছাড় মান—কথা কহ হাদি',

ক্ষম দোষ, ত্যজ রোষ, হৃদয়বিলানি ।

লুনা । অদৃষ্টের মম দোষ, নহে দোষ কার'—

নহে, কেন তব ছলে তুলিব রাজন্ ?

পড়ে কি হে মনে, যবে প্রণয়বচনে

সস্তাষিলে এ দাসীবে,

চরণে ধরিয়া আমি মাখিলাম কত

হইতে বিরত—

নীচকুলোদ্ভবা তব যোগ্যা নহে দাসী ?

হায় ! কেন মজিলাম কপট বিনয়ে,

চক্রসুখা চকোরের—বায়স কি পায় !

শালি । শুন প্রিয়ে, শুন লো বচন ;

যে কারণ এ প্রণয় রেখেছি গোপন—

রাজ্যে কত জন কত কথা কবে,
ব্যথা পাবে চন্দ্রাননি, স্নকোমল প্রাণে !
এবে মুক্ত দ্বার, তোমার আমার,
এসেছে কুমার—
মা ব'লে আদরে নিয়ে রাখিবে আগারে—
দিবানিশি মুখশশী হেরিব তোমার,
সিংহাসনে ছুই জনে নিয়ত বিহার ।

লুনা । রাজ্য কেবা চায় ?

রাজ্য-আশে বরমাল্য দিই নি তোমায় ;
যদি রাজ্য-প্রয়োজন,
মধুর কপট ভাষে সাধিলে যখন —
হায় রে, অবলা-মন পড়িল সে ফাঁসে !—
শুন রাজা, রাজ্য যদি আকিঞ্চন,
বার বার কি কারণ করি নিবারণ,
গ্রহণ করিতে রাজ্য, অধিনীর পানি ?
নীচের নন্দিনী, নীচ ; তুমি মহারাজ !
না জানি কেমন মন—না বুঝে মজেছি ;
পরি নাই প্রেম-ফাঁসী সিংহাসন-আশে ।
জানি, যবে ফুরাবে যৌবন,
যুগায় ঠেলিবে পায় অধমের সূতা ;
তবু পোড়া মনেরে প্রবোধি,
তবু প্রাণ বাঁধি—
অবলা চঞ্চলমতি
পদধ্যানে একাকিনী রহিব বিজনে ;
হায় !

এত দিনে ভেঙ্গেছে সে সোণার স্বপন ।

শালি । বল, বল কি মনোবেদনা !

আমোদিনি, জান না জান না—
প্রাণসম তুমি প্রিয়তমা ;
ছার রাজ্য, ছার সিংহাসন—
এখনি হে দিব বিসর্জন ;
পোড়াইব মুকুট অনলে ।
তুমি প্রাণ, প্রাণের আধার,
তোমা বিনা কে আছে আমার ?
স্নলোচনা, বল কি বাসনা ।
সত্য কহি, শপথ লো তোর,

অসাধ্য সূসাধ্য প্রিয়ে, যেবা হয় সাধ,
এখনি পূরাব, কেন ভাব হে বিষাদ !
বিবশা বদনে বারি,
সম্বর—সহিতে নারি—
হাসি ধর বিশ্বাসেরে, ও লো আদরিণি !
বাজে লো হৃদয়ে বাজে,
এ সাজ কি তোরে সাজে ?

হৃদি-সরোবরে ফুট ফুল-সরোজিনি !

লুনা । মহারাজ, পূরিয়াছে যা ছিল বাসনা,
দেখেছি তোমায় এবে দাও হে বিদায় ;
হায় অভাগিনী—কত স্বপনে না জানি—
রাজবংশ-কেলিহেতু বারবিলাসিনী !
শালি । এ কি শুনি বাণী,
রাজবংশ-কেলিহেতু বারবিলাসিনী ?
বারনারী—কে সে ? মর্ম্ম বৃদ্ধিবারে নারি ।

লুনা । বারবিলাসিনী আমি, কেলির কুসুম,
ভোগ্য বস্তু যেবা করিবে গ্রহণ ।

শালি । কহ প্রিয়ে, কে বলেছে হেন কুবচন,
কার শিরে করিয়াছে ভুজঙ্গ দংশন,
স্বেচ্ছায় অনলমাঝে ঝম্প দেছে কেবা !
বল শীঘ্র, যম কারে করেছে স্মরণ ?

লুনা । শ্রেয়ঃ মম প্রাণ-বিসর্জন ;

কেন কলঙ্কিনী নাম কিনিব ধরায় ?
চর্ম্মকারসূতা—কিবা প্রত্যয় কথায় ?

শালি । ছাড়হ বাক্যের ঘটা, কহ ত্বর করি,
কে সে ? এখন' নিশ্বাসবায়ু বহিছে তাহার—
রাজরোষ করি' হেলা !

লুনা । এ জীবনে কত কথা নাহি কব কারে,
জলগর্ভে রবে বার্তা হৃদয়-আগারে ।

শালি । আরে নারি, তুচ্ছ কর ভূপে ?
লব বার্তা হৃদয় বিদারি' ।

লুনা । পূরিল বাসনা,—

এস, এস প্রাণনাথ !

হান অসি উলঙ্গ হৃদয়ে,

যাক্ প্রাণ চাঁদমুখ দেখিতে দেখিতে !

আমি ভাগ্যবতী !

অম্ল সাধ কিবা রাখে সতী ?—
পতি-করে পতির সম্মুখে ত্যজি প্রাণ !
কীর্তিগান রবে মম ধরণী-ভিতরে ।

শালি । কহ,

কিবা বার্তা রাখ তুমি হৃদয়ভিতরে,
প্রাণের মমতা কেন কর বিসর্জন,
কে বা সেই নর,
যা'র ডরে নাম তা'র না আন জিহ্বায় ?

লুনা । শুন নাথ !

যে হেতু গোপনে রাখি নাম ;
শুনিলে, মস্তকে তব হবে বজ্রাঘাত,
শূন্যময় হেরিবে ভুবন,
কণ্টক সমান শিরে ফুটিবে মুকুট,
মরম-ব্যথায় দিবে প্রাণ বিসর্জন ।

শালি । কি, কি, কে সে ?

বল শীঘ্র সংশয় না সয় ।

লুনা । বড় সাধে বিসংবাদ হবে নরনাথ,
রাজপুরে পড়িবে প্রমাদ,
দম্ব হিয়া এ জনমে না হবে শীতল ;
ত্যজ কুতূহল, দেহ দাসীরে বিদায় ।

শালি । এ্যা !

লুনা । ত্যজ রাজা, ত্যজ কুতূহল,
আভাষে যাহার হের ধরা অন্ধকার,
শ্বেদবিন্দু ললাটে উদয়,
ওষ্ঠাধর, কলেবর কম্পিত সঘনে ।

শালি । শীঘ্র বল, ফাটে মম প্রাণ,

কুবচন বলেছে কি রাণী ?

লুনা । নহে রাণী, দেখি নাই রাণীর বদন,
ক্ষম নাথ, করি হে বারণ,
তোমার অবগযোগ্য নহে সেই নাম ।

শালি । হাঃ—

বল ছুটা, শীঘ্র বল,
নহে, তুই হবি পতিঘাতী ।

লুনা । সম্বর, সম্বর প্রাণনাথ ;
আদরে কুমারে আমি ডাকিলাম ঘরে,
কি ক'ব অধিক, খসিবে গগন,

রসাতলে পশিবে তপন,
পাপকথা ক'ব কি অধিক !
তাড়নার চিহ্ন হের বদনে আমার,
দেখ, দেখ, নখাঘাতে বহিছে রুধির,
দুর্মদ বারণসম কামোন্নত যুবা !

শালি । সম্মাসী—শিবচতুর্দশী—লুনা - লুনা—
এ্যা—এ্যা—কুমার - কুমার !

(মুচ্ছা)

লুনা । এই সঙ্কিহান !

রক্তপাত হইবে নিশ্চয়—

তার কি আমার !

এস, এস, কে কোথায় স্মরণপ্রয়াসী—

এস, কোথা কে আছে পিশাচী—

যার ছলে স্বর্গচ্যুত হয় দেবগণ,

উপপতি-তৃপ্তিহেতু পুত্র বধে নারী,

পিতারে গরল তুলে দেয় বংশধর ;

এস, এস, ডাকে তোর দাসী,

যার ছলে স্বপত্নী-দুলালে,

যাচিলাম পায় ধরি' কাম-তৃপ্তি হেতু,

প্রতিহিংসা তৃপ্ত করহ আমার,

ছুরন্ত নরকে স্থান দিও মোরে পরে ।

শালি । পাপীয়সী—পাপীয়সী !

আরে কালফণী, দংশিলি আমায় ,

জর জর প্রাণ মোর বিধে !

লুনা । জানি রাজা, জানি হব কলঙ্কভাঙ্গন,

পদে ধ'রে সাধি, বধ দাসীর জীবন,

নীচ আমি, প্রত্যয় কি কথায় আমার,

রাজ্যেশ্বর বংশধর তোমার কুমার !

বধ শীঘ্র, শীঘ্র বধ প্রাণ,

নহে,

আত্মহত্যা, নারীহত্যা হের বিদ্যমান ।

শালি । রহ, রহ ;

দেখ, শীঘ্র দিব প্রতিফল,

বুঝিছি সকল—

নির্জনে নেহারি' তোর রূপের মাদুরী,

ভুলেছে সম্বন্ধ সেই অধম পামর !

এস দেখ, অধমের কি হয় দুর্গতি—
মরিবে, করিবে ছুষ্ঠ নরকে বদতি।

[উভয়ের গ্রন্থান।

দ্বিতীয় পর্ভাঙ্ক

উদ্যান

দামোদর ও সারী।

দামো। তুমি আমায় যে লালরূপী ক'রে দিচ্ছ।

সারী। বাপু! না দিলে হয়? যে দিন সুন্দরা দেখবে তোমার কাল রঙ, সেই দিনই তাড়িয়ে দেবে; ছাই মাথা ছিল, রঙ ঠাণ্ডার পায় নি; এ দিন্দুর দিয়ে যেন তরুণ অরুণের আভা দেখাবে! তোমার যে কাল রঙ, আমি ভাব্চি, দেখতে পেলোই তাড়াবে।

দামো। এঁ্যা, তাড়াবে? তবে কি হবে? আমার জটা কি ক'বলে?

সারী। কি ক'বলে? ঠাকুর, জটার নামও মুখে এনো না।

দামো। তোমায় চুপি চুপি জিজ্ঞাসা কচ্ছি, জটা আছে ত? আনার একুল ওকুল ছ'কুল না যায়!

সারী। জটাতেই যদি অত সখ, তবে ঠাকুর, জটা কামালে কেন? আমি চলেম, বলিগে—সে জটার মায়া ছাড়তে পারলে না।

দামো। এঁ্যা, তুমি ঠাট্টা বোঝ না? দেখ, যদি রঙ টঙ গুলো বেরিয়ে পড়ে?

সারী। আমি তাই ত ভাব্ছি; রঙ টঙে যেন দিন্দুর দিয়ে ঢেকে দিলেম, তোমার মুখখানা বিশী জটাটাকা ছিল, গালের ঝিকটিকুগুলো দেখা যাচ্ছিল না।

দামো। তবে কি হবে? আমায় কি তাড়িয়ে দেবে? এই টুপি—

সারী। এই টুপিটা পর; ঢেঙ্গা ঢোঙ্গা মুখ খানা একটু ছোঁচ দেখাবে।

দামো। ও যে বাদরের মাথার টুপি।

সারী। তুমি বোঝ না, বেশ দেখাবে! সুন্দরার পছন্দ

আমি জানি; যে তোমার এবড়ো খেবড়ো গা, এ গা চলে কি না বাপু!

দামো। দেখ, তোমার হাতে আমার সর্কস্ব, তোমার হাতে আমার প্রাণ; জামা টামা ঢাকা দিলে চলবে না? যা হয় তুমি এক রকম ক'রে নাও।

সারী। এ তুলো দিয়ে সব উঁচু নিচু সোজা কত্তে হবে।

দামো। যা' হয় এক রকম কর; বলি, তখন যে ব'ল্লে—চাঁদপানা মুগ, আমি নবীন সন্ন্যাসী।

সারী। তুমি যে আপনার পায়ে আপনি কুড়ুল মেরেছ; তুমি ব'ল্লে—দুহাজার বছরের সন্ন্যাসী, জটা আপনি গজিয়েছে, তাইতেই বা তাঁর মন খারাপ হয়ে আছে; বলতে হয়—যোল কি সতর।

দামো। মাইরি বলছি, আমার কুড়ি বছর বয়স; ফাঁক হালে ছোটো শৃণ্ঠি লাগিয়েছিলুম। ও জটা কি গজিয়েছে? ছেঁড়া চুল নিয়ে থাকিয়েছিলুম।

সারী। দাঁড়াও তুলো বসাই, খানিক চিটে গুড় আন্লে হ'ত—তুলো যদি সরে পড়ে, তা' হলেই মুষ্ণিল।

দামো। না, না, চিটে গুড়ে কাজ নেই; সে বড় গা চিট্ চিট্ ক'রবে।

সারী। ও ভাল কথা মনে—আমি যে সব এনেছি; এই জামাটা গায় দাও।

দামো। ওটা হুম্মানের মতন যে! বেড়ে পছন্দ সহ একটু ফুলো ফুলো জামা দাও না।

সারী। তুমি বোঝ না; তোমার যে শক্ত গা, তুলোয় তবু কতক নরম হবে; এখন দেখ, তোমায় একটু সতর্ক থাকতে হবে; সুন্দরা যদি এসে তোমায় জামা খুলতে বলে, বা মুখ ধুতে বলে—প্রাণান্তেও ক'রো না।

দামো। কেমন দেখতে হ'ল?

সারী। এখন তবু যা হয় এক রকম হ'ল।

(সুন্দরার প্রবেশ)

সুন্দরা। কিলো সারি, আমার চন্দ্রবদন নবীন সন্ন্যাসী কোথায়?

দামো। দেখ সুন্দরা, আমি ঠাট্টা করে ব'লেছিলুম, আমার বয়েস যোল বৎসর, আমি তোমার চেয়েই সন্ন্যাসী।

সুন্দরা। সারি, তুই দিন্দুর মাথিয়ে দিয়েছিস কেন?

দামো। সিন্দূর মাথাবে কেন, আমার অম্নি রঙ—
আমার অম্নি রঙ।

সুন্দরা। কৈ, মুখ ধোও, দেখি না কেমন রঙ।

দামো। না, না, আমার বড় শীত কচ্ছে।

সুন্দরা। শীত কোথায়? মুখ ধোও।

দামো। আমার জ্বর হ'য়েছে।

সুন্দরা। তবে আর কি ক'রব, ফিরে যাই, আমরা
গাইব, তুমি নাচবে—তোমার নাচ দেখতেই এলুম।

দামো। বেশ ত, বেশ ত, আমার নাচলেই জ্বর ছেড়ে
যায়।

সুন্দরা। না, না, তুমি একটু শোও; নাচলে আবার
জ্বর ছেড়ে যায়?

দামো। না, না, আমরা যোগী, আমাদের অম্নি জ্বর।

সুন্দরা। আচ্ছা, তোমাদের যোগীদের ত ঐ রকম মুখ,
ঐ রকম জ্বর; আর গায়ের তুলোগুলোও কি ঐ রকম?

সারী। (জনান্তিকে) খবরদার—যেন খুলতে বললে
খুলে না।

দামো। হঁ, আমি ইসেরায় বুঝে নিছি। (প্রকাশে)
তোমরা গাও, আমি নাচি! আমার জ্বর হয়েছে কি না
শীত কচ্ছে। (সারীর ল্যাজ পরাইয়া দেখন)

ও আবার কি ক'রছ?

সারী। জামাটা আলগা হ'য়ে গিয়েছে, এঁটে দিচ্ছি;
আমরা গান গাই, তুমি নাচ।

(সারী ও সুন্দরার গীত)

মিশ্র খাম্বাজ—দাদরা।

মরি, কঁচু নয়নে খোঁচ মারে প্রাণে।

তাতে, সেই, ঠুম্বকি নাচে, রগু বাঁচে কি কে জানে?

রনুকে বঁধুর রূপের চোটে,

লেগে গেছে ঠোঁটে ঠোঁটে,

প্রাণ নে বঁধু গাছে বা ওঠে;—

করে যদি এ ডাল ও ডাল, নাথিয়ে তখন কে আনে?

সুন্দরা। এই ত নেচে তোমার জ্বর ভাল হ'য়েছে; মুখ
ধোও।

দামো। না, না, তিন দিন জল ছোঁব না।

সুন্দরা। দেখ, তুমি কেমন সন্ন্যাসী? সিন্দূর মেখে
ব'লছ, 'ঐ রকম রঙ'; তুমি ত বড় মিথ্যাবাদী।

দামো। না, না, দোহাই সুন্দরা, আমার মিথ্যা কথা
নয়, আমি—সন্ন্যাসী কি মিথ্যা কথা কয়?

সুন্দরা। মিথ্যা কথা কও না?—তোমার বয়স
কত?

দামো। দোহাই, তোমার মাথা খাই, মোল বছর; এ
সেই বে ছ হাজার বছর বলেছিলেম, ব্যঙ্গ করেছিলেম।

সুন্দরা। তোমার বয়স মোল বছর, তবে তোমার
নাম গোরখনাথ ব'লে যে?

দামো। আমি কি সেই গোরখনাথ?—আমি অম্নি
একটা গোরখনাথ।

সুন্দরা। বাবা, এস; প্রণাম।

দামো। বলি, ও সারি! আবাগীর বেটা যে বাবা
ব'লে ফেললে!

সুন্দরা। কি? তুমি সন্ন্যাসী, তোমায় বাবা ব'লব না!
এখন যাও, সন্ন্যাসী ঠাকুর, আস্তানায যাও; এই নাও,
স্ত্রিকা নাও।

দামো। বলি, যোগ শিখবে না?

সুন্দরা। তুমি ছেলে মানুষ, যোগের কি জান?

দামো। মাইরি বলছি, আমার পঞ্চাশ বছর বয়স;
আমি খুব যোগ শিখেছি।

সুন্দরা। ঠাকুর, যাও, এই বেলা যাও,—আজ আমার
স্বামী বাড়ী আসবে; তোমায় দেখতে পেলে মাথা কেটে
ফেলবে।

দামো। এ্যা, এ্যা, তবে আমার জটা দাও।

সারী। সে জটা কি আর আছে? পুড়িয়ে ফেলেছি।

দামো। হায়! হায়! আমার যে একুল ওকুল গেল;
কেন বল দেখি, আমার সর্কনাশ ক'রলে? কেন বল দেখি,
আমায় ব'লে নবীন সন্ন্যাসী—আমার চাঁদপানা মুখ—
আমি তাইতে ত জটা মুড়'লুম; দেখ, আশা দিয়ে বঞ্চিত
ক'রলে, তোমাদের ভাল হবে না, ভাল হবে না, ভাল হবে
না। আগে ব'লে চাঁদপানা মুখ, এখন, 'বাবা' ব'লে
বিদায় দিলে?

সারী। পঞ্চাশ বছরের মদ, একটু আক্কেল নেই,
আপনার মুখখানা আয়নায় না দেখে থাক, জলে দেখ নি?
ঐ পোড়ারমুখ চাঁদপানা, তোমার বিশ্বাস হ'ল?

দামো। আমার গেকুয়াখানা দাও।

সারী। সে কি আর আছে, ঘর পোছার নাতা হ'য়েছে,
ঐ টাকাতে কিনে নিয়ো এখন।

সুন্দরা। বাবাঠাকুর, প্রণাম গো ; আমরা চল্লেম।

[সারী ও সুন্দরার প্রস্থান।

দামো। এই যে লেঙ্গুডরাজ, আমি বলি মাথার উপর
কি হুচ্ছে ! বেটীরা বাঁদর নাচ নাচালে ? বাপ্ নাকে
খৎ !

[প্রস্থান।

তৃতীয় গর্ভাঙ্ক

উদ্যান

ইচ্ছা ও পূর্ণচন্দ্র।

ইচ্ছা। উদ্যান সুন্দর কি রে রাজ পুর হ'তে —

তাজিয়া নগরী পুনঃ এসেছ এ স্থানে ?

পূর্ণ। আর মাতা, নাহি যাব ছরন্ত সংসারে,

তব অঙ্কে লুকাইয়া রব গো জননি!

সংসারের ধনি—

শ্রবণে না পশিবে এ' স্থানে ;

কুৎসিত সংসার—

পিশাচের আনন্দের ধাম !

ভীষণ — নরক হ'তে শত গুণে মাতা।

ইচ্ছা। কি দেখিলে,

কেন বৎস, বল এ বচন ?

পূর্ণ। মা গো,

হের যাহা নরাকার নহে তাহা নর ;

নরচর্ম্ম আবৃত পিশাচকলেবর ;

কুৎসিত প্রকৃতি ঢাকা সুন্দর ছাদনে !

কহ গো, কাস্তারমাঝে রহিব কেমনে ?

ইচ্ছা। কি রে, রাজা তো'রে বলেছে কি কুবচন ?

পূর্ণ। মাতা!

তোমা' হতে স্নেহময় জনক আমার ;

কিন্তু,

না জানি কেমনে আমি যাব তাঁর পাশে—

কি কব বারতা, যবে সুধাবেন পিতা,

বিমাতার আচরণ কহিব কেমনে ?

ইচ্ছা। আরে, আরে, অঞ্চলের নিদি,

রাজরাণী মন্দবাণী বলেছে কি তোরে ?

আদরিণী বুঝি বা মে নৃপের আদরে,

কুবচন কেমনে বলেছে প্রাণ ধরে !

পূর্ণ। হায় ! মাতা, জীবনে না হয় আর সাধ।

ইচ্ছা। আরে, আরে, কি ব'লেছে তোরে ?

কাজ নাই রাজপুরে দুখিনী-নন্দন,

নবীন রমণী ল'য়ে বঞ্চন ভূপাল ;

তোরে কোলে ল'য়ে যাই, যথা পদ চলে।

এই যে ভূপতি,

সঙ্গে বুঝি আদরিণী তাঁর।

পূর্ণ। সরমে গো, ব্যথিত মরম ;

কেমনে কহিব কথা নৃপতির সনে ?

লজ্জা নাহি বিমাতার, আসিছে আবার ;

কোন্ লাজে আমি, মা গো, তুলিব বদন ?

(শালিবাহন ও লুমার প্রবেশ)

শালি। আরে কুলাঙ্গার, আরে ছরাচার,

ছাগসম আচরণ শিখেছ কোথায় ?

আমার ঔরসজাত নহিস কখন' ;

অঙ্গ-পতি জননী'র তো'র।

আরে, আরে, নাহি কর সন্দ্বন্ধ বিচার ?

ভাব, বুঝি, পলাইয়ে পাবে পরিত্রাণ !

পশিলে সাগরে তো'রে বধিব সেখানে ;

হিমাচল-গর্ভে যদি লহ রে আশ্রয়,

ছেদি' গিরি তো'রে ধ'রে করিব সংহার।

ইচ্ছা। এ কি কথা কহ মহারাজ—

অকস্মাৎ বজ্রাঘাত কেন নরনাথ ?

শালি। দূর হ রে পিশাচিনি, পিশাচজননি,

অঙ্গপুত্র পেয়েছ অজের সহবাসে,

ছাগের জনম নহে আমার ঔরসে ;

ধন্য, ধন্য কলিকাল ! গুরে কুলাঙ্গার,

পাপ-দেহ তো'র নাহি হ'ল পরমাণু ?

জিহ্বা নাহি দহিল অনলে ?

বজ্রাঘাত না হইল শিরে ?

গ্রাসিতে পামরে—

মেদিনী না মেলিল বদন ?

ইচ্ছা। ধার্মিকপ্রবর তুমি লোকমাঝে খ্যাত,

ধর্মাবতার নাম দেছে প্রজাগণে,
নরনাথ, কর স্মবিচার,
ক্ষমানেত্রে বারেক হে, নেহার নন্দনে ।
অকলঙ্ক-শশী সম হেরৈ পুত্রমুখ,
কমলনয়ন দৃষ্টে বৃষ্ণ নররায় !
ঔষধি প্রকৃতি-দর্পণ—
দেখ, দেখ হে ভূপাল,
কুৎসিত প্রকৃতি হৃদে না বসে কখন' ;
শাস্ত্রনীতি—বিচারপতির এই ভার—
দোষী বা নির্দোষী আগে বিচার না করে,
বাদী প্রতিবাদী প্রতি পক্ষপাতশূন্য ;
দোষারোপ যার প্রতি, শুনে তার বাণী ;
একের বচনে অশ্রু নাহি করে দোষী ।
শুন গুণনিধি, যদি প্রতিবাদী—
তবু তার প্রতি আছে হেন ব্যবহার,—
পুত্রপ্রতি কেন কর অশ্রু আচরণ ?

শালি । কি শুনিব আর ?

কুলদ্বার তোর এ নন্দন ।
কর দোষ স্বীকার, বর্কর,
মৃত্যুকালে মিথ্যায় না পাবে পরিত্রাণ,
মিথ্যায় বাড়িবে তোর নরক যন্ত্রণা ।

পূর্ণ । এইমাত্র দোষ মম শুন, নরনাথ,
পঙ্কিল সংসার-কুপে করেছি প্রবেশ
স্বর্গোপম জননী অঙ্ক পরিহরি ;
নহি ভূপ, অশ্রু দোষে দোষী ।
কিন্তু, যদি খণ্ড খণ্ড হয় তমু মম,
শুনেছি যে পাপ কথা বিমাতার মুখে,
পিতা তুমি—বিদ্যমান জননী আমার—
পৈশাচিক বার্তা, ভূপ, বর্ণিব কেমনে ?

শালি । এ' বয়সে এত তোর ছল ?

এত মিথ্যা ধরে তোর কিশোর শরীরে ?
অচিরে নরকে ফিরে যাবি রে, পিশাচ !
স্পর্শে তোর পাপ বৃদ্ধি পায়,
নিজ করে সেই হেতু না বধি তোমারে ;
ঘাতক ছেদিবে তোর শির,
পাপতমু দিব তোর শৃগাল-কুকুরে ।

পূর্ণ । নরনাথ, মৃত্যু—বন্ধু, মৃত্যু কে বা ডরে ?

মৃত্যু—বন্ধু—

মুক্তি দেয় দারুণ সংসার-কারাগারে ।
দেবী, মানবীর বেশে, জননী আমার
দেন নাই মিথ্যা উপদেশ ;
নহি, নহি, মিথ্যাবাদী আমি ।

ইচ্ছা । আরে কুলকলঙ্কিনি,
আরে, আরে, কালভূজঙ্গিনি,
বিনা দোষে দংশিলি বাছায় ?
ঢালিলি কলঙ্ককালী এ কিশোর প্রাণে !
আরে, তোর নাহি কি নারীর প্রাণ ?
হ'ল না বেদনা ?
অপবাদ দিলি এই ছুঙ্কের কুমারে ?
আরে আরে, ধরি তোর পায়,
কি কাজ ঈর্ষ্যায় ? —
পুত্র ল'য়ে যাই স্থানান্তরে ;
একবস্ত্রে যাব,

কপর্দক মাত্র না স্পর্শিব ।

রাজ্যোৎসর্গী হও তুমি রাজারে লইয়া,
পুত্রের জীবন ভিক্ষা মাগি তোর পায় ;
আশীর্বাদ করিয়ে তোমায়—
পুত্র ল'য়ে যাব, কতু ছায়া না হেরিব ।

লুনা । গঞ্জনা সহিতে কেন আনিলে ভূপাল ?

জানি আমি, সতিনী সাপিনীসম কাল !
বাক্যবাণ সহে না সহে না,
যাই, রাজা, পত্নী-পুত্রে কর সস্তাষণ ।

শালি । আরে আরে, পিশাচ-জননি,
নাহি লাজ, কুবচন কহিস্ রাণীরে ?
শাস্তি পাবি, পাপজিহ্বা না করিলে স্থির ।

ইচ্ছা । নরনাথ, দেহ শাস্তি যে বা ইচ্ছা হয়,
কিন্তু, তব নির্দোষী তনয়,
কলঙ্কের ডালি নাহি দেহ তার শিরে ;
আরে আরে, চামারনন্দিনি !
গর্ভে মৃত্যু হ'ল না রে তোর ।

শালি । আরে কে আছিস্ ?

(দুইজন রক্ষকের প্রবেশ)

বন্দী কর পামর পামরী ;
 রাজদণ্ড দিব অতঃপর ।
 কহ প্রিয়ে, কি বা তব সাধ—
 অনল, গরলে, কি বা হস্তিপদতলে
 বদি এই কুলাঙ্গারে ?
 পিশাচীর কি বা দণ্ড করহ বিধান ?
 লুনা । যে জালায় জলি প্রাণেশ্বর,
 কভু সে অনল নাহি হইবে নির্বাণ ;
 কিন্তু, রাজকার্য্যে
 সমুচিত দণ্ডের বিধান ;
 অনলে, গরলে, কিয়া হস্তিপদতলে,
 সমুচিত দণ্ড নাহি পাইবে কুমতি,
 কাম-অন্ধ যেমতি এ' কুনীতিদুর্জন—
 অন্ধকূপে ফেলি বধ' ইহার জীবন ;
 কুশিক্ষা দিয়াছে পুত্রে এই দুশ্চারিণী,
 স্বচক্ষে দেখুক তার নিধন পাপিনী ;
 কভু যেন মতিচ্ছন্ন নাহি হয় কার'—
 পাপ উপদেশ পুত্রে নাহি দেয় আর ।
 শালি । শুনিয়াছ অমুচর, রাজীর বচন ?
 অন্ধকূপে দেখ ছুটা, পুত্রের নিধন ।
 ইচ্ছা । বধ, বধ আমার জীবন ;
 চিরদিন সদয় দাসীরে তুমি —
 ক্ষমা কর ছুঙ্কের কুমারে ।

শালি । দুশ্চারিণি, স্পর্শে তোর পাপ বৃদ্ধি পায় ।

[শালিবাহন ও লুনার প্রস্থান ।

পূর্ণ । ত্যজ খেদ, রাজরাণি জননী, আমার ;
 উপদেশ দিয়াছ সন্তানে—
 ভঙ্গুর এ' কলেবর ;
 ক্ষণস্থায়ী স্থখ দুঃখ শুনেছি শ্রীমুখে
 কেন আজি ভুল, মাতা, নিজ-উপদেশ ?
 বিভুর চরণে তব মতি,
 মাগো, তুমি আদর্শজননী ;
 গেল পুত্র, কি খেদ তোমার ?
 কর আশীর্বাদ—
 অন্তে যেন রূপাময় করেন করুণা ।

তাজি' ছার সংসার যাইব স্বর্গধামে,
 তবে কেন শোক ?
 হেরিব সে দয়াময় মঙ্গল-নিদানে ।
 ১ম রক্ষক । কুমার, চলুন, রাজ-আদেশ অতি কঠিন ;
 রাজি, দাসের অপরাধ নাই, রাজ-আদেশ অবগত আছেন ।
 ইচ্ছা । আরে অমুচর,
 এক দিন রাজরাণী ছিল অভাগিনী,
 আজি কাঙালিনী !
 এক মাত্র রতন আমার—
 অন্ধকূপে বধ কর মোরে ;
 ভিক্ষা মাগি তনয়ের প্রাণ,
 কর দান, হও রূপাবান্ ।
 পূর্ণ । কেন মাতা, অপম্ম শিখাও অমুচরে ?
 বলেছ ত এ' সংসার পরীক্ষার স্থল !
 তাজ মাতা, পুত্রের মমতা,
 পরীক্ষায় না হ'ও কাতর ;
 মল্লব্যাপী বিঘ্নমান আছেন ঈশ্বর,
 দেখেন বেদনা তব ;
 দেখা হবে পুনঃ সেই আনন্দের ধামে,
 মাতা পুত্র তথা কেহ না করিবে ভেদ ;
 এস মাতা, চল অমুচর,—
 রাজ-আজ্ঞা কোথায় যাইতে ?

[সকলের প্রস্থান ।

চতুর্থগর্ভাঙ্ক

অরণ্য-মধ্যে কূপের পার্শ্ব

লুনা ও জম্বু ।

জম্বু । আরে, বাঃ ! বাঃ ! বেটা, তোর চামারের
 বুদ্ধি আছে ; বাঃ ! বিষ দিতে হ'ল না ; রাজা কি বললে
 —কুণ্ড ফেলা দেখতে পারবে না ? রাজার ও শোক
 লাগবে, মরবে, মরবে, মরবে ; রাণীটাকে ফেলতে বললি
 নি কেন ? আপদ যেত । তোর চামারের রাগ আছে—
 সতীন কেমন বুক চাপড়ে কাঁদে দেখবি ; এমন নইলে
 চামারের বেটা চামারণী ! বাঃ, বাঃ, বাঃ ! তুই

রাজাকে কি বল্‌লি? দেখ, খুণীর সময় পণ্ডিত কথার মনে, তোর সেই চামার-কথা ক'।

লুনা। বল্লম, রাণী খুব সয়তানী, চাকর ভুলিয়ে ছেলে নিয়ে পালিয়ে যাবে; আমি দাঁড়িয়ে থেকে কুণ্ড ফেলা দেখব।

জম্বু। রাজা আস্তে পাল্লো না? পার্কে কেন? ও বিড়ম্বা মরবে, মরবে, মরবে। দেখ, দেখ, ঐ আসছে তোর সতীন, সতীন-ছেলে।

লুনা। বাপ, তুই সরে যা; তোর কাপড় বড় খারাপ।

জম্বু। আমি যাচ্ছি; বাঃ—তুই খুব চামারণী! গারক বিষ খেয়ে যেমন হয়, ঐ দেখ, তোর সতীন অগ্নি দিয়েছে। দেখ, আমার শলা শোন্ খানিক, তোর সতীনের ক্রীড়া চাপড়ান দেখ, তার পর ওকে বিকুণ্ড ফেলে দে; আপদ চুকে যাক।

লুনা। না বাপ, ও বুক চাপড়ে কাঁদবে আমি দেখব; যা খেয়ে মরতে চায়, ছোর করে খাইয়ে বাঁচিয়ে রাখব; পর বুক চাপড়ান দেখে, আমার কলিজা ঠাণ্ডা হবে।

জম্বু। আরে, না ওকে বি ফেলে দে, আপদ চুকে যাক।

লুনা। না, তুই যা।

জম্বু। শুন্‌বি নি ঝাড়খাকি? পাছে পস্তাবি।

লুনা। পস্তাই, পস্তাব,—যা।

জম্বু। বেটী চামার আছে কি না।

[জম্বুর প্রস্থান।

(ইচ্ছা, পূর্ণচন্দ্র ও রক্ষকগণের প্রবেশ)

লুনা। কেমন বাঘিনি, কেমন, কেমন রে বর্ষর, আপনার আচরণ মনে পড়ে কি?

ইচ্ছা। পুত্র ভিক্ষা মাগি তোর পায়;

চলে যাই, থাক রে কল্যাণে,

দুঃখিনীর আশীর্বাদ শুন সুলোচনে,—

স্বকুমার শীঘ্র পাবে কোলে,

পতি-পুত্র ল'য়ে সুখে বঞ্চিত, সুন্দরি!

লুনা। সতিনীর আধিবারি—অমৃতের ধার!

মাতা তোর লোটে পায়, দেখ, দুরাচার!

আপনি হারাবি এই অন্ধকূপে প্রাণ,

ঠাকুরাণী মনে বাদ আরে রে অজ্ঞান!

পূর্ণ। ধৈর্য্য ধর জননি আমার,

নহে মোর অধৈর্য্য হইবে প্রাণ;

মৃত্যুকালে সন্তানের কর গো কল্যাণ,

উত্তেজনা কর মা নন্দনে,—

যেন,

চরমসময়ে নাহি নত হয় মন;

যেন,

ঈশ্বর মঙ্গলময় রহে মা স্মরণ।

মাতা,

বিদায় মাগি গো পদে জন্মের মতন,

রাজাদেশ, অনুচর, কর রে পালন।

ইচ্ছা। ওবে, আগে বদ আমার জীবন।

পূর্ণ। কোথায় মঙ্গলময়, হও হে উদয়,

চরমসময়ে যেন না স্পর্শ সংশয়!

(রক্ষকগণকর্তৃক পূর্ণচন্দ্রকে কূপে নিক্ষেপ)

ইচ্ছা। যাই পুত্র, যাই তোর সাথে।

লুনা। সাবধান অনুচর!

রাজার আদেশ নাহি রাণীর বধিতে।

ইচ্ছা। হা পুত্র! হা নয়নের নিধি!

হে শঙ্কর, কি হ'ল আমার?

মূর্ছা।

লুনা। ল'য়ে চল রাজপুরে।

হবে উন্মাদিনী, রবে উন্মাদ-আগারে।

তৃতীয় অঙ্ক

—:°:—

প্রথম গর্ভাঙ্ক

অরণ্যমধ্যে কূপের পাশ

গোরক্ষনাথ, সেবাদাস ও শিষ্যগণ ।

কেদারা—কাণ্ড্যালি

জয় পরমেশ্বর পরম ভিখারি,
কল্পমেকগুরু, যোগ-আচারি ।
তরুতল আলায়, বসন দিশাচয়,
ভীত নিরাশ্রয় ভবভয়হারি ।
হর করুণাকর, বরদাভয়কর,
মদনমানহর, শিব, শুভকারি ।

সেবা । গুরুদেব !

কোথা সাধুভ্রম—

কত দিনে হবে মম সফল জনম ?

পাপ তাপ ভস্ম হবে সাধুর সেবায়,

যুচে যাবে এ' ভব-যন্ত্রণা,

পূর্ণ হবে মনের বাসনা,

সিদ্ধার্থ হইবে লাভ তব কৃপাবলে ?

গোরক্ষ । সাধুভ্রম-দরশন পাবে এই স্থানে ;

জনম যাহার,

ধরামাঝে যোগমর্ষ্য করিতে প্রচার,

শিব-অংশে মহাশৈব জ্যোতির্ময় বপু ।

কূপ হ'তে তোল বারি, পিপাসিত আমি ।

[সেবাদাসের জল আনিতে কূপের নিকট গমন ।

১ম শিষ্য । হেন জন কেবা ?

২য় শিষ্য । গুরুর আশ্চর্য লীলা কহিব কেমনে ?

সেবা । একি !

আছে কি হিংস্রক জন্তু কূপের ভিতর ?

না—রজ্জু বেন করেছে ধারণ,

ছাড়, ছাড়, বৈস কেবা কূপের ভিতর ?

যে হও সে হও, হিত যদি চাও—

তাজ রজ্জু, বারি লই আমি,

পিপাসিত গুরুদেব ।

গ্রেত, ভূত, ব্রহ্ম-দৈত্য, বেতাল, ভৈরব—

টুটিবে গোরব যদি রোষেন শ্রীগুরু ।

পূর্ণচন্দ্র । (কূপ মধ্য হইতে) আমি অভাজন,

ভাগ্যদোষে কূপে নিমগন ;

দয়াময়, এ বিপদে করহ উদ্ধার,

ঈশ্বরের প্রতিনিধি তুমি ধরণীতে—

রক্ষিতে এ অধমের প্রাণ !

গোরক্ষ । কি ও সেবাদাস ?

সেবা । কূপ-মধ্যে রজ্জু কেবা করেছে ধারণ ;

কহে, আমি অভাজন পতিত এ কূপে ।

গোরক্ষ । শীঘ্র তাবে করহ উদ্ধার ।

[সকলের কূপের নিকট গমন ।

সেবা । কে বা কূপমধ্যে ?

রজ্জু ল'য়ে বাধ কটিদেশে,

উঠাই তোমায় ।

(কূপ হইতে উত্তোলন)

গোরক্ষ । মুচ্ছাপ্রায়—কর শুশ্রূষা ইহার ;

পরিচ্ছদে জ্ঞান হয় নৃপতিনন্দন ;

হিম অঙ্গ, অতি দীর্ঘে বহিছে ধমনী,

উষ্ণ কর কলেবর অনল-উত্তাপে ;

অদূরে পাইবে এক সাধুর আশ্রম,

যতনে মুমূর্ষু ল'য়ে রাখ সে আগারে ;

অনল-সেবায় উষ্ণ হ'লে কলেবর,

এ ভস্মকণিকা দিও করিতে ধারণ,

পূর্কমত হবে বল ঔষধের গুণে ;

অপরাত্নে আমি যাব তথা ।

সেবাদাস,

বটবৃক্ষমূলে ওই উদ্ভিদের মূল,

করহ সঞ্চয়, উহা অতীব ছল'ভ ;

যাব প্রয়োজনে,

দেখা হবে সাধুর আশ্রমে ।

[সেবাদাস ব্যতীত সকলের প্রস্থান ।

সেবা । এমন ত উদ্ভিদ কখনও দেখি নি ! এর মূলে

কি প্রয়োজন সিদ্ধ হয় ! না, আমার আর কৌতূহলে

প্রয়োজন নাই । একবার বিষ শিক্ষা ক'রে আমি

কামপরবশ হ'য়ে চামারকে বিষ প্রস্তুত ক'রে দিয়েছি ; না জানি, তার দ্বারা কত গোহত্যা হ'চ্ছে ! আমি সে পাপের অধিকারী ; গুরুরূপা ব্যতীত না জানি, আমার দশা কি হ'ত !

(দামোদরের প্রবেশ)

দামো । ব্যস্ বাবা—পেঁজুপয়জ্ঞার দুই, টাকা ক'টার ত জমাদার শালা আন্ধেক বখ'রা নিলে, তার আন্ধেক পাড়েজীর ; বাকি ক'টা থাকলে ত বছর দুই চলত, তাও ত চোরের পেট ভরালেম্ । এবশে ত ভিক্ষা পাব না—এখন উপায় ? এখন পাড়েজী কি রামসিংজী হওয়া যাক, উদর চালান ত চাই,—ব্যস্ বাবা, হৃদ নাকাল, হাড়ীর হাল ; বেটীরা জটা মুড়িয়ে বাদরনাচ্ নাচালে, বেটীদের শোধ দিই কি ক'রে ? খুন ক'রলে ত ফুরিয়ে গেল ! আর বেটীকে দেখলে জড়সড় হ'য়ে যাই, হাত ত উঠবে না ।

সেবা । এ কেও—দামোদর না কি ?

দামো । (স্বগত) এই রে সেবা শালা ।

সেবা । দামোদর, তোমার এমন দশা কেন ?

দামো । কে তুমি, কাকে কি ব'লছ ?—আমি রামসিংজী ।

সেবা । তুমি পাগল হ'য়েছ না কি ? গলা চেপে কথা কচ্ছ কেন ? আমি চিন্তে পেরেছি ।

দামো । চিনেছ, বেশ করেছ ; হয় আমি সরে পড়ি—নয়, তুমি সরে পড় ।

সেবা । একি, তুমি জটা মুড়ালে কেন ?

দামো । তোর বাবার কি—আমি যদি ছেঁড়াচুল গুল না বই ? জটা মুড়ালে কেন, পাল্লাটী কেমন !

সেবা । দামোদর, ভাই, কি হয়েছে, আমায় বল ; আমায় না বল, যদি কোন দুষ্কর্ম করে থাক—গুরুদেবের চরণে শরণাগত হও—তিনি করুণাময়, তোমায় রূপা ক'রবেন । দেখ, আমিও কোন দুষ্কর্মকে দেখে মুগ্ধ হ'য়ে জটা মুড়িয়ে ছিলাম—আরও কত দুষ্কর্ম ক'রেছি ; কিন্তু রূপাময় আমায় মার্জনা ক'রেছেন ।

দামো । তুমি কি স্ত্রীর পাল্লায় পড়েছিলে না কি ?

সেবা । পৃথিবীতে স্ত্রীরাই প্রধান মায়া ।

দামো । তোমায় সিন্দুর মাখিয়ে ছিল ?

সেবা । সে অশেষ লাঞ্ছনা, সে কথা কেন জিজ্ঞাসা ক'রছ !

দামো । তবে, আমার মতন বাদর নাচ্ টাচ্ সব তোমার হ'য়ে গিয়েছে ?

সেবা । তোমা অপেক্ষা অধিক ।

দামো । তোমায় কি ভুল্লুক সাজিয়েছিল না কি ?

সেবা । সে কথা আর কেন ? দুষ্কর্মের দুরবস্থা ত ঠেকে শিখেছ ; এখন চল, প্রভুর শরণাগত হও, তোমার উপায় হবে ।

দামো । বলি সেবাদাস, তুমি না গুরুর কাছে কতক গুলো অমুখ শিখেছিলে ?

সেবা । দুষ্কর্ম বশতঃ শিখেছিলুম ।

দামো । দেখ ভাই, তোমার পায়ে পড়ি, আমায় যদি একটা অমুখ বাতলে দাও । আমি বেশী চাই নি, শুধু মাগী-বশকরা অমুখটী আমায় শিখিয়ে দাও ; বেটীকে একবার কুকুরের মতন পেছনে পেছনে ঘোরাই ।

সেবা । ছিঃ,—তোমার এখনো দুষ্কর্ম, এত লাঞ্ছনায়ও শিক্ষা হয় নি ?

দামো । সেবাদাস, তুমি আমার বাবা এই উপকারটী কর ভাই ; আজন্মকাল তোমার চেলা হ'য়ে আমি থাকব । দেখ, বড় দাগা দিয়েছে—বড় দাগা দিয়েছে ; না শেখাও একটা সিন্দুর ফিন্দুর প'ড়ে আমার মাথায় লাগিয়ে দাও ।

সেবা । যাও, তোমার সঙ্গে পাপ বৃদ্ধি হয় ।

দামো । ওঃ—ব্যাটার বড়তলা যেন বালাখানা—ছকুম হ'চ্ছে যাও ; অমন সন্ন্যাসীগিরি আমি যোলবছর ক'রেছি—নে আমার কাছে বৃজ্জুকি না ।

সেবা । পাপ-সঙ্কই উচিত নয়, তবে আমিই যাই ।

দামো । যাও কেন—বেটীর চের টাকা, তোমায় আন্ধেক বখ'রা দেব—তোমার পায়ে পড়ি সেবাদাস, আমায় ধুলোপড়া টুলোপড়া একটা দিয়ে যাও ।

সেবা । এর দেখছি সর্সনাশ উপস্থিত,—কোন' প্রকারে একে গুরুদেবের কাছে ল'য়ে গেলে এর উপায় হয় ।

দামো । ভাবছ কি, মনটা একটু নরমেছে ? মনে কচ্ছ—আমি ফাকি দেব, আমি সে মানুষ নই ।

সেবা । দেখ, তুমি গুরুদেবের কাছে চল—অমুখ চাও, যা চাও, মনে ক'রলে তিনি দিতে পারবেন ।

দামো। গুরুদেবের কি ব্যবস্থা হবে জান, সপ্তাহ এক গণ্ডুষ জল আর তুলসী পত্র ভক্ষণ ; তা'তে যদি টিকে যাই, তবে তিনি মুখ দেখবেন। তুমিই আমার গুরু, তুমি যা হয় একটা কর।

সেবা। আমি কি করব— আমি ত অমুখ জানি নি।

দামো। দেবে না ?

সেবা। জানি নি ব'ল্ছি যে।

দামো। তবে যাও, আমি যা জানি করব।

সেবা। কি করবে ?

দামো। কি করব জানলে আর তোমার মতন পাষাণের পাষ দরি ? ভাল কথা—এর এক শোধ আছে— বাবার বাবা আছেই, বেটীর বাবা এক দিন না এক দিন জুটবে, আজ না হয় কাল হয়, এক দিন কেউ না কেউ পিরীতের লোক হবেই—বেশ বেশ বেটীর সামনে সেই ব্যাটাকে খুন করব ! যা শালা, তোর অমুখ ভিণেয় ভ'রে রাখ'গে যা—আমি পেয়েছি, পেয়েছি, পেয়েছি !

[প্রস্থান।

সেবা। উঃ পাপের কি ভীষণ নিম্ন-গতি—গুরুদেব, তুমিই রক্ষাকর্তা !

[প্রস্থান।

দ্বিতীয় গর্ভাঙ্ক

জনৈক সাধুর আশ্রম

পূর্ণচন্দ্র ও গোরক্ষনাথ।

পূর্ণ। প্রাণদাতা, ভয়ত্রাতা পিতা তুমি মম,
রূপায় নেহারি পুনঃ শ্যামলা মেদিনী,
শুনি দীর সমীরণ-ধ্বনি ;
শুনি পুনঃ বিহঙ্গের আনন্দ মিনাদ ;
হেরি দেব, উজ্জল তপন,—
চন্দ্রমা-তারকানালাভূষিত গগন !
পিতৃস্নেহে জন্মাবধি বঞ্চিত অধম—
পুত্র ব'লে পদতলে রাখ, দয়াময় !

গোরক্ষ। শুন বংশ, চল পুনঃ রাজার সদন,
জানি বিবরণ, যাহা করিয়া শ্রবণ

তখনি বধিবে সেই পাপিষ্ঠার প্রাণ।
পুনঃ স্নেহে সিংহাসনে বসাবে তোমাঘ—
জননী তোমার পুনঃ হবে রাজরাণী।

আমার আজ্ঞায় তোরে আদরে রাখিবে,
নাহি ভয়, মম বাক্য অশ্রুতা নহিবে।

পূর্ণ। শুনেছি কাহিনী দেব, জননী'র মুখে,
সন্ন্যাসী'র বরে মম জনম ধরায়,
বরপুত্র সন্ন্যাসী'র—সন্ন্যাসী'তনয়,
পাইয়াছি পরম সন্ন্যাসী দয়াময় !
চরণ-রাজীবরাজে, ল'য়েছি আশ্রয় ;
কমলনয়ন, হও কিঙ্করে সদয়।

গোরক্ষ। শুন বংশ, পিতৃ রাজ্যে যদি তব ঘৃণা,
সম্মিধানে আছে রাজ্য নৃপতিবিহীন—
যথা প্রহ্লাদগণ মন মানিবে বচন,
যতনে বসাবে তোরে সিংহাসনোপরে,
দিব তো'র জননী'রে আনি—
মাতা-পুত্রে স্নেহে বাস কর চিরদিন !

পূর্ণ। ক্ষম দাসে দেব,
ছুরন্ত সংসার—তথা না পশিব আর,
তব পদ যার এ জীবনে,
যদি প্রভু, আশ্রিত এ স্নেহে
নাহি লও সাথে,
পশিয়া বিজনে, মুদিত নয়নে
মগ্ন রব শ্রীচরণধ্যানে,
অনাহারে দিব ছার প্রাণ বিসর্জনে

গোরক্ষ। শুন বংশ !

কঠিন এ সন্ন্যাস আশ্রম।
তুমি আজীবন যতনে লালিত,
এ কঠিন ব্রত কেননে পালিবে বল ?
আজীবন ক্ষীর সর নবনী ভোজন,
দারুণ আশ্রম, কতু অর্দ্ধাশন,
অনশনে যাবে কতু,
সপ্তাহ কাটিবে কতু বারিবিদ্যুপানে।
শীত গ্রীষ্ম ভীষণ তাড়ন,
ঝঞ্জাবাত, ঘোরতর বারিবিদ্যমণ
তরুণম সহিতে হইবে।

বিহীনমঙ্গল, শয্যা—ধরাতল,
 বসন বঙ্কল,
 আচ্ছাদন—শিভূতি কেবল,
 কাঞ্চন-শরীরে বৎস, সহিবে কেমনে ?
 যোগাভ্যাস বিজন কাননে,
 ভীষণ গর্জনে
 ফিরে যথা ছুরস্ত স্বাপদ,
 কোটা কোটা মশকদংশন—
 মনোস্থির হবে কি তোমার ?
 তাই বলি—এই পন্থা কর পরিহার,
 মম বার হবে তোর স্থখের সংসার,
 নরমাঝে নরশ্রেষ্ঠ হইবে সুদীর ।
 অস্ত্রবিদ্যা শাস্ত্রবিদ্যা দিব আমি তোরে,
 আনন্দে হরিবি দিন দারাপুত্রসনে ।

পূর্ণ । বিদ্যা, বুদ্ধি, মান, ধন, রাজ্যের শাসন,—
 নাহি আকিঞ্চন ;
 নাহি নাহি, দারাপুত্রসাধ ।
 তুমি পিতা, তুমি ত্রাতা, বিধাতা আমার,
 তব সেবা ভিন্ন, অণু নাহিক কামনা,
 জীবনমকীম্ব তব শ্রীপদ-অম্বুজ ।
 এক দিন পশিয়া সংসারে—
 বৃষ্টিমাছি অন্তরে অন্তরে,
 স্থখ, দুঃখসম হেয়,
 স্থখে দুঃখে সম টলে মন,
 ভ্রাস্ত নর হয় বিস্মরণ ;
 মঙ্গল আলায় সেই বিভূ সনাতন,
 জেনেছি—বুঝেছি দেব ; করিয়াছি সার—
 জগতে আরাধ্য গুরু, চরণ তোমার ।

গোরক্ষ । তাপিত জননী তোর শক্রর আগাবে,
 ভাব মনে হবে কি দশায়—
 তোমাহারা পাগলিনীপারা,
 অভাগিনী না জানি কেমনে হরে কাল !

পূর্ণ । কৃপাপরবশ হ'য়ে যেই যোগীধর,
 পুত্রবর দিলেন মাতায়,
 প্রভু, ক্ষমা কর—অজ্ঞান তনয়,
 জ্ঞান হয় তুমি দেব, সেই মহাজন,

নহে, কেন প্রাণ মম বার বার বলে,
 “চরণকমলে নে রে আশ্রয়, অধম”—
 তব বাক্যে যদি তাঁর মতি নাহি টলে,
 ‘ঈশ্বর মঙ্গলময়’—না হয় সংশয়,
 যাবে দিন জননীর পরম সন্তোষে,
 শান্তির আগার হবে হৃদয় তাঁহার ;
 কিন্তু, যদি টলে মন, জন্মায় সংশয়
 কোন্ কাজে আসিবে এ অধম তনয় ?
 বরঞ্চ দুঃখের ভার বৃদ্ধি তাঁর হবে,
 গুরুবাক্য সার যার শান্তি সেই লভে ।

গোরক্ষ । বিহনে সাধন বৎস, তুমি যোগীধর,
 যোগীশ্বর শঙ্করের কৃপা তোর 'পরে ;
 যত অন্তর্ধান, যোগ যাগ ধ্যান,
 নিশ্চয়-আত্মিকা-বুদ্ধি লাভের কারণ ;
 সে নিশ্চিত জন্মেছে তোমার,
 বাক্যে তব হয় ভ্রম দূর ;
 শিক্ষা দীক্ষা অতিক্রম করেছ সহজে ।
 শিবপদাম্বুজে চিত রহুক তোমার,
 কর নির্জনে আশ্রম
 হর কাল, হর-আরাধনে ।

পূর্ণ । গুরুদেব !
 তুমি দিগম্বর—শশাঙ্কশেখর,
 ব্রহ্মা, বিষ্ণু, তুমি সনাতন,
 তুমি, জল স্থল অনিল অনল,
 তুমি আদি অনাদি পুরুষ ;
 বাঙ্গা মাত্র তব শ্রীচরণ ।
 তব সেবা করি আকিঞ্চন,
 বঞ্চিত জনমাবধি জনকসেবায়—
 নিত্য ঢালি' পুষ্পাঞ্জলি তব শ্রীচরণে—
 সে বাসনা করিব পূরণ ;
 বিড়ম্বনা করো না হে, তনয়ে তোমার,
 অধিকার দেহ, প্রভু, গুরুর সেবায় ।

গোরক্ষ । শুন বৎস, আছে মম পণ,
 সেবা যার করিব গ্রহণ—
 ভাল মন্দ যবে যা বলিব,
 তখনি সে করিবে পালন ।

কহি যদি করিবারে কুংসিং আচার,
না করি' বিচার,
তখনি সে করিবে স্বীকার ;
এ নিয়মে যদি বৎস, ওঠে তোর মন,
সেবায় নিযুক্ত রহ আমার সদন ।
পূর্ণ । বল দিও, গুরুদেব, ধরি শ্রীচরণ,
পারি যেন তব আজ্ঞা করিতে পালন ।
নিজ্জ বলে বলহীন দীন নরাধম,
কেবল ভরসা তুমি পতিতপাবন ।
গোরক্ষ । দণ্ড ধর—ধর বাঘাস্বর,
ভস্ম-আচ্ছাদিত কর হেমকলেবর,
আজি হ'তে তব সেবা করিব গ্রহণ,
(জনৈক শিষ্যের প্রতি)
নবীন সন্ন্যাসী ল'য়ে করহ গমন ;
সুন্দরার পুরে পাবে মম দরশন ।

[শিষ্যেব সহিত পূর্ণচন্দ্রের প্রস্থান ।

(সেবাদাসের প্রবেশ)

সেবাদাস, বিলম্ব তোমার কি কারণ ?
সেবা । আসিয়াছি কিছু অগ্রে,—ছিলাম কুটীরে,
প্রভু, দেখা হ'ল দামোদর সনে ।
গোরক্ষ । পশ্চাৎ শুনিব বিবরণ ;
সে অতি দুর্জন,
কদাচ না কর সঙ্গ তার ;
বিপাকে ঠেকিবে, যদি বাক্যে কর হেলা ।
পেয়েছ কি সাধু-দরশন—
ওই নবীন সন্ন্যাসী,
অঙ্ককূপ হ'তে যারে করিলে উদ্ধার ?
সেবা । রাজার নন্দন, ছিল সংসারমাঝারে,
সাধুভ্রম কেমনে হইল সেই জন ?
গোরক্ষ । সংশয় না কর বৎস, আমার বচন ;
কিছু দিন রহ ওই মহাজনসনে,
বুঝিবে সকল বিবরণ ।
বিনা দোষে নিষ্কিপ্ত হইল অঙ্ককূপে ;
তথাপি হৃদয়ে দৃঢ় রাখিলা বিশ্বাস,
'ঈশ্বর মঙ্গলময়—করুণাআলয়' !
বহু পুণ্যে হয় বৎস, হেন জ্ঞানোদয় ;

হের—

কাঞ্চনকিরীটী উষা সমাগত প্রায় ;
এস করি শিবগুণগান ।

(শিষ্যগণের গীত)

ভৈরো—একতালা ।

যোগাসনে মহাধানে মগ্ন যোগীবর ।
অনন্ত তুমারে যেন অনন্তশেখর ॥
প্রলয় নীরব মাঝে, একাকী পুরুষরাজে,
ভয়ে অগ্নি ভস্ম সাজে, চাকে কলেবর ।
শিশু শশী নাহি আর, অঙ্ককার নিরাকার,
এক—নাহি দুই আর, প্রকৃতি নিখর ।
কাল বন্ধ বর্তমানে, বোম্বকেশ বোম্ব পানে,
নিভা সত্য পূর্ণ জ্ঞানে পূর্ণ মহেশ্বর ॥

[সকলের প্রস্থান ।

তৃতীয় গর্ভাঙ্ক

অতিথিশালা

সুন্দরা ও সারী ।

সারী । আহা, এমন সুন্দর রাজকুমার এল, কেন
বিদায় ক'বলে বল দেখি ?
সুন্দরা । কি লো, তোর মনে ধ'রেছে না কি ?
সারী । তা যাই বল ভাই—আমার খুব মনে ধ'রেছে ।
সুন্দরা । তবে তুই কেন তারে নে না !
সারী । পদ্মের সাধ ত ভাই, আর ঘেঁটু ফুলে মিটবে
না ;—আমি ত আর তোমার মতন মন ভুলাতে জানি নি ।
সুন্দরা । আয়, তোরে শিখিয়ে দিই আয় । তুই যেন
আমার নাগর প্রাণনাথ, তোমার চন্দ্রবয়ান দেখে আমার
প্রাণ আন্‌চান্‌ করছে । দূর মড়া, কথা ক না,—হৃদয়েশ্বর !
বচন সুধা দান কর, আমি ভূষিত চাতকিনী নবখন-দরশনে
বারি আশে এসেছি—প্রাণেশ্বর !—না ভাই, একলা হয় না,
তুই অম্বনি বোবা হ'য়ে থাকবি ?
সারী । বলি তোমার রকম কি ? সন্ন্যাসীর মাথা
মুড়াও, আমার কি নাক-চুল কাটবে না কি ? মিস্ত্রীগলোর
অপরাধ দেব কি,—তোমার কথা শুনে আমারই প্রাণ
কেমন ক'রে ওঠে ।

সুন্দরা। আ মরি! রমের নাগরী লো, আমি কি তোমার নাগর, যে প্রাণ শিউরে উঠছে? ভাল ভাই—

সারী। ভাল ভাই, তোমার এ কি পরখ করা? সম্যাসী কি সকলেই কামজয়ী হয়েছে? তোমার রূপ দেখলে স্বয়ং মদন মুগ্ধ হয়, সম্যাসী সত্যি হোক, মিথ্যা হোক, তোমার এত পরখের দরকার কি ভাই?

সুন্দরা। পরখ কি? আমায় কি লোকের সঙ্গে কথা বইতে মানা করিস?

সারী। মানা করি—কেন লোকের সর্বনাশ কর? সে সম্যাসীটে এখন তোমায় ভুলতে পারে নি, তোমার দেখা পাবে বলে বাড়ীর চারিদিকে দেখি বেড়াচ্ছে; তুমি জান না, তোমার কটাফে মদনের ফুলশর।

সুন্দরা। মদন—মদন কি করে?—পঞ্চশর, ফুলধনু, তলু জর জর,—তুই যেমন, ও লোকের ঞাকামো!

সারী। যখন ফাঁদে পড়বে, তখন টের পাবে।

সুন্দরা। ফাঁদে পড়ব বই কি—ফাঁদে পড়ব না! প্রাণত' আমার না কার? যে আপনার প্রাণ না স্থির ক'রতে পারে, তার গালে আমি ঠোনা মারি।

সারী। দেখিস্ লো, এক দিন আমিও মারুব।

সুন্দরা। আচ্ছা, তখন ঠোনা মারিস্, এখন ত হাওয়ার যত ফুলে ফুলে বেড়িয়ে বেড়াই, কি লো—কি লো, গানটা কি লো?

(সুন্দরা ও সারীর গীত)

মিশ্র সিকুড়া—কাশ্মিরী খেমটা।

ধরা ত দেয় না হাওয়া, ফুলে ফুলে চ'লে যায়।

একলা খেলে একলা চলে, মন যেথা তার ধায় ॥

হাওয়া কারুর কথা রাখে না, মন ছুটে ত একটু থাকে না,

উষার বরণ চাঁদের কিরণ গায়ে মাখে না;

এই ধীর জলে কমল দোলে, এই নাচে লহর-মালায় ॥

সুন্দরা। বাঃ বিবিজ্ঞান! ই্যারে, আজ্ যে অতিথ আসছে না?

সারী। যে তোমার নাম বেরিয়েছে, বলে—

হেঁলে ধরার ভয় হ'য়েছে, ক'ছে লোকে কাণাকাণি।

ও পথে যেও না রে, ও সোণার যাদুগনি ॥

ওলো ব'লতে না ব'লতে ওই দেখ্ লো—শীকার! ও ফিলা, অবাক হ'য়ে কি দেখ্ছিস্? কি লো, তোর যে আর মিমিষ পড়ে না!

সুন্দরা। সারি—সারি, কে ও নবীন সম্যাসী?

সারী। আ মরু ভাণ করছিস্ নাকি? আমার সঙ্গে আবার ভাণ কিসের লো? ওগো, আগে কাছে আসুক, কথা শুনে পাক্, তার পর বলিস্ এখন—চাঁদবদন, বিদ্যধর, চকোরনয়ন, তোর যে আর কি কি আছে—ছড়া কাটাস্ এখন।

সুন্দরা। সারি—সারি, এত দিনে আমার গর্ভ খর্ব হ'ল; ঐ নবীন যোগী আমার প্রাণেশ্বর, আমি ওঁর দাসী; দেখ্—দেখ্, দাঁড়িয়েছে দেখ্; যোগীবর আপনার ধ্যানেই মগ্ন। সংসারদৃষ্টি শূন্য, আমি দেখেই পরাজয় স্বীকার ক'রেছি; সারি, আমার প্রাণপতির দর্শন পেয়েছি।

সারী। আগে তোমার রূপ দেখে অম্মনি থাকে, তবে ব'লো; চোখ'চকি হ'লে আবার ভাব না বেরিয়ে পড়ে।

সুন্দরা। সারি, সারি, এ বন-বিহঙ্গ আমার ধরবার সাধ্য নাই; বোধ করি, পুরে প্রবেশ কর'বেন না।

নেপথ্যে।—কে আছ?—ভিক্ষা দাও।

সুন্দরা। আহা, বীণা-বিনিন্দিত ধ্বনি! সারি, এ দিকে ডাক্।

সারী। যোগীবর, এ দিকে আসুন।

নেপথ্যে।—আমি তরুতলবাসী,—পুরে প্রবেশ নিষেধ।

সুন্দরা। সারি, বল এ অতিথ-শালা।

সারী। এ অতিথ-শালা—কারুর বাসস্থান নয়।

(পূর্ণচন্দ্রের প্রবেশ)

পূর্ণ। একি সাক্ষী সুন্দরাদেবীর অতিথশালা?

সারী। ই্যা।

পূর্ণ। রূপা ক'রে দেবীকে ডেকে দিন, আমি তাঁর হস্তে ভিক্ষা ল'ব; নারীকূলে তিনি বচা; গুরুদেব আমায় তাঁর হস্তে ভিক্ষা নিতে আদেশ দিয়েছেন; তিনি গোরক্ষ-নাথের রূপাভাজন—আমি তাঁর চরণোদ্দেশে প্রণাম করি।

সুন্দরা। ছি! ছি! যোগীবর, করেন কি? দাসীর নাম সুন্দরা।

পূর্ণ। আপনি পুণ্যবতী; আপনার চরণরূপায় আমি গুরুদেবের সেবা ক'রব—ভিক্ষা দিন।

[সুন্দরার ভিক্ষা প্রদান ও পূর্ণচন্দ্রের প্রস্থান।

সুন্দরা। দেখ্ সারি, সত্য মিথ্যা বোঝ্, যেমন এই

প্রস্তুতখণ্ডের প্রতি দৃষ্টিপাত ক'রলে না, তেমনি আমার প্রতিও দৃষ্টিপাত ক'রলে না।

সারী। তাই ত! আর কিছু নয়, রোদে ঘুরে ঘুরে গাঁজা খেয়ে ভোম্ হ'য়ে আছে, অত ঠাণ্ডা করে নি।

সুন্দরা। না, সারি, তুমি বোঝ না; আমি যোগীর লক্ষণ পড়েছি—সে সমস্ত লক্ষণ এই নবীন সন্ন্যাসীতে বিরাজমান; উচ্চ ধ্যান, শূন্য-দৃষ্টি প্রকাশ ক'রছে—হৃদয়ে ঈশ্বরপদ বিরাজিত, তথায় আমার গ্রায় তৃণের স্থান নাই।

সারী। আ মরি! ঐ দেখ আবার আসছে।—

দারুণ রূপের ফাঁদে, রবিশশী প'ড়ে কঁাদে,

গতিহীন হয় সমীরণ।

উথলে সাগর জল, ঢ'লে প'ড়ে হিমাচল,

বাঁধা পড়ে আপনি মদন!

কি সন্ন্যাসী ঠাকুর, আবার ফিরে এলে যে?

(পূর্ণচন্দ্রের পুনঃ প্রবেশ)

পূর্ণ। দেখুন সুন্দরাদেবি, আমি সন্ন্যাসধর্মের নিয়ম জানিনি,—আমি আপনার মণিমুক্তা গ্রহণ ক'রে গুরুদেবের নিকট অপরাধী হ'য়েছি; গুরুদেব ভোজ্যবস্তু ব্যতীত গ্রহণ করেন না। আপনার মণিকাঞ্চন গ্রহণ করুন—রূপা ক'রে কিঞ্চিৎ ভোজ্য সামগ্রী আমায় দান করুন।

সুন্দরা। আপনার গুরুদেব কোথায় অবস্থিতি ক'রছেন?

পূর্ণ। তিনি অদূরে বটবৃক্ষমূলে বিশ্রাম ক'রছেন; রূপা ক'রে আমায় ভোজ্য-সামগ্রী দিন—গুরুসেবার সময় অতীত হ'চ্ছে।

সুন্দরা। আপনি রূপা ক'রে আমার পুরে আসুন—যত ইচ্ছা ভোজ্য-সামগ্রী ল'য়ে যান।

পূর্ণ। দেবি, সন্ন্যাসীর পুরী প্রবেশ নিষেধ।

সুন্দরা। রূপা ক'রে পদার্পণে পুরী পবিত্র করুন।

পূর্ণ। যথায় আপনার আবাস, সেই স্থানই পবিত্র; যোগীশ্বর গোরক্ষনাথ যখন আপনার নিকট ভিক্ষার্থে পাঠিয়েছেন, আপনি সামাণ্ডা নন; কিন্তু, রূপা ক'রে মার্জনা করুন, পুরী প্রবেশে সন্ন্যাসত্রত ভঙ্গ হয়।

সুন্দরা। আমার পুরীর দ্বারে আসুন, আমি খাণ্ডব্রব্য ল'য়ে প্রভু গোরক্ষনাথ-দর্শনে যাব।

পূর্ণ। আপনি অতি পুণ্যবতী, প্রভুর দর্শনে আপনার মনস্কামনা পূর্ণ হবে।

সুন্দরা। যোগীবর, সত্য কি মনস্কামনা পূর্ণ হবে? দেখ—মিথ্যা আশ্বাস দিও না।

পূর্ণ। দেবি, উঠুন; আমি প্রভুর দাসাশুদাস—আমায় এত বিনয় কেন? আপনি ঈশ্বর-দর্শনে যাবেন, আপনার অবশ্যই শান্তিলাভ হবে।

সুন্দরা। আমি শান্তি চাই নি, স্বর্গ চাই নি, মোক্ষ চাই নি, হে নবীন সন্ন্যাসি, বল, আমি যা প্রার্থী, তা পাব?

পূর্ণ। কল্পতরুপদে যা যাচিঞা ক'রবেন, তাই পাবেন।

সুন্দরা। প্রভু গোরক্ষনাথ, দেখো যেন তোমার শিষ্যের বাক্য মিথ্যা না হয়।

[সকলের প্রস্থান।]

চতুর্থ গর্ভাঙ্ক

অরণ্য

গোরক্ষনাথ ও শিষ্যগণ।

গোরক্ষ। শুন শিষ্যগণ,

প্রত্যক্ষ দেখিবে কিবা পরীক্ষা কঠিন;

সুন্দরা সুন্দরী—

বিধাতার নিষ্কর্মে গঠন;

কলেবরে ঋতুরাজ যেন বিরাজিত;

মদন ধরিয়া ধমু নয়নে প্রহরী;

হেরি' কেশদাম

অভিমাণে ঝরে কাদম্বিনী;

বরণ-প্রভাবে চঞ্চলা দামিনী;

সহ সহচরী নিতম্বে প্রহরী রতি;

নেহার অদূরে কিবা বিধাতার ঘাঁদ—

মনে মনে বুঝ এবে যত শক্তি যা'র!

(সুন্দরা, সারী ও পূর্ণচন্দ্রের প্রবেশ)

সুন্দরা। ধর প্রভু, অধিনীর উপহার;

ওহে যোগীবর, ওহে বাঘাঘর,

ত্রিপুরারি নরকলেবরে,

আমি অভাগিনী, স্তুতি নাহি জানি,

নিজ গুণে কৃপা কর করুণানিদান ;
পূজা ধর আশুতোষ জটাধারি !
কর দয়া,—কিঙ্করী তোমার ।

গোরক্ষ । বিনয় বচনে তুষ্ট হয়েছি কল্যাণি !
হোক তব অতীষ্ট পূরণ —
চাহ বর, স্নেহশিনি, যে বা তব মন,
যাহা চাহ মম বরে হবে সম্পূরণ ।

সুন্দরা । কিবা নাহি জান, প্রভু, অতুর্য্যামী তুমি ;
সরমে জড়িত জিহ্বা, বচন না সরে,
বৃক্ষ মর্ম্ম হে মনোজ্ঞ, বিভূতিভূষণ,
বড় আশে ল'য়েছি হে চরণে শরণ ।
ধর্ম্ম অর্থ কাম মোক্ষ কিছু নাহি চাই,
মনোমত ভিক্ষা দেহ দাসীরে, গৌসাই,
অবলায় রাখ পায় ঘুচাও বিষাদ—
দেহ হৃদয়ের চাঁদ—পূর্ণ কর সাধ ;
অভিলাষী দাসী—তব নবীন সন্ন্যাসী—
মম প্রাণেশ্বর, আমি পদে চিরদাসী ।

গোরক্ষ । দিলাম তোমারে, তব যেবা অভিলাষ ;
ল'য়ে যাও সন্ন্যাসীরে,
যাও যোগী, বামার সহিত—
অঙ্গীকার রক্ষা কর মোর ।

পূর্ণ । যেন রহে পদে মতি, নাহি জন্মে ভ্রম ।

সুন্দরা । কল্পতরুপদে মম পূর্ণ মনস্কাম ।

পূর্ণ । অমৃত ত্যজিলি হায়, বিধি তোরে বাম !

[সুন্দরা, সারী ও পূর্ণচন্দ্রের প্রস্থান ।

সেবা । প্রভু, একি লীলা তব ?

পাপ-ইচ্ছা পুণাইতে চাহিল পাপিনী ।

অর্পিলেন নবীন যোগীরে তার করে ?

গোরক্ষ । পরীক্ষায় হয় পার, সেই শ্রেষ্ঠ যোগী,

যার অঙ্গে নাহি বিষ্ণে অঙ্গনা-নয়ন,

কাঞ্ছনে না টলে যার মন ;

স্বযোগে আসক্তি যারে টলাইতে নারে,

সেই নরোত্তম ;

তার সাজে সন্ন্যাস-আশ্রম ;

হেন সাধু লভিলে জনম,

পবিত্র এ বসুমতী ;

পরীক্ষা করিয়া লব ভক্তেরে আমার ।

শিষ্যগণের গীত

মধুমাধব—চৌতাল ।

ঘোর গভীর বিষণণ বাজে,

বিভূতি-ছাদিত ধূর্জটি সাজে ।

জ্বালা উজ্জ্বল, ভাল বিভাসিত,

ভুজঙ্গমালা, গলে বিলম্বিত ;

ভৈরব সঙ্গীত, ভূধর বিকম্পিত,

সংবিদা চল চল, ত্রিনয়ন-উৎপল,

ডমক ডিমিডিমি জলধর গাজে !

গোরক্ষ । চল, মম কার্য পূর্ণ হয়েছে নগরে,

চলহ সহর পূজা করি দিগম্বরে ।

[সকলের প্রস্থান ।

চতুর্থ অঙ্ক

—:—

প্রথম গর্ভাঙ্ক

রাজপথ

সারী ও সেবাদাস ।

সেবা । বল কি ? তুমি যে আমায় আশ্চর্য্য করলে !
সুন্দরাকে দেখলে মহাদেবের ধ্যান ভঙ্গ হয়, আমরা ত
যোগী ! দৃষ্টিমাত্র আমাদের মনও বিচলিত হ'য়েছিল ;
গোরক্ষনাথের কি হ'য়েছিল জানিনি, অণু সকলে মুগ্ধ হ'য়ে
চেয়ে রইল ।

সারী । কিন্তু, এ যোগীরাজের নিকট মদনের গর্ভ
ধর্ক, নারীর দর্প এ'র নিকট চলে না ।

সেবা । আমি যে তোমায় বলেছিলুম, উত্তম উত্তম
আহার দিও—

সারী । তা কৈ, তিনি গ্রহণ করেন কৈ ? কোন
দিন অনশন, কোন দিন একটা ফল আহার ।

সেবা। শিব-পূজা ত নিত্য করে, তোমায় যে ব'লে
দিলেম, শিবের ভোগে নানাবিধ সামগ্রী দিও।

সারী। তা ক'রে দেখেছি ; প্রসাদ কণিকামাত্র ধারণ
করেন, বাকী অতিথ-ফকিরদের দেন।

সেবা। অতিথ-ফকির কাছে আসতে দাও কেন ?
তা' হ'লে প্রসাদ ফেলতে পারবে না।

সারী। কেউ না থাকলে হোমকুণ্ডে ভস্ম ক'রে
ফেলে ; আপনি যদি অবলার প্রতি রূপা ক'রেছেন—কোন-
রূপ উপায় করুন ; আমার সখীর পূর্ণচন্দ্রের ত্রায় কাস্তি—
দিন দিন কলায় কলায় ক্ষয় হ'চ্ছে ; অধরে সে রাগ নাই,
নয়নে সে জ্যোতিঃ নাই ! এ দারুণ মনোভঙ্গে যে প্রাণ
থাকে, এমন আমি বুঝি না ; আহা ! ঘোর বরিষায় সে
বসন্তকোকিল নীরব ; নয়ন-নীরদে ঘন বরিষণ ; নিশ্বাস
—প্রলয় পবন ; 'আহা, উছ'—কঠোর বজ্রের নাদ ! রূপা
ক'রে এ ছুদ্দিন দূর করুন। ঠাকুর, এ যন্ত্রণা আর দেখা যায়
না, আপনি যা চ'ান. আপনাকে তাই দেব।

সেবা। আমি কিছুই চাই না ; সুন্দরা সখী হউক—
এই আমার অভিলাষ।

সারী। ঠাকুর, সে দারুণ সন্ন্যাসী ; বুঝি সুন্দরার সখ
এ জন্মের মতন বিদায় নিয়েছে।

সেবা। উপায় আছে।

সারী। ঠাকুর, যদি উপায় করেন—কিনে রাখেন।

সেবা। তুমি স্ত্রীলোক ; তোমায় ভয় হয়—পাছে
প্রকাশ কর।

সারী। ঠাকুর, আমি শিবের মাথায় হাত দিয়ে
ব'লতে পারি, আমি কখন' প্রকাশ ক'রব না।

সেবা। তোমাদের উপকারের জন্ত আমি এত ক'চ্ছি—
যদি প্রকাশ কর, তা হলে আমায় গুরু তাড়িয়ে দেবেন,
লোকে ভণ্ড ব'লবে। কোন সন্ন্যাসীর সঙ্গেতে স্থান পাব
না ; যা তোমায় দেব, তা সন্ন্যাসীর স্পর্শ ক'রতে নাই ;
সুধু তোমার বিনয়ে তোমায় আমি দিচ্ছি ; দেখ' প্রকাশ
ক'রো না।

সারী। ঠাকুর, প্রাণ থাকতে নয়।

সেবা। শেষ উপায় এই। (দ্রব্য দেখান) কোন
সুযোগে যদি সন্ন্যাসীকে এই দ্রব্য খাওয়াতে পার, তা হ'লে
তৎক্ষণাৎ তোমার সখীর পদে দাস হবে ; এর নাম সুরা।

সারী। ঠাকুর ! এতে ত প্রাণের আশঙ্কা নাই ?

সেবা। না।

সারী। এ খাওয়ালে কি হবে ?

সেবা। কর পান, দ্রব্য-গুণ হবে অবগত ;

অপার মহিমা, সুরা পাপসহচরী ;

উন্মাদ করিতে ধরা ধাতার সৃজন।

ব্রহ্মা বুঝি সুরার সেবায়

মুগ্ধমতি—হেরে তনয়ায়,

হুহিতায় দিল ধাতা প্রেম-আলিঙ্গন ;

পুৰন্দর, শশধর, গুরুপত্নী হরে ;

শঙ্কর কোঁচের নারী রত !

সুরার সেবায়—

লোক-ধর্ম তখনি পলায়,

হয় ভূপতি ভিখারী,

অতি শাস্ত নর—হত্যাকারী,

বীর দীর,—তাজি' তরবারি,

দাসত্ব-শৃঙ্খল পরে ;

বিছাবান্ হয় জ্ঞানহীন,

শিশু সম আচারে প্রবীণ,

জিতেন্দ্রিয়, নারীর ঈর্ষিতে ফিরে,

যোগী যোগ ত্যজে কুকুরীতে ভঙ্গে,

ধরে নর পশুর প্রকৃতি !

মদিরা মহিমা তুমি জান না—জান না,

লও সুরা, যাও তুরা, পুরিবে বাসনা।

সারী। এ যদি বিফল হয় ?

সেবা। “ন হরিঃ শঙ্করো ব্রহ্মা।” তা হ'লে আর
উপায় নাই।

সারী। দেখি, ঠাকুর, কি হয়।

[সারীর প্রস্থান।

(দামোদরের প্রবেশ)

দামো। (স্বগত) বলি, সেই বেটীর সেই বেটা না ?

সেবাদাসের সঙ্গে কি ক'বলে ? আহা—আহা, তনুতে

পেলেম না ! (প্রকাশে) বলি, সেবাদাস যে, শোন না

শোন না।

সেবা। না, পথ ছাড়।

দামো। বলি, অত রাগ কেন? একটা কথাই শোন না। সেকলে আলাপ, তাই জিজ্ঞাসা করছি—কেমন আছ?' বলি, আমার মুখ দেখলে আর তোমার জাত যাবে না! তুমিও তোমার গুরুদেবের কথা তুলো না, আমিও তাঁর কথা কইব না, অত ছ' একটা কথা কই এস না। দেখ, তোমরা ভাই কুরুট, আমাদের সাদা প্রাণ,—যার সঙ্গে একবার আলাপ হ'ল, তারে না দেখলে প্রাণটা কেমন করে।

সেবা। (স্বগত) ভাল, দামোদরকে জিজ্ঞাসা করি—ও কেন চলে এল?

দামো। বলি, ভাবছ কি—ওই ছুঁড়ীটের, না এই ছুঁড়ীটের রূপের কথা?

সেবা। আচ্ছা দামোদর, তোমায় একটা কথা জিজ্ঞাসা করি, তুমি গুরুর কাছ থেকে চলে এলে কেন?

দামো। কাজ কি ভাই ও কথায়? তুমি ব্যাজার হ'য়ে দৌড় মারবে, তা'র চেয়ে অত কথা কও।

সেবা। না, তুমি বল না আমি শুন'ব—আমার ঘেন কেমন কেমন ঠেকছে; আর যা থাকুক বা না থাকুক, গুর পক্ষপাত আছে।

দামো। বলি, কোন্টী নাই বল দেখি? ছেলেটা আছে, বলা আছে মানস-পুত্র; লোককে রূপা ক'রে ক্ষীর সর নবনী ভোজন টুকু আছে; রূপা ক'রে শিষ্যদের দিয়ে পা-টা টেপান গুলি আছে!

সেবা। সে তুমি মিছা বলছ; উনি ত আর বলেন না; শিষ্যেরা পদসেবা ক'রতে চায়, তাই।

দামো। আমিও ত বলছি, যে রূপা ক'রে গা-টা টেপান আছে; বলি, নাই কোন্টী—আমায় দেখাও!

সেবা। ভাল, তুমি চলে এলে কেন?

দামো। বলি, তুমি চলি চলি ক'রছ কেন?

সেবা। আমি চলি চলি করি নি; আমার মনে একটা সন্দেহ হ'য়েছে।

দামো। আরে, ছি! ছি! গুরুদেবের প্রতি সংশয়! ও লীলা, ও ত আর তুমি আমি নয়, ও লীলা, লীলা।

সেবা। তা গুর পক্ষপাত টুকু আছে।

দামো। তা আছে, আমায় কাটাই আর মারই।

সেবা। দেখ, একটা রাজার ছেলে, তাকে পাতকুণ্ড ফেলে দিয়েছিল—

দামো। হাঁ, হাঁ, হাঁ, শালকোটের রাজার ছেলেকে ফেলে দিয়েছিল বটে, আমি শুনেছি।

সেবা। শুনেছ? আচ্ছা, তোমার কি বোধ হয়, সংমাকে কি কিছু বলেছিল?

দামো। তোমার বুদ্ধির দৌড়টা আগে শুনি।

সেবা। আমি মনে ভাবি,—একছেলে, রাজা কি না বিচার করেই পাতকোয় ফেলে দিলে?

দামো। এই বোঝ, পথে এস।

সেবা। দেখ, ভাই, সেই ব্যাটাকে পাতকো থেকে তোলা গেল, তিনি হ'লেন সাধুভ্রম, প্রভুর মানস-পুত্র! আর আমরা এতদিন জটা রাখলেম, ভেস্তে গেলেম! তাঁর মণি-কাঞ্চন ছোঁওয়ায় নিষেধ নাই, তাঁর গৃহস্থের বাড়ী যাওয়ায় নিষেধ নাই, তাঁর মেয়ে মানুষের সহবাসেও নিষেধ নাই; আর আমাদের তরুতল—বাস, কাঞ্চন—লোষ্ট্রবৎ, পরদার—মাতৃবৎ!

দামো। বলি, মানস-পুত্র ত? গুর ও লীলা, গুর ও লীলা!

সেবা। দেখ ভাই, আমার সকল সহ হয়, কিন্তু, সে কালকের ছোড়া—তার যে সেবা ক'রবে—তা ভাই পারবে না।

দামো। আমার কাছে অত হাত-পা নাড়া কেন? আমি কি তোমায় মাথার দিব্যি দিচ্ছি 'সেবা কর, কর, কর'?

সেবা। দেখি আর দিন কতক।

দামো। দেখ; তা'র পর যখন তোমার সমাধি হবে, নিশ্চিন্ত হইও; আমি তোমায় এক কথায় বলে দিই, আর গুর ঠেঁয়ে কিছু নাই; যে কয়টা আসন ছিল, মেরে দেওয়া গিয়েছে। মিছে কেন তলুবি বওয়া? তেমন একজন গুরু পাওয়া যায় ত দিনকতক শিষ্য হওয়া যাবে। যেমন পুষ্প হ'তে পুষ্পান্তরে ভ্রমর যায়, তেমনি একজন গুরু হ'তে অপর গুরুতে শিষ্য যেতে পারে।

সেবা। না, না, যখন এত দিন আছি—তখন একটা শেষ না করে ছাড়িনি।

দামো। হাঁ, যখন ডুবেছ, তখন পাতাল দেখে ছেঁড়;

আমি বুঝেছি—শেষ করে, না শেষ হ'য়ে ছাড়ছ ; ও
ছুঁড়ীটের সঙ্গে কি কথা ক'চ্ছিলে ?

সেবা। কোন্ ছুঁড়ী ?

দামো। বলি ঐ যে, যার সঙ্গে ফুশ্ ফুশ্ ক'রছিলে,
বল না ?—আমি কি আর কেড়ে নিচ্ছি !

সেবা। ঐ যার সঙ্গে কথা ক'চ্ছিলুম ? ও এক মাগী ;
(স্বগত) সুরা দিয়েছি, দেখেছে কি ? ব্যাটা ভারি
গুলো, ব'লে বেড়াবে—আমার ভারি নিন্দা হবে।

দামো। বলি ভাবছ কেন, আমাদের সে কেলে
আলাপ বল না ? আমি কি আর কারকে বলতে যাচ্ছি !

সেবা। তুমিও যেমন, ও আবার কে ? শুকে কি আর
আমি চিনি ? আমি চল্লিশ ভাই, গুরুর সেবার সময়
উপস্থিত।

[প্রশ্নান।

দামো। ঠিক ঠাক ; যা ভেবেছি তাই ; শালা, গুরুর
সেবা ? আমি খপর রাখি নি ? গোরক্ষনাথ হেথা নাই,
তাকি আমি জানি নি ? শালা ঐ সখীবেটীকে হাত
করেছে। ওহো, শুনেছিলেম সুন্দরা গোরক্ষনাথের কোন্
চেলার পিরীতে পড়েছে—সে এই ব্যাটা ; খুব ষণ্ডাষুণ্ড
আছে না ; আমার ঠেয়ে সন্ধান পেয়ে শালা অশুধ করেছে।
শুনেছি, কুকুরের মতন পেছনে পেছনে ছুটেছিল। অশুধ
করেছে বৈকি। দেখি, যদি ঠিক ঠাক হয় ত ঐ শালাকে
খুন ; তবেই আমার প্রাণ ঠাণ্ডা হয়। বেটী প্রাণের
জ্বালায় যখন ছট্ ফট্ ক'রে কাঁদবে, আমি সাম্নে দাঁড়িয়ে
হাসব, তবে মনের জ্বালা মিটবে ! থাক্ বেটী ! বাবা,
দশদিন চোরের, এক দিন সাধের !

[প্রশ্নান।

দ্বিতীয় গর্ভাঙ্ক

সুন্দরার বাটী

সুন্দরা ও সারী।

সারী। তুমি কোথা গিয়েছিলে ?

সুন্দরা। শিবের মন্দির মার্জনা ক'রতে।

সারী। কেন, একি সখ ? দশজন ব্রাহ্মণপত্নী ঐ
কাজে রয়েছে।

সুন্দরা। যোগীবরে সমর্পণ করেছি জীবন ;

শুন, সখি, নহি আর রাণী,

আমি হ'য়েছি যোগিনী ;

নাই অন্য জন—

একমাত্র আমি তাঁর দাসী—

কে করিবে পূজা আয়োজন,

মন্দির মার্জনা, কুসুম-চয়ন,

আসন-প্রস্তুত মম ভার।

সারী। আহা !

কেন, সখি, হ'লি পাগলিনী ?

মরি, উন্মাদিনী, বিষাদ মগনা,

দিবানিশি রোদন করেছ সার !

মরি, মরি, চাঁদ-মুখ মলিন নেহারি,

কিসে ধৈর্য্য ধরি ?—

কিঙ্করী লো তোমার সজনি।

আহা ! বিধি এত তোর লিখেছিল ভাল ?

এল কত জন সুন্দর, সুধীর

রাজপুত্র ; পদে ধরি' করিল রোদন ;

ছি ! ছি ! একি বিধি-বিড়ম্বন—

মজ্জিলি পাষণ-প্রাণ যোগীর প্রণয়ে !

না জানি, এ কেমন নির্দয়,

বুঝি বিধি প্রসূরে গঠিল ;

নহে, কেমনে সে সহে,

কেমনে নেহারে,

দিন দিন বিমলিনী বিকচ নলিনী ?

সুন্দরা। সখি, সম্রাসীর নাই দোষ ;

যবে মম প্রণয়-আশায়,

ধরি' পায়, রাজপুত্র করিত রোদন

বিনয়বচনে ঘৃণা হ'ত মনে ;

ভাবিতাম—একি হীন প্রাণ !

হায় ! তখন না জানি—

মদনের দারুণ শাসন !

ফুলধনু প্রতিফল দিতেছে আমায়,

নাহিক উপায় ;

এ জীবন রোদনে কাটাব ;

দি'ছি স্থান যোগীবরে হৃদয়-আগারে,

তিনি মম স্বামী,
বঞ্চিব দিবস যামি তাঁর ধ্যানে আমি।
সারী। শুন সখি, আছে এক উপায় ইহার।
আমি—

তোর তরে বিকল অন্তরে
দেবালয়ে রয়েছি দাঁড়ায়ে,
অকস্মাৎ আসে তথা সন্ন্যাসী জনেক ;
শুনিয়া বৃত্তান্ত যত, সেই উদাসীন,
দ্রবিবারে যোগীর হৃদয়,
নানা মত কহিল উপায় ;
গোপনে করিছ সে সকল,
কিন্তু যত হইল বিফল ;

পুনঃ আজি দেখা মম সন্ন্যাসীর সনে।

সুন্দরা। কে সে সন্ন্যাসী ?

সারী। পরিচয় নাহি দিল ; কিন্তু, লয় মন,—
গোরক্ষনাথের কাছে করেছি দর্শন।

সুন্দরা। অবশ্য এ ভণ্ডযোগী, কোন মূঢ় জন ;
নহে, কেন যোগভঙ্গ তার আকিঞ্চন ?

সারী। না, না, তব ছুঃখে ছুঃখী হইল শুনিয়া কাহিনী।

সুন্দরা। কি হইল, কহ মোরে সবিশেষ বাণী।

সারী। দিল মোরে এই দ্রব্য সেই জটাধারী,
যাহে পুরুষের মন মুগ্ধ করে নারী ;
মদিরা ইহার নাম।

সুন্দরা। দূরে করহ নিক্ষেপ ;

ভেবেছ কি মনে,

পশু সনে করিয়াছি প্রণয়বাসনা ?

চাহি প্রাণে প্রাণ-বিনিময় !

নহে পশুক্রিয়া ;

ভাব কি, সজ্জন, মেঘসম পতি করি সাধ ?

ডোরে বাঁধা রবে, পাছে পাছে যাবে,

ফ্যাল্ ফ্যাল্ মুখ পানে চাবে—

থাকিলে সে সাধ, পূর্ণ হ'ত এত দিনে।

আসি' কত জন পরিত বন্ধন ;

নহে পত্নী, হতেম ঈশ্বরী।

আমি স্বামী, তারা হ'ত নারী !

ছি ! ছি ! নারী হ'য়ে জান না নারীর প্রাণ ?

রমণীর সাধ—

মনে মনে, হৃদয়-আসনে,
সযতনে রাখিতে পতির ;

হৃদয়-ঈশ্বর—

নিরন্তর তাঁর পদসেবা।

উচ্চ আশ নারী রাখে কিবা ?

বারনারী যত্ন করি' চাহে প্রেমদাস।

যোগীবর আমার ঈশ্বর,

অতীলাষী তাঁহার চরণ।

চল, বৃষ্টি হ'ল তাঁর পূজার সময়,

গঙ্গাজল বিষদল যোগাবে কিঙ্করী।

[উভয়ের প্রশ্নান।

তৃতীয় গর্ভাঙ্ক

দেবালয়

পূর্ণচন্দ্র আসীন।

পূর্ণ। হে গোরক্ষনাথ ! যদি সাক্ষাৎ-পূজায় দাসকে
বঞ্চিত করলেন—লিঙ্গশরীরে আবির্ভাব হ'য়ে আমার পূজা
গ্রহণ করুন ; দিগম্বর, দাসকে বঞ্চিত ক'রবেন না।

নম নম শশাঙ্কশেখর, নম বাঘাশ্বর,

নম নম বৃষভবাহন।

নম গঙ্গাধর, নমস্তে শঙ্কর,

নম নম বিভূতিভূষণ।

শিব, শঙ্কু, হর, নম যোগীশ্বর,

নম নম মদন-শাসন।

রজত ভূধর, জগত-ঈশ্বর,

ফণী ভূষা শবাসন ॥

নমামি ঈশান, বাদন বিষাণ,

নীলকণ্ঠ নম নম।

অতি দীন দাস, পদে তব আশ,

দেখ' নাহি জন্মে ভ্রম ॥

(সুন্দরার প্রবেশ)

ক্ষমা কর পূজার সময়।

সুন্দরা। বিষদল গঙ্গাজল আনিয়াছে দাসী।

পূর্ণ। আহা, অতীব সুন্দর মালা!

কেন রাখ? দেহ মোরে পূজা করি হবে।

সুন্দরা। এক ভিক্ষা রাখ, যোগীবর!

যতনে কুসুম তুলি' গেঁথেছি এ হার,

ধর উপহার, পর গলে,

তৃপ্ত কর তৃষিত নয়ন।

পূর্ণ। জান না, জান না,

কি শোভা পাইবে হার শঙ্করের গলে।

মাংস-পিণ্ডোপরে

ফুলহারে কি শোভা হেরিবে?

শবোপরে ফুলের কি শোভা?

করে যারে পবন ব্যজন,

যার তরে ভাতিছে তপন,

বনরাজী ধরে ফুল যার পূজা হেতু,

যার নাম ভবান্বিত-সেতু,

সেই অস্থিমালাগলে দেহ ফুলমালা;

না রহিবে বাসনা-জগাল,

নির্মল অন্তরে

ফুলহারে হের দিগম্বরে।

(মহাদেবকে ফুলহার দেওন)

সুন্দরা। দেব, তুমি মম স্বামী,

দিগম্বরে নাহি জানি আমি,

তুমি পতি প্রাণেশ্বর মম ;

ঠেল পায়, ক্ষতি নাহি তায়,

তব পদে রহিব কিঙ্করী।

মরিব তোমার নাম স্মরি,

ধ্যান, জ্ঞান, মন, প্রাণ জীবনে জীবন,

এক মাত্র তুমি প্রভু! দাসীর ঈশ্বর।

পূর্ণ। সত্য যদি মনে মনে কিঙ্করী আমার,

ভিখারীর সনে যদি না কর কপট,

কেন তবে মজাইতে করেছ বাসনা?

বড় সাধে গুরুপদে সঁপেছি জীবন,

এ জীবনে গুরুদেব সর্বস্ব আমার,

সেবায় তাঁহার কেন করেছ বঞ্চিত?

শূন্য সতি! সহধর্মিণীর এই রীতি—

প্রাণপণে বাঞ্ছা করে পতির উন্নতি ;

যোগভ্রষ্ট কেন মোরে করিবারে চাও?

বিদায় মাগি হে, ভিখারীরে ভিক্ষা দাও।

সুন্দরা। চাঁদমুখে পল্লী ব'লে ডাক একবার —

জনম সফল, প্রভু, করহ আমার।

পূর্ণ। আমি যোগী, সংসার-বিরাগী,

তাজিয়াছি কামিনী-কাঞ্চন ;

পেয়েছি গুরুর ঠাই নূতন জীবন,

গুরু বিনা এ সংসারে অন্ত কেহ নাই,

পিতা, মাতা, ভ্রাতা, দারা, গুরু, বন্ধু, ভাই,

শুন স্থলোচনা,

বুঝ না, বুঝ না, ইন্দ্রিয়-ছলনা—

অলীক সম্বন্ধ তুমি আন কি কারণ?

দৈহিক রমণ ইন্দ্রিয়ের দাসত্ব কেবল,

আত্মায় আত্মায় আত্মিক-রমণ!

সে রমণ না হয় ভঞ্জন,

গুরুপদে একত্রে মিলন,

আনন্দের লীলা অবিরাম ;

সঁপ মন শঙ্কর-চরণে,

এক আত্মা হ'ব দুই জনে ;

চিরদিন রবে,

সে মিলনে বিচ্ছেদ না হবে ;

করহ আত্মায় মন লয়,

ভৌতিক সম্বন্ধ যত করি পরিহার—

হেরিবে পুরুষ সনে প্রকৃতি-বিহার ;

এক জ্ঞানে বহুজ্ঞান ঘুচিবে তোমায়,

নর নারী ভেদ জ্ঞান রহিবে না আর।

সুন্দরা। প্রভু,

জন্ম-জন্মান্তরে রহে যেন ভেদজ্ঞান ;

যেন অনন্ত অনন্তকালে

রহি তব পদতলে,

পতি-ভাবে চিরদিন করি তব পূজা ;

দাসী জ্ঞানহীনা—

নাহি জ্ঞান-অর্জন কামনা ;

পতিপদ করিয়াছি সার,

ইহা হ'তে উচ্চ আশা নাহি কিছু আর ;—

জন্মে জন্মে হই যেন কিঙ্করী তোমায়।

যাও হে নির্দয় ! যদি যাইতে বাসনা,
তব পথে কণ্টক হব না ;

যাও—

যথা থাক স্মৃতে থাক নাহি করি মানা ;

কিঙ্করীরে যদি কভু পড়ে তব মনে,

জেনো সে তোমার দাসী জীবনে-মরণে ।

পূর্ণ । ধর ধর সুলোচনে, শিবের প্রসাদ,

হউক ঈশ্বরে মতি, করি আশীর্বাদ ।

সুন্দরা । ঈশ্বর না চাই, তোমা বিনা নাহি সাধ,

নমস্কার যোগি, ক্ষমা কর অপরাধ ।

পূর্ণ । শিব, শিব, শিব, গুরু, গোরক্ষনাথ !

[প্রস্থান ।

সুন্দরা । আর কেন এ শ্মশানে ?

শিরে হ'ল বজ্রাঘাত ।—

[প্রস্থান ।

চতুর্থ গর্ভাঙ্ক

সারীর কক্ষ

সারী ও সেবাদাস ।

সারী । আপনি আবার কেন ?

সেবা । দেখ, সুন্দরা বারণ করুক, তুমি কোন মতে
সর্ব্বতের সঙ্গে মদিরা দাও ।

সারী । তুমি দূর হও ; তুমি পাপে মতি আমার কেন
দাও ? যদি সুন্দরা দেখে, তোমার জীবন সংশয় হবে ;
তুমি ভ্রষ্ট যোগী ; যাও ।

সেবা । তোমার পায় ধরি, তুমি ঐ কথা প্রকাশ
ক'রো না ।

সারী । যা ভীক, তোর গায় আমি অধম-আত্মা নই ;
তুই চণ্ডাল, জটীর কেন অবমাননা ক'রেছিস ?

সেবা । দেখ, আমার সর্কনাশ হবে, তোমাদের
উপকারের জন্ত আমি ক'রেছিলুম ।

সারী । যা, মূঢ়, তোর শকা নাই ।

সেবা । দেখ', দেখ', ব'লো না ।

[প্রস্থান ।

সারী । একি, সখীর একি মুখের ভাব !

(সুন্দরার প্রবেশ)

সখি—সখি, একি ? তোমার মুখ দেখে আমার প্রাণ
ভুকিয়ে যাচ্ছে !

সুন্দরা । সারি, তোর কাছে আমি বিদায় নিতে
এসেছি ; প্রাণনাথ চ'লে গেছেন—এ শ্মশানপুরে আর
আমি থাকব না ।

সারী । সখি, সখি, কি বল ? সখি, তোমা বই আর
আমি জানি না । আমায় কেন বজ্রাঘাত কর ? রাণি,
প্রাণসখি, স্থির হও ।

সুন্দরা । স্থির হও, দৈর্ঘ্য ধর, শুনহ বচন,—

শূন্য—শূন্য—শূন্য এ জীবন ;

শূন্য পুরী, শূন্য এ সংসার,

প্রাণনাথ গিয়াছে আমার ;

গৃহ-বাস আর কা'র তরে ?

যাই, সখি, হাশ্ব মুখে দাও লো বিদায় ।

সারী । কোথা যাবে ?

আমি দাসী সহচরী, আমার কি হবে ?

তুমি রাণী, ঠাকুরাণী মম,—

তোমা ছেড়ে রহিব কেমনে ?

এ সংসারে—

কেহ আর নাহি তোমা বিনা ।

সুন্দরা । এ নগরে আজি হ'তে তুমি হবে রাণী ;

বলেছি মন্ত্রীরে তোরে রাখিবে আদরে,

সিংহাসনে তুমি ঠাকুরাণী ;

পূজে হর, নিও মনোমত বর ;

মনোমত পতি ল'য়ে রাজ্য কর' সখি ;

স্মৃতে থেক, মনে রেখ'—অভাগী সুন্দরা ;—

যাই, ভাই, পুরী মম জ্ঞান হয় কারা ।

সারী । কোথা যাবে ?

হায় ! একা নারী কোথা যাবে ?

সুন্দরা । যাব মম পতির আলয়ে ;

এ জীবনে পতিসেবা ভাগ্যে মম নাই,

তাই যাই শাণ্ডীর চরণ সেবিত্তে ;

আহা দুখিনী জননী,

হারা হ'য়ে অঞ্চলের মণি,
 কাঙ্গালিনী, অন্ধ কেঁদে কেঁদে !
 তাহে অরিপুরে কেহ নাহি তাঁর ;
 একাকিনী হাহাকার করে পাগলিনী,
 পুত্রবধু আমি তাঁর নন্দিনী সমান,
 দুখিনীর করিব শুশ্রূষা ;
 দুই জনে রোদনে করিব দিনপাত—
 দুখিনী, থাকিব সদা দুখিনীর সাথে ।

সারী । এ কি কহ রাণি !
 আছে সেই চামার-নন্দিনী,
 জ্যোষ্ঠরাণী-দরশন কেমনে পাইবে ?

সুন্দরা । দূত হ'য়ে জানাইব রাজার সদনে,
 সসৈন্তে সুন্দরা আসে আক্রমিতে পুরী ;
 মন্ত্রী মুখে শুনি বিশৃঙ্খল রাজধানী,
 স্বেচ্ছাচারী অনিয়মে সেনা ;
 রোগাক্রান্ত বৃদ্ধ রাজা হইবে সভয়,
 করিবেন সন্ধির প্রার্থনা ;
 সন্ধির প্রস্তাব এই করিব তাঁহারে,—
 প্রধানা রাণীরে রাখিতে সে উপবনে,
 ছিলেন যথায় তিনি সন্তানের সনে,
 সুন্দরার দাসী তাঁর সেবা হেতু রবে ;
 তবে সন্ধি, নহে, ঘোরতর রণ হবে ;
 রাজ্যপ্রাপ্তে মন্ত্রী মম বাধিবে শিবির,
 আমার প্রস্তাবে মত হবে নৃপতির ।

সারী । ধন্য তব পতিব্রতা-ব্রত !
 রাণী হ'য়ে হেন কেবা করে !
 ত্যজি' রাজ্য, ত্যজি' দাস-দাসী,
 শান্ত্তীর সেবা-অভিলাষী—
 পতির সন্ধান-হেতু !
 ধন্য সতী পতিপরায়ণা !
 তোমার মহিমা না হয় তুলনা ।
 যাবে যদি পতিগৃহে, আমি তব দাসী,
 তুমি ঠাকুরাণী, আমি তোমা অভিলাষী,
 যথায় ঈশ্বরী তথা রহিবে কিঙ্করী,
 চল তবে, স্নলোচনা, দুর্গা নাম স্মরি' ।

সুন্দরা । দুখ পাবে, তুমি কোথা যাবে ?

সারী । দাসী, ঠাকুরাণী ছাড়া কবে ?
 সুন্দরা । শত জন্মে শোধ নাহি হবে তোমার ধার ।
 সারী । ঈশ্বরী আমি চিরদিন প্রণয় তোমার ।
 [উভয়ের প্রস্থান ।

পঞ্চম গর্ভাঙ্ক

বনপথ

দামোদর ।

দামো । তবে রে শালা, আমি বুঝি নি ! রোজ রোজ
 ফুক ফুক করে আনাগোনা ! আর সে রাণীকে চেন
 না ! ওই আসছে, আমি এই গাছের আড়ালে দাঁড়াই ।

(সেবাদাসের প্রবেশ)

সেবা । উঃ ! লাক্ষনার একশেষ, আমি কি হেয় !
 আমার এ পাপের কি প্রায়শ্চিত্ত হবে ! (দামোদর কড়ক
 ছুরিকা দ্বারা আঘাত) আরে, কে রে চণ্ডাল ? গুরুদেব,
 অন্তকালে কোথায় তুমি !

দামো । ওই কে আসছে—পালাই ।

[দামোদরের প্রস্থান ।

(গোরক্ষনাথ ও শিষ্ণুগণের প্রবেশ)

সকলে । শিব, শব, ভোলা !

গোরক্ষ । শুন বৎস ! ঈশ্বরে নিশ্চয় ভক্তি যার,

পরীক্ষায় উত্তীর্ণ সে হয় অনায়াসে—

শঙ্কর সহায়, বিষয় নাহি কোন কালে ।

ওই দূরে সুন্দরার পুরী,

চল—

দেখিবে কি ভাবে আছে, নবীন সন্ন্যাসী ।

১ম শিষ্য । এ কি, এ যে সেবাদাস !

প্রভু !—

বন্ধে ছুরি, পথমাঝে হের শিষ্ণু তব ।

গোরক্ষ । অদৃষ্টের ফল কেবা করিবে লঙ্ঘন ?

আছে বেঁচে, অতি মৃদু বহিছে ধমনী,

এই পত্র মর্দি' দেহ প্রলেপ আঘাতে—

কুক হবে কধির-প্রবাহ ।

(পূর্ণচন্দ্রের প্রবেশ)

পূর্ণ। গুরুদেব, গুরুদেব, গুরুদেব !

মুক্ত দাস চরণ-প্রসাদে ;

কুহকিনী দিঘাছে বিদায়।

হে ভক্তবৎসল ! রাখ সেবকেরে পায়।

গোরক্ষ। শঙ্করের প্রিয়, বৎস তুমি !

ধের শিষ্যগণ,

অকলঙ্ক পূর্ণশশী পূর্ণের উদয় ;

গগন ভেদিয়া বল জয় জয় জয় !

(শিষ্যগণের গীত)

ভৈরবী—ঠংরি।

মুড় চন্দ্রচূড় হর ভোলা।

ভূতনাথ ভব, বোম্ বব বোম্ বব,

নিনাদ ভৈরব, অম্বু-উথলা ॥

মনমথ-শাসন, নয়ন হতাশন,

ফণামালগল, দল দল দোলা।

তমালনিমিত্ত, কণ্ঠে হলাহল,

জলবজাল জিনি' জটাছুট দল,

কল কল চল চল গঙ্গা-বিলোলা ॥

[সকলের প্রস্থান।

পঞ্চম অঙ্ক

—:—

প্রথম গর্ভাঙ্ক

লুনার কক্ষ

লুনা ও জম্বু।

লুনা। বাপ, তুই কি বুদ্ধি করলি, আমার এ যুয়ান বয়েস, বুড়া নিয়ে থাকব, তুই আজ বেশী ক'রে বিষ দে, একেবারে খেয় ম'রে যা'ক।

জম্বু। আরে, না ; লোকে গোল করবে, তোর উপর সোবে করবে, মন্ত্রী শালা পরামর্শ দিয়ে ইচ্ছাকে রাণী করবে, মন্ত্রী শালা জুতাখোর, একটু একটু সোবে করছে ;

তোরে তখন বল্লুম, ইচ্ছাকেও মেরে ফেল, তুই বল্লি 'না ও কাঁদবে আমি দেখব,' এখন কি হ'ল ? সুন্দরার বাদী তোর ঝুঁটি দেখলে ঝাড়ু মারে।

লুনা। বাপ, আমার বড় রাগ হয়েছে ; তুই সেই দাসী বেটীকে আগে মার।

জম্বু। আমি কেমন ক'রে মারব ? আগে হাত ছেড়ে দিলি, এখন পস্তাচ্ছি।

লুনা। বাপ, তুই বলতে পারিস্, ইচ্ছার জন্তু সুন্দরা কেন লড়াই করতে চায় ?

জম্বু। শালী কেজিয়া খুঁজছে, ও বড় লড়াই উল্লি ; সুলুক রাখে কি না, মনে ভাবলে—তুই রাজাকে মানা করবি, ইচ্ছাকে ছাড়'বিনি—তা' হলে দাসী হবে।

লুনা। তবে ইচ্ছার কাছে থাকবার জন্তে বাদী পাঠিয়ে দিলে কেন ?

জম্বু। তোর চামার বুদ্ধি পালিয়েছে ; ও জানে কিনা—তুই ইচ্ছার সঙ্গে খিটু খিটু করতে যাবি ? ওর বাদী বলে দেবে, সুন্দরা কেজিয়া করবে।

লুনা। বাপ, ঠিক বলেছিস—হুটো বাদী আছে, আমি ঝুঁটি গলালে মারতে আসে ; কাল গিয়েছিলুম, বেটি ব'ললে, রাণীকে চিঠি লিখ'ব। বাপ, রাজাকে বলি—সুন্দরার সঙ্গে কেন লড়াই করগ্ না।

জম্বু। সে অমন সুন্দরা না, তোর রাজা বাপের নাক কেটে লেবে। তার লাখ্ সোওয়ার মজুত ; ঘোড়, সোওয়ার হ'য়ে আপনি লড়ে।

লুনা। তা বাপ, রাজা ম'রে গেলে, আমি যখন গদিতে বসব, তখন আমার সঙ্গে ত লড়াই করবে ?

জম্বু। চোত্ দিতে হবে ; শতক্রর ধারে ধারে কেলা বানাব ; ওর শতক্রর পারে ঘর ; রাজা কেজিয়ার কথা উঠতে, কেলা সুরু করেছে।

লুনা। আমার গা ইস্ পিস্ করছে ; বাপ, সে ঢের দেরি ; আমি সে সুন্দরাকে মারবার যোগাড় করেছি ; তোকে বলব না—তুই আবার খিটু খিটু তুলবি। হোবে না—হোবে না।

জম্বু। আরে, আমায় বল ; আপন বুদ্ধিতে প্যাচে পড়'বি ; তুই দেখ'ত আমার বুদ্ধি শুন্লি নি—ইচ্ছাকে রেখে কি প্যাচ হ'ল ! রাজাকে মেরে ফেলতে পারছিনি,

আস্তে আস্তে খুন করতে হচ্ছে, একটু একটু করে খাবারের সঙ্গে বিষ দিতে হচ্ছে, ছয় মাসে মরবে; এ বড় মজার বিষ, তোর সেই খসম্ শালা আমায় শিখিয়ে ছিল; এতে গৌ এক দিনে মরে, আর আদমিকে একটু একটু দিলে, লোকে বলে, কাশ হয়েছে—কিন্তু, ম'রবে ম'রবে, মরবে,—হাড়ান নাই।

(পরিচারিকার প্রবেশ)

পরি। একজন বিদেশী হাকিম আপনার সহিত সাক্ষাৎ করতে চায়; সে বলে, আপনি তাকে আস্তে বলেছিলেন।

লুনা। আস্তে বল।

[পরিচারিকার প্রস্থান।]

বাপ, এই সুন্দরগারা কল; এ সুন্দর হাকিম, আমার পেয়ে সুন্দরাকে বিষ দেবে।

জম্বু। তুই একে কোথা পেলি?

লুনা। এ রাজাকে দেখতে এসেছিল; আমি ওর সঙ্গে শল করেছি।

জম্বু। ও রাজার রোগ কিছু করতে পারবে না; হাকিম শালার বাপ পারবে না।

(দামোদরের প্রবেশ)

লুনা। ভিষক্, আসুন, বসুন, পারবেন ত? আপনি যা চান, আমি দিতে প্রস্তুত। আমি লক্ষ স্বর্ণ মুদ্রা আপনাকে দিতে পারি।

দামো। এখানে ত নির্জন নয়, এখানে কথা হ'তে পারে না ত।

জম্বু। না—তাত নয়, তাত নয়; দেখি শালা, তোর মুখ দেখি? টুপি খোল শালা, টুপি খোল,—আরে কে আছে? চোর, চোর, চোর।

(রক্ষকগণের প্রবেশ)

শালাকে ধর, বিষ কোড়া লাগাও; ও—শালা, তুমি চাঁদিকে সোণা বানাও?—আমার হাজার টাকা ঠকিয়ে নিয়েছ, আজ হাকিম হ'য়ে এসেছ! মার শালাকে মার।
(রক্ষকগণের দামোদরকে মারিতে মারিতে লইয়া প্রস্থান)

লুনা। বাপ, তুই কি করলি?

জম্বু। এ শালা জুয়াচোর; আমার টাকা ঠকিয়ে

নিয়েছে। তাই ত বলি সুন্দরাকে বিষ দেও, এমন জ্বর জান কার? তার দশটা আদমি আছে, খানা চাক্‌বার।

(পরিচারিকার প্রবেশ)

পরি। রাজমহিষি, মহারাজের নিকট হ'তে দূত এসেছে, নগরপ্রান্তে কে একজন অবধূত এসেছে—লোকে বলছে—তার ঔষধ এক দিন খেলেই আরাম; মহারাজ তাঁর ঔষধ ধারণ করতে যাবেন।

লুনা। আচ্ছা, দূতকে বল গে—আমি যাচ্ছি।

[পরিচারিকার প্রস্থান।]

জম্বু। লুনা, চল, আমিও যাচ্ছি! এ ব্যামোটা ভারি গোল হ'য়েছে, মেলা লোক দেখতে আসছে; কি জানি, যদি কেন শালা সোবে ক'রে ধরে, যে বিষ? তুই রাজার দরদ ক'রে বলবি, যে ভাল করবে, লাখ আশ্রোপি দিব, কিন্তু যে মিছামিছি ছুখ দিবে, তার গর্দান নেব, গর্দানের ভয়ে কেও শালা আস্তে চাইবে না; চল, আমিও তোর সাথে যাই।

(রক্ষকের প্রবেশ)

রক্ষক। মহারানি! অপরাধ মাপ হয়, চোর পালিয়েছে।

জম্বু। এঁ্যা! এঁ্যা! শালা কেমন ক'রে পালাল?

রক্ষক। আমরা মারতে মারতে নিয়ে যাচ্ছি, মার পেয়ে পথে যেন হঠাৎ মড়ার মতন হ'য়ে পড়লো; নাকে হাত দিয়ে দেখি, নিশ্বাস পড়ে না; আমরা মুখে জল দেবার জন্ত জল খুঁজছি, আর উঠে দৌড় দিলে।

জম্বু। রড়্ দিলে?

রক্ষক। আমরা পেছোনে পেছোনে দৌড়ুলেম, আর দেখতে পেলেম না।

লুনা। আচ্ছা যাও, তাকে খোঁজ; দেখ যদি ধ'রতে পার।

[সকলের প্রস্থান।]

দ্বিতীয় গর্ভাঙ্ক

উপবন

সুন্দরা ও ইচ্ছা।

সুন্দরা। মা, আপনি কোথা যাবেন?—বলুন; আমি হাত ধরে নিয়ে যাচ্ছি, আপনার দৃষ্টি কম হয়েছে, পড়ে যাবেন।

ইচ্ছা। মা, তুমি কে মা? তুমি কেন আমায় যত্ন করছ? আহা, পরের বাছা, প্রাণ খোয়াবি কেন? বাছা, কাল সাপিনীয়ে! কাল সাপিনী বাছাকে দংশন করেছে। তুমি আমায় মা বলেছ, তোমায়ও মার্কো। পরের বাছা ঘরে যাও, আর তুমি আমায় মা ব'লো না। আমায় যে মা বলে, সে প্রাণে বেঁচে না।

সুন্দরা। আপনি কোথায় যাবেন বলুন, আমি হাত ধরে নিয়ে যাচ্ছি।

ইচ্ছা। আমি ঐ গাছতলাটিতে যাব, ওর তলাটি পরিষ্কার করে রাখব। বাছা যদি আসে ত, বসবে। বাছা এইখানটীতে বসতে বড় ভালবাসে।

সুন্দরা। আপনি এইখানে বসুন, আমি পরিষ্কার করছি।

ইচ্ছা। না, মা, তুমি জান না মা, তার কারুর কথা মনে ধরে না। এত দাসী ছিল, দাসীরা শয়্যা পাতত, আমি শোয়াবার সময় একবার হাত বুলিয়ে দিতেম, না হ'লে তার ঘুম হ'ত না। মা, বড় আব্দারে গো,—বড় আব্দারে। অত বড় হ'য়েছিল, আপনি খেতে পারত না। আমি কত ব'কতুন, আমায় খাইয়ে দিতে হ'ত;—ওমা, আমার বাছা কোথায়? ওহো, কাল সাপিনী! কালসাপিনী! আহা—হা, দংশে মেরে ফেলেছে! আহা—হা, দংশে মেরে ফেলেছে!

সুন্দরা। মা, তোমার ছেলে বেঁচে আছে।

ইচ্ছা। আছে, আসবে? চল—চল, চল, তার ছ'বার খাবার সময় হ'ল; এখন' কিছু খায় নি।

সুন্দরা। মা, তুমি অধৈর্য হও না—আমার কথা শোন না, আমি সত্য বলছি—সে বেঁচে আছে।

ইচ্ছা। বেঁচে আছে? বেশ বেশ, আমি খুব ঘটা করে তোমার সঙ্গে বে দেব; চল চল।

সুন্দরা। কোথায় যাবেন বলুন?

ইচ্ছা। ওই যে, ওই যে—কৈ আমার পূর্ণ কৈ? কেরে, আমার শিবরাত্রির সন্নে কি ঘরে এলি?

সুন্দরা। মা, আসুন, কিছু খান নি আসুন, কিছু খাবেন আসুন।

ইচ্ছা। যাব? সত্য, মিথ্যা বলছ না? তুমি আমায় সে কুপে ফেলে দেবে? চল না তোমার সাত ব্যাটা হবে; আমায় প'ড়তে দিলে না মা, দিলে না—দিলে না—দিলে না, ওমা, আমার প্রাণ হাঁপিয়ে উঠছে।

সুন্দরা। আহা! ছুথিনী মা আমার! ভগবান্কে ডাক, তিনি তোমার ছেলে দেবেন; তোমার ছেলে বেঁচে আছে, তাকে কুপ থেকে তুলেছে; ইষ্ট দেবতাকে ডাক—ছেলে পাবে।

ইচ্ছা। মিছে, মিছে, মিছে,—ইষ্টদেবতা মিছে, সন্ন্যাসী মিছে, সব মিছে, শিব মিছে, শিবচতুর্দশী মিছে! আমি চক্ষে দেখেছি, আমি চক্ষে দেখেছি, আমি চক্ষে দেখেছি। ওহো, কালসাপিনী! বাছারে, তুই কেন আমার গর্ভে এনেছিলি?

সুন্দরা। আহা, হতভাগিনী! মা, মা!

ইচ্ছা। আহা, তুই কেন দীন দুঃখীকে মা বলিস্ নি? তা হ'লে ত বাছা, প্রাণ হারাতিস্ নি? সে ত তার বাছা নিয়ে বাঘের মুখে দিত না?

সুন্দরা। মা, কিছু খাবে এস।

ইচ্ছা। খাব? না, না, না; আমি চের খেয়েছি—আমার পূর্ণচন্দ্রকে খেয়েছি। আর খাব না, আর খাব না; আমায় জোর করে মুখে ঢেলে দেয়, খাব কেমন করে? আমার পেট ভরে আছে; আমি খেয়েছি, খেয়েছি, খেয়েছি—আমি ভাল সামগ্রী খেয়েছি।

সুন্দরা। মা, একটু শোবে চল।

ইচ্ছা। তুই কে—বুঝেছি; সেই সাপিনীর চর। আমায় জোর করে ধরে খাওয়াবি; বুঝেছি, আমায় মরতে দিবি নি। বুঝেছি, বুঝেছি, বুঝেছি, সাপিনীর চর! দূর হ, দূর হ, দূর হ! বাবা, কোথায় তুমি? তোমার ছুথিনী মাকে একবার মা ব'লে যাও; আমার সাধের পূর্ণ, একবার মা ব'লে যাও।

(সারীর প্রবেশ)

সুন্দরা। সারি, তুই কোথায় গিয়েছিলি?

সারী । বলছি ।

সুন্দরা । বলিস্ এখন, কোন রকমে কিছু খাওয়াতে পারিস্ ? আমার কথায় আজ ভুলবেন না ।

সারী । কি জানি ? দেখি ; (ইচ্ছার প্রতি) আসুন ।

ইচ্ছা । যাব, চল,—আমায় ফেলে দিও, যেমন ক'রে তারে ফেলে দিয়েছিলে ; তুমি রাজরাজেশ্বর হবে ।

[সারী ও ইচ্ছার প্রস্থান ।

সুন্দরা । (তরুতল মার্জনা করিতে করিতে) এই আমার তীর্থ, এই আমার কৈলাসপুরী ; এই খানে আমার প্রাণনাথ বসুতেন । ওহো, কি নির্দয় ! এই দুঃখিনী উন্মাদিনী মাকে একবার মনে করে না—একবার তাঁর মাকে দেখা দিলে কি যোগভ্রষ্ট হয় ? ধন্য প্রাণ, ধন্য যোগাভ্যাস ! আহা, আগে যদি এই পাগ্লীর দশা আমি জান্তেম, তা হ'লে তাঁকে প্রতিশ্রুত ক'রে নিতেম যে তোমার মার সঙ্গে দেখা কর । কি হ'ল ? কিছু খাওয়াতে পারলে ?

(সারীর প্রবেশ)

সারী । হাঁ, তাঁরে শুইয়ে এলুম । ও কি ক'চ্ছ ?

সুন্দরা । দেবালয় মার্জনা কচ্ছি ; এই খানে আমার প্রাণনাথ বসুতেন ; সারি, আমি মনে ক'রেছিলেম যে, আমিই অভাগিনী—আহা, কি নির্দয় ! মার সঙ্গে একবার দেখা করে না ! আমি কোন ছার, আমায় পায়ে ঠেলবেনই ত ।

সারী । এ শক্রর পুরী, আসবে কেমন ক'রে ?

সুন্দরা । আহা সারি, উন্মাদিনী উন্নততায় বলেন যে “তোমার সঙ্গে তার বে দেব” । কথা শুনে যেন আমি স্বর্গ হাতে পেলেম ! কি করি বল দেখি ?—আমি ত কোন রকমে বোঝাতে পাচ্ছি নি যে বেঁচে আছে ।

সারী । স্বচক্ষে দেখেছে, ফেলে দিয়েছে ।

সুন্দরা । একবার মনে করি, এঁকে নিয়ে দেশে দেশে ঘুরি ; যদি কোথাও তাঁর দেখা পাই ত, একবার অভাগিনীকে দেখাই—দাবানলে জল ঢালি ; কিন্তু এঁর যে অবস্থা, কবে মরেন—নিয়ে যেতে ত সাহস হয় না ।

সারী । আমি সেই কথা বলতে এলেম্ । এক জন দূত নানা স্থানে সন্ধান ক'রে আমায় সংবাদ দিলে, যে, গোরক্ষনাথ শিষ্য শিষ্যালকোট-অভিমুখে আসছেন ; আর নগরে

শুনলেম এক অদ্ভুত সন্ন্যাসী এসেছে, সে যারে যা ঔষধ দিচ্ছে, তাই ফলছে ; রাজা না কি তাঁর নিকট ঔষধ গ্রহণ ক'রবেন । আমার বোধ হয়, সন্ন্যাসী সেই গোরক্ষনাথ !

সুন্দরা । সারি, বলিস্ নি, শুনে আমার মনে আশা হচ্ছে ; আমার যেন মনে হচ্ছে যে, গোরক্ষনাথ তাঁর শিষ্যকে পিতৃ-সিংহাসন দেবেন । হ্যা সারি, যদি রাজ্য লন, তা হলেও কি আমায় পায় ঠেলবেন ?

সারী । কি হয় দেখ ; মিছে একটা আশা ক'রো না ; নৈরাশ্যের উপর নৈরাশ্য হ'লে আরও যন্ত্রণা ।

সুন্দরা । সারি, আশা দিব বিসর্জন ?

আশাই জীবন ;

আশা গেলে প্রাণ কিসে হবে ?

জান না—জান না,

কত নিত্য করি লো কল্পনা ।

কত্ব যেন সাজিয়া যোগিনী,

সিংহাসনে যোগীরে বসায়,

ধুই তাঁর পা দু'খানি ।

কত্ব—

যেন মম যোগীবর রাজরাজেশ্বর,

রাণী হ'য়ে বামে বসি তাঁর ;

কত্ব তাঁর পায়ে ধ'রে সাধি ।

কত্ব, তাঁর গলা ধ'রে কাঁদি,

আশা যত কথা কয়, করি লো প্রত্যয় ;

বার বার নৈরাশ্যে, না আশা করি ত্যাগ ;

আশায় মিলন,

অচুরাগ আশায় মিটাই ;

তাই, তাই লো সজনি, দিবস রজনী

বক্ষে ধরি মলিন কুশুম ;

ভাবি, ফুল সরস হইবে,

প্রাণনাথ দেখা পুনঃ দেবে,

আমি তার, সে হবে আমার ;—

ওলো সখি, আশাই জীবন ;

আশার কথায়,

কল্পনায়, শুষ্ক কলি সরস নেহারি ;

ব'লো না ব'লো না, সখি, আশা দিতে বিসর্জন,

আশায় রেখেছি প্রাণ, আশাই জীবন ।

নারী । আমি দেখে আসি, কে যোগী ।

সুন্দরা । যাও, আমি মা কি ক'ছেন দেখি ।

[উভয়ের প্রশ্নান ।

তৃতীয় গর্ভাঙ্ক

প্রান্তর

দামোদর ।

দামো । ব্যস,— ব্যস, বেড়ে রদ্দা দিলে ! কিন্তু বাবা, এ সহর ছাড়ছি নি ; সেবাদাস ব্যাটা বেঁচে গিয়েছে ; যাবে কোথা ? খুঁজে খুঁজে ধরেছি, দেখেছি ব্যাটা শিয়ালকোটের এসেছে ; সে ছ' ছুঁড়ীও এখানে এসেছে ; ঐ যে যে, বেটা সিন্দুর মাখিয়েছিল—বেটা ও দিকে কোথায় চলল ? বুঝেছি, সেবাদাস বেটাকে খুঁজতে বেরিয়েছে ; খুব বশ ক'রেছে কিন্তু ; বাবা, কোড়ার জ্বালা ভাল, প্রাণের জ্বালা যাবার নয় ; ধরা পড়ি প'ড়ব, আমি ত সহর ছাড়ছি নি ! এই যে, ছ' ব্যাটা সম্মাসী এ দিক বাগে আসছে, তফাৎ থেকে দেখি । [প্রশ্নান ।

(সেবাদাস ও গোরক্ষনাথের প্রবেশ)

সেবা । প্রভু,

পিতৃ-রাজ্যে অভিষিক্ত পূর্ণ কি হইবে ?

গোরক্ষ । এখন' হৃদয়ে তোমার ঈশ্বা জাগরিত,

কামিনী-কাঞ্চনে মন আকৃষ্ট এখন' ?

সেবা । না প্রভু, না ;

কুতুহল হ'ল তাই করেছি জিজ্ঞাসা ।

গোরক্ষ । শুন সেবাদাস, ধর আমার বচন,

অবশ্য হৃদয়ে তোমার জাগে পাপ-ছবি ;

অকপটে ব্যক্ত কর আমার নিকট ;

নিশ্চয় জানিবে নহে আসন্ন সঙ্কট ।

সেবা । কি বা নাহি জান, দেব, তুমি অসুখামী,

মম প্রতি দৈব বিড়ম্বনা !

বনমাঝে দেখিলাম কাঞ্চন-কলসী,

কিন্তু, তাহে লোভ না জন্মিল ;

চলে যাই ধীরে ধীরে—

অকস্মাৎ হেরিলাম নারী,

রূপের মাধুরী,—

কাননে ধরে না যেন !

শুনিলাম সে রমণী চামারনন্দিনী ।

গোরক্ষ । রেখো না গোপন,

আছোপাস্ত সমস্ত বলহ বিবরণ ।

সেবা । প্রভু, সরমে না জুয়ায় বচন,

হেরি' রূপ—মুগ্ধ হ'ল মন—

প্রেম-আশে তার পাশে গেলেম সত্বর ;

পিতা তার অঙ্গীকার করিল আমায়,

শিখাই যতপি কোন গরল তাহারে—

তুহিতায় করিব অর্পণ ;

চাহিল সে বহু পশু বধের কারণ ;

এবে লয় মন,

হলাহল নিল সে চামার—

গোপনে অস্ত্রের ধেনু করিতে সংহার ।

গোরক্ষ । শঙ্কা নাহি, কর বিবরণ,

প্রকাশিলে গুরুর সদন,

মহাপাপ দগ্ধ হয় শাস্ত্রের বচন ।

সেবা । প্রভু, তব চরণ-রূপায়

জানিতাম হলাহল প্রস্তুত উপায়,

কহিলাম সঙ্কান তাহারে ।

আনি' কাঞ্চন-কলসী,

চামারনন্দিনী ল'য়ে হইলাম গৃহী ।

ছিল মম চিকিৎসার পুঁথি ;

জ্ঞান হয় পিতৃ-উপদেশে—

একদা করিল চুরি সেই ভাগ্যহীনা ;

অতি ক্রোধে তপ্ত লৌহে পৃষ্ঠদেশে তার,

দণ্ডিলাম, 'চোর' নাম করিয়া অঙ্কিত ।

অভিমানে—

পরান ত্যজিল সেই কূপে ঝম্প দিয়া ।

তদবধি তার মূর্ত্তি ধরে মম হিয়া ।

গোরক্ষ । কেমনে জানিলে সেই ত্যজিয়াছে প্রাণ ?

সেবা । বারি হেতু গেল, ফিরে না আইল,

মৃত্যু-বিবরণ তার জনক কহিল ।

গোরক্ষ । মিথ্যা কথা ; দ্বিচারিণী পড়ে নাই কূপে,

এখনি জানিবে সেই আছে কোন রূপে ।

যেই বিষ করিয়াছ চামারে প্রদান,
সেই বিষে জর জর ভূপতির প্রাণ ।
সত্য মিথ্যা সমুদয় লক্ষণে জানিবে,
পাপের কুটিল গতি অন্তরে মানিবে ।
আজ্ঞামত কর, কভু কর' না অগ্রথা,
বলিতে পূর্ণের শিষ্য না ভাবিও ব্যথা,
সংশয় না কর বাক্য, ত্যজ অভিমান,
শঙ্কর-রূপায় আজি পাবে দিব্য-জ্ঞান ।

(পূর্ণচন্দ্রের প্রবেশ)

বৎস, ব'স, কার্য মম কর সমাধান ।

[গোরক্ষনাথের প্রস্থান ।

(জম্বু, শালিবাহন ও লুনার প্রবেশ)

লুনা । প্রাণনাথ, প্রাণ মম কাঁপে ;

হেরি' তব মলিন বদন—

মরি হে সস্তাপে ;

সদা ভয়—পাছে মন্দ হয়,

যার তার ঔষধ সেবনে !

নাহি জানে ঔষধ-নিয়ম,

অর্থ-লোভে আসে কত জন ;

আজি হ'তে হেন প্রথা করহ, ভূপাল,

অহেতু আসিবে যেই জন,

ব্যাদি যদি না হয় বারণ,

জীবন-সংহার হবে তার ;

কিন্তু, ব্যাদি-শাস্তি যে করিবে—

আমারে কিনিবে—

দিব তারে নানা ধন-রত্ন পুরস্কার ।

শালি । প্রিয়ে,

আজি হোক কালি হোক যাবেই জীবন ;

মৃত্যু নাহি ভরি, ভাবি লো স্মরি,

আমা বিনা কি দশা তোমার হবে ?

চারিদিকে অরিগণ তুলিয়াছে শির,

প্রজাগণ অবাধ্য সকলে,

তব নাহিক নন্দন,

রাজ্যের রক্ষণ—

নারী হ'য়ে কেমনে করিবে ?

পূর্ণ । স্বাগত হে, স্বাগত রাজন্ !

শালি । আছে কিহে অবধূত, হেন মহৌষধি—

প্রাণ রক্ষা হয় যাহে এ দারুণ ব্যাদি ?

পূর্ণ । হে ভূপাল !

অঙ্গে তব বিষের লক্ষণ

করি দরশন ।

লুনা । মহারাজ, কপট সন্ন্যাসী ।

পূর্ণ । সত্য মিথ্যা বহু দিন না রহে ছাদন ;

ত্যজ ভয়, হে ভূপাল,

ব্যাদিমুক্ত এখনি হইবে ।

কর এই ঔষধ ধারণ,

মুহূর্ত্ত বিলম্ব নাহি হবে—

নব দেহ পাবে ।

লুনা । না না মহারাজ !

শঙ্কর নফর, স্মন্দরার চর,

এখনি হারাবে প্রাণ ।

পূর্ণ । মহারাজ, ভাগ্যগুণে মিলিয়াছে নিধি,

মহৌষধি দিয়াছেন বিধি ;

আজ্ঞহত্যা-পাপে লিপ্ত হবে, ত্যজ যদি,

যদ্যপি সংশয় উদয় তোমার মনে ;

হের, আমি করিব ভক্ষণ ।

লুনা । মহারাজ, বিষ নানাবিধ

কোন' বিষে ছয় মাসে যায় প্রাণ,

হীন জন—ওর প্রাণে ভয় কি বা ?

রত্নধন পাবে পরিজন,—

প্রাণ দেয় অনায়াসে ।

পূর্ণ । রাজি ! অবগত আছ বহু গরল-লক্ষণ,

হেন বিষ কখন' কি করেছ প্রয়োগ,

ছয় মাসে যাহে প্রাণ নাশে ?

লুনা । কি বলিস্ ভণ্ড যোগি, আমি দিছি বিষ ?

পূর্ণ । চর্ম্মকার জনক তোমার,

বিষবিদ্যা-সুনিপুণ ;

জিজ্ঞাসহ, বধিয়াছে অনেক গোধন ।

জম্বু । কি, আমি গন্ধ মারি, না ?

শালি । যা থাকে অদৃষ্টে আর স্মরি' নারায়ণ,

যোগীবর, করি তব ঔষধধারণ ।

(ঔষধ ভক্ষণ)

একি ! নব কলেবর, নূতন জীবন,
পুনঃ যেন আগত যৌবন !
ছদ্মবেশী, কে তুমি দেবতা ?

পূর্ণ ! ক'রো না প্রশ্নাম,
প্রণমিলে খরী হবে ঔষধের গুণ ।
রাজি ! হের ব্যাধিমুক্ত পতি তব ।

লুনা । ক্ষমুন এ অধিনীর অপরাধ ;
আমি জ্ঞানহীনা,
বুঝি নাই প্রভুর মহিমা ।

শালি । ভাগ্যগুণে যদি আজি বিধাতা সদয়,
দেবতা উদয়, পুত্র বর চাহ, রাণি !
যোগীর প্রমাদে হবে মানস সফল,
বৃদ্ধ কালে পুত্র হেরি' হইব শীতল ।

লুনা । প্রভু, রূপা কর ।

শালি । একি রাণি, নাহি জ্ঞান বিনয় বচন ?
প্রভু, পুত্রহীন—নাহি মম পিণ্ড-অধিকারী,
যোগীবর, রূপা করি' দেহ পুত্র বর ।

পূর্ণ । দিতে পারি পুত্র বর,
কিন্তু বড় কঠিন নিয়ম ।

শালি । যেবা বিধি হয়, রাজ্ঞী করিবে পালন ;
করুণায় দেহ যোগি, স্তম্ভর নন্দন ।

পূর্ণ । পেয়েছিলে পুত্র, রাজা, সম্যাসীর বরে,
কোথা সে এখন ?

শালি । নরাধম, কলঙ্ক কুলের—
সে কথা না তোলা যোগীবর ।

পূর্ণ । তাই বলি, কঠিন নিয়ম ;
কুপিত সে যোগীবর তব আচরণে ।

শালি । কেন—কেন, কিবা অপরাধ ?—
নরাধম, পাপিষ্ঠ দুর্জন,
দিছি তারে বিসর্জন,
কুণ্ড কেন তাহে হবে যোগী ?

পূর্ণ । অপরাধ বুঝিবে এখনি,
শুন, রাজা, থাকে যদি পুত্রের বাসনা—
কহ তবে রাণীরে তোমার—
পূর্ণ সহ যেই মত করেছে ব্যাভার,

প্রচার করিতে সমুদয় ;
মিথ্যা যদি হয়, তবে না পাবে তনয় ।
শালি । কি হেতু নীরব ?
কহ তার যেরূপ আচার ?
লুনা । রজনীতে মম বাসে আসিয়া বর্ষর,
কহিল যে পাপ কথা, কেমনে কহিব ?
পূর্ণ । চল তবে চল, সব ভ্রষ্ট হ'ল,
অপুত্র রহিল রাজা ;
কি করিব, মিথ্যা কহে রাণী ।
শালি । আরে দুশ্চারিনি, কহ সত্য বাণী ;
নহে, তোমার প্রাণ দণ্ড হবে ।
লুনা । ব'লেছি সকল ।
শালি । তবে কি রে যোগী করে ছল ?
লুনা । বুঝেছি কেবল মম অদৃষ্টের ফল ।
সেবা । বল সত্য বাণী,
চামার-নন্দিনি, জানি অনেক কাহিনী ।

(জম্বু গমনোচ্চত)

পূর্ণ । মহারাজ, আজ্ঞা দেহ চামারে রাখিতে ।
শালি । রক্ষি, কেহ নাহি ত্যজে স্থান ;
এ কি, বৃত্তান্ত বুঝিতে কিছু নারি !
সেবা । আর বিষ আছে প্রয়োজন ?
জম্বু । বিষ ! আমি কি দিইছি বিষ ?
শালি । বিষ !
পূর্ণ । মহারাজ, থাকে যদি পুত্রের কামনা,
করুন মহিষী তব স্বরূপ বর্ণন ।
শালি । সত্য বল,—
নহে, তোমারে পোড়াব অনলে ।
লুনা । বলেছি ত ;
নাহি জানি সম্যাসী কি বলে ।
শালি । কর শীঘ্র তপ্ততৈল-কটাহ প্রস্তুত ;
আরে রে পাপিনি, মিথ্যা কহে অবধূত ?
লুনা । মহারাজ, ক্ষমা কর ;
আমি মতিহীন,
তব পুত্রে হেরি' মম পাপ জন্মে মন,
দোষী নয় তনয় তোমার ।

শালি। এ্যা! এ্যা! বধিলাম নির্দোষী কুমার!

তৃপ্ত করি প্রাণ, ছুটা, শোণিতে তোমার।

(খড়্গ লইয়া কাটিতে উত্তত)

পূর্ণ। ত্যজ রোষ, ক্ষম দোষ, শুন মহারাজ,

নারী-বধ অতি হীন কাজ ;

নীচজনে কি হবে বধিলে ?—

হোক দক্ষ অমৃতাপানলে।

সেবা। শুন রাজা, ঐ ছুটা হয় মম নারী ;

করেছিল চুরি,

চোর নাম আছে পৃষ্ঠদেশে।

শালি। সত্য,

তাই পৃষ্ঠ রাখিত ঢাকিয়া!

সেবা। শিখেছিল গরল প্রস্তুত-বিধি

এই ছুট জন, —

ভোজ্য-মনে প্রয়োগ করিত হলাহল।

শালি। কই যোগি,

কিবা দণ্ড দিব ছুই জনে।

(দামোদরকে লইয়া রক্ষকের প্রবেশ)

দামো। ও বাবা রে, গেছি রে পা ভেঙ্গে গেছে রে।

শালি। একে ? কেবা ছুট জন ?

রক্ষক। মহারাজ! এ বন্দী, পলায়ন করেছিল, দেখি
ঐ ঝোপের ভিতর ছোরা হাতে ক'রে ব'সে আছে ;
আমাদের দেখে তীরের শ্রায় ছুটল ; হঠাৎ পড়ে যাওয়াতে
ধ'রতে পেরেছি।

সেবা। ছিল বধিবারে আমার জীবন।

শালি। বন্দী কর ছুরাচারে।

কহ হে সন্ন্যাসি,

কিবা দণ্ড দিব এই পাপমতি গণে ?

দামো। বাবা, আমার হাড়ে হাড়ে দণ্ড হ'য়েছে—এই
পিঠে কোড়ার চোট দেখ, আর,—প'ড়ে গিয়ে পা ভেঙেছি।

পূর্ণ। গুরুর যেমত আজ্ঞা করি নিবেদন ;—

এই কয় জন

জ্বালামুখী-স্থান নিত্য করুক মার্জন ?

দামোদর, আপাততঃ ভগ্নপদ তুমি,

রহ গিয়া জ্বালামুখী স্থানে ;

কর মন স্থির, —

সেবাদাসে প্রেমদান করেনি স্তম্ভরা ;

দেখো যেন, এই ছুই জন

নিত্য কার্য্য করে সমাধান ;

তীর্থ-তীরে করি বাস পাপ হবে দূর,

ভগ্নপদ ক্রমে স্বেচ্ছ হবে ;

নহে, পাবে যন্ত্রণা প্রচুর ;

মহারাজ, আজ্ঞা দেহ রক্ষীগণে—

তিনজনে বন্দী করি' রাখে সেই স্থানে।

দামো। পা যাক্, আমার প্রাণের জ্বালা ঘুচল।

শালি। যাও রক্ষি,

আপাততঃ রাখ কারাগারে ;

সন্ন্যাসীর আজ্ঞামত করিব পশ্চাৎ।

দামো। চল্ চামার, চামারণি, বড় কোড়া খেয়েছি।

[রক্ষীগণের দামোদর, লুনা ও জম্বুকে লইয়া প্রস্থান।

শালি। হে সন্ন্যাসি, গুরু কেবা তব ?

পূর্ণ। বাঘাস্বর,—

রজত-ভূধর জটাজুটধর,

যার বরে কুমার জন্মিল তব ;

সেই দেব দেব মহেশ্বর—

নরকলেবরে গুরু মম।

শালি। হায়! মম ভাগ্য দোষে—

প্রতারণা করিলেন মহেশ আপনি ;

হা পুত্র! হা পুত্র! হা ইচ্ছা অভাগিনী!

কেমনে ভুলিবি তুই জ্বালা ?

পূর্ণ। ছলনা কি করেন মহেশ!—

পিতা, পিতা,

আশীর্বাদ করহ নন্দনে।

শালি। পূর্ণ, পূর্ণ!—

পাপিষ্ঠেরে লজ্জা নাহি দেহ আর,

পিতা নাহি বল।

পূর্ণ। পিতা, ছাড়হ বিয়াদ ;

ধীরজন মুগ্ধ হয় রমণীর ছলে।

(ইচ্ছা ও স্তম্ভরার প্রবেশ)

(ইচ্ছার প্রতি) মা, মা, সন্তানে করহ কোলে!

ইচ্ছা। বাবা পূর্ণ!

ওরে কে আমায় চক্ষু দেবে ?

আমি একবার তোরে দেখুব ।

পূর্ণ । গুরুর রূপায় মাতা, পেয়েছ নয়ন,
ঈশ্বর মঙ্গলময় ছিল না স্বরণ,—
সকটে রূপায় তাঁর পেয়েছি জীবন ;
দুঃখ পেলে—ভুলে ছিলে এই বাক্য সার,—
তবু, পুত্র পেলে—তাঁর করুণা অপার ।

ইচ্ছা । হায়, কেন যোগী-বাক্য করিছ সংশয় !
সকলে । জয় জয় জগদীশ, মঙ্গল-আলয় !
শালি । রাণি, দাসেরে কি করিবে মার্জনা ?
ইচ্ছা । তুমি পতি—দেবতা আমার,
ছি ! ছি ! ও কথা বলো না ।

পূর্ণ । হে সুন্দরা, তব ঠাই শত ঋণে ঋণী ।
সুন্দরা । প্রাণেশ্বর ! প্রাণনাথ, তোমার অধিনী ।
শালি । বৎস,

আজি হ'তে মম রাজ্য শুব অধিকার,—
ধর ছত্র কুমারের শিরে ।

পূর্ণ । মহারাজ, যোগীকে মার্জনা কর ।
হে শঙ্কর, সদাশিব, হে গোরক্ষনাথ,
বার বার পরীক্ষায় কেন ফেল তাত ?
রাজ্য ধন বেলো, দেব, কিবা প্রয়োজন ?
জীবনে মরণে সার তব শ্রীচরণ ।

পট পরিবর্তন

(হর গৌরীমূর্তি)

পূর্ণ । জয় পার্শ্বতি ! জয় পার্শ্বতী-নাথ !
মহাদেব । মানবের শিক্ষা-হেতু ধরি নর-দেহ ;
কার্য্য পূর্ণ— যাইব কৈলাসে ;

শুন রাজা, মায়া কর পরিহার ;
দেব-কার্য্যে জন্মেছে কুমার —
রাজ্য-অধিকার নাহি চায় ;
পরকালে গতি হেতু পুত্রের কামনা,—
ধন্য তুমি, পুত্রের জনমে ।
অন্তে পাবে কৈলাসে আবাস ।
শুন রাণি, নাহি হ'ও বিষাদিনী,
যোগীশ্রেষ্ঠ—ধার্ম্মিক, সূধীর
বিগ্ৰহমান কুমার তোমার ;
যোগধর্ম্ম প্রচার কারণ,
পুত্র তব দেশে দেশে করিবে ভ্রমণ ;
না কর সংশয়, মনে ভেবো না বিষাদ ;
যবে হবে আকুল পরাণ,
পাবে পুত্র-দরশন ;
অন্তিমে পুত্রের কোলে মুদিবে নয়ন,
লভিবে কৈলাসধাম ;
এই স্থানে কর দিব্য মন্দির নির্মাণ,
নিত্য তব পূজা আমি করিব গ্রহণ ।
সুন্দরা, ধরহ বাক্য মম—
নানারূপে পার্শ্বতীর মনে করি কেলি ;
শিবশক্তিলীলা-হেতু সৃজন সংসার ;
তৃপ্ত কর মন—
সখীভাবে গুহ-লীলা কর দরশন ।
সেবাদাস !

সংশয়-রহিত চিত্ত ঘেই জন হয়,
কামিনী-কাঞ্ছনে তার নাহি কোন ভয় ;
যোগ যোগ তপ ধ্যান, বাহু আচরণ,
কামিনী-কাঞ্ছন-ত্যাগ যোগীর লক্ষণ ।

শ্রীবৎস-চিন্তা



(পৌরাণিক নাটক)

[২৬ শে জ্যৈষ্ঠ, ১২৯১ সাল, ষ্টার থিয়েটারে প্রথম অভিনীত]



চরিত্র

পুরুষ

শ্রীবৎস	প্রাগ্দেশীয় রাজা ।
বাহুরাজ	অপর দেশের রাজা
সূর্য্যদেব	
শনি	গ্রহদেব ।
বাতুল ।			

মন্ত্রী, সভাসদ, সেনাপতি, কোতোয়াল, কারাধ্যক্ষ,
ধীবর, সওদাগর, দূতগণ, রক্ষী ও প্রহরিগণ,
প্রজাগণ ইত্যাদি ।

স্ত্রী

চিন্তা	শ্রীবৎসের মহিষী ।
ভদ্রা	বাহুরাজ-কন্যা ।
লক্ষ্মীদেবী	

সখী, কাঠুরের স্ত্রী, বাহুরাজ-মহিষী, মালিনী,
স্ত্রীলোকগণ ইত্যাদি ।

প্রথম অঙ্ক

—:::—

প্রথম গর্ভাঙ্ক

প্রান্তর

শনি ও লক্ষ্মী ।

শনি । কোথা অধুষুতা,—
ক্রতগতি গমন তোমার ?
হেরি, অতীব চঞ্চল,
চঞ্চলে, তোমারে আজি ;
কি কাজে ভুবন-মাঝে করহ ভ্রমণ,
নিত্য এত কিবা প্রয়োজন,
তাজি বিষ্ণুপদ-সেবা, সাগর-উদ্ভবা,
অকারণ কেন কর পরিশ্রম ?

লক্ষ্মী । ভাল প্রশ্ন করিলে আমায় !

ত্রিভুবন করে আকিঞ্চন,
চরণ দর্শন মম ;

নানা উপহারে করিছে অর্চনা,

সবাকার পুরাই বাসনা,
জান না কি, ছায়ায় তনয় ?
শনি । জানি আমি,
অস্তুমতি নরে ধর্ম পরিহরে
তোমা'রে করিতে সেবা ।
স্বজন ধাতার আনন্দ-সংসার,
নিরানন্দ তোমা'রে করিয়া পূজা ;
দ্বন্দ্ব সহোদরে,
পুল্ল করে পিতার নিধন,
পত্নী করে পতি অবহেলা
পাইতে তোমায়,—
পরকায় বিকায় রমণী,
রোগ-শোক-পূর্ণ এ ধরণী,
তুমিই কারণ তার,
এ ত নহে উচিত তোমার ।
বার বার মজাও মানবে,—
ব্যাপিয়ে ধরণী
নিত্য উঠে রোদনের ধ্বনি,
যায় প্রাণী অকালে মরণ-মুখে,
ভ্রাস্ত নরে মজায়ো না আর,—
ভ্যজি এ সংসার,
কর সার নারায়ণ-পদ-পূজা ;
নহে মহাপাতকে মজিবে,
পুনর্বার নীর-গর্ভে যাবে,
অসংশয় ধর্মের হইবে জয় ।

লক্ষ্মী । ভাল শিক্ষা দিতে এলে শনি মোবে,
কিন্তু জেনো স্থির,
মম পূজা যদি ভবে উঠে,
তিন পুরে তবার্চনা কদাচ হবে না,
ঘৃণাম্পদ লোক-মাঝে তুমি ;
শুন, শনি—
কোন কালে কেহ কি করেছে পূজা,
তবে কেন পূজা-আশে মন্দ ভাস মোবে ?
সাধ তব—পূজা নাহি লব,
রূপাময়ী নাম পাসরিব,
ভাল তব অনুরোধ ;

পূজা যদি নাহি কভু ধরি,
ওহে, লোক-অরি, কি ফল তোমার তাহে ?
পূজা, - তুচ্ছ হ'য়ে উচ্চ আশা কেন কর ?
শনি । তুচ্ছ আমি, উচ্চ তুমি, ভাব কি কমলা ?
ভুলেছ কি প্রভাব আমার ?
সৃষ্টি যথা তথা মম অধিকার !
ধর্ম মতি কেবা দেয় নরে ?
ত্রিনংসারে কেবা নাহি ডরে ?
শান্তি কারে নাহি দিতে পারি ?
মম উপদেশে—
মোক্ষ-ফল লভে তুচ্ছ নবে ;
রূপায় তোমার মজে পাপ-ঘোরে,
মাগর-আঁধারে আপনি করছ বাস ।
যার ধর্ম পথে গতি,
সদা মম পদে মতি—
গুরু, শ্রেষ্ঠ গণে জ্ঞানী জনে ।
তুমি রূপা কর, যে তোমা'রে করে পূজা,
কিন্তু, যেই ঘৃণা করে মোরে,
আমি কভু না পাসরি তাবে,
রূপায় আমার !
দিব্যজ্ঞান পায় সেইজন ;
নীচ আমি, শ্রেষ্ঠ তুমি, জ্ঞানী না কহিব ;
রৌরব-স্বজন তোমা হেতু,
প্রবৃত্তি বাসনা—
উত্তেজনা তোমার কারণে ;
তোমা হেতু কলিকাল করাল-উদ্ভব ; -
হিত করি ফিরি আমি ত্রিভুবনে ।

লক্ষ্মী । আহা,
রূপায় তোমার এ সংসার স্থথাগার !
স্বনয়নে যদি তুমি চাও
গণেশের মস্তক উড়াও—
ভয় লোকময়,—
পাছে তব রূপা-দৃষ্টি হয় ।
আহা, সাধে কি হে বলি,
দু'টি চক্ষে পরিয়াছ ঠুলি,—

নহে ত্রিভুবন যায় জ্বলে ।
 পাতকের ঘোরে, সাগর-আধারে—
 আমি তো করিব বাস,
 কি পুণ্যের জোরে চির-অন্ধকারে,
 ঘোর তুমি গুরুশ্রেষ্ঠ, রূপাময় !
 মহাগুরু, দয়া-কল্পতরু,
 যবে তব হবে অধিকার—
 ব্রহ্মাণ্ড হইবে ছারখার,
 ক্ষীরদে না রবে নীর ;
 সুধাই হে শনি,
 অভাগা কে আছে মহাজ্ঞানী,
 তব পদে মতি ঘার ?
 এস ভ্রমি ত্রিসংসারে,
 রক্ষুগত দেখি তুমি কার ?
 দেখি, কে তোমারে শ্রেষ্ঠ কয় ?
 মহাজ্ঞানী দেব-দেব বসেন কৈলাসে,
 ধীর প্রশংসায় ছায়ার নন্দন,
 চক্ষু পর চির আবরণ
 চল ব্রহ্মলোকে,—
 দেখি তথা তবানী কেবা ভাগ্যহীন,—
 উচ্চ পদ কে দেয় তোমারে ।
 গেলে স্বরপুরে,
 পলাইবে মিলিয়ে অমরে,
 পাতালে দানব পাবে ডর ।
 শুন শনি, তব অধিকার নাই—
 দৃষ্টি আছে তাই,
 নহে কি ছায়ার গর্ভে জনম তোমার ;—
 অসম্ভব কোথায় সম্ভব ?
 গৌরব কোথায় তব,
 সাধ হয় দেখিবাবে,
 সহজে না পাইবে উত্তর—
 ভেবে দেখ ননে,
 ভাগ্যহীন কেবা তব রূপাধীন ;
 করি উপরোধ—দয়াময়,
 দয়া ক'রে আমারে ক'রো না দয়া ।
 শনি । যথা যাব, উচ্চাসন সেই মোরে দিবে ।

লক্ষ্মী । মহা প্রলয় নিকট তবে ;
 ভাল দেখি, কোথা ভকত তোমার ।
 শনি । কৰ্মক্ষেত্র—চলহ ধরায়,
 কে ধার্মিক চাহে তবায় ।
 লক্ষ্মী । বৃথা কেন যাবে, কেন কষ্ট পাবে,
 ঘরে ঘরে পূজে মোরে,
 ধৰ্ম্মপরায়ণ শ্রীবৎস রাজন,—
 তথা তব হবে কি বিচার ?
 শনি । ভাল, চল, তব ইচ্ছা যদি,
 সংশয়-ভঞ্জন করিত হইবে তথা,—
 হিত কথা বুঝিবে তখনি ;
 সত্য, ধৰ্ম্মপরায়ণ শ্রীবৎস রাজন ।
 লক্ষ্মী । না কর সংশয়,
 সভাময় উঠিবে সম্মান-ধ্বনি ;
 সভাস্থ সকলে—
 চক্ষু হস্ত দিবে তোমা হেরি ।

[উভয়ের প্রস্থান ।

দ্বিতীয় গর্ভাঙ্ক

রাজ-সভা ।

(শ্রীবৎস, মন্ত্রী ও সভাসদ আসীন)

শ্রীবৎস । কর ধন বিতরণ,
 বৃথা পরিশ্রম বুঝাতে দরিদ্রগণে ;
 ধনহীন—মতিহীন চিরদিন,
 কাল্পনিক দুঃখ সদা তার,
 নিজ কৰ্ম-দোষে দীনতা তাহার,
 না করে বিচার,
 রুষ্ট হয় হেরি সুখীজনে,
 ভাবে মনে মনে,
 ধনবান্ সদা করে অসম্মান ।
 শোচনীয় অবস্থা এ'সব,
 কিন্তু বল, কি উপায় আছে ?
 শুন আবেদন,

ধনী আছে, বণিক নগরে,
দান নাহি করে,—
শাসন করিতে কহে মোরে।—
আহা! ক্ষুধার জালায়—
বিবেচনা নাহি রয়!
আমি বলি, কেমনে রূপণে দাতা করি,
বাণিজ্যেতে লক্ষ্মী চিরবশ,
বণিক পীড়ন—
কদাচন উচিত না হয়;
দেখ, অগ্র কিবা আবেদন।

মন্ত্রী। আবেদন অধিক নূতন।
শ্রমজীবী দীন কয়জন,
জানায় রাজন্,
অতি পরিশ্রমে দিনপাত হয় সবাকার,—
নগরে বাহুক নামে বিখ্যাত বণিক,
যাহার অর্গব-তরী আমি ভূমণ্ডল—
নিত্য আনে কোটা কোটা ধন;
তার কাৰ্যালয়ে,
আবেদনকারী দীনগণ
পরিশ্রমে করে দিনপাত।
কহে সবে, অতি পরিশ্রম—
অত্যন্ত অর্জন,
তাহে, কষ্টে হয় দিনক্ষয়;
জানায় সভায়, গ্রহরেক ছয়,
কশ্মে রহে নিয়ত সকলে;
নিবেদন—মহারাজ করুন নিয়ম,
যাহে—
অল্প কষ্টে, অধিক উপায় হয়।

শ্রীবৎস। দেহ ধন,—
কি বিচারে, বণিকেরে করিব বারণ?
ইচ্ছা নাহি হয়, স্থানান্তরে যাক্ সবে,
আছে অগ্র উপার্জন-স্থল;
কি নিয়মে বণিকে শাসন করি?

সভা। মহারাজ, অধিক পীড়ন,
যার শ্রমে হয় উপার্জন,
ক্ষুধায় কান্তর তারা;

কোথা যাবে, কোথা স্থল পাবে,—
প্রজা বৃদ্ধি রাজ্যে অতিশয়,
দিন দিন শ্রমের সময় বৃদ্ধি পায়,
উপার্জন অল্প তত।
যদি কেহ করে অস্বীকার,
বিদায় তখনি তার।
অগ্র শত শত জন করে আবেদন,
পাইতে তাহার স্থান;
নাহি কি নিয়ম মহারাজ,
যাহে সামঞ্জস্য হয় সবে?

শ্রীবৎস। অগ্র কি নিয়ম,
নিয়োজিত রয়েছে ব্রাহ্মণ,
ধর্মকথা ঘরে ঘরে কয়,
দানে পুণ্য অতিশয়,
জানাইছে জনে জনে।

মন্ত্রী। আছে বহু আবেদন-পত্র আর,
শুন সমাচার,
ধনবান্ নাহি করে অর্থ বিতরণ।

শ্রীবৎস। পাঠের নাহিক প্রয়োজন।
কহ কোষাধ্যক্ষে দেয় ধন।

সভা। মহারাজ, মম মতে আবেদন পাঠ—
অতি প্রয়োজন,
নারায়ণ-প্রতিনিধি ছত্রধারী রাজা,
কার কি বেদনা,
নহে কি উচিত প্রভু, জানিতে সকল?

মন্ত্রী। মর্ম এক, অগ্রাঘ্য যাচিঞা সব,
অপব্যয় সময় কেবল
শুনিতে সকল কথা।

সভা। মন্ত্রী মহাশয়,
রাজপদ নহে সাধারণ,
পশু, পক্ষী, কীট, পতঙ্গ প্রভৃতি—
মনোব্যথা জানায় ঈশ্বরে,
অগ্রাঘ্য সকলি,
তবু প্রভু, করুণা-আকর,
নিরন্তর বুঝেন বেদনা,
তায়মত পুরান সবার কামনা।

প্রজা কয়জন করে আবেদন,
তুচ্ছ নহে মানব-বেদনা,
কিবা কার মনের বিকার,
জানিতে উচিত, মহাশয় !
নহে মিথ্যা কথা,
ধনীৰ পীড়নে পীড়িত দরিদ্র জনে,—
আহা, হীন যাহা, প্রশয় লইতে
নাহি করে ক্রটি কেহ,
রাজ-দানে আজি দুঃখ যাবে,
কল্য কি উপায় হবে ?

শ্রীবৎস । আছে কি উপায়—
বৃত্তি-বৃদ্ধি কি নিয়মে করি ?
ভৃত্য যার সেই বৃত্তি দিবে,
বলে যদি করি এ নিয়ম,
সমর-অনল প্রজ্জ্বলিত হবে রাজ্যময়,—
ধন-বলে প্রবল বণিকদল,
প্রজার সংহার, রাজ্য হবে ছারখার ।

(জনৈক বাতুলকে লইয়া কোতোয়ালের প্রবেশ)

কোতো । মহারাজ, এই ছুরাচার একজন,
বৃত্তি কিছু নাই,
করে উন্নাদের ভাগ,
সুধালে না কথা কয়,
কোথায় বসতি কেহ নাহি জানে,
নিশ্চয় এ হবে দুষ্ট জন ।

মন্ত্রী । কে তুমি, কোথায় নিবাস তব ?

কোতো । কোন কিছু না দিবে উত্তর ।

শ্রীবৎস । ছাড়হ কোটাল ;

জীর্ণ-শীর্ণ হেরি তব কায়—
হয় অল্পমান—অতি দীনজন তুমি,
ভয় নাই, কহ সত্য বাণী,
ক্ষুধার্ত্ত কি তুমি ?
কিষ্ণা, পিপাসায় শুষ্ক তালু, না সরে বচন ?
জ্ঞান হয়, অতি ব্যথিত হৃদয় তব,
রাজা আমি,
মনোব্যথা জানাইতে হয় মোরে ।

মন্ত্রী । একি ! বাতুল নিশ্চয়,
অথবা বিদেশী, ভাষা নাহি বুঝে ।

শ্রীবৎস । না—না, অতি দীন,

ভয়শূন্য অতি বেদনায়,

হৃদয় প্রস্তুতময় এবে,

নাহি ভয় আত্ম-বিসর্জনে ।

শুন হে, অপরিচিত,

পিতা মাতা ভ্রাতা বন্ধু

যদি কেহ থাকে হে তোমার,

ভাব সেই আমি,

নহি রাজা, বন্ধু তব জেনো ওহে দীন !

মন্ত্রী । হাসিতেছে, প্রত্যক্ষ দেখুন মহারাজ !

শ্রীবৎস । হির হও, মন্ত্রীবর ;

ভাল, পুত্র-কন্যা কেহ কিহে নাহি তব ?

নাহি জীব ভবে—

যারে তুমি ভাবহ আগন ?

ভাব সেই জন আমি ।

সত্য কহি,

তব বেদনায় ব্যথিত হৃদয় মম,

দেখ—আমি রাজা,

তুমি অতি দীন,

তব সনে মিথ্যা ভাণে নাহি প্রয়োজন ।

(বাতুলের গমনোচ্চম)

কোথা যাও, কেন কথা কর অনাদর,

পরিচয় দেহ না আমায় ?

বাতুল । ব'ল্লে না—তুমি বন্ধু ?

শ্রীবৎস । সত্য, বন্ধু আমি তব ।

বাতুল । ভাল বন্ধু, ছেড়ে দাও, আলোয় আলোয়
চ'লে যাই ।

শ্রীবৎস । দেখ, তুমি সম্বল-বিহীন ।

বাতুল । কেন, কিছু দিয়ে যেতে হবে নাকি ?

শ্রীবৎস । দেখ, আমি রাজা, তুমি দীন,

কি দিবে আমায় ?

বাতুল । কথায় কাজ নাই, ঘা কতক মেয়ে ছেড়ে
দাও, আর যদি বেশী বন্ধুত্ব কর, কারাগারে পোরো ; আর
গর্দানা যদি নিতে চাও, তাতেও বেশী আপত্তি নাই ।

শ্রীবৎস। হে দরিদ্র, অন্ন যদি দিই ?

বাতুল। কাজ কি আর, সাত দিন কেটেছে—তিন সাতের একুশ দিন হ'লেই অন্নের হাত এড়াই।

শ্রীবৎস। সাত দিন অনাহারী তুমি ?

বাতুল। কেন, ক'ঘা বেঁত মারবে বুঝে নিচ্চো, দুদ'শ ঘায় ম'রবো না, একটু মুখে জল দিলেই চেতে উঠ'বো।

শ্রীবৎস। শোন, রহ রাজপুরে,

বুঝিয়াছি অবস্থা তোমার,

পরিবার আছে কিহে কেহ ?

বাতুল। অণ্ড অণ্ড লোক, আমাকেই বেত মেরে ছেড়ে দেয়, তুমি কি সপরিবার একগাড় ক'রবে ? কিন্তু দুঃখের বিষয়, সে যো যমে রাখে নাই, কমলার রূপায়, এক এক ক'রে নিয়ে নিয়েছে।

শ্রীবৎস। অতি শোচনীয় অবস্থা তোমার,

বাক্যে মম করহ প্রত্যয়, নাহি ভয়।

বাতুল। বলি, ভয়টা কি কিছু বিশেষ দেখ'ছ ?

শ্রীবৎস। আত্মঘাতী হইবারে চাহ,

জান আত্মহত্যা গুরুতর অপরাধ,

রাজদ্বারে দণ্ডনীয় ?

বাতুল। বন্ধু, মনের কথা এক এক ক'রে খোল, আমি আঁচ করেছিলাম, নিরিবিলি মরবার যো নাই।

শ্রীবৎস। প্রাণ অতি অমূল্য রতন,

উপায় থাকিতে

কেন দিবে বিসর্জন ?

রাখ ঈশ্বরে প্রত্যয়,

চিরদিন সমান না রহে কার'।

বাতুল। আমি ও কথা শুন'বো কেন, আজ যে বিশ বৎসর দেখে আস'ছি—যিনি যেমন, তিনি তেমনি,—আমি যেমন, আমি তেমনি।

শ্রীবৎস। ভাল, মরিবে সংকল্প তব,

না হবে খণ্ডন,—

কিন্তু এক উপরোধ রক্ষা কর মোর,

ইচ্ছা হয় ম'রো কালি,

আজি কিছু অন্ন-পানি খাও রাজপুরে।

বাতুল। উপরোধ রাখ'তুম, কিন্তু বড় পা কামড়াগ, আর বড় পেট কচলাগ, আবার সাত সাত দিন তো এমনি

করে কাটবে, প্রাণ রাখতে যে নেহাত নারাজ ছিলাম, তা নয়, কিন্তু স্ত্রীবিধা কিছু কম, আর উদিক্ পানে আত্মহত্যাও কোত্তে হয় না, একুশ দিনও উপবাস থাকতে হয় না, এরিই মধ্যে কিল লাখিতে এক রকম হয়। কোটাল সাহেবের কিলে বোধ হয় সাত দিন এগিয়েছি। বন্ধু, উপরোধ রাখতে পাল্লেম না। চৌদ্দ দিন পেছতে পারি না, চৌদ্দ দিন কেন একুশ দিন বল—আর এক কোটালিতে গিয়ে টেনে টেনে পৌছতে পারলেই আজই এক রকম হবে।

শ্রীবৎস। কোতোয়াল,

এই দরিদ্র দুর্কালে তুমি করেছ প্রহার ?

কোতো। না মহারাজ !

শ্রীবৎস। গুরুতর অপরাধ তব,

মিথ্যা তাহে না কর সংযোগ,—

পশ্চাৎ বিচার।

(শনি ও লক্ষ্মীর প্রবেশ)

শনি ও লক্ষ্মী। জয় হোক, মহারাজ !

শ্রীবৎস। অলৌকিক দিব্যজ্যোতি, দেখি হয় ভয়,

কেবা দৌহে দেহ পরিচয় ?

অজ্ঞ আমি,

শিখাও আমায় কেমনে পূজিব দৌহে ?

শনি। মতিমান তুমি মহারাজ,

যশ তব খ্যাত ত্রিভুবনে,

বিচার কারণে আসিয়াছি ছুইজনে,—

সুবিচার কর, মহারাজ !

গ্রহপতি রবির তনয়,

শনি নাম খ্যাত লোকময়,

জলধি-নন্দিনী কমলা আমার সনে।

লক্ষ্মী। মহারাজ,

পরস্পরে হয়েছে বিবাদ,

কেবা বড় কেবা ছোট,

আমা দৌহা মাঝে ?

শ্রীবৎস। সফল জনম,—

দেব, দেবি,

কৃতাজলি করি নিবেদন,

দাস প্রতি এত কৃপা যদি,
আসন লউন দৌহে ।

শনি । জান বহুকার্যে রয়েছি ব্যাপৃত,
বসিবার নহেক সময় ।

লক্ষ্মী । বসিবারে নারি,
বিচার করহ, রাজা !

শ্রীবৎস । দৌহার চরণে এই মিনতি আমার,
তুল্য দৌহে ।
আমি ক্ষুদ্রমতি,
ছোট বড় বিচার করিতে নারি ।

শনি । বিচার রাজার ক্রিয়া ।

লক্ষ্মী । নির্ভয়ে বিচার কর, মহারাজ !

শ্রীবৎস । শুন মা, কমলা,

শুন, গ্রহদেব,
আজি মম মতি নাহি স্থির,
বিচার করিতে নারি,
কল্যা প্রাতে
ভাগ্য ফলে পেলে দরশন,
যথাজ্ঞান করিব বিচার ।

লক্ষ্মী । জয় হোক, মহারাজ !

শনি । কল্যা প্রাতে ?

[উভয়ের প্রশ্নান ।

শ্রীবৎস । মজ্জি, সর্কনাশ হলো উপস্থিত ।

লক্ষ্মী । ভাবি তাই, মহারাজ,

শনিদেব সহসা উদয় !

শ্রীবৎস । কমলার সনে

কারে ছোট কারে করি বড় ;
বুঝিলাম দৃঢ়,
দেবতা বিমুখ মন প্রতি,
নারায়ণ, তব ইচ্ছা বলবান !
সভা ভয়ঙ্কর আজি ।

হে দরিদ্র, দুঃসময় উদয় আমার,

কর উপকার,

উপবাসী ত্যজ না এ পুর,

এস মোর সাথে ।

(নেপথ্যে বন্দীগণের গীত)

পুরবী-গৌরী—চৌতাল ।

তরণ অরণ প্রথর তপন,
অস্তাচলগামী নেহার রাজন !
সময় সমীরণ জিনিয়ে গমন,
বহে কাল যেন রহে হে স্মরণ ।
গৌরব ছবি নেহার মেদিনী,
আসিবে বেড়িবে তিমির যামিনী ;
জীবন-উৎসব, উঠে জনরব,
নিদ্রা-আবরণে বেড়িবে নীরব ;
আসে মহাদিন—মহানিদ্রাধীন,
ঘুমাইবে আর না হবে চেতন ।

[সকলের প্রশ্নান ।

তৃতীয় গর্ভাঙ্ক

পূজা-গৃহ

চিন্তা ও সখী ।

(চিন্তার গীত)

হাশ্বির-খাশ্বাজ—একতাল ।

কিঙ্করী তব করণাময়ি, করণা কর কমলা,

ওমা রমা, দেখ' ভুল না ভুল না,—

ডরি মা তুমি চপলা !

রমেশ-রাগি, রাজা পা হুথানি,

দিও মা দাসীরে কমলপাণি,

হীনা সদা মতি চকলা, অশ্রুবালা, হও মা অচলা !

চিন্তা । দেখ সখি,

অপূর্ক সৌরভে পূর্ণ পূজা-গৃহ আজি,

দেখ কি অপূর্ক জ্যোতি ভাতে !

(দৈববাণী)

স্বর্ণ-রৌপ্য সিংহাসন করহ নির্মাণ,

অচলা রহিব আমি, রহে যদি মান ।

চিন্তা । একি ! দেব মায়া, বুঝিতে না পারি,

কালি দিব স্বর্ণ-রৌপ্য-সিংহাসন ।

সখি, কিছু কি বুঝিলে,

“রহে যদি মান” ।

(গীত)

ইমনগারা—একতালা
মানময়ী তুমি, তোরি মানে মানী,
তোরি মানে মাগো, আমি রাজরাণী ।
ছাড় ছলনা, মাগো বল না,
কাজালিনী কিসে রাখিবে মান ?
কেশব-বাসনা, কমল-আসনা,
ধর পূজা, পদে রাখি মা প্রাণ ।
অবলা ললনা, করুণা-নয়না,
শত দোষী পদে, কর মা, মার্জনা,
নাহি জানি পূজা, বল মা অমূজা,
কমল-চরণে করিব কি দান ।

সখি, বুঝিবারে নারি,
তুচ্ছ স্বর্ণ-রজত-আসন
কমলার কিবা প্রয়োজন ;
বুঝিতে না পারি
সদয়া কি নিদয়া মা, সাগর-ঝিয়ারী,
কালি গড়ে দিব
নানা বর্ণ-মণ্ডিত আসনদ্বয়,
কিন্তু মম সংশয় না হয় দূর,
ঘটিবে যা আছে মার মনে ।

(নেপথ্যে লক্ষ্মীর গীত)

ইমন-ছায়া—একতালা ।
আদরে রাখিলে ঘরে, আমি তো—
তার কাছে থাকি,
নইলে কি রইতে পারি, যাই যেখানে—
নে যায় ঐশি ।
জানি না কেন আসি,
কেন করে ভালবাসি,
ইচ্ছা ক'রে মরি ঘুরে
বুঝতে নারি মনের ফাঁকি ।

চিন্তা । মরি, কিবা সুন্দর সঙ্গীত !

শ্রবণ মোহিত শুনি,
বিদেশিনী কে কামিনী আসে ?

(লক্ষ্মীর প্রবেশ)

(লক্ষ্মীর গীত)

ইমন-ছায়া—একতালা ।
কলঙ্ক হেরে চাঁদে, প্রাণ আমার মদাই কাঁদে,
সজোপনে কমলবনে, মনের কথা মনে রাখি ।

খসে হীরা হান্লে পরে, কাঁদি যদি প্রবাল ঝরে,
যে আমার দুখের দুঃখী
আমি তারি, তারে ডাকি ।
ঘুমা'ল জাগ লো না আর,
হলো খালি পা টেপা মার,
পারাবার একে আঁধার, আর কত আছে বাকি ।

মা, তোমরা পূজা কর কার ?
চিন্তা । গোলোকবাসিনী নারায়ণী,
সর্বশুভ-দাত্রী লক্ষ্মী পূজা করি মোরা ।
লক্ষ্মী । ভাল, ভাল ।
চিন্তা । কে মা তুমি ?
বিদেশিনী হয় অনুমান,
কি কারণ হেথা আগমন,
কর গো বর্ণন, সতি !

লক্ষ্মী ।—

(গীত)

ডাকলে আমি রইতে নারি,
যে ডাকে তার কাছে আসি ।
মলিলে মদাই ভাসি, মিষ্টভাষী ভালবাসি ॥
ডাকে যে সরল প্রাণে,
প্রাণ টানে মোর, তারি পানে,
তারে কই মনের কথা, তারি কাছে ব'সে হাসি !
এসেছি জলে ভেসে, ঘুরে বেড়াই দেশ-বিদেশে,
যে কথা কয় মা হেসে, হইগো তারি গৃহবাসী ॥

চিন্তা । জিনি বীণাধ্বনি

নব তানে বিহঙ্গিনী যেন গায়,
প্রাণ ভরি মাধুরী বিহরে,
আহা, স্বরে কত সুধা ফরে মা তোমার !
কেন মা, কেন মা, ফের দেশে দেশে,
আদরে কি কেহ নাহি রাখে তোরে ?
বীণা-বিনিমিত-ধ্বনি, কে তুমি না জানি !
সৌদামিনী মিলিছে অধরে,
চন্দ্রাননে, সাধ হয় মনে,
যতনে তোমারে রাখি ঘরে !
কি কঠিন জনক-জননী,
জলে ভাসায়েছে তোরে,
সতি, নিরুদ্দেশী পতি কি তোমার ?
থাক মা, হেথায় মমাগারে.

দেখিবে—দেখিবে,
কি আদরে থাক তুমি আদরিণি !

চল যাই অন্তঃপুরে,
মহারাজ এসেছেন এতক্ষণে ।

[উভয়ের প্রশ্নান।

লক্ষ্মী ।— (গীত)

নটের মণি গুণমণি, আমার দেখে ঘুমিয়ে থাকে,
তখনি যায়গো উঠে, আর যদি কেউ তাকে ডাকে ।

মনের কথা বোলবাঁ কারে,
প্রাণ যেচে দেয় যারে তারে,
নারি মা, বুকুতে নারি,
কার কাছে প্রাণ বাঁধা রাখি ?

সারা দিন কেঁদে মরি, পায়ে ধরি যত্ন করি,
ভাব দেখে মা সদাই ভাবি,
কি ভাবে বশ করে তাঁকে !

চিন্তা । রবে কি মা, রবে মম ঘরে ?

লক্ষ্মী ।— (গীত)

দেখিন্ আসবো ফিরে—
আজ এখানে রইতে নারি,
কে কোথায় উপবাসী,
কাজ হাতে না আছে ভারি ।
দেখবো কেমন আদর তোমার,
সিংহাসন দিস্ মা নোণার,
আর যে আসে বোম্বে এসে—
রূপোর খানা রইল তারি ।

(লক্ষ্মীর অন্তর্দ্বন্দ্ব)

চিন্তা । অপূর্ণ কুহক সম রমণী লুকাল,
নিরর্থ এ নহে কত ।
এও কহে স্বর্ণ-রোপ্য-সিংহাসন-কথা,
এলো যেন পাগলিনী,
বলে গেল পাগলিনী পারা ।
আহা, এখন' শ্রবণে
বাজে সেই মধুর সংগীত !
বিমোহিত প্রায় কিছু না বুদ্ধি,
রহিল পুতলি যথা,
দেবলীলা—সন্দ কিবা আর ;
রজত-কনক-সিংহাসন,
আর কে আসিবে, কে বসিবে ?
স্থির কিছু করিবারে নারি,

চতুর্থ গর্ভাঙ্ক

কক্ষ

শ্রী বৎস ।

শ্রী বৎস । কারে শ্রেষ্ঠ, নিকৃষ্ট কাহারে কহি !

সুবিচার রাজার উচিত ।

কিন্তু সুবিচারে হবে সর্কনাশ ।

তুল্য দোহে,

দেবতার ছোট বড় কিবা !

ছল মাত্র চলিতে আমায়,

দোষী বুদ্ধি দেবতার পায়,

কি চক্রে আমারে ফেলিলেন চক্রপাণি !

শনি—

কোপে তাঁর সর্কনাশ,

সর্কনাশ কমলার দৃষ্টি বিনা ;

না—না, এতো নয় সুবিচার ।

যা হবার হবে মম—বিচার করিব,

ভবে কীর্তি রেখে যাব,

বিচারে না ছিন্তু পরাশ্রুত ।

কিন্তু, কে ছোট কে বড় ?

তুল্য—

যুক্তিতে সমান,

কিন্তু প্রাণ করে বলে বড় ?

শনি—

নামে কায় কণ্টকিত হয়,

ভয় - মহাভয়, উদয় সে নামে ।

লক্ষ্মী,

নাম নিলে প্রাতে ভাতে প্রাণ,

অভয়—অভয়—অভয় মায়ের পদ ।

কিন্তু শনি,

রাজযোগ সৃষ্টিতে তাঁর,

কোপে রামচন্দ্র যান বনে ।
কিন্তু, হাহাকার কমলার রূপা বিনা—
কে বড়, কে ছোট ?

(চিন্তার প্রবেশ)

রাগি, সর্কনাশ,
আজি শনি, কমলার সনে
অকস্মাৎ উদয় সভায়,
কে বড়, কে ছোট,
জিজ্ঞাসিলা দৌহে মোরে ।
অঙ্গীকার করিয়াছি,
করিব বিচার কালি ;
বুঝিতে না পারি,
কি করি এ বিষয় সঙ্কটে ।

চিন্তা । জননী আমার,
এতক্ষণে বুঝিলাম রূপা তোঁর !

শ্রীবৎস । কার রূপা ?
রাগি, সর্কনাশ নাহি বুঝ !
দ্বন্দ্ব আজি শনি-সনে কমলাব ।

চিন্তা । শুন মহারাজ,
পূজাগৃহে দেখিলাম যাহা,
অকস্মাৎ ভাঙিল অপূর্ষ জ্যোতি,
অপূর্ষ সৌরভ—
গৌরবে বেড়িল পুরী,
হলো বাণী,
“স্বর্ণ-রৌপ্য-সিংহাসন করহ নিশ্চয়,
অচলা রহিব আমি, রহে যদি মান ।”
উঠিলাম প্রণমিয়া মায়,
দেখিলাম, বনবিহঙ্গিনী জিনি ধ্বনি,
কে রমণী আসে ধীরে ধীরে,
গায় বালা, ঘেন উন্মাদিনী,
দেখিতে দেখিতে চলে গেল বিদেশিনী ।
“দেখিস্ গো আসুবো ফিরে,
আজ এখানে রইতে নারি,
কে কোথায় উপবাসী,
কাজ হাতে যা, আছে ভারি ।”

আহা, সে মধুর স্বর
এখন' বাজিছে কাণে !
শ্রীবৎস । অপূর্ষ কাহিনী,
কিন্তু নাহি জান রাগি,
শনি প্রবল-প্রতাপশালী,
উড়ে গেল গণেশের শির
গণেশ-জননী কোলে,
নারিলেন শঙ্কর রক্ষিতে তাঁরে ।

চিন্তা । মহারাজ, যা হবার হবে,
ভেবে কিবা ফল আর,
কিন্তু অবিচার করো না, রাজন্ !
চিরদিন সমান না যায়,
কত দিন আপনি বলেছ, রাজা,
মান রহে তাঁর,
রাখে যে মানীর মান ।

শ্রীবৎস । রাগি, তুল্য মান—
রাখি কার মান,
কারে করি অপমান,
কেবা ছোট, বড় কেবা বল ?
নবজাতি ক্ষুদ্র মতি,
দেবতার গতি বুঝিতে শক্তি,
কভু নাহি ধরে কেহ ।
শনির রূপায় কেহ রাজ্য পায়,
রাজ্য কাব ছারখার কমলার কোপে,
তবে কেবা বড়, কেবা ছোট বল ?
রূপা-দৃষ্টি দৌহার প্রবল,
কোপ-দৃষ্টি দৌহার সমান ।

চিন্তা । শনি পাপগ্রহ শনি,
নারায়ণ-হৃদয়-রঞ্জিনী রমা,
যার করুণায় ইন্দ্র স্বর্গ পায়,
থাকে কর্ম ফল, ভুঞ্জিব রাজন্ !
লক্ষ্মী নারায়ণ,
চিরদিন হৃদয়ে করিব পূজা ।
জানিহ, রাজন্,
যথা লক্ষ্মী তথা নারায়ণ,
অম্লদার করুণা বিহনে—

কে বাঁচিত ত্রিভুবনে ?
 এস, রাজা,
 নাহি ভাব আর,
 মান রাখ মা'র,—
 যাচে মান আপনি কমলা এসে ।
 শ্রীবৎস । রাগি, না জান কাহিনী —
 ধর্মময় শনি,
 ধর্ম বিনা
 লক্ষ্মী কতু নহে স্থিরা,
 দিয়ে ধর্ম-ভার যাচিছে বিচার,
 অধর্ম্যে না রাখিব কাহার মান ।
 কাঁপে প্রাণ
 ভবিষ্যৎ মনে হ'লে ।
 গুরুশ্রেষ্ঠ কে আছে কোথায়,
 উপদেশ বলহ আমায়,
 মহাদায়, যুক্তিতে নির্ণয়
 কোন মতে নাহি হয় ।
 রাজ্যে শনি লক্ষ্মী ভেদ,
 কিন্তু কার্য্য অভেদ দোহার—
 সর্কনাশ যার কমলা বিমুখ তথা,
 শনি-কোপ তথা বিঘ্নমান,
 সূদৃষ্টি যথায়—
 শনিদেব প্রসন্ন তথায় ;
 এ ভেদে, ভেদাভেদ কিসে করি ?
 ভয়,—যুক্তি সে তো নয়,
 অস্থির, অস্থির—
 পদ্মপত্র-জল টলমল প্রাণ,
 এই যুক্তি এই শক্তি মানবের ।
 চিন্তা । যুক্তি যদি বিকল রাজনু,
 যথা ধায় প্রাণ মন,
 তাঁহার চরণ
 আলিঙ্গন কর না আদরে,
 যদি অভেদ উভয়,
 একের সম্মানে
 অন্যের রহিবে মান ।
 যেই পুরুষ প্রধান,

যত্নে রাখে রমণীর মান,
 ধর্ম্যবান আদরে নারীরে,
 বীর্য্যবান রণে দেয় বিসর্জন প্রাণ
 রাখিতে নারীর মান,
 অবলার বল সর্কত্র প্রবল—
 হীন যেই সেই নাহি বুঝে,
 ডরে সেই নাহি পূজে রমণীরে ।

শ্রীবৎস । না—না,
 ক্ষিপ্ত হব এ ভাব না হ'লে ত্যাগ,
 চিন্তা, চিন্তার্নব জগৎ বিপ্লবে যেন ।
 অস্থির—অস্থির সব,
 দোলে প্রাণ, দোলে,
 ব্যাকুল, আশ্রয় চায় ;
 কি উপায় কে কবে আমায় !
 রাজা,—
 আজি প্রজা কিম্বা তুমি স্থখী !
 আজি কেবা প্রজা মাঝে
 সন্দেহ-মণ্ডলে ঘোরে ?
 গরল-আগার হৃদয় ফাটার ?
 বিচার করিতে নারে,
 ডরে প্রাণ কটকিত কায়,
 ভবিষ্যত শ্মশান কাহার ?
 কেবা ভাবে বুঝি রাজ্য যাবে,
 কেবা ভাবে,
 বুঝি হৃদয়ের রাণী
 কাঙ্গালিনী হবে কালি,
 শনি কার সাক্ষাৎ উদয়,
 মহাভয়ে কার প্রাণ কাঁদে ?

চিন্তা । প্রভু,
 এ অকূলে ভাবিয়ে কি পাবে কুল ?
 ভাবিয়ে কি হবে,
 যাহা প্রাণ গাবে,
 বিচারে বলিহ, রাজা ।
 শুন নৃপমণি,
 উপদেশ দেছেন জননী,
 গড়িবারে ছুই সিংহাসন,

কনক আসন—

যারে ইচ্ছা দিও, হে রাজন্ !
যদি গ্রহ কোপে রাজ্য-ধন যায়,
নারায়ণ দিবেন উপায়,
দীন দয়াময় নাম তাঁর ।

শ্রীবৎস । কোথা দয়াময়,
এ সময় কোথা, নারায়ণ ।

[শ্রীবৎসের প্রশ্নান ।

চিন্তা । এ কি, সর্কনাশ এখনি উদয় দেখি !

[চিন্তার প্রশ্নান ।

পঞ্চম গর্ভাঙ্ক

উদ্যান-মধ্যস্থ বক্ষ ।

বাতুল ।

বাতুল । আজ একটা রকমারি বটে, রাজাটার বন্ধুর
রকম ভাবটা । চায় কি, কেমন ক'রে জলে ডুবে মরে,
দেখবে ? তা তো আর একটাকে ধ'রে পারে । না বাবা,
ঘুম হবার যো নেই, আজ রাস্তার সেই স্বকোমল কঁকর
নাই, আর মাঝে মাঝে কোটাল সাহেবের ছন্দার নাই,
আবার বিষমস্ত বিষমং—উদরে অন্ন পড়েছে । আহা, যদি
শনি জান্তুম তো খানিক স্তব কতুম, যে করুণাময়, আমার
প্রতি একচোট রূপা কেন ? বিচার করবার লোক পেনে
না - রাজা ধোতে গেলে ? আমার কাছে যদি আস্তে,
তোমায় দু'দুশ বাহবা দিতুম ; কিন্তু রাজার বড় গতিক
ভাল নয়, আমি শনির প্রাণের দোস্তো, আমায় জায়গা দাও
বাড়ীতে ! মনটা বড় রকমারি জিনিষ,—সকালে বলে মর,
বিকলে বলে খালি গদিতে শোও । এত দিনের পর রাজা
হ'ছেন আত্মীয়, ইচ্ছা ক'চ্ছে আমার, হা হা ক'রে হাসি,
পেটে অন্ন পোড়ে ভয় এসে খাড়া হ'য়েছেন । বলি, ঘুমুবি
নাকি—দেখবো শালা, বেশী দেরি নয়, কাল সকাল হোক,
ফের শোওয়া চাস্ কি না । ছি প্রাণ, তুমি বড়
ছজুগে ।

(শয়ন)

(শ্রীবৎসের প্রবেশ)

শ্রীবৎস । ঘূর্ণিত—ঘূর্ণিত মস্তিষ্ক মম,
অগ্নিশিখা জলে শিরে,
ধীরে ধীরে কর আঘাত হৃদয়,
নহে ফাটিবে নিশ্চয়,
উঃ ! অতি দার্ষ যামিনীর কায়া,
যাহা হই, কেন নাহি করিছ বিচার—
কোথা—কোথা যাব, কোথায় জুড়াব ।
যুক্তি, কহ শক্তি কোথা তব ?
জ্ঞান, কেন নাহি অভিমান আর ?
অহঙ্কার, কোথা তুমি ?
আসিছে প্রভাত,
শনি লক্ষ্মী আসিবে সভায় ।
স্থির হও, স্থির হও মস্তিষ্ক আমার,
বুঝিলাম ক্ষিপ্তের যন্ত্রণা,
পল যুগ্ সম যায়,—
নিশা নাহি হবে অবসান ।
এস লক্ষ্মি, এস শনি,
মনে যাহা উঠে বলে দিব,
নিশ্চিত হইব,
আরে, চিন্তাবেগ সহিতে না পারি ;
সর্কনাশ কিবা হবে,
রাজ্য যাবে—যাবে সে তো একদিন ;
মৃত্যু হবে—আছেই মরণ !
না—না, দরিদ্রতা ছবি কি ভীষণ !
বাতুল । এই যে কোটাল সাহেব পাইচারি ক'ছেন,
এই ছন্দার দিলেই ঘুম আসবে, এখন কোটালসাহেব
কোকিলের বাবা, ডাক দিলেই প্রাণ মোহিত । বলি
কোটালসাহেব, একবার ছন্দার না দিলে কি রাজার ঘুম
হয় ? না, এই যে এখানে চরা ক'ছেন । না—না, এতো
কোটাল নয়, রাজার মতন দেখছি যে ! দেখছি আমি
জাগ্রত, একদিন এসেই রাজার নিদ্রা ত্যাগ ।
শ্রীবৎস । সুষুপ্ত স্বভাব,
কে অভাগা মম সম জাগে ?
আশাপূর্ণ অর্ণব-মাঝারে
কার প্রাণ ওঠে নাবে ?

কেবা ঈর্ষ্যা কর রাজার বৈভব,

এস, দেখ অস্তুর আমার,

অতি ভার—অতি ভার—

রাজারে বহিতে হয়।

বাতুল। রাজা যা করে করুক না, তোর কি? না—

না, পাঁচ রকম তো দেখা চাই।

শ্রীবৎস। শীঘ্র যদি না ফোটে প্রভাত,

নিশ্চয় উন্মাদ হবো,

এই তরু, এই তারা,

না—না, শনি লক্ষ্মী তারায় তরুতে।

এ কে? প্রাতের সে দীন জন;

কি হে, তুমি জাগ্রত এখন?

বাতুল। বলি শনি-লক্ষ্মী ত আমার চক্ষেও পড়েছেন দেখছি, এ দুটো হ'লেই মুস্কিল, একটার আমলে একটু নিদ্রা হয়।

শ্রীবৎস। কে বলে হে বাতুল তোমায়,

জ্ঞানগর্ভ কথা কহ।

বাতুল। আমার জ্ঞানগর্ভ কথা, না হলে মহারাজের সামনে শনি এসে উদয় হয়, ভেবে দেখুন, ভাবনাটা কিছু এক ঘেয়ে রকম। এক রাত্রে যে ওর অস্ত্র পাবেন, এমন তো আমার বোধে আসে না; মহারাজের এমন কি বেয়াড়া মেধা যে, বিশ বৎসরের কাজ এক রাত্রে ক'রবেন? সবে মহল দখল কোচ্ছে কি না, একটু জোর দস্ত আজকে আছে, মহল শাসিত হ'লে এক ঘেয়ে চোলবে।

শ্রীবৎস। হে দীন, আমি অতি দীন,

সত্য বন্ধু তুমি মম,

সংসর্গে তোমার বিরাম আসিছে প্রাণে।

বাতুল। এমন বিরাম আসবে যাবে, ওর ওপর নির্গাত বিশ্বাস রাখবেন না; আমি হরতরো ক'রে ওরে প'ড়ে নিয়েছি।

শ্রীবৎস। দেখি আশ্চর্য স্বভাব তব,

নিজ দুঃখ কর উপহাস।

বাতুল। মহারাজের দুঃখের সঙ্গে নূতন আলাপ, আমার বহুদিনের প্রণয়, দুটো একটা ঠাট্টা বটকেরা চলে।

শ্রীবৎস। জ্ঞান হয় অতি দুঃখী তুমি,

শুনিতো কি পাই তব দুঃখের কাহিনী?

বাতুল। সংক্ষিপ্ত-সার শুনে নিন। জল হলো না, খাজনা দিতে পারলেম না—বড় ছেলেটার বুক ডলে মেরে ফেলে, আর আমায় জেলে দিলে, মাগীটাকে টেনে নিয়ে গেল, ছেলে গুলোও অম্মাভাবে মারা গেল। জেলের পর ভিক্ষা, তার পর চুরি, তার পর ফের জেল, আর শেষটা মহারাজের দেখা আছে।

শ্রীবৎস। তবে, কি হেতু না করিব বিচার?

বাতুল। তাই ক'রবেন, ঘুমুন গে।

শ্রীবৎস। কিন্তু কি বিচার করি?

বাতুল। সেই জন্মই ব'লছি, মহারাজ! যখন বিচার কতে পাল্লেন না, সত্য খুলে বলাই ভাল; না হয় সরে পড়ুন।

শ্রীবৎস। কমলার হবে অপমান,

দৌহাকার হবে অপমান,

কিসে রহে উভয়ের মান?

বাতুল। বলি, মহারাজ তো উভয় কুলই রাখতে চাচ্ছেন, যদি সমান মান রাখতে চান তো উভয়কেই অপমান করুন।

শ্রীবৎস। সর্কনাশ নিতান্ত আমার,

উপায় না দেখি আর।

বাতুল। সেইটাই কোন্ স্থির কতে পাচ্ছেন, তা হ'লে তো ঘুম আসতো।

শ্রীবৎস। হে ভিষক,

অতি কটু ব্যবস্থা তোমার,—

ভোগলুক প্রাণ

সে ঔষধ নাহি চাহে,

সর্কনাশ যদিও উদয়,

তবু না চাহে হৃদয় প্রত্যয় করিতে কথা।

বৃথিতে না পারি,

ছাদ্যবাজি প্রায়

শনি-কোপে সকলি কি যাবে,

রাজ্যগয় পড়ে যাবে হাহাকার—

তবে কোথা প্রভাব রমার?

না—না, লক্ষ্মীবান্ কহে লোকে,

সে লক্ষ্মীর না করিব অপমান;

প্রভাত সমীর, এ হেন সুন্দর

কতু নাহি ছিল জ্ঞান।

বাতুল । ঐ যা ব'লছেন মহারাজ, শনির রূপায় কিছু জ্ঞানের বৃদ্ধি পায় ; দেখেন নাই—সকালে ম'রে মজা পাব ব'লে মত্তে যাচ্ছিলুম, কিন্তু কমলা উদরে আসাতে সে জ্ঞানের কিছু বৈলক্ষণ্য জন্মেছে। শনি-লক্ষ্মী দু'পাশে আছেন, মাঝখানে আছেন ভয় ঐ ভয় ম'শায়কে একটু ঠাণ্ডা ক'রতে পারেন, তা হ'লেই আপদ চোকে ।

শ্রীবৎস । ভীকু প্রাণ,

বিচারে হতেছ পরাশুখ ;
বড়, অবশু কমলা বড়,
নহে কেন প্রাণ ধায় তায় পায় ।
হবে, যা আছে কপালে,
ভয় কিবা ?
দুঃখ জয় করে ন র,
জীবন্ত দৃষ্টান্ত হের সম্মুখে তোমার ।
যার করুণায়
এত দিন ভুঞ্জিলাম মহা সুখে,
তাঁর অপমান কদাচিত না করিব ।
শনি, গ্রহ মাত্র—
লক্ষ্মী, নারায়ণ-হৃদি-বিলাসিনী ।
হে মহিষি,
যুক্তি তব করিব গ্রহণ,
স্বর্ণ-রৌপ্য-সিংহাসন ;
হও মা, সদয়—
রাখিব তোমার মান ;
কিন্তু শনি-কোপে নারায়ণ শিলারূপী,
বলবান্ প্রভাব শনির ।
ওহো ! পুনঃ ঘোরে মস্তিষ্ক আমার,
পুনঃ হয় অস্থির হৃদয় ।

[শ্রীবৎসের প্রশ্নান ।

বাতুল । তুমি কার মান রাখবে—তুমি কেন কমলার মান রাখ না, পেটে অন্ন পড়েছে, একটু কেন ঘুমোও না ? না—না, শনি তোমার প্রাণের মণি ;—যাই, ওদিকে একবার—কাকরগুলোর উপর পড়ে একবার দেখি—যদি গায়ে ফুটতে ফুটতে নিজা আসে—এ নরম গদিতে সত্ত্ব সন্নিপাত !

[বাতুলের প্রশ্নান ।

(চিন্তার প্রবেশ)

চিন্তা । কই, হেথাও তো নাহি মহারাজ !
সর্বনাশ ! কি হবে— কি হবে,
কমলার কিসে মান রবে,
নাহি জানি কি করিবে রাজা ।
শূণ্ণ মন,
না শুনে বচন,
ভোজন শয়ন ত্যাগ,
চিন্তানল দারুণ প্রবল হুদে,
কিসে করি স্তম্ভিতল ?
শনি ছরস্ত দেবতা,
দৃষ্টি যথা,
তথা লোকে হাহাকার !
কিবা অধিক বিচার,
লক্ষ্মী শ্রেষ্ঠ সন্দেহ কি তার,
কিন্তু রাজারে বৃষ্ণিতে নারি ।

(শ্রীবৎসের প্রবেশ)

এই বৃষ্ণি আসে মহারাজ ।
শ্রীবৎস । না—না, নির্ণয় করিতে নারি,
যা হবার হবে প্রাতে ;
প্রাণ, তুমি অতীব চঞ্চল,
কোন মতে নিবারিতে নারি ।
চিন্তা । মহারাজ, চিন্তা কর দূর,
লক্ষ্মীর রূপায় সকলি হইবে শুভ,
কিন্তু নাথ,
একান্ত কপালে যদি থাকে দুঃখ-ভোগ,
কর্মফলে যদি হয় দুদ্দিন উদয়,
কিবা ভয় তায় ?
দুঃখে প্রাণ ধরে নরে ।
ওহে মতিমান, নহে ত বিধান—
শোক করা, ভাবী দুঃখ ভাবি ;
শুনিয়াছি শ্রীমুখে তোমার,
চক্রাকারে দুঃখ-সুখ ঘোরে ;
ধরি নর-কায়,
সমভাবে কতু নাহি যায় ;

তবে কিবা খেদ তায় ?
 দিয়ে আত্ম-বলিদান,
 রাখে লোকে মানীর সম্মান,
 তাহে নাহি হও পরাঞ্জুখ ।
 নাথ, ভুঞ্জিয়াছ সুখ,
 ঘটে যদি, দৌহে মিলি ভুঞ্জিব হে দুখ,
 ফলিবে যা অদৃষ্ট-লিখন,
 না হবে খণ্ডন,
 তবে অকারণ সুখের সময়
 দুঃখ ভাবি, কেন করি দুঃখময় ?
 শ্রীবৎস । রাগি, তব বাক্য করিব গ্রহণ,
 যদি যায় প্রাণ—
 তবু কমলার রাখিব সম্মান,
 কিন্তু ভাবি, একা আমি নাহি হব দুঃখী,
 মম দুঃখে দুঃখী হবে বহুজন ;
 যা হবার হবে,
 চল যাই প্রাতঃক্রিয়া হেতু ।

[উভয়ের প্রশ্নান ।

অষ্ট গর্ভাক্ষ

রাজ-সভা

মন্ত্রী ও সভাসদ ।

মন্ত্রী । স্বৰ্ণ-সিংহাসন কর দক্ষিণে স্থাপন,
 বামে রাখ রজত-আসন ।
 সভা । মন্ত্রী মহাশয়,
 বিচার কি হ'লো স্থির ?
 মন্ত্রী । নহি জ্ঞাত,
 এই মাত্র আজ্ঞা মম প্রতি,
 দুই পাশে স্থাপিবারে দুই সিংহাসন ।
 সভা । কি দুর্দৈব !
 একি স্বপ্ন দেব-দেবী মাঝে ;
 তব মতে কেবা ছোট কেবা বড় ?
 মন্ত্রী । কারে ছোট কারে বড় বলি,
 মহারাজ ক'রেছেন স্থির,

নহে ভিন্ন দুই আসন কি হেতু ?

কিন্তু অলক্ষণ,

শনি-আগমন,

শুভ তাহে নাহি হয়,—

আসিছেন বুঝি দৌহে ।

(শনি ও লক্ষীর প্রবেশ)

পবিত্র করুন রাজপুর,

ভূপতি আগত প্রায়,

করুন উভয়ে নিজ নিজ আসন গ্রহণ ।

শনি । সিংহাসনে বসি রাজা করিবে বিচার,

বামে লক্ষী বসিবে তাহার,

এ নহে সঙ্গত,

আমি বসি এ আসনে ।

লক্ষী । অচলা রহিব তোর ঘরে,

এই স্বর্ণাসন হেতু ।

(শ্রীবৎসের প্রবেশ)

শ্রীবৎস । গ্রহদেব, কমলা জননি,

দাস করে প্রণাম চরণে ।

উভয়ে । জয় হোক, মহারাজ !

শনি । রাজা, ব'স সিংহাসনে,

করহ বিচার, কেবা ছোট—কেবা বড় ?

শ্রীবৎস । ধর্ম তুমি,

আপনি বিচার করিয়াছ, গ্রহদেব,

বসিলে আসনে

বামে হবে তব স্থান,—

কমলা দক্ষিণে,

শাস্ত্রে কয় দক্ষিণ প্রধান,—

কনক-রজতাসন প্রমাণ তাহার ।

লক্ষী । জয় হোক !

চিরদিন বাধা রব আমি ।

শনি । তাচ্ছিল্য আমায়,

অচিরে পাইবি ফল ।

আমি ছায়ায় সন্তান,

শীঘ্র রাজ্য হবে অন্ধকার ।

[উভয়ের প্রশ্নান ।

শ্রীবৎস । মন্ত্রি, সভা ভঙ্গ কর আজি,
সিংহাসনে আজি না বসিব ।
(নেপথ্যে শনি) ।—অহঙ্কারে
মোরে না চিনিলে,
দেখি, কোথা রহে কমলা তোমার ।

দ্বিতীয় অঙ্ক

—:~:—

প্রথম গর্ভাঙ্ক

কক্ষ

চিন্তা ও সখী ।

চিন্তা । সখি, দেখিলে রাজায়—
জীবনে না হয় সাধ ;
নাহি পূর্ণ কাস্তি আর,
মলিন বদন,
অনুমন সদা মহারাজ ।
ভুনি মন্ত্রী-মুখে,
রাজকার্যে অনাদর দিন দিন ।
কি উপায় করি, বৃত্তিতে না পারি,
শনি কোপ সদা জাগে মনে তাঁর ;
যদি বুঝাইতে যাই, উত্তর না পাই,
চ'লে যান দীর্ঘশ্বাস ত্যজি ;
ক'ভু আসি কন ধীরে ধীরে,
সংসার অসার সব ;
সর্বদা হতাশ,
উদাস সকল কাজে,
সর্বদা চঞ্চল,
এক স্থানে স্থির নাহি র'ন ।
হায় হায়, কি হবে না জানি,
কি আছে বিধির মনে !
রূপা কমলার,

আছে সকলি আমার,
তবে এ বিকার কি কারণ ?
সখী । মন্ত্রী ডাকি কর মন্ত্রণা, মহিষ,
বুঝি সকলি শনির ছল,
অথবা পীড়িত রাজা,
রাজ-বৈজ ডাকি
লহ রাগি, সমাচার ।
চিন্তা । হায় ! সখি,
এ পীড়ার নাহিক ঔষধ,
বোধ মাত্র প্রতীকার,
কিন্তু রাজা বোধ নাহি মানে ।
আহা ! কি যতনা প্রাণে—
দিবানিশি একা রহে নৃপমণি !
নাহি আর মৃগয়ার সাধ,
নৃত্য-গীতে নাহি ভোলে মন,
আগে আগে দেখিলে আমায়
হাসি না ধরিত মুখে ;
রঙ্গ রস হাস্য-পরিহাস,
ইহা বিনা না জানিত ভূপ ;
সখি, এবে যদি ক'ভু কাছে বসি,—
আঁখি-জলে ভাসি,—
নীরবে ভূপতি,
শূন্য দৃষ্টি, মুখ পানে চায়,
হায় ! প্রাণে আর কত সয় ?
আহা সখি !
চেয়ে দেখ, উন্মত্তের প্রায়,
বক্ষে শির পড়িয়াছে ঢ'লে,
ধীরে ধীরে পুতুলের প্রায় আসে রাজা ।

[সখীর প্রস্থান ।

(শ্রীবৎসের প্রবেশ)

শ্রীবৎস । জানি—জানি নূতন এ নয়,
সর্বনাশ জানি সেই দিন,
জানি শনি-দরশনে ঘটবে বিষম ।
কেও—মহিষী হেথায় ?
ভাল হ'লো, বলি হে তোমায়,
ঘোর বিপদ নিকট,

খণ্ডন নাহিক তার ।
 হের অট্টালিকা-ভূষিত নগরী,
 শীঘ্র হবে বন,
 বন্য পশুগণ—
 অগণন করিবে বিহার ।
 অনেক ভেবেছি তোমা হেতু,
 কিন্তু কি করিব, ক্ষুদ্র নর আমি,
 কি উপায় হবে আমা হ'তে ।
 আগে নাহি জানি,
 নহে হতভাগ্য আমি,
 ভাগ্য-অংশী কভু নাহি করিতাম !
 রাণি—রাণি, স্মৃথ আর নাহি এ ধরায় ।

চিন্তা । মহারাজ, বিজ্ঞ তুমি,
 অকারণ কেন হও বিচঞ্চল ?
 কিবা অভাব তোমার,
 রাজ্য তব কি হেতু হইবে বন ?

শ্রীবৎস । কেন, কেন হবে বন ?
 শুন তবে শুনহ কারণ ;
 ওহো ! কৃষ্ণবর্ণ কুকুর ভীষণ—
 বিঘূর্ণিত আরক্ত লোচন,
 জল পান করিল আসিয়ে,
 স্নানের সে বারি ।
 আরে হীনমতি নারী,
 বুঝিলে কি,
 বুঝিলে কি এতক্ষণে
 কেন রাজ্য হবে বন ?

চিন্তা । জ্ঞানবান্ তুমি মহারাজ,
 কুকুরে করিল বারি পান,
 অকল্যাণ তাহে কেন হবে ?

শ্রীবৎস । অলক্ষণ—অলক্ষণ !
 শরীরে আমার পশিয়াছে শনি ।
 প্রিয়ে, পূর্বে তুমি দেখেছ আমায়,
 দেখ, নাহি সে আকার,
 একা ঘোর আশঙ্কায়—
 জনপূর্ণ অট্টালিকা-মাঝে ফিরি,
 ধরা বিষপূর্ণ,

সকলি আচ্ছন্ন,
 আচ্ছন্ন রবির কর !
 ছায়া—ছায়া চারিদিকে —
 ছায়াপূর্ণ শীঘ্র হবে ধরা ।
 (নেপথ্যে ঘণ্টারব)

শুন—শুন, মন্ত্রণা ভবনে
 ঘণ্টা বাজে ঘোর রবে—
 দেখ', অসময়ে ঘোর ঘণ্টারব !
 (নেপথ্যে ঘণ্টারব)

অলক্ষণ সব,
 পুনঃ ঘণ্টারব,
 যাই—যাই,
 এখনও কি বুঝ নাই ? [শ্রীবৎসের প্রস্থান ।

চিন্তা । সত্য সর্কনাশ,
 সত্য ছায়া ঘেরিবে সংসার ।
 প্রাণ আমার,
 অধীরতা এখন কি সাজে ?
 মজে, সৃষ্টি মজে—
 মজেরে প্রাণের প্রাণ !
 এ সংসারে কি আছে রাজার ?
 মরিবার দিন অনেক পাইবি ।
 শান্ত হও প্রাণ,
 নহে নৃপতির শাস্ত কে করিবে ?
 ওহে শনি,
 শুনি ধর্মরাজ তুমি,
 এ জন্মে যতপি
 পুণ্য কার্য কিছু থাকে মোর,
 যদি—
 নারী হ'য়ে হই দেব, দয়ার ভাজন,
 ক্ষম দোষ, গ্রহরাজ !
 যেন শান্তি হয়,
 দাও প্রভু, দাও হে আমায়,
 রূপা করি কর দেব, স্বামীরে মার্জনা ।
 তুমি ধর্মরাজ, করহ বিচার,
 দোষ সকলি আমার,
 যদি পতিসেবা-পুণ্য থাকে মোর,

অর্পি আমি সে পুণ্য রাজায় ;
পাপে তাঁর কর অধিকারী,
দণ্ড দাও—দণ্ড দাও মোরে ।
ফলুক পাপের ফল,
না হব কাতর,
নিত্য পূজা দিব হে তোমাতে ;
ধর্মরাজ,
ভিক্ষা মাগে অভাগিনী,
পতি-ভিক্ষা দেহ তারে,
দেখি, কিবা কার্য মঙ্গলা-ভবনে ।

[চিন্তার প্রশ্নান ।]

দ্বিতীয় গর্ভাঙ্ক

রাজ পথ

প্রজাগণ ।

(ব্রাহ্মণবেশে শনির প্রবেশ)

শনি । আরে তোরা কেন ব'সে—যা, ধানের গোলা লুট কোরুগে । হৈ হৈ শব্দ শুনিছিস্ ? উত্তরপাড়ায় লোক সব লুটে নিলে । দেখ্ দেখ্, তোফা আগুন জ্বলে দিয়েছে—যা, লুট কর, ঘর জ্বালিয়ে দে, বড় লোকের সর্সনাশ কর, নৈলে আর উপায় নাই—যা, মার কাট লুট কর ।

১ম প্রজা । হ্যা ত, হ্যা ত ।

[প্রজাগণের প্রশ্নান ।

(বাতুলের প্রবেশ)

বাতুল । বলি, হাঁগো হাঁগো ক'রে চলেছ কোথা ?

শনি । শুনিছিস্ নি, যা—নইলে না খেয়ে মারা যাবি ; ঘর জ্বালা, লুট কর—গোলা ভরা ফসল আছে ।

বাতুল । বলি ঠাকুর, আমি যে একখান ঘর বেঁধেছি, কি ক'রে জানলে বল দেখি ?

শনি । তুই দাঁড়িয়ে কেন—যা, লুট ক'রুগে ।

বাতুল । বলি, তোমার তো ঐ মড়িপোড়া গড়ন, তুমি কেন লুট কর'না ? আর লুট ক'ত্তে যে ব'লে দিচ্ছ, কোটালে যখন বেঁধে নিয়ে যাবে ?

শনি । কোটাল ক' জন, আর তোরা কত জন, —মেরে তাড়াবি । যা—যা, আগুন ধরা, লুট কর ।

বাতুল । ঠাকুর, তোমার রস কিছু বেশী ; বলি দেবতা, একটা কথা জিজ্ঞাসা করি, শনির সঙ্গে কিছু স্ববাদ আছে ? আঁচ হ'চ্ছে, তুমি তার মাস্তোতো ভাই ।

শনি । তুই বুঝিস্ নি—কার জন্তে মমতা করিস্ ?

বাতুল । আপনার জন্তে, তুমি ঠাওরান কি তোমার জন্তে ভাবছি ? সে সব তোমায় ব'লতে হবে না, আমি তেমন ভাবুক নই । বলি সাত সাত দিন বে উপোস ক'রে পড়েছিলুম, তখন শেখাতে পার নাই, লুট ক'রতে ? দেবতা, দীক্ষাটা কিছু দেবিতা দিতে এলে—বলি, যাও কোথা ?

শনি । তুই যাবি নি, আমি চল্লুম ।

[শনির প্রশ্নান ।

বাতুল । না ঠাকুর, তোমার স্বপ্ন পেটের জ্বালা নয়, তোমার করুণা আরো গাঢ় ।

(কোটালের প্রবেশ)

কোটাল । ওরে বাপ্ রে ! মেরে ফেনেছে রে !

বাতুল । কোটাল সাহেব, আজ অত আশ্চর্য্য হ'লে কেন, অমন তো ক'রে থাক ?

কোটাল । ওরে বাপ্ রে !

বাতুল । ও, এতক্ষণে বুঝলেন, একটু রকম ফের—মার নি, মার খেয়েছ ।

(প্রহরীদ্বয়ের প্রবেশ)

প্রহরীদ্বয় । আরে—আরে,

পালা—পালা—পালা ।

[কোটাল ও প্রহরীদ্বয়ের প্রশ্নান ।

বাতুল । ভিড়ে মিশতে হ'লো বাবা, যে ডাঙা নিয়ে তাড়া ক'চ্ছে ।

(প্রজাগণের পুনঃ প্রবেশ)

সকলে । মার, কাট, জ্বালিয়ে দে ।

বাতুল । মার, কাট, জ্বালিয়ে দে ।

১ম প্রজা । এই দিক্ জ্বালিয়ে দে ।

বাতুল । এইবার আমার ঘর খানি জলবে বোধ হয়, এতক্ষণ লঙ্কাকাণ্ড শেষ হ'লেও হ'তে পারে ; বলি সেক্ষেত্রে, তোমার যে বাড়ী ঐ খানে ।

১ম প্রজ্ঞা। হ্যা—যাক জ্বলে, সব সমান হোক—
যাক জ্বলে।

বাতুল। না, বাঁচাবার চেষ্ঠা সোজা নয়, জালিয়ে
দেওয়াই সোজা, যাক জ্বলে।

১ম প্রজ্ঞা। না, না—ইদিকে নয়, বেণেদের বাড়ী চল
—বেণেদের বাড়ী চল।

[সকলের প্রস্থান।

বাতুল। চল—চল, লাঠিটা ফেলি, এবার যদি কোটাল
ভায়ার পালা হয়। কাছেই তো রইলে—আর একদল
আসে, হৈ হৈ করে লোকুড়ি খেলবে। এখন না, এ
কাজটা সোজা নয়, ঐ যে আর একদল—কোটাল পানাচ্ছে,
রাজার উপর কোন চোট আসবে না তো? আসতে
পারে, দেখতে হ'লো।

[প্রস্থান।

তৃতীয় গর্ভাঙ্ক

মন্ত্রণা-ভবন

শ্রীবৎস, সেনাপতি ও মন্ত্রী।

(প্রথম দূতের প্রবেশ)

১ম দূত। মহারাজ,
কোটালের কাটিয়াছে শির,
ঝুলিতেছে উচ্চ তরু' পরে।

মন্ত্রী। আজ্ঞা দিন মহারাজ!

বিলম্বে ঘটিবে সর্সনাশ,

রাজসেনা প্রজাগণে করুক বারণ।

শ্রীবৎস। জানি—জানি, রাজ্য হইবে শ্মশান,
যাক সেনা।

মন্ত্রী। সেনাপতি,

যাও শীঘ্র দলবলে,

বিদ্রোহ নগর বেড়ি।

[সেনাপতির প্রস্থান।

(দ্বিতীয় দূতের প্রবেশ)

২য় দূত। কারাগার করেছে মোচন,

দুরাচারগণ,

ক্ষিপ্তপ্রায় যারে তারে বধে প্রাণে,

বলাৎকার, বালক-বিনাশ,

ধনীরা নাহিক ত্রাণ।

শ্রীবৎস। মন্ত্রি, সৈন্যদক্ষে ফিরাও সত্বর,

প্রাণনাশে আর নাহি প্রয়োজন!

আমি একা যাই, বধুক আমারে,

জঞ্জাল মিটিবে তাহে।

মন্ত্রী। একি কথা, মহারাজ!

শ্রীবৎস। যাও—যাও, সৈন্যদক্ষে এখনি ফিরাও,

আমি অনর্থের মূল।

অকারণ কেন করি প্রজা বধ,

কেন বৃদ্ধি করি নরকের হৃদ,

অতি যাতনায়, পেটের জালায়,

উন্নত হয়েছে প্রজা,

প্রজা—পুত্র সম শাস্ত্রে কয়,

পরিচয় যথেষ্ট দিয়েছি—

দারিদ্র্যতা রাজ্যময়।

মানক্ষয় মানীর নগরে,

অগ্নি গ্রাসে অটালিকা,

হায়, শুভক্ষণে রাজ-সিংহাসনে

করেছি পদার্পণ!

ভার এ জীবন—ভার এ জীবন,

আর প্রজা-বধ উচিত না হয়।

মন্ত্রী। মহারাজ, অত্যাচার প্রবল নগরে,

বল বিনা না হবে বারণ।

শ্রীবৎস। কর বল—আমারে কি হেতু বল?

ইচ্ছা যায় রাজ্য আসি কর;

দেখ পরীক্ষিয়া,

মুকুটে কি বিঘময় জালা!

গেছে কি সেনানী?

রক্তশ্রোতে, রক্তশ্রোতে—

অনল নির্কারণ হবে,

জানি—জানি রাজ্য হবে বন।

মন্ত্রী। মহারাজ, উতলার নহে এ সময়।

শ্রীবৎস। কার সাধ উতলা হইতে,

উন্নততা কেবা চায়?

সময়—সময়, সময়ে সকলি করে ;
মস্তি, কর যেবা হয়;
আর নাহিক সময়,
কত, কত আর সহিবারে পারি !

[শ্রীবৎসের প্রশ্নান ।

মন্ত্রী । এ বিপদে নাহি দেখি কুল,
ভূপতি ব্যাকুল,—
রাজ্য কিসে করি স্থির ?
চল যাই সেনাপতি সনে,
দেখি গিয়ে কি হয় নগরে ।

[সকলের প্রশ্নান ।

চতুর্থ গর্ভাঙ্ক

রাজ-পথ ।

(প্রজাগণ ও বাতুলের প্রবেশ)

বাতুল । বাপু, আমার কি কান্তি-পুষ্টি এমন দেখলে
যে, দলে মিশাতে চাও না ? বলি, রূপের চটক তো তোমা-
দের চেয়ে একটুও ফারাক নাই—ঐ মড়াথেকো আঁতে
বর্তালে, ঐ উম্মন-ঝাঁকে বদন, ঐ রূপ কোটরগত পদ্ম-
নয়ন ;—পরামর্শটা কি তাই বল না, কেউ কোথায় নেই,
রাত্‌ ঝাঁ ঝাঁ ক'রুচে ।

১ম প্রজা । ইদিকে উঠে আয়, রাজাকে কাটবো,
রাণীকে কাটবো, রাজবাড়ীতে যে যে আছে কাটবো—আর
কি ভয়, প্রাণ যাবে না যেতে আছে, না খেয়ে প্রাণ যাবে,
না হয় রণে মরুবো ।

বাতুল । বলি, রাজাকে কাটবে তো উদিকে উঠতে
যাচ্ছো কোথা ? তুমি কাটবে ব'লে, রাজা নেয়ে সিঁদুর
পরে ঐ ঘরে ব'সে আছে ! ঘোড়সওয়ার হ'য়ে রাজা স'ট-
কেছে তা জান ? রাজা কোথা আছে আমি জানি, কিন্তু
দলে না নিলে আমি ব'লব না । ঐ যে বেণের বাড়ী লুট
করে এলি, রাজবুদ্ধি বুঝি কি, সেইখানে গে সোঁধিয়েছে—
জানে, সেখানে কেউ কিছু ব'লবে না ।

১ম প্রজা । বটে বটে, তবে আর কেন, সেইখানে যাব ;
চল দেখি, কোথা দেখাবি ?

বাতুল । আমি ত ঠিকানা বল্লুম, তোমরা এগোও,
আর এক দল আসবার কথা, আমি তাদের নে যাচ্ছি ।
২য় প্রজা । কেন ভাই, রাজাকে মারবি কেন, রাজা
তো খুব দান-ধ্যান করে ।

১ম প্রজা । মারবো কেন ? রাজা আমাদের কি
ক'রেছে ? রাজা আমাদের কোন কথা শুনেছে—না খেতে
পেয়ে সব মারা গেল !

বাতুল । তা তোরা দাঁড়িয়ে গোল ক'রবি তো কর,
এতক্ষণ রাজা হয় তো পালিয়েছে ।

সকলে । সত্যি—সত্যি, চল চল ।

[প্রজাগণের প্রশ্নান ।

বাতুল । এই তো চার দল ফেরালুম, রাজাকে খবর
দিই কি করে ? যেমন ক'রে হোক, রাজাকে বাঁচাতেই হবে ।
বলি, রোকটা কমলার না শনির ? দুটি দুটি অন্ন পেলে তো
আর শনি ট্যাফো ক'রতে পারে না, ও একাম্রও পাপ, বাহাম্রও
পাপ, ঘুঁটের পাশ নৈবিদ্দি ছু'জনকেই দিতে হয় ; রাজার
দেখা কোথা পাই ? এই বাগানের পথটা দিয়ে দেখি । ঐ
যে বামুন ঠাকুর ঘুরছেন, উনি শনি, না হয় শনির বড় বেটা
না হ'য়ে যান না, ঘর জালানর যে রস শনি রূপাময়ের—
তার উপর বিশেষ রূপা সন্দেহ নাই ; শুধু তাই কেন, কম-
লার ততোধিক ।

[বাতুলের প্রশ্নান ।

পঞ্চম গর্ভাঙ্ক

কক্ষ

শ্রীবৎস ও চিন্তা ।

শ্রীবৎস । রাণি, জীবন সংশয়,
উপায় নাহিক আর,
অরি ঘেরিয়াছে পুরী,
কোথা যাব বুঝিতে না পারি ।

(নেপথ্যে কোলাহল)

শুন, বিকট বিদ্রোহী-নাদ,
সৈন্য পরাজিত,
সৈন্যাধ্যক্ষ শক্র-করগত,

পলায়েছে অমাত্য-বান্ধব যত ;
আমা হেতু চিন্তা নাহি করি,
প্রাণেশ্বর, কি দশা হইবে তব !

(নেপথ্যে কোলাহল ও “আলো আলো ”)

শুন সাগর-কল্লোল,
গর্জে প্রজাদল,
হের অনল চৌদিকে জলে
দুরন্ত বিদ্রোহিগণে,
বৃদ্ধ, নারী, শিশু নাহি মানে,
যুবতীর করে ধর্মনাশ ;
কি হবে, কি হবে,
উপায় না দেখি কিছু ভেবে ।
এস, অগ্নি জালি
তাজি দৌহে প্রাণ ।

চিন্তা । মহারাজ, প্রাণ বড় ধন,
করহ যতন আত্ম-রক্ষা যাচে হয় !
দুঃসময় স্থির কভু নয়,
পুনঃ হবে সুসময়,
হতাশ হ'ও না রাজা ;
আমা হেতু চিন্তা ত্যজ, নৃপমণি !
কহে জ্ঞানবান,
আত্ম-রক্ষা ধর্মের প্রধান,
রাজ্য-ধন পাবে পুনঃ জীবন থাকিলে,
পলাও—পলাও, কার মুখ চাও,
আমা হেতু কেন মজ, মহারাজ !

শ্রীবৎস । প্রিয়ে,
তুমিও কি ত্যজিলে আমায়,
প্রাণ ছার—
কেবা চায় সুদিন উদয় ;
এস, তোমায় আমায়
একত্রে ত্যজি এ প্রাণ ।
শনি-কোপে গেছে রাজ্য-ধন,
নাহি প্রয়োজন,
দেহ ত্যাগে এড়াইব শনির প্রভাব ।
বিচ্ছেদ-যজ্ঞগা,

দিতে কভু না পারিবে শনি,
চল যাই অগ্নিকুণ্ডে ত্যজি দৌহে প্রাণ ।
চিন্তা । প্রাণনাথ,
চিরদিন শুনি তব মুখে,
আমাকে নাহিক কিছু অদেয় তোমার,
কতবার ক'রেছ হে অঙ্গীকার,
যাহা চাব তাহা দিবে,
পদে এই মিনতি আমার,
প্রাণ রক্ষা কর আপনার,
যা হবার আমার ঘটিবে ।
মহারাজ, নাহি ভাব মনে,
ক্ষুদ্র প্রাণিগণে
অপমান করিবে আমার—
অগ্নিকুণ্ডে আমি ত্যজি প্রাণ ।
এই কষ্ট করহ গ্রহণ,
রজত-কাঞ্চন আছে ইথে বহুতর ;
নৃপবর, হও হে সত্বর, হয় ডর,
বিলম্বে কি হবে নাহি জানি ।

শ্রীবৎস । কোথা যাব, কোথায় পলাব ?
শুন রাণি, পথ নাহি জানি,
তাহে মহাকষ্ট শনি,
কেন অপমান হব,
নীচ হস্তে কেন প্রাণ দিব ?
যা হবার হোক রাজপুরে ।
দেখ—দেখ, আসিতেছে দুরাচারগণে,
চিন্তা, কর পলায়ন,—
যতক্ষণ কাছে আছে অসি,
ভেব না প্রেয়সি,
কার সাধ্য স্পর্শিবে তোমারে ।

(বাতুলের প্রবেশ)

বাতুল । বলি বন্ধু, আজ ভুলে গেলে ? দেখ, তোমার
পোষাক আমায় দাও, আমার পোষাক নাও—পালাও ।

শ্রীবৎস । এ হেন দশায় ভোলনি আমায়,

অতি সদাশয় তুমি ।

বাতুল । বলি রাজা, শিষ্টাচারের সময় নয়, পালাও ।

শ্রীবৎস। কোথা যাব চিন্তারে ত্যজিয়ে ?

বাতুল। তাইতো, বিষম হ'লো যে রাণী নিয়ে, এস
দু'জনেই এস।

শ্রীবৎস। কোথা যাব, পথ নাহি জানি।

বাতুল। তুমিই যেন মহারাজ—আর উনি যেন রাণী,
আমি যে পথ জানি নি, এমন তো নয়, পথ চ'লে অরুচি
ক'রে ফেলেছি ; এস এখনি, সব ফিরবে।

চিন্তা। আর নাহি কর ব্যাজ,

চল মহারাজ,

কহ সত্য, প্রতারক নহ তুমি ?

বাতুল। বলি, শনিগ্রস্ত কি রাজা-রাণী—দু'জনকেই
হ'তে হয়—বলি কি, তোমার এমন কি লেঙ্গা তরোয়াল
পাহারা রয়েছে যে, চুপি চুপি আসতে হবে। সব সট্-
কেছে, সব সট্কেছে।

শ্রীবৎস। চল রাণি, চল যাই,

আগে চল দেখাইয়ে পথ।

[সকলের প্রস্থান।

ষষ্ঠ গর্ভাঙ্ক

শ্মশান

লক্ষ্মী।

লক্ষ্মী।—

(গীত)

বিধাতা বাদী আমি সাথে কি কাঁদি,
আদরে আমারে কেবা রাখিবে ঘরে।
ছি ছি আমারে পূজে, গেল রাজ্য মজে,
হেথা রহিব বল আর কার তরে ?
যথা মমতা বসে, তথা বিধাতা অরি,
আমি চপলা সাথে সাথে কেঁদে মরি,
যেতে প্রাণ কি চায়, হায় কি করি উপায়,
গেল সকল আশা, হায় যুটিল বাসা,
আর কি হবে ভেবে, পুন যাব সাগরে।

(শ্রীবৎস ও চিন্তার প্রবেশ)

শ্রীবৎস। সক্রমণ বীণা-বিনিমিত্ত

কার এ রোদন-ধ্বনি,

কে রমণী শ্মশানে বসিয়ে কাঁদে ?

দেখ উঠিল ভামিনী,

লুকাইল দামিনী-ঝলক সম !

লক্ষ্মী।—

(গীত)

আমি র'য়েছি সাথে, চল কানন পথে,

হায় বিজন গহন, হায় বিজন গহন।

ধীরে ধীরে, যোর তিমিরে,

চল চল অরিদল করিছে ভ্রমণ,

ঐ করিছে ভ্রমণ।

রবে না রবে না দিন যাবে ব'য়ে,

প্রাণ বীধ বীধ থাক থাক স'য়ে ;

ধরি মানব-কায়, কতু সমান না যায়,

রাখ মতি সদা মাধব-পায় ;

তাজ শোক তাজ, আর হ'ও না বিমন,

আর হ'ও না বিমন।

চিন্তা। ওমা রুপায়ি !

ভোল নি,

ভোলনি মা ছুহিতারে ?

প্রাণ রাখি তোর পায়,

প্রবেশি গহনে রমা !

দেখ ক্ষীরোদ-উত্তমা,

ঘোর দায় তুমি মা উপায়,

জানি না গো তোমার চরণ বিনা,

চল রাজা, ডাকেন জননী।

চিন্তামণি-জায়া,

দয়া তাঁর অসীম তোমার পরে,

কেন কর ডর,

বন—রাজ্য হবে নরবর !

কি ভয় তাহার,

কমলার রুপা যার প্রতি।

শ্রীবৎস। আহা, কঠিন পাষণে,

না জানি কেমনে

চলিতেছ চন্দ্রানে ;

হায়, মোর মুখ চেয়ে

কত আছ সয়ে,

রাজার নন্দিনী আজি কাল্লালিনী,

ধিক্ ধিক্, স্বামী হ'য়ে দেখিছু নয়নে !
 প্রাণ কাঁদে কব কি তোমাঘ,
 কি দশায় হেরি আজি তোরে,
 ঘোরা নিশীথিনী, নীরব অবনী,
 রাজার গৃহিণী,
 কেমনে কাননে ভ্রমিবে ভাবি হে তাই ।
 স্বর্ণ-সিংহাসনে রাখিয়ে যতনে,
 ভাবিতাম মনে,
 ব্যথা বুঝি লাগে তোর
 কুসুম-নির্মিত কায়ে ;
 আজি তোরে বন-পথে হেরে,
 হৃদয় বিদরে ।
 কে আছ কোথাঘ,
 কোথা রেখে যাব—
 কোথা রেখে নিশ্চিত হইব ?
 ধিক্ ধিক্ শত ধিক্ মোরে ,
 রমণীর করিছু এ দশা !
 চিন্তা । প্রাণনাথ,
 হেন কথা বল কি কারণ ?
 তুমি যার হৃদয় রতন,
 অত্র ধন আকিঞ্চন সে কি করে ?
 তব প্রেম সদা অভিলাষী,
 স্বর্গ তুচ্ছ বাসি,
 তব সহবাসে—
 বন মম অট্টালিকা হ'তে মনোহর,
 গুণমণি, তব প্রেমাধিনী,
 ইজ্রাণীরে নাহি গণি ;
 আর তব রাজকার্য্য নাই,
 বনে তোমা সনে রহিব সদাই,
 অধিক না চাই প্রাণনাথ,
 কার্য্য মম হবে তব সেবা,
 এ হ'তে অধিক
 কিবা আর বাঞ্ছে সতী নারী ?
 দুর্দিন উদয়, তাহে কিবা ভয়,
 কমলা রয়েছে সাথে,
 তবে অভাব কি বল, নাথ ?

কভু প্রভু, নহেত চঞ্চল,
 গ্রহ-কোপে হ'ও না বিকল,
 ধীর তুমি চিরদিন ।
 আমি নারী,
 তোমাতে কি বুঝাব ভূপাল ;
 মাত্র গেছে রাজ্য ধন,
 প্রেমের বন্ধন,
 ছেদিবারে শনি কিহে পারে ?
 রাখ অবলায় পায়,
 প্রাণ ফেটে যায়—
 চঞ্চল তোমাতে হেরে ।
 কেন ভাব, চল গুণমণি,
 পোহালে যামিনী
 অরিগণে পশ্চাৎ আসিবে ।
 শ্রীবৎস । চল চল যাই,
 কালি ছিল অট্টালিকা,
 আজি বনে হয় ভয়,
 পাছে কেহ আসে,
 বনবাসে পাছে বা বঞ্চিত করে ;
 ভাল হ'লো, ভাল হ'লো,
 সকলি ঘুচিল ।

[উভয়ের প্রস্থান

সপ্তম গর্ভাক

মায়াবদী-তীর

শনি ।

শনি । আরে রে দুর্জন,
 বসায় রতন নিয়ে চল,
 জাননা রে—জান না প্রভাব,
 তাই লক্ষী বড়, আমি ছোট,—
 স্থখে যাবে কানন-ভিতরে,
 তাই বুঝি আসিয়াছ বনে,
 যেন কপোত-কপোতী—
 দিবা-রাতি রবে মুখে মুখে ।

তাজি রাজ্যভার
বনে পুনঃ করিবে সংসার,
আরে ছার প্রভাব আমার,
তবে কিসে বলবান্ ?
অন্নকষ্টে যাবে দিন যুগের সমান ;
কেহ কার তত্ত্ব নাহি পাবে,
নিত্য মরণে ভাকিবে
দুঃখে পেতে পরিজ্ঞান ;
মৃত্যু না আসিবে,
ক্ষুধার জ্বালায় দিন ব'য়ে যাবে,
কটক-শয্যায় কাটিবে যামিনী ঘোর ।
আরে আরে এত দস্ত তোর,
লক্ষী বড়, আমি ছোট,—
দেখি, ত্রিভুবনে কোথা তোর হয় স্থান ।

(শনির অন্তর্দ্বন্দ্ব)

(শ্রীবৎস ও চিন্তার প্রবেশ)

শ্রীবৎস । এবে বিশাল তটিনী,
কুল নাহি হয় নিদর্শন,
কেমনে হইব পার ?
প্রভাত যামিনী,
আসিছে বিদ্রোহিণী পাছে,
ডুবে মরি,—
কোন মতে না দেখি নিস্তার আর ।

চিন্তা । নাথ,
দেখ, ক্ষুদ্র তরী আসে ধীরি ধীরি ।

শ্রীবৎস । সত্য প্রিয়ে,
হে নাবিক, এস হে হেথায়,
পার কর আমা দুই জনে ।

চিন্তা । শুনেছে নাবিক,
আসিতেছে ধেয়ে ।

শ্রীবৎস । অতি ক্ষুদ্র তরী,
দুই জনে কেমনে হইব পার ?
এস এ দিকে নাবিক ।

(নাবিকবেশে শনির প্রবেশ)

শনি । বলি, কি ?

শ্রীবৎস । পার কর আমা দুই জনে ।

শনি । পারব না বাপু, যে ছুমো-নামা তোমরা,
আমার লৌকো উল্টে যাবে ।

শ্রীবৎস । দিব তোরে অমূল্য রতন,
পার কর দুই জনে ।

শনি । তুমি একলাই ত তিন মণ দশ সের, তার
ওপর দিয়েছ গোধড় কাঁথার কের, ধনের লোভে কি
প্রাণ খুঁঘাবো ?

চিন্তা । হে নাবিক, দয়া ক'রে কর পার,
নহে অকুল পাথার,
উপায় কি বল আর ।

শনি । আর আমি কি ক'ব্বো বল, খেয়ে খেয়ে
গোমড়া-গোমড়া হয়ে আস্বে, আর বল, 'পার কর ।' যাও,
এখন ঘরে ব'সে ছ'মাস শুকোওগে, বিশ তিথিশ সের মাংস
না কম্লে আমি পার কত্তে পারবো না ।

শ্রীবৎস । বাপু, ব্যঙ্গ কেন কর,
ল'য়ে চল পারে,
দিব বহু রত্ন-ধন ।

শনি । জলে ডুবে মোব্ববে, সে কি বড় ভাল হবে,
তোমার দেহটা তো নয়, গোবর্দ্ধন পর্কতটা ! আবার তেমনি
পাতলা কাঁথা, আমি একটা লেঠায় পড়ে যাব । বলি, কাঁথা
খানা কি ওজন করে তয়ের করেছিলে, অমন বার মণ কাঁথা
তো কখন দেখি নি ।

শ্রীবৎস । তবে কি হবে উপায়,
দেখ,

যদি কোন মতে পার করিতে উপায় ।

শনি । কাঁথা ফেলে এক এক করে পার হ'তে পার
তো দেখ ; ও বিষম গোধড় কাঁথা, যাতার মতন ব'সে
যানে, কাঁথাখানা ফেলে ছ'জনকে নিয়ে যেতে পারি । নয়
বল, কাঁথাখানা আগে পারে রেখে তোমাদের ছ'জনকে
নিয়ে যাই ।

শ্রীবৎস । এই সদুপায়,
লহ কস্থা, আগে কর পার ।

শনি । দেখি, লোভেই পাপ—পাপেই মৃত্যু ।

[শনির কাঁথা লইয়া প্রস্থান ।

শ্রীবৎস । একি, তীরবেগে ছুঁটিল তরণী !

একি, কোথা নদী,—

শুক স্থল, বালুময় বিপুল প্রান্তর !
 মায়া—মায়া, বুঝিলাম এতক্ষণে ।
 (দূরে শনি) ।—আরে ছুটে,
 কোথা লক্ষ্মী তোর আজি ?
 ছুরাশয়, জান না আমায়, -
 সভা-মাঝে কর অপমান ;
 ছুরাচার, ত্রিভুবনময়
 কোথা মম নাহি অধিকার ?
 আমি রামে দিই বনে,
 অশোক-কাননে বেঁধে রাখি জানকীরে,
 হর-গৌরী অভেদ-শরীর,
 আমি করি ভেদ,
 দক্ষযজ্ঞে সতী ত্যজে প্রাণ ;
 ত্রিলোচন ভ্রমিল ভুবন
 শব-দেহ স্কন্ধে ল'য়ে,
 হরি বৈকুণ্ঠ-বিহারী—
 শিলা দেহী আমার প্রভাবে ;
 কি হয়েছে তোর, এই তো সূচনা,
 দেখ্ দেখ্—আর' কত হয় ।

শ্রীবৎস । প্রিয়ে, নাহিক নিস্তার,
 কোথা যাব, কোথা ত্রাণ পাব,
 শনির ছলনা ভেদিতে নাহিব,
 দেখিলে ত স্থল যথা—
 জল তথা বয় ।
 চিন্তা । কি হবে ভাবিলে,
 চল চলহ সত্বর ;
 শুন, নিনাদে বিদ্রোহী-দল,
 এখনি আসিবে, এখনি বধিবে প্রাণ ।
 শ্রীবৎস । হায় ! বালুময় ভূমি,
 কেমনে চলিবে ;
 শুহো রাণি, কেঁদে ওঠে প্রাণ !

[উভয়ের প্রস্থান ।]

তৃতীয় অঙ্ক

—:::—

প্রথম গর্ভাঙ্ক

বন

শ্রীবৎস ও চিতা ।

শ্রীবৎস । ক্ষুধায় যন্ত্রণা এত
 আগে নাহি জানি রাণি,
 আহ', জ্বলে উদর-জ্বালায়
 সভায় আমার
 এসেছিল দীনগণে,
 তখন না জানি
 কত ক্রেশে জলে মহাপ্রাণী সে সবার,
 তাই আবেদন করেছি হেলন,
 ক্ষুদ্র মনে ভেবেছিহু যথেষ্ট করেছি ।
 এত দিনে হলো জ্ঞানোদয়,
 মম কর্মফল,
 শনির কি দোষ এতে ;
 যদি প্রেমের বন্ধনে
 বাঁধিতাম প্রজ্ঞার অস্তর,
 যদি সূশাসনে করিতাম অর্থ-সঞ্চালন,
 এ বিষম কভু না ঘটত ;
 আহা অনাহারে মরিত না দীন জন !
 রাণি, এত দিনে পড়ে মনে,
 বিষণ্ণ-বদনে কেহ
 করে ধ'রে জীর্ণ শীর্ণ সন্তানের কর,
 অগ্রসর সম্মুখে আমার,
 বুঝি নাই—বুঝি নাই সেই কালে
 ছুঁদিশা তাহার, উপযুক্ত শাস্তি তার ।
 রাণি, তোমার কারণে যে বেদনা মনে,
 সে বেদনা পেয়েছিল দীন প্রজাগণে,
 প্রণয়িনী-মুখ চাহি ।

অন্নহীন শূন্য ঘর, শূন্য ত্রিসংসার,
 সত্য, দুঃখ আছে ধরাতলে ।
 কিন্তু হয় !
 উপায় তাহার মম করে নাহি আর ।
 আহা, রাজার মহিষী,
 উপবাসী বনবাসী কান্ধালিনী ।
 চিন্তা । চল প্রভু, যাই হেথা হতে,
 অন্ন স্থলে পাই যদি ফল,
 নহে আজি নব পাতা তুলি
 করিব রন্ধন,
 শুনিয়াছি নবপত্রে হয় দিনপাত ।
 শ্রীবৎস । ভগবান, বাকি কত আর !
 শুনি,
 শনি-অধিকার দশম বৎসর;
 গত মাত্র তিন দিন তার,
 অনাহারে শুষ্ক প্রাণ !
 এই দস্ত ! এই অহঙ্কার !
 জায়া অনাহারী,
 অন্ন দিতে নারি তারে,
 দীন মম সম আছে কে কোথায় ?
 ধিক্ ধিক্ অন্ন বিনা যায় প্রাণ !
 তব জনক-ভবনে
 চল রেখে আসি প্রিয়ে,
 দুঃখে দিন যাবে,
 তবু উদর পূরিবে,
 গ্রহ-ফেরে আমি কষ্ট পাই,
 আমার কারণ কেন দুঃখ পাবে ?
 চিন্তা । প্রভু, অপরাধী হয়েছি কি পায়,
 দিতে চাও বিদায় সে হেতু ?
 ছার উদরের তরে যাব তোমা ছেড়ে,
 হেন প্রাণ চিন্তা নাহি চায় ।
 যে দশা তোমারি—
 সেই দশা শ্রেয়ঃ মম ;
 তুমি নাথ, রাজ রাজেশ্বর
 তুমি বনবাসী—
 আমি দাসী তব,

আমি রব অটালিকা-মাঝে,
 এ কথা কি সাজে হে তোমায় ?
 অকারণ ভেব না ভূপাল,
 নারায়ণ দেছেন জীবন,
 ভূমিষ্টের আগে
 মাতৃস্তনে দিয়াছেন ক্ষীর,
 তাঁর পদে রহে যদি মন
 জীবন যাপন অনায়াসে হবে প্রভু ।
 গধন কানন,
 খাও দ্রব্য তাই নাহি মিলে,
 হবে উপার্জন পশিলে নগরে,
 কোন মতে দিন যাবে কেটে ।
 শ্রীবৎস । হয়, কত সবে অভাগার তরে ?
 রাজার নন্দন
 অর্জন-উপায় কিবা জানি ?
 কার কাছে যাব,
 কার দাস হব,
 যানি হয় কথা মনে হ'লে,—
 অপমান হতে শ্রেয়ঃ প্রাণ-বিসর্জন ।
 এস,
 অনশনে কাননে উভয়ে ত্যজি প্রাণ ।
 চিন্তা । প্রভু, প্রাণ অতি যতনের ধন,
 কেন অনশনে রব,
 জীব জন্তু সবার আহার,
 নারায়ণ নিত্য নিত্য বাঁটে,
 ভাব কি ভূপাল,
 এ সঙ্কটে দৃষ্টি নাহি তাঁর
 আমা দৌহা প্রতি ?
 ক্ষুদ্র নরে
 অনায়াসে করে দিনপাত,
 জায়া-পুত্র করিছে পালন,
 তুমি মহাকৃতি মহা গুণধর,
 বিপদে কি হেতু কর ডর.
 দুঃসময়ে মহেশ্বর পরিচয় পায়,
 হীনজন পরাজয় দুর্দিন পীড়নে ।
 শ্রীবৎস । অকূল এ বিপদ-সাগর,

কোথা যাই, কুল কোথা পাই,
তাহে শনি পাছে পাছে ফিরে ;
তাই প্রিয়ে, বলি হে তোমারে,
অভাগার মঙ্গ কর ত্যাগ,
হ'লে দিন পুনঃ দেখা হবে ।
চিন্তা । প্রভু, শনি আর অধিক কি চায়,
ভেদ করে তোমায় আমায়
মনোবাক্স পূরিবে তাহার ।
সাধ করে পরস্পরে কেন হব ভেদ ?
যথা পতি-পত্নী অভেদ-হৃদয়,
তথা কোথা শনির প্রভাব ?
গেছে কিবা,
যেই ছিলে, সেই আছ তুমি,
সেই প্রণয়িনী আমি তব,
তবে নাথ, বল কোথা যাব ?
তব পদ সাব, -

কোথা আছে আদর আমার আর ?
শ্রীবৎস । আহা প্রিয়ে, কত আছ স'য়ে,
তোর তরে প্রাণে হয় সাধ,
তোর তরে ভাবি হই গৃহী,
তোর তরে শনির তাড়না সহি,
যা থাকে কপালে, তোরে না ছাড়িব ।
দেখি,
দীনে দীননাথ দেন বা না দেন স্থান ।
দেখ কেবা আসে,
শনি কি ধীবর বেশে,
জ্ঞান হয় সকলি শনির মায়া !
চিন্তা । না - না, ধীবর জনেক ।

(ধীবরের প্রবেশ)

ধীবর । যেমন মাখাল ফল, তেমনি মাখাল ঠাকুর
দেবতা বিশগুণা, নমস্কার ঠুকে জাল ফেল্লুম—ভারি
ঠেকুলো, ওমা, উঠলো কি না হবিষ্যির মালসা, এই মাখালকে
ডেকেই কাল হয়েছে, এবার কুঁচে কেঁকড়া ডেকে আসব !
সে দিন জাল ফেলেছিল মোথরো, চিড় বিড়িয়ে যেন খই
ফুটে গেল, বেটার বাপের জন্মে কখনো পুকুর কাটে নি,

সারবন্দি খোঁটা পুঁতেছেন ; কোথা রুই মাছ ছাড়বে, না
দিব্যি এক রুই কাঠ, জালটা ফরদা ফাক ছিঁড়ে গেল গা !
শ্রীবৎস । হে ধীবর, পাও নাই মৎস্য আজি ?

ধীবর । আর মাছ পাব কোথা, রাজ্যের বাপ মা মরে
গে মাঙ্গসা ডুবিয়েছে ; পুকুর কেটেছিল পোদাররা—বরষা
হ'ল, সারবন্দি কই মাছ কানিয়ে চলো, আদ কোশ থেকে
গিয়ে ধর, জাল শুকোলো না, প'লো চাপ । আর এ দেখ না,
সমুদ্র ছেয়ে গেলেও পাড় বেয়ে জল ওঠ'বার যো নেই ।
আর যদি জল শুক'লো তো তবকে তবকে খোঁটার মাথা
দেখা দিলে । পুকুর তো কাটা নয়, বাঁশের নির্মংশ করা,
আঁসের বদলে বাঁশের চোকলা কোঁচড় কোঁচড় নিয়ে এস ।
চিন্তা । ফেল জাল সম্মুখে সলিল ।

ধীবর । বলি এখানে কি পাথর-গেঁড়ি তুলবো,
তোমার তো আঁচ ভারি !

শ্রীবৎস । কোথা সরোবর ?

দেহ জাল, মৎস্য আমি দিই ধ'রে ।

ধীবর । তুমি দেখছি বড় জেলের পো জেলে,
তোমার বাড়ী কোথা ?

শ্রীবৎস । বহুদূর নিবাস আমার ।

ধীবর । বলি তাই, তা নইলে আর তালপুকুরে মাছ
ধতে চাও । এই দেড়বুড়ি পুকুরে জাল ফেলেছি, অমন
পাকের ভুড়ভুড়ি কোথাও দেখিনি ।

শ্রীবৎস । ভাল চল,

ধরে দিব মৎস্য অগণন ।

ধীবর । কেন, তোমার কি ইচ্ছা যে জালের সূতাটা
ঘাড়ে করেও বাড়ী না ফিরি ; দেখুছ, এক রুইকাঠের
ঘায়েতে রাজার বাড়ীর ফটক ক'রে তুলেছে ।

শ্রীবৎস । ভাল, যদি ছিঁড়ে তব জাল,

আমি তাহে দায়ী ।

ধীবর । তোমার তো সল্পম কত, একখানা জাল নাই,
তোমার কি কাপড় কেড়ে নেবো, যদি মাছ ধরবে তো গাধে
চল ।

শ্রীবৎস । ভাল, চল তাই,—

রহ চিন্তা, এই স্থানে ।

[শ্রীবৎস ও ধীবরের প্রস্থান ।

চিন্তা। বুঝাই রাজায়,
কিন্তু প্রাণ বুঝাইতে নারি।
হায়! রাজ্যেশ্বর সাজিল ধীবর,
উদর পোষণ হেতু।
শুনি শাস্ত্রের বচন,
নারী-ভাগ্যে ভাগ্যবান পতি;
মম ভাগ্যে পতির দুর্গতি,
এ খেদ না ঘুচিবে মরণে।
আহা, শুকায় জীবন
হেরি বিরস বদন;
কভু শ্রম নাহি সহে,
দারুণ কাননে যায় অনশনে,
এ দশা দেখিতে হ'লো!
যাঁর দর্শন-আশায়,
কত রাজ্যেশ্বর অপেক্ষা করিত ঘারে,
তাঁরে আজ ধীবরে ধীবর বলে!
কতকালে এ জ্বালা ভুলিব,
প্রাণ আর রাখিতে না চাই;
কিন্তু ডরি,
প্রাণেশ্বর একাকী কেমনে রবে,
ওমা লক্ষ্মি, কত দিন সহিব যন্ত্রণা,
কত দিন এ দুর্গতি স্বামীর দেখিব,
কত দিন বহিব এ দেহ?
দেহ—প্রাণ দেহে, আর নাহি সহে,
প্রাণ আর প্রবোধ না মানে,
কেমনে বা রাজ্যারে প্রবোধ দিব।
কোথা যাব, শূন্য ত্রিসংসার,
বনবাস সার,
হায়, ভার হ'লো জীবন ধারণ!

(দূরে কাঠুরিয়ার স্ত্রী-বেশে লক্ষ্মীর প্রবেশ)

লক্ষ্মী।—

(গীত)

কি জানি কি হয় মনে.
তাই তো এখন আমি বনে,
মনে হয় প্রাণের ব্যথা বলি ব'সে কারুর মনে।

ব্যথায় মরি আমি নারী,
ব্যথা কার' দেখতে নারি,
ব্যথিত যে জন আমি তারি,
যত্ন করি ব্যথিত জনে।
মনের দুঃখে ঝরে আঁখি-
দেখবে কে আর দেখে পাতী,
আমি তারে মনে রাখি,
যে আমারে রাখে মনে।

চিন্তা। দূরে ধীরে স্তমধুর স্বরে কেবা গায়?

মলিন-বদনে কাননে কে ভ্রমে বামা!
আহা, দুঃখের সঙ্গীত,
কোন অভাগিনী,
বিপিন-বাসিনী মম সম,
আসে মম পাশে,
বুঝি কিবা সুধাবে আগায়।

লক্ষ্মী। হ্যাঁ মা, তুমি কে মা, বনে একলা ব'সে কেন
মা? আমরা মা কাঠুরে, যদি তোমার ঘর না থাকে, আমি
তোমায় ঘরে রাখি, আমি একটু দূরে ঐ নগরে থাকি।

চিন্তা। মাগো, আমি বড় অভাগিনী,
পতি সনে এসেছি কাননে,
স্বামী গেছে মৎস্ত ধরিবারে।

লক্ষ্মী। তোমরা কি জেলে?

চিন্তা। নহি মা ধীবর,

কিন্তু কি করি মা, উদর বড়ই দায়।

লক্ষ্মী। কেন গো, কি ক'রবে কেন? কেন, তোমার
স্বামী এলে ব'লো, কাঠ কেটে নে বাজারে বেচবে, একটু
দূরে চন্দন-বন, বাজারে বেচলে ধন পাবে। দেখ, আমি
যাই, ঘরকন্না দেখতে হবে, ভুল না, তোমার স্বামীকে ব'লে
নগরে এস তবে।

চিন্তা। কে তুমি মা, কোথায় নগর?

লক্ষ্মী।—

(গীত)

কাননে ফুটবে কলি, সন্ধ্যাকালে উঠবে তারা,
অমুরাগে আগে যাবে, পথ পাবে তায় দিশে-হারা।
দেখলে তার বিমল আলো,
ঘুচে মা তোর মনের কালো,
আলো ক'রে চলবে ধীরে, মনোহরা সে চাঁদের পারা।

[লক্ষ্মীর প্রস্থান।]

(শ্রীবৎসের প্রবেশ)

শ্রীবৎস । দেখ—দেখ,
এনেছি বৃহৎ মৎস্য, প্রিয়ে,
দধু করি করিব ভক্ষণ ।
চিন্তা । দেহ নাথ, আমি দধু করি ।

[চিন্তার প্রস্থান ।

শ্রীবৎস । বছশ্রমে হয় উপার্জন,
কিন্তু অতি প্রিয় অর্জনের ধন ।
মৎস্য-লাভে যে আনন্দ হইল আমার,
নব রাজ্য অধিকারে হয়নি তেমন ।
নাহি ভয়, যাবে দিন কোন মতে,
ক্লান্ত দেহ অতিশয়,
মৎস্য ল'য়ে আসুক মহিষী,
ততক্ষণ তরুতলে করিব বিশ্রাম,
নব তৃণ অতি সুকোমল,
নিদ্রায় কাতর এত হই নাই কতু ।

(শয়ন)

(চিন্তার প্রবেশ)

চিন্তা । আহা ! অভিবৃত্ত ভূপতি ধরণীতলে,
কুসুম-শয্যায় নিদ্রা না আনিত ধার,
এবে কিবা দশা তাঁর,
হায় ! এই ছিল বিধাতার মনে,
সুকোমল কায়ে শ্রম নাহি সহে,
হায়, দিন কেমনে কাটিবে,
ভেবে আর কি উপায় হবে ।
দয়াশূন্য শনির অন্তর ;
রাজ্যেশ্বর ধরণী-শয়নে—
চন্দ্রাননে বহে শ্রম-বারি,
হায়, কেমনে নিবারি
প্রাণের দারুণ জ্বালা !
উপাদেয় দ্রব্য নানা মত,
যত্নে কত
নারিতাম খাওয়াতে রাজ্যারে,
তাঁর করে পোড়া মৎস্য কেমনে বা দিব !
আহা, মৎস্য পেয়ে
আনন্দে এলেন ধৈয়ে ।

লাগিয়াছে খার,
ধৌত করি নিকট-সলিলে !
নিদ্রা যান নরপতি !
হায়, সুসময় কখন' কি হবে,
ঘুচিবে প্রাণের কালি !

[চিন্তার মৎস্য ধুইতে গমন ।

একি ! একি, কি হল, কি হল !
পোড়া মৎস্য পলাল কপাল-গুণে ।
হায়,
আকুল ক্ষুধায় রাজা, কি বলিব তাঁরে !
লজ্জা রাখ ভগবান,
কি হবে আমার দশা ;
শুকায় অগাধ নদী কপালে আমার,
পোড়া মৎস্য প্রবেশে সলিলে,
নৃপতির কেমনে দেখাব মুখ !
হায় শনি ! গ্রহরাজ তুমি,
লজ্জা নাহি রাখ রমণীর ?

দেহ মৎস্য ফিরে,
নহে কবে লোকে,
এ ছার উদরে—
দিছি মৎস্য ক্ষুধার জ্বালায় !
ধিক্ প্রাণ, হেন অপমান
সহে কি নারীর প্রাণে,
কে করিবে লজ্জা নিবারণ ?

শ্রীবৎস । ক্ষুধায় আকুল প্রাণ,
কেন চিন্তা মৎস্য নাহি আনে ?
শুভক্ষণে দেখা ধীবরের সনে,
নহে আজি হ'তো কি উপায় ?
চিন্তা—চিন্তা,
আন মৎস্য, ভক্ষণ করিব ছুইজনে ;
চিন্তা—চিন্তা, বিলম্ব কি হেতু কর,
বড় ক্ষুধাতুর আমি,
একে পরিশ্রমে হয়েছি কাতর,
তাহে তিন দিন অনশন,
হের অন্তগামী দিনমণি,
বিলম্ব কি হেতু ?

চিন্তা। হায় নাথ, কহিতে সরম,
বেদনায় বিদরে মরম,
দন্ধ মীন গেছে পলাইয়ে !
গুণমণি, আমি অভাগিনী,
কি কব তোমায় আর,—
কে কোথায় শুনেছে এ কথা।
ভগবান, কেন দিলে হেন ব্যথা,
এ লজ্জা কে ঘুচাবে আমার।

(নেপথ্যে শনি)। সলিল শুকায়,
পোড়া মৎস্য যায়,
দেখ্ কিবা হয় আর—
আমি অতি হীন, বলেছ প্রবীণ,
ওরে ক্ষুদ্র নর ছার !

শ্রীবৎস। রাণি, না কর রোদন,
শুন শুন শনির বচন,
অদৃষ্ট-লিখন যা ছিল, ঘটিল তাই,
তুমি পতিব্রতা—তাজ মনোব্যথা,
রুষ্টগ্রহ ঘটায় সকলি,
প্রিয়ে, তাই বলি কেন এলে
অভাগার সনে !

চিন্তা। ভাবি নাথ, কি হবে, কি হবে !
তরুতলে করহ বিশ্রাম ;
দেখি হেথা পাই যদি ফল।

শ্রীবৎস। চল দৌহে মিলি খুঁজি বন,
পকফল আছে দূরে,
সৌরভ বহিছে বায়ু,
দেখ—দেখ কি সুন্দর তারা,
আলো করে কানন কিরণে।

চিন্তা। নাথ, হইল স্মরণ
একা নারী অপূৰ্ণ মাধুরী,
ব'লেছিল সুন্দর তারকা-কথা।

শ্রীবৎস। দেখ,
পথ যেন করিছে নির্দেশ,
ধীরে ধীরে নাচে তারা।

চিন্তা। চল যাই যে দিকে নির্দেশ করে
ব'লেছিল নারী,

পাইব নগরী,
হ'লে তারা-অনুগামী।
শ্রীবৎস। চল যাই, যা হবার হবে।

[উভয়ের প্রস্থান।

দ্বিতীয় গর্ভাঙ্ক

নগর-প্রান্তর

শনি।

শনি। লক্ষ্মীর বচনে এসেছ এ স্থানে,
ভাব মনে মম হস্তে পাবে পরিভ্রাণ।
ত্রিভুবনে কোথা হেন স্থল,—
অষ্টকুলাচল সপ্তসিন্ধু,
স্বর্গ মর্ত্য রসাতল মম অধিকার ;
যেথা ভাব আমি আছি দূরে,
সেথায় নিকট আমি।
দেখ্ তোরে দিই ছারে খারে,
ভেদ করি পত্নী-সনে।

(প্রথম স্ত্রীলোকের প্রবেশ)

১মা স্ত্রী। হ্যাঁ গা ঠাকুর, কে গা তুমি, কাকে খোঁজ ?

শনি। দেখ্ছি তোদের ভাগিা ভারি,
লক্ষ্মী-অংশে এখানে এসেছে এক নারী,
আমি সন্ধান ক'চ্ছি তারি।

১মা স্ত্রী। হ্যাঁ হ্যাঁ, কাল রাত্রে মেয়ে-মরদে এসেছে—
আহা, দেখতে যেমন, কথাও তেমন, মা বই আর বাক্য
নেই। তুমি ঠাকুর, কে গা ?

শনি। আমি গণক, গুণে ব'লতে পারি—কি দশা
হবে কার, তোর কপালে সাতটি ছেলে, তোর মরণ হবে
কাশীধামে, তোর ধনে ধন কাবাসে বন, গোলা ভরা থাকবে
ধান, আর দিন দিন তোর স্বামীর বাড়বে মান।

(দ্বিতীয় স্ত্রীলোকের প্রবেশ)

২য়া স্ত্রী। ওলো, তুই বনে ফল তুলতে যাবি নি,
এখানে দাঁড়িয়ে কি ক'চ্চিস ?

১মা স্ত্রী। দেখ্ ভাই, গণককার ঠিক ঠাক্ ব'লেছে
সব আমায়, তুইও গুণিয়ে যা না।

শনি। তোরও খুব কপাল জোর, কাঠ কাটতে
তোর স্বামী গেছে ভোর, কড়ি আন্বে ধামা ভোরে,
ভেসে যাবে খেয়ে উগ্ৰে। আর তোদের কপালের
জোর ভারি, আজ পরুবি নূতন শাড়ী ; এসেছে নূতন
সওদাগর, টাকা বিলোবে ঘর ঘর।

১মা স্ত্রী। বলি, এ দিকে এস না গণক ঠাকুর, শ্যামির
মার যদি কপাল দাও গুণে, তার ভাতারটা ভারি খুনে,
ঠেঙ্গিয়ে দিয়েছে হাড় ভেঙ্গে, ভাতার যদি বশ ক'রে দাও
তো, পান সূপারী কত পাও।

শনি। বলি, এ আর কি—আমি যদি জলপড়া দিই,
তার ভাতার কোন্ ছার, বনের গণ্ডার বশ ক'রে রাখতে
পারে।

১মা স্ত্রী। তবে এস না গা ঠাকুর, তার বাড়ী একটু
দূর, ঐ দেখা যাচ্ছে ঘর, ঐ দেখ না, ঐ চালের বাতা ক'ছে
কর কর।

(তৃতীয় স্ত্রীলোক ও একজন পুরুষের প্রবেশ)

৩য়া স্ত্রী। এই দেখ, কেমন নূতন শাড়ী পেয়েছি,
তোরাও যাস্ তো পাস্, নৌকাখানা গে ছুঁবি, শাড়ী
আর জোড়া টাকা পাবি।

১মা স্ত্রী। ওমা, তাই তো, ঠিক ঠাক্ সব গুণে ব'লেছে,
তোরে বেশ শাড়ী খানি দিয়েছে।

পুরুষ। মাঠাকুর, তোমরাও এস।

১মা স্ত্রী। বলি হ্যাঁগা, কি ক'ত্তে হবে ?

পুরুষ। নৌকা একখানা ছোঁবে, আর শাড়ী পাবে।

শনি। শালকাঠের নৌকা খানা, ছুঁলেই পরে সোণা-
দানা, তোদের কপাল জোরে ডাকুলো বান, তাই চড়ায়
লাগলো নৌকা খান।

স্ত্রীগণ।

(গীত)

ফের দিয়ে সই প'রবো শাড়ী,
আয় ছুঁবি আয় সাধের তরী,
এসেছে সখের বেণে মিয়ে সখের সঙ্গারি।
ছুঁতে হয় আর কিছু নয়,
সাধ্ছে এত যেতে তো হয়,
মাই তো এতে ধরাধরি।

[শনি ব্যতীত সকলের প্রস্থান।

(সওদাগরের প্রবেশ)

সওদা। ঠাকুর, হেথা তুমি বুঝি আবার ভণ্ডা
ক'ত্তে এসেছ, তোমার কথায় বস্তা বস্তা শাড়ী বিলালুম, অ-
নৌকা কেবল ভুস্ ভুস্ ব'সে যাচ্ছে ! বলি ও শুকনো কারে
নৌকা,—তোমার মতন তো তেমন রস নাই যে, মে-
মাছুষ ছুঁলেই গা সেওরাবে—ভেসে যাবে। শ্যামী, বার্মা
পদ্মিনী তর বেতর দেখা দিলে, বাবা, জলের ধা-
ইস্কাপনের পুরুষ।

শনি। তুই যেমন যণ্ডা সওদাগর, শাড়ী বিলাসি
ঘর ঘর, যে পতিব্রতা, তারে ধর !

সওদা। ঠাকুর, যে দিকেশ্বরীর ঠাট্ এস কু-
দাঁড়াল, তাদের চোদ্দ পুরুষ পতিব্রতা, তা এক পুরুষ কি
যেমন দেশ, নব নাগরীরাও তেমনি।

শনি। আমি শুনেছি ঠিক্, তুই বেল্লিক তা বুঝি
কি ? দেখ্ দেখি খুঁজে দেখ্, কোথায় কে পতিব্রতা আছে
সওদা। বলি, ভোর থেকে এই বেলা ছুপুর অব-
দেখ্ছি, খালি শাড়ীর আন্ধ !

শনি। দেখ্, আমি একটু স'বুচি।

সওদা। না বাবা, আমি তোমায় ধ'বুচি, শাড়ীর দ-
আদায় ক'বুচি।

শনি। ঐ সে মাগী আস্ছে, ওকে তুলিয়ে ভালি
নিয়ে বল্ যেতে, যাই চল, ওর স্বামী কাঠ্ কাটতে গিয়ে
সে এলে আর যেতে দেবে না।

সওদা। কে আবার নয়ন শীতল ক'বুতে আস্ছে
বাঃ বাঃ বাঃ ! ধুবুড়ির ভেতর খাশা চাল যে, এই দিকে
যে আস্ছে।

(চিত্তার প্রবেশ)

চিত্তা। হ'লো বেলা দ্বিপ্রহর,

প্রাণেশ্বর এখনও না ফিরে এল,

কমনীয় তহু ফুলময়,

শ্রম কত সয় তাঁর,

কত দূর না জানি চন্দন-বন ?

কাঠুরিয়াগণ কেহ নাই আসে ফিরে।

শীর্ণ তহু মলিন বদন,

কাননে ভ্রমণ,

আছে কত দিন কপালে লিখন আর ;
হায় বিধি, কি তব নিয়ম,
রাজ্যেশ্বরে পাঠাও গহন,
হীনজনে বসাও হে সিংহাসনে ।
কত দিন এ যাতনা সব,
স্বামীর দুর্দশা নয়নে হেরিব,
সাধ হয় মরি, মরিবারে নারি,
শুশ্রূষা কে করিবে স্বামীর ;
এত হ'ল, সকলি ফুরাল,
রহিল এ অভাগিনী-প্রাণ,
পাষণ—পাষণ,
নহে মলিন বয়ান হেরিয়ে রাজার
কেন না বিদরে বুক ?

সওদা । এইবার ঠাকুর, কথার মতন কথা বটে, এ
ছুলে শুকনো কাঠ গা ভাসান দিলেও দিতে পারে, নিদেন
হাতে হাতে শাড়ী খানা দিলে, শাড়ী খানাও সার্থক হবে ।
চিন্তা । কেবা দুইজন ?

কাজ নাই ফিরে যাই ঘরে ।

সওদা । বলি লক্ষ্মি, একটা কথা শোন, আমি বিদেশী
বণিক, বড় দায়ে প'ড়েছি ।

চিন্তা । অতিথি আপনি ?

সওদা । না অতিথি নয়, আমার নৌকাখানি চড়ায়
আট্টকে গিয়েছে, গণকে গুণে ব'লেছে যে, পতিব্রতা রমণী
ছুলে নৌকা ভাসবে, যদি অমুগ্রহ ক'রে সঙ্গে আসেন ।

চিন্তা । মহাশয়, ক্ষমুন আমায়,

মম স্বামী নাহি ঘরে,

বাইতে নারিব অমুমতি বিনা তাঁর ।

সওদা । দেখুন, আমার নৌকাসাত দিন আট্টকে আছে,
দেশ বহুদূর—রাজার আজ্ঞা, একমাসের ভেতর ফিরতে
হবে, নইলে ধনে-প্রাণে যাব,—লক্ষ্মি, কৃপা করুন, নদী
নিকটে, একবার স্পর্শ ক'রে আসবেন ।

চিন্তা । আইস মম কুটীরে বণিক,

আসিবেন পতি ফিরে,

যাব তাঁর অমুমতি ল'য়ে ।

সওদা । কেন আর বিলম্ব ক'রবেন, পরোপকার
মহাধর্ম—স্ববাতাস উঠেছে, এখন যদি নৌকাখানি ভাসে,

অনেক দূর যেতে পারবো, আপনার স্বামী রুগ্ন হবেন না,
কৃপা ক'রে আসুন ।

চিন্তা । স্পর্শে মম ভাসিবে তরণী ?

শনি । বিচিত্র না ভাব গুণবতি,

সতীর অসাধ্য কিবা ?

মিথ্যা নহে বাণী,

গণিয়াছি আমি,

স্পর্শে তব ভাসিবে তরণী ।

নাহি জান আপন মহিমা,

লক্ষ্মী-অংশে জনম তোমার,

স্বামী-ভক্তি-ফলে অসাধ্য সূসাধ্য তব,

না মান বিস্ময়,

হয় নয় এখনি বুঝিবে ।

নহে দূরে—দেখ স্পর্শ ক'রে,

ভাসে বা না ভাসে তরী ।

মহাত্মত পর-উপকার,

বিপাকে পড়েছে এই বিদেশী বণিক,

তরিবে তোমার গুণে ;

দেশে দেশে গাবে তব যশ,

স্বামী তব অতি সদাচার,

সদা পর-উপকারে রত,

ভুষ্ট হবে শুনিলে এ কথা ।

সওদা । দেখুন, আমি বড় দায়ে ঠেকেছি, ব'লছি

আপনি রক্ষা করুন ।

চিন্তা । ভাল, চল তবে,

আমা হ'তে হয় যদি উপকার ।

[সওদাগর ও চিন্তার প্রস্থান ।

শনি । দেখি—দেখি, লক্ষ্মী কিবা করে তোর,

মম ছল নারী হ'য়ে কি বুঝিবি ?

প্রভাবে আমার—

তরণী ঠেকেছে চরে,

ভাসিবে পরশে তব ।

দেখিব—দেখিব,

পতি-সনে কেমনে নিশ্চিত্ত রহ,

না হ'লে বিচ্ছেদ, মম খেদ না মিটিবে,

বৃথা শনি নাম ধরি,

যদি মনঃকষ্ট দিতে নাহি পারি ;
কোথা তবে প্রভাব আমার,
সুখে যদি বহে দিন !
দেখি—দেখি, করি কি উপায়,
দেখি, পতিসনে রহ বা কেমনে ?
ভাব প্রণয়-পুলকে
সুখে রবে শনির দশায়,
দেখিব—দেখিব,
দুর্দশার সীমা না রাখিব।
অধিকার দশম বৎসর মোর,
এই তো সূচনা,
নানা ক্লেশ আছে বাকি।

[শনির প্রস্থান।

তৃতীয় গর্ভাঙ্ক

নদী-তীর

(স্ত্রীলোকগণের প্রবেশ)

১মা স্ত্রী। বলি হ্যাঁগা, আমার শাড়ী খানা এমন কেন
গা, একখানা ভাল দেখে দাও ; বিম্লির পাড় যেন
কিতের, আমার কেমন কপাল ভাঙ্গা, ও ছুলে, আমিও
ছুলেম, ও কেমন ভাল কাপড়খানা পেলে !

(সওদাগর ও চিন্তার প্রবেশ)

সওদা। বলি লক্ষ্মীরা, একটু গা মার, ছুঁয়ে তো মাথা
কিন্লে।

১মা স্ত্রী। এর আর মাথা কেনা-কিনি কি গা, ছুঁতে
ব'লে ছুলুম। ওমা, মুখনাড়া দেখ, সেধে কি না কাপড়
নিতে এসেছিলুম ! কাজের সময় কাজি, কাজি ফুরোলে
পাজি ; ঘরকন্না প'ড়ে রইল, তাড়াতাড়ি এসে নৌক' ছুলুম,
তা একটা খোস্‌নাম নেই।

সওদা। ঠাকুরগরা ভেব না, খোস্‌নাম দেশ-
বিদেশে ক'ব্বো, যে খোস্‌পত মুখ দেখে গেলুম, তা
ভয়েও ভুল্‌বো না।

১মা স্ত্রী। শোন্ শোন্, ডেকরার কথা শোন্, আহা,
ওর মুখখানি কি চাঁদপানা গা !

সওদা। চাঁদপানা হোক আর না হোক, অমন
ভেটুকি পানা নয়। আপনি আসুন, নৌকা ছুন।

(চিন্তার নৌকা স্পর্শকরণ ও নৌকা ভাসমান)

সকলে। হরি হরি হরি হরি হরি ! নৌকা ভেসেছে,
নৌকা ভেসেছে !

সওদা। বাবা, ফের চড়ায় লাগলে তোমাঘ পাব
কোথা, ওষুধ সঙ্গে নিই।

(চিন্তাকে নৌকাঘ উত্তোলন)

চিন্তা। ছাড়, ছাড়, নরাদম মোরে,

সর্কনাশ হবে তোরা।

সওদা। যখন হবে তখন হবে, হাল ফিল তে
মজায় থাকবো !

চিন্তা। ছাড়, ছাড়াটার, সবংশে সংহার হবি,

রক্ষা কর,

রক্ষা কর, কেহ মোরে দুর্জনের হাতে,

রক্ষা কর, রক্ষা কর মোরে,—

হে বণিক, পিতা তুমি মম, ছাড় মোরে,

আমি বড় অভাগিনী,

কেন কর পীড়ন আমায় ?

সওদা। রহিবে অতুল সুখে,

ভাব কেন চন্দ্রাননে !

চিন্তা। দেখ দেখ, কেশরী-কামিনী—

ভেকে করে অপমান !

যাবে প্রাণ, যাবে দেহ হ'তে,

অশুচি হ'য়েছে দেহ দুর্জন-স্পর্শনে !

ত্রিভুবন-পূজ্য পতি মম,

কোথা গেল এ সময় ?

হায় নাথ, তব আজ্ঞা বিনা

আইলাম দুর্জনের সাথে,

প্রতিফল পাই হে তাহার।

কোথা গুণমণি, অধিনীর যায় প্রাণ,

দেখ এসে—কি দশা হইল শেষে !

হীন লোকে কহে কুবচন ;

ওহে জগৎ-লোচন-রবি,

ধর্ম রাখ ছুখিনীর ;
 প্রাণ হ'তেছে অস্থির,
 ব্যক্ত করে পাষণ্ড আমায় ;
 যদি হই সতী, পূজে থাকি পতি,
 দিনপতি, রাখহ আমায়,
 ঘোর দায় পদাশ্রয় চাহি, দিননাথ,
 পবিত্র পাবক !
 পবিত্র অস্তুরে ডাকি হে তোমাতে,
 উদ্ধার হে এ ঘোর সঙ্কটে,
 কেহ নাই, কার মুখ চাই,
 মহাজ্যোতি, গতি কর অভাগীর !
 তমোহর, ধর্মের আকর,
 ধর্ম-ভয়ে চরণে শরণ মাগি,
 জ্যোতির্শ্রয় জীবন-আধার,
 অবলার ভয় ঘুচাও, ভাস্কর,
 তস্করের হাতে কর ত্রাণ ।
 নন্দিনী কাতরা, এস ত্বর,
 জরা দেহ মোরে ।
 বিপদ ছুস্তর, কর পার ভগবান্ !
 ভাকে পতিব্রতা,
 ভবত্রাতা হও রূপাবান,
 এস ত্বর রক্ষা কর মোরে,—
 নহে নারী-বধ লাগিবে তোমাতে ;
 মহাভয়ে রাখ পায়, ভয়হর !

সওদা। শৃঙ্খল এনে এরে বেঁধে রাখ, নইলে ঝাঁপ
 দেবে ।

চিন্তা। কোথা গুণমণি,
 কোথা তুমি এ সময় ?
 তোমার রমণী—
 বন্দী করি রাখে হীন জনে ।
 (চিন্তাকে বন্ধন)

হায় হায়, কি হ'ল কি হ'ল !
 কেন মম ছুবুঁকি ঘটিল,
 আইলাম দুর্জনের বোলে ।
 প্রাণ নাহি যায়, কি করি উপায়,
 কে আশ্রয় দিবে ?

ধর্ম রক্ষা কিসে মম হবে !
 নাহি বল ছেদিতে শৃঙ্খল,
 ঝাঁপ দিতে নারি জলে ।

(দৈববাণী)

ভেব না—ভেব না,
 আমি দিনমণি—সদয় তোমায়,
 উজ্জ্বল কিরণমালা ঘেরিবে তোমাতে,—
 যতদিন নাহি পাও পতি-দরশন,
 জরাগ্রস্ত দুর্জন হেরিবে ;
 রাখ ধর্মে মতি, যাবে দিন,
 চিন্তা ত্যজ গুণবতি !

সওদা। যাও যাও—তীরবেগে ।

[সকলের প্রশ্নান ।

চতুর্থ গর্ভাঙ্ক

কুটীর

শ্রীবৎস ।

শ্রীবৎস। চিন্তা, চিন্তা, কোথা তুমি ?

দেখ বেচিয়ে চন্দন,
 পাইয়াছি কত ধন,
 স্মৃথে দিন যাবে স্মলোচনে !
 চিন্তা, একি—কোথা চিন্তা ?
 গিয়েছে কি বারি হেতু ?
 ওহো ! কত কষ্টে হয় উপার্জন,
 উষায় পশিষু বনে—
 এবে প্রায় গোধুলি আগত—
 ক্ষত পদ, ক্ষত দুই কর,
 ক্ষত অঙ্গ কণ্টকের ঘায়,—
 কিন্তু পাইয়াছি ধন,
 অন্ন-কষ্ট হবে বিমোচন,
 যাবে হুঃখ, চিন্তার হেরিয়ে হাসি ।
 কোথা গেল প্রেমসী আমার ?
 বিলম্ব হেরিয়ে,
 গিয়েছে কি অন্বেষণ হেতু ?
 চিন্তা, চিন্তা—

একা কেন যাইবে কুটীর ত্যজি,
গিয়াছে কি প্রতিবাসী-নারী সনে ?
একি ! অকস্মাৎ বাম-আঁধি নাচে,
বাম-অঙ্গ কাঁপে কি কারণ,
বুঝিবা বিপদ ঘটে,
দেখি কোথা চিন্তা,
ভাল নহে কাজ ।

[শ্রীবৎসের প্রস্থান ।

(দুইজন স্ত্রীলোকের প্রবেশ)

১মা স্ত্রী । কই লো, তুই যে ব'ললি মরদ এয়েছে ?
২য়া স্ত্রী । আমি ভাই দেখে ছিলাম, ভয়ে কিছু
বোলতে পারলাম না ।
১মা স্ত্রী । তোর ভালা ভয়, বলে এখন খুঁজতে
যেতো ।
২য়া স্ত্রী । দরিয়ায় ভেসে গেছে, আর খুঁজতে কোথা
যাবে ?
১মা স্ত্রী । না না, চল, কোথা গেল, খবরটা দেওয়া
ভাল ।

[উভয়ের প্রস্থান ।

(শ্রীবৎসের প্রবেশ)

শ্রীবৎস । চিন্তা, চিন্তা, এসেছ কি ফিরে ?
কোথা গেল প্রেমণী আমার,
নাহি জানি কি বিপদ ঘটে ।
পদে পদে শনি,
প্রণয়িনী কোথায় আমার,—
চিন্তা, চিন্তা, কোথা তুমি ?

(স্ত্রীলোকদ্বয়ের পুনঃ প্রবেশ)

১মা স্ত্রী । ওগো বাছা, তুমি ফিরে এসেছ, আর ডেকে
কোথা দেখা পাবে, পোড়ারমুখো সপ্তদাগর এসে, জোর
ক'রে ধ'রে নৌকায় তুলে নিয়ে চ'লে গিয়েছে ।
শ্রীবৎস । অ্যা অ্যা ! কি বল, কি বল !
চিন্তারে আমার,—
১মা স্ত্রী । হ্যা গো, নৌকাখানা ছুঁতে ডেকে নিয়ে গেল,
ছুঁতেই নৌকা ভাসলো, আর ধ'রে নিয়ে গেল ।

শ্রীবৎস । নারায়ণ, এত ছিল তব মনে !

শীঘ্র বল, কোন্ পথে গেল ?

১মা স্ত্রী । সন্দর্পনিয়ে দরিয়ায় ভেসে গেল, কোথা
গেল, কেমন ক'রে বোলবো !

শ্রীবৎস । হায় ! বজ্রাঘাত কে করিল শিরে,

কে হরিল প্রাণের পুতলি,

হায়রে না জানি,

একাকিনী শক্রর মাঝারে

অভাগিনী কত কাঁদে ;

বল বল, কোন্ দিকে গেল তরী ?

১মা স্ত্রী । পশ্চিম মুখে চ'লে গেল ।

শ্রীবৎস । হায় ভগবান,

এত ছিল কপালে আমার,

চিন্তা, চিন্তা, কোথা গেল প্রাণেশ্বর !

কোথা তোর দেখা পাব ?

হা চিন্তা !

(মুচ্ছা)

১মা স্ত্রী । ওলো শীগ'গির আয়, শীগ'গির আয়,
মিন্‌সে বুঝি প'ড়ে ভিঝুনি গিয়েছে ।

[সকলের প্রস্থান ।

(শনির প্রবেশ)

শনি । আরে রে দুর্জন,

লক্ষী তোর কোথায় এখন ?

বুঝেও কি বোঝনি আনায়,

পোড়া মংস সলিলে পলায়,

বেচিয়ে চন্দন পাইয়াছ ধন,

সুখে দিন করিবে যাপন ?

জান না—জান না,

কেড়ে লই মুখের গরাস !

ত্যজ—ত্যজ সুখ-আশ,

যতদিন রবে মম অধিকার,

রাজ্য গেছে, নারী গেছে, হবি পরাধীন ।

আরে হীনমতি, আমি হীন—

দেখ্ দেখ্, শ্রীবৎস রাজন,

দীনতা কতই তোর হয় ।

দেখি তোর কতদিনে হয় জ্ঞানোদয়,
কতদিনে পূজা দেহ মোরে,
ছার খার হবি অহঙ্কারে ।

[শনির প্রশ্নান ।

পঞ্চম গর্ভাঙ্ক

নদী-তীর
শ্রীবৎস ।

শ্রীবৎস । হায়, হায় ! ঈশ্বর, কি করিলে আমায় !

গেল রাজ্যবাস, হ'লো ধননাশ,
তাহা না গণিছ মনে,
প্রিয়া-মনে ছিলাম প্রাণের স্নেহে,
তাহে দৈব অরি ;
আহা প্রাণেশ্বর, কোথা গেলে ?
কে দুর্জ্জন করিল হরণ
আমার জীবন-ধন ?
শূন্য প্রাণ-মন, শূন্য এ জীবন,
শূন্য এই দেহ, প্রেয়সী বিহনে ধরি ।
মাগর-বাহিনি, বল তরঙ্গিনি,
মম প্রণয়িনী গেছে কত দূরে ?
জীবন-আধার, প্রেয়সী আমার,
বল তার কোথা দেখা পাব ?
কোথা যাব,
তায়ে ছেড়ে কেমনে রহিব,
শক্রপুত্র স্মরিয়ে আমারে,
কত কাদে বামা !
অস্তর বিকল,
ব'লে দেহ, কোথা গেলে পাব প্রেয়সীরে ?
অকূল পাথারে দেহ কূল, ভগবান,
ওহে জগৎ-জীবন,
আন্তগতি সমীরণ,
মম প্রাণধন কোথা আছে,
বল মোর কাছে,
ব্যোমচর, যে জান বল না,—
প্রাণের ললনা,

ছেড়ে গেছে, কোথা আছে অভাগিনী ?
মরি, প্রাণে মরি,
বার্তা দেহ কেহ কৃপা করি,
প্রাণেশ্বরী কোথা মোর ভাসে,
শক্রবাসে কাদে সে হতাশে,
শান্ত হবে আমারে হেরিলে,
আমা বিনা সেত নাহি জানে আর ।
আহা, রাজার নন্দিনী,
আমা হেতু বিপিনবাসিনী,
পেলে কত ক্লেশ না ভাবিল লেশ,
অবশেষে কি দশা হইল তার !
বুঝি চন্দ্রাননী ত্যজিয়াছে প্রাণ,
আর সে বয়ান এ জনমে না হেরিব !
হাসি মুখ নেহারি তাহার,
স্বর্গ-সুখ ভাবিতাম ছার ;
কোথা গেল বিনোদিনী—
চিন্তা, চিন্তা,
কোথায় রয়েছ মোরে ভুলে !

[প্রশ্নান ।

চতুর্থ অঙ্ক

—::*::—

প্রথম গর্ভাঙ্ক

নদী-গর্ভ,—দূরে সুরভী-আশ্রম
(নৌকাপরি লক্ষ্মী ও চিন্তার প্রবেশ)

লক্ষ্মী ।—

(গীত)

প্রাণ আমার কেমন করে,
নিভা তোরে দেখতে আসি,—
তুমি যাও জলে ভেসে,
নয়ন-জলে আমি ভাসি ।

জান না স্থলোচনা, বেড়েছে আনাগোনা,
কব কি, কি যাতনা, দেখলে তোদের উপবাসী ।

মা, এই অমৃত পান কর ।

চিন্তা । ধরি পায় হেন কথা ব'ল না, জননি !

শুন মাতা কমলবাসিনি,
কোথা স্বামী নাহি জানি,
আমা-হারা উন্মাদের প্রায়,
কোথা কি দশায় ভ্রমে মম প্রাণনাথ,
যত্নে তারে কে দেবে গো অন্ন-পানি,
আহা বৃষ্টি আছে উপবাসী !
নহি মাতা জীবন-প্রয়াসী আর ।

লক্ষ্মী । দেখু রূপে শূনের ক্ষীরে
খাওয়াই আমি তোর পতির ;
রইতে নারি আসি ধীরে,
ভালবাসি দেখতে তোরে ।

চিন্তা । মা, কোথা মোর স্বামী ?

লক্ষ্মী :—

(গীত)

দিনের ফেরে যাও মা ভেসে,
গেলে দিন ব'ল্ব এসে,
ছ'জনে মিলন হবে সদাই আমি অভিলାষী ।
রাখ কথা রাজবালা,
যুচবে তোমার মনের জ্বালা,
পতির দেখবে ধ্যানে, ধর স্বধা মধুভাষী ।

চিন্তা । দেহ সুধা, করি পান ।

লক্ষ্মী ।—

(গীত)

প্রাণ আমার সদাই দোলে, তরঙ্গ যাব ব'লে,
মা বলে ডাকছে আমার
আর তো হেথা রইতে নারি ।
বারিতে জনম আমার, তাই বৃষ্টি বয় নয়ন-বারি ।
মা ব'লে হই উতলা,
তাইতে গো নাম চপলা,
যে ভক্তি ভাবে আমার ভাবে,
তারে কবে ভুলতে পারি ।

[লক্ষ্মীর প্রস্থান

চিন্তা । হায়, একি দশা হেরি তব, প্রাণনাথ !

দীন-সম হীন কার্যে রত !
কাদে তব দুঃখিনী রমণী,
চেয়ে দেখ প্রাণেশ্বর !
এ কি, কোথা আমি !
ধনু নিদ্রা ! এ দশায় এস চোখে,
হে তরুণ রবি !
হেরিলাম স্বপনে নাথের ছবি,
তুমি তাহা করিলে অস্তর,
মম প্রাণেশ্বর জীবিত কি এতদিন !
ওহে জগতলোচন, কর দরশন,
কোথা প্রাণধন মম,
দেহ অধিনীরে সমাচার ।
উষ্ণতা আকর !
কত উষ্ণ অস্তর আমার,
হের নিরস্তর চক্রাকারে ঘুরে !
দেখ, দেখ, হে মিহির,
ভীষণ তিমির, ঘেরিঘাছে প্রাণ মম ।
দিক্শূণ্ঠ নয়নে আমার,
নেত্র-ধার বহে অনিবার,
নাথের বিরহে পল বহে যুগ-সম ।
রূপা কর, ওহে তমোহর !
স্বর্ণ-করে কর মম শৃঙ্খল ছেদন,
ঘাব যথা জীবনের জীবন আমার,
দুঃখ-পারাবার কর পার,
দর্শনে তোমার,

লোকময় আনন্দ অপার,
কোন্ দোষে দোষী দাসী তব পদে,
দুস্তর যন্ত্রণা সহে ;
রূপাসিকু, রূপা কর অনাথায়,
ঐ বুঝি উঠিছে দুর্মতি,
করি নিদ্রা-ভাগ ।

(নৌকার অপর পার্শ্ব হইতে সওদাগরের প্রবেশ)

সওদা । মদটা খেয়ে মাথাটা ঝম্ঝম্ ক'রছে, বেটা
পেট্টী না কি ? ডেকায় দেখ্লেম, শিশির-ধোয়া ফুলটি, জলে
এমন বিগড়ে গেল কিসে ? ছাড়া হ'চ্ছে না,— বাঃ বাঃ বাঃ,
চক্চকে ইটের কাঁড়ি কোথেকে এল !

(কূলে শ্রীবৎসের প্রবেশ)

শ্রীবৎস । ধেনুরূপা জগৎ-জননী,
দুগ্ধ মোরে দেন একাধারে,
পান করিবারে নারি,
ক্ষীর-ধারে তিতে ক্ষিতি,
রূপাময়ী গো-মাতা আমার ;
হেথা নাহি শনি-অধিকার,
কিবা করি কিরূপে সময় হরি ।
করি ইষ্টক নির্মাণ,
হায়, স্থির নহে প্রাণ,
সে বয়ান নিয়ত নয়নে জাগে ;
হায়, কি দশায় ভেসে যায়
প্রাণ-প্রিয়া মম,
ভুলিতে না পারি,
কেমনে রহিব স্থির !
স্বার্থপর—তত্ত্ব নাহি করি প্রেমসীর,
শনি-ভয়ে এ স্থান না করি ত্যাগ,
কি উপায়ে ভাসিব অর্ণবে,
পেলে তরী দেশে দেশে ফিরি,
দেখি কোথা সুন্দরী আমার ।
হায় হায়, কে নির্দয়,
হৃদয়ের নিধি নিল হ'রে,
হায়, প্রাণপ্রিয়ে, কোথা গেলে !
ঘোরে মস্তিষ্ক আমার,

আর না ভাবিতে পারি,
ভেবে কিবা পাব কুল,
হায়, হৃদিবৃন্ত ছিঁড়ে
কে হরিল সুবর্ণ-নলিনী ?
চন্দ্রাননি,
অযতনে পরের পীড়নে
কেমনে কাটাবে দিন ?
মনে পড়ে মলিন বদন,
কণ্টকে বিচ্ছন্ন কলেবর,
রবির কিরণে
শ্রম-জল ঝরে ঝরঝরে,
তবু নহে কাতরা প্রেমসী ;
তবু চাঁদমুখে হাসি,
ভূষিতে আমার মন ।
হায়, এ রতন হারানু কোথায় ?
প্রাণ যায়, দেখা দাও প্রাণেশ্বরী !
আশা গায় পুনঃ প্রিয়ে, পাইব তোমায়,
তাই প্রাণ রাখি,
যদি তোরে বারেক নিরখি,
প্রাণে আর মমতা না করি ।
কোথা গেলে, কোথা আছ ভূলে ?
আহা, ভোলে নাই—
সে কি মোরে ভুলিবারে পারে !
কে পাষণ্ড রাখিয়াছে ধ'রে,
এত দিন আমারে না হেরে,
বুঝি প্রিয়ে বেঁচে নাই ;
আছে বেঁচে, আছে বেঁচে,
নহে প্রাণ ধরি কি আশার আশে ?
কে দেবতা সদয় হইবে,
সংবাদ কি দেবে,
ওহো ! শূন্য—শূন্য সমুদয় !
হেথা নাহি শনি,
বিরাজেন সুরভী জননী,
এস তাল বেতাল আমার,
মৃত্তিকায় করহ কাঞ্চন,
কয় আসি ইষ্টক গঠন ।

সওদা। বাঃ, বাঃ! বেটা মাটি ধ'রে সোণা করে!

বলি ওহে, ইট কি ক'রবে?

শ্রীবৎস। আহা, সুন্দর তরলী,

বুঝি অধিকারী করে সম্বোধন।

মহাশয়,

রূপা করি তরি-পরে লবেন আমারে?

সওদা। কোথা যাবে?

শ্রীবৎস। সঙ্গে যাব,

যথাযোগ্য মূল্য যথা পাব,

ইষ্টক বেচিব।

সওদা। (স্বগত) সোণার ইট গুলো ফাঁকি দিতে হ'চ্ছে। (প্রকাশে) দাঁড়াও, কিনারায় যাচ্ছি, আসবে তো এস,—মাঝি, কিনারায় ভেড়াও।

শ্রীবৎস। অতি সজ্জন তুমি হে সাধু।

সওদা। (স্বগত) দাঁড়াও না, তোমায় কিছু দেখাই।

শ্রীবৎস। (স্বগত) সাধুর রূপায়,

দেশে দেশে করিব ভ্রমণ,—

যদি পাই প্রিয়া-দরশন।

হরিল যে প্রিয়াকে আমার,

দেখা পেলে তার তখনি জীবন বধি;

বুঝি এতদিনে হ'লো শুভ দিন।

সওদা। নাও, হাতা-হাতি ক'রে তোল; বাঃ তোমার বেশ ইট, এমনি দেশে নিয়ে যাব, ইট বেচে রাজা হ'য়ে যাবে।

শ্রীবৎস। অর্দ্ধ অংশ দিব মহাশয়।

সওদা। না, আমার ও তো দরকার নাই, তোমার ইট তোমার থাকবে, তুমি সজ্জন লোক, ছ'জনে থাকুবো, গল্প-সল্প ক'রবো।

শ্রীবৎস। তুমি সদাশয়, হে বণিক!

সওদা। নাও, ডিন্দা ছেড়ে দাও।

চিন্তা। কতই ঘুমাব আর,

নিদ্রাঘোর কোন মতে নাহি টুটে।

সওদা। বেটার হাত-পা বাধ,—বেটার হাত-পা বাধ,—
বাধ্ বেটাকে বাধ্—দে বেটাকে পাথর বেঁধে ফেলে।

শ্রীবৎস। এ সময় কে আছে কোথায় মম,

অপঘাত-মৃত্যু ছিল অদৃষ্টে আমার,

সিন্ধু-নীরে ডুবে মরি!

চিন্তা, চিন্তা, কোথা তুমি এ সময়?

(শ্রীবৎসকে জলে ফেলিয়া দেওন)

চিন্তা। মম প্রাণেশ্বরে

দুরাচার সলিলে নিষ্ক্ষেপ করে।

প্রাণনাথ, প্রাণনাথ,

বন্দী আমি তরী' পরে।

লহ লহ উপাধান,

যদি হয় সাহায্য ইহাতে।

হায়, কি হ'ল আমার!

ওই—ওই প্রাণনাথে সলিলে গ্রাসিল,

বিধি, এত মনে ছিল তোর,

যারে প্রাণ, যারে দেহ ছেড়ে!

(মূর্চ্ছা)

সওদা। আরে, বারে বারে—মাগীর ভাতার, যাক; মায়ে-পোয়ে গ্রেপ্তার; বেটার কথায় ক' দাঁত-কপাটি। আঃ, ছি ছি! বেটা কি কদা ব'নে গেল। বাবা নে, জোর চল, আজ হাতে লাগলো,—তোফা। ইট-গুলো রাজা-রাজ্জা ছ'কেউ নিতে পারবে না।

চিন্তা। কই, কই, কই প্রাণনাথ!

কোথা গেলে বজ্রাঘাত ক'রে শিরে?

হায় হায়, কি হ'ল আমার,

দুরাচার, কেন রাখ অভাগীর প্রাণ,

বধরে আমায়, ঘুচুক সকল জালা।

সওদা। আপনা হ'তেই হবে, না খেয়ে আর দিন থাকবে।

চিন্তা। না না, তাতে নাহি যাবে প্রাণ,

বধ মোরে,

রূপা ক'রে বধই জীবন।

ওমা লক্ষ্মি,

এই হেতু অমৃত ক'রেছ দান!

আরে আরে কি দেখিলু,

ওরে প্রাণ, বক্ষ ফেটে হওরে বাহির।

দ্বিতীয় গর্ভাঙ্ক

উদ্যান

ভদ্রা ও লক্ষ্মী ।

ভদ্রা ।

(গীত)

কিবা কাঞ্চন-গঞ্জন বরণ,

উষা ভূষা কে দিল তোরে ভূলাতে জন-মন ।

সাধ করে—আদরে কথা কও, কথা কই গলা ধরে !

কথা কও না, জান না কত করিলো যতন,

হেরিতে ভূষিত নয়ন ।

লক্ষ্মী । বলি রাজকুমারি,

উষা দেখেই চোখ ফেরে না,—

না জানি দেখা যখন হবে লো তোর বঁধুর সনে,

আর কিলো কথা ক'বি,

আর কিলো ফিরে চা'বি,

প্রাণ ভ'রে দেখ'বি চেয়ে আপন মনে ।

ভদ্রা । আহা, কে তুমি সুন্দরি,

রূপ হেরি ফিরাইতে নারি আঁখি,

কহ কার নারী, কি আশে সস্তাষ মোরে ?

হাসি স্মধারাশি, মন অভিলাষা,

সখী ব'লে যতনে তোমারে রাখি ।

লক্ষ্মী । নিয়ে ফুলের ঝারি, সদাই ফিরি,

রাজকুমারীর যোগাই মালা ।

যে আমার প্রাণ বোঝে না,

সেখানে প্রাণ যাবে না,

তাইতে তো তোমার কাছে

এলুম, ওগো রাজবালা !

ভদ্রা । হেন কিসে কর অকুমান,

আমি প্রাণ বুঝিব তোমার ?

লক্ষ্মী । যেখানে প্রাণ মেলে তার,

প্রাণের কথা প্রাণই জানে,

নইলে কি আসি এমন,

আপন হ'তে প্রাণ কি টানে ?

ভদ্রা । বলি ছড়া রাখ, সাদা ছুটো কথা কও ।

লক্ষ্মী । রাজকুমারি, মালা নাও ।

ভদ্রা । সাধি সবিনয়ে, দেহ পরিচয় মোরে ।

লক্ষ্মী । যে বনমালী, পতি বলি—

বাঁধি তারে প্রেমের ডোরে ।

ভদ্রা । দেখি, ভাল জান বঁধুর আদর,

কেমনে এসেছ ফেলে ?

শুনি, বঁধু-মনে

সবতনে নয়নে নয়নে,

নিয়ত রহিতে হয় ।

শুনি সুলোচনে, বঁধু পানে

কতক্ষণ চেয়ে রও ?

লক্ষ্মী । বঁধু তো প্রাণের বঁধু,

থাকে বঁধু প্রাণে প্রাণে,

প্রাণে তারে সদাই হেরে,

চেয়ে থাকি তারই পানে ।

আজ কালে বুঝবে বালা,

বঁধুকে লোক দেখে কত,

যে যত চায় সে তত চায়,

সাধ বাড়ে তার চাইতে তত ।

ভদ্রা । কেমনে বুঝিব ?

লক্ষ্মী । বঁধু পাবে ।

ভদ্রা । তুমি ঘটুকী হবে ?

লক্ষ্মী । ঘটুকী হই যদি বল ।

ভদ্রা । সে ত ভাল,

রাজা বঁধু এনে দিতে হবে মোরে ।

তা না হ'লে মনে না ধরিবে,

ভাল জিজ্ঞাসি তোমারে,

স্বয়ম্বর দেখেছ কখন ?

লক্ষ্মী । মনে মনে বরে যারে,

সভা-মাঝে মালা দেয় তারে ।

ভদ্রা । মনে মনে বরে,—

বরে কারে ?

লক্ষ্মী । বরে ।

ভদ্রা । কেবা বর ?

লক্ষ্মী । প্রাণ চায় যারে ।

ভদ্রা । প্রাণ চায় উষারে আমার,

প্রাণ চায় চাঁদে,

প্রাণ চায় তরুণ-তপন ।

লক্ষ্মী। প্রাণ চায় সুন্দর তোমার ।
 উষা, চাঁদ, তরুণ-তপন,
 একত্রে যথা সম্মিলন,
 তারে মালা দিতে পার, রাজবালা ?

ভদ্রা। কোথা হেন জন ?

লক্ষ্মী। আছে তো নয়ন,
 যদি কর সাধ, দেখাই তোমায় ।

ভদ্রা। কোথা রহে হেন জন ?

লক্ষ্মী। আবাসে আমার—
 বসে সেই ভুবনমোহন ।

ভদ্রা। কত দূর ?

লক্ষ্মী। তব মালিনীর ঘরে ;
 বল যদি আনি নিশাকালে
 উদ্ধানে গোপনে,
 অপ্রত্যয় না কর কুমারি !
 মালিনীর বহিন-ঝিয়ারী আমি ;
 ঘর বহুদূরে,
 এসেছি দেখিতে স্বয়ম্বর ।

ভদ্রা। যে অবধি স্বয়ম্বর-আয়োজন,
 প্রাণ উচাটন, কারে মালা দিব,
 কারে স্বামী ব'লে হৃদে দিব স্থান,
 মনোভাব সতত গোপনে রাখি ;
 সতত চমকি,
 ভাবি মনে, কি হবে কি হবে ।
 কেন নাহি জানি—
 তোমারে আপন হয় জ্ঞান,
 তাই খুলে বলি গো তোমারে,
 কার তরে পরিব গো ফাঁসী,
 হব কার দাসী,
 কার পায় বেচিব প্রফুল্ল প্রাণ,
 কারে ধোবন করিব দান,
 অভিমান কে মম বুঝিবে ?
 মান ক'রে ঢাকিলে বয়ান,
 কার প্রাণ কাঁদবে আমার তরে ?
 কার আদরে অন্তরে
 ফুটিবে কমল-কলি,

কারে হেরে তুলিব উষার ছটা,
 দিবানিশি করি আন্দোলন,
 স্থির কিছু করিবারে নারি ।

লক্ষ্মী। যেচে প্রাণ বিলাতে না হয়,
 প্রাণ আপনি বিলায় পরে ।
 ভূলায়ে নয়ন
 উষা তব মজায়েছে মন,
 রূপে যার নয়ন মজিবে,
 স্বরে শ্রবণে বহিবে সুধা,
 স্পর্শ-সাধে উন্মাদিনী হবে প্রাণ,
 হাসি হেরে সরস অধরে
 ব্যাকুল অধর হবে,
 তবে বুঝিবে কুমারি,
 কেন নারী যেচে হয় দাসী ;
 চন্দ্রাননে, বুঝিবে তখন
 কাহার আদরে
 অন্তরে বহিবে সুধা-ধারা ;
 ধরা হবে সুখময়ী,
 রূপবতি, জেন' গুণবতি,
 রূপে বাঁধে প্রাণে প্রাণে,
 আসি বালা, হলো বেলা ।

(গীত)

মন বোঝে না মনের কথা,
 বুঝায়ে দেয়লো আঁধি,—
 হৃদয় খোলে অমনি ভোলে,
 শেকল পরে আপনি পাখী ।

হৃদি-চাঁদ হৃদে ফেরে, রেখেছে মেঘে ঘেরে,
 হেরলে শশী মন পিয়াসী,
 হয়লো সুধার মাপামাখি ।

[লক্ষ্মীর প্রশ্ন]

ভদ্রা। জিনি নবীন নলিনী
 নবীনা মালিনী—
 এল, বলে গেল সুধামাখা কথাগুলি ।
 কি জানি কি চায় প্রাণ,—
 যাই সঙ্গীত-আলয় ।

[ভদ্রার প্রশ্ন]

তৃতীয় পর্ভাঙ্ক

নগর-প্রান্তর

লক্ষ্মী ও বাতুল।

লক্ষ্মী। আর নাহি যেতে হবে বহুদূর,

এ নগরে রহ কতদিন ;

রাজা বাহু গুণাকর,

শ্রীবংশের পিতৃসখা।

বাতুল। বলি, না হয় সেখানে ছিলুম, এখানে এলুম, তাতে বড় আপত্তি নাই, কিন্তু এত পাক দিচ্ছ কেন বল দেখি ?

লক্ষ্মী। ইথে কষ্ট কিছু নাহি তব।

বাতুল। কষ্ট নাই আমার গুণে, তোমার গুণে নয়, খালি পেটে পাক খেয়েছি, না হয় ভরা পেটে খেলুম— বাবা, এ যাত্রা চোরুকি-বাজ্রি খেললুম।

লক্ষ্মী। দেখ,

বহু উপকারী তব শ্রীবংশরাজন।

বাতুল। বটে, তারই রূপায় ভরা পেটে পাক খাচ্ছি, তা কি আচ্ছ যে, চট ক'রে তাকে ধ'রবো ? শনির করুণা ষংকিত্তি জানা আছে, এই তো প্রায় দশ বছর পোরে, গুন্ডি, তারে খুঁজে বেড়াচ্ছি।

লক্ষ্মী। যার রূপা-বলে প্রাণ দান পেলো,

তার কার্যে এত অনাদর তব ?

বাতুল। প্রথম চোটে তো উপকার করেছি, রাজ্রি ছাড়িয়েছি, বনে পাঠিয়েছি, বাকি তো কিছু করি নি, এখন কি গদ্যনা কাটতে বল ? তা দেখাবে চল।

লক্ষ্মী। চাহ বধিবারে উপকারী জনে ?

অতি মন্দ-বুদ্ধি তব।

বাতুল। আমি কি ক'রবো, চার কাল লোক ক'রে আস্ছে, আমি নূতন ধ'রবো ? কমলার করুণা একজনের ওপর দেখাও দেখি, যে না উপকারীর মাথা কাটবে ? রাজ্রাকে আলোয় আলোয় বিদায় কত্তে পাত্তুম, তাহ'লে পেটের ভাত জুটতো না।

লক্ষ্মী। কিবা স্থখে আছ এবে,

রাজ্রোহী প্রজ্রাগণ,

অরাজ্রক—অত্যাচার

বলবান রাজ্রাময়,—

পীড়ন তো ঘোচে নি কাহার।

বাতুল। তা সমভাবই বটে, তা একবার গুণধর মাত্রা বোদলে দেখলে, রকম ফেরটা এক রকম মন্দ নয় ! বলি, চোক-বাঁধা গরুর মত তো ঘোরাচ্ছ, এখন কি ক'তে হবে ব'লতে পার ?

লক্ষ্মী। শনি-মুক্ত হইবে ভূপাল।

বাতুল। ঠাকুরণ, তুমি শনিকে জান না, তাঁর করুণা কিকিত্তি গাঢ়, দয়াময় দেবতাকে আজীবন জানা আছে।

লক্ষ্মী। কেন, ফিরিছে তো দশা তব।

বাতুল। শনির প্রেম—মাগর বিশেষ, তার নানা তরঙ্গ, কখন তোলে, কখন ফেলে, তোলা-পাড়া ঘোচে নি, বেশী চিন্তায় কাজ নাই, এই ষানে থাকতে হবে, আচ্ছা রইলুম।

লক্ষ্মী। সিংহাসনে বসে যদি শ্রীবংশনূপতি,

ভাল কিবা মন্দ তাহে ?

বাতুল। ভাল মন্দ বুঝি নি, মোদা বসে বসুক।

লক্ষ্মী। যবে জ্বলিল বিদ্রোহানল,

বণিক সকল,

মন্ত্রী, সেনাপতি—

পলাইল ত্যজিয়ে রাজ্রায়।

বাতুল। ও পুরান খপর অবগত আছি, এমটু নতুন ব'লতে হবে।

লক্ষ্মী। এবে মন্ত্রী ভাবে রাজ্রা হবে,

সেনাপতি ভাবে সেই মত,

বণিক সকল,

অর্থ-বলে করিতেছে বাহিনী সংগ্রহ,

ভাবে রাজ্রকার্য করিবে একত্রে মিলি ;

শ্রীবংশের কেহ না উদ্দেশ করে।

বাতুল। সার বুঝেছ।

লক্ষ্মী। কেন, রাজ্রা হ'তে বাসনা কি তব ?

বাতুল। না, আমি কিছু অসার বুঝি, কিন্তু কি ক'তে হবে বল ?

লক্ষ্মী। বাহু নামে রাজ্রা এই দেশে,

সাহায্য তাহার চাহে কৃতঘ্ন সকল,

করতল করিবারে সিংহাসন,

মিথ্যা ক'রে বুঝাবে রাজায় ;
উপস্থিত হও গে সভায়,
প্রস্তাব, “তোমার রাজ্য হোক অধিকার,
কিন্তু যতদিন শ্রীবংশ না আসে,
সিংহাসনে কেহ নাহি বসে,
প্রতিনিধি করিবক রাজ্যের রক্ষণ।”

বাতুল। তার পর, তার পর ?

লক্ষ্মী। কবে তুমি, “গ্রহ-কোপে প্রচ্ছন্ন রয়েছে,
সময়ে উদয় হবে রাজ্য।”

বাতুল। তুমি তো সব জান, তুমিই গিয়ে কেন বল না ?

লক্ষ্মী। আছে বিশেষ কারণ,

দরশন দিতে নারি।

দেখিলে আমায়,

বাহুরাজা রেখে দিবে বন্দী ক'রে।

বেলা যবে তৃতীয় প্রহর,

সভাস্থলে হ'য়ো উপস্থিত ;

যাই আমি, দেখা হবে সময়-অন্তরে।

বাতুল। বলি পরিচয় দিলে না ?

লক্ষ্মী। সময়ে সকলি ;

লহ এ মানিক,

উপহার দিও নৃপতির।

[লক্ষ্মীর প্রস্থান।

বাতুল। প্রজ্ঞাগুলোর সঙ্গে নেচে তো বেঁচে গিয়েছি।
দেখলুম মজা, তিন বেটার স্মতলব নয়, কিন্তু যদি
নাচলো তো গোলে হরিবোল। আহা, মন্ত্রী মহাশয় বড়
সদাশয়, যে দিন শুভ দৃষ্টি হয়, সে দিনই বুঝেছি, পাগল বলে
দিচ্ছিলেন ঠেলে। রাজা কোথায় তার ঠিক নাই, কিন্তু
কেন যে ঘুরি, তা বলতে পারিনা, মাগী কঁচ-পোকাকার মত
এনে ধরে, যেতে হবে রাজ-সভায়।

(ব্রাহ্মণ-বেশে শনির প্রবেশ)

শনি। ওরে, তোর কপালে ভারি গ্রহ। গ্রহ টান্ছে
রাজসভায়, মারা প'ড়ে ধাবি ঠায়।

বাতুল। কপালে যে ভারি গ্রহ, তা বছরদিন জানি,
মারাও যে একদিন যাব, তাও অবগত আছি ; তা ভাগাড়ে
না ম'রে রাজসভায় গে মরি। আহা, মপুরভায়ী ঠাকুর,
তুমি তো বড় উপকারী গা।

শনি। যদি এদেশ থেকে যাস তো পরিত্রাণ পাস
বাতুল। রাজসভায় যেতে বারণ করতেই অভ
তার বুঝেছি।

শনি। যদি কথা শুনতিস্ তো ভাগ্য ফলতো।
বাতুল। তুমিই তো বললে, রাজসভায় কোন ফ
ফ'লবে।

শনি। তুই তো ভারি বোকা, প্রজ্ঞাগুলো তে
কথা শোনে, তুই গে রাজা হ' না।

বাতুল। দেখছি ঠাওরে, রাজা হ'লে তোমা
পাটরাণী ক'রবো।

শনি। বেল্লিক !

বাতুল। মন উঠল না, পাট-হস্তী বল, আর পাট-ম
বল, যা বল, তাই করি। বলি ঠাকুর, কথাটি কি, কি
নেবে তো নাও।

শনি। আমার আর কি দিবি ?

বাতুল। বেল মুক্তা গর্দানা বাঁচাতে এসেছ ? আচ্ছ
আমার একটা কিলু বাঁচাও।

শনি। কি বলিস্, মারবি না কি ?

বাতুল। গুণে দেখ না, কি ক'রবো।

শনি। দেখি দেখি, তোর হাত গুণে দেখি ?

বাতুল। বলি বিদাতাপুরুষ কি কপাল ছেড়ে হা
ধ'রেছেন না কি, লম্বা চওড়া হাত খানি দেখে আঁচড় পাঁচ
অনেক বেটেছে ; কিন্টার কি ঠাওরালে ?

শনি। আমার কথা শুনলি নি, যখন মারা যাবি
তখন বুঝতে পারবি।

বাতুল। যখন মারা যাব, আপনা আপনি বুঝে
পারবো ; দেখ, তুমি বড় কিছু ক'তে পাচ্চনা, তোমার
শনির চেলা বইত নয়, গ্রহদেব স্বয়ং আমার রক্ষুগত।

শনি। তুই আমার কথা শুনলি নি ?

বাতুল। ঠাকুর, নিন্দা কর, আগা গোড়া শুনচি।

শনি। মারা গেলি, মারা গেলি, মারা গেলি।

[শনির প্রস্থান

বাতুল। বেঁচে গেলি, বেঁচে গেলি, বেঁচে গেলি
এটু আভাস লাগছে, কোদলটা শ্রীবংশ রাজাকে দে মেরে
নাই, ঠাকুরের যে ছাঁদ দেখলেম, ইনি নিদেন শনি
বরপুত্র না হ'য়ে যান না। আর মাগীও আমায় নি

ঘোরাচ্ছে। আমার মুষ্টিযোগ জানা আছে বাবা, ম'লে আর কোন বেটা-বেটার ধার ধারবো না। যখন মরণ-ভয় ছেড়েছি, মা কমলা, বাবা শনি, তোমাদের দু'জনের হাতই এড়িয়েছি। ম'রে কষ্ট পাই, পুরান পড়া সোজায় প'ড়ে যাব, বিধাতা পুরুষ আড়খতে কলম কেটে কপালে দে গেছেন। [বাতুলের প্রশ্নান।

চতুর্থ গর্ভাঙ্ক

মালক

মালিনী ও শ্রীবৎস।

মালিনী। মাসী বলে, বেশ মধুরভাষী, আমিও ভাল বাসি, কত সেবা করে; তুমি যে দিন অজ্ঞান হয়ে জলের ধারে পড়েছিলে,—সে দিনও এলো, ব'লে বিদেশিনী, নাম কমলিনী। আমার মনে হয়, সত্যি যেন বোন-ঝি।

শ্রীবৎস। মাগো, তুমি করুণা-প্রতিমা,

সম দয়া সবারে তোমার,

তব রূপা বিনা, এত দিনে

শমন-ভবনে করিতাম বাস, মাতা!

মালিনী। আচ্ছা, তোমার কিছু মনে হয় না—

মাগরে প'ড়লে, কেমন ক'রে ভেসে এলে?

শ্রীবৎস। এই মাত্র আছে মা স্মরণ,

হই যবে সলিলে মগন

বিষম প্রস্রব ভারে,

যেন বীর দুইজন

পৃষ্ঠ'পরে যতনে লইল তুলে,

কিছু আর নাহি মনে।

মালিনী। বড় আশ্চর্য কথা, কিন্তু সত্যি, জলের ধারে যখন তোমায় দেখতে পেলুম, যেন বিরোদাকার দু'জন স'রে গেল।

(লক্ষ্মীর প্রবেশ)

লক্ষ্মী। মাসি, ফুলের যোগান দিয়ে এলুম, রাজকুমারী বড় সুন্দরী, রঙ যেন চাঁদের কিরণ, মুখখানি যেন ফুল দিয়ে গড়া, গান করে যেন বাঁশী বাজে, আমাদের দু'জনের খুব ভাব হয়েছে। মাসি, তোমার আফিকের জায়গা ক'রেছি।

মালিনী। যাই, বাছা।

শ্রীবৎস। কমলিনী, নাম কি তোমার?

কোথায় নিবাস,

ক'র তুমি আদরের ধন?

বল, ভগ্নি,

আমি তব সহোদর।

লক্ষ্মী।—

(গীত)

কমলা বড় ভালবাসি, তাইতে বলে কমলিনী,

আদরিনী যার আদরে, তারই তরে বিদেশিনী।

পতি মোর বনমালী, গাঁথে না মালা ঘুমায়ে খালি,

দেয়গো দেয় ভাসিয়ে আমায়,

তাই তো থাকি একাকিনী।

শ্রীবৎস। বিনোদিনী, নহ তুমি সামান্য রমণী,

নারী-কুল-রাজী,

অযতন তোমারে কে করে!

লক্ষ্মী। দাদা, তোমার বে হবে।

শ্রীবৎস। পাগলি!

লক্ষ্মী। সত্যি বলি, তাই পাগলী!

শ্রীবৎস। কহ, কেমনে জানিলে?

লক্ষ্মী। কেন, কিবা নাহি জানি?

বিবাহ হইবে, তাই ভাল বেতাল তোমায়

আনিয়াছে এ নগরে,

রাজা হবে, যাবে পুনঃ ঘরে ফিরে।

শ্রীবৎস। কেবা তুমি সত্য বল মোরে,

কোন দেবী মানবী-আকারে,

দেহ পরিচয় খুঁচাও সংশয়,

গূঢ় কথা কেমনে জানিলে?

লক্ষ্মী। এই এই, এই হেতু এত স্তব,

ব'লেছে বেতাল তাল সব সমাচার।

শ্রীবৎস। কোথা দেখা পেলো দৌহাকার?

লক্ষ্মী। কেন, মালকে আইল দৌহে,

ডাকিয়ে আমায় কহিল সকল কথা।

শ্রীবৎস। কিছুই বুঝিতে নারি!

লক্ষ্মী। দাদা, ভালবাস মোরে?

শ্রীবৎস। আছে কিরে কেহ এ সংসারে,

হেরিয়ে তোমায় ভাল নাহি বাসে?

লক্ষ্মী । তুমি ভালবাস ?

শ্রীবৎস । বাসি,

কিবা তব হয় অশুমান ?

লক্ষ্মী । বাস, এস তবে ।

শ্রীবৎস । কোথা ?

লক্ষ্মী । যথা যাই ।

যদি ভাল বাস, সাথে এস,

জিজ্ঞাসার প্রয়োজন কিবা ?

শ্রীবৎস । চল ।

লক্ষ্মী । ব'স, তুলি ফুল ।

যাব মালা গাঁথিতে গাঁথিতে ।

(গীত)

সিত পীত লোহিত বরণ,

ফুলের মালা গাঁধ্ব চিকণ,

গোধূলির বরণ ঘটা ফুলের ছটা ক'রবে হরণ ।

ধরে না মধু অধরে, ফুটেছে আপন আদরে,

সৌরভে গরব বিহীন, কেবা এমন কুসুম যেমন ।

[উভয়ের প্রস্থান ।

পঞ্চম গর্ভাঙ্ক

উদ্যান

(ভদ্রার প্রবেশ)

ভদ্রা ।— (গীত)

কেবা অধরে ধরে নিশাকরে,

হেম-উষা কার খেলে কলেবরে,

নবরবি-ছবি কে ধরে ।

বিমন-মন হেরিতে মোহন, সুধা লহরী কার স্বরে,

নেহারি কারে বিকাশি প্রাণ,

কে মানী রাখে মানিনী-মান ;

কার আদরে সুধা-নির্ঝর, হৃদে ঝর ঝর করে,

জিনি কমণীয় কুসুম-হার,

সরস পরশ না জানি কার ;

না জানি নয়নে নয়নে কে বাঁধে,

প্রাণ পড়ে ফাঁদে কার তরে ।

যেন হেম-বিহঙ্গিনী সুধা-কণ্ঠধ্বনি,

এল, চ'লে গেল দেখিতে দেখিতে,

কিবা সুধাময় ভাষা,

জাগিল পিপাসা,

আশা প্রাণে কি বলে—কি বলে ;

কে এল—কে এল,

ছলে মোরে ক'রে গেল উন্মাদিনী !

শশী-সোহাগিনী বাড়িল যামিনী,

তারা-হারে খেলিছে আদরে,

কুসুম-দশনা বানা ।

ব'লে গেল, কই এল কই,

পেয়ে মম হৃদয় আভাস,

যেন তারা-শশী করে উপহাস,

ফুল-কলি মুচকি মুচকি হাসে,

মন্দানিল পরশে শিহরি—

যায় ব্যঙ্গ করি,

লাজে কালি উষা না হেরিব ;

মরি মরি কিশলয় কর,

বহিছে সময়,—

একাকিনী কেন রাজবালা !

কি জালা, কি জালা,

ভূঙ্গ গুঞ্জি আসে,

কি মোহিনী ভাষে,

উন্মাদিনী করিল অস্তর ;

প্রাতে স্বয়ম্বর, কাঁপে কলেবর,

কার গলে মালা তুলে দিব ।

আমি তার, কে হবে আমার ?

বাড়িল যামিনী,

দেখি গিয়ে মানিনী নলিনী,

কুমুদিনী পানে ফিরে নাহি চায়,—

চ'লে যায় সে যদি সোহাগ করে ।

(অশ্রুদিক হইতে শ্রীবৎস ও লক্ষ্মীর প্রবেশ)

লক্ষ্মী ।—

(গীত)

দেখ্‌বো যদি রাখতে পারি গোপনে,

অধরে আদর হেরে ক'রবে আদর যতনে ।

নীরবে প্রাণের খেলা, নীরবে দেবে মালা,

নীরবে হেরবে শশী, ব'সে নীরব গগনে ।

নীরবে হেরবো বঁধু, নীরবে ফুল ঢালবে মধু,

প্রাণে প্রাণে বাজবে বীণে, নীরব-কুসুম-কাননে ।

ভদ্রা। আহা, সেই সূধা মাথা স্বর,
 গীতে বিমোহিত প্রাণ !
 আহা, দেখ দেখ মুদিত হ'য়ো না আখি,
 কি হেরি, কি হেরি,
 প্রাণে আর না ধরে মাধুরী !
 কই তুমি, কোথা গেলে মন,
 বল বল, কোথা আমি,
 আরে কর, কি কর কি কর,
 ধর ধর, লুকালে পাবে না আর !
 বল, কেন অচল চরণ,
 চল চল,
 নহে শশী-করে যাবে মিশাইয়ে।
 এ কি, এ কি, কি দেখি—কি দেখি,
 মাধুরী—মাধুরীময় !
 নাহি শশী, তারা, কুসুম-কানন,
 একটা রতন, একটা রতন,
 পূর্ণ—পূর্ণ দিশি একটা রতনে !
 লক্ষ্মী। দাদা, যদি ভালবাস মোরে,
 উপহার আদরে গ্রহণ কর ;
 দেবী রাজবালা, উষা-শশী,
 তরুণ-তপন একত্রে মিলন !
 মালা তুলে দাও গলে।
 শ্রীবৎস। চিন্তা, চিন্তা, কোথা তুমি ?
 হা শশীমুখি, প্রেয়সী আমার !

(মূর্ছা)

ভদ্রা। একি, এ কি দৃতি,
 বসুমতি, লও অভাগীরে ! (মূর্ছা)
 লক্ষ্মী। শনি, তুমি প্রবল-প্রতাপশালী !
 দেখ শশি,
 যত্ন ক'রে রেখ' দৌহে সূধা-ধারে,
 প্রাণ-বায়ু বহু সমীরণ,
 আজ্ঞা দেছে নারায়ণ।

[লক্ষ্মীর প্রস্থান।

(বাহুরাজা, রাণী ও শনির প্রবেশ)

বাহু। কোথা,
 কোন ছুরাচার উত্তানে পশেছে মোর ?

এস,
 দেখ'সে মহিষি, তনয়ার আচরণ ;
 কই, কোথা গেল দ্বিজ,
 কোথা কুল-কলঙ্কিনী কণ্ঠা মোর ?
 সমাগত ভূপাল-মণ্ডলে
 কেমনে দেখাব মুখ ;—
 কই, কোথা গেল ?

শনি। দেখ, ভূমিতলে লোটে দৌহে।

[শনির প্রস্থান।

রাণী। এ কি, এ কি মৃতনেহ ছুই ধরা হলে,
 হায় ভদ্রা, কোথা গেলে তুমি !

শ্রীবৎস। চিন্তা, চিন্তা,

দেখা দিয়ে কোথায় লুকালে !

ভদ্রা। কোথা নাথ, কোথা প্রাণনাথ !

বাহু। কেবা এ পুরুষ,

মেঘাচ্ছন্ন রবি সম !

কে তুমি ?

শ্রীবৎস। ভাগিনেয় মালিনীর।

ভদ্রা। পিতা, প্রাণনাথ মম,

ক্ষমহ জনক, হইয়াছি স্বয়ম্বর।

বাহু। রক্ষি, লহ দৌহে কারাগারে,

আরে মুঢ়, এত বড় স্পর্ধা তোর,

জান না কি,

রাজদণ্ডে প্রাণনাশ হবে তোর।

শ্রীবৎস। নরনাথ, প্রাণে সাধ নাহিক অধিক।

বাহু। রক্ষি, কারাগারে ল'য়ে যাও দৌহে।

[রক্ষী সহ শ্রীবৎস ও ভদ্রার প্রস্থান।

রাণি, এত নাহি জানি,

অপমানে কেমনে দেখাব মুখ ?

এ কি স্বপ্ন-সম বিধাতার খেলা !

আজি বধ করিব দৌহারে।

রাণী। বিচক্ষণ তুমি প্রাণনাথ ;

মাথা হেঁট অবশ্য হইবে,

মালীরে দিয়েছে মালা !

কিন্তু যদি বধ দৌহে,

কলঙ্ক রটিবে তব,—

কবে সবে, ভ্রষ্টা ছিল তনয়া ইহার ।
 ত্যজ তনয়ায়,
 যাক্ দৌহে মালিনী-আলয়,
 নাথ, আমি নহি অপরাধী,
 গুণনিধি, পায়ে ধ'রে সাধি,
 দশমাস ধ'রেছি জঠরে,
 শোক-শেল না হান হৃদয়ে মোর,
 হায়, এত ছিল এ কপালে !
 বাছ । এত দিনে উচ্চ মাথা হ'লো হেঁট,
 সত্য কহে রাণী,
 কলঙ্কিনী কবে, প্রাণে নাহি সবে,
 এ কি হীন রুচি,
 কুল মান হইল অশুচি,
 আবাহন ক'রে স্বয়ম্বরে,
 রাজেশ্বর সকলে কি রূপে ফিরাব,—
 কিবা পরিচয় দেব ?
 রাণী । নাথ, ভিক্ষা কতু করে না অধিনী,
 হুহিতার প্রাণ ভিক্ষা চাই,
 ভিক্ষা দেহ, ভিক্ষা দেহ মহীপাল ।
 বাছ । মহিষি !
 রাণী । ভিক্ষা দেহ যাচে কান্ধালিনী ।
 বাছ । দূর কর,
 আর যেন হেরিতে না হয় মুখ ।

[উভয়ের প্রস্থান ।

ষষ্ঠ গর্ভাঙ্ক

কারাগার

ভদ্রা ও শ্রীবৎস ।

ভদ্রা । মতিহীন মন,
 না বুঝে হইলি পতিঘাতী ;
 সুখ-সাধে উন্নত হইলি,
 নাথে ভাসাইলি,
 কি করিলি—কি করিলি প্রাণ !
 চঞ্চলহইয়ে মালা দিলে ধেয়ে,

দেহে আর কি সুখ রয়েছে ;
 আরে—আরে, শত দিক্ মোরে,
 দুস্তর পাথারে
 ডুবাইলু অমূল্য রতন ;
 পতি-নাশ হেতু এ জীবন,
 রাখিলাম কলঙ্ক রমণীকূলে ;
 হায়, ছার কপাল আমার !
 পিতা মাতা বৈরি হয় কার,
 কে রাখিবে, ভূপতি বিরূপ ।
 রূপ হেরে মোহ ঘোরে
 পড়িলু পাতকী আমি,
 গুণমণি, রমণীর মণি,
 হেন আর ধরে কি ধরণী,—
 অভাগিনী, কি দশা করিলু তাঁর ।
 কিমে শাস্ত হব, প্রাণে কি বুঝাব,
 হায় নাথ, আমি তব নাশের কারণ,
 অভাগীরে দিতে দরশন,
 কুক্ষণে করিলে পদার্পণ,
 শক্র-করে হারালে পরাণ ;
 পিতা মম বড়ই কঠিন ;
 হেরি হায়, এ চাক্র বঘান
 কাঁদিল না প্রাণ,
 ভুলিলেন সূতার মমতা,
 দুঃখ কথা কে আর বুঝিবে,
 অন্তর্যামি, বুঝ অবলার মন,
 নারায়ণ, বিসর্জন দিতেছি এ প্রাণ !
 রক্ষা করো অপরাধ-হীনে ।
 আহা প্রাণনাথ,
 কি দুর্দশা করিলাম তব !

শ্রীবৎস । আহা রাজবালা, বনবিহঙ্গিনী-সম
 উপবনে করিতে ভ্রমণ,
 কতু না জানিতে জ্বালা,
 কেন বা বরিলে অভাগারে !
 ভাবি গুণবতি,
 কত আছে কপালে আমার আর !
 যে আমারে ভাবে আপনার,

চিরদিন ছুর্গতি তাহার,
এ সংসারে হেন ভাগ্যহীন কেবা ।
প্রাণময়ী জীবন-সঙ্গিনী
বিলাইয়ে দিলু পরে,—
বিষম সঙ্কটে ফেলিলু তোমাবে,
আমা তরে,
ছারখার আত্মীয় স্বজন,
বসি এবে আশ্রয়ে যাহার,
মাথা হেট ঠ'র,
হাহাকার নগরে আমার হেতু ;
ধূমকেতু-সম,
যথা যাই, অনর্থ উদয় তথা ।
মানুষনা কি করিব তোমাবে,
রাজবালা, বন্ধু কারাগারে,
প্রাণ যাবে জল্লাদের করে,—
সকলের কারণ অভাগা ।
ভগবান, আর কত আছে মনে ?
ভদ্রা । হায় নাথ, আমি অনর্থের মূল,
রক্ষা কর প্রাণধনে নারায়ণ,
লজ্জা রাখ হরি,
পতিকে করহে ত্রাণ,
প্রাণনাথে মুক্ত কর মহা-দায়ে ।
যেন দেখে মরি
নাথ মম আছেন কুশলে,
মৃত্যুকালে মন যেন বোঝে,
প্রাণ যারে পূজে,
সঙ্কট নাহিক তার !
হায়, নিজ সুখ-আশে
ভাসায়েছি প্রাণনাথে,
মরণে এ যজ্ঞনা না যাবে,
রাজা-পদে রাখ হে মুরারি !

(কারাধ্যক্ষের প্রবেশ)

কারা । এস দৌছে কারাগার হ'তে ।
ভদ্রা । হায়, বুঝি বধ্যকূমে যাবে ল'য়ে ;
কারাধ্যক্ষ, শুনহ বচন,

লহ ধন, আগে বধ মোর প্রাণ,
হায়, পতি ভুবনমোহন !

(মূর্ছা)

কারা । আরে এ কি, দাঁতকপাটী কিসের ?
শ্রীবৎস । আরে রে বর্কর,
রাজবালা না কর সম্মান,
শীঘ্র আন বারি ।
কারা । হুঁ, জোর হুকুম, এস এস, বেরিয়ে এস, আর
নেখ'রায় কাজ নেই ।
শ্রীবৎস । উঠ প্রিয়ে,
হীন-প্রাণীসম জীবনে না কর ভয়,
ব্যাকুল হইলে
হীনজনে করিবে উপহাস ।
ভদ্রা । কোথা তুমি নাথ ?
পোড়া প্রাণ,
এখন' কি যাও নাই তনু ত্যজি ?
শ্রীবৎস । উঠ প্রিয়ে, ত্যজ ধরাসন ।
ভদ্রা । ডাক নাথ, ডাক হে বারেক ।
হায়,
হেন সুখা স্থায়ী নহে অভাগী-কপালে !
কারা । বলি, দেয়ি ক'চ্চো কেন, আমার কি একটা
কাজ ?
শ্রীবৎস । এস প্রিয়ে, হীনজনে অবজ্ঞা করিবে ।
কারা । উঃ ! মস্ত মালির পো ।
শ্রীবৎস । এস প্রিয়ে,
দেখাইব, মহতে কিরূপে ত্যজে প্রাণ ।
চল, কোথা যেতে হবে ?
কারা । তোমার অত জিজ্ঞাসার দরকার নাই, সঙ্গে
এস ।

সপ্তম পর্ভাঙ্ক

ময়দান

বাতুল ও লক্ষ্মী।

বাতুল। বলি ঠাকুর, আর কাঁহাতক পাক খাওয়াবে, তুমি আমায় নাগরনোলায় ছলিয়ে দাও। রাজসভায় গেলুম, এখন এ মাঠের মধ্যখানে তোমার সওদাগর কোথা? লক্ষ্মী। আছে দূরে চন্দন-কানন,

লইতে চন্দন আসিবে সে ছরাচার।

বাতুল। বলি ঠিক জানতো আসবে, না গণককারের মত গুণে গেলে।

লক্ষ্মী। কোন্ কথা মিথ্যা মম?

বাতুল। কি জান, উদিক্কার কথা সব যোট পাট খাওয়া ছিল, এ গুলো কিছু খাপ ছাড়া—কোথা তেপান্তর মাঠ, আর কোথা নৌকা, তার উপর আবার সোণার ইট—তাইতে কিছু খিটমিট ঠেকচে।

লক্ষ্মী। এই পথে যাইবে সে চন্দন লইতে।

বাতুল। নদীর ধারে কুটীর পর্যন্ত নিয়ে যেতে পারলেই আমায় ছাড়বে?

লক্ষ্মী। কত নাহি ছাড়িব তোমারে।

বাতুল। ঠাকুর, আপনি শনির বোন, আমায় ছাড়বে না, ব্যাপারটা কি?

লক্ষ্মী। দেখ, পাপমতি আসিতেছে দূরে।

[লক্ষ্মীর প্রস্থান।]

বাতুল। আঃ! এই গাছেই গলায় দড়ি দিয়ে মরি, আর কোথায় যাব, আর কত খুঁজবো, মরি,—এই গাছেই গলায় দড়ি দিয়ে মরি। আ মর বেটা সওদাগর, কাল না কি! মরি, এই গাছেই গলায় দড়ি দিয়ে মরি! হায়, মাগ-ছেলে, তোমরা কোথা রইলে! দূর, সাট মাকিক হ'চ্ছে না। আমি এই গাছেই গলায় দড়ি দিয়ে মরি। দেখ, এই বেটা বন্ধকাল। হায়, কোথায় সওদাগরকে পাব! ও গো, দেখ গো, তোমাদের কে নদেরটাদ মরে গো! এই বার এ দিকে আসছে। হায়, মাগ ছেলে কোথায় গেলে—হায়, মাগ-ছেলে কোথায় গেলে!

(সওদাগরের প্রবেশ)

সওদা। আরে তুই কে?

বাতুল। হায় রাজকণা, তুমি কেন সওদাগর স্বপ্ন দেখলে? রাজার মেয়ে রাজাকে বে করে, তা না, সওদাগর বে ক'রবার বাই কেন?

সওদা। আরে পাগল কি বলে?

বাতুল। যাও, তোমরা সব স'রে যাও, আমি এইখানে গলায় দড়ি দে মরি।

সওদা। ওরে, তুই পাগল না কি রে?

বাতুল। পাগল বই কি, রাজকণা ত পাগল হ'বেই আমায় মজালে।

সওদা। কি ক'বলে?

বাতুল। কে কোথায় এক সওদাগর আছে—বাবা, বিদকুট বায়না, সোণার ইটওলা সওদাগর—তারে রাজকণা বে ক'রবেনই ক'রবেন।

সওদা। (স্বগত) সোণার ইট না কি বলে! (প্রকাশে) বলি শোন না, মোরো এখন, সোণার ইট কি ব'লছিলে?

বাতুল। ব'লছি আমার মাথা আর মুণ্ড, বাহরাজার নাম শুনেছ, তার এক আব'দেরে মেয়ে আছেন, আর ছেনে-পুলে কিছু নাই; দৈবি সেই কণারত্ন ঘুমিয়ে উঠে বায়না নিয়েছেন যে, কোথায় কে সওদাগর আছেন, তার সোণার ইট আছে, তাকে তিনি বে ক'রবেন।

সওদা। তা তুমি ম'ববে কেন?

বাতুল। সাধে মরি, রোগে মরি, রাজা আমায় খুঁজতে পাঠিয়েছেন; অঙ্গ বন্ধ কলিক খুঁজে কোথাও তো পেলেন না, আর তিন দিন মিয়াদ আছে, তিন দিনের মধ্যে পাই তো ভালই, নইলে সপুত্রী একগাড়!

সওদা। সত্যি না কি?

বাতুল। একবার দড়িগাছটা গলায় দে দেখ না, সত্যি কি মিথ্যে।

সওদা। আমার সোণার ইট আছে।

বাতুল। থাকে—নিয়ে ধুয়ে খেও, পথ দেখ না।

সওদা। সত্যি আমি সওদাগর, আমার সোণার ইট আছে।

বাতুল। সত্যি?

সওদা। বলি, দেখলে প্রত্যয় ক'ববে? আমি নৌকা ছ' কোণ তফাতে আছে।

বাতুল। তুমি সওদাগর কেন, বাপের ঠাকুর, আহা, এমন রূপ না হ'লে কি রাজকন্ঠা পাগল হয়। ইস, দেখছি, কপালে রাজদণ্ড, তা নইলে রাজ্য দেবে কেন ?

সওদা। রাজ্য কি ?

বাতুল। অর্ধেক রাজকন্ঠা আর এক রাজ্য।

সওদা। ছি, তুমি বাতুল না কি ?

বাতুল। তোমার সোণার ইট নাই না কি ?

সওদা। না।

বাতুল। তাই তো বলি, অমন দুশমন চেহারাও রাজকন্ঠা স্বপ্ন দেখে, তবে যাও পথ দেখ। মাগ্রে—ছেলে—তোরা কোথা রইলি রে।—

সওদা। বলি অর্ধেক রাজকন্ঠা ব'লে যে ?

বাতুল। তাই ইটগুলো মুকোলে, কথা অশুদ্ধ হ'য়েছে, তোমার গলায় দড়ি ঝুলুক, আর সংস্কৃত বল দেখি ? অর্ধেক রাজ্য আর এক রাজকন্ঠা ; তোমার ইট আছে ?

সওদা। আছে।

বাতুল। আহা, ঠান্ডা যেন দাঁড়াল এসে, কই ইট দেখাবে চল।

সওদা। বাবা, সাথে ইট কম দরে বেচি নি, জানি একদিন দাঁও লাগাবই।

বাতুল। তোমার ইট দেখে তাড়াতাড়ি রাজসভায় যাব ; তুমি সদর ঘাটে নৌকা লাগিও না, সদর-ঘাট আগে থাকবে, পোড়ো ঘাটে লাগাবে ; সেখানে একখানা কুটীর আছে দেখতে পাবে—মান খোয়াবে কেন—রাজা আদর ক'রে নেবে, আগু পাছু লোক যাবে, তবে ত।

সওদা। দড়ি গাছটা নিচ্ছ কেন ?

বাতুল। যদি ইট দেখি, পয়মস্ত দড়ি তুলে রাখবো, তুমি এখন বুঝতে পাচ্ছ না, এ গাছি চাই।

[উভয়ের প্রস্থান।

অষ্টম গর্ভাঙ্ক

নদীর ঘাট,—দূরে কুটীর

ভদ্রা ও শ্রীবৎস।

ভদ্রা। দ্বারা মুক্ত যদি মোরা যাতার কুপায়,
স্থানান্তরে চল যাই, প্রাণনাথ !

শ্রীবৎস। না না, সম সর্ষ স্থান মম,

প্রিয়ে,

সলিলে ভাসি নয়ন-সলিলে,

আহা,

জলে ভাসায়েছি জীবনের সার মম,

হায়, কোথা তার দেখা পাব !

মানব-হৃদয়ে আশা তুমি বলবান,

সংসার শ্মশান হয় জ্ঞান,

তবু তুমি কও মধুময় ভাষ,

নিত্য নিত্য কর উপহাস,

তবু করি বিশ্বাস তোমায়।

প্রিয়ে,

দিছি ভাসাইয়া প্রাণের প্রতিমা মম।

ভদ্রা। নাথ, কেবা তুমি,

কে ছিল তোমার,

শুনিতো বাসনা হয় মনে।

শ্রীবৎস। শোন, যদি সাধ তব,

গোপনে রেখো এ কথা ;

শ্রীবৎস আমার নাম,

ছিল রাজ্য,

ছিল রাণী তোমা-সম প্রণয়িনী।

দৈব-বিড়ম্বনে,

গেল রাজ্য, আইলাম বনে,

সাথে ছিল প্রেমসী আমার,

ছুরাচার বণিক নৃশংস,

হ'রে নিয়ে গেল তারে।

সে অবধি সংসার আধার,

তবু করি ভায়, ফিরি আমি দেশে দেশে,

শেষে আসি মালিনী-আবাসে,
হতাশ এ স্থানে এবে !
ভদ্রা। প্রভু, ধর দাসীর মিনতি,
কেন নাহি দেহ পরিচয় ?
শ্রীবৎস। এ দশায় কে আমারে করিবে প্রত্যয় ?
গেছে রাজ্য এবে নহি রাজ্য,
পরিচয়ে হব মাত্র হাঙ্গুর ভাজন ।
ভদ্রা। আহা প্রাণনাথ, সহিয়াছ কত দুঃখ !
হেন কি অভাগী ভাগ্য ধরে,
সুখী কভু হেরিব তোমাতে ?
শ্রীবৎস। কোথা মম সুখ আর !
কার তরী আসিতেছে দূরে ?
সেই ধ্বজা,
বুঝি সেই ছুরাচার,
সেই তরী,
এত দিন চিন্তা মম বেঁচে নেই,—
যাব—তরী ধরিব ।

ভদ্রা। ব্যগ্র নাহি হও প্রভু,
দেখ তরী আসে কূলে ।
বুঝি পুনঃ বিপদ বা ঘটে,
পিতা মম আসেন কোটাল সনে ।

শ্রীবৎস। সত্য আসে কূলে,
রহি এই কুটীর ভিতরে,
যদি হেরে মোরে নাহি বাঁধে তরী ।

[কুটীর-মধ্যে প্রবেশ ।

(বাহুরাজ, কোটাল ও বাতুলের প্রবেশ)

বাহু। সত্য শ্রীবৎস রাজন ?
প্রাণ লব, মিথ্যা যদি হয় ।
বাতুল। বলি মহারাজ, পঁচিশ বার প্রাণ নেব' নেব'
ব'ল্লেন, ক'বার নেবেন ? বলি ওহে সওদাগর,—রাজা,
লোকজন, শূল দেখতে পাচ্চ না, ভেড়াও না ।
(নেপথ্যে সওদাগর)—বাবা !

বাহু। বল, কি প্রমাণ ?
বাতুল। মহারাজ, মায় সাক্ষী হাজির ক'রেছি ।
(নৌকা সহিত সওদাগরের আগমন)
মহারাজ, এই সাক্ষী ।

বাহু। কি প্রমাণ আছে তব ?
সওদা। এই সোণার ইট ।
বাতুল। আর এই সেই দড়িগাছটি ।
(সওদাগরের গলায় প্রদান)

(শ্রীবৎসের প্রবেশ)

শ্রীবৎস। ওরে ছুরাচার, বল কোথা চিন্তা মোর ?

বাহু। স্থির হও,
সত্য বল, কে তুমি ?

শ্রীবৎস। নরনাথ, শ্রীবৎস এ অভাগার নাম,
এই ছুরাচার
স্বর্ণ-ইষ্টক ক'রেছে হরণ,
এই সে ইষ্টক ।
সওদা। দোহাই মহারাজ, আমার ইট ।

শ্রীবৎস। মহারাজ, নিবেদন মম,
যদি ইষ্টক ইহার,
হের যুক্ত আছে দুই পাটি,
কহ সওদাগরে খুলিবারে ।

সওদা। মহারাজ, এর গড়নই এই, এ কি কেউ
খুলতে পারে ?

শ্রীবৎস। মহারাজ, আমি পারি খুলিবারে ।
(ইট লইয়া) ঘটপি শ্রীবৎস আমি হই,
হও তাল বেতাল উদয় !
হও গো মদগা, ওমা স্বরভী-জননি,
খোল—খোল স্বর্ণ ইষ্টক ।

(ইষ্টক খুলিয়া যাইল)

বাহু। অদ্ভুত !
বৎস, পরিচয় দাও নাই কি কারণ ?
বড় ভাগ্য মম,
তনয়া তোমাতে দেছে মালা ।
শ্রীবৎস। মহারাজ, এই ছুরাচার
হরিয়েছে চিন্তারে আমার ।
আরে নরাদম,
কোথা মম প্রাণের প্রতিমা ?
সওদা। আছে তরী'পরে,
দেহ মোরে প্রাণ দান ।

বাহু। শীঘ্র মস্তি, ল'য়ে এস পরম আদরে।

বাতুল। দেখ, আমার ওপর বেজার হ'ও না, সোণার ইটেরও দরকার দেখলে, আগু পাছু লোকও যাবে এখন, আমার ঘোটপাটের ক্রটি নাই, তবে রাজকন্ঠাটা তোমার বরাতে হ'লো না। আচ্ছা বলি, বেঙ্গিক হ'লেই কি এমনি বেঙ্গিক হ'তে হয়, রাজকন্ঠা তোকে স্বপ্ন দেখবে,—জলে জলে বেড়াও, মুখখানা কি দেখতে পাও না ?

বাহু। বৎস, পিতৃ-সখা আমি তব।

তব বাঙ্কব-বচনে, মম প্রতিনিধি,

তব রাজ্যে করিতেছে রাজকার্য সমাধান,

নিভেছে বিদ্রোহানল।

শ্রীবৎস। পিতা, কেবা বাঙ্কব আমার ?

বাতুল। বলি মহারাজ, এখন কি আমায় কিছু বড় লোক দেখছেন, যে, বন্ধু ব'লতে ভরসা ক'রেন না ?

মহারাজ, ভুলেছ আমায়—

অন্নদাতা, প্রাণদাতা তুমি মম।

শ্রীবৎস। হে মহাত্মন,

শুভক্ষণে তব সনে করেছি মিত্রতা।

(চিন্তার প্রবেশ)

চিন্তা। কই, কই মম প্রাণনাথ ?

শ্রীবৎস। এস প্রিয়ে, এস হে হৃদয়ে !

চিন্তা। নাথ, ছুঁয়ো না আমায়,

জরাগ্রস্ত আমি,

তাজি প্রাণ—

চাঁদমুখ দেখিতে দেখিতে তব,

দিনদেব, ধর্ম রক্ষা ক'রেছ দাসীর !

(জ্যোতিঃ প্রকাশ—সূর্যাদেবের প্রবেশ)

(চিন্তার পূর্করূপ প্রাপ্তি)

সূর্য। হের, নাহি জরা তব আর,

পূর্ককাস্তি পাইয়াছ গুণবতি,

লহ পত্নী, নরনাথ !

সকলে। আহা, কিবা অপূর্ক স্বন্দরী !

শ্রীবৎস। প্রিয়ে, প্রিয়ে ! (হস্ত ধারণ)

ভদ্রা। রাণি, আমি দাসী ভূপতির,

দাসী তব,

নমি পদে—কর আশীর্বাদ।

চিন্তা। ভগ্নি, হও পতি-সোহাগিনী।

(শনি ও লক্ষ্মীর প্রবেশ)

বাতুল। বাবা, ফের যে ঠাকুর ঠাকুরণ ! এবার যেন আপোসে ; ঠাকুর ঠাকুরণ ঠিক কথা ব'লবেন, মাঝে মাঝে কি দর্শন দিয়েছিলেন ? বলি ঠাকুরণ, ধরা পড়বার যে ভয় ক'চ্ছিলেন, এই যে ভোর মঙ্গলিসে ধরা পড়েছেন যে !

শ্রীবৎস। দেব, কর আশীর্বাদ।

শিক্ষা মম ছিল বাকি,

দরিদ্রের দীনতা বুঝেছি এত দিনে,

সন্তানে রেখ মা পায় !

শনি। স্মখে থাক নরনাথ !

শোন অমুস্বতা, গুরু আমি,

শিক্ষা-অস্ত্রে তব অধিকার।

লক্ষ্মী। এবে কোল দেহ সন্তানে আমার।

বাতুল। দোহাই ঠাকুর ঠাকুরণ, বচসা বাড়াবেন না, আপোসে মেটান, আমি আর নাগরদোলায় ঘুরতে পারবো না, আর নেহাত যদি কৌদল করেন, এবার এই সওদাগর মহাশয়ের কাছে বিচারের জন্ত আসবেন।

লক্ষ্মী। চিন্তা, স্মখে থাক পতি ল'য়ে,

সখী মম স্বপত্নী তোমার।

(ভদ্রার প্রতি) সখি,

চিনেছ কি মালিনী দূতীরে ?

চিন্তা। ভগ্নী পাইয়াছি মাতা, তোমার কৃপায়।

ভদ্রা। অপরাধ কর মা, মার্জনা।

বাতুল। ছু' ছুজন রাজা আছেন, দ্বি বচনে নিবেদন, স্মখের দিন, সওদাগর মহাশয়ের গলার দড়িগাছটি খুলে দিই।

বাহু। যথা তব অভিরুচি।

বাতুল। সওদাগর মহাশয়, দড়িগাছটির দরকার বুঝেছেন, এখন বলেন তো ফেলে দিই।

প্রভাস-যজ্ঞ



(পৌরাণিক নাটক)

[২১ শে বৈশাখ, ১২৯২ সাল, ঠার থিয়েটারে প্রথম অভিনীত]




নাট্যোল্লিখিত ব্যক্তিগণ

	পুরুষ		স্ত্রী	
নন্দ	...	গোপরাজ ।	যশোদা ...	গোপরাণী ।
বসুদেব	...	শ্রীকৃষ্ণের পিতা ।	রাধিকা ...	বৃষভাসু-নন্দিনী ।
শ্রীকৃষ্ণ	}		জটীলা ...	ব্রহ্মনারী ।
বলরাম			কুটীলা ...	জটীলার কন্যা ।
আয়ান	...	জটীলার পুত্র ।	বৃন্দা ...	প্রধানা সখী ।

মহাদেব, ব্রহ্মা, নারদ, উদ্ধব, বেতাল, শ্রীদাম, স্তবল ও
রাখাল-বালকগণ, ষড়মুখীসিগণ, দ্বাররক্ষীগণ ইত্যাদি ।

সত্যভামা, অম্বপূর্ণা, পৌর্ণমাসী, বিদেশিনী, বিশাখা,
স্নিহিতা ও সখীগণ, ভৈরবীগণ ইত্যাদি ।

প্রথম অঙ্ক



প্রথম গর্ভাঙ্ক

বৃন্দাবন-নিকটবর্তী কানন
(ব্রহ্মা ও নারদের প্রবেশ)

নারদ । পিতঃ, রাধাকৃষ্ণ-বিচ্ছেদ আর কত দিন
দেখবো ? বর্ষে একদিন বৃন্দাবন-দর্শনে আসি, এক

বৎসর পর্তত্ত্বহায় ব'সে কাঁদি । পিতঃ, কি উপায়
বলুন ? যুগল-মিলন দর্শন ক'রতে প্রাণ বড় ব্যাকুল
হ'য়েছে ; হায় ! এ করুণা-পূর্ণ মানস-লীলায় শীলাও
বিগলিত হয় ।

ব্রহ্মা । রাধাকৃষ্ণ-যুগল-মিলন দর্শন-ইচ্ছায় আমিও
ব্যাকুল, কিন্তু কি ক'রবো ! শতবর্ষ পূর্ণ না হ'লে তো শাপ-
বিমোচন হবে না । কৃষ্ণের খেলা কৃষ্ণই জানেন, দ্বারকা-
লীলায় যেন বৃন্দাবন ভুলে আছেন ; শীঘ্রই শাপান্ত হবে ।
শাপান্তে যদি শ্রীমতী না কৃষ্ণকে পান, তাঁর বিরহ-স্নান

ব্রজে আর ধ'রবে না; ত্রিভুবন দক্ষ ক'রবে। বৎস, তুমি এ কার্যের ভার নিতে পার? আমার আশীর্বাদে তুমি সফল হবে, তুমি অতি স্বকৌশলী। যদি রাধাকৃষ্ণের মিলন-সংঘটন ক'রতে পার, তবেই তোমার কৌশল—কৌশল, তোমার কীর্তি রাধাকৃষ্ণ নামের গায় অক্ষয় হবে। এ কার্য্য শ্রীমতীর প্রধানা দূতী শ্রীবৃন্দাই সমাধা ক'রেছিলেন। দেখ, ভাগ্যপুণে যদি তুমি পার, রাধাকৃষ্ণের মিলনে ত্রিভুবন আনন্দময় হবে।

নারদ। আমার কি শক্তি, আশাক্তি শ্রীবাধার মনে যা ইচ্ছা, তাই হবে, কিন্তু প্রাণে উৎসাহ হচ্ছে, রাইয়ের নাম নে দেখি, যুগলমিলন ক'রতে পারি কি না।

ব্রহ্মা। বৎস! তোমার উৎসাহে আমার প্রাণও আশ্বাসিত হচ্ছে, আমার জ্ঞান হচ্ছে, ব্রজেশ্বরী রাই আপনি তোমায় ব'লছেন, “নারদ! এবার মিলনে তোর কাছে ঋণী হব; ভয় নাই, ব্রজে আয়, ব্রজে এসে কৃষ্ণপ্রেম দেখে যা, নইলে রাধাকৃষ্ণের মিলন ক'রতে পারবিনি।”

নারদ। তবে কি আমি এ কার্য্যে প্রবৃত্ত হব? রাধার চরণ-ধূলি ল'য়ে অদৃষ্ট পরীক্ষা ক'রব, রাধাকৃষ্ণ-মিলন, শ্রামের বামে রাই কিশোরী! কি নাধুলী রে, প্রাণ ভ'রে যায়!

ব্রহ্মা। বৎস! তুমিই রাধাকৃষ্ণ-মিলনের যোগ্য, রাধাকৃষ্ণ-মিলন কেবল ভক্তের রূপায় দর্শন হয়, তোমার গায় ভক্তের রূপায় যুগলমিলন দর্শন ক'রে তিন লোক পবিত্র হবে। বৎস, তোমায় আশীর্বাদ করি, তুমি কৃতকার্য্য হও।

নারদ। পিতঃ, আপনার বাক্য আমার শিরোধার্য্য! অক্ষয়তি কক্ষন, ব্রজে যাই। শ্রীরাধা আমায় প্রসন্ন হ'ন;— তাঁর আশ্রয় বিনা কার্য্যে প্রবৃত্ত হ'ব না।

ব্রহ্মা। বৎস, শ্রীমতী তোমার মনোবাঞ্ছা পূর্ণ করুন, ব্রহ্মলোকে আমায় সংবাদ দিও, আমি বৃন্দাবন প্রদক্ষিণ ক'রে যাব। [ব্রহ্মার প্রস্থান।

নারদ। এই কি সে স্থখ-বৃন্দাবন!

যথা—

মোহন বাশরী-সনে গুঞ্জিয়া ভ্রমরা
যাধানাম-গান শুনাইত নলিনীরে ?

যথা পুষ্পপুঞ্জ ঈর্ষ্যায় ফুটিত,
লুটিতে ধরার পদতলে।
বনমালা গাঁথিত কি ব্রজবালী,
এই কুঞ্জবনে ফুল চয়ি ?
দক্ষ ব্রজ দক্ষ কুঞ্জবন,
দক্ষ ফুলকলি, মৌরভ-গৌরব হীন,
বিন্দু বিদক্ষ বৃন্দাবন—
ব্রজবানী-দীর্ঘশ্বাসে!
শূণ্য প্রাণ শূণ্য ব্রজ,
প্রাণ আছে শ্রীকৃষ্ণের পদ,
অনিবার হাহাকার-ধ্বনি
বিরামবিহীন ব্রজে,
তাই শব্দ শুক হয় জ্ঞান।
কৃষ্ণপ্রাণ কোকিল-কোকিলা,
ময়ূর-ময়ূরী, শুক-শারী
স্বকাম্য পাশরি
ববধীন করিছে রোদন।
জলে বিমলিনী নলিনী কুমুদী,
কৃষ্ণ বিনা নীরব ভ্রমর,
ব্রজবাসিগণে দহে হতাশনে,
কৃষ্ণধনে হৃদে ধরি রাখে প্রাণ;
হেন প্রেম বিনা শ্রীকৃষ্ণ কে বিনে,—
বৃন্দাবন রাধাকৃষ্ণ আনন্দ-আলয়!
কৃষ্ণপ্রেম বিলাও আমায়,
দেখ হে, ভিখারী আমি কৃষ্ণপ্রেম-আশে।
ওহে, পুণ্য-নিকেতন,
রাধাকৃষ্ণ-লীলার ভবন তুমি!
কৃষ্ণরাধা বক্ষোপরে ধ'রে
মম হৃদাগারে বারেক বিলাস কর।
বৃন্দাবন-ছবি তোর,
অন্তরে রছক আঁকা,
আয় বীণা আয়,—
একবার রাধা বলি।

না বীণা না, তোমার সুরে না, একবার বাঁগীষরে রাধা
রাধা বল; ব'ল্চো পারবে না? যতদূর হয়, এবার বাঁগী
বাজলে শিখো, ব'ল্ছো হবে না? এটা পারবে না ব'ল্লে

হবে না ভাই, একবার রাধা বল', দেখ বি এখন কেমন
দয়াময়ী সখী পাঠায়ে দিয়ে নে যাবে; কি বল, যদি না নে
যায়, তোমায় আশ্রয় গিয়ে খুব গালাগাল দিয়ে
আস্বো এখন।

(গীত)

ইমন কল্যাণমিশ্র—কাওয়ালী।

বাজ্ রে বীণে, জয় রাধে শ্রীরামে!
রাধা ব'লে বাজতো বাঁশী, মধুর নিনাদে।

মিশে বীণে প্রাণের তারে,

রাধা বল, বারে বারে,

ভানুরে প্রেমের পাথারে;—

বাঁশীর মত মাত বীণে, রাধা নাম বল সাধে,

প্রাণ চেলে দে রাঙ্গা শ্রীপদে!

[প্রস্থান।

দ্বিতীয় গর্ভাঙ্ক

রাধাকুঞ্জ

(রাধিকা, বৃন্দা, ললিতা, বিশাখা ও সখীগণের প্রবেশ)

রাধিকা। সখি, এই তমালতলে শ্রাম আমার ত্রিভঙ্গ
হ'য়ে দাঁড়াতেন, আমি অনিমিষনয়নে দেখতেম; সই, সে
কোথায়? আসি ব'লে গেছে, কই এল? কাল কি হ'ল
না? কাল রজনী কি পোহাল না? কালাচাঁদ রাধা ব'লে
বাঁশী বাজাত, ব'লতো—রাধা, রাধা, রাধা; বাঁশী-রব
শুনে আমি উন্মাদিনী হ'তেম, বাঁশী নীরব—তবে কেন
রাধা উন্মাদিনী?

(গীত)

মাগুন মল্লার—টিমে তেতাল।

এখনও এ প্রাণ আছে সই!

এলে সখি, দেখা হ'ত, কাল এল কই?

যদি লো না দেখা হ'লো,

দেখা হ'লে ব'লো ব'লো,

দেখিতে সাধ ছিল মনে,

জানি না যে কৃষ্ণ বই!

ব্রজে যদি আসে কাল, গেথে দিও বনমালা,

বাজাতে ব'লো গো বাঁশী, রাধা ব'লে রসমই!

ললিতা। হের বৃন্দা সই, রাই রসমই

পলে পলে চেতন হারায়;

হের কমলিনী, যেন ছিন্ন কমলিনী
লুটায় ধরণীতলে,

বল সখি, কি করি কি করি,

মরে প্যারী শ্রামচাঁদ বিনা!

বৃন্দে, দে গো এনে রমানাথে,—

আহা, রাজার নন্দিনী

কাজালিনী পথে পথে কেঁদে ফেরে!

এ দশায় হেরিয়া রাধায়,

প্রাণ আছে কায়—

তাই লো আশ্চর্য মানি।

আহা, কৃষ্ণপ্রাণা বিনোদিনী

শতবর্ষ কৃষ্ণহারা,

নিষ্ঠুর মুবারি,

গোপনারী মজাইয়ে গেল চ'লে।

বৃন্দে,

উঠ গো অরায় যাও দ্বারকায়,

সে ত আসিবার নয়,

ফিরে আন গোপীকায় প্রাণ,

বুঝি লো বুঝি লো,

রাধা প্রাণে ম'ল এত দিনে।

বৃন্দা। সখি, শঠে স'পে প্রাণ,

অপমান হয় সার।

কপট নির্দয়,

অবলায় মজা'য়ে রহিল কোথা;

হ'লো না এ বন সূখকুঞ্জবন,

ধরাসনে কনকবরণী রাই।

কঠিন জীবন, বেঁচে আছি তাই,

প্রাণে বাজে তীর শ্রীমতীর দশা হেরে!

নিষ্ঠুরে যতপি সখি, পাই,

শ্রীমতীরে বারেক দেখাই,

দেখি তার কতই কঠিন প্রাণ!

(দূরে বাঁশীরব)

একি সখি, রাধা নাম কেন শুনি দূরে?

বাঁশী কি বাঁশরী বুঝিতে না পারি?

দূরে ধীরে করে রাধা-নাম-গান,

আচম্বিতে কে এল এ ব্রজে?

বিশাখা । সখি, বাঁশরী নিশ্চয়,

রাধা ব'লে বাজে বাঁশী ।

ললিতা । বুঝি সখি, এসেছে মাধব,

কুহরব শোন কুঞ্জবনে,

শুন শুন ভ্রমর-গুঞ্জন,

কুঞ্জে ফোটে ফুলকলি ;

বুঝি কারু

বেগু ত্যজি ধরিয়েছে বীণা,

বধিবারে ব্রজাঙ্গনা ;

সখি,

এসেছে নাগর—সাজাও বাসর,

মালতী তুলিয়ে গাঁথ মালা,

কুঙ্কম চন্দন রাখ সখি, খরে খরে,

শ্রান-কলেবরে দিব সখী মিলি,

উঠ উঠ ব্রজেশ্বরী রাই,

বুঝি এসেছে কানাই,

ওই শোন রাধা-নাম-গান,

মান ক'রে ব'সলো স্বজনি,

কথা ক'ও ধরাইয়ে পায় ।

রাধিকা । কই—লো, কই—লো, দে লো—দে লো—

কৃষ্ণন দে আমায়,

কই সই, মদনমোহন ?

ললিতা । শোন হেমাঙ্গিনি ! কি শুনি না জানি,

বাঁশীরবে রাধা নাম কেবা গায় ?

ধরি মূহু রোল গগনে মিশায়ে যায়,

বল সখি, কে এল এ বৃন্দাবনে ?

রাধিকা । কই সই, বাঁশী এ তো নয়,

বীণা বাজে বাঁশীরবে ;

যদি সই, বাঁশরী বাজিত,

গগন ভরিত,

মুঞ্জরিত রসহীন তরু ;

বুঝি লো স্বজনি,

কোন্ ভক্তজন—

হেরি দক্ষ বৃন্দাবন,

বীণাস্বরে স্মরণ করিছে মোরে ।

বৃন্দা । হের চরে জটাজুট শিরে,

বীণা করে আসে কোন্ মহাজন,

বাজে মত্ত বীণা,—

রাধা নাম শুনে, আপনি উন্নত ঋষি ;

কে আসে লো দেখ লো কিশোরি !

রাধিকা । সখি, যাও ত্বর করি,

আসিছে নারদ ঋষি ব্রহ্মবাসী-দরশনে ;

মম পদ বিনা অণু নাহি জানে,

ভক্ত-চূড়ামণি মুনি ।

আন শীঘ্র গিয়ে, ভক্তেরে হেরিয়ে—

স্নিগ্ধ করি দাব দক্ষ হিয়া ;

মধুর বচনে আনিবে এখানে,

ব'লো ব'লো ডাকিছে রাধিকা ।

[বৃন্দার প্রশ্নান ।

সখি, আমি কি কৃষ্ণকে ভুলেছি, কৃষ্ণ বিনা নইলে কেমনে
জীবিত আছি ? আমার কালাচাঁদ কি কাছে ছিল ?
দেখ, আমি আর নেই, সকলি কৃষ্ণময় ; রাধা আর
কোথায় ? এই যে আমার কৃষ্ণ, এই যে আমার কৃষ্ণ !

ললিতা । সখি, ঘোরতর বিরহ-বিকায়ে যে শ্রীমতী
নিস্তার পান, এমন বোধ হয় না ! হা নির্দয়, কি ক'বুলে ?
কৃষ্ণ হে, তুমি কোথায় ? ব্রজাঙ্গনা—তোমা বিনা আর
কিছু ত জানে না । কুঞ্জবিহারি, কুঞ্জে প্যারী মরে, দেখে
যাও । ছি ছি শ্যাম, জেনে শুনে ভুলে আছ !

বিশাখা ।

(গীত)

খাস্বাজ—একতারা ।

ধূলায় লুটায় সোণার কিশোরী,—

ভুলে আছ ভাল আছ, দেখিতে হ'লো না হরি !

কমলিনী সরল প্রাণা, কৃষ্ণ বিনা রাই জানে না,

চতুরে সরল প্রাণে, প্রাণ সঁপেছে আহা মরি !

যদি শ্যামে না হেরিত, প্যারী কি প্রাণে মরিত,

মরিত কি ব্রজাঙ্গনা, না বাজিলে বাঁশরী !

(নারদ ও বৃন্দার প্রবেশ)

বৃন্দা । দেখ ঋষি, কিশোরীর দশা,

অচেতনে দিবানিশি কেটে যায়,

কমল আসনে

ব্যথা লাগে যে কোমল কাণ,

হের মুনি, ধূলায় লুটায়,

বকু কৃষ্ণ ব'লে করে হাহাকার,

মৃত্যুর লক্ষণ কর দরশন—

পবন না বহে নাসিকায়,

দেখ—দেখ—

কি দশায় রেখে গেছে শ্বাম,

জেনে শুনে কেমনে র'য়েছে ভুল!

রাধিকা। হা কৃষ্ণ! হা কৃষ্ণ!

নারদ। (প্রণাম করিয়া) ব্রহ্মেশ্বর! কৃপা করি
কিঙ্করকে চরণে স্থান দিন।

রাধিকা। ঋষি রাজ, আমি কৃষ্ণবিরহিণী দুখিনী
গোপনারী;—আমায় নমস্কার ক'রে অকল্যাণ ক'র না।
মুনিবর, শুনেছি, তুমি কৃষ্ণময়প্রাণ;—কৃষ্ণর কি সংবাদ
জান? আমায় বল, অবলা ব্রহ্মবালার প্রাণ রাখ।

নারদ। ব্রহ্মেশ্বর, মুরলীধর আপনার হৃদয়ে, কৃষ্ণর
সংবাদ তোমা বিনা আর কে জানে? তবু ময়ি, কৃষ্ণর
তত্ত্ব আমি কেমন ক'রে জানবো?

রাধিকা। ঋষি রাজ, আর কেন আমায় গঞ্জনা দাও?
আমি শতবর্ষ কৃষ্ণহারা, আর কি সে আমার হবে?

(গীত)

গৌরী—আড়াঠেকা।

কোথায় আছে, যদি সে আমার, —

কেন তবে কুঞ্জবনে, হেন দশা রাধিকার!

তরলতা কেন শূন্য, বনপাণী শোক-পূর্ণ,

কেন ব্রজ শূন্যচ্ছন্ন, ওঠে কেন হাহাকার।

বাঁশরী ফিরিয়ে দেছে, রাধা নাম ভুলে গেছে,

না হ'লে বাজিত বাঁশী, রাধা ব'লে শতবার।

বৃন্দা। দেখ মুনি, চৈতন্য-রূপিণী আবার চৈতন্য-
হারা। আহা ঋষি, ব্রহ্মের দশা একবার দেখ!—

রাধিকা। ঋষি রাজ, তোমার সঙ্গে কি আমার কৃষ্ণর
দেখা হবে? তাঁরে ব'লো, একবার ব্রহ্ম এসে ব্রহ্মাঙ্গনার
অবস্থা দেখে বা'ক, আমি ধ'রে রাখবো না—একবার
দেখে বা'ক! ঋষি রাজ, আমি কৃষ্ণ বিনা জানি না,—
আর কি তাঁরে দেখতে পাব না?

নারদ। আনন্দময়ি, কৃপা করুন,—আমি আপনার
আশীর্ষাদ ল'য়ে দ্বারকায যাব মনে ক'রেছি, আমি সে
নিষ্ঠুর নটবরকে ব্রহ্মের দশা ব'লবো, দেখি তাঁর কঠিন

প্রাণ বিগলিত হয় কি না? যদি আপনার চরণে আমার
মতি থাকে, আমি রাধাকৃষ্ণ একত্রে দর্শন ক'রব।

রাধিকা। ঋষি, তোমার কৃষ্ণভক্তি হোক; আমি অল্প
আশীর্ষাদ জানি না। শতবর্ষ নিরাশা সাগরে মগ্ন! তোমার
বচনে আমার প্রাণ আশ্বাসিত হ'ল। ঋষিবর, সত্য কি
আমার কৃষ্ণকে, এনে দেবে? সখি, তোমরা সকলে
অতিথি-সংস্কারের আয়োজন কর গে, কৃষ্ণপরায়ণ অতিথি
কুঞ্জে উপস্থিত; যাও সখি, যাও, আমি ঋষি রাজকে ছুটো
ছুপের কথা বলি।

[সখিগণের প্রস্থান।

নারদ। কৃপাময়ি, আমার মনোবাঞ্ছা পূর্ণ ক'রলেন,
আমার পাদ ছিল, নিজ্ঞানে আপনাকে দর্শন ক'রবো; আমি
ব্রহ্মের আজ্ঞায় বৃন্দাবনে এসেছি, শতবর্ষ শীঘ্র অতীত হবে,
কিরূপে যুগলমিলন সন্দর্শন ক'রবো—দয়াময়ি, দাসকে
বলুন।

রাধিকা। নারদ, তুমি কি কৃষ্ণকে আনতে পারবে
না?

নারদ। দেবী আত্ম প্রকৃতি, আমি কে? শক্তিকণ,
কৃষ্ণকে আকর্ষণ করে—তোমা ভিন্ন কে আছে?

ভূলা'ও না কমলিনি,

কৃষ্ণপ্রাণা ব্রহ্ম সনাতনী—

রাধা বিনা কৃষ্ণ আর কার?

কৃষ্ণ জানে তোমা,

তুমি জান কৃষ্ণর মহিমা,

আমি কি কহিব?

শ্রীকৃষ্ণের কেমনে আনিব,

রাস-রসময়ি, তুমি না সদয়া হ'লে।

কহ, কি কোণে যুগল-মিলন হবে?

কৃপায় তোমার মম কীর্তি হবে,

পুলকে পূরিবে ত্রিভুবন।

কহ মোরে কেশব-মোহিনি,

মনোবাঞ্ছা কেমনে পূরিবে?

রাধিকা। শুন মুনি, যাও দ্বারকায,

আছি যে দশায়,

বলো গিয়ে কালাটাদে;

দেখে এস নন্দালয়ে গিয়া,

শূন্য হিয়া নন্দ যশোমতী,
দিবারাতি নীলমণি ব'লে কান্দে,
শোকে শীর্ণ সদা অচেতন,
ছ'নয়নে বহে শতধারা !
গোষ্ঠে, ধটা ভ'রে তুলি বনফুল,
রাখালসকল ফুকারে কানাই ব'লে,
ব'লো তাঁরে এ সব সংবাদ ।
করি আশীর্ষাদ,
পূর্ণ হোক মনের কামনা তব,
কর ব্রহ্মবাসিগণে নূতন জীবন দান ।

নারদ ।— (স্তব)

হরিপ্রিয়া হেমাঙ্গিনী, নিধুবন বিহারিণী,
রাসরসে রঞ্জিণী কিশোরী ।
মোহন-মোহিনী রাই, পদে যেন স্থান পাই,
পদ-কোকনদ আশা করি ॥

* * *
আত্মশক্তি সনা তনী, ব্রহ্মেশ্বরী বরাননী,
প্রেমময়ী প্রাণময়ী রাধা ॥
আত্মরূপা আহ্লাদিনী, বনচারী বিনোদিনী,
বিভূষণা বনফুল-হারে ।
কৃষ্ণ-প্রম-আমোদিনী, কৃষ্ণ-প্রম-প্রদায়িনী,
কৃষ্ণ-প্রম বিলাপ আমারে ॥

(বৃন্দার প্রবেশ)

বৃন্দা । রাধে, মুনিবরকে বলুন, আতিথ্য-স্বীকার
বরেন ।

রাধিকা । ঋষিরাজ ! চলুন, কিঞ্চিৎ বিশ্রাম ক'রবেন ।

[সকলের প্রস্থান ।

(রাখাল-বালকগণের প্রবেশ)

শ্রীদাম । ভাই রে, এ কুঞ্জবনে আমি ব'লীশ্বরে রাধা
নাম শুনেছি, কানাই কি এল ? আয় দেখি ভাই খুঁজি ;
সে তো অমনিই লুকুতো, কানাই রে, তুই কোথায় ? প্রাণ
যায়, দেখে যা ।

সুবল । চল ভাই, নন্দালয়ে যাই, যদি কানাই এসে
থাকে ত মা যশোদার কাছে যাবেই । রাখালরাজ !
রাখালরাজ ! তুমি কি রাখালদের ভুলে গেলে ? কানাই,
তুমি কোথায় নির্দয় লোক ।

সকলে—

(গীত)

পাহাড়ী—যং ।

এস রে কানাই, কোথা আছ ভাই,
মরে রে রাখাল, দেখ না দেখ না ।
আয় রে গোপাল, ব্রহ্মের রাখাল,
তোমা বিনা আর, কিছু তো জানে না ॥
চারিদিকে ঘেরি দিব করতালি,
গোষ্ঠে গিয়ে খেলি, এস বনমালী,
লয়ে বনফল, চক্ষে বহে জল,
ওরে কানু তোরে, আর কি পাব না ।
হাত্যারবে ধেনু, ডাকিছে তোমায়,
সকাহরে চায়, দূর যমুনায় ;
তৃণ না পরশে, আঁখিজলে ভাসে,
তুমি কি বেদনা বুঝ না বুঝ না ॥

[রাখালবালকগণের প্রস্থান ।

(জটীলা ও কুটীলার প্রবেশ)

জটীলা । ও লো, এদিকে আয়, এদিকে আয়, এদিকে
আয়,—ও লো, নন্দের বেটা জটা বেখেছে ।

কুটীলা । ও মা, সে কি গো ? সে যে চূড়োবঁধা
মিন্‌সে ।

জটীলা । ও লো, না লো আমি দেখেছি, এখন আর
ব'লী বাজায় না, ব'লী বাজায়, পাকা দাড়ী, পাকা জটা,
বোয়ের সঙ্গে কথা ক'চ্ছিল ।

কুটীলা । তবে নন্দের ব্যাটা কেন ? সে আর কে
বুড়ো ।

জটীলা । ও লো, না লো না, রাধা ব'লে ব'লী বাজিয়ে
এল, এখন বুড়ো হ'য়েছে, চুল পেকে গ্যাছে, তাই জটা
ক'রেছে ; এই আমরা বুড়ো হ'লেম না !

কুটীলা । ও মা, অনাসৃষ্টি কথা বলিস্নি ! তুই যেন
বুড়ো হ'লি হ'লি, আমি আবার বুড়ো হ'লুম কবে লা ?

জটীলা । নে নে, তুই সন্ধান নে—নন্দের বেটাই
বটে, ঐ বৃন্দে ছুঁড়ী—গেছো মাগী, তাকে খাওয়াবার জন্তে
ফল পাড়লে, সে মিন্‌সে রাধিকার পায়ে ধ'রলে—নন্দের
বেটা নয় ত কে ? চল দেখি, দেখি গে ।

কুটীলা । ও মা, সে আবার জটা পাকিয়ে এল, তবেই
আর গোকুলে টেঁকালে । ছোড়া-বয়সেই এত ভিরকুটী,
বুড়ো হ'য়ে কি আর দেশে মাছুষ রাখবে ?

জটিল। ও লো, ওই লো—ওই, ও মা! রাধার পার ধূল' নেয় কেন?

কুটিল। কই গো? ও মা, সেই বুড়ো মড়া মুনি গো—বুড়ো মড়া মুনি; পালাই চল, মায়ে-ঝিয়ে এখনি কৌদল বাধিয়ে দেবে।

জটিল। আ ম'লো, ও আবার মুনি কোথাকার? মুনি তো, রাধিকার পায়ে ধ'রলে কেন? ও সেই নন্দের বেটা।

কুটিল। আ ম'লো, বুড়ো হ'য়ে কি চ'থের মাথা খেয়েছ? দেখতে পাচ্ছ না, নারদমুনি।

জটিল। এ্যা, নারদমুনি! রাধার পায়ে ধ'রলে কেন?

কুটিল। ও মড়া অমুনি মরে।

জটিল। ও লো, রাধিকাকে তবে আর কিছু বলিস্ নি। কি জানি মা, মুনি-ঋষি পায়ে ধরে।

কুটিল। তুমি একটু একটু বোয়ের চন্মামিত্তির খেও, আমি তা পারবো না, পাড়া-তলানী—ওর আবার পা আর মাথা।

জটিল। না লো, কিছু বলিস্ নে, কি জানি, যদি ভয় ক'রে ফেলে।

কুটিল। ভীমরথী মাগী! আমি পালাই,—মুখদোড়া মিন্‌সে এদিকে এলেই কৌদল বাধাবে। [প্রস্থান।

জটিল। ও কুটিলে! বাস্‌নে—বাস্‌নে, দাঁড়া লো—আমিও যাই, দাঁড়ালো—আমিও যাই; ও মা, ভয় ক'বুব না কি? [প্রস্থান।

তৃতীয় গর্ভাঙ্ক

নন্দালয়

(যশোদা ও নন্দের প্রবেশ)

যশোদা। কোথায় গোপাল, কোথায় গোপাল—

কোথা তারে রেখে এলে?

কে রে কুহকিনি!

ভূলায়ে রেখেছে নীলমণি,

বাছা—কত কঁাদে আমা বিনে—

কে রে, ক্ষুধ' পেলে

সে চাঁদ-বদনে নবনী ভুলিয়ে দেয়।

কোথা—কোথা আছ বাপধন,

মরে তোর দুখিনী জননী,

এস কোলে অঞ্চলের মণি,

ধড়া চূড়া পর যাচুমণি,

শোন, তোরে ডাকিছে রাখাল।

আরে রে গোপাল,

গোঠে কি যাবি নে আর,

ক্ষীরসর ল'য়ে আছি পথ চেয়ে,

খেয়ে যা রে দুখিনীর ধন,

মরে তোর দুখিনী জননী।

দেখে যা রে দেখে যা গোপাল,

এখন' কি রয়েছে যামিনী!

নীলমণি যমুনার পারে

আন তারে—মা ব'লে সে কঁাদে কত!

আহা—

কোন্‌ প্রাণে ফেলে এলে তারে,

মা ব'লে সে কঁাদে বারে বারে,

ক্ষুধা পেলে ননী কেবা দেবে,

কোথা আছ গোপাল আমার,

দেখা দাও মায়ে যাচুমণি।

(গীত)

আলাহিয়া একতারা।

অঞ্চলের মণি এস রে নীলমণি,

দেখিতে তোরে দেহে আছে প্রাণ।

পরাম বিদরে, মা ব'লে ডাক রে,

আয় রে করি কোলে, হেরি চাঁদ-বয়ান ॥

তোমা বিনা আর কে আছে আমার,

শুষ্ণ ব্রজপুরী নেহারি আঁধার,

শোন অনিবার, ওঠে হাহাকার,

রোদনের ধার বহে রে উজান ॥

নন্দ। আরে রে গোপাল,

এত যদি মনে ছিল তোর,

কেন রে বহিলি বাধা,

না জানি রে কি পাষণে প্রাণের গঠন

চূড়া ধড়া দিলি রে যখন—

কেন প্রাণ না ফাটিল,

দেহে প্রাণ কি হেতু রহিল,

ওঃ হো ! আমি যে গোপাল-হারা !

বল্ রে আসিয়ে

কি বলিঘা রাণীরে প্রবোধ দিব,

সে তো জানে না রে তোমা বিনে !

যদি রে নির্দয়,

আমারে না দেখা দেও,

রাণীরে ভুলাও,

দেখে যাও শবাকারে ধরা তলে !

আরে স্বর্ণত্রজ গেলি শূন্য ক'রে,

তবু—

প্রাণ ধ'রে আছি তোরে দেখিবার আশে,

ত্রজে আয় ত্রজের তুলাল ।

(নারদের প্রবেশ)

নারদ । নন্দ-যশোদা শোক-সাগরে নিমগ্ন ; বাহুজ্ঞান-শূন্য ; কৃষ্ণময় প্রাণে কৃষ্ণ-ধ্যানে দিবা-রজনী যাপন ক'রছেন । বৃন্দাবন, কৃষ্ণপ্রেম জীবকে তুমিই শেখাবে, তোমার অপার মহিমা ! হা কৃষ্ণ ! হা কৃষ্ণ !

নন্দ । কই, কে কোথায়—কৃষ্ণ ব'লে কে ডাকে ? আরে রাখাল, গোপাল তো আমার ঘরে নাই ।

নারদ । গোপরাজ !

নন্দ । গোপাল আমার গোপের রাজা, আমি ত নই ? এ কি—মুনিবর ! প্রণাম হই, কতক্ষণ আগমন ? গোপাল আমার কোথা ? মুনি ! তুমি অনেক স্থানে যাও, আমার কৃষ্ণকে কি দেখেছ ? দেখ মুনি, কৃষ্ণ বিনা আমার দশা দেখ, যশোদার দশা দেখ ! মুনি, কি ব'লে ভোলাব ? ও তো নীলমণি বিনা জানে না, সে তো আসবে না, আমায় চূড়া-ধড়া দে ব'লেছিল,—

নারদ । রাজা, ধৈর্য্য ধর, তোমার কৃষ্ণধন তুমি হারায় পাসে ।

নন্দ । পাব আমার কৃষ্ণধন ? যশোদা, যশোদা ! কৃষ্ণধন পাব, মুনি ব'লছেন ।

নারদ । রাজা, শাস্ত হও ।

নন্দ । মুনিবর, নীলমণিকে কি পাব না ?

নারদ । পাবে, অবশ্যই পাবে ।

নন্দ । যশোদাকে কি ব'লবে না ? মুনি, ওর অঞ্চলের ধন যমুনাপারে রেখে এসেছি ।

নারদ । অবশ্যই পাবে, কৃষ্ণ কখন' তোমাদের ছাড়া নয় ।

নন্দ । মুনি, পাব, কবে পাব ? কোলে ক'রে যশোদার কোলে তুলে কবে দেব মুনি ? গোপাল আমার পাছুকা মাথায় বহিত, সে কৃষ্ণ আমার কোথায় ?

নারদ । আহা ! যশোমতীর কি দশা !

নন্দ । আহা ! ও যে ওর নীলমণি-হারা, কৃষ্ণ রে ! একবার দেখে যা ।

নারদ । যশোমতি মা ! ওঠো মা, ওঠো মা !

যশোদা । কারে না ব'ললে ?

নারদ । মা, মা !

যশোদা । ওরে, ও রব তো আমার পুরে নাই, নীলমণি, নীলমণি ! মা রব বহুদিন শুনিনি ।

নন্দ । রাণি ! ওঠো, নারদমুনি এসেছেন ।

যশোদা । নীলমণি, নীলমণি—কই ?

নারদ । যশোমতি মা ! আমি নারদ ।

যশোদা । আমার নীলমণি কি এসেছে, এখন' কি গোষ্ঠের বেলা যায়নি ?

নন্দ । মুনিবর, অপরাধ মার্জ্জনা ক'রবেন । রাণি, দেখ দেবর্ষি নারদ !

যশোদা । মুনি, প্রণাম করি । আমার গোপাল নাই, পুরী শূন্য হ'য়েছে ! মুনি, আমার নীলমণিকে ভুলিয়ে রেখেছে, তুমি যদি ভুলিয়ে এনে দাও । মুনি, রাত কি পোহাল ? প্রভাত হ'লে নীলমণি আমার ননী পাবে না, তিনবার ননী না দিয়ে গোষ্ঠে পাঠাব না ; মুনি, আমার নীলমণিকে ভুলিয়ে রেখেছে, এনে দাও,—আমার নীলমণি ঘরে নাই, এতক্ষণ আমায় একশবার মা ব'লে ডাকতো ।

নারদ । মা গো—তোমার নীলমণি তুমি পাবে ।

যশোদা । মুনি, ভুলিয়ে রেখেছে, দাও, ওহো ! সে বড় মায়াবিনী । মুনি, নীলমণি আমার এখানে নাচ'ত, এখান থেকে আমার কোলে ঝাঁপিয়ে আস'ত, এখানে ব'সে তার চূড়া বেঁধে দিতুম, এইখানে ননী খাওয়াতুম ; মুনি, ননীর তরে বেঁধেছিলুম, তাই কি গোপাল আমার রাগ ক'রেছে ? দেখ মুনি, গোপালকে আমি এইখানে লুকুতুম, গোষ্ঠে যেতে দিতুম না । আজ

আমার গোপাল ঘরে নাই ! ঋষি, দেখ, আমার প্রাণ শূন্য,
পুরী শূন্য, ব্রজধাম একবার দেখে যাও ।

দেখ গোপ-গোপী সবে শবাকার,
বিনা হাহাকার কিছু নাহি আর !
নাচে না নীলমণি—

নাহি সেই নৃপূরের ধ্বনি,
গোষ্ঠে নাই আনন্দের রোল,
বাজে না মুরলী—
ধবলী শ্রামলি হাঙ্গরবে নাহি ডাকে,
শূন্যপ্রাণ দেখু তুণ না পরশে,
আঁখি ভাসে শূন্যপানে চায় ।

শ্রীনাম স্তনাম

অবিরাম ভাসে আঁখিজলে ;
বাক্হীন কাঁদিছে রাখালগণে,
বিষন্নবদনে

পরম্পর চাহে মুগ্ধপানে,

কহু—

শূন্যপ্রাণে ধায় দূর যমুনার পারে ;
সদা হায় হায়, বলে প্রাণ যায়,
কোথা রে কানাই ভাই ?
কুঞ্জে নাহি ফুল, নীলমণি নাহি খেল,
ব্রজ অঙ্ককার—

আমার রতনমণি বিনা,—

কোথা, কোথা গোপাল আমার !

নারদ । নন্দরাণি, শাস্ত হও, তোমার নীলমণিকে
তুমি পাবে ।

যশোদা । মুনি, আমার নীলমণিকে কোথায় দেখে
এসেছ ? নীলমণি কি ননী খেতে পায় ?

নারদ । তিনি ভাল আছেন—দ্বারকায় রাজা হ'য়েছেন ।

যশোদা । রাজা না, রাজা না—আমার নীলমণি !

আমার দুধের গোপাল নীলমণি, তাকে দেখে এস না ।

নারদ । মা, কেঁদো না, তোমার নীলমণিকে এনে
দেব ।

যশোদা । কই ?—দাও, বছদিন আমি নীলমণিহারা ।

নন্দ । মুনি, নীলমণি কবে আসবে ?

যশোদা । মুনি, নীলমণিকে আজ কি আসবে ?

নারদ । কৃষ্ণ অবশ্যই আসবেন । আমি এক্ষণে আসি,
সায়ংসন্ধ্যার কাল উপস্থিত ।

যশোদা । মুনি, গোপাল কবে আসবে ?

নন্দ । মুনি, গোপালকে পাব তো ?

[নন্দ ও নারদের প্রস্থান]

যশোদা ।

(গীত)

আশা-ভৈরবী—একতারা ।

ভাবি মনে কপাল তেমন নয় ।

নইলে কোথায় রইল গোপাল,

মা বিনা সে সারা হয় ॥

কোলে নিতে দেবী হ'লে,

বাহ তুলে ও মা ব'লে,

ভেসে যেত নয়ন-জলে,

দেখিত সে শূন্যময় ॥

বিদায় দিছি পাষণ প্রাণে,

আসেনি কি অভিমানে,

মা ব'লে সে চাঁদ-বয়ানে,

আর কি জুড়াবে হৃদয় ॥

দ্বিতীয় অঙ্ক

—:—

প্রথম গর্ভাঙ্ক

স্বারকা—শ্রীকৃষ্ণের বক্ষ

শ্রীকৃষ্ণ ও উদ্ধব।

কৃষ্ণ । দেখেছ নয়নে বৃন্দাবন,—
গোপ-গোপীগণে কি ভাবে আমারে ভাবে ।
শোকে শীর্ণকায়,
দিবানিশি সমভাবে যায়,
আমারে ধিয়ায়, নাহি জানে অত্র কথা ।
শতবর্ষ ত্যজে ব্রজধাম—
ক'রেছি পয়াণ,
তবু অবিরাম কৃষ্ণনাম বৃন্দাবনে ;
শোকে বনপাখী সদা ঝরে অঁাংগি,
নিজস্বরে সকাতরে ডাকিছে আমায় !
সজ্জল-নয়ন ধেমু-বৎসগণ,
হাস্যাবে ভেদিয়া গগন,
সঘনে আমারে ডাকে,—
তাই বৃন্দাবন স্মরি,
দিবানিশি প্রাণ মম কাঁদে ।
উদ্ধব । চিন্তামণি, ব্রজ-হেতু যদি চিন্তা মনে,
কি কারণ ব্রজে নাহি যাও,
কিহা ব্রজবাসিগণে
কি কারণে স্বারকায় নাহি আন ?
কৃষ্ণ । কার্যাসূত্রে—
কর্মক্ষেত্রে আপনি হ'য়েছি বাধা,
পূর্ণ হবে শ্রীদামের শাপ,
দূরে যাবে পৃথিবীর তাপ ;
হবে পুন ধর্মের স্থাপন,
এই হেতু আগমন মম ।
আমি একা,— একা আছে রাই—

দেখা নাই শতবর্ষ
কব কত কি বেদনা প্রাণে !
কিন্তু কি করিব,
নরলীলা করিব পূরণ,
যে শুনিবে এ বিচ্ছেদ-গান,
করণায় পূর্ণ হবে প্রাণ,
ভবমায়া ভেসে যাবে শোকের প্রবাহে ।
সহি এই বিচ্ছেদ-যন্ত্রণা
জীবের কল্যাণ হেতু ।

উদ্ধব । প্রভু, সহ তুমি জীবের কল্যাণে,
কি কারণে সহে নন্দরাণী ?
নন্দ কেন শোকে নিমগন ?
কেন সহে ব্রজের রাখাল ?
আহা !
রাই কমলিনী কি কারণে বিমলিনী ?

কৃষ্ণ । ল'য়ে নিজগণ
আসিয়াছি লীলার কারণ,
স্বগণ-বিহনে কার সনে হবে লীলা ?
ত্রিসংসারে কার অধিকার,
করে করে বাঁধে মোরে,
নাচায় আমায়,—
ধটা দিয়া আমারে সাজায়,
ক্ষীর-সর আমারে অর্পণ করে,
কেবা সাধ্য ধরে
স্বক্ষে ধ'রে মোরে,
এঁটো ফল তুলে দেয় মুখে ?
আমি কার পায়ে ধ'রে সাধি,
কার মুখ না হেরিলে কাঁদি,
যোগী হই কার তরে,
গোলকের স্বগণ-বিহনে ?

উদ্ধব । কিন্তু কি কারণ এ বিচ্ছেদ-জালা,
শ্রীদামের অভিশাপ—
সেও তব সজ্জটন, নারায়ণ !

কৃষ্ণ । গোলক-লীলায়,
নাহি ভরে ভক্তের পরাণ,
দেবদেবী-ক্রিয়া,

মানবের হিয়া ধারণা করিতে নারে,
নরলীলা বোঝে নরে,
দেখাই মানবে,
যে মায়ায় বন্ধ আছ ভবে,
সেই মায়া আমারে অর্পণ কর;
নন্দ যশোদার প্রায়—
পুত্রভাবে বাধে আমায়,
কিষ্কা রাখালের সম—
সখা প্রেম কর দান,
হও যদি সখী, প্রাণ রাখি পদতলে;
মধুরে মধুরে বাধরে আমারে,
মধুপ্রেম যেনা অভিলাষী;
ব্রজবাসী শিক্ষা দেয় নরে
কি প্রেমের তরে,
গোপন চরাই ব্রজে;
পরীক্ষায় নহে মম স্বর্ণণ কাতর,
বিচ্ছেদ-জালায় কাঁদে নিরন্তর,
তবু শুদ্ধ-প্রাণে মনে মনে জানে
আমার আমার ধন।

উদ্ধব। প্রভু, যদি তব স্বর্ণণ-বিহনে,

অন্য জনে না সম্ভবে হেন ভাব,

শিক্ষা তবে কোন্ প্রয়োজন?

কৃষ্ণ। শিক্ষামাত্র ব্রজের এ ভাব দরশন,

যে শুনিলে মধুময় ব্রজের এ লীলা,

রসাপ্ত হবে তার প্রাণ,

অব হবে কঠিন পায়ণ হিয়া,

প্রেমে দৌত বিশুদ্ধ অস্তরে

নিরন্তর এ লীলা হেরিবে,

রসের সাগরে সঁতার খেলিবে,

সে রসের নাহি শেষ।

(নারদের প্রবেশ)

নারদ।

(গীত)

কানেড়া মিশ্র—চৌতাল।

জয় গোবিন্দ কৃষ্ণচন্দ্র, নাথক মধুসুন্দর।

দীননাথ দেবকীসুত, দ্রৌপদীভয়বারণ ॥

শ্রেমপীযুষপূর্ণ মুরতি, জগদীশ্বর যাদবপতি,
করণাময় কাতরপতি, কেশব কেশীমর্দন ॥

জয় গোবিন্দের জয়!

কৃষ্ণ। আসুন, দেবর্ষি, আসুন!

উদ্ধব। দেবর্ষি, প্রণাম।

নারদ। ইস, আজ শিষ্টাচার বেশী! একবার দ্বারকায়

এলেম, ঠাকুর, তোমায় দেখতে এলেম।

কৃষ্ণ। আমার প্রতি তোমার এমনি রূপাই বটে।

নারদ। আমি রূপাময়ের দাস। বলি ঠাকুর, তুমি

কেমন?

কৃষ্ণ। কি কেমন নারদ?

নারদ। বলি, ব্রজবাসীদের কি একেবারে ভুলে

গেছ?

কৃষ্ণ। চূপ্ চূপ্, ওখানে সত্যভামা আছে।

নারদ। অ্যা, শুনতে পেয়েছেন নাকি?

উদ্ধব। না ঋষি রাজ, কেউ কোথাও নাই!

কৃষ্ণ। তবে বলুন।

নারদ। তবে কি সত্যি আছেন নাকি?

কৃষ্ণ। উদ্ধব, বল হে—

উদ্ধব। ঋষি রাজ, না—উনি ছল ক'রছেন।

নারদ। বটে, এমন ছল, আমি ব্রজের কথা আর
কিছু বলব না।

কৃষ্ণ। ভাল ঋষি রাজ, কোথা হ'তে আগমন?

নারদ। সত্যভামা ঠাকুরণ! এই ব্রজের কথা
জিজ্ঞাসা ক'রছেন।

কৃষ্ণ। প্রিয়ে, আর নারদ মুনি ব্রজের কথা বলছেন।

নারদ। কেন ঠাকুর! তোমার এত কিছু খাইনি
যে, তুমি অমন ক'রে চোঁচাও; বেড়িয়ে এলুম, একটু বসি, ও
সত্যভামা ঠাকুরণ আগুন হ'য়ে আছেন, সেই তুলট করা
অবধি আমার উপর ঝেঁটা-হস্ত আছেন।

কৃষ্ণ। উদ্ধব, ঋষিকে পাণ্ড অর্ঘ্য দাও।

নারদ। অত সম্মান রাখ না ঠাকুর! একটা কথা
শোন বলি—এখানে কেউ নাই, একবার বৃন্দাবনে চলুন—
ভারা সেথা মারা গেল।

কৃষ্ণ। মারা গেল, মারা গেল শুনি, এসে দেখে যাক
না।

নারদ । ঠাকুর, তোমার এমনি কথাই বটে ।

কৃষ্ণ । এখন দ্বারকা ফেলে আমি গয়নার দলে মিলিগে !

উদ্ধব । প্রভু ! একি, এইযে ব্রজের জন্ম কাঁদছিলে ?

কৃষ্ণ । তা কি এমনিই কাঁদছিলুম যে ব্রজে যাব, মুনি ব'লছেন ব্রজে চল, তাও কি হয় ?

নারদ । প্রভু, ভোগায় দয়াময় কে বলে ? আমার ব্রজধাম দেখে শতধারে চক্ষে জল প'ড়লো, ভাবলেন—একি স্বপ্ন, না সত্য !

সংশয় জন্মিল মনে,

এই কি সে মধুময় বৃন্দাবন,

যথা—

শরৎ বসন্ত সনে কেলি করে চিবদিন,

যথা নলিনী কুমুদী সনে থাকে,

এই কি সে ব্রজপুরী ?

শুষ্ক তরু—

হাস্যগীত কহু ফোটে ফুল,

অলিকূল না চায় কুসুম ফিরি,

আহা ! দক্ষপ্রায়

শূন্যময় জ্ঞান হয় মমুদয়,

ওই দূর গোঠে হাহারবে

কাঁদিলে রাখাল

বনফল ধটীতে বাধিয়ে ;

গাভীগণ তৃণ নাহি খায়—

উদ্ধমুখে চায় দূর যমুনায,

গাভী-বৎস ছুঁক নাহি করে পান ;

ক্ষিপ্তপ্রায় হু' বাছ পনারি

দেয়ে দেয়ে শ্রীদাম ফিরিছে,—

কেহ ভূম লোটে, কেহ দেয়ে যায়,

তরু করে আলিঙ্গন,

হায় !

মানবলীলায় প্রাণ ফেটে যায় !

ডুবিল মেদিনী উখলি করুণা-রসে !

সুখবৃন্দাবন, কণ্টক-কানন—

দক্ষপ্রায় শ্রীমতীর বিরহ-অনলে—

দূরে নিধুবন,

দাব-দক্ষ হরিণীর প্রায়

ব্রজাঙ্গনা করে ছুটাছুটি,

কেহ ধূলা-ধূসরিত কায়,

উন্মাদিনী ব্রজের কামিনী

হারিয়েছে কৃষ্ণধন,

হ'য়েছে সর্কস্বহারা ;

নন্দরাণী নীলমণি-কাঙ্কালিনী—

ধূলায় লোটায় ক্ষীর-ননী ল'য়ে করে ;

নন্দ ক্ষিপ্তপ্রায়,

কহু ওঠে, কহু পড়ে, কহু ধায়,

কহু বাহুজ্ঞানহীন !—

দক্ষ বৃন্দাবনে, প্রবেশিতে ভয় হয় মনে,

হেন দশা তোমা বিনা সবাকার ।

কৃষ্ণ । নারদ, মনে করি যাব, কিন্তু দ্বারকার মায়া কেমন ক'রে কাটাই ?

নারদ । ঠাকুর, তোমার ও কি কথা ?

কৃষ্ণ । না মুনি, বৃন্দাবনে যাওয়া হ'তে পারে না, বৃদ্ধ পিতা মাতা—

নারদ । দাঁড়াও, একটা উপায় করি । আচ্ছা ঠাকুর, যেতে হয় যাবে, না যেতে হয় না যাবে, আমি এখন চ'ল্লেম, আমার কাজ আছে ।

কৃষ্ণ । ঋষিবর, আতিথ্যস্বীকার করুন ।

নারদ । না, এখন টের কাজ আছে, আসবার সময় দেখা যাবে ।

কৃষ্ণ । এখন কোথায় গমন ?

নারদ । ব'ল্বো কেন ?

[প্রস্থান ।

উদ্ধব । হৃষীকেশ, কহ সবিশেষ,

যেই বৃন্দাবন নামে,

শত ধারা বহে ছনয়নে,

ব্রজের সে দুঃখের বর্ণনে

কেমনে রহিলে স্থির !—

বহুদিন পরে,

ব্রজের এ সমাচার আনিল নারদ,

কুশল না জিজ্ঞাসিলে কার !

কৃষ্ণ । হে উদ্ধব, ব্রজে একাকার,

সুখ দুঃখ জিজ্ঞাসিব কার,
সবে কৃষ্ণময়—দুঃখ সুখ লয়,
আত্মায় পরমাত্মা-ধ্যানে,
দিব্যজ্ঞানে যোগের নয়নে,
নাহি কালজ্ঞান র'য়েছে সমান,
শতবর্ষ যামিনী-সমান গত ।
নিশা-অবসানে পূর্ণমত পাইলে আশায়
বাহ্যিক এ ক্লেশ,
এ প্রেমে কি আছে দুঃখলেশ,
মিলন-উদয় হ'ল প্রায় ।
নারদের রাগিতে সম্মান
করি কঠিনতা ভাণ,
কৌশলে তাহার,
রাধা-সনে দেখা হবে,
গেছে ঋষি পিতার সদন,
যজ্ঞ আয়োজন হবে প্রভাস-তীর্থেতে ।
চল, দেখি, মুনি করে কি কৌশল !

[উভয়ের প্রশ্নান ।

দ্বিতীয় গর্ভাঙ্ক

বহুদেবের গৃহ

বহুদেব আসীন ।

(নারদের প্রবেশ)

নারদ । (স্বগত) ব্রহ্মবাসীদের ব'য়ে গিয়েছে আম্ভার
জ্ঞতে, তোমার চরণের ছোর থাকে তো দেখি, কার্য সম্পন্ন
হয় কি না,—আর ঠাকুর, তুমি কি নিবারণ ক'রতে পার ?
রাধা আশায় অমুমতি দিয়েছেন ।

বহু । মুনি ! আসুন, কতক্ষণ আগমন ?

নারদ । বলি এলুম, বড় সূর্য্যগ্রহণটা ছিল, বলি কক্ষ-
কাণ্ডর কথাটা তো বরাবরই শোনেন, কিন্তু কই, তেমন-
কক্ষ তো কিছু ক'রলেন না ।

বহু । ঋষি, সে অদৃষ্ট অপেক্ষা করে, চিরদিন পরা-
ধীনে কেটে গেল ।

নারদ । পরাধীন তো সে ছ'দিন গেছে, এখন তো

স্বাধীন । রাম-কৃষ্ণ পুত্র র'য়েছে, একটা ছোট খাট কাজ
বলি—ক'রে ফেলুন ।

বহু । কি রকম মুনি, কি রকম ?

নারদ । এই আগামী গ্রহণের দিন কিছু দান ।

বহু । তা আশায় ব'লে দিন, কি রকম যৎকিঞ্চিৎ
আয়োজন ক'রতে হবে ?

নারদ । তা ব'লছি, বলি—দান-ধ্যানটা এখানে ক'র-
বেন ?—তীর্থস্থানে শতগুণ ফল ।

বহু । তা কোন্ তীর্থে যেতে হবে বলুন ?

নারদ । ব'ললেই কি পারবেন ?

বহু । তা পারবো মুনি ! রথে ক'রে যাব, আর কি !

নারদ । দেখবেন, তীর্থের নামটা মিছেমিছি না
নেওয়া হয়, কি জানেন—নাম শুনে তীর্থ আশ্বাসিত হয় ;
বলে,—এইখানে দান-ধ্যান ক'রবে ।

বহু । না না, শতগুণ ফল, আমি অবশ্যই যাব ।

নারদ । যাবেন প্রতিজ্ঞা ক'রলেন, নাম কবি—
প্রভাস ; প্রভাসে গিয়ে দান-ধ্যান ক'রলে যজ্ঞের ফল, আর
অধিক আপনাকে কি ব'লব ।

বহু । যজ্ঞ নয়, কিঞ্চিৎ দান ক'রবো বললেন ।

নারদ । শুই হ'ল, প্রভাসে দান-যজ্ঞ সম্পন্ন ক'রবেন ।

বহু । দান-যজ্ঞ, এ কি কথা ?

নারদ । কিঞ্চিৎ বিশেষ, কিঞ্চিৎ যজ্ঞের আয়োজন,
তীর্থ-নাহায়ে সহস্রগুণে ফললাভ ।

বহু । তা কি নিয়মে যজ্ঞ ক'রতে হবে ?

নারদ । তা এমন কিছু নয়, পরে ব'লছি,—তবে
গ্রহণের দিনই স্থির হ'ল ?

বহু । তা আপনি ব'লছেন ।—

নারদ । তবে দিন সন্মিকট, নিমন্ত্রণ করি গে ?

বহু । নিমন্ত্রণ ক'কে ?

নারদ । বলি, ত্রিভুবন তো নিমন্ত্রণ ক'রতে হবে ?

বহু । ত্রিভুবন নিমন্ত্রণ ?

নারদ । বলি, যজ্ঞের যা প্রথা আছে, তাই ক'রবেন
না ?

বহু । কিঞ্চিৎ দান ক'রব অঙ্গীকার ক'রেছি ।

নারদ । কিঞ্চিৎ দান নয় তো কি তোমার দ্বারকা-
পুরী কেউ নিতে আসবে ?

বসু । বলি, ত্রিভুবন নিমন্ত্রণ ?

নারদ । তা আবার কাকে বাকী রেখে আসবো বল ?

বসু । মুনি, তুমি কি ব'লছ, বৃদ্ধিতে পাচ্ছি না ।

নারদ । বলি, সূর্য্যগ্রহণে প্রভাস-তীর্থে যজ্ঞ ক'রবেন, স্বীকার করলেন তো ?

বসু । দান-যজ্ঞ ।

নারদ । তা না তো আর লাভযজ্ঞ কে করে বল ? আমি চল্লুম, আজ না বেরুলে কি ত্রিভুবন নিমন্ত্রণ ক'রে ওঠা যাবে ? তিন দিন মধ্যে আছে ।

বসু । বলি, চ'ললেন কোথা ? আমায় কি আয়োজন ক'রতে হবে ? ত্রিভুবন নিমন্ত্রণ—এ কি কথা ?

নারদ । আয়োজনের কথা রাম-কৃষ্ণকে ডেকে জিজ্ঞাসা করুন, সকল লোককে না নিমন্ত্রণ দিলে হবে না ; স্বর্গ, মর্ত্য, পাতাল নিমন্ত্রণ তো ক'রতেই হবে ।

বসু । সে কি কথা ? তিন দিনে কি আমি রাজসূয়-যজ্ঞ আয়োজন ক'রবো না কি ?

নারদ । আপনাকে কেন ক'রতে হবে ? রাম-কৃষ্ণ ক'রবেন, এই যে রাম-কৃষ্ণ এই দিকেই আসছেন ;—ঠাকুর, বসুদেবের প্রভাসে যজ্ঞ ক'রবার ইচ্ছা হ'য়েছে, আমি নিমন্ত্রণ ক'রতে চল্লুম, উদ্যোগ যে রকম হয়, আপনারা করুন ।

(শ্রীকৃষ্ণ ও বলরামের প্রবেশ)

বল । প্রভাসে যজ্ঞ কিরে কানাই ?

কৃষ্ণ । কই, আমি তো কিছুই জানিনে ।

নারদ । উনি সফল করেছেন, প্রভাসে সূর্য্যগ্রহণের দিন যজ্ঞ ক'রবেন ।

বল । সে কি পিতা, তিন দিন মাত্র সময় আছে ।

বসু । বাপু, নারদ ব'লে, কিকিৎ দান ক'রতে হবে, আমি বল্লুম ভাল ; বলে প্রভাসে, আমি বল্লুম ভাল ; বলে—যৎকিঞ্চিৎ দান-যজ্ঞ ; এখন বলে—ত্রিভুবন নিমন্ত্রণ করিগে ।

নারদ । প্রভাসে গিয়ে যজ্ঞ ক'রবে, কোন' রাজা কখনও সাহস করে নাই, ত্রিভুবন নিমন্ত্রণ না ক'রলে হবে কেন ?

কৃষ্ণ । পিতা কি প্রভাসে দান যজ্ঞ ক'রবেন স্বীকার ক'রেছেন ?

বসু । হ্যা বাপু, আমি ব'লেছিলুম ।

নারদ । শুকুন না, আমি মিছে কথা ব'লবো কেন ?

কৃষ্ণ । দাদা, তবে আর বিলম্ব না ক'রে উদ্যোগ করুন, মধ্যে তিন দিবস মাত্র সময় আছে ।

বসু । বাপু, তা কেন ? অল্প স্বল্প কেন আয়োজন কর না ।

কৃষ্ণ । আপনি প্রভাসে যজ্ঞ ক'রবেন—ত্রিভুবন আশ্বাসিত হবে, তাও কি হয় ?

নারদ । তা সত্য তো, আমি তবে নিমন্ত্রণ করি গে ?

বল । দেবর্ষি, একটু অপেক্ষা করুন, কিরণ আয়োজন ক'রতে হবে, বলুন ?

নারদ । আয়োজন আর কি, তোমার বাপ যজ্ঞ ক'রবেন, যুধিষ্ঠিরাদি রাজা দেখবেন ।

বল । কৃষ্ণ, কি উপায় হবে ?

কৃষ্ণ । চলুন—উদ্ধবের সঙ্গে পরামর্শ করি গে । ঋষি-রাজ, একবার কৃষ্ণিণীর সঙ্গে সাক্ষাৎ ক'রে যেও । পিতা, মাতাকে সংবাদ দিন, তাঁর যদি কিছু সাধ থাকে ।

নারদ । তবে আসি,—

[নারদের প্রস্থান ।

বসু । দৈবকীকে আর কি সংবাদ দেব ? ওই আধা-আধি উৎসর্গ ক'রবো এখন, তার জন্ত স্বতন্ত্র উদ্যোগ আবশ্যক নেই ।

কৃষ্ণ । না, তাঁর যদি কিছু সাধ থাকে, উদ্যোগ করি গে, আপনি ব'লে পাঠাবেন ।

বসু । তাই যাই বাবা !

[বসুদেবের প্রস্থান ।

বল । কৃষ্ণ, একি তোর খেলা,

কি ঘটালি নারদে ডাকিয়ে !

তিনদিন আছে ব্যবধান—

আয়োজন পর্ত্ততপ্রমাণ,

অপঘণ রাণিবি কি ত্রিভুবন-মাঝে ?

কৃষ্ণ । আমি কিছু নাহি জানি,

এল মুনি বৃন্দাবন হ'তে,

বৃন্দাবনে যেতে

আকিঞ্চন করিল আমায় ;

কহিলাম, এ নহে দস্তব ।

ভাল' ভাল' ব'লে মুনি গেল চলে ;
পরে শুনি এই সংঘটন।

বল। এতদিনে—

বৃন্দাবন পড়েছে কি মনে তোর,
কহ শুনি যজ্ঞ হবে কিরূপে সমাধা,
কেমনে করিবি আয়োজন ?

কৃষ্ণ। দাদা, দিন উপস্থিত,

তাজ ভয়,—

অন্নপূর্ণা করিব অর্চনা,
যজ্ঞে আসি জননী বসিবে,
পিতার মনন—

নির্ধ্বংসে হইবে এই যজ্ঞ উদ্‌গামন।

[উভয়ের প্রস্থান।]

তৃতীয় গর্ভাঙ্ক

উপবন

(নারদের প্রবেশ)

নারদ। যত্নবংশের পুরী ! ত্রিভুবন বেড়ানও না, দ্বারকা
বেড়ানও না, যোল হাজার অন্দা-মহল, ঠাকুর—তাই
ঠিকানা রাখেন, আর এই তো এই কলিঙ্গীদেবীর ঘর, এই
তীর উপবন, না, না, এ মুখো তো দোর নয় ? এই যা,
সাবলে, এই যে সত্যভামা ঠাকুরণ।—

(সত্যভামার প্রবেশ)

সত্য। সখি, সখি ! ডাক তো ঐ পোড়ারমুখো স্বামিকে,
ও মুনিঠাকুর !

নারদ। আর যাব কোথা ?—দরেছে !

সত্য। বলি ও মুনিঠাকুর ! শোনোই না, বৃন্দাবনে
তখন নে যেও।

নারদ। বলি না, না—আমি তো না।

সত্য। বলি ও মুনিঠাকুর ! আর লজ্জা কেন ?

নারদ। বলি তাই তো, তাই তো, সত্যভামা ঠাকুরণ
কতক্ষণ ? আপনার কাছেই যাচ্ছিলাম।

সত্য। বলি আমায়ও কি ব্রহ্ম নে যাবে নাকি ?
রাধিকার দাসী ক'বতে।

নারদ। বলি কি কি ? রাধিকা কে গো ?

সত্য। ঐ যার ঘটক হ'য়ে এসেহ ! ঐ বৃন্দাবনের
রাধাঠাকুরণ।

নারদ। হাঁ, হাঁ, ঐ গয়লা মাগী, যার জন্ম ঠাকুর কাঁদেন ?

সত্য। ঠাকুর কাঁদেন, না তুমি বৃন্দাবনে নে যেতে
এসেছ ?

নারদ। হাঁ গা, এ কথা কি তোমার মনে নেয় ?
আমি যার তোমার জন্ম কত বলি, কলিঙ্গীর ঘরে যান ব'লে
আমি যার কত দুঃখ করি।—

সত্য। বলি বটে, তাই তুমি আমার শুভ খুঁজতে
এসেচ ; তাই বৃন্দাবনের কথা এনেচ ?

নারদ। ওহো গো, বুঝেছি, বুঝেছি, বৃন্দাবনের কথা
বুঝেছি, বাপকে দে যে বড় যজ্ঞ করাচ্ছেন, প্রভাসে যজ্ঞ
হবে, আমায় ব'লেছেন, বৃন্দাবনে নিমন্ত্রণ ক'বতে ; আমি
বলেছি, তোমার উদ্ধবকে পাঠাও, আমি সত্যভামা
ঠাকুরণের সঙ্গে দেখা ক'রে আসি।

সত্য। বটে, বটে—তোমায় কখন ব'লেছে বল তো ?

নারদ। কেন, আমি আসতেই ; আমি তার পর বুড়ো
বসুদেবের কাছে গেলুম, শুনিছি, ভারি যজ্ঞ হবে, বিশ্বকর্মা
যজ্ঞ-স্থান নিমন্ত্রণ ক'বতে গিয়েছে, শুনিছি, ব্রহ্মবাসীদের
জন্মে আলাদা যজ্ঞাগার নিমন্ত্রণ হবে, সেই নন্দ যশোদার
বাড়া, সেই রাধাকুণ্ড, তা বনুতে পারি না, বিশ্বকর্মা আমায়
ব'লে গেল।

সত্য। বটে বটে, আমি দেখে এনেছি, বিশ্বকর্মা
এসেছে বটে।

নারদ। আর উদ্ধব বেরুল যে ?

সত্য। কই, উদ্ধব তো বেরোয় নাই।

নারদ। হুঁ, এতক্ষণ সে ব্রহ্মের কাছাকাছি পৌছেছে,
উদ্ধবের যাবার কথা হয়েছে কি আজ, ব'সো ঠাকুরণ,—
আমি দেখে আসি। (স্বগত) পালাতে পারলে বাঁচি।

সত্য। শোন না ঠাকুর !

নারদ। আবার কেন, উদ্ধবকে দেখিগে না ?

সত্য। বলি, শুনেছি,—কে চন্দ্রাবলী আছে, সেও
আসবে ?

নারদ। আসবে বই কি।

সত্য। তারও কুঞ্জ হবে ?

নারদ। তা হবে বই কি।

সত্য। তবে, তবে আজ চতুরালী বার ক'রবো।

নারদ। আবার কি বিভ্রাট, দেখ, মধুসূদন আপনি উপস্থিত।

(শ্রীকৃষ্ণের প্রবেশ।)

কৃষ্ণ। কি ঋষি রাজ, তুমি এখনও যাও নি?

নারদ। আমি তো ঠাকুর বলেছি,—আমি নিমন্ত্রণ ক'রতে পারবো না।

কৃষ্ণ। সে কি? তুমি আপনি যজ্ঞের কথা উপস্থিত ক'রলে, নিমন্ত্রণ ক'রতে তুমি আপনি বেরিয়ে এলে।

সত্য। কোথায় যজ্ঞ হবে গো? শুন্ছি নাকি প্রভাসে, তা ব্রহ্মবাসীদের ঘর-দোর তৈয়ের হ'য়েছে?

কৃষ্ণ। ব্রহ্মবাসীদের ঘর-দোর কি? যজ্ঞাগার তৈয়ের হবে।

সত্য। বিশ্বকর্মা গেল না?

কৃষ্ণ। বিশ্বকর্মা ব্যতীত এক দিনে যজ্ঞাগার কে নির্মাণ ক'রবে?

সত্য। এক দিনে ছোটো যজ্ঞাগার?

কৃষ্ণ। ছোটো যজ্ঞাগার কি?

সত্য। সে তুমিই জান, উদ্ধবকে পাঠান হ'ল ব্রহ্ম নিমন্ত্রণ ক'রতে।

কৃষ্ণ। এ মিথ্যা সংবাদ তোমায় কে দিলে?

সত্য। সকল কথা মিলিয়েও পাচ্ছি, আর সংবাদ কে দেবে? নারদ তোমায় বৃন্দাবন যেতে ব'ল'ছিল না?

কৃষ্ণ। মুনি, তুমি আমায় বৃন্দাবন যেতে ব'ল'ছিলে না?

নারদ। বলি ঠাকুর, মিছে কথা কেন বল, বল তো? তোমার রাধা আছে, তোমার আছে,—আমার কি মাথা কিনেছ?

কৃষ্ণ। বটে, তুমিই এইখানে এই সব কীর্তি ক'বেছ?

সত্য। তুমি যজ্ঞ ক'রবে আর মুনি কীর্তি ক'রলে?

কৃষ্ণ। ঐ মুনিই তো পিতাকে যজ্ঞের কথা ব'লেছেন।

নারদ। আমার কোনও পুরুষে অমন রোগ নেই, যার ইচ্ছা হয় যজ্ঞ ক'রবে, আমি কেন যজ্ঞ ক'রতে ব'লে লোকের গম্বি কুড়োব?

সত্য। তা যেই বলুক, আমি তো আর যজ্ঞে যাচ্ছিনি, আমি দ্বারকা ছেড়ে যেতে পারবো না।

কৃষ্ণ। সে কি প্রিয়ে, পিতা যজ্ঞ ক'রবেন, তিন লোক যজ্ঞে উপস্থিত হবে, তুমি দ্বারকায় থাকবে, সে কেমন কথা?

সত্য। কেন, তোমার রাধার দাসী হ'তে যাব না কি?

কৃষ্ণ। প্রিয়ে, সে কি? রাধা বৃন্দাবনে; প্রভাসে রাধা কোথা?

সত্য। শুনেছি, তিনি কৃষ্ণপ্রাণা, উদ্ধব রথ নিয়ে গেলেই আসবেন এখন।

কৃষ্ণ। বৃন্দাবনে আমার কি সুবাদ? শত বর্ষ বৃন্দাবন-ছাড়া।

সত্য। তাই সে কালের রস উথলে উঠছে, ছি! দিক! তা একজনের নামে লাগান কেন? বৃন্দাবনে যাবে যাও, নিমন্ত্রণ ক'রে আনবে, আন।

নারদ। তবে আমি এখন আসি।

সত্য। মুনি, ভয় কি? বল না, তোমায় কোথা পাঠাতে চাচ্ছিলেন বল না? আর বিশ্বকর্মার ঠেঙে কি শুনেছ, বল তো বল তো—মুখটো কোথা থাকে!

নারদ। ঠাকুর তখন বল'ছিলেন বৃন্দাবন যেতে, আমি বল্লম, পারবো না, হয় নয়—বলুন ঠাকুর?

কৃষ্ণ। সে কি মুনি! তুমিই ব'ল'লে ব্রহ্ম চল, বৃন্দাবনে সব হাহাকার ক'রছে?

নারদ। ঠাকুরণ, বুকুন, ব্রহ্মের কথা হ'য়েছিল কিনা?

সত্য। আমি সব বুঝেছি, তোমরা ছ'জনেই এতে আছ, আমার আর কথায় কাজ নেই, আমি চল্লুম।

কৃষ্ণ। না প্রিয়ে, আমি শপথ ক'রছি, ব্রহ্ম নিমন্ত্রণ ক'রব না।

সত্য। তোমার আবার শপথ—

কৃষ্ণ। আমি তোমার অঙ্গ স্পর্শ ক'রে বস্ছি, আমি ব্রহ্ম নিমন্ত্রণ ক'রতে পাঠাব না,—নারদ, তুমি বৃন্দাবনে নিমন্ত্রণ ক'র না।

নারদ। হাঁ, আমি বৃন্দাবনমুখে হই,—পাঠাতে হয়, আপনার অক্রুর আছে, উদ্ধব আছে যাবে।

সত্য। তুমি শপথ ক'রো, ব্রহ্ম নিমন্ত্রণে যাবে না?

কৃষ্ণ । আমি সত্য বলছি, ব্রজবাসীদের নিমন্ত্রণ ক'রবো না । এস, আজ রাতে বিশেষ কার্য আছে, কৃষ্ণিণীর সহিত অন্নপূর্ণার অর্চনা কর, আমি কৈলাসে যাব, অন্নপূর্ণা ব্যতীত যজ্ঞ পূর্ণ হবে না, চল—পূজাগৃহে যাই । মুনি, তোমায় কৃষ্ণিণী ডেকেছেন ।

নারদ । ঠাকুর ! এগুন, আমি যাচ্ছি ।

কৃষ্ণ । আজ তোমায় নিমন্ত্রণ ক'রতে যেতে হবে, জান ?

নারদ । তা জানি, আপনি এগুন না ।

[শ্রীকৃষ্ণ ও সত্যভামার প্রস্থান ।

নারদ । ভোজরাজার কথা কি না, এখনই ভোজরাজী দেখিয়ে দিয়েছিলো বা, বড় তো কৌশল ক'রে গেলুম, অর্জে নিমন্ত্রণ দেবো না ? বলি, এই ঠাকুরকে বেদে দয়াময় বলে, বৃন্দাবনে মাতুষ হ'লো, বলে 'নিমন্ত্রণ করো না ! তোমার যা কর্তব্য ক'রলে, এখন রাইরাজার নামে আমার যা কর্তব্য তা ক'রবো ; ওদিকে যেমন সত্যভামা কৃষ্ণিণী, এদিকে তেমনি নারদ মুনি ! কোঁদল বাপ্বে বই তো না ; র'স র'স, যদি রাইকে অনাদর করে ? ফলথেকো বুদ্ধি কি না ?—রাইকে অনাদর ক'রবে ? যাই, পিতাকে সংবাদ দিয়ে যাই, অর্জে যাব না, অর্জের জন্তই যজ্ঞ, অর্জে যাব না !

[প্রস্থান ।

চতুর্থ গর্ভাক্ষ

কৈলাস-পর্বত

মহাদেব ও অন্নপূর্ণা ।

মহা । অন্নপূর্ণা, শোন—

শতবর্ষ পূর্ণ হ'লো এতদিনে,

রাধা-কৃষ্ণ যুগল মিলন

যাব দৌছে করিতে দর্শন—

দিতে নিমন্ত্রণ

হৃষীকেশ আপনি আসিবে,

যজ্ঞ হবে প্রভাস তীর্থেতে ।

অন্ন । কহ ত্রিলোচন,

রাধাকৃষ্ণ ভেদ কি কারণ ?

শুনে হয় খেদ, কেন এ বিচ্ছেদ,

নরলীলা, মর্ম কিবা তার ?

মহা । শুন বিবরণ,

গোলকে পুলকে,

একদিন গোলোকবিহারী

রাধা-সনে করেন বিহার,

দৈবযোগে শ্রীদাম আইল,

কৃষ্ণ-দরশন-আশ ;

সখাপ্রেমে—

'কৃষ্ণ' বলি ডাকিল শ্রীদাম,

চঞ্চল শ্রীনাথ শুনিল,

তাজি কমলিনী

আসিলেন শ্রীদামের পাশে,

বিহারে ব্যাঘাত, ক্রোধে অকস্মাৎ

শ্রীদামের অভিশাপ দেন রাই,—

“শতবর্ষ হও কৃষ্ণহারী ।”

শাপ শুনিল শ্রীদাম কথিল,

রাধারে কহিল,—

“বিনা দোষে দিলে মনস্তাপ,

শ্রীকৃষ্ণবিচ্ছেদে একা না দণ্ডিব,

শতবর্ষ কৃষ্ণ বিনা তুমিও কাঁদিবে ।”

সেই হেতু এ বিচ্ছেদ,

শাপান্তে শ্রীধরি,

যজ্ঞ করি মিলিবেন রাধা-সনে ।

যজ্ঞদিন এবে উপস্থিত,

বন্দিবারে তোমায় আমায়

আসিছেন যদুরায় ।

শুন,—

বেতাল ভৈরবে পূজিছে কেশবে,

হরিশ্ৰীকৃষ্ণ করিছে ভৈরবী—

মত্ত মম প্রাণ হরিগুণগান শুনিল,

হরি বোল হরি বোল ভোলা !

(বেতাল, ভৈরব-ভৈরবীগণ ও শ্রীকৃষ্ণের প্রবেশ)

ভৈরব-ভৈরবীগণের গীত ।

আলাহিয়া—একতালা ।

পুরুষ । দর্পহারী দানবারি জয় জয় গিরিধারী ।
 স্ত্রী ।— মুরলীধন মদনমোহন, গোপনারী-মনোহারী ॥
 সকলে । হরি হে, হরি হে !
 পুরুষ ।— জয় গোপাল নন্দলাল গোটারণ রঙ্গ,
 স্ত্রী ।— দুটি অঁথি বঁকা, হেলা শিথি-পাখা,
 কুলশীল-মান ভঙ্গ ;
 পুরুষ ।— যমলার্জুনচঞ্জল,
 স্ত্রী ।— রাধা-রুদি-রঞ্জল,
 পুরুষ ।— কেশীন্দন কংসধ্বংসকারী ।
 স্ত্রী ।— চিত্তচোর রসবিভোর রাধাবৃঞ্জদারী ॥
 সকলে ।— হরি হে, হরি হে ।

কৃষ্ণ । ওহে পশুপতি,

ধর দেব, ভক্তের মিনতি,—
 যেতে হবে প্রভাস-তীর্থেতে ;
 ও মা অন্নপূর্ণা,
 যজ্ঞ পূর্ণ হয় যেন যজ্ঞেশ্বরী !
 রূপাময়ি, তনয়েরে হেরি,
 ল'য়ে দিগমবে,
 প্রভাসে হ'ও মা অধিষ্ঠান !—
 ত্রিলোচন—রেখো রেখো ভক্তের বচন ।

মহা । কেন এত মিনতি তোমার হরি,

যেদিন কহিবে—
 খেপী যাবে তবালয়ে ।

জ্ঞান আমি—
 পঞ্চমুখ ভরি দিবস-শঙ্করী
 করি, হরি, তব গুণগান !

তব যজ্ঞ হব অধিষ্ঠান,
 এ হেন সম্মান, কবে আর হবে মম ?

অন্ন । আমি তোর জননী, কেশব,
 তোর যজ্ঞ আমি অধীশ্বরী,
 ভাঙারে বসিব, অন্ন দিব ত্রিভুবনে,
 স্থখে কর যজ্ঞ সমাধান,—
 এই হেতু এত কেন স্তুতি ।

কৃষ্ণ । মাতা, সন্তানের স্নেহ তুমি জান,

ভগবতি, হৈমবতি,—

রেখ দাসে রাজা পায় ।

মহা । হরি, হরি, বহুদিন পরে—

এস এস আলিঙ্গন করি ।

কৃষ্ণ । দেবদেব, আমি দাস তব ।

(পরস্পর আলিঙ্গন)

মহা । অন্নপূর্ণে, পূর্ণ মম প্রাণ !—

হরিনামধ্বনি তোল গগন ভেদিয়ে,

মত্ত হ'য়ে কর সবে নাম গান ।

(বেতাল ও ভৈরব-ভৈরবীগণের গীত)

লুমথাস্বাঙ্গ—একতালা ।

পুরুষ ।— পরমায়ন, পীতবদন, নবঘন-শ্যামকায় ।
 স্ত্রী ।— কালা ব্রজের রাখাল, ধরে রাধার পায় ॥
 সকলে ।— হরিনাম বল বদনে !
 পুরুষ ।— বন্দ প্রাণ নন্দহুলাল, নম নম পদপঙ্কজে,
 স্ত্রী ।— মরি মরি বঁকা নয়ন, গোপীর মন মজে ;
 পুরুষ ।— পাণ্ডব-সখা সারথি রণে,
 স্ত্রী ।— বাণী বাজায় ব্রজের ঘাটে পথে ;
 পুরুষ ।— যজ্ঞেশ্বর ভীত-ভয় হর যাদব রায় ।
 স্ত্রী ।— প্রেমে রাগ বলে—বদন ভেসে যায় ॥
 সকলে ।— হরিনাম বল বদনে ।

তৃতীয় অঙ্ক

—*—

প্রথম গর্ভাঙ্ক

পৌর্ণমাসীর মন্দির সম্মুখ ।

(নারদের প্রবেশ)

নারদ । এখন কি করি ? এখন কৌশল তো সব তল হ'লো । বীণা, আর কৌশলের দর্প ক'রবি ? না, না, এই কাণ মল্, চক্রীর কাছে চক্র ? বলি বীণা, তোর লজ্জা হ'চ্ছে না ? আবার ব্রহ্মমুখো হ'য়েছিস্ ? কি ক্রমই এনে দিলি ? মাথা পেয়ে নিমন্ত্রণটা বারণ ? আমি তো নিমন্ত্রণ করি, না বীণা ! বোঝ না, আর কৌশল করো না, সে সব পারে, এই ব্রহ্মের পথে সত্যভামাকে আন্তে পারে । দেখ না, কোথা যাব রুক্মিণীর মন্দির, না নারদমুনির সত্যভামার পুষ্পোত্তানে প্রবেশ,—এক্ষণে তো পৌর্ণমাসীর মন্দিরে প্রবেশ । বীণা, ঠিক হ'য়েছে, এই পৌর্ণমাসী দেবী যা বলবেন ; বীণা ! খুব কেঁদে মাকে জানাবি, বলবি,—“মা ! যা হয় কর ; এ বুড়ো বসুদেবকে যজ্ঞে নামিয়ে আমি বিপদগ্রস্ত ।”

(স্তব)

কিঙ্করের বাণী, শুন মা শিবানি,
হররাগি হও সদয়া ।
ঠেকে গেছি দায়, কর মা উপায়,
শরণ ও পায় অভয়া ॥
চরণ-নলিনী, দে গো মা জননি,
লজ্জা-নিবারিণি বরদে ।
ঠেকেছি দুস্তার, কর মা নিস্তার,
কর তারা পার বিপদে ॥
ব্রজে নিমন্ত্রণ, হ'লো নিবারণ,
করি মা কেমন বল না ?
কৃষ্ণ দিব কালি, বলে গেছি কালি,
বনমালী করে ছলনা ॥

বড় ছিল মন, যুগল-মিলন,

করি দরশন নাচিব ।

পুরাও মা সাধ,

রাধা কালাচাঁদ,

মিলনের ফাঁদ পাতিব ॥

(দৈববাণী) কে তুমি ?—তোমার মনোবাঞ্ছা পূর্ণ হবে ।

নারদ । “কে তুমি ?”—অমন দৈববাণী, আমি নারদ

মুনি, শুনিনি ।

হেথা মাতা ভাঙাবে আমায় ?

প্রসুব-মুরতি বলি—

পাষণের মেয়ে পাষণ দেখায়ে

ছলনা আমার সনে !

কথা কও অভয়া প্রসুবময়ী,

নহে তুমি বৃদ্ধির কেমন

কৈলাস পুরীতে গিয়ে !

দৈববাণী শুনি

ভাগ্য মানে অকৃত জনে,

আমি দরশন মাগি ।

কথা কও বা না কও,

সমাচার লও,

যজ্ঞ হবে প্রভাস তীর্থেতে ।

শুনেছ পাষণ কাণে—

আদিবেন শ্রীকৃষ্ণ প্রভাসে,

সমাচার দিও তব ব্রজবাসিগণে ।

কি বলিব “নিমন্ত্রণ”—

নিমন্ত্রণ হয় নয় জান কত্যাঘনি,

এখন' পাষণ ভাণ !

চলিলাম কৈলাস-আলয়ে ।

পৌর্ণ । বৎস ! যাও, তব বাসনা পূরিবে,

রাধাকৃষ্ণ-মিলন হেরিবে,

আমিও ঘাইব মম ব্রজবাসী ল'য়ে ।

সন্দেহ তোমার না জানি কেমন,

গেছ শ্রীমতীর অমুমতি ল'য়ে,

স্থির কর হিয়া—

রাধিকার আশীর্বাদ বিফল কি হয় ?

কীৰ্ত্তি তোর রহিল অটল ।

নারদ । আর কীৰ্ত্তিতে কাজ নেই মা, আমি বুঝিছি,

তোমাদের কীর্তি তোমরা কর, আমি হরিগুণ গেয়ে বেড়াই
গে মা—চল্লুম ; ব্রজবাসীকে মুখ দেখাতে পারবো না, কাল
কৃষ্ণ এনে দিই ব'লে গেছি। বীণা, মা ব'লেছেন, আর
ভয় কি ? না, না, আর সন্দেহ করিসনে ? প্রভাসে কে
এল না এল, চল দেখি গে।

[নারদের প্রস্থান।

(বিদেশিনী-বেশে পৌর্ণমাসীর বাহির হস্তন)

বিদে। যাই আমি বিদেশিনী-বেশে

ব্রজে দিতে সমাচার,
শক্তিধীন ব্রজবাসী।
শত বর্ষ উপবাসী হবে,
শক্তি দিব প্রভাসে যাইতে।
মম বাক্য বিনা অভিমানে,
শ্রীমতী না প্রভাসে যাইবে।
ছদ্মবেশে যাই,
বিনা রাই কেহ না জানিবে।

(ফুলের সাজি হস্তে জটিল ও কুটিলার প্রবেশ)

জটিল। হা বাছা, তুমি কে গা ?

বিদে। ও গো, আমরা গো আমরা পাহাড়ী।

জটিল। পাহাড়ী হও আর যে হও বাছা, মন্দিরের
সামনে থেক না বাছা, এখানে পূজা-আচ্ছা হয় বাছা !

বিদে। কেন বাছা, মন্দির তো তোমার নয়, ঠাকুরও
তোমার নয়। যার খুদী সে পূজা ক'রবে।

জটিল। এ ব্রজের মন্দির বাছা, এ বাছা, যে সে পূজা
ক'রতে পায় না বাছা।

কুটিল। যে সে পূজা ক'রতে পায় না বাছা।

বিদে। কেন গা বাছা, যে সে পূজা ক'রতে পায় না
বাছা ?

জটিল। ভেংচোচ্ছ বাছা ? না ক'রবে দেব, ভাল চাও
তো স'রে যাও বাছা !

কুটিল। ভাল চাও তো স'রে যাও বাছা !

বিদে। কেন গা বাছা ? ছোটো ফুল দাও না বাছা।

জটিল। হা লো কুটিলে, তুই দাড়িয়ে দাড়িয়ে।
শুন্ডিস্ ? মাগীর নাকে ঝামা ঘ'ষে দিলি নে ?

বিদে। দে না বাছা ছোটো ফুল, আমি সাজি ; পাথরের
পায় দিবি বই তো না, আমি বড় সাজতে ভালবাসি, দে

জটিল। ও লো কুটিলে, ধরতো লো এই ফুলের
সাজি।

কুটিল। দে ত লো, ওমা দেখ্ দেখ্, মাগী ফুল তুলে
নে প'রুলে, ও দাদা, দাদা !

জটিল। ও রে—আয়ান রে, পেত্নী রে !

কুটিল। দাদা গো ! ফুল প'রেছে গো।

জটিল। ওরে আয়ান রে ! রাস্তা পেড়ে সাড়ী রে,
শাখচুরী রে !

কুটিল। দাদা গো ! মাথা ভবা সিন্দুর গো ! নাচেগো !

জটিল। ওরে আয়ান রে ! মাল্লে রে !

কুটিল। দাদা ! গেলুম গো !

বিদে। বাছা, তোমাদের শুভ-সংবাদ দিই, তোমাদের
শ্রীকৃষ্ণ প্রভাসে এসেছেন।

জটিল। ও মা, কি বলে গো !—নন্দের বেটা আসবে
বলে গো।

কুটিল। নন্দের বেটা আসবে বলে গো।

বিদে। তিনি আসবেন না,—তোমরা যাবে, শ্রীরাধা
যাবেন।

জটিল। ওলো, তাই লো তাই, তাই এত সজ্জা-
গজ্জা, কোথায় যাবে বাছা ?

বিদে। প্রভাসে।

জটিল। ওলো—তাই লো তাই, তাই এত ফুল তুলে-
ছিনো, দেখি গে চ তো, দেখি গে।

[জটিল ও কুটিলার প্রস্থান।

(বৃন্দার প্রবেশ)

বৃন্দা। কোথায় নারদ,
আর কি সে নিষ্ঠুর আসিবে এ বৃন্দাবনে,
কৃষ্ণ আনে নারদের হেন শক্তি কিবা ?

আমি মথুরায় আপনি গিয়েছি,

ব'লেছি রাধার দশা ;

সেধেছি—কেঁদেছি—

পায়ে ধ'রে মিনতি ক'রেছি কত।

তবু সে ত এল' না,

হায় !—

উৎসাহে সাজায়ে কৃষ্ণ আছেন শ্রীরাধা,

না এলে মাধব,
 শবসম পড়িবে ভূতলে—
 পুন এ নৈরাশে—
 রাধার কি হবে প্রাণ ?
 বিদে। অশ্বেষণ কর মা গো কাব,
 শুন শুভ সমাচার,
 শ্রামধন ব্রজের রতন
 পাবে পুন ব্রজবাসী।
 ধরহ বচন,
 প্রভাসে গমন করহ সত্বর সবে,
 কালাচাঁদ প্রভাসে উদয় হবে।
 শুন সুবদনি, বিলম্ব না কর,
 বার্তা দেহ রাধারে সুরিতে।
 মন্দ উপানন্দ আদি গোপ-বৃন্দে
 সবে কথা করিও জ্ঞাপন—
 যশোদারে ব'লো গোপাল আইল —
 চল যাবে দেখিবারে ;
 নীলমণি নবনী চেয়েছে।

বৃন্দা। কে মা তুমি সুভাষিণী ?
 অভিমানী রাধা বিনোদিনী,
 সে কি বরাননি, প্রভাসে কখন যাবে ?
 গেলে পরে সে কি, মা, চিনিবে ?
 হবে দায় রাধায় লইলে তথা,
 শোকে নন্দরাণী নাহি সরে বাণী,
 সে কেমনে প্রভাসে যাইবে ?
 শুন সুবদনি, তারে আমি জানি,
 সে বড় কঠিন শঠ,
 মথুরায় গিয়া,
 ফাটে হিয়া সুরিলে সে কথা,
 যে ব্যথা পেয়েছি, সুকেশিনি,
 কব কি তোমারে !

বিদে। রাধা-কৃষ্ণ-সম্মিলন হইবে প্রভাসে,
 সংশয় না ভাব, বৃন্দ, যাও নিজ বাসে।
 (বিদেশিনীর অস্থগ্গান)

বৃন্দা। শুন শুন, বুঝিতে ন রিহু
 তব কথার আভাস।

একি ! কোথা গেল সে রমণী !
 কাত্যায়নী ক্ষম মা জননি,
 চিনিতে নারিহু তোমা।
 আমি মুচমতি কিঙ্করী তোমার,
 তব—
 আঞ্জামত শ্রীরাধায় দিব সমাচার।
 ভাল মন্দ ভার তবোপরে,
 যাই মা সত্বরে,
 তব বরে হেরিব মা যুগল মিলন।

[প্রস্থান।

দ্বিতীয় গর্ভাঙ্ক

রাধাকৃষ্ণ .

(রাধিকা, ললিতা ও সখীগণের প্রবেশ)

রাধিকা। — (গীত)

কানেড়া—কাওয়ালী।

কেমনে বল স্বজনি, আশা দিব বিসর্জন।
 আনি ব'লে সে গিয়েছে, আশায় আছে এ জীবন ॥
 আমা বিনা সে কি জানে, ভুলেছে সে, প্রাণ কি মানে,
 প্রাণ রেখেছি সযতনে, পাব বলে কৃষ্ণধন।
 সে যদি সই, নয় গো আমার, কে আর বল আছে রাধার ?
 এমন কি হয় সে আমার নয়, ম'পেছি তাই প্রাণ-মন ॥

সখি, আসিবে সে মনোচোর,
 প্রত্যয় করলো কথা,
 মনোব্যথা জানে সে আমার,
 সে তো নয় নিদয় স্বজনি !
 পায়ে ধ'রে সেধেছিল—
 আমি সই ম'ছে ছার মানে
 কৃষ্ণ হ'তে বিদায় দিয়েছি তারে,
 বুঝি, যমুনার ধারে,
 ফিরে বঁধু কেঁদে কেঁদে,
 যাও সখি, ডেকে আন তারে।
 বুঝি, কৃষ্ণধারে আছে সে দাঁড়ায়ে,
 আমা ছেড়ে রহিতে না পারে !

যদি কভু বিরস হেরিত
শ্রাম আমার,
কাঁদিয়ে ভাসাত পীতধটা,
মনোদুখে সে কত কাঁদিছে সই !
ভাবি দিবা-নিশি মম কালশশী, —
আমা বিনা যতন কে জানে ?
সখি, শুন বুঝি বাজে লো বাঁশরী !

ললিতা । শুন কমলিনি !

বৃথা আশা ক'র না স্বপ্ননি,
আশায় নিরাশ কেন হবি ?
ফেন লো মজ্জিবি—

কৃষ্ণ তোর আর কি আসিবে ব্রজে ?

রাধিকা । সখি, আশা ছেড়ে কেমনে রহিব,
আশায় বেপেছি প্রাণ,
দুরূহ বিরহ সাধে কি গো সই !
কৃষ্ণ পাব জানি মনে মনে,
তাই প্রাণ বেঁধে রাখি প্রাণে !
নয়ন মুদিলে কে আমারে বলে,
'পাবে কৃষ্ণধনে ভেব না বিষাদ, রাই !'
তাই নারদের বাণী,
স্বপ্ননি, প্রত্যয় করি ।
বড় সাধে আছি সই, সাজায়ে বাসর,
আসিবে নাগর ; দেখ বুঝি এল, এল—

(বৃন্দার প্রবেশ)

কই, কৃষ্ণ কই ? বল বৃন্দে, বল মোরে ।

(গীত)

পাহাড়ী খান্ধাজ - মধ্যমান ।
মরি লো প্রাণসই, জানিনে কৃষ্ণ বই,
যা গো যা, প্রাণধনে আন না ।
সই লো সই, কালা বিনে, বাঁচিনে, বাঁচিনে,
জেনেও কি প্রাণসখি, জান না ।
আমার সে কাগাচাঁদ, দেখবো বড় সাধ,
ম'লে সই, আর তো দেখা হবে না ॥
যা লো যা করা করি, আন লো পায়ে ধরি,
সে বুঝি এমন জ্বালা জানে না ॥

বৃন্দা । শুন কমলিনি,
প্রভাসে এসেছে শ্রামচাঁদ ।
চল রাই, প্রভাসেতে যাই,
দেখা যদি পাই তার ।

রাধিকা । সখি, আশা বাসা ফুবাইল এতদিনে,
বৃন্দাবনে দাঁড়াইব বামে !
মনে মনে ছিল সাধ,
সাধে বাদ সাধিলেন কালাচাঁদ ।
আছে মনে কালশশী বারেক হেরিব,
সাধ করে প্রভাসে যাইব,
প্রাণ দিব চাঁদমুখ দেখিতে দেখিতে ।
না জানি স্বপ্ননি, আমি অভাগিনী,
বিধি যদি তাহে সাধে বাদ,—
কুলবধু কেমনে যাইব,
আয়ানের আজ্ঞা বিনা ?

বৃন্দা । কৃষ্ণবিলাসিনী,
আয়ান-ঘরণী হ'লে তুমি কত দিন ?
যাব তরে
কলঙ্কের পসরা ধ'রেছ শিরে,
যাব তরে শতবর্ষ ভান অঁখিনীবে,
যাবে সখি, হেরিতে তাহারে,—
আয়ান কি বাধা তায় ?
ছিলে কৃষ্ণময়,
কত দিন আয়ানেরে হ'য়েছ সদয় ?
শুনিতে বাসনা হয়, রাই !

রাধিকা । শুন সই,
এতদিনে পূর্কবিবরণ হ'তেছে স্মরণ,
আয়ান পরম ভক্ত, মম ;
কত জন্ম করি তপ জপ—
আমারে এনেছে ঘরে ;
পরকীয়া-অ স্বাদের তরে,
এ রঙ্গ করিল হরি ।
যাব সখি, ব্রজে আর না ফিরিব,
আয়ানেরে ব'লে যাব তাই,
সখিগণ, হও স্মরণিত,

চল সবে ঘাইব প্রভাসে,—
কৃষ্ণ-আশে আছে প্রাণ ।

(বিশাখা ও সখীগণের গীত)

লি—জলদ-একতালা ।

চল লো বেলা গেল লো, দেখবো রাধা শ্রামের বামে ।
হুকথা শুনিয়ে দিব, কপট নিষ্ঠুর বঁাকা শ্রামে ॥
ব'লবো কি পড়ে মনে, ননী-চুরি বৃন্দাবনে,
কাল কি হয় না ভাল, এমনি কি গুণ কৃষ্ণ নামে ॥
যুগলে দিব মালা, ভুলবো সহ, প্রাণের ছালা,
মোহন-ছাঁদে রূপের ফাঁদে, কঁাদবে পাড়ে রতি-কামে ॥

[সকলের প্রস্থান ।

তৃতীয় গর্ভাঙ্ক

নন্দালয়

(নন্দ ও যশোদার প্রবেশ)

নন্দ । শুন রাগি, শুন লোকমুখে—
নীলমণি এসেছে প্রভাসে,
শুনি, বিদেশিনী দেছে সমাচার ;
ব্রজবাসী যেতে চয় কৃষ্ণ-দরশনে ।
যশোদা । বল' ব্রজবাসিগণে,
কৃষ্ণপনে নারদ আনিবে ব্রজ,
তাই করে নবনী লইয়ে
আছি দাঁড়াইয়ে,
এলে নীলমণি সব্বারে দেখবে ডেকে ।

নন্দ । ষাণি, মুনির বচনে
বৃথা কেন কর আশা ?
বৃন্দাবনে নীলমণি যতপি আসিবে,
যজ্ঞ তবে কি হেতু প্রভাসে ?
কৃষ্ণ আর তোমার তো নয়
বসুদেব দৈবকীর,—
ভাবি তাই, কি বলিব ব্রজবাসিগণে !

যশোদা । চল তবে প্রভাসেতে যাই,
নায়াবিনী সে দেবকী.

ভুলায়ে' রেখেছে গোপালে'রে ;
দেখিলে আমায়,
মা ব'লে আসিবে ধেয়ে,
ননী দিয়ে,
কোলে ল'য়ে পলায়ে আসিব ।
নন্দ । যশোমতি ! তুমি বুদ্ধিমতী,
হেন কথা নাহি বল,
কোথা যাবে,
গোপাল কি চিনিবে তোমায় ?
মনে হ'লে বিদরে হৃদয়,
মথুরায় কত কথা কহিল নিদয় !
কৈদে মারা ব্রজের বালক,
তবু সে তো না আইল ফিবে ;
গিয়ে প্রভাসের তীরে
পুনঃ কেন হব অপমান ?

(বৃন্দার প্রবেশ)

বৃন্দা । ও মা নন্দরাগি ! শুন মা কাহিনী,
নীলমণি প্রভাসে এসেছে,
তাই ব্রজবাসী হইয়ে উল্লাসী
হেরিবে মাদব—করিতেছে কলরব !
চল নন্দরাগি,
কোলে পাবে নীলকান্ত-মণি,
দুঃখের রজনী অবসান ।

নন্দ । বৃন্দে, নিমন্ত্রণ নাই—যেতে ভয় পাই,
কি জানি কি বলিবে গোপাল ?
হবে গো জঞ্জাল রাণীরে লইয়ে তথা ;
আমারে সে যে কথা ব'লেছে,
বলে যদি যশোদার কাছে,
প্রাণে বাঁচে রাণী—
হেন বৃষ্টি নাহি অমুমানি ।

বৃন্দা । কৃপাময়ী কাত্যায়নী
বিদেশিনী বেধে,
দাসীরে দেছেন সমাচার,
আজ্ঞা তাঁর—
প্রভাসেতে হ'তে আশুনার ;

মিথ্যা নহে বাণী শুন নন্দরাণি,
ক্ষীর-ননী ল'য়ে, চল গো চল গো স্বরা !
যশোদা । চল, শীঘ্র চল যাই প্রভাসেতে,
নীলমণি বিনা গো পথের কাঙ্গালিনী,
মান অপমান কিবা,
নিমন্ত্রণ কিবা প্রয়োজন ?
বৃন্দা । আত্মজনে পাঠায় সংবাদ,
নিমন্ত্রণ নাহি করে ।
নন্দ । হও প্রস্তুত সকলে,
মিছা আর বিলম্বে কি ফল ?

(যশোদার গীত)

স্বরট-মিশ্র - একতাল্য

কোথায় গোপাল, আছি পথ চেয়ে ।

কোথা রে নীলমণি, আমায় মা বলে আয় পেয়ে পেয়ে ।

পাগলিনী তোর জননী, তোমা বিনা রতনমণি,

এস গোপাল । খাও রে ননী, কোলে ওঠো অঞ্চল পেয়ে ।

বৈধেছিলাম করে করে, আচ্ছ কি তাই রোষ ভরে ?

ঘর-আলো ধন এস ঘরে, মা বলেছ কারে পেয়ে ?

চল তবে,

গোপাল আমার, গোপাল আমার !

নন্দ । দেখি দায় পাগলিনী প্রায়,

নাহি জানি প্রভাসে কি হবে ?

[সকলের প্রস্থান ।

চতুর্থ গর্ভাঙ্ক

আয়ানের বাটী

(আয়ান ও রাধিকার প্রবেশ)

আয়ান । তবে যে কুটিলে ব'লছিল, তুমি প্রভাসে
যাবে ?

রাধিকা । আমি তোমার কাছে বাধা, কোথায় যাব ?

আয়ান । দেখ, পালিয়ে যাও তো দেখতে পাবে ।

রাধিকা । ভক্তি-ডোরে বেঁধেছ আমায়,

কোথা যাব সে ডুরী ছেদিয়ে ?

দিব্য চক্ষু করিছ প্রদান,

হের বিচ্যমান

আগাশক্তি আমি সনাতনী,

বিশ্বময়ী বিষ্ণু-প্রসবিনী,

আছি কৃষ্ণহারা, আমারে বিদায় দেহ ।

যুগ যুগান্তর, করিয়া কঠোর

আমারে কিনেছ তুমি,

তাই যেতে নারি, তাই হরি পরিহরি,

বাধা আছি তোমার আবাসে ;

ভ্রমে আচ্ছ ভুলে মোরে না চিনিলে,

রমণী না ভাব আর ।

আয়ান । অবোধ অজ্ঞানে—

ক্ষমা কর ক্ষেমকরি,

কি হেরি কি হেরি ব্রহ্মনয়ী রাধা,

বাধা আচ্ছ আমার দুয়ারে !

অপাঙ্গে নেহার — কিঙ্করে নিস্তার

পরমা প্রকৃতি সতি !

ভবভয়হরা, তুমি সারাৎসারা,

বিরাজিত সূক্ষ্মসূত্ররূপে ।

লোমকূপে ব্রহ্মাণ্ড তোমার,

ইচ্ছায় সংসার—ইচ্ছায় পালন লয়,

স্তুতি নাহি জানি, ওগো বাণ্‌বাণি !

দেহ বাণী করি গো বর্ণনা ;

পুরাইতে ভক্তের বাসনা,...

সেজে গোপাঙ্গনা

বিরাজ' গোপিনী-মাঝে ;

তুমি কালী কপালমালিনী,

অম্বরমন্দিনী,—

তুমি সীতা রাবণ-নিধনে,

অলৌকিক লীলা বৃন্দাবনে—

মূঢ় আমি, কি বুঝিব !

যাও দেবি! যথা অভিলাষ,

দাস বলি রেখ' মনে ।

(বৃন্দা ও সখীগণের প্রবেশ)

বৃন্দা । পরমাপ্রকৃতি রাধা নেহার নয়নে,

রাজীব-অঞ্জলি দেহ রাজীব-চরণে ।

আয়ান । ব্রহ্মময়ি, আমার কুসুমাজলি নাও ।

সকলে ।—

(গীত)

পঞ্চম বাহার—একতালা

নীলাম্বরে স্থিরদামিনী, ব্রজবিলাসিনী রাই ।

পদ্মভ্রমে পদতলে ভ্রমরা গুঞ্জরে তাই ॥

আমরা যত ব্রজবাসী, রাধা নাম ভালবাসি,

মুখে বলি রাধা রাধা, রাধা গুণ গাই ॥

বৃন্দা । শ্রীমতি, আর বিলম্ব কেন ? তোমার
শ্যামচাঁদ-দরশনে চল, যুগলমিলন দেখে আমরা পরাণ
জুড়াব ।

আয়ান । কিঙ্করকে কি মনে থাকবে ?

রাধিকা । তুমি আমার পরম ভক্ত, তোমার হৃদয়ে
আমি চিরদিন বিহার ক'রবো ।

সকলে ।—

(গীত)

ভেটিয়ার-মিশ্র—তেয়রা ।

পাগলিনী বিনোদিনী প্রাণবধূয়া আশে ।

প্রভাসে যায় বিরসে, স্মৃতি ছুটি ভাসে ॥

চলে রাই কমলিনী, সিন্ধু-মুখে তরঙ্গিণী,

কৃষ্ণপ্রমোদিনী রাধা, কৃষ্ণ ভালবাসে ॥

[সকলের প্রশ্নান ।

চতুর্থ অঙ্ক

—:—

প্রথম গর্ভাঙ্ক

কক্ষ

(বলরম ও নারদের প্রবেশ)

বল । সত্য বল নারদ আমায়

জীবিত কি ব্রজবাসিগণ ?

কিন্মা স্মৃগবৃন্দাবন,

প্রাণীশূণ্য গহন-কানন

শ্বাপদ সঙ্কুল ভয়ঙ্কর ;

বুঝি নন্দরাণী

বিনা তাঁর অঞ্চলের মণি,

ঝাঁপ দেছে যমুনা-সলিলে ?

নন্দ উপানন্দ হারায়ে গোবিন্দ

অনলে ত্যজেছে দেহ ;

কাকুহারা রাখাল সকলে,

বুঝি অনশনে অবলে ত্যজেছে প্রাণ ।

বুঝি বিরহ-বিকারে স্মৃথের বাসরে

কৃষ্ণনাম ক'রে শুকায়েছে কমলিনী ;

হতাশ-হতাশে ব্রজবাসী

বেঁচে বুঝি নাহি আর ।

নারদ । মৃতপ্রায়,—

মরে নাই ব্রজবাসিগণ ।

বল । মৃতপ্রায় !

বুঝি তাই আসে নাই নিমন্ত্রণে !

ছি ছি তপোধন,

এ সংবাদ অগ্রে পাই নাই,

কিন্মা তুমি ব'লেছ কৃষ্ণেরে

প্রেরণ ক'রেছ রথ আনিতে সকলে ?

নারদ । রথ কোথা করিবে প্রেরণ ?

বল । কেন, অজে যায় নাই রথ ?

নারদ । হেতু কিবা তার ?

বল । শোকে শীর্ণ ব্রজবাসিগণ

আসিতে অশক্ত সবে,

রথ বিনা কেমনে আসিবে ?

নারদ । কে পাঠাবে রথ ?

বল । কৃষ্ণ ?

নারদ । হরি ! হরি !

নিমন্ত্রণ ব্রজে দিতে মানা ।

বল । নিমন্ত্রণ মানা ব্রজে,

ব্যঙ্গ কর তপোধন !

নারদ । জান না কি কনিষ্ঠের রীতি ?

ব্রজে যেতে বিশেষ নিষেধ মোটে,

নিষ্ঠুর নিষ্ঠুর এমন কি হয়

নন্দালয়ে নিমন্ত্রণ মানা ;

আখিজলে ভাসি ব্রজ হ'তে আসি,

আগা ! কি দশায় আছে সবে,

নিরানন্দ মধু-বৃন্দাবন—

পশুপক্ষী করিছে রোদন,

ফলে ফুলে নাহি সাজে তরু-লতা,

কুংকু আচ্ছন্ন,

প্রাণশূন্য গোপ-গোপী যেন,

বিবহ-অনলে

দহিছে কোমল ব্রজাঙ্গনা,

যশোদার দশা কিবা কব,

কৈদে কৈদে অন্ধ ছ'নয়ন,

নিশ্বাস সঘন,

কভু রাণী গোঠে ধেয়ে যায় রড়ে,

কভু যমুনায় উর্দ্ধ্বাসে ধায় :

ধূলায় লুটায় কভু,

কভু আছে শ্বাস না হয় বিশ্বাস

পড়ে রাণী মৃতপ্রায় !

নন্দ ক্ষিপ্ত সম

শূন্যদৃষ্টি শূন্যপানে চায়,

শোকে ক্ষণ অচেতন, ক্ষণ বা চেতন !

কি কহিব কৃষ্ণের চরিত,—

এ সকল অনিয়া বর্ণনা, অপার ককণা,

কহিলেন—

‘মুনি ! কেবা মরে কার তরে,

সুখে আছি দ্বারকায়,

কেবা যায় নন্দালয়—

যজ্ঞে কাজ নাই গোপগণে নিমন্ত্রণে,

সভাস্থলে কিরূপে বসিবে,—

কবে মোরে চরাইতে দেখু,

ও জঞ্জালে কাজ নাই মুনি !

বৃন্দাবনে নাহি দেহ নিমন্ত্রণ ।’

বল । ধন্য তোরে ধন্য রে কানাই—

কেমনে সমাজে আর দেখাব বদন,

নিমন্ত্রণ ব্রজে মানা ;

ছি ছি, নাহি মায়া, যার অম্লে কায়া,

তারে বলে জঞ্জাল এখন !—

না জানি কেমন

গোবিন্দের মনের গঠন,

বৃন্দাবন পাসরিল, মম কলক রহিল,

জ্যেষ্ঠ আমি—কনিষ্ঠের নাহি দোষ ।

তব বাক্যে হ'তেছে প্রত্যয়,

তাই কৃষ্ণ কহিল আমায়,

নিমন্ত্রণ-ভার অপিয়াছি যোগ্য জনে,

সে কারণ উদ্বিগ্ন হ'ও না ।

নাহি কৰ্ম, নাহি ধৰ্ম, নাহি লোকভয়,

কদাচ উচিত নয় রহিতে এ স্থানে ।

যাও তপোধন,

বল গিয়ে কৃষ্ণেরে তোমার,

আজি হ'তে নাহিক স্ববাদ—

চলিলাম তীর্থ-পযাটনে পুনঃ ।

(শ্রীকৃষ্ণের প্রবেশ)

কৃষ্ণ । দাদা, হেথা তুমি ?

যজ্ঞে সবে উপস্থিত ।

বল । দেখিয়াছি যজ্ঞ-আয়োজন তব,

প্রশস্ত নিশ্বাণ বিশ্বকর্মার গঠিত,

মণি-কাঞ্চন-খচিত,

ঝলসে রতন-রাজি রবিকর ধরি,

সুসজ্জিত তিন লোক ব'সেছে আসনে,
দেববৃন্দ-সনে দেবেন্দ্র দেছেন বার,
নাগ, রক্ষ, গন্ধর্ক, কিন্নর,
যক্ষ, বিছাধর সুশোভিত যথাস্থানে :
অন্নপূর্ণা ঘরে, বিধি দেন বিধি,
পঞ্চানন যজ্ঞের রক্ষণে ।

কৃষ্ণ । দাদা, জ্যেষ্ঠ তুমি,—

তব যজ্ঞভার,
মহিমা তোমার—
যজ্ঞে হেন সমাগম ।

বল । কিন্তু কান্ন, অপার মহিমা তব,
ব্রজে নিমন্ত্রণ মানা—
যজ্ঞ হেথা—
ব্রজবাসী জানে না সংবাদ,
কবে দাদা ব'লে চিনিবি না মোরে ।
কেন প্রাণ ত্যজিব তখন—
সুযোগ থাকিতে যাই তীর্থ-পর্যটনে ।

কৃষ্ণ । নিমন্ত্রণ যশোদা মায়েরে,
পিতা নন্দে নিমন্ত্রণ—
নিমন্ত্রণ রাখাল-সখায় ?
দাদা, নিশ্চয় ভুলেছ ব্রজ,
পর যেই, তারে করি নিমন্ত্রণ ।

নারদ । বোঝা গেছে মাতৃপিতৃস্নেহ,
বোঝা গেছে সখার যে মোহ ।

কৃষ্ণ । হে নারদ, ঋষি তুমি,
কিবা জ্ঞান গৃহীর ব্যবহার,—
হ'লে নিমন্ত্রণ,
ব্রজবাসিগণ জীবন ত্যজিত হবে—
মনে হ'তো কৃষ্ণ ভাবে পর !
কে কোথায় পিতায় মাতায়—
নিমন্ত্রণ করি আনে ?
হেন তব লয় কি হে মনে,—
দাদা আমায় হবে নিমন্ত্রণ ?
কৌদল বাধান তব রীতি,
দাদা রাম অস্তুর সরল,
কুটিল-কৌশল ভেদিতে তোমার নারে ।

শুন মুনি, কহ সত্যবাণী,
সংবাদ পেয়েছে কি হে ব্রজবাসিগণে ?
নারদ । নহে সে তোমার গুণে,
আমি ব্রজে দিয়েছি সংবাদ ।
কৃষ্ণ । গুণ সকলি তোমার ঋষি,
নহে সহোদরে কৌদল বাধাও ?
বুঝ দাদা, জানে বা না জানে—
ব্রজে যজ্ঞের সংবাদ ।

বল । অবিচার কৃষ্ণে কি সম্ভব ?
শুন মুনি ! সারগভবাণী,
পরে করি নিমন্ত্রণ,
আত্মজনে নিমন্ত্রণ কিবা !
রথ গেছে ব্রজে ?

নারদ । ভাল ভাল, বলাই ঠাকুর,
তব বুদ্ধি আছে ঘটে ।

কৃষ্ণ । দাদা,
কিবা ভুলেছ রথ,
ভুলেছ কি শকট ব্রজের ?
মনে কর পৌর্ণমাসী নিশি,
আমা দৌহা বসি,
প্রাণপণে রাখাল শকট টানে,
হ'য়ে উত্তোরোলি 'শীঘ্র চল' বলি,
সখাগণে করিতাম কৃত্রিম তাড়না,
কতু রাখালে তুলিয়ে টানিতাম ছই জনে,
দাদা, সে শকট দেখিতে কি হয় সাধ ?
পথে পথে আসিতে রাখাল,
বনফল আনিবে ধটীতে বাপি ;
ল'য়ে ক্ষীর ননী আসিবে জননী,—
গোঠে মাতা ধাইত দেমন ;
ব্রজবাসী যার যেই ভাবে,
প্রভাসে আসিবে—
ব্যগ্র প্রাণ হেরিতে সে ছবি !
আনিয়াছি ধটী, আনিয়াছি ছড়া,
ব্রজবাসী রাজবেশে না হেরিবে ;
মম ব্রজবাসী—
জানে মোরে ব্রজের রাখাল,

জানে মনে, আজও দেখে ল'য়ে ফিরি বনে,

প্রেমের স্বপন—

ভঙ্গন করিব দাদা, দ্রথ পাঠাইয়ে ?

নারদ। প্রভু,

ব্রহ্মলীলা বুঝিব কেমনে ?

অবোধ অজ্ঞান মূঢ় আমি।

বল। ব'লেছি নারদ, কানাইয়ের নাহি অপবাদ।

কৃষ্ণ। দাদা, চল যজ্ঞখানে,

অভ্যর্থনা-ভার তবোপরে।

বল। ভার তোর—

আমি গঙ্গাতীরে করি গিয়ে নমস্কার।

কৃষ্ণ। দাদা, পঞ্চানন করিছেন আবাহন।

[সকলের প্রস্থান।

দ্বিতীয় গর্ভাঙ্ক

তোরণ-সম্মুখ

দ্বার-রক্ষকগণ।

১ম-দ্বারী। বলি দেখ্‌ছিস্, কাঙ্গালীর ভিড়, হু' এক ঘা না দিলে কি দোর রাখতে পারবি ?

২য়-দ্বারী। ওরে, দ্বারিকানাথ রাগ ক'রবেন।

১ম-দ্বারী। রাগ ক'রবেন, তবে তুই সামলা, আনার ব'কে ব'কে মুখে ফেকো প'ড়ে গেল, ঐ দাখ, একদল কাঙ্গালী ঝাঁপিয়ে আস্ছে।

(রাখালবালকগণের প্রবেশ)

শ্রীদাম। কোথা রে রাখালরাজা ভাই,

দেখা দে কানাই,

আয় দেখে চরা'বি গোদন,

রাখালের জীবনের ধন,

কোথা ভাই আছ তুলে ?

আয় ভাই, গোঠে মাঠে যাই,

আয় বনে ধবলী চরাই,

কাছ, তোর বেগুরব বিনে,

দেখুগণে তুণ না পরশে,

বনফল ল'য়ে আছি পথ চেয়ে,

বহুদিন দিই নাই মুখে তুলে—

আকুল রাখাল এস রে গোপাল,

কত কাল সহে আর প্রাণ ?

কেন ভাই হ'লি রে নিষ্ঠুর—

দুঃখ কর দূর,

অয় দেখে বাঁশরী বাজা'য়ে।

১ম-দ্বারী। বলি, তুমিও যে বাঁশী বাজিয়ে দেখে দেখে আস্ছ দেখ্‌ছি,—এখনই কান্না শুরু ক'রেছ কেন ? একটু থাম না, যজ্ঞ হোক, খেতে পাবে, কাপড় পাবে, ধন পাবে,—আঃ ন'লো, এ দিকে কোথা আস্ছিস্ ?

শ্রীদাম। দ্বারি!

১ম-দ্বারী। আ মরি ! প্রাণ ঠাণ্ডা ক'রুলে আর কি, যা যা, ম'রে যা।

শ্রীদাম। আমাদের রাখালরাজকে দেখতে যাব, মানা ক'র না।

১ম-দ্বারী। বলি, তোমার রাখাল কি যজ্ঞের ভেতর গরু চরাচ্ছে নাকি ?

শ্রীদাম। আমাদের ব্রহ্মেশ্বর ভাই কানাইকে দেখতে যাব।

১ম-দ্বারী। বলি, কেন পাগলামী ক'রচো, পাগলামী ক'রলে কি কিছু বেশী পাবে ? তোমার কানাই ভাই কি রাজবাড়ীর ভেতরে ?

শ্রীদাম। ওরে, আমাদের রাখালরাজা কৃষ্ণ ; কৃষ্ণ প্রভাসে এসেছেন, কৃষ্ণ দরশনে বাধা দিও না।

১ম-দ্বারী। ওই শোন, দ্বারিকানাথ কৃষ্ণ ওদের রাখাল-রাজ ! এ আব্দার কথায় যাবে না, হু'ঘা ওদের দিতে হবে, আ রে—ব'স্ ব'স্, এখন দেয়লা করিস্নি।

শ্রীদাম। দ্বারি ! তোমা'য় বিনয় ক'চ্ছি, আমরা ব্রহ্মবাসী, আমাদের ভাই কানাইকে একবার দেখ'বো ; দোর ছেড়ে দাও।

২য়-দ্বারী। ওরে, তুই পাগল নাকি ? তোর ভাই কানাই এই রাজা-রাজডার সভায় ? চূপ্ ক'রে ব'স্ গে যা—যা চাস্, পাবি এখন।

১ম-দ্বারী। ভাই কানাই হেথা কোথা ? মাঠে দেখ'গে না ?

শ্রীদাম। দ্বারি ! দ্বার ছেড়ে দাও, আমরা ধন-রত্ন চাই

নে, কৃষ্ণহারা—আমরা শতবর্ষ কৃষ্ণহারা হ'য়েছি, আমাদের
প্রাণকানাইকে দেখ'বো ।

১ম দ্বারী । কৃষ্ণ কৃষ্ণ ক'বুছিস, কৃষ্ণ কে রে ? কৃষ্ণ তো
দ্বারকানাথ ।

শ্রীনাম । আমাদের ব্রজের রাখাল ।

১ম-দ্বারী । দূব, দূব, দূব, এখনি খুন ক'বুবো ।

শ্রীনাম । শুন দ্বারি ! করি হে মিনতি,
ব্রজতে বসতি,

বহু ক্লেশে কৃষ্ণধন-আশে,

প্রভাসে এসেছি সবে ;

কৃষ্ণ নাহি হেরে পরাণ বিদরে,

আছি প্রাণ ধ'রে,

দেখা পাব ব'লে তার ;

সে যে নন্দ্র গোপাল,

ব্রজের রাখাল,

গো-পাল চরাত সাথে,—

সে যে বেণু বাছাইত,

গোঠে মাঠে নাচিয়া খেলিত,

নয়ন জুড়াত হেরে ;

সে যে রাখালের প্রাণ, রাখালের স্তান,

রাখালের সর্কস্ব-রতন ;

বনকুল তুলে,

মিষ্ট হ'লে দিতাম বদনে তার,

বিরহে তাহার দেখ রে আকার,

একাকার ব্রজপুরী !

দ্বার ছাড় দ্বারি ! হেরি সে ব্রজের ধন ।

১ম-দ্বারী । বলি গুই, এ কি বলে রে ?

শ্রীনাম । পথে পথে তুলি বনকুল,

রাখাল সকল এনেছি রে ধটা ভ'রে,

এঁঠো ফল মেঠো ব'লে খায়,

ছাড় দ্বারি, যজ্ঞস্থানে যাব,

এখনি আসিব বজ্ররাজে সাথে ল'য়ে,

হেঁটে যেতে কোনমতে দিব না বে তারে,

স্বপ্নে ক'রে ল'য়ে যাব ব্রজধামে ;

দ্বারি, ছাড় দ্বার, রাখাল আমাব—

দেখিব কেমন আছে ।

১ম-দ্বারী । পাগ্লা ব্যাটা, সব, নইলে গলা ধাক্কা দেব ।
শ্রীনাম । আরে রে কানাই !

এই কি রে মনে ছিল তোর ?

ধ'রে গোবর্দ্ধন, রাখিলি জীবন,

বিষপানে দিলি প্রাণ,

দেখ এসে মরি রে প্রভাসে,

দেখ এসে রাখাল সকলে,

প্রাণ দিবে কুতূহলে,

তুমি যদি ঠেলে থাক পায়,

কানু দেখা দে রে প্রাণ যায় ।

সকলে—

(গীত)

টোরী-ভৈরবী—যং ।

প্রভাসে তোর রাখাল মরে,

কোথা রাখালরাজা ভাই ।

আয় রে তোরে দেখে মরি, এস রে এস কানাই ।

বাকুল হ'লে এস ধেয়ে,

বাকুল রাখাল দেখ চেয়ে,

এস রে এস রে কানু, বারেক দেখে যাই ।

হের গোধন তোমার তরে,

ঝর ঝর আঁখি ঝরে,

আছে পথ চেয়ে আকুল হ'য়ে,

হাথারবে ডাকে তাই ॥

১ম-দ্বারী । (নেপথ্যে চাহিয়া) ছাখ্, ছাখ্—মাগী যেন
মিন্‌সেকে টেনে আনছে ।

২য়-দ্বারী । ও রে, মাগী বুঝি পাগল রে ! দেখ্, দেখ্,
আকুল হ'য়ে ধেয়ে আসছে, যেন বৎসহারা গাভী ।

১ম-দ্বারী । মাগী বড় কান্দাল, শুনেছে এখানে বেশী
দান—

(যশোদা ও নন্দ্রের প্রবেশ)

যশোদা । দ্বারি ! ছাড় দ্বার, নীলমণি নেব কোলে,

শতবর্ষ দেখি নাই তারে, দেখিব তাহারে,

প্রাণে আর প্রাণ নাহি ধরে ;

দে রে দ্বারি ! ছেড়ে পথ,

সে যে গোপাল আমার,

বহুদিন মা ব'লে ডাকে নি ।

২য়-দ্বারী। আহা! আহা! মাগী কি বলে রে ?

নন্দ। শুন দ্বারি! গোপাল আমার

মাথায় বহিত বাধা,

বাবা ব'লে

উঠে কোলে আঁটিয়ে ধরিত গলা ;

শতবর্ষ সে গোপাল-হারা ;

তাই, প্রাণপণে এসেছি ছ'জনে

গোপালে লইতে কোলে ;

কৃষ্ণ বিনা কিছু আর নাই।

১ম-দ্বারী। দেখ, কৃষ্ণ কৃষ্ণ ক'রছে, বলি তোর বাড়ী
তো অজে ?

নন্দ। হাঁ বাপু!

প্র-দ্বারী। বলি শুনছো, ওরা কৃষ্ণ কৃষ্ণ ধুয়ো তুলে
দেছে ; আমি জানি, ব্রজের কাঙ্গাল ভারি কাঙ্গালী ; ওরা
কি কথায় ফিরবে ?

যশোদা। দ্বারি, দোর ছাড়।

২য়-দ্বারী। বাছা, তোমার গোপাল কে বাছা ?

যশোদা। আমার নীলমণি! দেখ দ্বারি, তার তরে
ধনে ক্ষীর আর ধরে না।

নন্দ। দ্বারি! ও জানে না, গোপাল তোমাদের
কৃষ্ণ, তোমাদের দ্বারকানাথ।

যশোদা। গোপাল আমার নীলমণি! পীতদটী পরায়ে
মোহন-চূড়া বেঁধে দিয়ে, গোপালকে আমার রাখালদের
পাশে গোঠে পাঠাতুম।

২য়-দ্বারী। বলি বাছা, তোর সে মেঠো গোপাল এ
বাড়ীতে থাকবে কেন ?

১ম-দ্বারী। মিন্‌সে! তোর আঁকল নাই, এসেছি স্
ভিক্ষা ক'ত্তে, আর বলছি স্, দ্বারকানাথ তোর ছেলে ; কি
ব'লবো, মাঝবার তুমি নাই, নইলে তোকে খুন ক'রে
ফেলতুম।

নন্দ। দ্বারি, কৃষ্ণ নাম দিল গর্গমুনি,

আমি বলি নীলমণি ;

কৃষ্ণ আছে পুরে,

দ্বারি, ছাড় দ্বার কৃষ্ণেরে দেখিব।

১ম-দ্বারী। ওই ছাখ্ মাগী ভুলে গিয়েছিল, ছটো
কথার শাটে সাম্লে নিলে।

২য়-দ্বারী। এ ঢং নয়, বুঝি মাগী পুত্রশোক
পাগল।

নন্দ। দ্বারি, ছাড় দ্বার।

যশোদা। দ্বারি, পলকে প্রলয় হয় জ্ঞান,

দ্বার ছাড় দ্বারি!—

মরি আমি কৃষ্ণ বিনা।

২য়-দ্বারী। ও গো বাছা, বোঝ না, কাঙ্গালী কি যজ্ঞ
যেতে পায় ?

যশোদা। কৃষ্ণধন বিনা আমি কাঙ্গালিনী,

কৃষ্ণধন পাব, হব নন্দরাণী ;

তাই দ্বারি, মিনতি তোমায়,

বাঁচাও বাঁচাও, দ্বার ছেড়ে দাও,

কৃষ্ণহারা আমি পাগলিনী।

১ম-দ্বারী। না না, মাগী সব্ সব্!—

যশোদা। কোথা কৃষ্ণ, কোথা রে নীলমণি!

মরে নন্দরাণী—দেখে যাও বাপধন,

তুমি ধ্যান জ্ঞান, তোমা বিনা আর নাই,

জ্ঞান তো জ্ঞান তো—দুখিনী জননী

তোমা-হারা কাঙ্গালিনী!

কোথা যাছ মণি,

কোথা আছ মাকে ভুলে ?

এস কোলে, ডাকরে মা ব'লে,—

আয় তোর ধটা বেঁধে দিই,

খেলায় ধুলায় ভুলে কি র'য়েছ ?

আছি আমি পথপানে চেয়ে,

এস দেখে গোপাল আমার,

অঞ্চল ধরিয়ে

ধুর ঘুরে দে রে করতালি,

অন্তরের কালি ধুয়ে যাক্ যাছ মণি!

আয় তোর মুখে ননী দিয়ে

বিভোর হইয়ে,

শতবর্ষ ভুলি পল সম,

আয় তোরে শোয়াই অঞ্চলে,

হেরি মুখখানি

বদন মুছায়ে চাঁদমুখে শত চুষ দিয়ে,

কাঙ্গালিনী পুন হই নন্দরাণী!

আয় কৃষ্ণ -আয় রে নীলমণি !

১ম-দ্বারী । চোপ্ !

২য়-দ্বারী । ও রে মাগী, খাম্ না, তোরে অনেক ক'রে

দান দেবে, এখন পাঁচবৎসর ব'সে থাকি ।

যশোদা । চাই কৃষ্ণধন,

নহি অল্প ধন কাঙ্ক্ষালিনী,

দ্বারি, করে ধরি—ছাড় পথ,

কৃষ্ণগত প্রাণ যশোদার,

কৃষ্ণ বিনা রহ বা না রয়—

তাই কৃষ্ণ বারেক দেখিব,

তাই কৃষ্ণধনে নবনী খাওয়াব,—

প্রাণ দেব, মা যদি না বলে ।

বসুদেব দৈবকীর নয়,

আমার তনয়,—

খেলিত অঞ্চল ধরি ।

ছাড় পথ, মৃতবৎ হ'য়েছি গোপাল বিনে,

শতবর্ষ আশায় কেটেছে,

এ আশায় ক'র না নিরাশ ।

পথ ছেড়ে দাও, কৃষ্ণেরে দেখাও,

দ্বারি, তোম হবে রে কল্যাণ,

পুত্রদান কর রে প্রভাসে ।

১ম-দ্বারী । বলি, কৃষ্ণ কৃষ্ণ ব'লুছিল, আবার বসুদেব

দৈবকী তুললে, বেরো মাগী ! দ্বারকানাথ তোমার ছেলে,

খুন ক'রবো মাগীকে ।

যশোদা । দ্বারি, ব'দো না রে,

কৃষ্ণ হেরে ত্যজিব জীবন ;

কৃষ্ণ অদর্শনে এ তাপিত প্রাণ,

শতবর্ষ রেখেছি বাঁধিয়ে—

নীলমণি পাব ব'লে ;

কোথা কৃষ্ণ, কোথা রে নীলমণি !

গীত

শ্রীমল্ল-কৌশিকী—আড়াঠেকা ।

আয় রে গোপাল, কোথায় গোপাল,

কোথা রে অঞ্চলের ধন ?

মা ব'লে আয়—আয় নীলমণি,

দেখে মরি চাঁদবদন ।

(ধী রে) বহুদিন তো খাওনি ননী,

কোথায় আছ বাহুমণি,

এস গোপাল মা ব'লে যা,

শুনি এ জনমের মতন ।

(ওরে) ছিলিনে ত নিদয় এত,

ব্যাকুল হ'য়ে ডাকি কত,

(পথের) কাঙ্ক্ষালিনী তোর জননী,

দেখে যারে নীলরতন ।

নন্দ । যশোমতি, যবে বৃন্দাবনে—

বেলা যেতো গোপাল খেলিতে গোষ্ঠে,

বাগ হ'য়ে, ক্ষীর-সর ল'য়ে—

ডাকিতে গোপাল ব'লে ;

সেই মত ডাক নন্দরাণি,

নীলমণি যদি আসে মেয়ে ।

যশোদা ।—

(গীত)

ভৈরবী—মধ্যমান ।

গোপাল আয়, গোপাল আয়, নেচে আয় নীলমণি ।

আছি রে দাঁড়ায়ে পথে, ল'য়ে ক্ষীর-নবনী ।

নয়ন-তারা হ'য়ে হারা, দেখ রে হ'য়েছি সারা,

তোমা বিনা রতনমণি, পাগলিনী তোর জননী ।

(ওরে) কোথায় গোপাল আছ তুলে, মা ব'লে ডাক বদন তুলে,

মা'রে তুলে থেক না আর, মা তোর অতি দুখিনী ।

গোপাল আয়, নবনী পেয়ে যা আয়—

(শ্রীকৃষ্ণের প্রবেশ)

কৃষ্ণ । মা—মা !—

যশোদা । গোপাল, মা বল, মা বল, শতবর্ষ চাঁদমুখে
মা বল' নি !

কৃষ্ণ । মা—মা !—

নন্দ । গোপাল, গোপাল, বাবা ব'লে ডাক, আমি
তোম পিতা—নন্দ ।

কৃষ্ণ । বাবা—বাবা !—

শ্রীদাম । ভাই কানাই ! একবার কোল দে ।—

কৃষ্ণ । সখা—সখা !—

শ্রীদাম । ভাই কানাই ! তুলেছিলি ?

কৃষ্ণ । কারে তুলব' ভাই ? আমি যে তোমাদেব
রাখাল-রাজা । মা—মা, শতবর্ষ নবনী খাইনি মা, ননী দে ।

যশোদা। নীলমণি ! মাকে ভুলে কেমন ক'রে ছিলি ?
আমি যে তো বিনে মরি ! গোপাল, আমায় ছেড়ে তুই
থাকতে পারিস ? হা রে, তুই কি চূড়া-ধড়া ফিরিয়ে
দিয়েছিলি ? তুই কি ব্রজরাজকে বিদায় দিয়েছিলি ?
তুই কি রাখালকে ব'লেছিলি, আর ব্রজে যাবিনি ?

কৃষ্ণ। না—মা !

২য়-দ্বারী। তারা কিছু ব'লবে না, তাদের যে আনন্দ
দেখলুম ;—তারা কারেও কি নিরানন্দ করে ?

[প্রস্থান।

তৃতীয় গর্ভাঙ্ক

অপর তোরণ

দ্বার-রক্ষকগণ।

(রাধিকা ও সখীগণের প্রবেশ)

রাখাল-বালকগণ।

(গীত)

ছায়ানট—একতারা।

এসেছে এসেছে কানাই !—

বৃন্দাবনে বনে বনে, কানু নিয়ে চল যাই।

দাড়াবে কদম-তলায়, সাজাব বনমালায়,

প্রাণের কানাই, কানাই বিনে,—

রাখালের আর কেউ তো নাই !

আবার গোষ্ঠে বাজবে বেণু, আবার গোষ্ঠে নাচবে ধেনু,

আবার গোষ্ঠে খেলবে কানু,

কানাই নিয়ে খেলবে ভাই !

কৃষ্ণ। বাবা, যজ্ঞস্থলে চলুন, মা এস,—আয় ভাই
তোরা।

যশোদা। মা বল, গোপাল, আমার প্রাণ ভরেনি।

কৃষ্ণ। মা—মা !

[নন্দ, যশোদা, রাখালগণ ও শ্রীকৃষ্ণের প্রস্থান।

নেপথ্যে। দ্বারি, দ্বারক্ষার প্রয়োজন নাই।

১ম-দ্বারী। আমার আঁকল ছেড়েছে,—আরে, চূড়া-
ধড়া-বাঁধা কৃষ্ণই তো বটে, তুই বুঝি কি বল দেখি ?

২য়-দ্বারী। আর তুইও যেখানে, আমিও সেখানে, কি
বলবে বল ?

১ম-দ্বারী। মাগী মিন্‌সে যা ব'ললে, তা ফলালে, বাবা !
একি প্রেমের তার বাঁধা ? সাত মহল বাড়ীর ভিতর
থেকে মা ব'লে মেয়ে এল ভাই ! ওদের গদ্যনা নিতে
গেছলুম, কি হবে ?

২য়-দ্বারী। আমি তোকে বারণ ক'রলুম, কিছু বলিস
নি।

১ম-দ্বারী। আমার অপরাধ কি ? কাছালীকে রাজা
মা বলে, আমার চোদ পুরুষে জানে না ! চল ভাই, ওদের
পায়ের-হাতে ধরি গে, কিছু না বলে।

রাধিকা। যা লো ব্রজে ফিরে,

কৃষ্ণ ব'লে বসিলাম তরুমূলে,

ছিঃ ছিঃ, দিক্‌ প্রাণ !

শতবর্ষ রহিলাম কৃষ্ণ বিনা,

তাই সখি, পাই মনস্তাপ !

সখি, যে আশায় রেখেছিলি প্রাণ,

আশা সমাধান

হ'লো এ প্রভাসে এসে :

বিফল বাসনা, বিফল যজ্ঞগা,

দেখা ত হ'লো না, কেন দেহ ধরি আর ?

সখি, হ'ল না মেলানি,

ব্রজে যাও ফিরে,

কতু মনে ক'র রাধিকারে।

সখি, যে জ্বালা সয়েছি

জান তো স্বজনি,

আর কেন আশার ছলনে ভুলি ?

কোথা কৃষ্ণ, কোথা রাধানাথ !

কোথা মোর বংশীধর !

রাধার জীবন,

কোথা মদনমোহন শ্যাম !

কৃষ্ণ, কৃষ্ণ, এত কি রাধার সয় ?

গীত

কুকুভা—ত্রিতালী।

সয় ব'লে কি এতই প্রাণে সয় ?

প্রাণ মন সমর্পণে, এতই কি সে দোষী হয় ?

ছি ছি সখি, কি লাঞ্ছনা, কেন সব এ যন্ত্রণা ?
জীবন থাকিতে সখি, যাতনা ত যাবার নয় !
ছি ছি সখি, ছার বাসনা, তবু তার উপাসনা,
আশা বিসর্জন দিয়ে, তবু পথ চেয়ে রয় !

বৃন্দা । আরে দ্বারি, ছাড় দ্বার ।

রাজা তোর—রাইরাজার প্রজা,
কোটালি ক'রেছে ব্রজে ;
সাক্ষী—সখিগণ,
দাস-খং লিখে দেছে পায় ;
রাধা ব'লে বাজাত বাশরী,
কাদিত রাধার পায়ে ধরি,
ফিরিত কুঞ্জের দ্বারে দ্বারে—
তার দ্বারী রাধিকারে বল কুবচন ?
দ্বারি, চক্ষু নাই, আত্মশক্তি রাই—
ব্রজেশ্বরী—মুরারি-মোহিনী,
তোর রাজা চোর—এত কিসে জোর,
ব্রজে খেত ননী চুরি ক'রে ;
গোপিকার প্রাণ মন হ'রে
মথুরায় পলায়ে আইল ।

১ম-দ্বারী । হা বাছা ব'স তুমি, ওরে পাগল, কিছু
বলিস্ নি ।

বৃন্দা । হা নিষ্ঠুর ! হা কপট !

দ্বারে এনে এত অপমান !

রাধিকা । রাধানাথ ! কোথা তুমি ?

ওষ্ঠাগত প্রাণ !—

(শ্রীকৃষ্ণের প্রবেশ)

কৃষ্ণ । রাধে !—রাধে, রাখ পদে, কিঙ্কর তোমার ।

ললিতা । কালাচাঁদ, কাজ নেই আর !

বৃন্দা । ছি ছি, কি কঠিন তুমি শ্রাম !

জান ত রাধায়, তোমা বিনা রয় মৃতপ্রায়,
এ দশায় শতবর্ষ রেখে এলে ?
ধিক্ ধিক্ জুর, কপট, নিষ্ঠুর,—
তোমা বিনা যেই নাহি জানে,
হেন দুখ দেহ তারে ?
দিন দিন সাজা'য়ে বাসর,

তৃষিত চকোর,

যামিনী যাপিল তোমা স্মরি,—

তুমি রাজকণ্ঠা সনে

স্বর্ণ-সিংহাসনে,

ধরাসনে লুপ্তিত হইত রাই ;

তুমি হে রাখাল, হইলে ভূপতি,

কাম্বালিনী শ্রীমতী উন্নতা ব্রজে ।

ছি ছি শ্রাম !

দয়াময় কি গুণে তোমায় বলে ?

যার কৃষ্ণ দ্যান, কৃষ্ণ জ্ঞান,

কৃষ্ণ বিনা কিছু নাহি জানে যেই—

বল' তারে বদিলে কি ফল ?

পারী মানা না শুনিল,

রাখালেরে দিল প্রাণ,

তাই এত অপমান—

কত সহ্যে রাজার নন্দিনী ।

কৃষ্ণ । বৃন্দ ! যে জালা অন্তরে,

জানাইব কারে,—

কি করিব দারুণ কঠিন অভিশাপ,

এ হেন সম্ভাপ যেন কতু নাহি হয় কার !

রাধা বিনা যে যাতনা প্রাণে,

রাধা জানে প্রাণে প্রাণে,—

বচনে কহিব কত !

রাধে ! ক'র না লো মান, ঢেক' না বঘান,

শতবর্ষ সঘেছি বিচ্ছেদ !—

যে জালায় দিবানিশি জলি,

কারে বলি তোমা বিনা ?

বৃন্দা । ভালয় ভালয়, পায়ে ধর' শ্রাম !—নইলে কি

আবার যোগী হ'য়ে কাঁদবে ?

কৃষ্ণ । বৃন্দ, আমার পক্ষ তুমি :—

মানময়ী, কমলিনি,

পায়ে ধরি—মান ভিক্ষা দাও ।

রাধিকা । ছি ছি শ্রাম, ধ'র না চরণ,

মান-বিসর্জন দিছি, শ্রামধন,

শ্রীচরণ কেন নাহি পাব ?

তুমি ছিলে ভুলে,

রাধা কহু ভোলে নাই রাধানাথে,
 ব্রজগোপিকার—
 মান, প্রাণ কিবা আছে আর,
 মান এবে বলি,
 মানে মানে যাও তুমি চলি,
 বিনা বনমালী রাধার কি মান আছে ?
 দেখ চেয়ে তোমা হারা হ'য়ে,
 অ জ্ঞ আছে ছার প্রাণ !

কৃষ্ণ । মান পরিহরি
 প্রাণ দিয়ে বুঝ প্রাণপ্যারি !
 তোমা বিনা আমি আর কার ?

(দেবদেবীগণের গীত)

দেওগিরি-মিশ্র—একতাল।

পুরুষ ।—প্রাণে বয় প্রেমের তুফান,
 শ্বামের বামে রাই কিশোরী ।
 স্ত্রী ।—চাঁদে ফাঁদে, চাঁদে বাঁধে,
 চাঁদে চাঁদে ধরাধরি ॥
 সকলে ।—আমরা যুগল ভালবাসি !
 পুরুষ ।—চোকে চোকে মেশামিশি,
 চ'লে পড়ে প্রেমের ভরে,
 স্ত্রী ।—ঝলকে রূপের রাশি,
 প্রাণের ফাঁসী প্রাণে পরে ;
 পুরুষ ।—মরি মরি যুগল মাধুরী,
 ব'য়ে যায় স্বধার লহরী ।
 স্ত্রী ।—মথি, কি দেখি কি দেখি, আপনা পাসরি ॥
 সকলে ।—আমরা যুগল ভালবাসি !

মননিকা

আনন্দরহো

—:—

(ঐতিহাসিক নাটক)

[৯ই জ্যৈষ্ঠ, ১২৮৮ সাল, শ্রাসাশ্রাজ থিয়েটারে প্রথম অভিনীত]

নাট্যোল্লিখিত ব্যক্তিগণ

পুরুষ

আকবরসাহ	...	দিল্লীর সম্রাট ।
রাণা প্রতাপ	...	উদয়পুরের রাণা ।
সেলিম	...	আকবরের পুত্র ।
মানসিংহ	...	আকবরের সেনাপতি ।
নারায়ণসিংহ	...	মৃত ঝালার সর্দারের পুত্র ।
ভাম্বা	...	রাণা প্রতাপের মন্ত্রী ।
আকবরসাহের মন্ত্রী		
বেতাল		
গুরাহগণ, নায়েকগণ, সভাসদগণ, দূত, খণ্ড, মল্ল,		
সেনানায়কদ্বয়, কোতোয়াল, গুপ্তচর, রাজপুত্র ও		
মুসলমানগণ, সৈন্যগণ, প্রহরীগণ, প্রজাগণ,		
বালক, ঘাতক, রক্ষকদ্বয়, অস্ত্রচর,		
ভৃত্য ইত্যাদি ।		
		স্ত্রী
মহিষী	...	(রাণা প্রতাপের)
লহনা	...	মানসিংহের কন্যা ।
যমুনা	}	...
কাম্বুন		
		সখীগণ ইত্যাদি ।

সংযোগস্থল—দিল্লী ও আরাবল্লী পর্কত ।

প্রথম অঙ্ক

—:—

প্রথম গর্ভাঙ্ক

বনমধ্যস্থ পথ

(অদূরে কুঞ্জসংলগ্ন কালী-মন্দির)

আকবর ও মানসিংহ ।

আক । রাজ-করও তো আবশ্যিক—

মান । সত্য ; কিন্তু যে দীন প্রজা, তীর্থদর্শনে মানস ক'রবে, এই কর যে তার স্মৃতির প্রতিরোধক হবে, তার সন্দেহ নাই ।

আক । তীর্থযাত্রীর কর এক পয়সা মাত্র, মহারাজ কি মনে করেন, এক পয়সা স্মৃতির প্রতিরোধ করে ?

মান । জাঁহাপনা, তথাপি সে স্মৃতি—

(নেপথ্যে)—আনন্দ রহো ! আনন্দ রহো !!

আক । এমন দীন প্রজাও কি দিল্লীতে আছে ?

মান । জাঁহাপনা, ইং অপেক্ষাও দীন প্রজা দিল্লীতে আছে ।

(নেপথ্যে)—আনন্দ রহো ! আনন্দ রহো !!

আক । যদি আপনাকে আমি বিলক্ষণরূপে না জান্তেম, আপনাকে মিথ্যাবাদী বলতেম । আমার সন্দেহ, ক্ষমা

করুন, আপনি কি যথার্থই জেনে ব'লছেন যে, একরূপ দীন প্রজা দিল্লীতে আছে? বিশেষ তত্ত্ব নিয়েছিলেন কি?

মান। বিশেষ তত্ত্ব না নিলে এক পয়সার কথা জাঁহাপনার সম্মুখে নিবেদন ক'রতে সমর্থ হ'তেম না।

আক। ওঃ!

(নেপথ্যে)—আনন্দ রহো! আনন্দ রহো!!

আক। মহারাজ, আপনার বাহুবলে আমি দিল্লীশ্বর। আপনার দেবতুল্য বাক্যে আজ জানলেম, আমি দিল্লীর ঈশ্বর—বলে, প্রজার প্রেমে নয়। আমি ভোজনান্তে সুখ-শয্যা শয়ন ক'রে মনে ক'রতেম যে, আমার রাজ-নিয়মে প্রজাগণ সকলেই সুখী; অতএব কিঞ্চিৎ বিরামে হানি নাই, কিন্তু অল্প আমার ধারণা হ'লো যে, অল্প বিষয় জানি না জানি, প্রজার বিষয় জানি না, এ কথা নিশ্চয়।

(নেপথ্যে)—আনন্দ রহো! আনন্দ রহো!!

আক। মহারাজ, প্রজাদের অল্প কি অভাব ব'লতে পারেন?

মান। জাঁহাপনা, আমি সেনাপতি মাত্র, তবে আমি হিন্দু, এই নিমিত্ত যৎকিঞ্চিৎ হিন্দুর অভাব ব'লতে পারি। কিন্তু, দীনতার অভাব সম্বন্ধে দীন ব্যক্তি প্রকৃত উপদেষ্টা।

(বেতালের প্রবেশ)

বেতাল। আনন্দ রহো! আনন্দ রহো!!

মান। কিরে বেতাল, তুই এখানে যে?

বেতাল। দেখ'চি।

আক। মহারাজ, ওর নাম কি ব'লেন?

মান। বেতাল।

আক। এ ত বড় আশ্চর্য্য নাম—এমন নাম তো কখন শুনি নি।

বেতাল। ঢের শুনেছ—ভুলে গেছ। আনন্দ রহো! আনন্দ রহো!!

মান। ওর নাম কি তা জানি না, যেখানে সেখানে একটা বেতাল কথা ক'য়ে ফেলে, তাই ওর নাম বেতাল।

আক। ওহে বাপু আনন্দ রহো! মুসলমানের রাজ্যে কেমন আছ ব'লতে পার?

বেতাল। রাজারাজড়ার কথাতে আমি থাকিনি বাবা। একটা পয়সা দাও, গাঁজা খাই।

মান। তোমার একটা পয়সার সংস্থান নাই, তুমি ব'লচো 'আনন্দ রহো'?

বেতাল। এক টান হ'লেই, 'আনন্দ রহো'।

(বাদশাহের একটা মোহর প্রদান)

পয়সা কই—এতে গাঁজা দেবে?

মান। দেবে।

বেতাল। আনন্দ রহো! আনন্দ রহো!!

(গমনোচ্ছত)

মান। জাঁহাপনা! দেখুন মুদ্রা চেনেনা, এমন দীন প্রজাও আছে।

আক। অচ্ছই আমি যাত্রী-কর নিবারণ ক'রবো। আনন্দ রহো, গেলে নাকি?

বেতাল। পয়সা খুঁজে পেয়েচিন না কি? এই নে।

(মোহর দিতে উচ্ছত)

আক। না আমি অল্প কথা ব'ল'চি।

বেতাল। ওঃ!

আক। তোমরা সুখে আছ না দুঃখে আছ?

বেতাল। একটা পয়সার সঙ্গে খোঁজ নেই, বেটার লম্বা চওড়া কথা দেখ না। না—তোর ফিরে নে। (মোহর ফেলিয়া দেওন) আনন্দ রহো! আনন্দ রহো!! [প্রস্থান।

মান। বেতাল দেখলেন?

আক। রাণাপ্রতাপ এখন কি অবস্থায় আছেন, ব'লতে পারেন?

মান। রাণা প্রতাপ কি অবস্থায় আছেন, আমি বিশেষ অবগত নই; জাঁহাপনা, দীন প্রজাদের কথা হ'চ্ছিল।

আক। আমিও প্রজার কথা তুলেছি।

মান। জাঁহাপনা, রাণা বিদ্রোহী।

আক। মহারাজ! প্রজার অধিক আর কিছু পরিচয় দিলেন না; আপনি যাহাকে দীন বলেন, সে আপনার সম্মুখেই আমাকে তাচ্ছিল্য করে,—এক পয়সার প্রার্থী, মোহর দিলেম, ফিরিয়ে দিলে। আর, রাণা কিছুই প্রার্থনা করে না, কেবল আপনার সম্পত্তি ভোগ ক'রতে চায়; আমার বল আছে, বল পূর্ব্বক সেই সম্পত্তি হ'তে তাকে আমি বঞ্চিত ক'রবো।

মান। রাণা দাস্তিক।

আক। অথচ আমা অপেক্ষা সহস্র গুণে দুর্ব্বল। প্রজা

সম্বন্ধে কিছুই জানি না, আজ আমার ধারণা হ'য়েছে ; নতুবা
ব'লতেম,—রাগা একজন দীন প্রজা।

(নেপথ্য)—আনন্দ রহো !—আনন্দ রহো !!

মান। বেতাল বেটা। (উভয়ের প্রস্থান)

(নারায়ণসিংহ, লহনা, যমুনা, কাছুন ও সখিগণের প্রবেশ)

লহনা। নারায়ণসিংহ, আর কতদূর যেতে হবে ?

নারা। নিকটেই।

লহনা। আর কত দূর ?

নারা। দেখতে পাচ্ছনা, ঐ কুঞ্জের আড়ালে।

লহনা। উঃ—কি ভয়ঙ্করী মূর্তী !

নারা। আহা, প্রতিমা যেন হাসছে ! এ কল্পতরু-পদে
সচন্দন রক্তজ্বা দিলে যে মনস্কামনা পূর্ণ হবে, তার আশ্চর্য্য
কি ! গুরুদেব, যথার্থই ব'লেছ, আহা ! এমন ঠাম কখন
দেখিনি।

(নেপথ্য)—আনন্দ রহো !—আনন্দ রহো !!

নারা। লহনা, যাও, দেবী পূজা কর—মনের মানস
ব্রহ্মমণ্ডিকে জানাও।

লহনা। যমুনা, কেবল জ্বাই দিলে পূজা ক'রতে,
অমন গোলাপগুলি দাও নি ?

নারা। (যমুনার প্রতি) তুমি ফুল রাখলে না ?

যমুনা। আমি একটা রেখেছি ; রাজ কন্যা যে নিলেন,
তার সাজাতে সাধ হ'য়েছে।

নারা। ভাই, এ বনে ফুলের অভাব কি ?—এই দিকে
এস, যত ফুল নেবে এস, ভাল ভাল পদ্ম ফুটে র'য়েছে,
তোমা সাকলেই এস, যার যত ইচ্ছা ফুল নেবে এস।

[লহনা ব্যতীত সকলের প্রস্থান।

লহনা। মাগো ! আমার ছরাশা কি পূর্ণ হবে ? সতী ও
নারীর পরম ধর্ম, যেন মনে থাকে মা ! যদি মনস্থির না
ক'রতে পারি, ইহকালও যাবে—পরকালও যাবে।

(নেপথ্য—গীত)

ছাওয়ানট—বেমটা।

তুলেনে রাঙ্গা কমল, রাঙ্গা পারে সাজবে ভালো।
চল জরা পূজবো তারা, থাকবে না আর মনের কালো ॥

নাচবে শ্রামা হৃদকমলে, ধোব চরণ নয়ন-জলে,
বদন ভ'বে ডাকবো, ওমা, মায়ের রূপে জগৎ আলো ॥

(নারায়ণসিংহের প্রবেশ)

লহনা। তোমরা আমাকে একলা রেখে কোথায় গিয়ে-
ছিলে ?

(সখিগণের গান করিতে করিতে প্রবেশ)

(তুলেনে রাঙ্গা কমল ইত্যাদি)

ভাই, পূজা ক'রতে এসে এখন গান কেন ? পূজা
ক'রে নাও, শীঘ্র শীঘ্র বাঁড়ী চল।

[সখিগণের পূজা করিতে গমন।

(নারায়ণসিংহের প্রতি) পদ্ম ফুল দে বৃষ্টি আমার
পূজা ক'রতে সাধ যায় না ?

নারা। পূজা করুন না—আরও ভাল ভাল পদ্ম র'য়েছে,
ওরা তো সব তুলতে পারলে না, আমি এনে দিচ্ছি।

যমুনা। এই যে রাজ-কন্যা, আমার কাছে অনেক
আছে।

কাছুন। (একটি ছোট ফুল লইয়া) আমি কি শু ক'রতে
পারি না।

লহনা। কুঁড়িতেই এত মাত্র, না জানি ফুটেনে কি
ক'রতিসু ?

(নেপথ্য)—আনন্দ রহো ! আনন্দ রহো !!

লহনা। (নারায়ণের প্রতি) ও মিনুসে কে ? ওকে
ডাকতে পার, কত আনন্দ দেখি।

(বেতালের প্রবেশ)

বেতাল। আনন্দ রহো ! আনন্দ রহো !!

নারা। ভাল বাপু, তুমি 'আনন্দ রহো' বল' কেন ?

বেতাল। আরে সে মজার কথা—আমায় একজন
শিখিরে দিয়েছে। গাঁজা খাইনি—পেট দম্‌দম। আর এ
রোদ তো জান—জিভ্, শুকিয়ে গেছে—মাঠের মাঝখানে
প'ড়ে আছি, আর বেটা এলো।

নারা। এলো কে ?

বেতাল। আরে তোফা একেবারে পাতি বেছে গাঁজা
দেজেছে ! গন্ধ পেয়ে উঠে ব'সে দেখি, আমার পাশে
ব'সে ! দপ্ ক'রে ক'ল্ক জ'লেছে। আমার হাতে দিলে,
ক'দে দম—ভ'রপূব নেশা ! আনন্দ রহো ! আনন্দ রহো !!
তেমনটি হয় না ; আনন্দ রহো ! আনন্দ রহো !!

[প্রস্থান]

(নেপথ্যে —“চুপ—আস্তে !”)

লহনা । ওমা, কে করে ‘চুপ’ !

কাহ্নন । রাজকুমারী বাতাসে বাতাসে শিউরে উঠছে ।

নারা । সব ঠিক, সব ঠিক ।

লহনা । না ভাই, তোমাদের সখের বনে তোমরা দাঁড়াও । কেউ ক’রছেন ‘চুপ’ ! কেউ ক’রছেন ‘আনন্দ-রহস্য’ !! আবার নারায়ণও সুর ধরেছেন, ‘সব ঠিক’ ।

নারা । (হাসিয়া) আমি বলছিলাম, পূজা হ’য়ে গেছে—বাড়ী চলুন ।

(নেপথ্যে)—কোন দিকে ? চুপ !

লহনা । ঐ দেখ ভাই । এই জন্তুই এখানে আসতে চাই না ; মাগো !

যমুনা । তোমার ভয় দেখে যে বাঁচিনি ; নারায়ণ র’য়েছে, ভয় কি ?

লহনা । তুমি তো সব খবরই রাখ ; এমন জায়গা নাই যে রাণা প্রতাপের চর নাই, তা এতো বন । নারায়ণ একলা কি ক’রবে বল তো ?

নারা । যদি কেউ বিরোধী হয়, তোমাদের জন্তু—তোমার জন্তু প্রাণ দেব ।

লহনা । ইস্—এতও পারবে ! তার পর আমাদের বেঁধে নিয়ে যাক ।

কাহ্নন । কার সাধ্য ! [সকলের প্রস্থান ।

(দুই জন সেনানায়কের প্রবেশ)

উভয়ে । মা, রণরঙ্গিনী মা ।

(নেপথ্যে)—আনন্দ রহস্য ! আনন্দ রহস্য !!

(রাণা প্রতাপের গুণ-গান করিতে করিতে কতকগুলি সৈন্যের প্রবেশ)

(গীত)

সারঙ্গ—তেওরা ।

দুর্ধম শানন, রিপু-কুল নাশন,
পবন গমন, নীল হয় বাহন,
নিবিড় জটাজুট, শির বিভূষণ ।
আধ চাঁদ ভালে, তিলক ঝলক,
বিমোক্ষল জ্বালা নয়ন পাংক,
দিনকর হর বর, কৃপাণ ঝক ঝক,
পৌন বাহুমূল, বিশাল বক্ষস্থল,
দুর্ধম প্রবল আসিত দুর্ধম ।

১ম নায়ক । কোথা যাব ?

১ম সৈন্য । পদ্ম-কুণ্ডলে আমরা খাওয়া দাওয়া ক’রবো ।

২য় নায়ক । কাল তুমি কি সাজবে ?

২য় সৈন্য । আজ্ঞে, আমি ভালুক সাজবো ।

১ম নায়ক । তুমি কি সাজবে ?

৩য় সৈন্য । আজ্ঞে—আজ্ঞে, আমায় মশাই যা অল্পমতি ক’রবেন তাই সাজবো ; তা মশাই, নতুন পোষাকটা পরে এনেছি, কোথায় রাখবো ?

১ম নায়ক । আর বাপু ! ক্ষমা দাও—বিস্তর হ’য়েছে ।

৩য় সৈন্য । আজ্ঞে রাগ করেন তো বলি—

১ম নায়ক । বাপু, তুমি যে উৎপাতে ফেলো । রাগ করি তো বলবে ; আর যদি না রাগ করি, তো আস্তে আস্তে চ’লে যাবে, রাগ করিনি বাপু—যাও ।

৩য় সৈন্য । আজ্ঞে, আমার এ স্থানে আদাটা ভাল হয় নাই ।

১ম সৈন্য । আরে এসনা এ দিকে ।

৩য় সৈন্য । দাঁড়াও না, দাঁড়াও না—

১ম সৈন্য । আরে চলোনা—চলোনা (মস্তকে চপটা-ধাত)

[সৈন্যগণের প্রস্থান ।

২য় নায়ক । তোমার সেনাদের তর বেতর ভাণ ।

১ম নায়ক । ও বেশ লোক, ওর মজা দেখবে তো চল । পদ্মকুণ্ডে কেউ নাচ্ছে, কেউ পদ্ম তুলছে, ও দেখবে যে চুপ করে পোষাকটা আগলে ব’সে আছে, আর এক একটা ঘাস ছিড়ে মুখে দিচ্ছে ।

(বেতালের প্রবেশ)

বেতাল । হাম্‌ছিস কেন রে শালা ?

(২য় নায়ক—মারিতে উত্তত)

১ম নায়ক । আরে মেরোনা—মেরোনা—

বেতাল । সেই চোক জ্বলছে, কি বলতো ? ঐ যে—নীল বোড়া—না কি বলছিলি, এখন আর বাক্য মেরোনা,—অ্যা ?

১ম নায়ক । সে গান শুনে তোর কি হবে ?

২য় নায়ক । তুমিও যেমন পাগলের মত ব’ক্‌ছো, চল যাই, স্নান হয়নি আহার হয়নি ।

বেতাল । সেই শালাও চোক জ্বলেছিল, একটা

চোক ছিল। সে শালারও একটা কি ঘোড়া, কিন্তু তার পোষাকটা কাবুলের ধরণ; তুই পোষাকটা কি রকম বলি?

১ম নায়ক। ওহে শুন্ছো! কর্তাটি নিজে 'কাবুলে' সেজে এখার দে হ'য়ে গেছেন। তার সঙ্গে তোরা দেখা হ'য়েছিল কোথায়?

বেতাল। আচ্ছা, তোরা ও গানটা গাস কেন?

২য় নায়ক। ও গানটা গাইলে আমরা খুব ল'ড়তে পারি।

বেতাল। কই কেমন লড়িস্ দেখি; আনন্দ রহো! আনন্দ রহো!! (গণ্ডে চপটাঘাত)

(২য় নায়ক বেতালকে কাটিতে উত্তত ও

১ম নায়কের বাধা প্রদান)

বেতাল। আনন্দ রহো! আনন্দ রহো!! (১ম নায়কের গণ্ডে চপটাঘাত ও ২য় নায়ক বেতালকে মারিতে উত্তত)

আনন্দ রহো! আনন্দ রহো!! গান ধর, তোরা গান ধর—হর শালা! গান ভুলে গেলি, আমি ও গান শিখবো না। ছুয়ো—হেরে গেলি! ছুয়ো—আনন্দ রহো! আনন্দ রহো!! (গমনোত্তত)

২য় নায়ক। ধ'রলে কেন? আমি ওর পাগলামি বার ক'রে দিতুম।

বেতাল। ধ'রলে তো আমার বাবার কিরে শালা? আনন্দ রহো! আনন্দ রহো!! (প্রস্থান)

১ম নায়ক। পাগল, ওর হাত ছুটো ধ'রলে হ'তো;—তুমি তলোয়ার খুলে ব'স্লে।

(বেতালের পুনঃ প্রবেশ)

বেতাল। গাঁজা আছে?

২য় নায়ক। দাঁড়া শালা, তোকে গাঁজা দিচ্ছি আমি—(মারিতে উত্তত)

বেতাল। আমি খাবো না; তুই বড় মার খেয়েছিস, একটান টান। (গাঁজা ফেলিয়া দেওন) আনন্দ রহো! আনন্দ রহো!! (মন্দিরে প্রবেশ)

২য় নায়ক। বেটা পাগলা কোথাকার!

১ম নায়ক। গাঁজা ছিলেমটা কুড়িয়ে নিলে না।

[উত্তরের প্রস্থান।

বেতাল। বলতো—উঃ! কত ফুল দেখরে! আজ

যেন আমি বাসর ঘরে এসেছি! না—ফুল-শয্যা। (কালীর পদে মস্তক রাখিয়া শয়ন)

(নেপথ্যে গীত)

রাগিনী নাগধ্বনি—তাল আড়াঠেকা।

উর্দ্ধ জটা-জুট, গভীর নিনাদিনী।

উগ্রতুণ্ডা ভীমা, অশিব বিমর্দিনী ॥

দনুজ হান, ত্রাস লক লক রসনা,

অসুর শির চূর, ভীষণ দশনা;

ধিয়া তাধিয়া ধিয়া, টল টল মেদিনী,

নর-কর-বেষ্টিত, কপাল-মালিনী;

ঋধির অধরা তারা, শিশু-শশা ভালিনী।

নয়ন-ছলন ছাগা, সুর-রুদি বাকিনী।

দ্বিতীয় গর্ভাঙ্ক

উত্তান

লহনা, যমুনা, কান্ধন, সখীগণ ও নারায়ণসিংহ।

যমুনা। ভাই, তোমার যে অত ভয় হ'য়েছিল, তাকি আমি জান্তেম?

লহনা। তোমাদের ভাই, পাহাড়ে মাস, আমায় মাপ কর।

যমুনা। নারায়ণসিংহ তো পাহাড়ে নয়।

(সেলিমের প্রবেশ)

সেলিম। ও আবার পাহাড়ে নয়; কিহে নারায়ণ! তোমার বাড়ী না আরাবলী পক্ষিতে?

লহনা। (কান্ধনের প্রতি) ঐ শুকনো কুড়িতে যেন মাত রাজার দন; এত গোলাপ ফুল ফুটে রয়েছে, তোর দন ওঠেনা বুকি, ঐ শুকনো কুড়িটা হাতে ক'রে নিয়ে বেড়াচ্ছিস?

কান্ধন। হ্যা ভাই যমুনা! বাসি তোড়াগুলো জলের উপর বসিয়ে রাখলে অনেকক্ষণ থাকে—না?

লহনা। দেখলি ভাই, ত্যাকাম দেখলি? তোড়াগুলো জলে বসিয়ে রাখে, বলে—উনি শুকনো কুড়িটা জলে বসিয়ে রাখবেন। তুমি ভাই, আমার তোড়ার সঙ্গে

রেখনা, রাখতে হয় তোমার ঘরে ভাল ক'রে জল দে রাখ
গে।

কানুন। আমার রাখতে হয় রাখবো, ফেলে দিতে হয়
দেবো ; তোমার কি ?

(নেপথ্যে)—আনন্দ রহো ! আনন্দ রহো !!

লহনা। প্রহরীরা সব ঘুমুচ্ছে না কি ? তুমি বল
ভাই, 'রাগিস্ কেন', বাগানে বসিছি, ছু'দণ্ড কথা কব, না,
'আনন্দ রহো ! আনন্দ রহো' !! (সেলিমের প্রতি) তুমি
'চূপ চূপ' কর, আর নারায়ণসিংহ বলগ, 'সব ঠিক' তা
হ'লেই হ'য়েছে।

যমুনা। আমি সাধে বলি, 'তুমি রাগ কেন'—রাস্তায়
কে ক'ছে 'আনন্দ রহো' ! তা প্রহরীরা কি ক'রবে ?

নারা। ঠিকই তো।

লহনা। তুমি কর 'চূপ, চূপ'।

নারা। আচ্ছা, না রাজকুমারী আমি কথা কব না।

যমুনা। আচ্ছা, ভোম্ৰাগুলো কেমন ক'রে মধু খায় ?

লহনা। এই নাও—ওকে ব'লে দাও, বলি আমার সঙ্গে
নাই বা কথা কইলে ? যমুনাকে বুঝিয়ে দাও না,—ভোম্ৰা
কেন মধু খায়—কাটঠোকরা কেন কাটে ঘা মারে, পাপিয়া
কেন ডাকে, পাথরে পাথরে কেন আগুন ওঠে ?

কানুন। না ভাই, আমি একখানা পাথরে জল বেরুতে
দেখেছিলাম, মস্ত পাথড়—ঝুর্ ঝুর্ ক'রে, জল গড়িয়ে
প'ড়েছে।

(নেপথ্যে)—আনন্দ রহো ! আনন্দ রহো !!

লহনা। ওই নাও ভাই।

সেলিম। তুমি ব'সো, আমি প্রহরীদের ব'লছি—ওকে
পাগলা-গারদে দিতে। [প্রস্থান।

নারা। ওতো পাগল না, রাজকুমারি ! ওকে গারদে
দিতে মানা করুন।

লহনা। না, পাগল না, ও সাধুপুরুষ ! সাধুপুরুষ তো
গারদে গিয়ে 'আনন্দ রহো' করগ না ;—সেইখানে ওর
'আনন্দ রহো' বেরিয়ে যাবে।

যমুনা। আহা ! ও পাগল হোক, যা হোক, ওতো
ঝারু কিছু করে না।

কানুন। আমায় ফুলটি হাতে দিয়ে বসে, 'আনন্দ
রহো ! আনন্দ রহো' !!

লহনা। ভাই, অত সোহাগ যদি আমার ভাল না
লাগে ; তোমাদের দয়ার শরীর, তোমরা এখান থেকে উঠে
যাও।

কানুন। তুমি ভাই, যখন তখন উঠে যাও বলো, সে
দিন অম্নি যমুনা-দিদি কাঁদছিল।

লহনা। তোমার যমুনা দিদিটি কেমন ! সে দিন
নারায়ণসিংহের সঙ্গে কথা কচ্ছিলুম, ওঁর আর প্রাণে সইলো
না,—আমুখান থেকে এক কথা তুল্লেন ; তাই একটা কথার
মতন কথা হ'ক, না 'ফুলগুলি আর পাখিগুলি ঠিক এক',
ওঁদের পাহাড়ে দেশে বুঝি পাখী পু'তলে ফুল ফোটে ?
দেশ তো নয় যেন মরুভূম !

যমুনা। ভাই, আমার পাহাড়ে দেশ, আমারই ভাল ;
তোমার দিল্লী সহরে ভাই, আমার কাজ নাই।

[যমুনার প্রস্থান।

কানুন। তা সত্যি তো, যার যে দেশ, তার সে ভাল।
এই যে তোমার এত গোলাপ ফুল ফুটে রয়েছে, আমি কি
তা নিচ্ছি ? আমার এই শুকনো কুঁড়িটিই ভাল।

[কানুনের প্রস্থান।

লহনা। না, তোমার জন্ম এই যে ফুল তুলতে উঠিছি,
দাঁড়িয়ে নিয়ে গেলে না ?

নারা। রাজকুমারি ! রাজপুতানার নিন্দা কল্লেন !
আপনি দিল্লীতে এই কুসুম-কাননে ব'সে আছেন, আপনার
পিতা বাদসার সেনাপতি, বাদসা বড়ক রাজা। আরাবল্লী
পর্ষতের দীন প্রজাও, সে সম্মানের প্রার্থনা করে না—হিন্দু-
কুল-ভূষণ প্রতাপ ব্যতীত কাহারও আনুগত্য স্বীকার করে
না, স্বয়ং বাদসাও তাঁর সৌহাদ্য প্রার্থনার পত্র লিখেছেন।

লহনা। নারায়ণ, তোমার যে বড় বাড় !

নারা। না, বড় নুনতা ! আপনি স্ত্রীলোক,—

[নারায়ণসিংহের প্রস্থান।

(সেলিমের প্রবেশ)

সেলিম। লহনা ! তুমি একলা আছ, ভাল হ'য়েছে।
আমি শীঘ্র বাদসা হব, তার সন্দেহ নাই ; আমার আক্ষেপ
কিছুই নাই—কিছুই বাকি থাকবে না ; কিন্তু কার কাছে
প্রাণ জুড়াবো—এমন কেউ নেই। লহনা, তোমায় ভাল-
বাসি, কিন্তু,—

লহনা। আপনি কি বলছেন ?

সেলিম। এই বলছি, আমার চিত্তের স্থিরতা নাই। তোমায় আমি প্রাণ অপেক্ষা ভালবাসি, তোমার সঙ্গে দেখা হবে না—তোমায় আর দেখবো না। হায়! হায়! যদি প্রস্তুত হ'তে বারি নির্গত হলো, সে বারি মরুভূমি ব'য়ে যাবে ?

লহনা। আপনি কি আমায় ভালবাসেন ?

সেলিম। না, ভালবাসিনি, কে না ভালবাসে ? তুমি দেবী নও, তুমি রাক্ষসী—একবার হারটা পর, আমি দেখি, আমার যত্নের সামগ্রী নিতে বিলম্ব ক'রো ? বহুমূলা হার, বড় সাধ ক'রে কিনেছিলেম, আমার যে বেগম হবে, তাকে পরাব।

(ক্রোধিত কলেবরে বেতালের প্রবেশ)

বেতাল। আনন্দ রহো! আনন্দ রহো!!

(নেপথ্যে)—‘সব ঠিক’ ‘হর হর হর হর হর হর’!

লহনা। (মূর্ছার)

বেতাল। বলি হ্যা রে, তুই আমাকে গারদে দিতে বলি কেন ? তাইতে তো রক্তারক্তি হ'য়ে গেল, তুই পালা, তোকে ধ'তে আসছে, কেটে ফেলবে।

সেলিম। প্রহরি! প্রহরি! ওরে কে আছিস রে ?

বেতাল। আবার দু'কি একটা খুনোখুনি ক'রবি, আমি যাই, আনন্দ রহো! আনন্দ রহো!!

(নেপথ্যে)—‘সব ঠিক’! ‘হর হর হর’!

বেতাল। শুই শোন ‘সব ঠিক’ আসছে, পালা—পালা, আমি বলি উল্লুক ভালুক সং সেজেছে; তা নয়, কাটাকাটি ক'তে সেজেছে; তাই কাল বনের ভিতর ছিল, আনন্দ রহো! আনন্দ রহো!!

[বেতালের প্রস্থান।

সেলিম। (স্বগত) এই তো স্কযোগ এখানে কেউ কোথাও নেই—এমন সময় আর হবেনা! সময় হোগ, বা না হোগ—মূর্ছার, এখন তো আর বল ক'রতে পারবেনা—এ স্কযোগ ছাড়া নয়।

(ছুইজন আহত সৈনিকের প্রবেশ)

১ম সৈন্য। এইখানেই সেই বেটা আছে, এইখানেই ‘আনন্দ রহো’ ডেকেছে।

সেলিম। তোমরা সে পাগ্লাকে ছেড়ে দিলে কেন ?

২য় সৈন্য। সাহাজাদা! আমাদের কোন অপরাধ নাই, এমন ইদের দিনে যে সর্কনাশ হবে, কে জানতো!

১ম সৈন্য। আমরা মনে ক'ল্লেম যে, ইদের দিন, তাই সং সেজে আগোদ ক'রে বেড়াচ্ছে। পাগলটাকে নিয়ে আমরা গারদের দোর গোড়ায় গিয়েছি, আর ‘সব ঠিক’ ব'লেই কোপাতে আরম্ভ ক'ল্লেম।

২য় সৈন্য। শুন্লেম—জেলের প্রহরীদেরও মেয়ে ফেলেছে, দুশো সৈন্য কেটে ফেলেছে। সহরে হলুসুল! আর কোথাও কিছু নাই।

১ম সৈন্য। সাহাজাদা! ব'লতে ভয় হয়, আপনার এ তলোয়ার কোথা পেলে, ভাঙ্গা রাস্তায় প'ড়েছিল।

সেলিম। এ তলোয়ার আমি নারায়ণসিংকে দিয়ে-ছিলেম।

লহনা। (উঠিয়া সেলিমকে ধরিয়া) নারায়ণ! আমার ভয় ক'লে!

সেলিম। এই যে আমি, লহনা!

(নেপথ্যে)—আনন্দ রহো! আনন্দ রহো!!

ওকে ধর, রাণা প্রতাপের চর।

[সৈনিকগণের প্রস্থান।

লহনা। আমায় কোলে ক'রে নাও, আমি চ'লতে পাচ্চিনি।

সেলিম। ভয় কি ? (চুম্বন)

(নেপথ্যে)—আনন্দ রহো! আনন্দ রহো!!

দ্বিতীয় অঙ্ক

—:~:—

প্রথম গর্ভাঙ্ক

রাণা প্রতাপের শয়ন-কক্ষ

রাণা প্রতাপ ও মহিষী ।

মহিষী । হ্যাগা, জটাগুলো কাটবে না ?

প্রতাপ । হ্যাগা, চিতোর পাবনা ?

মহিষী । চিতোর বুঝি আমার হাতে ?

প্রতাপ । জটা বুঝি আমার হাতে ?

মহিষী । না তোমার মাথা, তাই কাটতে বলছি ।
আমি একদিন কেটে দেবো, ঘুমিয়ে থাকবে, আর একদিন
কেটে দেবো ।

প্রতাপ । আর তুমি ঘুমবে না ?

মহিষী । হা, ও সাজাটা আর বাকি রাখ কেন ?

চুলগুলো কেটে দিয়ে বাদী সাজিয়ে দাও !

প্রতাপ । রাজরাণী বুঝি তোমার চুলগুলি ?

মহিষী । দেখ দিকি, কি কথায় কি কথা তুলছো,
চুলগুলি বুঝি রাণী ?

প্রতাপ । দেখ দিকি, তুমি কি কথায় কি কথা তুলছো,
জটাগুলো বুঝি খারাপ ?

মহিষী । খারাপই তো !

প্রতাপ । চুলগুলো রাণীই তো !

(দূতের প্রবেশ)

কি সংবাদ দানসিং ?

দূত । রাজসভায় যেতে অসম্মতি হয় ।

প্রতাপ । আমি যাচ্ছি, চল ।

[দূতের প্রস্থান ।

মহিষী । যাচ্চো—যাও, কিন্তু যমুনা কোথা, খবর
দিতে হবে । দেখ দেখি, তার বাপ তোমার জন্তু মারা
গেল !

প্রতাপ । প্রিয়ে ! কেন আর আমায় লজ্জা দাও ?

আমি কোন্ কর্তব্য সাধন করিতে পেরেছি,—যখনকে
সিংহাসন দিয়ে আপনি কুটীরবাসী, আমার রাজ-রাণী
ভিখারিণী, আত্মীয় হত, সৈন্ত-সামন্তের পরিবার অনাথা !
প্রিয়ে, তবুও তুমি আমায় জটা কাটতে বল ? জটা
কাটবো, সে দিন আছে—তোমায় যবে রাজ্যেশ্বরী
ক'রবো, তবেই জটা কাটব' !

মহিষী । নাথ, তোমার প্রেমে আমি রাজ-রাজেশ্বরীর
অধিক ।

প্রতাপ । তাইতো আমি ভুলে থাকি, আমি চিতোর-
হারী !

[প্রতাপের প্রস্থান ।

মহিষী । (স্বগত) হায় ! চিতোর যদি পাই, তোমায়
স্বখী দেখি । [প্রস্থান ।

দ্বিতীয় গর্ভাঙ্ক

রাজসভা

সভাদক্ষণ ও মন্ত্রী ।

১ম সভা । সিংহের প্রতিদ্বন্দ্বী সিংহই হয় ।

২য় সভা । বাদসাহ তো কম লোক নন ।

মন্ত্রী । এ সন্ধির প্রস্তাবে যে রাণা সম্মত হবেন, এমন
তো বোধ হয় না ।

৩য় সভা । আমার বিবেচনায় এ সন্ধিতে সম্মত
হওয়াই উচিত, বল প্রকাশের তো ক্রটি হয় নাই ।

মন্ত্রী । আপনার বিবেচনার সময় মহারাণা এলেই
হবে, এক্ষণে আসুন, অপর বিষয় পরামর্শ করা যাক ; সন্ধি
তো হবেই না ; বোধ হয়, যখন জয়ী হ'লো ।

৪র্থ সভা । কেন, রাণার সন্ধিতে অমতের কারণ ?
বাদসাহ তো অতি বিনীত ভাবে পত্র লিখেছেন ।

মন্ত্রী । মহাশয়, সে বিষয়ে তর্ক করছেন কেন ?
আপনারা কি এখন' বুঝতে পারেন নি যে, বাদসাহ অতি
বিচক্ষণ ।

১ম সভা । অতি বিনয়ী, অতি বিনয়শূন্যক পত্র
লিখেছেন, 'মহারাণার সৌহার্দ্য যাজ্ঞা করি' ; বাদসাহ
অপরের নিকট কখন' কোন প্রার্থনা করেন নাই ।

৩য় সভা। রাণা পত্র পেয়েছেন কি ?

মন্ত্রী। পেয়েছেন, কপট বিনয়ে দ্বিগুণ অগ্নিবৎ জ্বলে উঠেছেন।

২য় সভা। কপট বিনয় কেন ?

মন্ত্রী। আপনি কি জানেন না, রাণা সকল সহ্য ক'রতে পারেন, মুসলমান আকবর হীন বিবেচনায় দয়া প্রকাশ ক'রবে, এ তাঁর অসহ্য। (রাণাকে দেখিয়া) এ কি মূর্তি!

সকলে। কি ভয়ঙ্কর!

(রাণাপ্রতাপের প্রবেশ)

প্রতাপ। কখন যুদ্ধ যাত্রা ক'রবে স্থির কল্লো? আমি প্রস্তুত,—চৈতক নাই, হৃদয়-ঘাটে চৈতককে হারিয়েছি; কিন্তু যে সকল অসহ্যবাহতে চৈতকের প্রাণনাশ হ'য়েছে, তার প্রতিফল দিতে পেরেছি কিনা জানি না। এইবার যুদ্ধ—কখন যাত্রা—

মন্ত্রী। মহারাণা!

প্রতাপ। আমার মতে শুভ কক্ষ আর কাশবিলহ কি? রাজপুত্র রমণীতো সকলই জানে যে, স্বামী যুদ্ধ-মৃত্যু প্রার্থনা করে।

মন্ত্রী। আর বল-ক্ষয়ে আবশ্যক কি?

প্রতাপ। মন্ত্রী, আমি যদি স্বয়ং কর্তব্য-বিমূঢ় নরাদম না হতেন—তোমার উচিত আশ্রয় উত্তেজনা করা, রাজপুত্রের অসি—বাণী নয়।

মন্ত্রী। সভাসঙ্গণ সকলেরই মতে—

প্রতাপ। কি?

মন্ত্রী। একবার এ বিষয়ে বিচার করা উচিত।

প্রতাপ। মুসলমানদের সহিত সংগ্রহ বিচার—স্বর্গীয় পিতৃপুরুষেরা বিচার ক'রে গিয়েছেন—আমাদের আর আবশ্যক নাই। চল—ওঠ—আবার রণরঙ্গে মাতি! চৈতক—কি আমার এক চক্ষু, তাও অন্ধ হলো নাকি? যথার্থই তোমরা উঠলে না? ভাল, ভাল মৃত্যুকালে মনকে প্রবোধ দিব যে, আমি অপেক্ষা হেয় রাজপুত্র আছে। আকবরসাহ, তুমি ধন্য! তুমি সিংহের নিকট শৃগালের ভক্ষ্য পাঠিয়ে নিশ্চিন্ত রইলে। হা! এত অপমান জন্মেও সহ্য করিনি। রণস্থলে কি শত্রু, কি মিত্র, সহস্র সহস্র বীরপুরুষ—বীর-পুরুষের গায় প'ড়তে দেখেছি। হা! সে রণ-উল্লাসে আমার মৃত্যু হ'লো না; আমার কেউ গুরু বল, কেউ প্রভু

বল, কি মোহিনীতে আমার এই বৃকের শেল তুলতে হস্ত প্রসারণ ক'রো না? আকবরসাহ! ধন্য তোমার মোহিনী—দেখ দেখ, আমার সর্কাজ পাণ্ডুবর্ণ হ'ছে, আমার বীর-হস্ত হ'তে তরবারি খ'সে প'ড়ছে।

(নেপথ্যে)—আনন্দ রহো! আনন্দ রহো!!

প্রতাপ। হা! আজ আমায় ধর—এ কথা ব'লবার ইচ্ছা হ'লো, প্রাণ কি বজ্র হ'তে কঠিন, যেন ফুলের গায় আমার হৃদপিণ্ড খ'সে প'ড়ছে।

(নেপথ্যে)—আনন্দ রহো!—আনন্দ রহো!!

(বেতালের প্রবেশ)

বেতাল। হ্যারে! রাগ ক'রেছিস? তুই গাঁজা ছিলেমটা ফেলে এলি কেন রে?

সভা। কে এ বেটা, মেরে তাড়াও একে। (প্রহার)

বেতাল। আনন্দ রহো! আনন্দ রহো!! কিন্তু গাঁজা দিতে হবে, আমিও মেরেছিলুম, গাঁজা দিয়েছিলুম।

(প্রহরীগণের দূরীকরণের চেষ্টা ও প্রহার)

বেতাল। আনন্দ রহো! আনন্দ রহো!! এইবার তার মতন হ'য়েছে, তবে না শালা! তার মতন ব'লতে পারব না?

প্রতাপ। উত্তম, উত্তম, রাজপুত্র-বাহু—দুর্কল পীড়নের নিমিত্তই বটে; রমণী বলাৎকার, স্ত্রীহত্যা, শিশুহত্যা, ব্রহ্মহত্যা, ক্রমহত্যা পয়স্ক এখন দেখতে বাকি।

বেতাল। আরে কথা শোনে না! আর কি আমায় মারতে পারবি? আনন্দ রহো! আনন্দ রহো!!

[বেতালের প্রশ্নান।

মন্ত্রী। প্রহরী, এ পাগলাটা কোথা থেকে এল?

প্রতাপ। মন্ত্রী, ও পাগল, ও এই নিরানন্দ-ধামে আনন্দ রব তুলতে এল, তোমরা ওকে মেরে তাড়ালে—আবার 'আনন্দ রহো' ব'লতে ব'লতে চ'লে গেল।

(নেপথ্যে)—হি হি হি হি, আমি আবার আসবো, আজ নয়—গাঁজা ছিলেমটা খেলেনা কেন দেখিগে।

(বেতালের পুনঃ প্রবেশ)

বেতাল। মনটা কেমন খুঁত মূত ক'ছে, কেন খেলেনা জিজ্ঞাস ক'রে আসি। আনন্দ রহো! আনন্দ রহো!!

[বেতালের প্রশ্নান।

প্রতাপ। মজ্জি, কে ও? আমার এ অবস্থায় বল
'আনন্দ রহো'! ওকে ওর আনন্দ-গান ক'ত্তে বল।

(মূর্ছা)

মজ্জী। ওরে, সর্কনাশ হলো!

[প্রতাপকে লইয়া সকলের প্রস্থান।

(বেতালের পুনঃ প্রবেশ)

বেতাল। কই, কেউ কোথাও যে নেই?

(কাঁদিতে কাঁদিতে একজন মল্ল ও একজন খঞ্জের প্রবেশ)

আনন্দ রহো! আনন্দ রহো!!

মল্ল। নিশ্চয় বেটা যাদুকর, বাধ বেটাকে।

খঞ্জ। না, সন্ধান নাও, ও বোধ হয় আকবরের কোন
চর হবে, তারপর ধ'রলে—বুঝলে কিনা?—

মল্ল। ঐ দেখ ভাই, তোকেও যাদু করে—করে—
ক'রেছে, তুই কি আবল-তাবল ব'ক'চিস?

খঞ্জ। ওরে, নারে, কই দেখনা—জিজ্ঞেস করনা—
খবর দেবো? টাকার আঙুল।

মল্ল। ওই!

খঞ্জ। আরে, মজা হবে এখন। জিজ্ঞেস করনা, মুসল-
মান—টাকা—চর—চর।

মল্ল। তুই বেলুকোপনা ছাড়তো, আমার একে ভয়
ক'চ্ছে।

বেতাল। আনন্দ রহো! আনন্দ রহো!!

খঞ্জ। আরে পাগল কে, পাগল নাকি? ওরে ধ'র—
ধ'রলে মজা আছে।

মল্ল। না ভাই, অমন কর তো তোমার সঙ্গে দাঙ্গা
হবে। তুমি যে, সে দিনে অখখ-তলায় ভয় পেয়েছিলে,
আমি কি তোমায় অমনি ক'রে ভয় দেখিয়েছিলুম?

খঞ্জ। আরে সে নয়, এ টিল পড়েছিল—মুসলমান—
পা খোঁড়া ধর ভাই—জিজ্ঞাসা কর—পালাবে! ভয়
পাইনি—অনেক টাকা, পা খোঁড়া—বুঝলিনি?

মল্ল। ওমা, বলে কি গো!

বেতাল। আনন্দ রহো! আনন্দ রহো!!

মল্ল। বাবা রে!

খঞ্জ। ওরে ধর রে—কি ক'রবো—পা খোঁড়া, ওরে
ধ'রবে—ওরে ঘায়র—ওরে মুসলমান—ওরে ঘায়রে!

মল্ল। ও বাবারে!

বেতাল। আনন্দ রহো! আনন্দ রহো!!

মল্ল। ওরে—গেলুমরে। (মূর্ছা)

বেতাল। (খঞ্জের নিকট গিয়া) আনন্দ রহো!

আনন্দ রহো!!

খঞ্জ। (বেতালের হস্ত ধরিয়া) এইবার পেয়েছি।

বেতাল। আনন্দ রহো! আনন্দ রহো!

খঞ্জ। আরে পা খোঁড়া, দাঁড়া।

বেতাল। আনন্দ রহো! আনন্দ রহো!!

[খঞ্জকে ফেলিয়া প্রস্থান।

খঞ্জ। ওরে, আমিও প'ড়ে গেছি, ওঠনা; গেলরে—
বড় কোমরে লেগেছে।

(দুইজন সেনানায়কের প্রবেশ)

১ম সেনা-না। আহা, বীরের হাতের অসি বুঝি এত
দিনে থ'স্লে।

২য় সেনা-না। আকবর! তুই স্বধা-পাত্রে গরল
পাঠিয়েছিলি।

১ম সেনা-না। কুলের দ্বারা যে বজ্র বিদীর্ণ হওয়া সম্ভব,
তা আজ আমার ধারণা হ'লো। আহা! যে সংবাদে রাজ্যে
আনন্দ-উৎসব হ'য়েছিল, সে সংবাদে এত নিরানন্দ হবে, কে
জানতো।

(নেপথ্যে)—আনন্দ রহো! আনন্দ রহো!!

খঞ্জ। ঐরে—ধর রে—কোমরে ব্যথা রে—প'ড়ে
গেছি রে।

২য় সেনা-না। আহা, রাজপুতসভায় কি একজন
ব'লতে পাল্লেনা যে 'মহারাজ যুদ্ধে চলুন, আমি আপনার
সাথি'। আহা, তা হ'লে সে ভয়-হৃদয়ে এক বিন্দু বারি
প'ড়তো।

১ম সেনা-না। আমি এই অশ্রুবারি দিই, যদি কিছু
শীতল হয়; ভাইরে, হৃদিকাঠের যুদ্ধে রাণা-শিরোলফিত
তলোয়ার আমার ললাটে মুকুট পরিয়ে দিয়েছি; ভাইরে,
সে রাজাকে কি আর যুদ্ধক্ষেত্রে দেখতে পাব না!

খঞ্জ। আরে বলি শোননা, সে যা হবার তা হবে;
কোমর ভেঙ্গে গিয়েছে।

(নেপথ্যে)—আনন্দ রহো! আনন্দ রহো!!

খঞ্জ। আরে বলি, শোনা, এখনও যায়নি।

২য় সেনা-না। একি, তুমি এমন ক'রে প'ড়ে র'য়েছ কেন ?

খঞ্জ। কোমর ভেঙে গেছে, ধর।

১ম সেনা-না। মন্ত্রী মহাশয়কে বলা যাক—'আমুন, যুদ্ধ ঘোষণা দিন। আমরা দিল্লীতে যুদ্ধে যাই,' এ সংবাদে রাণা আরোগ্য লাভ ক'লেও কত্তে পারেন। সে বজ্র-হৃদয় যখন ফুলে ভেঙেছে, তখন ঘোর রণরঙ্গে সিংহনাদ, বজ্রনাদে তূর্যনাদ, অরির হৃদিভেদি আর্তনাদ, রাজপুতের ব্রহ্ম-রক্ষ-ভেদী সিংহনাদ, শৃগাল-ক্রাদক রুধির শ্রোত, ঘূর্ণবায় স্তম্ভিতকর অরির হাহাকার-ধ্বনি-মিশ্রিত ছন্দুভি নিমাদে আসন্ন জয়োল্লাস; আকবর যদি পুনর্বার সিংহের নিকটে সিংহের ভেট পাঠায়—তা হ'লে বজ্র জোড়া লাগে, নচেৎ বজ্র কুসুমই ভেঙে হবে। রাণা প্রতাপকে দয়া প্রকাশ! বজ্র ভেদ হবেই তো।

(নেপথ্যে)—আনন্দ রহো! আনন্দ রহো!!

খঞ্জ। ঐ যে মশাই, ধরুন, চের টাকা—রাণা প্রতাপ ম'লোই বা—চের টাকা।

২য় সেনা-না। হা অভাগা পাগল! এ পাগ্লাটা ব'লছে দেখ'ছো? বলে রাণা প্রতাপ মরে মরুক।

১ম সেনা-না। ওকে কেটে ফেল, হ'লোইবা পাগল; রক্ষি, একে গারদে নিয়ে যাও।

(নেপথ্যে)—'না না, মরেনি'!

২য় সেনা-না। আর এদিকে এক কাপ দেখ।

[খঞ্জের প্রশ্ন।

মল্ল। ও বাবারে—একটা নয়, দুটো! রে!

(নেপথ্যে খঞ্জ)—ভয়—গেল—ধ'রেছিলুম—প'ড়ে গেলুম—টাকা!

২য় সেনা-না। একি! এ মূর্খা গেছে নাকি!

১ম সেনা-না। আহা যাবেইতো, রাজপুতের প্রাণ!

(নেপথ্যে)—আনন্দ রহো! আনন্দ রহো!!

[সকলের প্রশ্ন।

তৃতীয় গর্ভাঙ্ক

রাজপথ

খঞ্জ, মল্ল ও প্রজাগণ।

১ম প্রজা। হায় হায়! কি হ'লো!

২য় প্রজা। গরীবের মা-বাপ গেল!

৩য় প্রজা। পৃথিবী বীরশূণ্য হ'লো, শিব! শিব! শিব!

বালক। ওমা, তুই কাঁদ'ছিস্ কেন?

১ম স্ত্রী। ওরে বাবা, আমার বাবা বুঝি যায়!

বালক। তোর বাবা কে মা?

(বেতালের প্রবেশ)

বেতাল। আনন্দ রহো! আনন্দ রহো!!

খঞ্জ। ওরে দর—টাকা—ধর, আর গারদে পুরিসনে, আর গারদে পুরিসনে, আমি পালিয়ে এসছি, টাকা—টাকা—কাম্‌ড় দ'বুলে হ'তো। (নিজহস্ত দংশন)

বেতাল। আনন্দ রহো! আনন্দ রহো!!

মল্ল। ও বাবারে, একটা নয় দুটো!

বেতাল। আনন্দ রহো! আনন্দ রহো!!

মল্ল। (মূর্ছা)

(দুইজন সেনানায়কের প্রবেশ)

১ম সেনা-না। কি ব'লে—দেখতে পাই কিনা? ও বীরকুল-চূড়ামণি!

বেতাল। ওরে গাঁজা খাসনে কেন?

১ম সেনা-না। স'রে যা!

বেতাল। না তুই না; আনন্দ রহো! আনন্দ রহো!!

২য় সেনা-না। বেল্লিক বেটা, আবার সামনে পড়ে। (বেত্রাঘাত ও প্রশ্ন)

বেতাল। না তুইও না; আনন্দ রহো! আনন্দ রহো!! উঃ বড় জ'লছে! তা মারলুম না কেন?—এব-বার চড় মেরে তো দেশে দেশে গাঁজা নে বেড়াচ্ছি; ওদের দু'জনকে নিদেন পক্ষে কত মারতে হ'তো,—অত ঘুরে পারিনে—পা ধ'রে গেছে। আনন্দ রহো! আনন্দ রহো!! ঐ নাও, আনন্দ রহো! খারাপ হ'য়ে গেছে, ব'সতে দিবে না; চলুন—জিজ্ঞাসা করিগে, কেন গাঁজা খেলেনা।—আনন্দ রহো! আনন্দ রহো!!

[সকলের প্রশ্ন।

চতুর্থ গর্ভাঙ্ক

মঞ্চ

প্রতাপসিংহ, মহিষী, নারায়ণসিংহ, যমুনা ও কাছুন।

প্রতাপ। (নারায়ণসিংহের প্রতি) তোমার পিতা, আমার মস্তক হ'তে ছত্র নিয়ে হৃদিঘাটের যুদ্ধে প্রাণ দিয়ে আমার প্রাণ বাঁচিয়েছিলেন, সে ঋণ পরিশোধ ক'রতে পারি নাই; আর তুমি আমার নিমিত্ত মানসিংহের দাসত্ব স্বীকার ক'রেছ, তুমি আমার সম্মুখে থেকে; তোমার মুখ দেখলে আমার তাপিত প্রাণ শীতল হয়। কি বল্লে—যে দিন সন্ধিপত্র রওনা হ'লো, সেই দিন দিল্লীতে মোগল সেনা আক্রমণ ক'রলে? ক্ষত্রকুলোত্তম মদান্না রাণার হাত থেকে অসি খ'সে গিয়েছে, রাণা বনবাসী!—এ রাজপুত্র দস্যুর আর কি আছে? তুমিও একজন রাজপুত্র দস্যু। আমার বল নাই, তুমি এসে কোল নাও।

নারা। প্রভু, আমার আর কেউ নাই, কোল দিলেন, পদধূলি দিন; যেন এ ঋণ শোধ দিতে পারি।

প্রতাপ। তোমার পিতার গাঘ তোমার গৌরব আরাবল্লির প্রতি প্রস্তুরে প্রতিধ্বনিত হউক।

নারা। প্রভু-প্রদত্ত এই অসি হস্তে মৃত্যু, গুরুর চরণে লহরীমোহনের এই প্রার্থনা।

প্রতাপ। তোমার বীর বাসনা পূর্ণ হউক। যমুনা, তুমি আমায় দেখতে এসেছো? তোমার মাতুল তো রাগ ক'রবেন না? হৃদিঘাটের যুদ্ধে তোমার মাতুল আমার বক্ষে ভল্ল লক্ষ্য ক'রেছেন, তোমার পিতা বুক পেতে নিয়েছেন, সে ঋণ যতদূর পারি—পরিশোধ করি, তোমার পিতৃসম্পত্তি ফিরিয়ে দিতে পার্ব্লেম না; কিন্তু নব-অর্জিত ঘোলা সহরে তুমি অধিশ্বরী হও, অশ্রু আশীর্বাদ কি ক'রবো, তোমার পিতার গাঘ তোমার পুত্র হউক।

যমুনা। আর আশীর্বাদ করুন যে, সূর্য্যবংশীয় রাণার কার্য্যে প্রাণদানে পরলোক গমন করে।

প্রতাপ। মা, তুমি বীরাসনা! বীর-প্রসবিনী হও। মা কাছুন, তুমি তোমার দিদির কাছে থেকে, আশীর্বাদ করি, উপযুক্ত স্বামী হউক, উপযুক্ত পুত্র হউক, অধিক আর কি ব'ল্বে!।

(নেপথ্যে)—আনন্দ রহো! আনন্দ রহো!!

প্রতাপ। শুকে কেউ ডাক; দেখ, যদি কোন রকমে আনতে পার; ও আমায় 'আনন্দ রহো' শোনায় কেন? প্রিয়ে! তোমায় কিছু ব'ল্বে না, তোমার সঙ্গে কথা ফুরাবার নয়; তোমার মুখখানি আমার হৃদয়ে ফুরাবার নয়, ও মুখখানি আমি রণে বনে অন্তরের অন্তরে দেখেছি, ভোজনে দেখেছি, স্মৃশয্যায় শয়নে দেখেছি, এখন দেখছি, প্রিয়ে, কথা ফুরাবার নয়।

মহিষী। নাথ, এমনি ক'রে চুল কেটে আমায় দাসী ক'ল্লে।

প্রতাপ। প্রিয়ে, তবু জটা মুড়াতে পার্ব্লেম না। আত্মীয় স্বজন আমি যারে যারে দেখিনি—আমার সম্মুখ দিয়ে যাও, আমি দেখি; শক্তি নাই, কোল দিতে পার্ব্বেনা, জান ত—হাত থেকে অসি পড়ে গিয়েছে।

(নেপথ্যে)—আনন্দ রহো! আনন্দ রহো!!

শুকে ডাকতে গিয়েছে?

মহিষী। আমি পাঠিয়েছি।

প্রতাপ। মহিষী, তুমি কে? আমি যুদ্ধে উঠতে বলিছি—যারা আমার জঘ অকাতরে শোণিত ব্যয় ক'রেছে, তারা উঠলো না—মন্ত্রি! তোমার মনে এই ছিল! আমি তো হৃদিঘাটের পর অর্থহীন দীন হয়েছিলেম, কেন তুমি তোমার সমুদয় অর্থ দিয়ে, প্রলোভন দেখিয়ে, কেন তুমি আমায় আবার রণ-রঙ্গ মাতালে? ওঃ! রাণাবংশে তাচ্ছিল্য, যবনের—যবনের তাচ্ছিল্য! কেন হৃদি ঘাটে কি ভল্লের পরিচয় দিইনি?

মন্ত্রী। মহারাণা! ক্ষান্ত হউন, অপরাধীর শাস্তি দিন, আবার উঠে বলুন যুদ্ধে চল,—দেখুন আপনার সভাসদ যুদ্ধে যায় কিনা! সে দিন আপনার ভৈরব মূর্তি দেখে ভয় পেয়েছিলেম, তাই উঠতে পারি নাই; কিন্তু যখন এ মূর্তি দেখে এখনও দাঁড়িয়ে আছি, তখন অধিকতর ভীষণ মূর্তিতে ডাকলে আপনার সভাসদ ভয় পাবে না; মন্ত্রীর সতর্কতায় ভয় পায় কিনা জানি না। হায়! হায়! সতর্ক হ'য়ে কি রাজশ্রীই দেখ্ব্লেম।

(বেতালের প্রবেশ)

বেতাল। (দ্বিতীয় নায়কের প্রতি) ওরে, তুই এখানে এসেছিস? আমায় ডেকে পাঠিয়েছিস, ভাগ্যিস্ রাস্তায়

ব'সে নেই, তা হ'লে তো তোর সঙ্গে দেখা হতোনা। আমি যার তোর জন্তে এই দেখ গাঁজা ছিলিমটা নিয়ে বেড়াচ্ছি—বড় লেগেছিল, না? তা গাঁজা ছিলিমটা খেলিনে কেন?

২য় নায়ক। তা দে।

বেতাল। (গাঁজা প্রদান করিয়া) দু'জনে খাস, আনন্দ রহো! আনন্দ রহো!! তোরে ক'ঘা চড় মেরেছিলুম, মারবি, আমি 'আনন্দ রহো'! ব'ল'বো এখন; রাগ করিস্‌নে—ও একটা হ'য়ে গেছে—মারিস্‌তো মার, নইলে ঘাই।

প্রতাপ। আনন্দ রহো, তুমি এ দিকে এস, তোমার আনন্দ আমায় একটু দাও, আমি এই নিরানন্দ রাজপুতধাম আনন্দময় করি।

বেতাল। (প্রতাপের প্রতি) ওরে তুই যে রে? (রাগীর প্রতি) তোমায় আমি চিনি। (প্রতাপের প্রতি) তোর সে কাবুলের পোষাকটা কোথায়—তোর মনে আছে তো—পেট দম্‌দম্‌ হ'য়ে শুয়ে পড়ে আছি, তুই আমায় গাঁজা খাওয়ালি, বল্লি—ভুলিয়ে দিলি কেন? আঃ!—আনন্দ রহো!

প্রতাপ। তুমি সামনে এস না?

বেতাল। তোর মুখ দেখলে আহ্লাদে 'আনন্দ রহো' ভুলে ঘাই; দাঁড়া, আমি 'আনন্দ রহো' একশোবার—দুশোবার—হাজার বার বলি, তার পর তোর সামনে ঘাই।

প্রতাপ। না ভুলবে না, মনে ক'রে দেব এখন।

বেতাল। আরে না, ভুলে মুঞ্চিল হবে ব'ল'ছি।

প্রতাপ। আমি মনে ক'রে দেবো।

বেতাল। আচ্ছা, কি ব'লবি বল; আচ্ছা বল দেখি—আনন্দ রহো!

প্রতাপ। আনন্দ রহো!

বেতাল। হাঁ হাঁ বেশ, বেশ, কিন্তু তেমনটি হ'লো না। ওরে, তোর এমন চেহারা হ'য়ে গেছে কেনরে? তুই 'আনন্দ রহো' বল, শীগ্‌গির শীগ্‌গির বল—টেঁচিয়ে না ব'লতে পারিস্—মনে মনে বল।

প্রতাপ। প্রিয়ে, তোমার মুখখানি নিচে আন, আর অত দূর থেকে দেখতে পাচ্চিনে।

বেতাল। ও তোর কে? তুই 'আনন্দ রহো' বল।

প্রতাপ। ভাই! তুমি বল, আমি শুনি।

বেতাল। আন্তে বলি—কেমন? আনন্দ রহো! আনন্দ রহো!!

প্রতাপ। আচ্ছা তোমায় জিজ্ঞাসা করি, তুমি 'আনন্দ রহো' বল কেন?

বেতাল। তুই যে শিখিয়ে দিয়েছিলি।

প্রতাপ। যদি আমি তোমায় 'আনন্দ রহো' শিখিয়ে থাকি, তুমিও আমায় 'আনন্দ রহো' একবার শোনাও। হায়, আমি কি দয়ার পাত্র! আকবরের দয়ার পাত্র! বাহ, তুমি আর উঠবে না! সেই দিনের শেলাঘাতে তো পদ অক্ষণ্য। প্রিয়ে, এ যাতনাতেও সে যাতনা মনে প'ড়ছে; কাণের কাছে মুখ আন, কাণের কাছে মুখ আন, জিভও বুঝি যায়! ভাই 'আনন্দ রহো'!—প্রিয়ে! এইবার—

বেতাল। ওরে তুই যেই হোস 'আনন্দ রহো' ব'লতে বল, নইলে আমি বলি, 'আনন্দ রহো! আনন্দ রহো'!!

প্রতাপ। প্রিয়ে, তুণে বজ্র ভেদ হ'লো।

মহিষী। তাই কি, এই তুণের উপর বজ্রাঘাত ক'রুছো?

প্রতাপ। প্রি—ই—ই—ই—য়ে—য়ে— (মৃত্যু)

বেতাল। 'আনন্দ রহো' ব'লতে বল, বলিনে?

সকলে। ওঃ!!! (দীর্ঘ নিশ্বাস)

বেতাল। আচ্ছা—'আনন্দ রহো! আনন্দ রহো'!!

তৃতীয় অঙ্ক

—:~::~—

প্রথম গর্ভাঙ্ক

দরবার

আকবর, মানসিংহ, নারায়ণসিংহ, ওমরা ওগণ,
মন্ত্রী ইত্যাদি।

আকবর। মহারাজ মান! আপনার ভূজবলে স্মেরু হ'তে কুমেরু পর্য্যন্ত আবদ্ধ, আপনার মন্ত্রণা-কৌশলে আমি সেই শৃঙ্খল অনায়াসে ধারণ ক'রে আছি, যোগ্য পুরস্কার আমি কি দিব?—আপনার শারদ-কৌমুদীর স্থায় বিস্তৃত গৌরবে সহস্রবদনে উল্লাস-ধনুবাদই আপনার পুরস্কার। এই তরবারি আপনি গ্রহণ করুন, আমি এ তরবারি নিত্য পূজা করি।

মান। শিরোপা শিরোধায়া! আমার হস্তে এ ভুবন-পূজ্য তরবারি, বাদসাহের রিপূর ভয় বর্জন ক'রবে সন্দেহ নাই; রাণা জীবিত থাকলেও সতর্কে এ অস্ত্রের প্রতি দৃষ্টিপাত ক'রতেন।

নারা। শৃগাল! কুলাঙ্গার! যবনভৃত্য! যবন-শালক! গুরুদেবের নিন্দা! (অসি নিক্ষেপন)
(চতুর্দিক হইতে নারায়ণসিংহকে মারিতে অসি উত্তোলন)

আকবর। স্থির হও রাজপুত্র, নিদ্রিতের প্রতি অস্বাঘাত কি তোমার গুরুদেবের শিক্ষা? মানসিংহ যুদ্ধার্থে প্রস্তুত নয়।

নারা। মানসিংহ কুলাঙ্গার!

আকবর। অঙ্গ-প্রভাবে রাজপুত্র পরিচয় দিতেও পরাশ্রুত নন।

১ম-ওম। আপনার গুরু জীবিত নাই, নচেৎ হৃদয়ঘাতে—

আকবর। অনধিকার চর্চায় প্রাণদণ্ড হবে। রাজ-পুত্র, যদি ইচ্ছা হয়, আমার বক্ষে তুমি অস্বাঘাত কর, রক্ষার্থে একটি অসিও নিক্ষেপিত হবে না।

নারা। আমি যোদ্ধা, নরঘাতী নই।

(নেপথ্যে)—আনন্দ রহো!—আনন্দ রহো!!

আকবর। তবে আমার সঙ্গে এস।

[নারায়ণসিংহ ও আকবরের প্রস্থান।

২য়-ওম। মহারাজ মান, আপনার ভৃত্য না?

মান। বাদসাহের তো পরিচিত দেখ্লেম।

১ম-ওম। অতিথির প্রতি রুঢ় বাক্যও নিষেধ।

(কতিপয় প্রহরী-বেষ্টিত বেতালের প্রবেশ)

১ম প্রহরী। মহারাজ মান, গত বৎসর যে প্রতাপের সৈন্য দিল্লীতে উৎপাত ক'রেছিল, এই ছদ্মবেশী 'আনন্দ রহো' তার মধ্যে একজন।

১ম-ওম। প্রহরি তোমরা তো খুব সতর্ক! অনধিকার চর্চা করনি, বিদ্রোহী জেনেও বাঁধোনি।

২য় প্রহরী। রাণা প্রতাপের লোককে বাদসার আজ্ঞায় পীড়ন নিষেধ।

১ম-ওম। অনধিকার চর্চা—

মান। এরেও বা খাসমহলে নিয়ে যাবার আজ্ঞা হয়। বেতাল। আনন্দ রহো! আনন্দ রহো!!

(দুইজন রক্ষকের প্রবেশ)

১ম রক্ষক। বাদসার আজ্ঞায় দরবার ভঙ্গ হয়।

মন্ত্রী। আচ্ছা, একে এখন গারদে রাখ, পীড়ন ক'রোনা; কি জানি, যদি বাদসার পরিচিত হয়। আমি বাদসাকে সংবাদ পাঠাই, পরে যেক্রম আজ্ঞা হয়—সেইরূপ হবে।

বেতাল। আনন্দ রহো! আনন্দ রহো!!

[সকলের প্রস্থান।

দ্বিতীয় গর্ভাঙ্ক

কক্ষ

আকবর ও নারায়ণসিংহ।

আক। আপনি যদি অনিচ্ছুক হন, আপনার পরিচয় আমিই দেব। আপনি মৃত বীরপুরুষ ঝাল্লার সর্দারের পুত্র, আপাতত মানসিংহের দাস—এ কথা ভাগ; যমুনা বা লহনার প্রেমে আবদ্ধ—আপনার চিত্ত আপনিই জানেনা, আমি জাম্বো কি ক'রে—এক্ষণে বাদসা আকবরসার সম্মুখীন,—যদি ইচ্ছা করেন, বাদসার সহোদরের স্থায় দক্ষিণ পার্শ্বে বসতে পারেন।

নারা। সে সম্মান প্রার্থী নই ; আচ্ছা আমার পরিচয় আপনি কিরূপে অবগত হ'লেন ?

আক। যদি ইচ্ছা করেন তো রাণা মৃত্যুকালে যে কথা ব'লেছেন, আমার সংবাদদাতার নিকট শুনতে পারেন।

নারা। যদি অনুগ্রহ করে সংবাদ-দাতাকে ডাকান, সে কুলান্দারের মূর্ত্তি আমি একবার দেখতে চাই।

(নেপথ্যে)—আনন্দ রহো ! আনন্দ রহো !!

আক। ওই আমার সংবাদদাতা।

নারা। ওই পাগল আপনার চর ?

আক। আপনিও আমার একজন চর।

নারা। বাদসাহের ভয় হ'চ্ছে।

আক। না, গত বৎসরের কথা মনে করে দেখ, যে দিন তোমার সেনারা দিল্লী আক্রমণ করে, বাদসার প্রাণ রক্ষা কিরূপে হ'লো ব'লতে পার ? পারবে না—আমিই ব'লছি ; রেসবৎ সিংহকে চেন ? সে দিন স্বয়ং আকবরসাহই রেসবৎসিংহ। মানসিংহের প্রাণনাশের নিমিত্ত সেই ভাণ ; মানসিংহের দাসীর ভ্রাতাকে মনে আছে ? (দাড়ি গোঁপ পরিয়া) এই দেখ কেবল পরিচ্ছদ পরিবর্তন বাকি।

নারা। বুঝ্লেম, আপনি বহুরূপী, কিন্তু মানসিংহকে বধ ক'রবার আপনার অভিপ্রায় কেন ?

আক। আপনি যেরূপ বীরপুরুষ—চিত্তচর্চায় সেরূপ দক্ষ নয়। যখন রাজা মানকে আমি তরবারি দিলেম, রাজা মান কি উত্তর ক'লেন স্বরণ আছে, সেই অন্তের দ্বারা তিনি ত্রিভুবন পরাজয় ক'রবেন। অন্তের ভাব মুখে ব্যক্ত হয় নাই—বাদসাহও সম্মুখীন হ'তে সাহসী হবেন না।

(প্রহরীর সহিত বেতালের প্রবেশ)

বেতাল। আনন্দ রহো ! আনন্দ রহো !!

আক। আজ অবধি এ ব্যক্তির কোন স্থানে যাবার বাধা নাই, এ কথা যেন দিল্লীর সকলেই অবগত থাকে। (প্রহরীদের প্রতি) তোমরা যাও। আনন্দ রহো, ব'সো।

বেতাল। ওরে দাঁড়া, তোর যে বেশ ঘর রে, আমি দেখি দাঁড়া।

নারা। ভাল, বাদসাহের প্রয়োজন কি, জানতে ইচ্ছা করি।

আক। তোমার সহিত সৌহার্দ্য।

নারা। তাতে ফল ?

আক। তোমার সাহস আমার বুদ্ধির দ্বারা চালিত হউক, উভয়ে সাম্রাজ্য ভোগ করি। যখন আমার, তোমার গ্ৰায় সাহস ছিল, তখন এ প্রবীণ বুদ্ধি ছিলনা ; প্রবীণ বুদ্ধির সহিত সে সাহস নাই।

নারা। কি কার্যের অনুমতি করেন ?

আক। মানসিংহ তোমার শত্রু, সম্মুখ-যুদ্ধ বধ কর।

নারা। আকবরসাহ, আমি আপনার কৃতদাস, হৃদয়-বন্ধু ! ভাল, সম্মুখ-যুদ্ধ কিরূপে ঘটনা হবে ?

আক। আমি সভায় তোমার পরিচয় দিয়ে প্রচার ক'রবো যে, মানসিংহের কণ্ঠার নিমিত্তে তুমি বাতুল, দাসত্ব পর্যন্ত স্বীকার ক'রেছ ; লহনাও তোমায় ভাল বাসে, কেবল মানসিংহ সে বিবাহে প্রতিরোধী,—এই নিমিত্ত তুমি মানসিংহকে সম্মুখ-যুদ্ধে চাও। প্রাণভয়ে ভুবন-বিজয়ী রাজা মান—তোমার সম্মুখীন হয় না।

নারা। যদি পাগলই ঘোষণা ক'রলেন, তবে যুদ্ধ হবে কেন ?

আক। আমি পাগল ব'লবো, কিন্তু সংঘটন বড় পাগলাম' নয়। সকলেই অবগত আছে যে বিনা রক্ষকে তোমার সহিত লহনা কালী দর্শনে গিয়েছিল, নারায়ণসিংহ রাজপুতনায়—লহনা ও যমুনাকে আনবার নিমিত্ত রাজপুতনায়। এ পাগল ঝাল্লার বংশধরের বিরুদ্ধে মানসিংহকে অসি মোচন ক'রতেই হবে।

নারা। আপনার মিথ্যার জন্ত আপনি দায়ী।

আক। মিথ্যা নয়, একটা ভুল মাত্র, লহনা অর্থে যমুনা।

নারা। আপনি কি পিশাচ-সিদ্ধ ?

আক। হাঁ, মানসিংহ আমার গুরু।

নারা। সে কিরূপ ?

আক। মানসিংহই আমাকে উপদেশ দেন যে, প্রজার বিষয় আমি কিছু জানিনা। পরে প্রথম শিক্ষা পেলেম যে, আমি বাদসাহ—তঁার কুজবলে। মূর্খ, দাস্তিক, স্বাদশ বর্ষীয় বালকের পাঠান-বিরুদ্ধে অস্ত্র চালনা যদি দেখতিস্ তো এ দস্ত তোর হৃদয়ে স্থান পেতো না।

নারা। ভাল, আমায় আপনি বিশ্বাস ক'রলেন, আমি যদি এ কথা প্রকাশ করি ?

আক। 'দিল্লীখরো বা জগদীশ্বরো বা', তিনি কি এ কাজ করিতে পারেন? রাণা প্রতাপের অমুচর, রাজা মানের সহিত বিচ্ছেদ ঘটনার অভিপ্রায়ে এই ঘোষণা করেছে। বাদসা কি দয়ালু! এখনও তার প্রাণ বিনাশ করেন নাই। হা! হা! দয়ার প্রভাব, দাস্তিক রাণা পর্যন্ত অনুভব করে গিয়েছে।

নারা। কি?

আক। ক্রোধের প্রয়োজন নাই, আপনি কি যুদ্ধ চান না?

নারা। ভাল, যুদ্ধ সংঘটন হউক, পবের কথা পরে।

আক। দিল্লীর স্থপতিগ।

নারা। (হঠাৎ নিম্নে অবতরণ) এ কি!

আক। আপাতত বন্দী।

বেতাল। আনন্দ রহো! আনন্দ রহো!!

আক। দেখ, তোমার যেখানে ইচ্ছা, সেখানে যেন। সেই তোমায় যে 'আনন্দ রহো' বলেছিল, সে অমনি শুয়ে পড়ে রইলো—আর তুমি 'আনন্দ রহো'! বলতে লাগলে!

বেতাল। আমার আবার কারা পায়, তুই ও কথা বলিস্নি, কারা যদি না পেতো, আমি 'আনন্দ রহো' বলতুম, সে শুনে পেতো।

আক। তুমি এই আংটিটা নাও, দেখানে যাবে—এই আংটিটা দেখালে কেউ কিছু বলবে না।

বেতাল। দে তো, (আংটিটা লইয়া) এ রাখবো কোথা?

আক। আঙ্গুলে পর ;—দেখ, রোজ তুমি সকালবেলা এসে, যেখানে যা শুবে—বলে যাবে।

বেতাল। আর আমি 'আনন্দ রহো' বলবো, আর তুই বলবি 'আনন্দ রহো'। হা, হা, বেশ মজা হবে, দেখ, তুই একবার শুতো, আমি ঐখানে বসি।

(আকবরের উত্থান)

বেতাল। (আংটি দেখাইয়া) এটা কি ভাই? এ কার ভাই? (অল্প মনে সিংহাসনে পদ উত্তোলন)।

আক। কেন? এই যে আমি তোমায় দিলুম।

বেতাল। না ভাই, আমি নেবো না,—আমার বড় ভাবনা হচ্ছে, (আংটি ফেলিয়া দিয়া) আমায় কেউ কিছু বলো না—আনন্দ রহো! আনন্দ রহো!! [প্রস্থান।

(ঘাতকের প্রবেশ)

ঘাতক। যোধা বাইয়ের চরকে মেরে ফেলেছি।

আক। মোহর কই?

ঘাতক। জাঁহাপনা! (নিম্নে গমন করিতে করিতে) আমার অপরাধ নাই, আমার অপরাধ নাই।

(একজন অমুচরের প্রবেশ)

অমু। যে স্থান পুড়িয়ে দিতে বলেছিলেন, তা দিয়ে এসেছি।

[প্রস্থান।

(কোতোয়ালের প্রবেশ)

কোত। এ ঘর জালান-অপরাধে কোন্ কোন্ বন্দীর দোষ সাব্যস্ত হবে?

আক। (পরিচ্ছদ দেখাইয়া) প্রথম, দ্বিতীয়, তৃতীয়; সংখ্যার সময়ে, তাদের এই এই পরিচ্ছদ ছিল—যেন সাব্যস্ত হয়।

[কোতোয়ালের প্রস্থান।

(বেতালের পুনঃ প্রবেশ)

বেতাল। আনন্দ রহো! আনন্দ রহো!! (মোহর দেখাইয়া) এটা কার বলতে পারিস্ন?

আক। ও আমার, দাও; তুমি এ পেলে কোথায়?

বেতাল। রাস্তায় একজন শুয়েছিল—গাঁজা খেতে পায়নি, আমি গাঁজাটা সেজে 'আনন্দ রহো' বলে, তার কাছে গেলুম—আর উঠে দৌড়। দেখি, সে এইটে চেপে শুয়েছিল।

আক। (ইঙ্গিত করণ, ও কোতোয়ালের প্রবেশ) যোধা বাইরের দূত মেরে নাই, প্রাতঃকালে ধৃত হয়ে যেন খুনী অপরাধী সাব্যস্ত হয়।

বেতাল। আনন্দ রহো! আনন্দ রহো!!

[প্রস্থান।

আক। এতেই বলে বেতাল।

(লহনার প্রবেশ)

দেখ লহনা, তোমায় আমি ভালবাসি কিনা, বল দেখি?

লহনা। জাঁহাপনার অমুগ্রহে আমার সবলই।

আক । তুমি যা ব'লেছ, আমি তাই শুনেছি, সে কথার পরিচয় দেবে ব'লে ডাকিনি ; তোমায় ভালবাসি কিনা পরিচয় দাও ।

(লহনার—নীর্বে অবস্থান) ।

আক । কিন্তু এক বিষয়ে তোমায় অস্বীকৃত ক'রেছি—আমি যে তোমায় প্রাণ অপেক্ষা ভালবাসি—এ কথা জানিয়েছি, তুমিও—আমি মন্থাস্তিক বাথা পাবো ব'লে, তুমি কার প্রেমে আবদ্ধ জানাও নি—তাতে আমি দুঃখিত,—আবার আহ্লাদিত এই যে, তোমার যৎকিঞ্চিৎ প্রতারণা শিক্ষা হ'লো । নারীর ছলই বল, আজ এই শিক্ষা দেবার জন্ত তোমায় ডেকেছি । এই কথাটি যেন মনে থাকে, আজ স্বাধীন, ভাঙার হ'তে তিনলক্ষ মুদ্রা তোমার মাসিক বরাদ্দ, অট্টালিকা বাগিচা তোমার জন্ত রেখেছি, আজ হ'তে তুমি তার অধিকারিণী ; তোমার প্রহরীকেও আমি ভুলি নাই, আমি জানি যে, আমার মত বৃদ্ধকে তোমার শ্রায় রূপবতী যুবতী ভালবেসে তৃপ্তি লাভ ক'রতে পারে না । এখন তুমি স্বাধীন,—কথাটি মনে রেখো, 'নারীর ছলই বল', এমন কি—সতীত্বও কথা মাত্র ।

লহনা । আমি জাহাপনা ভিন্ন, আর কাকেও জানিনা ।

আক । প্রাণ অত সরল ক'রোনা, চল, তোমার প্রণয়ীকে দেখাইগে ।

[প্রস্থান ।

(নেপথ্য)—আনন্দ রহো ! আনন্দ রহো !!

চতুর্থ অঙ্ক

—::—

প্রথম গর্ভাঙ্ক

কারাগার

দুইজন প্রহরী ও কারাগার মধ্যে নারায়ণসিংহ ।

১ম প্রহরী । ভাই, মিছি মিছি কেন রাত জাগবি, তুই ও ঘুমুগে—আমি ও ঘুমুইগে, সাত তলা মাটির নিচে কয়েদখানা, তার ভিতর থেকে কি মানুষ বেরুতে পারে ?

২য় প্রহরী । রাত ও ছপুর বেজে গিয়েছে, শুইগে ।

১ম প্রহরী । সেই ভাল ।

(নেপথ্য)—আনন্দ রহো !—আনন্দ রহো !!

২য় প্রহরী । ভাই, ও কি শব্দ হ'লো ?

১ম প্রহরী । কোন কয়েদখানায় কে না খেয়ে শুকিয়ে ম'রুছে ।

২য় প্রহরী । খাবার জন্ত তত নয়, জলের জন্ত যে করে রে—দেখতে ভারি তামাসা ;—বলে, দে দে—এক ফোঁটা দেবে, আমার যে ভাই হাসি পায় ।

১ম প্রহরী । ওর চেয়ে আবার ঢের ঢের মজা আছে রে ; পেরেকে শোয়া, মাথায় ফোঁটা ফোঁটা ক'রে জল,—চল শুইগে ।

২য় প্রহরী । তামাসা গুলো জেলের ভেতর হয় ব'লে,—তা নইলে একজন কয়েদীর চীংকারে সহর পূরে যেতো ।

১ম প্রহরী । বলিস কি, সামান্য মজা, নিচে আগুন রেখে—ওপরে তাত দেওয়া । [উভয়ের প্রস্থান ।

নারা । অদ্ভুত চরিত্র, আমি কোন্ পথ অবলম্বী, গুরুদেব ! আমি যথার্থই বালক, আর আমায় কে উপদেশ দেবে ? আমি বালক নই, পরিচয় দিবার জন্ত কার নিকট অভিমান ক'রব ? রাজপুতনার মৃত্তিকা ভিন্ন—অপর মৃত্তিকাই অপরিচিত । আমি কারাগারে বালকের শ্রায় ক'রতে ব'সেছি, অপদার্থ ক্ষুদ্র প্রহরীতেও রাজপুত ভীত বলুক ।

(সহসা একপার্শ্বের দ্বার উদ্ঘাটন ও লহনার প্রবেশ)

নারা। কি লহনা, তুমি হেথা ?

লহনা। নারায়ণ, এতেও কি তুমি আমায় ভালবাসবে ?
কথার উত্তর দিলে না ?

নারা। দেখুন, আমি নারায়ণ কিনা, আমার সন্দেহ
হ'চ্ছে।

লহনা। সন্দেহের কারণ—তোমার কঠিন প্রাণ, আমি
কি মনস্কামনা সিদ্ধির জন্তু তোমার সহিত কালী-মন্দিরে
গিয়েছিলেম জান ? যাতে তোমায় পাই, সেই জন্তুই কালী-
মন্দিরে গিয়েছিলাম। ভাল, কঠিন হও আর যাই হও,
লহনা থাকতে তুমি এ স্থানে কেন ? আমার সঙ্গে এস,
আবার রাজপুত্রনায় যাও, যমুনার পাণি গ্রহণ কর।

নারা। লহনা !

লহনা। কি ?

নারা। লহনা, তুমি যথার্থ ই কি আমাকে ভালবাস ?

লহনা। ক্ষমা কর, তোমায় এ অবস্থায় পরিহাস ক'রে
ভাল করি নাই, আমার অনুরোধ বা আদেশ—যে কথায়
বোঝ—আমার সঙ্গে এস।

নারা। লহনা, যদি যথার্থ ই ভালবাস, একবার ব'সো।

লহনা। তুমি যথার্থ ই পাষাণে গঠিত, ভাল, কি বলবে
বল।

নারা। লহনা, স্থির হও, শোন, আমি তোমার শক্র,
হৃদয়ঘাটের যুদ্ধে পিতার মৃত্যু হয়। আমি রাণাপ্রতাপের
অসি স্পর্শ করে শপথ ক'রেছি, আমি গুরুবৈরী মানসিংহকে
সম্মুখযুদ্ধে স্বহস্তে নিধন ক'রব, এই আশায় তোমার
পিতার দাসত্ব স্বীকার ক'রেছি, সেই আশায় এই কারাগারে,
সেই আশায় আমি ছদ্মবেশী অকুচর নিয়ে দিল্লী আক্রমণ
করি, সহস্র কামান-গর্জনের সম্মুখীন হ'তে প্রস্তুত,—যদি
আশা সফল হয়, জান্লেম জীবন সাথক ; যতদিন সে আশা
পূর্ণ না হয়, যমুনা কি ছার—গুরুদেবের ত্রায় গৌরবও
প্রার্থী নয়। লহনা, তোমার প্রেম অতি অসংগত্রে অর্পিত।

লহনা। তোমার পিতা কে ?

নারা। ভুবন-বিখ্যাত ঝাল্লার অধিকারী।

লহনা। আপনি আমায় মাপ করুন, এখন জান্লেম
যে আপনি যমুনারও নন ; কেন না, যদি আপনি প্রেমিক
হ'তেন—প্রেমিকের চিত্ত বুর্তে পাতেন, কিন্তু দাসী বা

শক্রকণ্ঠা—অধিনীকে যে নামে সম্বোধন করুন, তার সহিত
কারাগার পরিত্যাগ ক'রতেও কি হানি বিবেচনা করেন ?

নারা। আমার কারা মোচনে তোমার এত যত্ন কেন ?

লহনা। সত্য, সকল যন্ত্রণা নিবারণ ক'রবার উপায়
তো আমার হাতে আছে। নারায়ণ ! তোমায় ভালবেসে
কি আমি আত্মঘাতী হব ? আমার প্রেমের কি এই
পরিণাম ?

নারা। লহনা, একটি কথা জিজ্ঞাসা করি, আমি এ
অবস্থায় আছি, তুমি কিরূপে জান্লে ; আর তুমিই বা
হেথায় কিরূপে এলে ?

লহনা। প্রেমের অদাধ্য কিছুই নাই, নারায়ণ, তা
তুমি জাননা ?

নারা। লহনা, যদি আমায় ভালবাস, কথার উত্তর
দাও, আমি স্বয়ং জানিনা—কিরূপে এ কারাগারে এলেম,
এ সংবাদ তুমি কিরূপে জান্লে ? আকবরসাহ তোমায়
কখনও বলেন নি।

লহনা। আকবরই আমাকে ব'লেছেন।

নারা। কোতুহল বৃদ্ধি হ'লো কেন ?

লহনা। আমি এত দিন মনের আগুন মনে লুকিয়ে
রেখেছিলুম। তুমি ভৃত্য, তোমায় কিরূপে বিবাহ ক'রব,
বিবাহে পিতা সম্মত হবেন কিনা, তোমার অবস্থা ভাল নয়,
এই নিমিত্ত প্রাণ ভস্ম হ'য়েছে, তথাপি আগুন প্রকাশ
করিনি। আজ তার সকলি বিপরীত,—আমি স্বাধীন,
আকবরসাহ আমার ইচ্ছাধীন, তুমি রাজার তুল্য ব্যক্তি,
তবে কেন বৃথা ক্লেণ করি, তুমি তো আমার সকল কথাই
শুনতে, আজ শুনচো না কেন ?

নারা। লহনা, সে প্রাণ আর নাই। অথবা কেনই
বা তোমার কথা শুনতেন—তাও বলতে পারিনি ; লহনা,
স্বয়ং প্রতারণিত হ'য়েও আমায় যদি ভালবাসতে—তাহ'লে,
যে দিন সেলিমের ঘরে যাও, বন থেকে তোমার জন্তু যত্ন
ক'রে ফুলটি তুলে এনেছিলেন, সে ফুল তুমি অগত্বে ক'রে
ব'লতে না, যে 'তুই চাকর, আমার হাতে ফুল দিস্' !

লহনা। না জেনে অপরাধ ক'রেছি, মাঞ্জনা কর।

নারা। তখনি মাঞ্জনা ক'রেছি, কিন্তু তুমি আমায়
ভালবাসনা তাও জেনেছি। লহনা, তোমার মুখ চেয়েই
আমি গুরুবৈরী নিধন করি নাই, প্রতিফল—সঙ্গে তরবারি

থাকতে, রাজপুতকে একজন রমণী কারা-মুক্ত ক'রতে
এল ? তুমি বৃথা ক্লেশ পাবে, আমি তোমার সঙ্গে যাবনা ।

লহনা । না গেলে কি হবে, তা জান ?

নারা । বিশেষ ক্ষতি কি হবে, জানি নি ।

লহনা । কারাগারে অনাহারে মৃত্যু হবে ; জান—
আকবরসাহ আমার প্রণয়াকাজ্ঞী ।

নারা । তোমার প্রণয়াকাজ্ঞী, আকবরসাহ হন, বা
সেলিম হন, বা অপর কোন মহৎ-ব্যক্তি হন, আমি জানতে
ইচ্ছুক নই ।

লহনা । কি বলি ? নিজ কর্মোচিত ফল পা !

[প্রস্থান ।

নারা । মনুষ্যের জীবন-আশা কি এত প্রবল—বা
আমায়ই হীন প্রাণ যে, লহনা আমায় ভয় প্রদর্শন ক'রে
গেল, যমুনা, গুরুদেবের মৃত্যুকালে তোনায় কাঁদতে
দেখেছি ; আমার এ কারাগারেও সাধ হয় যে, যখন শুন্বে
আমি নিরুদ্দেশ, সেই বারি এক বিশু দিও—আমার
তাপিত প্রেতাত্মা শীতল হবে !

(নেপথ্যে)—আনন্দ রহো ! আনন্দ রহো !!

(নেপথ্যে যমুনা)—এ যে বড় অন্ধকার ।

(বালক-বেশে যমুনা ও বেতালের প্রবেশ)

যমুনা । প্রহরীরা কোথা ?

বেতাল । এরা সব ঘুমিয়ে, (দেওয়ালে চাবী দেখাইয়া)
আমি চলেম, এই চাবী নাও, এই চাবীতে খুলে যাবে ।
আর যদি পথ না চিন্তে পার, ঐ ঘরের ছাদে হাত বুলিয়ে
দেখে—পেরেক আছে, সেই পেরেকটা টেনো—খস ক'রে
খুলে যাবে । এখানে এমন খারাপ দেখছে, তার পরে
উপরে উঠেই দেখতে পাবে—কেমন বাড়ী, তার পর বাগান
দিয়ে রাস্তায় প'ড়বে, আমি চল্লুম ; আনন্দ রহো ! আনন্দ
রহো !! [প্রস্থান ।

যমুনা । মোহন, চল, যদি পালাবার উপায় থাকে তো
এই ।

নারা । যমুনা ! তুমি দেখা ! তুমিও কি বন্দী, না
এও আকবরের ছল ?

যমুনা । আমায় অবিখ্যাস ক'রোনা, অনেক দিন কোন
সংবাদ না পেয়ে, রাজপুতনা হ'তে দিল্লী এলেম ; শুন্লেম

যে, তুমি কারাগারে উন্মাদ অবস্থায় অবস্থান ক'রো,
মানসিংহের সহিত যুদ্ধ চাও ; কোথায় আছ, কিছুই স্থির
ক'তে পারেন না, পাগলের সঙ্গে দেখা হ'লো, সেই আশায়
এ স্থানে নিয়ে এল ।

(নেপথ্যে ১ম প্রহরী)—তুই বেটাও যেমন—
পাগলা বেটা আবার লোহার গরাদ ভাঙবে ? ঘুমুচ্ছিলুম—

(নেপথ্যে ২য় প্রহরী)—একবার দেখে এসে ঘুমুনো
যাবে এখন ।

(দুইজন প্রহরীর প্রবেশ)

১ম প্রহরী । ওরে, চাবী কোথা গেল ?

২য় প্রহরী । ওরে, দোর খোলা !

১ম প্রহরী । ওরে, দু'বেটা যে !

(নারায়ণসিংহ অসি লইয়া একজনকে আঘাত ও অপর
প্রহরীর চীৎকার করিতে করিতে প্রস্থান ; আর আর সকল
প্রহরী জাগ্রত হইল)

যমুনা । হা পরমেশ্বর ! এতেও কি বিমুখ হ'লে !

(অপর দিক দিয়া বেতাল মুখ বাড়াইয়া)

বেতাল । আনন্দ রহো ! আনন্দ রহো !! ওরে,
তোরা আস্বে, আয় ।

যমুনা । লহরিমোহন, শীঘ্র এস, স্বয়ং পরমেশ্বর দোর
খুলে দিয়েছেন ।

[সকলের প্রস্থান ।

(প্রহরিগণের প্রবেশ)

১ম প্রহরী । ওরে, কোথা গেল, ফুস মস্তে উড়ে গেল
নাকি ?

২য় প্রহরী । শালা ঘুমুবে না ! ওরে—জ্যাস্ত পুঁতে
ফেলবে ।

৩য় প্রহরী । ওরে, এখানে গোল ক'রে কি হবে ।
নায়েবের কাছে চল, এ বেটাকেও নিয়ে চল ।

[সকলের প্রস্থান ।

দ্বিতীয় গর্ভাঙ্ক

কক্ষান্তরে যাইবার পথ

(সেলিমের প্রবেশ)

সেলিম। যদিও মন মুগ্ধ ক'ন্তে না পেরে থাকি, অস্ততঃ মন নরম হ'য়েছে—তার সন্দেহ নাই। যদি চেষ্টায়—ও কে ও ? হাওয়া—আমি ধ'রবো, স্ত্রীলোক অসম্মত হবে—এও কি হয় ?

(নেপথ্যে)—আনন্দ রহো ! আনন্দ রহো !!

এ আবার কোথা, কোথা রাস্তা ঘাটে চেষ্টাচ্ছে। একি—পায়ের শব্দ কোথা হয় ? না আর একটু সরাপ খাই। বাদসা আর টের পাবে কি ক'রে ? উদিক্কার দোরটা দিয়েছি—হাঁ দিয়েছি বইকি।

[প্রস্থান।

(বেতাল, নারায়ণসিংহ ও যমুনার প্রবেশ)

বেতাল। ওরে, এই দিক দিয়ে দরজা—ঐ যা, যখন লোহার দরজা বন্ধ হ'য়েছে, তখন তো খুলবেনা ; এই দিক দিয়ে চল, আনন্দ রহো ! আনন্দ রহো !!

যমুনা। তুমি চেষ্টাও কেন ?

বেতাল। চেষ্টাব না, তবে চূপ ক'রে চল, আমি মনে মনে—'আনন্দ রহো' বলি।

[সকলের প্রস্থান।

তৃতীয় গর্ভাঙ্ক

কক্ষ

(লহনা নিদ্রিতা, সেলিমের প্রবেশ)

সেলিম। এমন গোলাপের ছাগ—আমি নেবো না তো নেবে কে ? নিশ্বাস-প্রশ্বাসে যেন কুচ-যুগ আমায় আহ্বান ক'রুচে। একি ! অকস্মাৎ ঝড় উঠলো না কি ? আল্লা ! আল্লা ! একি বজ্রাঘাত, আমি কি বালক ! কোথায় বজ্রাঘাত—আর কোথায় আমি, এ মধু-পান ক'রবো না ? আর একটু সরাপ খাই।

লহনা। ওকে পোড়াও, যমুনার সামনে পোড়াও।

সেলিম। ও কে কথা কয় ? আমি বালক আর কি ; আর কি প্রহরী কেউ জাগ্রত আছে ?—সকলেই মদ খেয়ে অচেতন, টাকায় কিনা হয়।

লহনা। আগুনে পোড়েনা,—এখনও যমুনার হাত ধ'রে হাসি !

সেলিম। আজ বুকি মদে নেসা হ'য়েছে। আলোটা নড়ছে, কে যেন বারণ ক'রুচে, আমারই তো—একবার ভাল ক'রে দেখি, বুকের কাপড়গুলো কেটে দিই। (কাপড় কাটিতে উত্তত)

(নেপথ্যে যমুনা)—এই পথে আলো—এই পথে আলো !

(নেপথ্যে বেতাল)—আনন্দ রহো ! আনন্দ রহো !!

লহনা। নারায়ণ, কেটোনা, আমি তোমায় পোড়াতে বলিনি।

(নেপথ্যে)—আনন্দ রহো ! আনন্দ রহো !!

লহনা। বাবা গো !

সেলিম। চূপ, চূপ, আমি সেলিম।

(যমুনা, বেতাল ও নারায়ণসিংহের প্রবেশ)

নারা। উত্তম—আকবরের পুত্র !

(অসি নিষ্কাশিত করিয়া উভয়ের যুদ্ধ)

বেতাল। আনন্দ রহো ! আনন্দ রহো !!

লহনা। ওঃ ! (মূর্ছা)

যমুনা। (বেতালের প্রতি) আপনি দেবতা কি মনুষ্য জানিনা, এই বিপদ হ'তে উদ্ধার করুন।

(নেপথ্যে—“কোন্ দিকে, কোন্ দিকে” ?—কোলাহল)

নারা। এইবার শমন দর্শন কর।

(নারায়ণের অস্বাঘাত)

সেলিম। তোমরা দেখ, বাতুলকে ধর, বুকি মৃত্যু উপস্থিত।

(সেলিমের পতন)

(মানসিংহের প্রবেশ)

মান। একি !

নারা। (সেলিমের অসি লইয়া মানসিংহের প্রতি) এই অস্ত্র লও, যুদ্ধ কর, নচেৎ পশুবৎ প্রাণত্যাগ কর।

(যমুনা ও বেতালের উভয়ের মধ্যবর্তী হওন)

বেতাল। আনন্দ রহো !

নারা। আপনি কে ?

বেতাল। আনন্দ রহো ! আনন্দ রহো !!

যমুনা। যুদ্ধ ক'ব্বার আগে দেখুন, যুবরাজ সেলিম কেন হেতায় ?

মান। নারায়ণসিংহ, এ ঘটনা আমি কিছুই বুঝতে পাচ্ছি না। তুমিই কি যমুনা ? তুমি জান যদি বল। নারায়ণসিংহ, ক্ষণেক বিলম্ব কর—যদি যুদ্ধ-সাদ থাকে, পরে মিটাব। আগে বল, যুবরাজ সেলিম এখানে কেন ?

নারা। বোধ হয়, তোমার কুলটা কণ্ঠার উপপতি—যুদ্ধ কর।

সেলিম। নানা, আমি ধর্মনাশ ক'ব্বতে আসিনি, আর মাথায় বজ্রাঘাত ক'রোনা।

যমুনা। শুভুন।

মান। রাণা প্রতাপ ! তুমি স্বর্গে, আমি নরক-যজ্ঞগা ভোগ ক'চ্ছি।

নারা। মানসিংহ, এতদিনে চৈতন্য হ'লো, আর তোমার সহিত বিবাদ নাই।

মান। এই আমার বীর-গর্ভ, এই আমার বুদ্ধি-কৌশল, ভাল, উত্তম,—আপনার কণ্ঠার উপপতি সংঘটন ক'ল্লেন,—রাজপুতানা ! আর কি আমি রাজপুত নামের যোগ্য হব ? ইতিহাসের পত্র অবশ্যই আমার নামে কলঙ্কিত হবে, রাণা প্রতাপের নামে বক্ষ্যা। আরাবল্লি কুশনময়-কুঞ্জ-ভূষিত হবে, আমার নামে বাড়বানল প্রজ্জ্বলিত হবে, হৃদিঘাটে প্রতি পরমাত্ম, রাণার ভুবনানর্শ পরাজয় গান ক'ব্ববে, আমার জয়গান প্রতি বায়ু অজাত শিশুর হৃদয়ে আমার নামে ঘণার উদ্রেক ক'ব্ববে। না জন্মভূমি ! সন্তানের অপরাধ মার্জনা ক'ব্ববে কি ? আজ মুসলমানের দাস হ'তে আমি মুক্ত। হায় ! হিন্দু হ'য়ে যবনের দাস হ'লে—নারায়ণ, তুমি হেথায় কিরূপে ?

লহনা। কেও পিতা, আমায় ধরুন, আমি কিছুই জানিনি, আমি স্বপ্নে দেখেছিলুম যে, কে যেন আমায় কাটতে এল, তার পর দেখি—এই সব।

মান। লহনা, এস্থান হ'তে যাও।

যমুনা। তুমি একলা যেতে পারবেনা, আমায় ধ'রে

চল, (মানসিংহের প্রতি) ইনি পালাচ্ছেন, ইনি পাগল নন—বন্দী, আপনি দেখবেন।

[লহনা ও যমুনার প্রস্থান।

মান। নারায়ণ, আমার সঙ্গে এস, আমি তোমারই আশ্রিত।

[নারায়ণসিংহ ও মানসিংহের প্রস্থান।

বেতাল। আনন্দ রহো ! আনন্দ রহো !! ওরে, ওঠ'নারে, এখনও উঠ'লিনি,—সব চ'লে গেল !

সেলিম। দোহাই, আল্লা ! আল্লা !

[প্রস্থান।

বেতাল। আনন্দ রহো ! আনন্দ রহো !!

[প্রস্থান।

চতুর্থ গর্ভাঙ্ক

উদ্যান

মানসিংহ ও নারায়ণসিংহ।

মান। তবে তোমায় এইরূপেই বন্দী ক'রেছিল। সভায় তারপরদিন ব'লে যে তুমি আমার সঙ্গে যুদ্ধ চাও ; আমি অসম্মত হ'লেন, বোধ হয় সেই নিমিত্তই তোমায় কারাগারে রেখেছিল, কি জানি, যদি তুমি কথা প্রকাশ ক'রে দাও। তোমারই কথা সত্য, লহনাকে আকবর পাঠিয়েছিল সন্দেহ নাই, বোধ হয় তুমি ভুল'ছো, লহনা বাদসাহ না ব'লে—ব'লে থাকবে, সেলিম আমার প্রণয়াকাজক্ষী।

নারা। আমার বিশেষ শ্রবণ নাই, সেলিমই ব'লে থাকবে। আপনি সেলিমের সঙ্গে লহনার বিবাহ দিন, যবনী হোক—তবু দ্বিচারিণী হবে না।

মান। তাতে আর এক ফল, লহনা সেলিমের বেগম হ'লে, বাদসাহ অনেক সংবাদ পাওয়া যাবে।

নারা। মহাশয় ! ক্ষমা ক'রবেন। যদি রাজপুতনায় আশ্রয়-বিচ্ছেদ না হ'তো, দিল্লী হ'তে যবন দূরীকৃত ক'ব্বার নিমিত্ত সেলিমকে কণ্ঠা দিতে হ'তোনা। গুরুদেব ভারত-বর্ষের এই ছুরবস্থা দূর ক'ব্বার জন্ত, আজীবন জটাভার বহন ক'রেছেন, বীরদেহে সহস্র অস্ত্রলেখা ধারণ ক'রেছিলেন ; গিরিশিরে, উপত্যকায়, অদিত্যকায়, গহন বনে

বন্যের শ্রমণ ক'রেছেন, অরি-শোণিতে রাজপুতনার প্রতি মৃত্তিকাখণ্ড কর্দমিত ক'রেছেন।

মান। লহরিমোহন, অধিক তিরস্কার বাহুল্য, আবার কবে দেখা হবে? প্রায় রজনী প্রভাত হয়।

নারা। কল্য কালী-মন্দিরে দেখা হবে তো কথা হ'লো।

মান। কালী-মন্দিরেই, তাই জিজ্ঞাসা ক'চ্ছি।

নারা। মহাশয়! উতলা হবেন না, সকল কথা স্মরণ রাখবেন, আকবরের অতি সূক্ষ্ম দৃষ্টি, আকবরের চর এখানে থাকাও অসম্ভব নয়।

[নারায়ণসিংহের প্রস্থান।

(বেতালের প্রবেশ)

বেতাল। আনন্দ রহো! আনন্দ রহো!! ওরে, সে কোথা গেল রে?

মান। তুমি হেথা কেন?

বেতাল। বারণ করে দিয়েছে, তোকে বলি আর কি! বলনা, কোথা গেল?

মান। কে?

বেতাল। সেই ছোটো ছোড়া। সে বড় মজা, বড় ছোড়া অন্ধকার ঘরে ছিল—জানিস্ তো, আর ছোট ছোড়া পথে ব'সে কাঁদছে, আর কি ব'লছে। আমি বলি 'আনন্দ রহো! আনন্দ রহো!!' ও বলে আমার আনন্দ কোথা, শুন্লেম, বড় ছোড়ার জন্ম কাঁদছে; অন্ধকার ঘরের ভিতর আছে জানে না। পাহারাওয়ালারা ঘুমঘ—স্বচ্ছন্দে গেলেই হয়, দেখা ক'রে আসে; তাকে খুঁজি কেন—তা জানিস্? এই সকাল হ'য়েছে, তার কাছে যেতে হবে, কোথায় কি দেখেছি—ব'লতে হবে।

মান। কাকে ব'লবে?

বেতাল। আরে, তুই শ্রাকার আর কি! সেই যে, যার ঠেঙ্গে গাঁজা খাবার পয়সা চেয়েছিলাম, তুই দিলি; সে যেন পাগুলা, তার ঠেঙ্গে পয়সা চাইলুম—একটা কি বার ক'রে দিলে; আবার একটা আঙ্গুলে কি দিয়েছে শ্রাক।

মান। তোমায় আর কেউ জিজ্ঞাসা করেনা, এ আংটা কোথায় পেলে?

বেতাল। জিজ্ঞাসা করে, আমি বলিনি; আমি বলি

“তোমার কি, সে পাগল ছাগল মানুষ, কেউ চিহ্ন বা না চিহ্ন”।

মান। তবে আমায় ব'লে কেন?

বেতাল। তোমার সঙ্গে খুব ভাব আছে, তাই ব'ল্লুম, আমি সব জায়গায় বেড়িয়ে বেড়াই, তোদের এইখানে আসতে আমায় আরো বলে। হ্যারে, সে ছোড়া কোথায় গেল?

মান। কোন্ ছোড়া?

বেতাল। তুইও পাগল, দূর—আনন্দ রহো! আনন্দ রহো!!

[প্রস্থান।

মান। এও আকবরের চর।

[প্রস্থান।

(বেতালের পুনঃ প্রবেশ)

বেতাল। সত্যি, সে ছোড়া কোথায় গেল? দূর হোক, আজ গল্প ক'রতে যাবো আর ব'লে আসবো, আর রোজ রোজ গল্প ক'রতে পারবোনা; আমার ঘুম পাচ্ছে, এখন সকাল হয়নি, কোথায় শোব? ঐ দিকে যাবো? হ্যা, সেই কথাই ভাল,—আনন্দ রহো! আনন্দ রহো!!

[প্রস্থান।

পঞ্চম গর্ভাঙ্ক

কক্ষ

আকবর ও মানসিংহ।

আক। আমি তো পুনঃ পুনঃ ব'লছি, যাতে আপনার মত, তাতে আমার অমত কি?

মান। তবে আমি নিশ্চিত রইলেম।

[প্রস্থান।

আক। সর্প যে মস্ত্রে মুগ্ধ থাকে—তাই ভাল, কিন্তু তথাপি সন্দেহ দূর হ'চ্ছে না।

(লহনার প্রবেশ)

আক। লহনা, ব'সো, তুমি যে সেলিমের প্রেমে বন্ধ, তা আমি জানতেম না, আমি মনে ক'ন্তেম, নারায়ণসিংহ

তোমার প্রিয়, সেই নিমিত্ত তাতে কারাগারে আবদ্ধ
ক'রেছিলেম, তার পর তার উদ্ধারের উপায় তোমার হাতেই
দিই।

লহনা। যে রাত্রে বন্দী করেন, সেই রাত্রে তো আমায়
সকল কথাই ব'লেছেন।

আক। আজ হ'তে তুমি আমার পুত্র-বধু হ'লে,
এইখানে ব'সো, সেলিম আসছে ; আমি সভায় যাই।

[প্রস্থান।

(বেতালের প্রবেশ)

বেতাল। ওরে, শোন্ শোন্, এ ছোট ছোড়াটা
ছোড়া কি ছুঁড়ী তা জানিনি। আনন্দ রহো ! আনন্দ
রহো !! [প্রস্থান।

লহনা। ওমা, যেখানে যাই, সেইখানেই কি এই
মিন্‌সে ?

(সেলিমের প্রবেশ)

সেলিম। লহনা, আমার অপরাধ নাই, তোমার
রূপেরই অপরাধ। লঘুপাপে গুরুদণ্ড দিওনা, তোমায়
ভালবেসে, আমার প্রাণ না যায়। তুমি যদি আমায় বিবাহ
না কর, পিতা আমার প্রাণদণ্ড ক'রবেন।

লহনা। সেলিম ! তোমার জন্তু যে আমার অন্তরের
অন্তর পুড়ে, তাকি তুমি জান না ?

সেলিম। প্রিয়ে, তুমি আমার রাজেশ্বরী। (স্বগত)
স্ত্রীলোক ভোলাবার কৌশল বিধাতা আমায়ই দিয়েছিলেন,
তা না হ'লে অপক্ষপাতী বাদসার নিকট দণ্ড পেতে হ'তো।

লহনা। নাথ, কি ভাব্‌চো ?

সেলিম। লহনা, তুমি কি আমায় ভালবাস ? আহা,
এ ছবি-নিন্দিত নারী-রত্নটি কি আমার ? লহনা,
বল, যতবার জিজ্ঞাসা করি, বল—তুমি আমার।

লহনা। নাথ, আমি তোমার।

সেলিম। লহনা, আবার বল।

লহনা। আমি তোমার।

সেলিম। তবে এখন বিদায় হই, বাদসাহর নিকট
সভায় যেতে হবে। (স্বগত) সকালটা কিছু আমোদ
হ'লো না।

[সেলিমের প্রস্থান।

লহনা। আমার এমনি কপালটা খারাপ, বুদ্ধি ক'রে
ক'রে এনে ঠিকটি করি—আর কোথায় যায়। কলিকালে কি
দেবতা আছে ? কালীর পায়ে জবা দাগ—মনস্কামনা সিদ্ধ
হবে ; মাগো ! কি বিভীষিকা মূর্তি ! পূজা ক'তে ভয় করে।
কোথায় বেগম হ'ব মনে ক'ছিলেম, নাবায়ণকে মন্ত্রী ক'তেম,
সেলিম এসে এক কাল ক'লে। বুড়া বাদসাহকে ওঠ-বোস
করতেম, আচ্ছা—আজ যদি বাদসা মরে, কাল তো
সেলিম বাদসা হবে, দাঁড়াও—এ কথা এখানে ভাব্‌বো
না ; নিরিবিলি ঘরে দোর দিয়ে ভাব্‌তে হবে, বাদসার
খাবার তদারক ক'রতে হবে,—নারায়ণকে নেবোই নেবো।
এত ক'রে না পাই, ইদারার ভিতর পুরে, মুখ গেড়ে দেব।

(নেপথ্য)—আনন্দ রহো ! আনন্দ রহো !!

এ বেটাকে তো আগে শুলে দেব, যমুনা বলে, তোমার
ভা দেখে ঠ'চিনে, আঃ নেকি লো !—নারায়ণকে আর এক
রকম ক'রে জন্ম ক'রবো, যমুনা তো আমাদের বাড়ীতে ;
বাদসার সঙ্গে যে কাজ ক'রতে হবে—একবার ঘরে পরক
করা ভাল (দর্পণে মুখ দেখিয়া) স্বছ মুখখানিতে কি হ'তো,
বুদ্ধি না থাকলে—

(নেপথ্য)—আনন্দ রহো ! আনন্দ রহো !!

মিন্‌সে মরে না, এখন যাই।

[প্রস্থান।

(বেতালের প্রবেশ)

বেতাল। ওমা, কেউ নেই যে গো, আনন্দ রহো !
আনন্দ রহো !!

অষ্ট গর্ভাঙ্ক

রাজবাটী হইতে বাগানে যাইবার পথ

আকবর ও বেতাল।

আক। আচ্ছা আনন্দ রহো, এই ঝোঁপে তুমি লুকিয়ে
থাক্তে পার কতক্ষণ ?

বেতাল। কেনরে লুকুবো ?

আক। তুই লুকুবিনি ? আমি লুকুই।

বেতাল। এই দেখ—আমিও লুকুই, আমি এইখানটায়
শুয়ে একটু ঘুমুই।

আক। আচ্ছা, তুই এই আটা ফেলে দিয়ে গিয়েছিলি, আবার পেলি কোথায় ?

বেতাল। তুই ফেলে রেখে গেলি, আমি কুড়িয়ে নিয়েছি।

আক। আচ্ছা, তুই শো!

[বেতালের প্রশ্নান।

(স্বগত) একক সকল সংবাদ রাখা নিতান্ত সহজ নয়, আমার কি বুদ্ধির ব্যতিক্রম হচ্ছে ? তিনবার মানসিংহকে বধ করবার উপায় ক'লেম, 'আনন্দ রহৌ' তা নিবারণ ক'লে। কি জানি, ওর 'আনন্দরহৌর' কি গুণ, আমায় আসন হ'তে উঠিয়ে সে আসনে পা রাখলে, নারায়ণসিংহকে কারা-মুক্ত ক'লে,—কোথায় মানসিংহের অনিষ্টের নিমিত্ত ওকে নিযুক্ত ক'লেম, কিন্তু সম্পূর্ণ বিপরীত ঘটেলো ; আমার সন্দেহ হচ্ছে—কোন যাত্ন-কর ; নচেৎ অস্ত্রধারীর অস্ত্র পড়ে যায়, যেখানে খুন, বলাৎকার, সেই-খানেই উপস্থিত। এ কোন রাজপুত্রের চর, সন্দেহ নাই। যিনি হোন,—আজ পঞ্চম প্রাপ্ত হবেন।

(দুইজন সৈনিকের প্রবেশ)

অতি সতর্ক হ'য়ে পাহারায় নিযুক্ত থাক, যে আত্মক বা যে যাক, তার প্রাণ বিনাশ কর। যদি কেউ লুক্কাইতভাবে এ কোঁপে কোঁপে অবস্থান করে, তাকেও বিনাশ কর ; ক্রীলোককে কিছু বলোনা।

[সৈনিকদ্বয়ের প্রশ্নান।

(লহনার প্রবেশ)

লহনা, এতদিন তোমায় চিনেও চিনিনি, আমি মুঢ়, তোমার সেলিমের সহিত বিবাহ হবে মাত্র, কিন্তু তোমায় নিয়ে আমি মরকত-কুঞ্জে থাক'বো, কিন্তু হায় ! তোমার পিতা জীবিত থাকতে তো নিশ্চিত হ'তে পার'বো না ; দেখ, যদি আজ কোন কৌশলে তাঁকে এই দিকে নিয়ে আসতে পার।

লহনা। কি বল'বো ?

আক। তুমি কৌশলময়ী প্রতিমা, তোমায় আমি কি শিখাব, আমি স্বয়ং কৌশল ক'রে, তিনবার বিফল হ'য়েছি।

লহনা। এবার সফল হবে—তার নিশ্চয় কি ?

আক। এবার তুমি আমার সহায়, আর কারে ভয় করি !

লহনা। তিনবার বিফল হ'লে কেন ?

আক। আমার দুর্ভাগ্য, 'আনন্দ রহৌ' তোমার পিতার চর—তা বুঝতে পারিনি।

লহনা। মিন্‌সেকে মেরে ফেলনা, আমার বড় ভয় করে।

আক। অবগুই চর—ভয় করেই বটে, আমি স্বয়ং অস্ত্র ধ'রে মানসিংহের প্রতীক্ষায় দাঁড়িয়ে, 'আনন্দ রহৌ' সামনে এলো, অস্ত্র প'ড়ে গেল, পাচকের হাত থেকে বিষপাত্র প'ড়ে গেল, মহম্মদের অব্যর্থ যত্নান বিফল হ'লো, কিন্তু আজ নিস্তার নাই।

(দুইজন সৈনিকের পুনঃ প্রবেশ)

কি প্রহরি ! কাকেও পেলে ?

১ম সৈন্ত। জাঁহাপনা ! জনপ্রাণীও নাই।

আক। অবশ্য আছে, তোমরা আমার চ'ক্ষে দেখ'বে এস, অকম্প্য !

[আকবরের সহিত সৈনিকদ্বয়ের প্রশ্নান।

লহনা। (স্বগত) বুড়ো বানর ! তুমি মনে ক'রেছ—আমি তোমায় ভালবাসি,—ভালবাসা আগুনে তেলে দিই না ! আজ আমাদের দু'জনের কৌশলে মানসিংহ, তারপর আমার কৌশলে তুমি, তারপর সেলিম। নারায়ণ ! নারায়ণ আমার না হয়,—গুলের আগুনে ছেঁকা দে মার'বো, যেমন জ্বলছি,—তার শোধ তুল'বো। বাবাকে ভুলিয়ে এ পথ দিয়ে আনতে পার'বো না ?

[প্রশ্নান।

(সৈনিকদ্বয়ের পুনঃ প্রবেশ)

১ম সৈন্ত। ওরে, বাদসা খেপেছে নাকি ? এদিকে বাদসার মহল, এ দিকে মানসিংহের মহল, মাঝে বাগান, এ পথে দুশ্মন কোথেকে আস'বে ?

২য় সৈন্ত। আর যা বলিস ভাই, কোমরটা লাথিয়ে ভেঙ্গে দিয়েছে।

১ম সৈন্ত। আর আমার চড়টা বুঝি যেমন তেমন।

২য় সৈন্য। আরে নে চড় রাখ, আবার যদি এসে দেখে—দু'জনে কথা ক'চ্ছি তো খুন ক'রবে, তুই ও পাশে টাঙলা, আমি এ পাশে টাঙলাই। আরে কোন শালারে, শালার জন্তে লাথি খাই!—

(গাছে তলোয়ারের এক কোপ)

১ম সৈন্য। ওরে, আমারও দাঁত গিয়েছে—আমিও ঘোরাই, আমিও ঘোরাই।

(তলোয়ার ঘোরান ;—এমন সময়ে নেপথ্যে পদ-শব্দ)

২য় সৈন্য। ওরে চূপ, কার পা'র আওয়াজ পাচ্ছি।

১ম সৈন্য। আরে দুঃশালা! নারে, পা'র আওয়াজই বটে।

(মানসিংহের প্রবেশ)

মান। বাদসা এত প্রসন্ন, কালই বে দেবেন—ববনের সঙ্গে তো কুটুম্বিতা ক'রেছি।

১ম সৈন্য। চূপ।

২য় সৈন্য। হ'সিয়ার।

মান। বাদসার অপরাধ কি, তবে কেন রাজপুত্র-বিগ্রহে যোগ দিই ?

(লহনার প্রবেশ)

লহনা। (স্বগত) কে কাটবে দেখি, আমারও তো দরকার আছে।

(দুইজন সৈনিকের মানসিংহকে আক্রমণ, ও বৃক্ষভাল হইতে 'আনন্দ রহো! আনন্দ রহো!!' শব্দ,—সৈনিক-দিগের হস্ত হইতে অসি পতন, ও লহনার মুচ্ছা)

মান। একি!

সৈন্যদ্বয়। রাজা মান—

মান। তোমরা হেথায় কেন ?

১ম সৈন্য। বাদসা আমাদের এখানে রেখে গেছেন।

মান। তোমাদের শ্রেণীর সংখ্যা দেখে বোধ হ'চ্ছে, তোমরা আমার অধীনস্থ, আমার সঙ্গে এস।

২য় সৈন্য। বাদসা আমাদের রেখে গেছেন।

মান। যদি মৃত্যু কামনা না কর, আমার সঙ্গে এস।

বেতাল। (বৃক্ষ হইতে অবতরণ করিয়া) ওরে, একে সঙ্গে করে নিলি নি ? এ যে প'ড়ে গেছে।

মান। একি! লহনা! বিষপাত্র পূর্ণ হ'য়েছে; আমি যেমন কুলাঙ্গার, আমার কন্যা—আমার উপযুক্ত। 'আনন্দ রহো'! তুমি যেই হও, একদিন তোমায় আমি ঘৃণা ক'রেছি, আজ তুমি আমার জীবনদাতা।

বেতাল। ওরে, এর মুখে জল না দিলে কথা কইবে না, আমি একে পুকুর-ধারে নিয়ে যাই, শুধু 'আনন্দ রহো' ব'লে হবে না,—আনন্দ রহো! আনন্দ রহো!!

[লহনাকে কোলে লইয়া প্রস্থান।]

পঞ্চম অঙ্ক

—:~:—

প্রথম গর্ভাঙ্ক

জলটুঙি

আকবর ও মন্ত্রী।

আক। মানসিংহ আজও অন্ধকারে, নতুবা এ পত্র নারায়ণসিংহকে লিখতেন না। মানসিংহ আপনাকে অতি উচ্চ ব্যক্তি বিবেচনা করেন, কিন্তু উচ্চতর ব্যক্তি আকবর—তাকে রজ্জ্ব ধারণ ক'রে নাচায়। মানসিংহ, তোমার গ্ৰায় শতশক্র-দমনে আমি সক্ষম। বল,—সিংহ বলবান—কৌশলে পিঞ্জরাবদ্ধ, মাগর বলবান কিন্তু রুতদাসের গ্ৰায় মনুষ্য বহন করে, তুমিও বলবান কিন্তু আকবরের বুদ্ধিবলে রুতদাস; কি স্পর্ধা! পত্রে লিখেছেন—এই আক্রমণের উত্তম সময়। মানসিংহ! সময় জ্ঞান তোমার নাই, আকবর সদা সচেতন, সময়-সুযোগ তার দাস। ধন্য সাহস! আমার মতের বিরুদ্ধে থমক রাজা, নিকোঁধ! তোমার লাভ—আকবর-স্থাপিত সিংহাসনে মুশলমান রাজা, হিন্দু রাজা নয়, কিন্তু তথাপি থমক রাজা নয়। মন্ত্রী সম্ভব, হিন্দুর বশীভূত

হ'তে পারে। মস্তি! যে শৃঙ্খলে স্মেরু হ'তে কুমেরু পর্য্যন্ত বন্ধন ক'রেছি, এ ভারত-সিংহাসনে যতদিন আমার মতাবলম্বী রাজা ব'সবে, তাদের হিন্দু হ'তে কোন আশঙ্কা নাই। তারা বিবেচনা করে যে, তারা শাস্ত্রবিদ, কিন্তু তারা জানেনা—বশীভূত বলে বা ছলে—একই কথা। আঃ দিক! এই আমার চৈতন্য, রাজনৈতিক উপদেশে সময় অতি-বাহিত ক'চ্ছি। (কাগজ পাঠ)

মন্ত্রী। (স্বগত) একার বুদ্ধির সর্সদা চেতন অবস্থা থাকে না, আকবর! এ উপদেশ তোমার আবশ্যক। খসরু রাজা হোক বা না হোক, বিষ প্রদানে মানসিংহের প্রাণ বদ হবে না।

আক। মস্তি, নারায়ণসিংহ কোন্ কারাগারে?

মন্ত্রী। ছয় সংখ্যার কারাগারে।

আক। এইবার কোন্ 'আনন্দ রহো' তোমায় কারামুক্ত করে দেখবো। কিন্তু সে ছোকরাকে কিছুতে অল্পসঙ্কানে ঠাণ্ডর পেলান না; হকিম বিশ্বাসী, তুমি জান?

মন্ত্রী। তার সন্দেহ কি? হকিম আস্ছে।

আক। তবে তুমি এখন যাও।

[মন্ত্রীর প্রস্থান।

আক. রাজপুতনার ভয় এক রকম গেল,—হুই তিনটে-যুদ্ধ মার, মেলিমই করুগ, বা আমি করি।

(নেপথ্যে)—আনন্দ রহো! আনন্দ রহো!!

আক। কি ভ্রম! এখানে শুনলুম যে 'আনন্দ রহো! আনন্দ রহো'!! ব'লছে; এতদিনে সে রব ফুরিয়েছে—গারদে কতদিন চলে।

(হকিমবশী বেতালকে লইয়া একজন প্রহরীর প্রবেশ)

আক। এত বিলম্ব হ'লো কেন?

প্রহরী। উনি গারদ তদারকে গিয়েছিলেন, খুঁজে খুঁজে সেইখানে ধ'রলেম।

বেতাল। (স্বগত) ওর মাফাতে কোন কথা কব না, যদি 'আনন্দ রহো' বেরিয়ে পড়ে, এও 'আনন্দ রহো' শুন্লে ভয় পায়।

[প্রস্থান।

আক। (মোড়ক লইয়া হকিমকে প্রদান) এই ঔষধ লহনার, লহনা পাগল হওয়া আবশ্যক—বুঝলে, মানসিংহের

পাচকের হাতে এই ঔষধ—তার খাবার জন্য নয়—এই বিষে মানসিংহের প্রাণ সংহার।

বেতাল। ওরে, আর থাকতে পরিনি, বাবারে, 'আনন্দ রহো' বলি।

আক। (মুখের দিকে চাহিয়া) আঁ, এ কাকে এনেছিস?

বেতাল। আনন্দ রহো! (নৃত্য করিতে করিতে) আনন্দ রহো! এইবার 'আনন্দ রহো' স'য়ে যাবে।

আক। একি এ! ওরে, কে আছিস রে? ধর।

(ছুইজন প্রহরীর প্রবেশ ও অসি উন্মোচন)

একি! মানসিংহ!

(মূর্ছা)

(প্রহরীদ্বয় বেতালকে মারিতে উত্তত, বেতালের সরিয়া যাওন ও আপনাদের অন্ত্রে আপনারা পতন)

বেতাল। একি, সবাই ভয় পেলে, আমি কি করি বাপু, সবাই ভয় পাবে, কেবল সেই ছুঁড়ীটে ভয় পায় না, হিঃ হিঃ হিঃ হিঃ সে আমার চেয়ে 'আনন্দ রহো' বলে, আনন্দ রহো! আনন্দ রহো!! আনন্দ রহো!!! সে যার শুকনো ফুলটাকে বলে 'আনন্দ রহো'! হা হা 'আনন্দ রহো! আনন্দ রহো'!! না, না, না, আমি যাই,—এরে বলে মূর্ছা, সেই ছুঁড়ীটে মূর্ছা গেছলো, আরে সেই যে—বেদিন লুকোতে ব'লেছিল, আমি যার সে পথ দে গেলে নাক-মুখ টিপে পেটের ভেতর ক'রে যাই। 'আনন্দ রহো' ব'লে চোক বুজে চলি,—কি করি, কি জানি বাপু—যদি চোক দিয়ে 'আনন্দ রহো' বেরিয়ে যায়! আনন্দ রহো! আনন্দ রহো!!

আক। (মাথা তুলিয়া) দেও! দেও!

(পুনর্বার মূর্ছা)

বেতাল। আচ্ছা, আমি করি কি? পাগলা বেটারা ভয় পায় ব'লে, আমি যার এই পোষাকটা প'রেছি। আমি যাই, সে আবার নাইতে গেছে—অরে, যাবোই এখন, না হয় খানিক ন্যাংটো থাকবে—এখন না, এরা জাগলে ভয় পাবে,—'আনন্দ রহো' টিপে যাই।

[বেতালের প্রস্থান।

১ম প্রহরী। ওরে, কোথা গেল? আঁ, কোথা গেল?

২য় প্রহরী। আ—পালালো ?

(নেপথ্যে)—আনন্দ রহো ! আনন্দ রহো ! !

আক। (উঠিয়া) নিশ্চয় যাহুকর ! ও হেথায় এল কি করে ?

১ম প্রহরী। জাঁহাপনা, হকিমকে আমি চিনতেম না, হকিমের ঘরেতে ও পেছন কিরে ব'সে ছিল, আমরা আপনার শিক্ষা মত ব'লেম 'আনন্দ ভয়', ও বলে 'আনন্দ ভয়', আমরা ইঙ্গিত ক'লেম—ও সঙ্গে চ'লে এলো। জাঁহাপনা, এই ভ্রমে এ কার্য হ'য়েছে, নচেৎ এ নিভৃত স্থানে, অপরকে আনতে সাহসী হ'তেম না।

২য় প্রহরী। জাঁহাপনার বেরূপ অশ্রুমতি হয়।—

আক। তাকে ধ'রলিনি কেন ?

১ম প্রহরী। আমরা উভয়ে উভয়ের অদ্বাঘাতে মূর্ছা গিয়েছিলুম।

আক। গুপ্ত-চর, যাহুকর নয়—কাকেও প্রত্যয় নাই, সকল বেটাই 'আনন্দ রহো' !

(নেপথ্যে)—আনন্দ রহো ! আনন্দ রহো ! !

আক। চল, শীঘ্র তাকে ধরিয়ে।

[সকলের প্রস্থান।

দ্বিতীয় গর্ভাঙ্ক

কক্ষ

কৃষ্ণ-শয্যায় লহনা ও সেলিম।

লহনা। সেলিম, একটু ঘোস, তুমি যে ব'লতে—আমায় ভালবাস—ওকি ! ওকি ! ওকি ! বাবা, কেটোনা, বাবা, কেটোনা ; সেলিম, যেওনা ; নারায়ণসিংহ— সেলিম ম'রে যাক, সেলিম, উঠ না।

সেলিম। তোমার কাছে যে থাকা ভার, তোমার বছর বছর এই রোগ চাগাবে, আর আমার শুধু ব'লবে 'বাবা কেটোনা, সেলিম বোস'।

লহনা। সেলিম, যেও না, আমার ভয় করে। (হস্ত ধারণ)

সেলিম। এই তো তোমার গায়ে জোর।

লহনা। সেলিম ! তোমার কি একটু দয়া হয় না, একটু ভাল বাসনা ?

সেলিম। আরো রোগ ক'রে মুখ তু'ড়ে রাখ, খুব ভাল বাস'বো, আমি তোমায় বলি, জানু ফুরতিতে রাখ, তা নয় এক কথা ধ'রেছ, 'বাবা কেটোনা'।

লহনা। সেলিম ! সেলিম ! ঐ 'আনন্দ রহো' ! ঐ 'আনন্দ রহো' !

সেলিম। বাঃ ! 'আনন্দ রহো' আমার মহলায় এলো আর কি ? বন্ধু, সে গারদে।

লহনা। (সেলিমের হস্ত জোর করিয়া ধরিয়া) সেলিম ! সেলিম !

সেলিম। ওঃ, বিবি পঞ্জাদার !

লহনা। গা ডুলি মেরেছিল, ভাল হয়নি।

সেলিম। রোস বাবা, বাঁচলুম ; এইবার সেতারের মতন গং চ'লবে।

[সেলিমের প্রস্থান।

লহনা। গা ডুলি মারা ভাল হয়নি, একুনা বনের ভিতর প্রাণ খা খা ক'রেছিল, ওমা, আমি কাটতে চাইনি, আমি কাটতে চাইনি,—সেই বুড়ো বেটা ব'লেছিল, পিড়ি-পিড়ি, ধিড়ি-ধিড়ি, পুছু-পাড়াং, চুছু-চাড়াং ; ওমা মস্ত ব'লছি, ও মাগো ! কি ভয়ঙ্কর গো ! ওমা, সূর্যের মত ছোটো চোক, ওগো, গেলুম গো।

(মানসিংহ, যমুনা, কান্তন ও হকিমবেশে মস্তীর প্রবেশ)

মান। (যমুনার প্রতি) মা, এখানে আসা হকিমের নিষেধ, তাই বারণ করি।

যমুনা। এমন নিষেধও শুনিনি।

লহনা। যমুনা ! দিদি এস, ওরে নখে ছিঁড়ে ফেল, প্রাণ জ'লে গেল, না না, কেটো না কেটো না, বাবা !

যমুনা। লহনা দিদি ! কে তোমায় কাটবে বলতো ? এই দেখ আমি এসেছি, কান্তন এয়েছে।

কান্তন। চা না লো ! তোর বাপ এয়েছে, দেখ না।

লহনা। ও বোন ! উনিই আমায় কাটবেন—নিঃশেষে মরে যা, নিঃশেষে ম'রে যা।

কান্তন। ম'রে যাই যাব,—তুই চোক খোল তো ?

লহনা। কান্তন দিদি ! এস, বসো—মর।

যমুনা। মর মর কেন ক'ছো বল তো ?

লহনা। যমুনা দিদি ! তোমার চোক ছোটো উপড়ে নিই, ওমা—আঃ ও বাবা—আঃ !

মান। দেখ দেখি, মাধে নিষেধ করি ? তোমরা চ'লে যাও। কানুন, তোমার সে শুকনো কুঁড়িটা আন নি ?

কানুন। সকলে ঠাট্টা করে ব'লে নিয়ে আসিনি।

যমুনা। আশ্চর্য্য ! ঝ'ড়ে প'ড়ে গেল না গা, শুকনো ফুল এতদিন থাকে, তা আমি জানি নি।

[কানুন ও যমুনার প্রশ্নান।

মন্ত্রী। ভাল, আপনার কণ্ঠার চিকিৎসা করেন না কেন ?

মান। সময়ে সময়ে ওর মুখ দিয়ে এমন কথা বেরোয় যে, সে চিকিৎসকেরও শোনা উচিত নয় ;—তাতে আমাদের মন্ত্রণা সিদ্ধির ব্যাঘাত জন্মাতে পারে।

লহনা। কেও বাবা ! আমি জানতুম না কাটবে—আমায় ডেকে দিতে ব'লেছিল—আমি কি জানি, আমায় কেটোনা, কেটোনা, কেটোনা।

মন্ত্রী। বাদসা তো এই ঔষধ দিতে ব'লেছেন, অকারণ প্রাণবধ কি আবশ্যিক ?

মান। আপনি নিশ্চিত থাকুন, আমায় দিন, এতে প্রাণনাশ হবে না, আকবরের বিষে একদিনে মৃত্যু হয় না, তিনি সতর্ক, লোকে পাছে বিষ-প্রয়োগ আশঙ্কা করে।

মন্ত্রী। দেখুন, আপনি পিতা, আপনার যেকোনো বিধি হয় ক'রবেন। (ঔষধ প্রদান) কাল সরবতের সঙ্গে আপনাকেও বিষ-প্রয়োগ হবে, এই সে বিষ, আমি পাচককে দিতে চ'ল্লেম। এখন বুঝুন—আমি খসরুর পক্ষ কি না।

মান। মশাইকে তো কখন অবিশ্বাস করিনি।

মন্ত্রী। ভাল, করুন বা না করুন, আমি চ'ল্লেম, দেখবেন, স্বীহৃত্যটা না হয়।

[প্রশ্নান।

মান। এও আকবরের ছলনা হ'তে পারে, তা আমিও অসতর্ক নই; কিন্তু সতর্কতার চেয়ে অস্তুরের আগুন আর নাই ! এই যে সুন্দর পবন-হিল্লোল অন্তরে শীতল করে, কিন্তু আমার বোধ হয় যেন আমার বিরুদ্ধে কে পরামর্শ ক'চ্ছে; কুঞ্জ কুঞ্জে যেন অস্ত্রধারী ঘাতক আমার প্রাণবিনাশ প্রতীক্ষায় দণ্ডায়মান; গৃহিণীর করে ছুঁক-পাত্র—বিষ-পাত্র অনুমান হয়। হোক,—সতর্কতার বলে, আমি জীবিত আছি; নাচং আকবরের কৌশলে, এতদিন জীবন যাত্রা উদ্ভাপন ক'তে হ'তো, কিন্তু সেদিন 'আনন্দ

রহো' আমার প্রাণদাতা। (ঔষধ গুলিয়া) যন্ত্রণা বৃদ্ধি ক'রবে সন্দেহ নাই,—মা ঔষধ খাও।

লহনা। কেও, বাবা ?

মান। কেন মা, অমন ক'চ্চো ?

লহনা। আজ অনুগ্রহ ক'রে ব'লে যাবেন, একটু জল ধরে রেখে যায়। ওরে দাঁড়া,—দাঁড়া, ভয় পাবো এখন, একটু জল চেয়ে রাখি।

মান। কেন, দুধ ব'য়েছে, জল যে নিষেধ মা, এই ঔষধটা খাও।

লহনা। না বাবা, ও ঔষধ খাবনা, বাবা, তোমার হাতের ঔষধ বিষ। বাবা, বাবা, ঔষধ আর আমি খেতে পারি—বাবা, দাঁড়িয়ে, নথ দে আমি তোমার চোখ গেলে দেব, এখনও দাঁড়িয়ে ?—এই দিলুম (উঠিতে উত্তত) মাগো ! (পতন)।

মান। উত্তম।

[প্রশ্নান।

(জল লইয়া কানুনের প্রবেশ)

কানুন। ওমা, অনাছিষ্টি কথা, রুগী জল খাবেনা তো কি হাওয়া খেয়ে বাঁচবে ? দিদিও ধ'রেছে জল খেলে বাঁচবে না, রেখে দাও তোমার হকিমের কথা !

লহনা। মুখ ছিঁড় দি—মুখ ছিঁড় দি,—মুখ ছিঁড় দি।

কানুন। ও মাগো ! দিদি, এই দোরগোড়ায় জল রইলো—খাস্। এ রুগীর কাছে দশজন থাক'ত হয়, তা না, একজন থাকবার ঘো নেই, বলেন হকিমের লুকুম।

লহনা। (দণ্ডায়মান হইয়া) ভয় হবেনা, এই এম্বি করে, এই এম্বি ক'রে দাঁড়িয়েছে।

(জিব মেলিয়ে দেখান)।

কানুন। ও মাগো, দিদি যেন কি করে !

[প্রশ্নান।

লহনা। ও মাগো, আবার এসেছে ! (পতন) জল—জল জল।

(বেতালের প্রবেশ)

বেতাল। ভয় পায়—পাবে, ওর ঔষধ কাকে দেব, ওরে, এই ঔষধ তোকে দিয়েছে।—(ঔষধ প্রদান)

লহনা। জল ! প্রাণ যায়।

বেতাল। (জল লইয়া) ওরে, খা খা।

লহনা। (জল খাইয়া) বাবা হ'লেও তোমার ঔষধ
ভাল।

বেতাল। চূপি চূপি বলি, আনন্দ রহো!—আনন্দ
রহো!!

লহনা। অ্যা—‘আনন্দ রহো’!

বেতাল। আর ভয় পাস্নি, এই দেখ্, তোকে আমি
জল দিচ্ছি।

লহনা। আনন্দ রহো, আর তোমায় ভয় পাবো না।

বেতাল। তবে জোর বলি—আনন্দ রহো!

লহনা। বল, আর আমি ভয় পাব না; যদি ভয়
পাই—একটু জল দিও।

বেতাল। আনন্দ রহো! আনন্দ রহো!! ভয়
পাচ্ছিষ্?—জল খা।

লহনা। (জলপান করিয়া) এইবার গায়ে জোর
হ'য়েছে। বাবা, তোমায় দেখ্বে। ফের বল—আনন্দ
রহো, আর একটু জল দাও।

বেতাল। আচ্ছা ব'ল্ছি, তুই জল খা। (জল প্রদান)

লহনা। বাবা, তোমার মুখ ছিঁড়ে ফেল্বে।

[প্রস্থান।

(নেপথ্যে) মাগো! (পতন শব্দ)

বেতাল। ঐ যা, তুই ভয় পেলি।—আমি পালাই,
জল দিয়ে দিচ্ছি পাস; আবার আর একজনকে ঔষধ দিতে
হবে। [প্রস্থান।

তৃতীয় গর্ভাঙ্ক

অপর কক্ষ

আকবর ও মানসিংহ।

আক। এ চমৎকার সববৎ—পান করুন। (খাইয়া)
একি—বিশ্বাসঘাতক! বিশ্বাসঘাতক!

মান। রাজা মান সতর্ক, সাবধানের বিনাশ নাই,—
আকবরসা জাননা, তোমার বিমপাত্র—তোমারই মুখে।

আক। মানসিংহ, সেদর্প ক'রোনা, পাচক তোমার
অর্থে ভোলে নাই, এ আল্লা আমার বাটিতে বিষ দিয়েছে।

(বেতালের প্রবেশ)

বেতাল। আনন্দ রহো! আনন্দ রহো!! ওরে
নারে, আমি তোমার ঔষধ ঢেলে রেখে গেছিলুম; সাঁঝা গুঁড়ো
যাকে দিতে দিয়েছিলি, তাকে দেখতে পেলুম না, তাই
এই বাটিতে ঢেলে রেখে গেলুম। তোমার তো আর
কাগজখানা দরকার নেই, আমি গাঁজাটা আস্টা মুড়ে
রাখ্বে।

আক। ও হো! হো! হো! হো! মানসিংহ,
স'রে যাও, কাউকে পাঠিয়ে দাও—একটু জল দিক; আমি
সকলকে নিষেধ করেছি, ওঃ!—দিলে না—দিলে না—

মান। আমার কণ্ঠ্য প্রতি ঔষধ প্রয়োগ ক'রে জল
নিষেধ, আপনার প্রতিও সেইরূপ ব্যবস্থা; এখানে তো
অপর হকিম নেই।

আক। জল দিলে না, জল দিলে না, ওরে কে
আচ্ছিষ্ রে!

মান। নিকটে কারুর থাকবার তো জাঁথাপনার হকুম
নেই।

বেতাল। ওরে, আমি দিচ্ছি। (জল লইয়া দিতে যাওয়া
ও পড়িয়া গিয়া জল পতন, এবং মানসিংহ কড়ক পাত্র গ্রহণ)

মান। (বেতালকে ধরিয়া) না না, আনন্দ রহো, জল
দিলে মরে যাবে।

আক। আনন্দ রহো, শুনা না, জল দাও।

বেতাল। ওরে, ছেড়ে দে।

আক। ছাড়িয়ে এস; তুমি আস্তে পাচ্চোনা?
ওঃ, এসব কে? দাও দাও—একটু জল দাও, দাও দাও,
আঃ বাঁচিনি—হাসে! (ওয়াক) আবার সববৎ দিলে, ওরে
আবার সববৎ দিলে, কাটা মাথা থেকে রক্ত প'ড়ছে, ওরে,
মুখে পড়, মুখে পড়, জলে গেল—আগুন—আগুন—আনন্দ
রহো, এসো, তুমি কারাগার ভেঙ্গে আস্তে পার, গারদ
থেকে আস্তে পার, আমার সিংহাসনে পা দিতে পার,
আমার বিষ আমায় খাওয়াতে পার,—একটু জল দিতে পার
না? আনন্দ রহো, তুমি কতগুলো হ'য়েছ, সকলকে কি
মানসিংহ ধ'রে রেখেছে? ঐ যে, তোমার হাতে জল—
দাও, দাও, দাও।

বেতাল। ওরে, ‘আনন্দ রহো’ বল, আমায় ছাড়্বে
না, আমি গাঁজা খেয়ে তেঁটা পেলে বলি, ওরে ছাড়্বেনা

ওরে ছাড়, ছাড়, মরে রে,—ছাড়্বিনি? (জোর করিয়া ছাড়াইয়া লওন) ।

আক। দাও, দাও, (জল লইয়া পতন ও জল ফেলিয়া দেওন) ।

বেতাল। ওরে, তুইও ফেলে দিলি? (কাপড় ভিজাইয়া মুখে দেওন)

আক। কালো! কালো! কালো! কালো চেউ, কালো মেঘ, সমুদ্র—তুফান ঢালচে কালো, ফট্চে কালো, উঠ্ছে কালো, কালো! কালো! কালো! কালো—উপ্লে উঠ্ছে! আনন্দ রহো, তোমার 'আনন্দ রহো' বলে—শুন্তে পাইনি, শুন্তে পাইনি, ওঃ, বজ্রাঘাত হ'চ্ছে, ঐ কালোমেঘ থেকে বজ্রাঘাত, উঃ, কত বজ্রাঘাত! কালোতে কি নীল রঙের বিদ্যুৎ হয়? ও বাবা! কালো আগুন নাকের ভিতর সোঁদোলো, জ্বলে গেল—পুড়ে গেল।

বেতাল। এত কথা ব'ল্'ছিস্—'আনন্দ রহো' বল।

আক। ওরে, পেটের ভেতর কালো চেউ উঠ্ছে।

মান। এখন কি করুবা, এই তো প্রায় শেষ, প্রচার করিগে যে, জাঁহাপনা অকস্মাৎ কিরুপ হ'য়েছেন। সতর্কতা, সতর্কতা, সতর্কতা, সতর্কতাই মনুষ্যের জীবন,—এখন সতর্ক হই, কেউনা বলে—বাদসাকে আমি খুন ক'রেছি, সন্দেহ ক'রবেই—দেখা যাক। সতর্কতা! সতর্কতা!

[প্রস্থান।

আক। ওই—পেটের চেউ বুকে এলো।

বেতাল। আমি একটু জল পাই তো দেখি, আনন্দ রহো! আনন্দ রহো!!

[প্রস্থান।

(দুইজন ভৃত্যসহ মানসিংহের প্রবেশ)

মান। যতদূর পাল্লম ক'ল্লম, জল টল মাথায় দে দেখ্‌লুম,—কিছুতেই চেতন হ'লো না; এই দেখ, জল প'ড়ে র'য়েচে।

১ম ভৃত্য। মহারাজ কি আর মিছে কথা ব'ল্'ছেন!

২য় ভৃত্য। আর কাকে নিয়ে যাবো!

মান। না না, ধুক্ ধুক্ ক'চ্ছে, টেনে তোল, কণা ন'ড়্চে দেখ্‌তে পাচ্চোনা?

[আকবরকে লইয়া দুইজন ভৃত্যের প্রস্থান।

(নেপথ্যে)—আহা, হাঁ ক'চ্ছে, একটু জল দে রে।

মান। যদি একবার লোকের ধারণা হয় যে, আমি বিষ দিইনি,—আকবর, বড় চমৎকার উপায় শিখালে, যার প্রতি সন্দেহ—তার প্রতি বিষ প্রয়োগ। সতর্কতা, সতর্কতা! অর্থের অভাব নাই—খসক্ দেবে; কিন্তু খসক্ মুসলমান—উপকার মনে রাখবে কি? দেখা যাক—সতর্কতা!

[প্রস্থান।

(নেপথ্যে)—আনন্দ রহো! আনন্দ রহো!!

চতুর্থ গর্ভাঙ্ক

বাপী-তট

যমুনা।

(গীত)

রাগিনী খট-ভৈরবী—তাল যৎ।

পাষণী পাষণের মেয়ে, বাদ সেধেছ আমার মনে।
পুষ্পাঞ্জলি দিয়ে পায়ে, মনের সাধ মা, রইল মনে ॥
রাঙ্গা চরণ পূজে তারা, নয়ন তারা হ'লেম হারা,
দেখ্ মা তারা তাপহারা, বঞ্চিত বাঞ্ছিত ধনে ॥

(কাঙ্ক্ষনের প্রবেশ)

কাঙ্ক্ষন। দিদি, এই অন্ধকারে একা ব'সে গান ক'চ্চো? উঃ, আকাশে একটাও তারা নেই, বিদ্যুৎগুলো যেন লড়াই ক'ত্তে ক'ত্তে আকাশটা মেপে চ'লেছে, এস ভাই,—ঘরে এস।

যমুনা। দিদি, অন্ধকার যামিনী ভিন্ন আমার এ গান শোনার কারে? চাঁদ শুন্লে মলিন হবে! ভাই, মেঘ আপনার প্রাণ ধুয়ে দেবে, আমি কি আপনার প্রাণ ধুয়ে কাদতে পারিনি? দিদি, আমি বড় অভাগিনী, তোমার মতন প্রফুল্ল কুসুম-কলিও আমার নিঃশ্বাসে মলিন হয়। দিদি, আমার মতন ভগ্নী কি আর কারুর আছে?

কাঙ্ক্ষন। দিদি, বিশ্বাস কর, মনস্কামনা ক'রে কালীর পায়ে জবা দিয়েছ, অবশ্য তোমার সঙ্গে নারায়ণের দেখা হবে। এই দেখ দেখি, আমি মেনেছিলুম, আমার এ কুঁড়িটা আজও র'য়েছে।

যমুনা। কাঙ্ক্ষন, আমি বালক সেজে পথে পথে কেঁদে

বেড়িয়েছি, রাস্তায় রাস্তায় গান ক'রে বেড়িয়েছি, সূর্যের উত্তাপে কাতর হইনি, ক্ষুধা-তৃষ্ণার সময়, নদীর জল অমৃত ব'লে পান ক'রেছি, তাতেই সবল হ'য়েছি, আবার লহরী-মোহনের অসুসন্ধান ক'রেছি; মনে মনে সম্পূর্ণ বিশ্বাস—মা কালী মনস্কামনা পূর্ণ ক'রবেন।

কাম্বুন। অবশ্যই ক'রবেন, আমার ফুলটী দেখে তোমার বিশ্বাস হয় না?

যমুনা। না ভাই, যখন পেয়ে হারালেম, তখন আর বিশ্বাস হয় না।

কাম্বুন। আচ্ছা ভাই, আমি কাল সকালে তোমার মতন বালক সেজে, পথে পথে ঘুরবো, দেখি পাই কি না।

যমুনা। কাম্বুন, আমার প্রাণ ব'লুছে—তাকে পাবো না, তুমি মিছে প্রবোধ দিওনা।

কাম্বুন। আচ্ছা এসো, ওদিকে ফুল ফুটেছে দেখি গে।

যমুনা। না দিদি, তুমি দেখ গে।

কাম্বুন। বুঝেছি, ব'সে কাঁদবে। আচ্ছা, আমি তোমার জন্তু ফুল তুলে আনছি, তখন কিন্তু নিতে হবে।

[প্রস্থান।

যমুনা। তুমিই সখী,—মা কালী! এ জন্মে মনের সাধ মনেই রইলো। যদি জন্ম হয়—যেন যমুনাই হই, লহরী-মোহনকে নিয়ে খেলা করি, আর যদি সে সাধ পূর্ণ না হয়, যেন কাম্বুন হই, একটা শুকনো কলি নিয়ে চিরকাল বেড়াই।

(গীত)

রাগিণী মূলতান—তাল আড়াঠেকা।

বাছা পূর্ণ কর মা শ্রামা, ইচ্ছাময়ী করতরু।
পূজে তোরে বাছা পূরে, ব'লেছে শিব জগদগুরু ॥
তমোময়ী ঘোর ত্রিযামা, মা বলে গো কাঁদি শ্রামা,
হররমা দেখা দে মা, মা তো কঠিন নয় গো কারু ॥

(অপর দিক দিয়া নারায়ণসিংহকে বহন করিয়া

বেতালের প্রবেশ)

নারা। ভাই আনন্দ রহো! তুমি কেন বৃথা যত্ন ক'রো, আমি কি আর বাঁচবো? আমি বিশ দিন অনাহারে কারাগারে বাস ক'ছি, যদি কোথাও জল পাও, আমার মুখে এক বিন্দু দাও। গুরুদেব, 'কৌশলে কার্য্য সিদ্ধি হয়

না', মৃত্যুকালে তোমার উপদেশ বুঝলেম,—যেন জন্মজন্মান্তরে তোমার পদে ভক্তি অচলা থাকে।

বেতাল। এই সামনেই পুকুর।

[জল আনিতে গমন।

যমুনা। মা তারা! বিদ্যাংগুলি যেন তোমার রাঙ্গা পা'র মতন খেলা ক'রে লুকুচ্ছে, ত্রিযামা যেন রাঙ্গসীরূপে নৃত্য ক'ছে, চতুর্দিকে ঝিল্লীরব, মধ্যে মধ্যে বজ্র-নির্নাদ, যেন মহিষাসুরের যুদ্ধে রণরঙ্গিণী আপনি মেতেছেন।

(গীত)

রাগিণী মঙ্গল-বিভায়—তাল একতাল।

প্রলয় দামিনী চরণে নলকে।

নখর নিকর ভাঙে অভাকর, বরণ নিবিড় কাদম্বিনী,

বক্ষদ্বিধ ফুটে পলকে পলকে ॥

নবকর-নিকর কপাল মালা, তর তর ত্রিনয়ন উজল ছালা,

যন ঘোর গরজন, ত্বর নর-কম্পন, শব-শিব-পদতলে,

ভালে অনল জ্বলে;

ত্রাহি ত্রিভুবন প্রলয় বলকে ॥

নারা। এ কে গান করে? ওর কাছে আমায় নিয়ে চল,—যমুনা!

যমুনা। মা ইচ্ছাময়ী! দাসীর ইচ্ছা বুঝি পূর্ণ ক'লেন! (নারায়ণের নিকট গমন)

নারা। যমুনা!

(বেতালের প্রবেশ)

বেতাল। ওরে এই জল নে। (পাতায় করিয়া মুখে জল দেওন)

নারা। যমুনা, মুখের কাছে এসো, একবার ভাল ক'রে দেখি। (যমুনার তথাকরণ) অগ্নি থাক, বেশ দেখতে পাচ্ছি।

যমুনা। মা, তোমার মনে এই ছিল মা! এই দেখা হবে? লহরীমোহন, কথা কও, এখন' আমার প্রাণ ভরেনি, আর একটা কথা কও।

নারা। রাঙ্গা—রাঙ্গা—সূর্য্য উঠছে। দেখ যমুনা, নীল ঘেড়া।

বেতাল। স'রে যাই, এখনি 'আনন্দ রহো' ব'লে ফেলবো।

যমুনা। একবার চেয়ে দেখ, মা ইচ্ছাময়ি! তোমার ইচ্ছায় আমি লহরীমোহনকে আবার পেয়েছি। আমার গান শুনে তুমি বড় ভালবাসতে, আমি গান গাইতে গাইতে তোমার সঙ্গে যাচ্ছি।

(গীত)

রাগিণী বাহার-ভৈরবী—তাল মধ্যমান।
নেচে নেচে চল মা শ্যামা, ছ'জনে তোর সঙ্গে যাবো,
দেখবো রান্ধা চরণ দু'টী, বাজবে নুপুর শুনে পাবো।
ঘোর অঁধারে ভয় বা কারে, ডাকবো শ্যামা অভয়াসে,
ওমা ব'লে যাবো চলে, 'মা' ব'লে মা, প্রাণ জুড়াবো।

নারা। 'আনন্দ রহো'! 'আনন্দ রহো' বলা,
আনন্দের সীমা নাই,—গুরুদেব ধোড়া চড়িয়ে নিয়ে
যাচ্ছেন; যাচ্ছি—একটু কাহিল আছি,—গুরুদেব হাসছেন,
ভাল কথা 'আনন্দ রহো! আনন্দ রহো'!!

বেতাল। এই যে, আনন্দ রহো! আনন্দ রহো!!

(কাহ্ননের প্রবেশ)

কাহ্নন। দিদি, তুমি এইখানে ব'সে গান ক'চ্চো, আমি

ছিটি খুঁজ্চি! মটকা-মেয়ে প'ড়ে থাকলে হবে না, ফুল
প'বতে হবে; উঠলে না?—তবে নমো নমো ক'রে
সর্কশরীরে দিই—(ফুল ছড়াইয়া দেওন ও বিছাং দীপ্তি)
একি, লহরীমোহন!

নারা। হ্যা কাহ্নন।

যমুনা। কাহ্নন! বিদায়—

বেতাল। আনন্দ রহো! আনন্দ রহো!!

কাহ্নন। একি, আনন্দ রহো?

বেতাল। দূর কর, আমার গাঁজার কল্কে ফেলে দিই,
তুমি ওদিকে দেখ না।

কাহ্নন। (অগ্ৰমনে ফুল ফেলিয়া দিল)

বেতাল। তুমিও ফুল ফেলেছ, ওদিকে কি দেখছো?
দেখতে গেলে অনেক দেখতে হবে। বল, 'আনন্দ রহো!
আনন্দ রহো'!!

উভয়ে। "আনন্দ রহো! আনন্দ রহো"!!

অবনিকা

মলিনা-বিকাশ

(গীতিনাট্য)

[২৯শে ভাদ্র, ১২৯৭ সাল, ষ্টার থিয়েটারে প্রথম অভিনীত]

চরিত্র

	পুরুষ		স্ত্রী	
বিকাশ	...	রাজকুমার ।	মহেশ্বরী	... তপস্বিনী ।
বিলাস	...	ঐ সখা ।	মলিনা	... অপর রাজকুমারী ।
			তরলা	... ঐ প্রধানা সখী ।

সংযোগস্থল—চন্দ্রশেখর পর্বত ।

অঙ্কনা সখীগণ ।

(বিকাশ ও বিলাসের প্রবেশ)

বিকাশ । আতা ! সখা, দেখ দেখ, কবির ম্যামাতীত
সৌন্দর্যের সীমারূপিণী রমণী-মূর্তি ।

প্রথম অঙ্ক

—:—

প্রথম গর্ভাঙ্ক

উজানস্থ মন্দির
মলিনা ।

(গীত)

পুরবী—দাদ্রা ।

পাপি তোর পেলে মধুর স্বর,
তোর মত কুঞ্জবনে গাই লো নিরন্তর ।
ফুলের মাঝে সোহাগ করি,
ফুলের রেণু অঙ্গে পরি।
পেলি চকোরের সনে মেখে টাঙের কর ।

(গীত)

পুরবী — যং ।

মরি কে রমণী বিপিনবাসিনী,
ক্রমে একাকিনী বন-আমোদিনী ;
মাপুরী-মালায় বিকশিত কায়,
হেরিয়া বালায় চায় কমলিনী ।
সাজি হেম-হারে উষা মুহূ হাশে,
ফেরে ধীর বায় পরিমল-আশে ;
সোহাগে উৎসলি, ফোটে ফুল-কলি,
মোহিত-হৃদয় গায় বিহঙ্গিনী ।

বিলাস । দেখ রাজকুমার, তোমার এই রীতিটি ছাড়া,
পয়ার বাদ, গান গাও, ফুল সোঁকো, একুলা আকাশ-পানে

চেয়ে থাক, আমি কিছু বারণ করি নে; ঘাটে মাঠে পথে যে মেয়েমানুষ দে'খে দাঁতকপাটী যাও—ঐ টুকু বাদ দাও। তোমার সব বেয়াড়া ঢঙ—ভাটে সম্বন্ধ আনে, রাজার ছেলের বে হয়; তা নয়, ছদ্মবেশে বিদেশে এসে বাস; রাজকুমারী কি না হেটো মেয়ে, হাটে বাজারে ফেরে, তারে তুমি দেখবে—তবে তার সঙ্গে কথা কইবে। এই যে আমারও রাজমন্ত্রীর মেয়ের সঙ্গে সম্বন্ধ হ'য়েছে—আমি কি তাকে দেখতে চাই? হবে হোক, দেখবো—পছন্দ না হয়, একটা ভাতরাধা গোছ আটপৌরে থাকবে, আবার পোষাকি রকম কোথাও দেখা যাবে।

বিকাশ। ভাই, ও সুন্দরী কে, তুমি পরিচয় নিতে পার?

বিলাস। আবার বাড়াবড়ি কেন? চল, কোন্ মন্দিরে তোমার রাজকুমারী শিবপূজা ক'রতে আসে, সে'থায় আসি গে চল।

বিকাশ। না ভাই, আর আমি রাজকুমারীকে দেখবো না।

বিলাস। তুমিও দেখবে না, সেও তোমাকে দেখা দেবার জন্তে অট্টালিকা ছেড়ে ঘুর ঘুর ক'রে বেড়াচ্ছে! পাটের কথা তুমি যেমন বিশ্বাস কর! মহারাজ মদন-সেনের কন্যা মাঠের মাঝখানে শিবপূজা ক'রতে আসবে, তোমার সঙ্গে কথা কইবে, তুমি প্রেম-আলাপ ক'রে তবে তারে বে ক'রবে; তার তো আর বর জুটবে না, তাই তোমার মত ছেমোচাপা আদাড়ে নাগর মাঠ থেকে নিয়ে যাবে।

বিকাশ। ভাই, শোন, আমি একটা মনের কথা বলি।

বিলাস। আর, মনের কথা শুনে শুনে যে হাল্লাক হ'য়েছি।

বিকাশ। ভাই বিলাস, আমার প্রতি যদি তোমার বিরাগ জন্মে থাকে, তা হ'লে আমার সঙ্গে কেন কষ্ট পাও? আমি উন্মাদ, আমি মনের বশে ফিরি; মন যা চায়, তাই করি, কোন রকমে নিবারণ ক'রতে পারি নে।

বিলাস। বিকাশ, তুমি রাগ ক'রলে? আমিও পাগল; আবোল তাবোল কত কি বলি, কিছু মনে ক'রো না; তোমার কষ্ট হয়, তাই বলি। আমার একটা মনের

কথা শোনো, তুমি উন্মত্ত হ'য়ে বেড়াও, আমি তার কারণ বুঝতে পেরেছি। তুমি প্রেমিক, কিন্তু তোমার প্রেমের আধার নাই,—তাই তুমি কবিতায় উন্মত্ত থাক। কবিতা কাকিরের—রাজকুমারের নয়। রাজ্যশাসন তোমার ভার; যার সংসারে কিছুই প্রিয়বস্তু নাই, সেই কল্পনায় ঘুরে বেড়ায়।

বিকাশ। তুমি সত্যই অনুভব ক'রেছ, সংসারে সত্যই আমার কিছুই প্রিয়বস্তু নাই। বিবাহ? কারে বিবাহ ক'রবো, রাজকুমারের পত্নীর অভাব নাই। কিন্তু আমায়, আমার জন্তে ভালবাসে, যদি এমন নারী পাই, তারে বিবাহ ক'রবো ভেবেছিলেম, কিন্তু সে সাধও আজ আমার ফুরিয়েছে। আমি চিরকাল সৌন্দর্যের উপাসনা করি, তাই ফুলের কাছে যাই—টাদের পানে চাই—নারীর স্বরে মুগ্ধ হই—কিন্তু আমার ধ্যানের প্রতিমূর্তি কখন' দেখি নি; আজ সেই প্রতিমা দেখেছি।

বিলাস। না ভাই, পায়ে পায়ে হোঁচোট খেলে তোমায় কি ক'রে তুলি বল? রাজোচ্চানে গোলাপ ফুটে আছে, তা তুলতে সাধ হ'লো না, কোথায় বন-মল্লিকা দে'খে ভুলে গেলে; তা যাও, দুটো কথা ক'য়ে এস।

বিকাশ। মরি মরি মরি কে তুমি সুন্দরি,
রূপের লহরী খেলিছে বনে,—
কোন্ অভাগার হৃদয়-আগার
ক'রেছ আঁধার কহ লসনে?

মলিনা। শিবের কিস্করী, সহ-সহচরী
পূজি স্বর-অরি বিপিনবাসী;
বসি কুঞ্জবনে, গাই পাখীসনে,
হেরি সযতনে ফুলের হাসি।

বিকাশ। কহ না কুমারি, বৃত্তিতে না পারি,
তুমি বনচারী কিসের তরে?
এ কি বিধাতার, না বুদ্ধি আচার,
রতনের ভার রাখে সাগর!
জনক জমনী, নাহি স্ববদনি,—
কহ বরাননি, কি তব নাম?

মলিনা। মলিনা দাসীর নাম শুন ধীর,
অদূরে কুটীর, তথায় ধাম।

ছুপিনী যোগিনী, কুটীর-বাসিনী,
বন-বিহারিণী ছুহিতা তাঁর ;
শব্দর আশ্রয়, শুন মহাশয়,
অন্ত পরিচয় নাহিক আর ।

(গীত)

বিকাশ ।— ইমন-কল্যাণ—চৌতাল ।

বৃথা আকিঞ্চন,—

ঝানে গড়া ছবি, নহে তো মানবী,
অকারণ কেন হবি আলাতন ।
দেবের ভূষণ, এ নারী-রতন,
তাজিয়া নন্দন, আলো করে বন ;
বৃথা অভিলাষ, বাড়িবে পিয়াস,
এ আশে—হতাশে হবি রে মগন ।

মলিনা ।—

কেবা তুমি মহাশয়, নাহি জানি পরিচয়,
উদয় হ'য়েছ আসি বনে ;
আমিমা কুটীর-বাস, কর দীর, অমনাশ,
কিঙ্করীর মিনতি চরণে ।
অতিথি হইলে তোম, তুষ্ট হন আশুতোষ,
অতিথির সেবা মম ব্রত ;
আমি অতিথির দাসী, সদা সেবা-অভিলাষী,
যোগিনী—অতিথি-সেবা-রত ।

বিকাশ ।—

শুনিয়া মধুর ভাষ, পূর্ণ মম অভিলাস,
পরিতোষ হ'য়েছি কুমারি,
কার্য আছে সবিশেষ, যেতে হবে দূরদেশ,
বিলম্ব করিতে নাহি পারি ।

[বিকাশ ও বিলাসের প্রস্থান ।

মলিনা । ইনি কি কোন যোগীপুরুষ !—দেশে দেশে
ভ্রমণ ক'রে বেড়ান ? যোগীর সাজ তো নয় ; কার্যে বিশ্ব
হবে, তাই বুঝি রূপা ক'বুলেন না ।

(তরলা ও সখিগণের প্রবেশ)

সখিগণ ।

(গীত)

খান্সাজ—কাণ্ডালী ।

কমলমালা সরসীর বৃকে,
অলি চুমিচে মুখে,—
ডুবলো নীয়ে কুমুদিনী সই, মলিন-মুখে ।

দলে দলে খেলে সোণার কর,—

হেরে ধূসর শশধর,

আমোদিনী কমলিনী ঝঞ্জিত-অধর ;

উথলে ওঠে হনয়-মধু, লোটে মলয় কোঁতুকে ।

তরলা । মলিনা, তুই এখানে একলা কি ক'রছিস্,
মন্নিরে যাবি নে ?

মলিনা । দেখু তাই, মন কি চায়, তা জানিস্ ? যেন
সদাই ঘুরে বেড়ায় ; কেন ঘোরে, কিছু ব'লতে পারিস্ ?

মলিনা ও তরলা । (গীত)

খান্সাজ—যং ।

মনের কথা মন কি জানে সই,—

সুধাই তারে বারে বারে ব'লতে পারে কই ?
কি ভাবে মগ্ন থাকে, কারে সে যত্নে রাখে,

কে জানে কখন কাকে চায়,

কভু খেলে মলয়-বায় ;

কভু চাঁদের আলোয় ফুলমালা দোলায়,

আড়-নয়নে তারার পানে চায় ;

হয় ত মাতে ঝড়বাত, মেঘের সনে গায়,

বাজ পেতে নেয় বৃকের মাঝে,—

মন নিয়ে সই, সারা হই ।

সখিগণ ।

(গীত)

কাফি-সিন্ধু—খেমটা ।

মন সদা চায় আপন বিলাস, মনের মতন মন যদি পায়,
বোঝে না কি তার বাণা, তাই তো ঘোরে বেধায় সেধায় ।

ফুলের হাসি দেখতে পেয়ে, হাসবে বলে যায় সে ধেয়ে,

ফুলের বৃকে অলির খেলা দেখে লো চেয়ে,—

আপন হিয়ে শূন্য হেরে, মুদিত হ'য়ে ফিরে যায় ।

মেঘে দামিনীর খেলা, হেরে তার বাড়ে আলা,

আপন ভাবে হয় লো বিভোলা ;

বুলতে নারে, চায় সে কারে,

বাজ বৃকে তাই নিতে চায় ।

তরলা । চল্ লো চল্, বাবার পূজার সময় হ'লো ।

[সকলের প্রস্থান ।

(বিকাশ ও বিলাসের প্রবেশ)

বিলাস । বাবা, এ বনে বাঘ আছে কে জানে !
আনার ও হাড় ভেঙ্গে দিয়েছে ! ছুঁড়ী গাইতে গাইতে এল,
মন ছিঁড়ে নিয়ে পালালো, আমি তো আর দেশে যাচ্চিনে ।

বিকাশ। ভাই, বোধ হয় এ কোন মায়াকানন, এখানে দেবীরা বসবাস করেন।

বিলাস। আরে ছত্তোর মায়াকানন, দেবীরা বাস করে! শুন্দে না, ব'ল্লে, শিবের পূজার সময় হ'য়েছে; ওরা নর্তকী, কিন্তু ঠেকাঠেকি, তোমাঘ গাছতলায় ছুঁড়ী মজিয়েছে, আর আমাঘ ঐ আবাগী বাগিয়েছে।

(গীত)

পাহাড়ী-ভৈরবী—খেম্টা।

যদি ওই মনোমোহিনী পাই,—

আড়-নয়নে চাই, পাকা পান পাওয়াই,

সারাদিন ফিরি কাছে,

ফিঙ্গে যেমন কাকের পাছে,

আর কি করি ব'ল্লে নারি,—

মিলিয়ে দাও তো ভাই।

আমি প্রেমের গোটে ডাক ছেড়ে খুব গাই।

বিকাশ। তোমার কেবলই পরিহাস।

বিলাস। সত্যি ব'ল্ছি, পরিহাস নয়, আমার প্রাণটা জাঁচ-পাঁচ ক'ব্ছে; আমি যদি রাজকুমার হ'তাম, ছুঁড়ীকে হুলিয়ে বাড়ী নিয়ে যেতাম।

বিকাশ। কেন, তুমি ত খুব নারীর মন ভুলাতে পার?

বিলাস। আরে বোঝ না, ও ধড়ীবাজ, ওরা কি কথায় ভোলে? “উলি উলিনাচনা উলি—নয়ন-বাণে ভাঙ্গে মাথার খুলি!” ওরা এই মন্দিরে আছে কেন, তা জান? রাজা-রাজ্জা পূজা দিতে আসবে, আর নয়না হেনে গাঁথবে। তুমি খালি পাপিয়ার বুলি শুন্দে বই তো নয়, ছুনিয়ার তো কিছুই জান না!

বিকাশ। তুমি বর্ষর, তুমি রত্ন চেন না; অমন রূপ কি সামান্য নর্তকীর হয়? ও স্বর্গীয় সরলতা—নর্তকী কোথায় পাবে?

বিলাস। আচ্ছা চল, মন্দিরে চল, চক্ষু-কর্ণের বিবাদ খুচিয়ে দিচ্ছি। যদি তুমি ছুটা একটা—হীরে মতি টতি ছাড়তে পার তো, পালকে পাল ছুঁড়ী দেশে নিয়ে যেতে পারি।

বিকাশ। না, তুমি জান না, নিশ্চয়ই কোন উচ্চ-বুলোদ্ভবা বালিকারা এই মন্দিরে কুমারী-ব্রত অবলম্বনে বাস ক'ব্ছে।

বিলাস। তোমার কোন কথাটা বিশ্বাস ক'ব্বো বল? এই ব'লে দেব-কণ্ঠা, আবার ব'ল্ছো—উচ্চ-বুলোদ্ভবা কণ্ঠা; আচ্ছা, তুমি শিবিরে চল, আমি সন্ধান নিচ্ছি।

[উভয়ের প্রস্থান।]

দ্বিতীয় গর্ভাঙ্ক

উপবন

মহেশ্বরী ও মলিনা।

মহে। মা মলিনা, একটি গল্প বলি, শোন। এক রাজার ছেলে হয় না, রাণী দেবদেব চন্দ্রশেখরের কাছে সন্তানের প্রার্থনা করেন; বাবা সদয় হ'য়ে স্বপ্ন দেন যে, “তোমার একটি কণ্ঠা-সন্তান হবে, কিন্তু যত দিন না বিবাহ হয়, সে কুমারী আমার, আমি তারে লালন-পালন ক'ব্বো, তোদের অধিকার থাকবে না; যে দিন বিবাহ দেব, বর-ক'নে বরণ ক'রে ঘরে নিয়ে যাবি।” শুভদিনে রাণীর মেয়ে হ'লো, রাণী চক্ষের জলে ভেসে, বাবার আদেশে—মন্দিরে এনে মেয়েটিকে দিয়ে গেল।

মলিনা। আহা! ভগবতী তারে কি লালন-পালন ক'ব্বলেন?

মহে। বাবা তার দাসীকে লালন-পালন ক'ব্বতে দিলেন।

মলিনা। তার পর তার বিবাহ হ'লো, রাজা রাণী বর-ক'নে নিয়ে গেল?

মহে। না, তার বিবাহ হয় নাই।

মলিনা। তবে সে কণ্ঠা কোথা মা?

মহে। তুমি তারে জান, কিন্তু সে যে রাজকুমারী, তা তুমি জান না।

মলিনা। কই মা, আমি তো বাবার কুমারী কে,—তা জানি নে।

মহে। আচ্ছা মলিনা, তোরে যদি কেউ রাজকুমার বিবাহ করে?

মলিনা। না—মা।

মহে। না কি রে, রাজরাণী হবি, অটালিকায় থাকবি!

মলিনা। না—মা, আমি বিবাহ ক'রবো না। তুমি ব'লো না, আমার কান্না পায়।

মহে। তবে কি তুই আমার মত যোগিনী হ'য়ে চিরকাল ছাই মেখে থাকবি ?

মলিনা। হ্যা—মা, আমি তোমায় ছেড়ে কোথাও যেতে পারবো না।

মহে। তাই থাকিস্, আজ থেকে তবে আমার মতন অতিথ সেবা কর।

মলিনা। আমি তো মা, অতিথ-সেবা ক'রতে বড় ভালবাসি। আমার বাকল প'রতে, ছাই মাখতে বড় সাধ, তুমি মানা কর, তাই বাকল পরি নি।

(তরলার প্রবেশ)

মহে। আচ্ছা, তুই আমার পূজার ফুল তুলে আন গে, তরলা আমার কাছে থাক।

[মলিনার প্রশ্নান।

মা তরলা, আমার তো মলিনার কাছে কোন কথা প্রকাশ ক'রতে সাহস হ'লো না। ও আমায় মা ব'লে জানে, যদি শোনে, আমি মা নই, তা হ'লে অদীর হবে। শুন্নি তো চিরনন্দ্যাসিনী হ'য়ে থাকতে চায়। এদিকে রাজকুমারেরও পণ, যে তারে রাজকুমার না জেনে ভালবাসবে, তারে বিবাহ ক'রবে। তুই বাছা, যদি কৌশল ক'রে এই শুভ-কার্য সম্পন্ন ক'রতে পারিস, আমি রাজা রাণীকে বরক'নে দিয়ে, মায়াজাল থেকে মুক্ত হই।

তরলা। ভগবতি, আর শুনেছেন, রাজকুমার চাকর সেজেছেন, আর একটা বিটলে বামুন তাঁর সঙ্গে ছিল, তারে রাজকুমার সাজিয়েছেন।

মহে। তা দাই হোক, তুই দেখ মা, আমি স্মর-হরের কিঙ্করী, মননের লীলা জানি নে; তুই যা জানিস্, কর।

তরলা। মা, কিছু চিন্তা করো না, হর বখন বর এনে দিয়েছেন, তখন তিনিই ছ'গাত এক ক'রে দেবেন।

[মহেশ্বরীর প্রশ্নান।

(বিলাসের প্রবেশ)

বিলাস। আঃ! আপোদ গেল; বুড়ী মাগী যেন আমার পনি! ওলো—ওলো, ও ছুঁড়ি, তুই তো নাচনাউলি ?

তরলা। আ মর পোড়ারমুখো, কাকে কি ব'ল্ছিস ?

বিলাস। আর কাকে কি ব'ল্ছিস ? এই ধেই ধেই ক'রে নাচ'লি, আর নাচ'না-উলি নস্ ? আমার সঙ্গে আর অত কায়দা কেন,—আমি কে, তা জানিস্ ? আমি রাজকুমার, আমি যেখানে যাই, হীরে মতি ছড়িয়ে দিই; তুই যদি রাজী হ'স্ তো, দলকে দল উধাও ক'রে নিয়ে যাই। কেন বনে প'ড়ে আছিস্, ভাল ভাল বাগানে—অটোলিকায় থাকিস্; এক একটা গোলাপের কেয়ারি দেখলে, দাঁতকপাটী বাস।

তরলা। তুই হলিই বা রাজকুমার, আমি কে, তা জানিস্ ? আমি মহারাজ মদনসেনের কন্যা, মন্দিরে শিব-পূজা ক'রতে আসি, তোর চেয়ে কত ভাল ভাল গণ্ডা গণ্ডা রাজকুমার আমার জন্মে আস'ছে।

বিলাস। না—মা, মিছে কথা বলিস্ নে, মিছে কথা বলিস্ নে, আমি মহারাজ মদনসেনের কন্যার জন্মে এসেছি বটে, কিন্তু তোকে পেলে, আমি আর কারকে চাই নে। এই আমার আঁটা দেখ্, আমার নাম পোদা দেখ্; আমি তোমার হব, আর আনার দে এক বন্ধু আছে, ওই মলিনা ছুঁড়ীকে তাকে দেব। এতে যা লাগে, এতে হীরে দিয়ে পথ বাঁধাতে হয়, তাও সই, আর মুক্তার ঝালর ক'রতে ব'লিস্, তাও সই।

তরলা। আমি তোর মাথা মুড়াবো আর তোর বন্ধুকে দিয়ে ঘাস কাটাবো, এতে মাণিকের পাছাড ক'রতে হয়, তাও সই, আর পায়ের ঝর্না ক'রতে হয়, তাও সই।

বিলাস। দেখ, হাদি ঠাট্টার কথা নয়, মাইরি তোমার জন্ম আমি মরি, আর সে ছুঁড়ীটার জন্মে আমার বন্ধু মারা।

তরলা। তুমি আমার জন্মে মর ?

বিলাস। সত্যি ব'ল্ছি, যে দিবি ক'রতে বলিস্, তুই যেমন নাচ'না-উলি, আর আমি ব্রাহ্মণের ছেলে, তুই যদি রূপা করিস্, তোকে বিবাহ ক'রে আমি দর করি।

তরলা। এ্যা, তুমি ব্রাহ্মণ!—ছি! ছি! ছি! পর-পুরুষের সঙ্গে কথা কইলেম। আমি ভেবেছিলেম, তুমি রাজকুমার, আমার বর, আমার ভালবাসা পরীক্ষা ক'রতে এসেছ, হায়! হায়! আমি আশায় নৈরাশ হ'লেম!

বিলাস। তুমি কি সত্য রাজকুমারী ?

তরলা । সত্য না তো কি মিছে, দেখেছো না, আমার রাজকুমারীর মতন চলন-বলন, রাজকুমারীর মতন সরল প্রাণ ।

বিলাস । দেবি, আমার মার্জনা করুন, আমি না জেনে অপরাধ করেছি, আমি মনের বেগে—মনের ভাব প্রকাশ করেছি । আমি ভেবেছিলাম, আপনি নর্তকী, কিন্তু আপনার মোহিনী-ছবি আমার প্রাণে অঙ্কিত রয়েছে—আমার পাপ মন, আমার বন্ধুর রমণীর প্রতি আসক্ত হয়েছে, এ প্রাণ আমি বিসর্জন দেব, আমার পাপের প্রায়শ্চিত্ত করবো ।

(গমনোচ্ছত)

তরলা । আরে ও ঠাকুর, শোন না?—আমিও যে তোমার রূপে মোহিত হয়েছি ।

বিলাস । দেবি, অমন পাপ-কথা মুখে আনবেন না ! আমার একটি মিনতি শুনুন—রাজকুমার পরম প্রেমিক, অমন স্নেহময়হৃদয় বোধ করি, জগতে আর নাই । সংসারের কোন বাস্তাই জানেন না, সন্দেহই কল্পনায় বিভোর হয়ে থাকেন । যদি যত্ন কর, অমন রত্ন আর পাবে না ।

তরলা । ঠাকুর, তুমি তো বেশ—আমায় বেশ বোঝাচ্ছ, আমি অমন ছেঁমোচাপা রাজকুমার নিয়ে কি করবো ? ছুটো কথা কইবে, ছুটো আমোদ-আহ্লাদ করবে, আবার তার উপর শূন্যে পাঠ, তোমার বন্ধু মলিনাকে দেখে মুগ্ধ !

বিলাস । দেবি, শত শত তারামালায় চন্দ্রকে বেড়ে থাকে, যদিও আমার বন্ধু তোমার সহচরীর প্রতি অমুরাগী, তাঁর প্রাণে অযত্ন নাই, তিনি অতি ক্ষুদ্র ফুল ছিঁড়তে পারেন না—তুমি নারীরত্ন, তোমায় কি তিনি অযত্ন করবেন ?

তরলা । আচ্ছা ঠাকুর, তুমি আমার একটি উপকার কর, তোমার বন্ধুর মন কি করে ভোলাতে হয়, তা তো আমি জানি না । তুমি আমার সঙ্গে থেকে আমার হয়ে ছুটো কথা ক'য়ে আমাদের মিলন ক'রে দেবে ।

বিলাস । দেবি, ওইটি মার্জনা করুন, আমার পাপ মন আপনার প্রতি নিতান্ত আসক্ত । আর আমি রাজকুমারকে মুখ দেখাব না । আমি কপটবন্ধু, জীবন-বিসর্জনই আমার প্রায়শ্চিত্ত ।

তরলা । দেখ ঠাকুর, ম'রতে হয়, এর পরে ম'রো ; কিন্তু, আমার সঙ্গে তোমার বন্ধুর মিলন ক'রে না দিয়ে তুমি যেতে পারছো না ; যদি না সম্মত হও, আমিও প্রাণ পরিত্যাগ করবো । মাথা হেঁট ক'রে রইলে যে ?

বিলাস । আমি আর আপনার মুখের পানে চাইবো না । আচ্ছা, আমি স্বীকার করছি, আমার বন্ধুর সঙ্গে তোমার মিলন অবধি আমি এখানে থাকবো, কিন্তু আপনি স্বীকার পান, আমার এ পাপমতি যেন কখনও আমার বন্ধু না জানতে পারেন । তার পর যদি আমার সংবাদ না পান, তা হ'লে রাজকুমারকে জানাবেন যে, পাগল বামুন তাঁকে বড় ভালবাসত ।

তরলা । আচ্ছা, আমাদের মিলনের পর যেতে ইচ্ছা হয়, যেও, কিন্তু তোমার বন্ধুকে ব'লো না যে, আমি জানি, তিনি রাজকুমার ।

বিলাস । বেশ, বেশ, আপনি ঠিক বুঝেছেন । আপনি যেন জানেন না, তিনি রাজকুমার, অথচ তাঁরে যত্ন করছেন, তা হলেই তিনি মোহিত হবেন ।

তরলা । তবে চল, তোমার বন্ধুর সঙ্গে দেখা ক'রে আসি ।

(গীত)

পিলু—পোস্টা ।

কি জানি পারি কি হারি,

শিথি নি ছলা কলা, অবলা নারী ।

ধরে যদি ধরা না দেয়,

না দিয়ে প্রাণ, প্রাণ কেড়ে নেয়,

কি জানি, কি হয় শেষে সাধের প্রেম-খেলায়,

মিনি হুতার মালা গাঁথা, কারিকুরি চাই ভারি ।

[উভয়ের প্রস্থান ।

(সন্ন্যাসিনী-বেশে মলিনার প্রবেশ)

মলিনা ।

(গীত)

নট-মল্লার—যং ।

ভালবাসি বিভূতি তোমায়,—

নাই তো ভূষণ তোমার মতন

তাইতে মাখি গায় ।

তরু, তোরে ভালবাসি,

তাই তো লো, তোর তলায় আসি,

দেখ কেমন বাকল বসন, সেজেছে আমায় ।

বিজনে ধূতুরা ফোটে, হেরে সাধ কত ওঠে,

কে জানে কি মনে তার, কার পানে সে চায় ।

(সন্ন্যাসীবেশে বিকাশের প্রবেশ)

বিকাশ । (গীত)

দেশ— একতালী ।

কে তুমি রমণী সেজেছ যোগিনী,
তরুতলে কেন বসি একাকিনী ?
বিপিনবাসিনী কি রঙ্গে রঙ্গিণী !
কি বাননা তব হৃদিমাঝে জাগে,
এসেছ গহনে, কার অনুরাগে,
সাধিয়াছ বাদ কাহারি মোহাগে,
শূন্তহৃদি কার, বল মোহাগিনি !
ধূসর নীরদ ঢাকা শশধর,
বিভূতি-ছাদিত হেম-কলেবর,
বাকলবসনা কেন গো ললনা,
শশাল-অঙ্গিনী কেন বিমলিনী !

মলিনা । আমাকে চিন্তে পাচ্ছ না ? সেই যে সকাল বেলা দেখা হয়েছিল, তুমি কাজ আছে বলে চলে গেলে । আহা, তুমি সন্ন্যাসী সেজেছ কেন ?

বিকাশ । তুমি সন্ন্যাসিনী সেজেছ কেন ?

মলিনা । আমি তো সাজি নাই, আমি সন্ন্যাসিনী । এত দিন ভগবতী মহেশ্বরী আমায় বিভূতি মাগ্ধে বারণ করতেন, তাই বিভূতি নাথি নি ।

বিকাশ । তবে আজ বিভূতি মেখেছ কেন ?

মলিনা । আমার বর আসবে, বে ক'রে নিয়ে যাবে, কিন্তু বিভূতি মাগ্ধে আর বে ক'বে না, আমায় বন ছেড়ে যেতে হবে না ।

বিকাশ । কেন, তুমি কি বে ক'বে না ?

মলিনা । না, বে ক'লে অট্টালিকায় থাকতে হবে, বনে বনে বেড়াতে পাব না, পাখীর গান শুনে পাব না, ভগবতী মহেশ্বরীকে দেখতে পাব না ।

বিকাশ । তুমি কি বন এত ভালবাস ?

মলিনা । আহা ! বন ভালবাসে না ? তুমি যদি কখন কুঞ্জবনে শিলাতলে চাঁদের আলোয় বসতে, তা হলে তুমিও বন ভালবাসতে । বন কেমন মনোহর, তোমায় কি ব'লবে । তুমি যোগী হলে কেন ? সকাল বেলা ত তোমার এ বেশ দেখি নি ।

বিকাশ । আমি যোগী হ'লেম কেন ? আমিও বন ভালবাসি, কিন্তু এক রাজকন্যা আমায় বে ক'বে, অট্টালিকায় থাকতে হবে, আমি তাই যোগী হ'য়েছি ।

মলিনা । তুমিও কি বনে থাক ?

বিকাশ । না, বনে থাকি না, কিন্তু আজ থেকে বনে থাকবো ।

মলিনা । তুমি কি বনের শোভা দেখে মোহিত হ'য়েছ ?

বিকাশ । না, আমি তোমায় দেখে মোহিত হ'য়েছি, দেখায় তুমি থাকবে, সেইখানে থাকবো ।

মলিনা । তুমি আমায় দেখে মোহিত হ'য়েছ ? তবে তুমি কখন বনের শোভা দেখে নাই, পাখীর গান শোন নাই, তা হলে তুমি ও কথা ব'লতে না ।

বিকাশ । আমি অনেক পাখীর গান শুনেছি, অনেক বনের শোভা দেখেছি, কিন্তু তোমার মত মধুর স্বরও শুনি নি, তোমার মত নৌন্দর্য্যও দেখি নি ।

মলিনা । তুমি কোন্ বনের শোভা দেখেছ, কোন্ বনে পাখীর গান শুনেছ, এ বনের ফুল দেখলে, এ বনের পাখীর গান শুনে, এমন কথা ব'লতে না :— এ দেবদেব চন্দ্রশেখরের বন, এমন মনোহর বন আর কোথাও নাই, এমন ফুল কোথাও কোটে না, এমন চাঁদ আর কোথাও উঠে না—হেথাই উষার উজ্জল বরণ, দিনকরের স্নিগ্ধ কিরণ, এমন দীর সমীরণ অল্প কোথাও বয় না, এমন পাখীর গানে ভুবন মুগ্ধ হয় না !

বিকাশ । সুন্দরি, যে স্থানে তুমি থাক, সেই স্থানই সুন্দর ।

মলিনা । তা তো নয়, এ মহেশ্বরীর বন ব'লে, তাই এত সুন্দর ।

বিকাশ । তুমি জান না, তোমার কি আশ্চর্য্য মোহিনী, আমার হৃদয়ে একমাত্র তোমার ছবি বিরাজমান, আমি তোমার ম্যানে যোগী হ'য়েছি ।

মলিনা । আমি তোমার কথা কিছু বুঝতে পাচ্ছি না, তুমি যে ব'লে, অট্টালিকায় থাকতে হবে ব'লে যোগী হ'য়েছ ? ছি ! ছি ! ছি ! আমার জন্ত যোগী হ'য়েছ কেন ?

বিকাশ । তোমার জন্ত যোগী হ'য়েছি কেন ? তুমি

আমার ধানের দেবী, তুমি আমার সর্বস্ব ! তোমা ভিন্ন
জগতে আর আমার কিছুই নাই।

মলিনা। ছি ! ছি ! ছি ! আমি তো দেবী নই,
যোগীর মানবীকে ধ্যান ক'রতে নাই।

বিকাশ। তুমি আমার হৃদয়েশ্বরী, তুমি আমার
নয়নের আলো, যেখানে তুমি, সেই স্থানই স্বর্গ।

মলিনা। তুমি আমায় ভালবাস ?

বিকাশ। আমি কে ? আমি তো আর আমার নই,
আমি তোমার—আমার মন, প্রাণ, কাণ, সকলি তোমার
পায় অর্পণ ক'রেছি ; তোমার প্রেমে—আমি এই যোগীর
বেশ ধারণ ক'রেছি।

মলিনা। তবে তুমি এ বনে থেকে না ; ভগবতী
বলেন, যোগীর স্ত্রীলোককে ভালবাসতে নাই, আর
যোগিনীরও পুরুষমানুষকে ভালবাসতে নাই ; আমি
চ'ল্লেম।

বিকাশ। তুমি যেও না, আমি থাকায় যদি তোমার
বিষয় হয়, আমিই যাচ্ছি।

মলিনা। তুমি রাগ ক'র না, আমি রাগ ক'রে যেতে
চাই নি, আমি তোমায় ভাল কথা বলেছি, যদি আমায়
ভালবাসে থাক—ভুলে যাও।

বিকাশ। ভুলবো ? কাকে ভুলতে বল ? ভোলা
আমার সাদ্য নয়—আমার অস্থিতে-অস্থিতে, গ্রস্থিতে-
গ্রস্থিতে—তোমার মূর্ত্তি চিহ্নিত।

(গীত)

বেদাগ—একতারা।

হৃদয়-মাঝারে প্রতিমা বিহরে,
পুঞ্জিব আদরে, দিবস-যামিনী ;
অক্ষিত পায়ণে, মুছিব কেমনে,
আঁকা প্রাণে প্রাণে, প্রাণ-প্রমোদিনী।
মোহিনী-প্রতিমা, বিহরে নয়নে,
নেহারি কুশমে, উদার বরণে ;
অমর-গুণনে, পিক-বুল তানে,
বিহরে ভুবনে ভুবনমোহিনী।

দ্বিতীয় অঙ্ক

—:~::~—

প্রথম গর্ভাঙ্ক

উপবন

মলিনা।

(গীত)

কেদারা—আড়াঠেকা।

আজ কি পাখি; নাই তোমার সে স্বর,
তানে তোর মন ভোলে না, নাচে না অন্তর।

নাই কি শোভা কুঞ্জবনে,

আমোদ কি নাই তোমার মনে,

আজ কি পাখি, আছ বিমানে,—

বল পাখি, আজ কি কারো হেরেছ মলিন অধর ?

(তরলার প্রবেশ)

তরলা। কি লো, কি ভাব্ছিস্ ?

মলিনা। দেখ তরলা, একটা সন্ন্যাসী ব'লে, আমায়
ভালবাসে—আমিও ভাব্ছি, আমিও কি তারে ভালবাসি ?
আমার তার কাছে যেতে ইচ্ছা ক'রুছে, তার কথা শুনে
ইচ্ছা ক'রুছে, আমি কত ক'রে মন বেঁধে রেখেছি।

তরলা। সে কি লো ! তুই আবার কোন্ সন্ন্যাসীকে
ভালবাসলি ?

মলিনা। ভালবাসি কি না—জানি নে, আমি তাই
তোরে জিজ্ঞাসা ক'রুছি। ভগবতীকে যেমন ভালবাসি,
তেমন নয়, তা হ'লে আমি ভালবাসি কি না, বুঝতে
পারতেম ; সে সন্ন্যাসী ব'লে, আমায় দেখে সন্ন্যাসী হ'য়েছে,
আমি ভাব্ছি, সে বনে একলা কেমন ক'রে থাকবে ?

তরলা। কেন, আমরা কেমন ক'রে রয়েছি ?

মলিনা। আমরা চিরকাল বনবাসী, বন আমাদের
গৃহ ; কিন্তু তাঁর বনের শোভা ভাল লাগে না, পাখীর গান
ভাল লাগে না, সে কি ক'রে বনে থাকবে ভাই ? দেখ,
সন্ধ্যা, সকালে যখন আমি গাছতলায় বসেছিলেম, তখন

তাঁর আর এক বেশ দেখেছিলাম ; কিন্তু এখন তাঁরে সম্মাসী দেখে আমার চক্ষে জল এলো, তার কাছ থেকে যখন উঠে আসতে চাইলুম— তাঁর মুখখানি মলিন হ'লো, চক্ষু দুটি ছল ছল ক'রতে লাগল, আমার সেই কথাই মনে প'ড়ছে ; তুমি যদি তাঁরে বুঝিয়ে বাড়ী পাঠিয়ে দাও, তবে আমার মন স্থির হয়।

তরলা। তুই কেন গিয়ে বোঝা না ?

মলিনা। না ভাই, সে আমার কথায় আরও ব্যাকুল হবে, আমি তাঁরে কোন কথা ব'লতে পারব না। আহা ! যোগিনীর যোগীর কাছে থাকতে যদি কোন দোষ না থাকতো, তা হ'লে সখি, আমি তাঁর কাছে থাকতাম ; সে পাগল, আমি বুঝতে পেরেছি, সে আমায় দেখলে ভাল থাকে।

তরলা। তুই আমাদের ছেড়ে, তার কাছে থাকতে পারতিস্ ?

মলিনা। কেন, তোমাদের সঙ্গে নিয়ে যেতাম।

তরলা। সে তোরেই চায়।

মলিনা। তা সত্যি—তবে ভাই কি ক'রতেন ? দেখ ভাই, তোরা বা, আমি একটু ভাবি।

তরলা। দেখ মলিনা, যোগী-যোগিনীতে বে হয়, তুই তাতে বে ক'রবি ?

মলিনা। ছি ! ছি ! ছি !

তরলা। কেন, তুই ভগবতী মহেশ্বরীকে জিজ্ঞাসা ক'রিন্ দেখি ?

মলিনা। না—না, ভগবতীকে এ কথা ব'লিস্‌নে।

তরলা। তবে চল—সকলে যাই, তারে বোঝাই গে।

মলিনা। না সখি, সে আমার কথা বুঝবে না, আরও কাঁদবে ; আমি তোরে ব'লেছি, সে পাগল ; সে ফুলের চেয়ে আমায় সুন্দর দেখে, পাখীর স্বরের চেয়ে আমার স্বর মধুর বলে।

তরলা। চল, একবার বোঝাই গে,—তার পর না বোঝে, আমরা চ'লে আসবো।

মলিনা। না সই, যদি না বোঝে, আমি চ'লে আসতে পারবো না।

(গীত)

হাথির—কাওয়ালী।

দেখলে তারে আপন-হারা হই,
গেলে পরে আর তো ফিরে
আসবো না লো সই।
প্রাণে সই পাষণ বেঁধে—
এসেছি কাঁদিয়ে কেঁদে,
ব'লুনে কত মনের খেদে,—
কি ব'লে বল আসবো চ'লে,
জানে না সে আমা বই।

সখিগণ।

(গীত)

বি'কি'টু সাহাজে - থেম্‌টা।

ওলা সই, তুই তো একা নয়,
প'ড়লে ফেরে আপন-হারা অমনি সবাই হয়।
ধরাধরি মনের ফাঁদে, ধরা দিলে কাঁদায় কাঁদে,
সাঁধা পড়ে বাঁধে এ বাঁধে ;
বাধা দিয়ে, বাধার বাধিত হ'য়ে বাধা কত ময়।

মলিনা। সখি, তোরা কি ব'ল'ছিস্ ? আমি ভাববামি ; যদি ভালবেসে থাকি, আমি তো তোমার অপরাধ হ'লোম,—যোগিনীর ত পুরুষকে ভালব স্ত্রী নাহি ভগবতীর কাছে কি ক'রে মুখ দেখাব ? ছি ! ছি ! ছি ! আমার একি হ'লো ! ঐ ভগবতী আসছেন, আমি যাই ভাই, আমার মাপার নির্বা, ভগবতীকে কিছু ব'লিস্‌নে।

[মলিনার প্রস্থান।

(মহেশ্বরীর প্রবেশ)

মহে। মা তরলা, কি হ'লো ?

তরলা। ভগবতী, দেবদেব আপনি সজ্জটন ক'রেছেন, মলিনাও রাজকুমারের জ্ঞা উন্নত, রাজকুমারও মলিনার জ্ঞা উন্নত।

সমা সখী। তরলাও বিলাসের জ্ঞা উন্নত, বিলাসের তরলার জ্ঞা উন্নত।

মহে। দেবদেব প্রসন্ন হ'য়ে এত দিনে বৃষ্টি আমায় মায়া-রজ্জু ছেঁদন ক'রলেন। আজ শুভদিনে তুই মলিনাকে নিয়ে রাজার প্রমোদ-উচ্চানে যা, আমি রাজকুমারকে নিয়ে যাচ্ছি। তোরা আমার সঙ্গে আয়, চ না, আমরা রাজকুমারকে নিয়ে যাই।

[সকলের প্রস্থান।

(বিকাশ ও বিলাসের প্রবেশ)

বিকাশ। ভাই বিলাস, আমি আর একবার সেই দেবীমূর্তি দর্শন ক'রে নিৰ্জন গছবরে গিয়ে বাস ক'র্বো ; তুমি দেশে যাও, আমার মাকে সান্না ক'রো।

বিলাস। কুমার, তুমি প্রতিজ্ঞা ক'রেছিলে, যে তোমায় তোমার জ্যেষ্ঠ ভাইবাসবে, তার তুমি পানিগ্রহণ ক'র্বে ; যে প্রতিজ্ঞা কেন তুমি ভঙ্গ ক'র্বে ? রাজকুমারী তোমার অনুরাগিণী, তারে কেন তুমি ত্যাগ কর ? তুমি ত কঠিন নও, তবে কেন অবলা কুমারীর উপর মিষ্ট ব্যবহার কর ?

বিকাশ। ভাই, রাজকুমার প্রতিজ্ঞা ক'রেছিল,— রাজকুমার কঠিন নয়,—কিন্তু আমি তো আর রাজকুমার নই।

(মহেশ্বরের প্রবেশ)

মহে। বাবা, তোমাদের আমি মলিন দেখছি কেন ? এ দেবদেব চন্দ্রশেখরের আনন্দ-উপবন, এখানে কেউ নিরানন্দ হয় না, সকলেরই মনোবাসনা পূর্ণ হয়—যদি কিছু কামনা থাকে, আমার সঙ্গে এস, অদূরে কাম্যবন আছে, সেথায় গেলেই মনস্কামনা পূর্ণ হবে। ঐ শুন, দেববালারা গান ক'র্বেছেন।

বিকাশ। অ্যা! দূর-স্মৃতির হৃৎসঙ্গীত কুরাল।

মহে। বাবা, এস, আমি চন্দ্রশেখরের দাসী, আমার কথা উপেক্ষা ক'রো না, ঐ শুন, দূর-স্মৃতি তোমায় আহ্বান ক'র্বেছে।

[মহেশ্বরের সঙ্গিত বিকাশের প্রস্থান।

বিলাস। আমি নিরানন্দই থাক্বে! আমার কামনা—পাপ-কামনা ; এ কামনা পূর্ণ হ'লে আমি কপট-বন্ধু হব।

(তরলার প্রবেশ)

তরলা। ও ঠাকুর, ও ঠাকুর, একলা বাসে ভাব্চ কি ?

বিলাস। এ কি!—রাজকুমারি! দেখুন, আমার অপরাধ নাই, আমি যথাসাধ্য রাজকুমারকে বুঝিয়েছি, তিনি মলিনার জন্যই উন্নত।

তরলা। তবে ঠাকুর, আমার উপায় কি হবে ? আমায়

রাজকুমারের কাছে নিয়ে চল, আমি একবার বুঝিয়ে দেগি।

বিলাস। দেখুন, আমি যাব না, আপনি যান ; একজন যোগিনী ব'ল্লেন, এখানে কাম্যবন আছে, সেখানে গেলেই কামনা সিদ্ধ হয় ; রাজকুমার সেথায় গিয়েছেন।

তরলা। তবে তুমি আনায় নিয়ে চল।

বিলাস। না—না, আমি যাব না।

তরলা। কেন ঠাকুর ?

বিলাস। দেখুন, আমার মনেও কামনা আছে, যদি কাম্যবনে গেলে আমার সে কামনা সিদ্ধ হয়, তা হ'লে আমি মহাপাপে মগ্ন হব। আমি তো ব'লেছি ; আমার পাপমূলে আপনার রূপরশিতে মগ্ন হ'য়েছে।

তরলা। তার তো এক উপায় আছে, তুমি কেন কাম্যবনে গিয়ে প্রার্থনা কর না যে, রাজকুমারীর উপর তোমার কখনও না মন হয়, আর ঠিক রাজকুমারীর মতন একটা নাচনা উলি তোমার ছোটে!

বিলাস। না—না, তা হবে না, কাম্যবনে কামনা ক'রেও আপনার ছবি আমার মন থেকে যাবে না।

তরলা। আচ্ছা, তবে আর এক কামনা ক'র্বে হয়, আমি কামনা ক'র্বো যে, আমি রাজকুমারী না হ'য়ে— আমি নাচনাউলি হই, আর মলিনা যেন রাজকুমারী হয়।

বিলাস। দেবি, আমার সঙ্গে চলনা ক'র্বেন না।

তরলা। হয় না ? তুমি জান না ; কাম্যবনে কামনা ক'র্বে, এমন কিছুই নেই যে—হয় না। চূপ ক'রে রইলে যে ? আচ্ছা, তোমার কি বোধ হয়, রাজকুমারী কে ?—মলিনা, না আমি ?

বিলাস। অ্যা! আপনি রাজকুমারী ন'ন ?

তরলা। আচ্ছা ঠাকুর, আমি যদি এখনি চ'ম্কে উঠে বলি,—আপনি রাজকুমার ন'ন ?

বিলাস। কুমারি, কি ব'ল্ছেন ?

তরলা। কুমার, কি ব'ল্ছেন ?

বিলাস। আমি তো ব'লেছি, আমি কুমার নই।

তরলা। আমি তো ব'লেছি, আমি কুমারী নই।

বিলাস। দেখ, অমন ক'রে দোঁকা দিলে ভাল হবে না কিন্তু।

তরলা। দেখ, অমন করে ধোঁকা খেলে ভাল হবে না কিন্তু।

বিলাস। এ তো ভারি উৎপাত!

তরলা। এ তো ভারি উৎপাত!

বিলাস। তুমি বুঝি সত্যি মনে ক'রেছ, আমি রাজকুমার?

তরলা। তুমি বুঝি সত্যি মনে ক'রেছ, আমি রাজকুমারী?

বিলাস। আঃ! আমি দিবিয়া ক'রে ব'লছি, আমি কুথারের সখা, মহারাজের সখার পুত্র।

তরলা। আঃ! আমিও দিবিয়া ক'রে ব'লছি—আমি কুমারীর সখী, মহারাণীর সখীর কুমারী।

বিলাস। প্রিয়ে, সত্যই এ আনন্দ-ভুবন!

তরলা। দেখ—দেখ, বিটুলে বামুনের রকম দেখ! আমি চ'ল্লেম, রাজকুমারকে ব'লে দিই গে।

বিলাস। প্রাণেশ্বর, আর তুমি আমাকে নাচাতে পারবে না।

তরলা। ঐ দেখ গো, বামুন আমায় কি ক'লে গো।

বিলাস। ঐ দেখ গো, বামনী আমার মন কেড়ে নে পালায় গো।

(গীত)

ঝিঁঝিঁট—খেমটা।

বিলাস। মন কেড়ে নে দেখ গো পালায়,

তরলা। একলা পেয়ে মজায় অবলায়;

বিলাস। তুমি কি না মজ্বার মন্ত?

তরলা। দেখ ঠাট জানে কত!

উভয়ে। কলে বলে কথার ছলে দেখ গো ভোলায়,—

তরলা। দেখ গো ছালায়,—

বিলাস। ঐ দেখ প্রাণ নিয়ে পালায়।

[বিলাস ও তরলার প্রস্থান।

দ্বিতীয় গর্ভাঙ্ক

উপবনস্থ কুঞ্জ

মলিনা ও তরলা।

(মলিনার গীত)

বেহাগ্ড়া—কাওয়ালী।

কেমনে মন নিবারি,

যতনে যতনা বাড়ে, তাগে কি ভুলিতে পারি।

বামনা বারি বিরাগে,

মলিন বন মনে জাগে,

অচুরাগে গলি সোহাগে,—

ছিঁড়িতে নারিল ডুরি, কি করি মন যে তারি।

তরলা। কেন লো, ভুলবি কেন লো?

মলিনা। যোগিনীর যে ভালবাস্তে নেই।

তরলা। তোরে এই ঠাটের কথা কে শেখালে?

মলিনা। ভগবতী বলেন, তুই কি শুনিস্ নি?

তরলা। আর এই যে ভগবতী বিষপত্রে লিখে দিয়েছেন যে, সে যোগীকে ভালবাস্তে আছে।

মলিনা। তবে কি সত্যই, যোগীকে ভালবাস্তে দোষ নেই?

তরলা। এই দেখনা, ভগবতী বিষপত্রে লিখে দিয়েছেন।

মলিনা। তবে চল্ ভাই, আমি তাঁর কাছে যাই, আর দেরি ক'রবো না, তাঁকে আমি ব'লেছিলেম যে, এ বনে থেকে না—যদি চ'লে যান?

তরলা। আগে দেখ, তার কাছে থাকতে পারবি কি না দেখ?

মলিনা। হ্যাঁ ভাই, আমি থাকতে পারবো,— তাঁরে ব'লবো, একখানি কুটীর বাদ', সেই কুটীরটিতে ছ'জনে থাকবো। দেখ্ ভাই, তোরে এত দিন বলি নি, পাখী ছ'টিতে মুখ'মুখি ক'রে ব'সে থাকে, দে'খে আমারও সাধ হতো; এখন আমরাও ছ'জনে মুখ'মুখি করে ব'সে থাকবো। চল্ ভাই চল্, এখন আর দেরি করিস্ নে।

তরলা। আর সে যদি না তাঁর সঙ্গে মুখ'মুখি ক'রে ব'সে থাকে? ভগবতী ব'লেছেন, না পরধ ক'রে তোরে

তাঁর কাছে যেতে দেবেন না, ভগবতী তাঁকে নিয়ে আসবেন।

মলিনা। না না, পরখ ক'রতে হবে না, সে আমার জন্মে যোগী হ'য়েছে।

তরলা। তাঁর কাছে আর তোঁর যেতে হবে না, ভগবতী তাঁরে নিয়ে আসবেন। তুই এই বনের ভিতর ব'স, এই মালাছড়াটি নে; তোঁরে যদি সত্যি সে ভালবাসে, তা হ'লে এই বন খুঁজে তোঁরে বা'র ক'রতে পারবে, তোঁর কাছে এলে পরিষে দিস্।

মলিনা। বেশ! বেশ! মালাছড়াটি দে তো,— অতি সুন্দর মালা! আমি মালা পরিষে জিজ্ঞাসা ক'রবো, ফুল সুন্দর—কি আমি সুন্দর?

তরলা। আচ্ছা, তই জিজ্ঞাসা করিস্, তুই এখন লুকিয়ে ব'সে থাক্।

মলিনা। দেখ্ ভাই, আমার মনে আনন্দ হ'লে চ'খে জল আসতো, যেন স্বপনের মত কি কথা মনে পা'ড়তো, তাই ভগবতী আমায় মলিনা বলে ডাকেন; কিন্তু ভাই, আজ আমার প্রাণ বিকসিত হ'চ্ছে, একটু ভয়ও হ'চ্ছে,—কে জানে ভাই, আমি কেমন হ'য়ে গেছি।

তরলা। থাক্, তুই লুকিয়ে থাক্; তুই লুকো—লুকো, ঐ দেখ্, সে যোগী আস্ছে, কিন্তু তাঁর আর সে বেশ নেই।

মলিনা। দেখ্ ভাই, আমি এই বেশ দেখতেই ভালবাসি। তোঁরে তো ব'লেছি, যোগীর বেশ দেখে আমার চোখে জল এসেছিল।

(সখীগণের প্রবেশ ও সকলের কুঞ্জমধ্যে লুকায়িত হ'ওন)

(বিকাশের প্রবেশ)

(কুঞ্জর ভিতর হ'ইতে সখীগণের গীত)

বেহাগ—থেম্টা।

প্রেমের এ প্রমোদ-বনে প্রেমিক কেমন যাবে জানা,

মনোহর প্রেমের বাসর মিছে প্রেমের ভাগ সাজে না।

প্রেমিকা অমুরাগে, একাকিনী কুঞ্জে জাগে,

সোহাগে সোহাগিনী, নাও হে হৃদে নাই তো মানা।

প্রেমিকা যার যেখানে, প্রাণে প্রাণে সে তো জানে,

শ্রেমে ধার প্রাণ টানে না, চলনা তাঁর প্রেম কামনা।

১ম কুঞ্জের সখী।—

ছি! ছি! সই, মলিন হ'য়ে যাবলো ঝ'রে,
অরসিক হোঁয় যদি করে—

আসবে অলি, প্রেমের কলি, ফুটেছি প্রমোদ ভরে ;

সকলে।—

ভালবাসে খুঁজে আসে, ভাণ ক'রে তো আসে না।

২য় কুঞ্জের সখী।—

আমার আ'ছে বঁধু তাই তো মধু ধরে না বৃকে,
আমার বঁধু বিনে কারু পানে কি চাই হাসি-মুখে,
সে প্রেম জানে না, করলো মানা আস্তে স্মরণে ;

সকলে।—

তাঁর প্রাণ ব'লে দেয় ফুটি, সেথায় ঠাটের ভালবাসে না।

৩য় কুঞ্জের সখী।—

আমি ছোট কলি, তা ব'লে কি প্রেম জানি নে সই,
বঁধুর আমি আমার বঁধু - আর তো কারুর নই,
অরসিকের লাগলে বাতাস অমনি সারা হই ;

সকলে।—

বঁধু মনে বৃকে আসে খুঁজে, ফুটলে প্রাণে বাসনা।

৪র্থ কুঞ্জের সখী।—

আমার নাগর বিনে কারুর পানে চাই নে স্বজনি,
থাকি সোহাগভরে, আদর করে সেই গুণমণি,
সয় কি পরশ অপ্রেমিকের, প্রেমিক রমণী ;

সকলে।—

আমার প্রাণ জানে সে প্রেমিক রতন—

ফুটলে কোথাও থাকে না।

বিকাশ। একি কোন কুহক! বনদেবী কি আমায় গঞ্জনা দিচ্ছেন? এই কুঞ্জই কি আমার প্রাণেশ্বরী?

সখীগণ।—

(গীত)

ভৈরবী—যং।

নাহি দৌরভের গরব, নাই রঙ্গের বাহার,

নাই তো মধু ছড়াছড়ি ভ্রমরের বিহার।

আছে চেয়ে আশা-পথ, মলিন-কুঞ্জ অবনত,

ওই তো এল নাগর মনোমত ;—

সোহাগিনী আমোদিনী হেরে বিকাশ মলিনা।

মলিনা। দেখ, কেমন সুন্দর মালা, এখন বল দেখি, ফুল সুন্দর—কি আমি সুন্দর?

বিকাশ। হৃদয়েশ্বরি, হৃদয়ে এস, কাম্যবনে আমার কামনা পূর্ণ হ'ল।

মলিনা ও বিকাশ।— (গীত)

ভৈরবী—যং।

সুধা ঢাল সুধাকর,—

আমোদে কুমুদী-ননে খেল নিরস্তর।
মধুর মলয়ে হেলি, ফুল-কলি কর কেলি,
প্রমোদে প্রমোদ-বনে গুঞ্জে লমর।

(বিলাসের প্রবেশ)

বিলাস।—

আমারও পুরেছে আশা,
বীয়ে আমার ভালবাসা,
যার যা মনে প্রমোদ-বনে ক'সে আমোদ কর।

সখীগণ।—

দেখ্ লো নয়নে নয়ন ভাসে আদরে,
দেখ্ লো সেই সই, সই হাঙ্গ হাঙ্গ অধরে।
আদরে করে করে, কমল যেন কমল ধরে,
দেখ্ লো আদরে ছিয়ে কাঁপে ধর ধর।

(মহেশ্বরীর প্রবেশ)

মহে। মা মলিনা, মহেশ্বর পালিতা কুমারীকে কি
এখন চিনেছ ? তুমিই সেই রাজকুমারী। মহেশ্বর রূপা
ক'রে তোমার উপযুক্ত রাজকুমারকে এনে দিয়েছেন। ঐ

দেখ, তোমার পিতা-মাতা বর-ক'নে বরণ ক'রে নিয়ে
যেতে আসছেন। মা তরলা, আশীর্বাদ করি, তুমি তোমার
স্বামীকে নিয়ে চিরসুখী হও ; মলিনা যেমন তোমার সখী,
রাজকুমার তেমনি তোমার স্বামীর সখা। মা, যেমন শিবব্রত
ক'রেছিলে, তেমনি মনোমত পতি নিয়ে সুখে ঘর কর।
ঐ দেখ, রাজ-অমাত্য রাজার সঙ্গে, আর তোমার জননী
রাণীর সঙ্গে তোমাদের নিয়ে যেতে আসছেন। রাজকুমার,
এ শিবের কুমারী আজ তোমার নারী, যত্ন রাখলে
আশুতোষ সন্তুষ্ট হবেন। কুমার-বান্ধব, যে বনলতা আজ
তোমা'য় অবলম্বন ক'রেছে, দেখো, যেন -অথত্বে মলিন
না হয়।

সখীগণ।—

(গীত)

ভৈরবী—ভরতঙ্গ।।

প্রাণে প্রাণে ফুলের ডোরে বঁধলে ফুলশর,
সাধে সাধ উথলে ওঠে, বয়ে যায় লহর।
আমোদে তারা ফোটে,
ফুলের মধু মলয় লোটে,
যামিনী আমোদিনী পারে চাঁদের কর ;
জয় জয় জয় হর-দিগম্বর !

মহাপূজা

—

(কলিকাতার জাতীয় মহাসমিতির
অধিবেশন (Congress) উপলক্ষে
এই রূপকথানি রচিত হয়।)

(১০ই পৌষ, ১২৯৩ সাল, বড়দিনে, ষ্টার থিয়েটারে প্রথম অভিনীত)

পাত্র-পাত্রীগণ

ব্রতানিকা,

লক্ষ্মী,

সরস্বতী,

ভারতমাতা,

ভারত-সন্তানগণ।

সংযোগ-স্থল—ভারতবর্ষ।

প্রথম দৃশ্য

বৃটনেশ্বরী, লক্ষ্মী ও সরস্বতী

(লক্ষ্মী-সরস্বতীর গীত)

সিন্দু-পান্ডাজ—ত্রিতালী।

ক্রিয়ের শারদ-শশী ঐশ্বর্য হসিতাধরা,

নলিনী-নয়না বামা মানব-ছরিতহরা।

নতশির ধরাধর, সাগর যোগায় কর,

পূজে রাজ-রাজেশ্বর, চরণে লুপ্তি ধরা।

জড়িত গৌরব হানে, স্থায় দয়া একাদানে,

দুর্জনে সত্তরে হেরে, কাঠরে কঙ্কণাধরা।

যাহার আশ্রয় ধরি, ভারত ভ্রমণ করি,

দেবী রাজ-রাজেশ্বরী, বরদে অভয়করা।

বৃট। হৃদয়ে নৈরাশ ধরি, জন্মভূমি পরিহরি,

প্রবেশ করিলে দৌছে বৃটন-আলয়ে ;

মমাস্বাসে পুনঃ আসি, হ'য়েছ ভারতবাসী,

বিহর ভারত-ভূমে বৃটন-আশ্রয়ে।

হায় প্রতিকূল ধাতা, অভাগা ভারতমাতা,

দুখিনী ভগিনী নারে পালিতে সন্তান ;

আশ্রয়-বিহীন সতী, শুন লক্ষ্মি সরস্বতি,

তঁার পুত্র হেতু সদা কাঁদে মম প্রাণ।

মমোপরে নানা ভার, নানা রাজ্য অধিকার,

সূর্য্য অস্ত নাহি যায় মম অধিকারে ;

নাহি মম অবসর, ব্যস্ত রহি নিরন্তর,

সমাগরা ধরার বাণিজ্য রাখিবারে।

তোমাদের হেথা রাখি, সদাই নিশ্চিন্ত থাকি,
বহুদিন হ'তে নাহি জানি বিবরণ ;
ভারত-সন্তানগণ, আছে সবে কে কেমন,
ব্যগ্র আমি তব ল'তে, তাই আগমন ।

সুবদনি বাগ্‌বাণি, কহ সবিশেষ বাণী,
বিপুল এ রাজ্যে কর কি রূপে বিহার ;
ভারতে কি সমাদরে, পূজা হয় ঘরে ঘরে ?
নানা স্থানে হেরিলাম মন্দির তোমার ।

লক্ষণ যতপি হয়, স্বরূপের পরিচয়,
জ্ঞান হয়, এ ভারত তব অমুগত ;
দেখে শুনে বার বার, বাহ্যিক লক্ষণে আর,
কিন্তু হায় প্রত্যয় নাহিক মম তত ।

সুবদনি সুধি তাই, সত্য তব জ্ঞানে যাই,
বিজ্ঞ কি গো এবে অজ্ঞ ভারতসন্তান ?
দূর কি হ'য়েছে ভ্রাস্তি, বিহার করে কি শাস্তি,
বিজ্ঞানের হেতু কিগো আদরে বিজ্ঞান ?

সর । শুন, সতি, তব ভাষে, আসি পুনঃ পুণ্যবাসে,
অভাগিনী-পুত্রগণে করিহু বতন ;
প্রলোভন দিয়ে কত, করিলাম অমুগত,
পরীক্ষা করিয়া লহু ভগ্নীর নন্দন ।

নাম ধরি বাগ্‌বাণী, সংশোধন করি বাণী,
আনন্দে বিরাজি আমি প্রতি রমনায় ;
তব শ্বেতপুত্র সন, বাক্‌শক্তি নিকরম,
তব পুত্র-অমুগামী সবে রচনায় ।

কুটিল বিজ্ঞানচ্ছেদ, কবি-মর্ষ ক'রে ভেদ,
রাজনীতি-বিশারদ মম উপাসক ;
ব্যবহার-শাস্ত্রদক্ষ, রচে অট্টালিকা লক্ষ,
দেহতত্ত্ব-অবগত নিপুণ ভিক্ষক ।

মসীজীবী সুশিক্ষিত, শিল্প জ্ঞানে কথঞ্চিৎ,
ব্যায়াম-বিজ্ঞানে ক্রমে করিছে আদর ;
মম পূজা-অধিকারী, শত শত কুলনারী,
প্রতি ঘরে আমার অর্চনা নিরন্তর ।

ফিরি প্রতি ঘরে ঘরে, মম উপদেশ-বরে,
স্নেহময়ি, সুশাসন বুঝেছে তোমার ;
নিত্য তব গুণ গায়, তব নাম প্রার্থনায়,
নির্মল অটল ভক্তি হৃদয়ে সবার ।

যেবা তব প্রয়োজন, করে তাহা প্রাণপণ,
রাজকার্যে যথাসাধ্য হ'য়েছে সহায় ;
তোমার কৃপার বলে, দেখ তব পদতলে,
একত্রে ভারতবাসী উচ্চ কার্য চায় ।

শুট । কমলবাসিনি, কহ, কি রূপে ভারতে রহ,
পূজা কি করিছে তব ভারতনিবাসী ?
কি ভাবে বিরাজ, সতি, হেথা ফিরে আসি ?
ছুথিনী সন্তানগণে, অম্ল চেষ্টে অমতনে,

মলিন আবাস-ধীন আছিল সকলে ;
অম্লপূর্ণ-গৃহ কি গো তব কৃপাবলে ?
মহাধন্দ্রে পরম্পর, ভাঙ্গিল নগর ঘর,
নিত্য হ'ত লুপ্তন এ ভারত আলয় ;

সভীতা ভগিনী নিল আমার আশ্রয় ।
দেখেছিলু সে সময়, মহামারী মহাভয়,
দুরন্ত দুভিক্ষ ফিরে মেলিয়ে বদন ;
শুনিহু বিশাল ভূমে বিপুল রোদন ।

যথা তব কৃপা হয়, সেই স্থান সুখালয়,
সুখের আবাস কি গো, এ ভারত-ভূমি ?
ভাগ্য কি প্রসন্ন ? ভাগ্যপ্রদায়িনী তুমি ।
লক্ষ্মী । ব্যাপিয়া বিশাল রাজ্য, হের সতি, মম কায়া,

লক্ষ লক্ষ অট্টালিকা নেহার সম্মুখে,
শস্ত্রপূর্ণ ক্ষেত্র হেরে ক্রমি হামিমুখে ।
ছিনিয়ে মেঘের ধরনি, শুন—শুন সুবদনি,
গজ্জি' দায় বাণিজ্যবাহক ধুময়ান ;
বাণিজ্যের কলরব শুনহু প্রমাণ ।

পূজা দিতে মম পায়, দেশ দেশান্তরে দায়,
নিকরম গৃহপ্রিয় ভারতসন্তান,
মম কৃপাকণা-আশে, তুচ্ছ করে শ্রাণ ।
মম কৃপা পাবে ব'লে, সাগর লজিয়া চলে,

অর্থকরী নানা বিঘা করে উপার্জন ;
অজর অমর জ্ঞান করিয়ে আপন ।
দুর্গম অরণ্যে পশে, ব্যোমযান হ'তে থসে,
ভারতসন্তান সবে, সমরে সহায় ;
ক্ষুদ্র বঙ্গবাণী দেখ, সৈন্ত-কার্য চায় ।

নিশ্চ এই ছুৎপ মনে, ভারতসন্তানগণে,
কোন মতে শিথিল না আপন নির্ভর ;

শিল্প-কার্যে নিয়োজিত করিল না কর ।
এ দুঃখ কহিব কারে ? তব শ্বেতপুত্র-ছারে,
পরিধেয় বস্ত্র তরে অধীন সকলে,
শ্বেতপুত্র-শিল্পবলে গৃহে দীপ জলে !
লবণের প্রয়োজন, নিত্য জানে জনে জন,
তব পুত্র হ'তে তাহা ক্রয় করি আনে ;
শিল্পী নাহি হয় কেহ, শিল্প নীচ জানে।
প্রিয় ভগ্নী সরস্বতী, নানা বিদ্যা দিল সতী,
করিতেন যদি হায়, এই ভ্রাস্ত্রি দূর,
ভারতের সমকক্ষ হ'ত কোন পুর ?
সুজলা সুফলা বামা, ফল-ফুলে সাজে শ্যামা,
বৈজ্ঞানিক শিল্প বিনা সকলি বিফল ;
শারীরিক শ্রম বিনা শরীর দুর্বল !
যদি হয় অমুমতি, আজ্ঞা দেহ ভাগ্যবতি,
সরস্বতী দি'ন রাজ্যে শিল্প-উপদেশ,
কি কাৰ্য্য করিব পরে দেখিবে বিশেষ ।

বৃট। বল সতি, কি কারণে, ভারত-সন্তানগণে,
এতদিন শিল্পবিদ্যা করনি প্রদান,
চিরদিন শিল্প জ্ঞান উন্নতি-সোপান ।

মর। অমুমতি মম প্রতি, কর নাই, ভাগ্যবতি,
রাজ্যসাহ একমাত্র শিল্পের সহায় ;
সে সাহায্য বিনা শিল্প সদা নিরুপায় ।
ছিল শিল্প নানা মত, শ্বেত-শিল্প তেজে হত,
নিরুৎসাহে শিল্পকাৰ্য্য না করে গ্রহণ ;
ভারত-সন্তানে দেহ আশ্বাস-বচন ।

কি বেদনা মনে মনে, ভারত-সন্তানগণে,
সমবেত তব পদে কহিতে কাহিনী ;
বেদনা মোচন কর ভুবন-বন্দিনী ।

বৃট। ভারত-সন্তান কি বা করে আবেদন,
চল যাই সে সকল করিব শ্রবণ । [প্রস্থান ।
(লক্ষ্মী ও সরস্বতীর গীত)

লুম-ফি'ফিট—দাদ্যা ।
আমোদে বহ মলম-বায়,—
ঝ'রে কুম্বকলি পড় রাগা পায় ।
কেন গো বিষাদিনী, হের ভারত-জননী,
বরদা বরাননী সদয়া তোমা'য় ।
রবেনা বেবনা, পুরাবে বাসনা,
করণা-নয়না করুণা বিলায় ।

দ্বিতীয় দৃশ্য

ভারত-সন্তানগণ ।

(গীত)

পাহাড়ী পিলু—ঠুংরি ।

আজি ভারত-কলঙ্ক-ভঞ্জন হে,—
দেখায়েষ ভুলি, সবে মিলি' মিলি' খেলি,
মুছিয়ে সনয়-অঞ্জন হে ।
প্রেমসুধা পিয়ে, অনুরাগ জাগাইয়ে,
কর ভারত-জুদি-রঞ্জন হে !
বাঁধা একতা পাশে, রহিব এক বাসে,
যেন পুনঃ নাহি সহি গঞ্জন হে ।
জননী বিষাদিনী, হইবে আমোদিনী,
পুরাইব মাতৃ-আকিঞ্চন হে !

১ম ভা-স। ভারত-সন্তান, কর কোলাকুলি, ছুখনিশা

অবসান ;

কি হেতু নীরব, এ মহা উৎসবে, প্রাণ খুলে কর গান ।
একতা রতন, বহুদিন হ'তে, ভারতে ছিল না ভাই ;
কর হে যতন, এ মহা রতনে, পেয়ে যেন না হারাই ।
পাঞ্জাব প্রয়াগ, অযোধ্যা কনোজ, মহারাষ্ট্র, মাড়োয়ার ;
মাদ্রাজ বোম্বাই, আসাম নাগপুর, উৎকল বঙ্গ বিহার ।
হিন্দু বা খৃষ্টান, পার্শি মুসলমান, এক প্রাণ আজি সবে ;
একতাবিহীন, ভারতসন্তান, কেহ আর নাহি কবে ।
সদয় ইংলণ্ড, নাহি আদ্র ভয়, পুরিবে মনেরি আশ ;
হৃদয়ের সাধ, রেখনা গোপন প্রকাশিয়া কহ ভাষ ।
জননী যেমতি, শিখায় নন্দনে, উঠিতে ফিরিতে সাথে ;
করুণা-প্রতিমা, ব্রিটন তেমতি, শিখাইল ধরি' হাতে ।
জাগাইয়া আশ, করিবে নিরাশ, কভু ত সম্ভব নহে ;
পুত্রের কামনা, জননী সদনে, চিরদিন যেন রহে ।
শ্বেতপুত্র তাঁর, আজি সম্মিলিত, দেখ আমাদের সনে ;
দিতছে উৎসাহ, নিরুৎসাহ বল, হ'ব তবে কি কারণে ?
স্বার্থ পরিহরি, স্বদেশ-উন্নতি এস হে সাধন করি ;
আনন্দ উত্তম, কর হে প্রকাশ, ভ্রাতৃভাব হৃদে ধরি' ।
ভিন্ন ভিন্ন জাতি, যদিও আমরা, ভিন্ন ভিন্ন ধরি নাম ;
ভিন্ন ভিন্ন ধর্ম, ভিন্ন ভিন্ন কর্ম, ভারতে সবার ধাম ।

প্রজাধর্মে মোরা, ভিন্ন কতু নহে, ইংলণ্ড-নগর-প্রভু ;
 প্রজাধর্মে মোরা ভ্রাতা পরস্পরে, এ কথা ভুল না কতু ।
 যতনে ইংলণ্ড শিখালে সবায়, এস করি আবেদন ;
 পরীক্ষা প্রদান বাসনা সবার, এইমাত্র আকিঞ্চন ।
 ২য়-ভা-স। হ্যা, হ্যা, বক্তা মশাই উত্তম ব'লেছেন ;
 আহ্নন আমরা ভারতে 'পার্লামেন্ট' হ'বার প্রার্থনা করি ;
 আমাদের দেশ হ'তেই রাজপ্রতিনিধি নিষ্কাচিত হউন ;
 আমরা কি না জানি ? আমরা ত সকল বিঘাই শিখেছি ।
 কই পরীক্ষা হোক, যত ইচ্ছা কঠিন প্রঃ দিন ; দেখুন, সে
 পরীক্ষায় আমরা উত্তীর্ণ হ'তে পারি কি না ? যদি রাজ-
 প্রতিনিধি নিষ্কাচনের পরীক্ষা এ স্থানে হয়, আমি নিশ্চয়
 বলতে পারি, প্রতি প্রেসিডেন্সিতে অন্ততঃ পাচজন রাজ-
 প্রতিনিধি ফাষ্ট ডিভিসনে, দশ জন সেকেন্ড ডিভিসনে, ও
 পঁচিশ জন থার্ড ডিভিসনে, উত্তীর্ণ হ'তে পারি, সন্দেহ
 নাই । ইহার মধ্যে অন্ততঃ প্রতি প্রেসিডেন্সি ও প্রদেশে
 দুইজন করিয়া স্কলারশিপ পেতে পারি ; তবে কি নিমিত্ত
 ভারতে 'পার্লামেন্ট' স্থাপিত হবে না ? আমরা বক্তৃত্তা-
 বিচায় কাহারও দ্বিতীয় নই । তবে পরীক্ষায় পাশ
 হইয়া রাজপ্রতিনিধির পদে পারদর্শী কেন না হব ?
 তবে, আমরা দুর্বল ; বলের কার্য ইংলণ্ড করুন—মিলিটারি
 বিভাগ সম্পূর্ণরূপে ইংরাজের হস্তে থাকুক ; তাহাতে
 আমার কোন আপত্তি নাই, কিন্তু সিভিল বিভাগ সম্পূর্ণ
 ভারতবাসীর হস্তে অর্পিত হউক ।

৩য়-ভা-স। মহাশয়, আপনার ভ্রাস্তি হইয়াছে, আমাদের
 গুরুপ নহে ।

২য়-ভা-স। তবে এ আড়ম্বরের প্রয়োজন ?

৩য়-ভা-স। এ উৎসবে নিতান্ত প্রয়োজন, ইহার প্রথম
 উদ্দেশ্য—ভারতের ভ্রাতৃ-ভাব ; এ বিস্তীর্ণ ভারত-ভূমির
 নানা প্রদেশে ভিন্ন ভিন্ন জাতি ও বর্ণের পরস্পর আলিঙ্গন ;
 আমরা জাতিতে ভিন্ন,—পরস্পর ধর্মে ভিন্ন,—কর্মে ভিন্ন,—
 ভাষায় ভিন্ন,—কিন্তু এক দেশবাসী, ও এক রাজ্যেশ্বরের
 প্রজা। রাজনৈতিক বিষয়ে আমরা এক জাতি, ভারতের
 স্বার্থের সহিত আমাদের স্বার্থ একীভূত—ভারতের ধনাগনে
 —আমরা ধনী, ভারতের সম্মানে—আমরা মানী, ভারতের
 উন্নতিতে—আমরা উন্নত ; একত্রে রাজনৈতিক আন্দোলনে
 আমরা রাজনৈতিক উন্নতি লাভ করিব । যেক্ষণ চিকিৎসা-

বিদ্যা ইংলণ্ডের নিকট শিক্ষা করিয়া ভারতপ্রজাপালনে
 ইংলণ্ডকে আমরা সাহায্য করিতেছি, ব্যবহার-শাস্ত্রে দক্ষতা
 লাভ করিয়া রাজাকে বিচার-কার্যে যথাসাধ্য সাহায্য
 করিতেছি, ইংলণ্ডের নিকট বিদ্যাশিক্ষা করিয়া সাধারণতঃ
 যে যে কার্যে নিয়োজিত হইয়া রাজকার্যের উন্নতি সাধনে
 সহকারী হইতেছি,—রাজনৈতিক বিষয় শিক্ষা করিয়া
 সেইরূপ ইংলণ্ডের উচ্চ-রাজকার্যের সহকারী হইব ।
 আমাদের গৃহস্থধর্ম ও সমাজের গঠন—এরূপ যে সকল
 অভাব, দুঃখ, বিদেশী বিশেষ চেষ্টা করিলেও সম্যক অবগত
 হইতে পারে না,—আমরা তাহাদের সাহায্য করিলে, সে
 কার্য সূচাক্রমে সম্পন্ন হইতে পারে ।

৪র্থ-ভা-স। ভাল, আপনারা এ কিসের গোলমাল
 করছেন ? একতা ! একতা কিসের ?—এক না কতকগুলো
 বাগাড়ম্বর মাত্র, কই—এ কাজ কে যোগদান ক'রেছে ?

৩য়-ভা-স। মহাশয়, কিরূপ আজ্ঞা করছেন ? দেখছেন
 না, হিমালয় হইতে কুমারিকা পযায়, সিন্ধুনদ হইতে
 ব্রহ্মপুত্র পযায়—সমস্ত ভারতবাসী একত্রিত । এরূপ সম্মিলন
 কি আর কখনও দেখেছেন ?

৪র্থ-ভা-স। হ্যা, হ্যা, এতে মানুষ কে আছে বল,
 একটা মানুষ কে আছে বল ? আমরা এতে যোগদান
 ক'রতে চাইনে । আমাদের ও ভাল লাগেনা ; কিন্তু এক-
 ছত্ৰী ব্যাপার ! গোড়ায় আমাদের ডাক্তেন, একটি ব্যবস্থা
 ক'রে স্থানিয়মে সভাসংস্থাপন ক'রতেন ; এখন গোড়া কেটে
 আগায় জল, আমরা একাজে থাকতে চাইনে ; ভারতের
 উন্নতি—ভারতের উন্নতি—কি উন্নতিই ক'রেছেন !

৩য়-ভা-স। মহাশয়, কাহাকেও ত নিষেধ নাই,
 যাতে ভারতের উন্নতি—তার সদ্যুক্তি করুন ।

৪র্থ-ভা-স। নিষেধ নাই, নিষেধ নাই, নামের বেলা
 তোমরা, সদ্যুক্তির বেলা আমরা, যাও—তোমাদের দলে
 আমরা থাকতে চাইনে । যে কাজে প্রথমে ডাকলে না,
 যে কাজে নাম হবে না—এমন কি ভারতের উন্নতি—যে সে
 কাজে হাত দিতে হবে ? 'আপু রেখে ধর্ম' আমার এই
 স্পষ্ট কথা, এখন আপনারা নাম কিনে নিয়েছ, আমাদের
 দামা ধ'রতে ডাক্ছ ।

৩য়-ভা-স। মহাশয়, এ কার কাজ—কে ডাকবে ?

আমরা তুচ্ছ নামের জন্ত একত্রিত হয় নাই, যদি নাম হয়—সমস্ত ভারতবাসীর নাম।

৪র্থ-ভা-স। হাঁ, হাঁ, আমরা কি বুঝিনে, না আমরা ছুই একটা অমন কাজ করিনে, নামের জন্ত নয়ত ও কিসের ছেড়াছড়ী, ভারতের উন্নতি, — কি উন্নতি ক'রেছ শুনি?

৩য়-ভা-স। মহাশয়, উন্নতি একদিনে হয় না, উত্তম করুন, আজ না হয় এক শ বৎসর পরে হবে, ক্রমে আমরা যোগ্যতার পরিচয় দিতে পারলেই ইংলণ্ড আমাদের প্রতি যথাযোগ্য রাজকাষের ভার অর্পণ ক'রবেন।

২য়-ভা-স। কি, একশ বছর পরে হবে, দশ পাঁচ-বছরের ভিতর 'পারলেমেন্ট' হবে না? আমি 'পারলেমেন্টে' বসতে পাব না? তবে আজ থেকে আমার এস্টা, চাঁদাও দেবনা, দলেও থাকবনা।

৫র্থ-ভা-স। এই ত চাই—এই ত চাই! আপনি আমাদের দলে আসুন, দেখুন না, আমরা একটা নূতন কাণ্ড ফাণ্ড ক'রে তুল্চি।

৫ম-ভা-স। মহাশয়, আপনাদের ন্যায় স্বার্থপর ব্যক্তির সাহায্য ব্যতীত এ মহতী সমাজের অন্তিমাত্র ক্ষতি হবে না, যাহারা আশু স্বার্থ-লাভের প্রত্যাশায়, এ সমাজের সাহায্য-দান ক'রেছেন, তাহারা যত শীঘ্র বঞ্চিত হন, ততই ভারতের মঙ্গল, এ সমাজের উদ্দেশ্য—স্বার্থবিসর্জন, ভাবী-কালের নিমিত্ত এ মহা-বৃক্ষ রোপণ, ভারতের উন্নতি কামনায এ বৃক্ষ-প্রতিষ্ঠা, এ উত্তম ছুঃখনী ভারত-মাতার নিমিত্ত, আমাদের নিমিত্ত নয়; ভবিষ্যতে সমস্ত ভারত-বাসী যাহাতে রাজনৈতিক বিষয়ে এক জাতি হয়, ভ্রাতৃ-ভাবে কাষ্য করে, পরস্পর একতা বন্ধনে-বদ্ধ ও পরস্পর বিশ্বাসে চালিত হয়, ইহাই আমাদের উদ্দেশ্য। আমি পুনঃপার বলি—এ সভার উদ্দেশ্য 'স্বার্থসাদন' নয়—'স্বার্থবিসর্জন'। যে ভারতসন্তান এ উচ্চ শিক্ষালাভ করিয়াছেন, তিনি আমাদের সহিত মিলিত হউন, যাহাদের 'স্বার্থসাদন' উদ্দেশ্য, তাহারা অপর চেষ্টায় বিবৃত রহুন,—এক্ষেণে চলুন, আমরা সকলে ভারত-মাতার উপাসনার নিমিত্ত গমন করি।

৬ষ্ঠ-ভা-স। উপাসনা-মন্দির কি স্থির করা হ'য়েছে?

৫ম-ভা-স। মিত্রবর ঘোষজা বোধ হয়, তাহার অট্টালিকা প্রদানে অসম্মত হবেন না।

৭ম-ভা-স। মহোদয়গণ! যদি এ দীনের উচ্চান-ভবন

আপনাদের পদার্পণের উপযুক্ত হয়, তথায় আসিয়া ভারত-মাতার অর্চনা করুন, এ দীন আপনাকে কৃতার্থ বিবেচনা করিবে।

২য়-ভা-স। সে যে দেব-সম্পত্তি, আপনার অধিকার-কি? আমরা কিরূপে তথায় যাইতে পারি, অনধিকার প্রবেশ আইন সঙ্গত নয়।

৭ম-ভা-স। মহাশয়, সে চিন্তা দূর করুন, দেব-সম্পত্তি বটে, কিন্তু তাহার বাধা আয়,—যদি দীন, নিজ হইতে পূরণ করিয়া দেয়, তাহা হইলে ত আর আপত্তি নাই—কৃপা করিয়া আসুন। ভারতমাতার কাষ্যে কিঞ্চিৎ 'স্বার্থ-বিসর্জন' করিতে শিক্ষা দি'ন; শুনিয়াছি—মাতৃ-ভূমির নিমিত্ত মহা-পুরুষেরা মলিলের ন্যায় শোণিত দান করিয়াছেন; জন্মভূমি কি আমার এই ক্ষুদ্র দান গ্রহণ করিবেন না? যদি এ দীনের বাগিচায় স্থান সক্ষীর্ণ হয়, আমার অন্টাণ্ড বন্ধুগণ তাহাদের নিজ নিজ অট্টালিকা মধাকাষ্যে দিতে প্রস্তুত। আপনারা গ্রহণ করিলে তাহারাও কৃতার্থ হন।

৬ষ্ঠ ভা-স। হে স্বদেশবৎসল! হে স্বার্থশূন্য মহোদয়! অজ্ঞ তোমার উপবনে ভারতমাতা সন্তানের পূজা গ্রহণ করিবেন; আপনার স্বার্থত্যাগের পুরস্কার আপনার স্বার্থ-শূন্য হৃদয়,—আপনার হৃদয়েই ভারতমাতার প্রকৃত মন্দির। আসুন, আমরা মাতার উপাসনায় অগ্রসর হই। যাহারা নিজ স্বর্থের জন্ত আমাদের সহিত যোগদান করিয়াছেন, তাহাদের সঙ্গ প্রয়োজন নাই; জন্মভূমির উন্নতি-কামনাই আমাদের স্বার্থকামনা; যাহারা সোপান অবজ্ঞা করিয়া উন্নতির-দৌধ-শিখরে, লক্ষ্যপ্রদানে আরোহন করিতে চান, তাহাদের বলি, বৈষাধারণ করুন। যিনি অধীর, তাহার সঙ্গও প্রয়োজন নাই,—মাতৃ-পূজার মূলমন্ত্র মাতৃ-ভক্তি; কেবল বিশুদ্ধ হৃদয়েই মাতৃ-মন্ত্রে দীক্ষিত হইতে পারে—যাঁর মাতৃম্বেহ হৃদয়ে বলবান, যিনি ভ্রাতৃপ্রেমে আবদ্ধ, ভারত-উন্নতি যাঁর জীবনে একমাত্র উদ্দেশ্য, রাজ-ভক্তি যাঁর হৃদয়ে উপাস্ত, রাজকাষ্যে যাঁর প্রাণপণ, শ্বেতাঙ্গ-জ্যোষ্ঠের অহুগামী হইতে যাহার সাধ, যাহারা স্বার্থশূন্য শ্বেত-মহাপুরুষের উপদেশ গ্রহণেচ্ছুক, তাহাদের পূজা ভারতমাতা গ্রহণ করিবেন। অস্তুর ভারত সন্তান নামে পরিচিত হওয়া—কেবল ভ্রাতৃহৃদয়ে বেদনা

দান। মাতৃ-উপাসক এস, এখন মাতৃ পূজার উদ্দেশে গমন করি।

৮ম ভা-স। যদি আপনাদের উদ্দেশ্য এইরূপ উচ্চ হয়, আমি আর আপনাদের বিরোধী নহি। আমিও একজন মাতৃউপাসক, আমায় ভ্রাতৃ-স্নেহ দান করুন।

(একজন ভারতসম্মানের প্রবেশ)

ভা-স। আমার প্রতি ভ্রাতাগণ নিতান্ত প্রতিকূল দেখিতে পাই। কি নিমিত্ত আমার ভবন গৃহীত হইতেছে না? আমি মাতৃ-কাষ্যে—ভ্রাতৃ-কাষ্যে—জীবন উৎসর্গ করিতে প্রস্তুত আছি।

৯ম ভা-স। মহাশয়! ভারত-মাতার কাষ্যে যিনি যাহা প্রদান করিবেন, আদরে গৃহীত হইবে, আপনার পূজায় ভারত-মাতা পরিতৃপ্ত হইবেন। আসুন, আমরা নানা মন্দিরে ভারত-মাতার উপাসনা করি।

(সকলের গীত)

বারোয়া—টিমেতেতালা।

নয়নজলে পৈথে মালা, পরাধ ছুপিনী মায়,
ভক্তি-কমল বলি দিব, মায়ের রাঙা পায়।
শিখ হৃদি উচ্চশিক্ষা, মাতৃমস্ত্রে লহ দীক্ষা,
তাজ ষার্থ মাগি শিক্ষা, রহ জননী সেবায়।
যে নামে হুরিত হরে, রাখ যত্নে কদে ধরে,
অবনী তারে আদরে, জননী প্রসন্ন যায়।

তৃতীয় দৃশ্য

ভারত-সম্মানগণ।

(সকলের গীত)

মালকোষ—ঝাঁপতাল।

জাগো শ্রামা, জন্মদে।

প্রসীদ প্রসন্নময়ি, বর দে ম', বরদে ?
তনয়ে হৃদয়ে ধরি, উঠমা শোক পাশরি,
শুভ দে গো শুভকরি, মাগি পদ-কোকনদে।
পোহাল যামিনী মোরা, উঠগো জননি স্বরা,
হেরি মুখ দুখহরা, ভাসি আনন্দ-হৃদে।

১ম-ভা-স। জাগ গো জননি, উঠ—কেন শ্রিয়মান ?

জাগো মা, জন্মদে শ্রামা, ধরামায়ে নিকপমা,
উঠ মা জননি, কর সম্মানে কল্যাণ।

সুজলা সুফলা তুমি, পুণ্য নিকেতন ভূমি,
কেন গো জননি, তোমর মলিন বদ্যান ?

পূজে তোমা দেখো গো মা, তোমার সম্মান,
বরদে, কর গো নিজ পুত্র বরদান।

ভাগ্যবতী ভগ্নী তব, রূপার আধার,
দেখ তিনি রূপা করি, তুলেছেন করে ধরি,

নিপতিত ভাগ্যহত সম্মান তোমার।

চাহ মা পাশরি দুখ, চাহ সম্মানের মুখ,
বিদলিত বিভাড়িত নহে স্ত্রী আর !

তোমার সম্মানে নাহি ভিন্ন ভাব তাঁর,—
সমভাবে সুনিয়ম করেন প্রচার।

বল মা, ভগ্নীরে তব মনের বাসনা,—

ভুবন-বন্দিনী যিনি, ভগিনী তোমার তিনি,
রূপায় তাঁহার হবে পূরণ কামনা।

দেবা যার প্রয়োজন, পূর্ণ হয় আকিঞ্চন,

কল্পলতা-মাতা তাঁর নাহিক বকনা,

বিফল নহে গো কভু তাঁর উপাসনা,

আদরে গৃহীত হবে তোমার প্রার্থনা।

ভুবনবিখ্যাত ছিল তোমার নন্দন,—

এবে সে গৌরব গত, কালশোভে ভাগ্যহত,
বহিত অভাগাগণে মুমূর্ষু-জীবন।

পূর্ণনাম লুপ্ত প্রায়, সে গৌরব পুনঃ পায়,

পূর্ণ-বার্তা ভগ্নীরে কর মা নিবেদন।

করুন করণাকরে অমৃত-সিঞ্চন ;

চমকি অপার দয়া হেরুক ভুবন।

বল গো জননি, যদি না থাকে স্মরণ,

চিকন বসন তরে, রোম আসি তব ধরে,

জানাইত জন্মদে, তোমায় প্রয়োজন।

যেই তাড়িতের বলে,

ভূমণ্ডলে বার্তা চলে,

বলি' দেছে পুত্র তব, তাড়িত-লক্ষণ,

ভগ্ন অট্টালিকাশ্রেণী দিও নিদর্শন ;

কহিও মা, 'কহিহুর' জন্ম-বিবরণ।

প্রকাশিল অঙ্ক-বিজ্ঞা তোমার নন্দনে,
আজি সেই বিজ্ঞা বলে,
ধরায় গণনা চলে,
অলক্ষিত গ্রহগণে আনে বিজ্ঞানে ;
কোটা সূর্য্য আবিষ্কার,
নিত্য প্রভাবেতে যার,
বিরাট-ব্রহ্মাণ্ড তব ক্ষুদ্র নরে জানে,
করে স্থান পরিমাণ গণনা প্রমাণে ;
এবে সেই পুত্র তব, অঙ্ক মা বিজ্ঞানে ।
অদ্বুত দর্শন-শাস্ত্র প্রকাশ ধরায়,
অজ্ঞাবধি বৃন্দগণে, সমতনে ধ্যানে মনে,
যে তব মাধাস্বা মা গো, সম্যক না পায় ;
রোগ-তব নিরূপণ, আজও ঋণী জগজ্জন,
জুড়ায় শ্রবণ যার কোমল-ভাষায় ;
ভগ্নীর সদনে বল' সাধি মা তোমায,—
নির্ঝাণ-উমুখ দীপ, যেন দীপ্তি পায় ।
হবেনা অপাত্রে দান বল গো জননি,
পুত্র তব রাজ ভক্ত, সদা রাজ-রূপাসক্ত,
চিরব্যক্ত কথা মাতা, জানেনগো ধরণী ;
সে ভক্তি মা বন্ধমূল, কোথাও কি আছে তুল,
পূজিত ঈশ্বর জ্ঞানে দিল্লী-নৃপমণি ;
হৃদাগারে পূজি তব ভগ্নি বরাননি,
কর তাঁর জয় গান দিবস রজনী ।

ভারত-মাতা

(গীত)

কুকুভ—যং ।

শ্রীশ্রীনা মলিনা আমি চির-বিষাদিনী,—
অভাগিনী যাদুমণি নহিরে বরদায়িনী ।
বিদলিত তনু স্ত্রীণা, পয়োধর পয়োহীনা,
নন্দনে আশ্রয় বিনা, পালিতে নারি দুখিনী ।
দেবী রাজ-রাজেশ্বরী, উদয় করুণা করি,
আনন্দে মুরতি ধরি, হের ধরা আমোদিনী ।

দুঃখিনীর পুত্র প্রতি সদয় হৃদয়,
হের মম বরাননি ভগ্নীর উদয় ;
কর তাঁরে নমস্কার, দুঃখ নাহি রবে আর,
নেহার প্রসন্নময়ি দিতেছে অভয় ;
শান্তির আগার যার প্রসন্ন আশ্রয় ।

ভা স । নমস্তে বরদে বরবন্দি নি জননি,
বিমলা কমলা, শুভকরি, সিতাননি !

ভা-মা । ভ্রাতৃ-স্নেহে কোলাকুলি হের পরম্পর,
হের বিকশিত বরবন্দিনী অধর ।
উত্তম সহায় করি, রাজ-ভক্তি হৃদে ধরি,
একতা-বন্ধনে সবে হও একান্তর,
ধীর ভাবে কর পুত্র, ধৈর্য্যের আদর ।

ভা স । নমস্তে প্রসন্নময়ি, প্রসন্নলোচনা,
স্মরণে ছুরিত হরে পুরিত কামনা ।

ভা-মা । শ্বেতাঙ্গিনী পুত্রগণে ধৈর্য্যের আধার,
সুদৃঢ় একতা যার ধরায় প্রচার ;
যে ভাবে যেথায় যায়, তথায় আদর পায়,
দিন দিন মুখোজ্জ্বল করিছে মাতার,
ধরায় বিখ্যাত হের, প্রভাব সবার ।

ভা-স । নম নম একতা-উত্তম-প্রসবিনি
নম শৌর্য্য ধৈর্য্যগতি সৌভাগ্য-নন্দিনি ॥

ভা-মা । ছেনো বংশ, তোমা সবে করুণা অপার,
অভাগিনী জানি মোরে ল'য়েছেন ভার ।
দীন হীন জন-গতি, তায় দয়া নৃত্তিমতী,
যার ডরে দাসত্ব-শৃঙ্খল নাহি আর,
মাগর শাসন মানে, নাম শুনে যার ।

ভা-স । নম শাস্তিরূপা মাতা করুণা আধার,
দাসত্ব-শৃঙ্খল খসে স্মরণে যাহার ।

ভা-মা । মম উপদেশ বংশ, করহ গ্রহণ,
যোগ্য ফল নিশ্চয় পাইবে যোগ্যজন ।
যোগ্যতার সমাদর, ভগিনীর নিরন্তর,
যোগ্যতার সমান বিহনে আকিঞ্চন
যোগ্যতা লভিয়া হও প্রসাদভাজন ।

ভা-স । নমস্তে সূকল-দাতৃ মাতা কল্প-লতা,
প্রসন্ন প্রসন্নময়ী যথায় যোগ্যতা ।

ভা-মা । অধীর হও না বংশ, শুন বাক্য-সার,
করহ প্রত্যয়পূর্ণ হৃদয়-আগার ;
কালে বৃক্ষ ফলবতী, ধীরে হয় মহোন্নতি,
ইতিহাস-প্রভাবে খুলিয়ে কাল-দ্বার,
“পাল্টেমেন্ট” প্রতিষ্ঠায় হের রক্ত-ধার ।

ভা-স । নমস্তে ভুবন-পূজ্য হৃদিত অধর,

পূরে বাহা যার প্রতি করিলে নির্ভর ।
নমস্তু বরদে বরবন্দি নি জননি,
বিমলা, কমলা, শুভকরি, সিতাননি ।

(বৃটানিকার প্রবেশ)

ভা-মা (বৃটানিকার প্রতি)
হের, মম দীন পুত্রগণ,
জান ভয়ি আদরিণী, আমি চির অভাগিনী,
হরি দিন করিয়া রোদন,—
বড় আশে তব অঙ্কে অর্পেছি নন্দন ।
শাস্ত ধীর আমার তনয়,
দেখ' যেন কেহ হায়, ঘৃণায় না ঠেলে পায়,
ক'র সবে আশ্বাসে অভয় ;
তব শ্বেত-সুতসনে গাবে তব জয় ।
সুখময় তব অধিকার,—
কুৎসিত কাফিরগণে, দেবি দয়া-বিতরণে,
মহা ভয়ে ক'রেছ নিস্তার ;
হরিয়াছ দুখ-হরা, দাসত্বের ভার ।
যেই দেশ স্পর্শ পদ্য-করে—
তুমি দেবি অন্নপূর্ণা, ধনধানে পরিপূর্ণা,
শোভা পায় সুন্দর নগরে—
উন্নতি-সোপান হেরে অসভ্য বর্জরে ।
যথা দেবি তোমার উদয়,
তথা লক্ষ্মী সরস্বতী, নহে আর ঈর্ষ্যাবতী,
দ্বন্দ্বশূন্য তোমার আশ্রয় ;
শতধারে বাপিঙ্কোর শ্রোত তথা বয় ।
দেবি, তব অমোঘ শ্রুতাপ,
অচল নোয়ায় শির, অশাস্ত সাগর স্থির,
দুর্গম-কাস্তার মানে দাপ,
কৃপা করি হর দেবি, ভগিনী-সস্তাপ ।

বৃট। (ভারতমাতার প্রতি)

চিন্তা দূব কর, ধর বচন আমার,
কি হেতু মিনতি বার বার ?
মনাদরে আদরিণী, কেন পনি, বিষাদিনী ?
পুত্র ভাবি তনয়ে তোমার,—
প্রতিজ্ঞা-বচন মম ভুবনে প্রচার ।

প্রিয়তমে, তুমি মম ভুবন-মোহিনী,
নয়ন-আনন্দ প্রদায়িনী ;
ভুবনের লালসার, রতন-ভাণ্ডার যার,
তুমি মম মুকুটশোভিনী,
তুমি আমি এক প্রাণ জেনো শ্রামাঙ্গিনী !
তোমার কল্যাণ হেতু লক্ষ্মী-সরস্বতী,
নিয়োজিত হের ভাগ্যবতী ;
পুত্র হবে ধনবান, বিদ্যাবলে পাবে মান,
রাখে যদি মম কার্যে মতি,—
লক্ষ্মীসনে একগৃহে বসিবে ভারতী ।
জেনো বামা নিকুপমা দুঃখ-অবশেষ,—
পুত্রে যেই দেছ উপদেশ ;
আমাতে প্রত্যয় করি, রহে যদি দৈর্ঘ্য ধরি,
রহিবেনা আর দুঃখ লেশ ;
তোমার তনয়ে মম স্নেহ সবিশেষ ।
যা কহিলে বাক্য তব সত্য গুণবতি,
কালে তরু হয় ফলবতী ,
যোগ্যতা লভিলে সবে, বঞ্চিত কহু না হবে,
প্রদানিব অচিরে উন্নতি ;
ছোষ্ঠ জ্ঞানে মম পুত্রে রাখুক ভক্তি ।
আয়াদ বিহনে কেহ লভে যদি ধন,
কহু তারে না করে যতন ;
লভে যদি দৈর্ঘ্য-গুণ, অমে হয় স্ননিপুণ,
প্রদানিব বাঞ্ছিত রতন,—
শ্বেত-পুত্র সম হবে বিজয়ী ভুবন ।

(ভারত-সন্তানগণের প্রতি)

অটল আমার বাক্য ভারত-সন্তান,
স্বার্থ পরিহরি সাধ, মাতার কল্যাণ ।
সমচক্ষে হেরি সিতাসিত পুত্রগণে,
না কর সংশয় বৎস, আমার বচনে ।
দিবানিশি ভাবি আমি ভারত-গৌরব,
মমাশ্রয়ে কর সবে আনন্দ-উৎসব ।
১ম ভা-স। শুন, শ্বেতাদিনী-মাতা দিতেছে অভয়,
জয় জয় ভারতের জয় জয় জয় !
ভক্তি-ভাবে কর সবে মাতারে বন্দন,
জয় ভারতের জয়, ভেদুক গগন !

যার জয়ে এ ভারতে আজ জয়ধ্বনি,
জয় জয় হবে পূজ বরদা জননী ।
জয় বর-বন্দি নি মা ভারত-আশ্রয়,
জয় জয় ভারত-ঈশ্বর জয় জয় !

ভারত সন্তানগণের গীত ।

পরজ—১২ :

দেখো রেখো মা মনে,—
জননী সময় শুনি দীন হীন অভাজনে ।

পরিত্রাণ পরায়ণী, ভুবনে তুমি জননি,
রাথ রাথ বরাননি, অধম নন্দনে ।
ভাসে সদা আঁখি জলে,
কুৎসিতে মা নে গো কোলে,
চাহ মা তনয় ব'লে, করুণা নয়নে !
জয় রাজ-রাজেশ্বরী জয় জয় জয়,
ভারতে আনন্দধ্বনি যাহার আশ্রয় !

স্বনিকা

বেঙ্গিক-বাজার

(বড়দিনের পঞ্চরং)

[১০ই পৌষ, ১২৯৩ সাল (২৪শে ডিসেম্বর, ১৮৮৬ খৃঃ) ষ্টার থিয়েটারে প্রথম অভিনীত]

চরিত্র

	পুরুষ ।	স্ত্রী ।
ললিত	... মহাজন দয়ালদাস নন্দীর পুত্র ।	পুরোহিত, খানসামা, মুদ্দফরাস, ম্যাথর, মুটে, খেম্টাওয়াল্লা, চীনাম্যান, মগ, সংস্কারকগণ, গোরারদল, রঙ্গদার ইত্যাদি ।
পুঁটিরাম	... ডাক্তার ।	
খুদীরাম	... উকীল ।	
দোকড়ি মেন	... হাওনোটের দালাল ।	
কাস্তিরাম গুঁই	... মৃত্যুর রেজিষ্ট্রার ।	
নসীরাম	... পুঁটিরামের ভ্রাতৃপুত্র ।	
মুক্তারাম	... খুদীরামের সার্ভিস ক্লার্ক ।	
শিবু চৌধুরী	... ললিতের স্বশুর ।	

প্রথম দৃশ্য

—:—

নিমতলার ঘাট

রেজিষ্ট্রারেব ঘরের সম্মুখ
মুদ্দফরাস ও মুদ্দফরাসনিগণ ।

(গীত)

যেৎনা মুদ্দার সের্ইয়া জালা দিয়া,—
আবি বেহঁস ছয়া, সের্ইয়া সরাপ পিয়া ।
রাতি শর মজেমে রোননী জলে,
ঠুকি ঠুকি নাচনা পারের টলে,
আগ ছুটতা, শির কাটতা ফট ফট ফট,—
মাতুরা গিরেহ লট লট লট,
মে পিলেতি শট ;
সব কৈরে সের্ইয়া কো পেয়ার কিয়া,
মুজকর সের্ইয়া নে ছাতিমে লাগার লিয়া ।

(পুঁটিরাম ডাক্তারের প্রবেশ)

পুঁটি। মুদ্দফরাস বেটারা তো বেশ আমোদ ক'রছে
দেখতে পাচ্ছি, অবশুই মড়া টড়া আসচে, কিন্তু আমি তো
ছ'াসের ভিতর একটা কুগীর মুখ দেখলেম না ।

মুদ্দ। সেলাম বাবু, পছাস্তে পার ? আমি সে বুড়া
আছে—সে রাম আছে—সে রামা আছে ।

পুঁটি। কি রে, কেমন চ'লছে ?

মুদ্দ। আপনাকো মেহেরবাগীসে গুজরাণ হ'তো,
আর তো বাবু উবু মরে না, যত শালা উড়িয়া লোক
ম'বুছে ।

পুঁটি। তাই তো, বল দেখি কি হ'লো, ব্যাম-স্বামো
তো কিছুই নাই ।

মুদ্দ। ব্যোমো আছে, তা শালা ম'বুবে কোথা ;
আপনা লোককে তো ডাকবে না, পয়সা জমাচ্ছে,

কবিরাজের বড়ী খাচ্ছে ; দো একঠো বাবু কস্বী ঘরসে সরাপ পিকে দাঙ্গা ক'রছে আর ম'রছে ।

পুঁটি । তাই তো রানা, কি হবে বল দেখি ?

মুদ্ । এক শল্লা হ্যায় বাবু, আপলোককা ফিস্ (fees) কবিরাজ লোকসে কমতি কিজিয়ে ।

পুঁটি । আবে দূর ব্যাটা, চার গণ্ডা পয়সা পেলে নিই, তাতেও রোগী জোটে কই !

মুদ্ । তব্ বাবু, হামলোককা গোরীবকা পর মেহের-বাণী ক'রো, মুফৎ দেখা সুরু করো, ফিস্ ছোড় দেও ; দাওয়ানাংকা কমিশানসে আপলোককা গুজার হোগা, আউর, মুদ্দর চালানসে হামলোককাবি পেট চ'লেগা ।

পুঁটি । কে আবার এক বেটা এদিকে আসছে ? কথাটায় বাধা দিলে, একটু গা ঢাকা দিয়ে দাঁড়াই । (অস্থরালে অবস্থান)

(দোকড়ি দালালের প্রবেশ)

দোকড়ি । (রেজিষ্ট্রারের প্রতি) হুজুর, ব'ল্তি পারেন, ছয়ালদাস হুন্দী মশয়রে যে গঙ্গাযাত্রা করছিল, শুন্ছিলাম, তা কৈ ? তাদের লোকজনকে তো দেখলাম না, দাহ কৈরা কি চইল্যা গেছে ?

রেজি । কি ব'লে, ম'রেছে ? কি ব্যামো ?

দোকড়ি । আজ্ঞে, পেছাবের পীরে ছিল ।

রেজি । কত বয়স ?

দোকড়ি । আজ্ঞে এই যাইটের মদে ।

রেজি । ঠিক ক'রে বল ?

দোকড়ি । তবে পয়সটিই ধরেন ।

রেজি । নাম ?

দোকড়ি । আজ্ঞে, ছয়ালদাস হুন্দী ।

রেজি । (খাতায় লিখিয়া লইয়া) লাস দেখাওগে ।

দোকড়ি । আজ্ঞে, লাসের কথাই তো তাল্লাস করুচি ?

রেজি । কি, লাস পাওয়া যাচ্ছে না ? পাহারাওয়ানা ! তুমি দাঁড়াও ওখানে,—এই, পাহারাওয়ানা বোলাও !

দোকড়ি । আজ্ঞে, পাহারাওয়ানা ডাহেন যে ?

রেজি । তুমি রিপোর্ট লেখাতে এসেছ, অথচ লাস পাওয়া যাচ্ছে না ।

দোকড়ি । আজ্ঞে, আমি জিজ্ঞাস করতি আইচি,

ছয়ালদাস হুন্দী ম'রছে কি না ? লাস,—লাসের কি কারবার করুচি ?—একি ইলসা মাছ, যে লবণ মাইখে পদ্মাপার হইতে রপ্তানী দিমু, লাস কনে পাব ?

রেজি । অ্যা, তুমি আমার বই খারাপ ক'রলে, এখন কি হয় বল দেখি ? তুমি লাস যেথায় পাও বা'র কর—লাস চুরি !

দোকড়ি । অয়!—লাস আমি গাইঠে বাইন্দা রাখছি ।

(খুদিরাম উকীলের প্রবেশ)

খুদি । কি হে দোকড়ি, কি গোলমাল হ'চ্ছে ?

দোকড়ি । মশাই, দ্যাহেন দেহি কি হুজুতে, তাল্লাস নিতে এলাম—ছয়ালদাস হুন্দী ম'রছে কি না । মহাজনের হাতে টাঙ্গা প্রস্তুত, তার ছেলের কাচা গলায় দেহিলেই দেয়; কইচ, লাস চুরি করুছে, পদ্মা ডিম্বুইলাম, লাস চুরি করুতে ?

রেজি । খপর নিতে এখানে এসেছিলে কেন ? তার বাড়ী যেতে পারনি ? আমার বইখানাই নষ্ট ক'রে দিলে ।

দোকড়ি । হঃ, বাড়ী যাতি পারনি ? কাগমলা তুমি আমার হইয়া খাবা ? আবে মশয়, বুরো না মইলে কি আমার সেই রাস্তায় চলবার যো আছে ? আমায় ছাখলে বুরো, শয় থেহে উঠে তারা দেবে ।

খুদি । কি হে, রেজিষ্ট্রার, নন্দী বুড়া আছে না গেছে ?

রেজি । এই তো ঘাটে এসে যে ছিল, সে আজ তিন দিন ম'রেছে । বাঙ্গালের কথায় অগ্রমনস্কে লিখে ফেল্লেম, এখন কি করি বলুন দেখি ?

খুদি । ও চলে যাবে এখন, ঐ একটা বুড়ীকে অন্তর্জালি ক'রছে, ও নামটা আর লিখ না, তোমার টোটাল (total) দেখাবে বৈত নয়—অমন তো কর ।

রেজি । আজ্ঞে সে ঘুমিয়ে টুমিয়ে প'ড়লে, মুদ্দফরাসকে জিজ্ঞেস ক'রে বানিয়ে বসিয়ে দি ।

খুদি । সেই রকমই ক'রো । (দোকড়ির প্রতি) বলি হা হে, পার্টিসন স্টুট টুট আছে, ক'ছেলে ?

রেজি । আজ্ঞে আপনি উকীল, তা আমার ভায়ের হাতের লেখাটা বেশ, ফিপ্ থি ক্লাশ অবধি প'ড়েছিল ; যদি আপনার আপিসে ঢুকিয়ে নেন ।

খুদি । আচ্ছা, আমার আফিসে পাঠিয়ে দিও, দেখবো ।

রেজি। আজ্ঞে, ম'শায়ের আপিসটা কোথায় ?

দোকড়ি। জান না উকীলপারা—'খুদিরাম উকীল' ছাইনবোট খোদা আছে ; দেহন দেহি, লাস-চুরির দাবি দিয়ে পাহারাদা ডাকছিলেন, একটা আপনার কাম হইয়া গেল ; বন্দরে বন্দরে আলাপ অইলেই লাভ—

রেজি। তা বটেই তো, আপনি আসবেন, মরা খবর যত চান, আমি ঠিক ক'রে গুছিয়ে রাখবো।

দোকড়ি। দেহেন, টাকা করি থাকে, নাবালক ছেইলে, এমনি সব লাসের খবর গুছিয়ে রাখবেন ; কাজ অইলে, মশায়েরে কিছু পান খাতি দিয়ে যাব।

রেজি। ওস্তে রামা, আমি জল খেয়ে আসি, লাস এলে আমায় খবর দিস।

মুদ। আরে বাবু, ঘুম ক'র যাকে, লাস কাহা ?

[রেজিষ্ট্রারের প্রস্থান।]

খুদি। কি হে, পার্টিসন্ স্টুট্ টুট্ হবে ? দেখছ তো চলে বলে না, কিছু জুটিয়ে পুটিয়ে লাগ। ছ'টি মাস—কেমন—বছরই ধরনা, এর মধ্যে একটা ইন্সলভেন্ট কেস (insolvent case) পেয়েছিলাম। তুমি কাজ আন, আমি ভাল কমিসন দেব।

পুঁটি। (স্বগত) আমি আর গা-টাকা থাকি কেন—এদেরও দেখছি রেজিষ্ট্রারের সঙ্গে মেলা কথা। (প্রকাশ্যে) গুড্-ডে খুদিরাম বাবু।

খুদি। গুড্-ডে, হ্যালো পুঁটিরাম, এখানে যে ?

পুঁটি। এই ইভনিং ওয়াকে এসেছিলাম।

দোকড়ি। বাবু তো হজুরের পোস্ত, বাবুর কোন্ আদালতে বেকনো হয় ?

খুদি। না, উনি ডাক্তার। স্কুলেতে এক সঙ্গে পড়া ছিল। উনি মেডিকেল কলেজে ঢুকলেন, আমি আর্টিকেল ক্লাক হ'লেম।

দোকড়ি। বাবুর ডাক্তারখানা আছে কি ? ওষুধ পত্রের দরকার হয় তো সুবিধা ক'রে দিতে পারি, আমার নাম দোকড়ি সেন, বাসা টালায়—আমি দালালী করে থাকি।

পুঁটি। ওষুধ তো পরে, আপাতত রোগীর দালালী ক'রতে পার ?

খুদি। কি হে কাজ কর্ত্ত ভাল (dull) নাকি ?

পুঁটি। ভেরি (very), তোমার কেমন ?

খুদি। কিছুই তো ক'রে উঠতে পারিনি ভাই, টাইম বড় খারাপ প'ড়েছে ! সেন্স অব্ রাইট লোকের নাই ; আগে শুনেছি, একটা গাছের ডাল নিয়ে ক্রোর টাকার প্রপার্টি পার্টিসন হ'য়ে গেল—ফ্যাক্ট (fact) ! তাদের ছেলেরা এখন সার্ভিং ক্লাকগিরি ক'রছে।

পুঁটি। শুধু ব্যাড টাইম ! এ কান্ট্ হই ব্যাড্। আমার একটা ফ্রেণ্ড্ বিলেত থেকে এসেছে, তার মুখে শুন্লেম, সেখানে রোগ ক্রিয়েট করে, সে ছ'মাস ছিল, তার ভিতর দেখে এসেছে, সত্তরটা নতুন রোগ ত'য়ের হ'লো ; আরও ডাক্তারদের কত দিকে কত লাভ,—ডিম্পেনসরীর ক মশন, মদের দোকানের কমিশন, বুচারের দোকানের কমিশন, ডাক্তারের বেকমেণ্ডেসেন ছাড়া কি মিট, (meat), কি ড্রিক, লোকে কিছুই ইউজ করে না।

খুদি। আগে ক্রায়েন্ট, উকীলের সঙ্গে কি দেখা ক'রতে পেতো ? ক্লাকরা কোঠা-বালাখানা ক'রে গেছে ; আর লোক ছিল এন্টারপ্রাইজি—কেমন, জালই ক'রলে, খুনই ক'রলে, কিছু না হয়, এক ক্রিমিঞ্জাল কেসেই চ'লে যেতো।

দোকড়ি। আজ্ঞে জাল খুন তো হ'তিছে, তবে ঘর ঘর উকীল হইয়া কিছু প্যাচ পরছে—ঘর ঘর ডাক্তার, ঘর ঘর উকীল।

পুঁটি। আরে তাতে কি এসে যায় ? তেমন ভাল নার-ডাস্ পেশেন্ট হ'লে ছ'মাস কেন এটেণ্ড (attend) কর না।

খুদি। একটু ভাল স্টুট হ'লে খালি পোষ্টপন্ নেও না, অপোজিট্ পার্টিকে হায়রণ কর না, যত হ'য়েছে কাণ্ডয়ার্ড, তেমন জিদি লোক হ'লে একটা স্টুটে যে তিন জেনারেসন কাটানো যায়।

দোকড়ি। মশাইরা যদি কাকালের কথা শোনে, তা এক মুনী বুরার ছেলেতেই আপনাদের ছুইজনেরই চলতি পারে, আর এ গোলামেরও এটোটা-কাটাটা খেয়ে প্যাট্টা ভরে।

উভয়ে। কি কেস, কি কেস ?

খুদি। কি—পার্টিসন্ ?

দোকড়ি। ক্যাশ খুব জ্বর, পার্টিসন্ কেন, একজিভিসন্ হতি পারে। মদ খাইয়া হাত-পা ভাঙ্গা অস্তত মাসে ছুইটা পাইবেন। মারামারির মকদ্দমা পুলিশে অস্তত হস্তায় একটা ধরেন। রাব্ মোটা কব্বার জুজ টোনিকটা

রোজ চল্‌বি, রারের বাড়ী-পরিদের লেখাপড়াও হবে। ইয়ার বন্ধিসের লিভার আস্‌টাও আছে, মা'র আর পরিবারের খোরাকীর নালিশটা একেবারে পাকা কইরা রাখেন। আর কত বল্‌বো, আপনারা ইংরেজী পর্‌ছেন, আরও কত কি করি নিতি পার্‌বেন, করি নিতি পার্‌বেন।

উভয়ে। বটে—বটে—

খুদি। আমাদের ইন্‌ট্রাডিউস্‌ ক'রে দিতে পার ?

দোকড়ি। আপনাগোর মত লোক পালি তো সে বাচি যায়, যত জুট্‌ছে আটকুটে বরাখুরে। বুরা মরুছে, আমিতো একেবারেই চল্‌ছি সেখানে, আসেন,—এহনি পরিচয় করাইয়া দেব, কিন্তু আখেরে গোলামেরে, পায়ে ঠেল্‌বেন না।

পুটি। আমি পেসেটকে হাতে রেখে চিকিৎসা করা ছাড়বো, তবু তোমায় ছাড়্‌বো না।

খুদি। আমি আদালতে হলপ ছাড়্‌বো, ক্লাইয়েন্‌টের কষ্ট (cost) বাড়ানো ছাড়্‌বো, তবু তোমায় ছাড়্‌বো না।

পুটি। দেখ খুদিরাম, কোথা থেকে নিমতলার ঘাটে এসে, এর সঙ্গে আলাপ হ'য়ে একটা কাজ হ'য়ে গেল।

দোকড়ি। মশাইয় হিন্দুধানী কি মিথ্যা, শাস্তরে কইচে, “শ্মশানে য তিষ্ঠতি স বান্ধব।”

[সকলের প্রস্থান।

দ্বিতীয় দৃশ্য

দয়ালদাস নন্দীর বাটার কক্ষ

ভট্টাচার্য্য, ললিতের পিসী ও ললিতের মা।

ভট্টা। বড়্‌ বড়্‌ বড়াং—বড়্‌ বড়্‌ বড়াং,—বড়্‌ বড়্‌ বড়াং—

পিসী। দেখুন ভট্টাচার্য্য মশাই, আপনার ও বচন টচন রাখুন, পচা আমার হবিষ্যি ক'রতে পার্‌বে না; দুধের ছেলে, ওর আবার ওধুধ, ওর আবার হবিষ্যি, মাচ-ভাত খেয়ে বালির পিণ্ডি দিলে উদ্ধার হবে, দাদা যখন ওর কোলে গেছে, তখন স্বগ্‌গে গেছে।

মা। ঠাকুরঝি, দশটা দিন হবিষ্যি ক'রুক, দশ পিণ্ডিটা দিক্‌।

পিসী। না, বাপ্‌রে!—মাছের ঝোল না খেলে ওর পেটের অসুখ করে। একটা মাস কেটে গেলে বাচি,—নিরিমিষ খেতে দিচ্ছি, এই চের।

(ললিতের প্রবেশ)

ললিত (পচা)। না পিসো! আমি হবিষ্যি ক'রবো; কেন—এখন শীতকাল,—ফুলকপি, শালগাম, হ'ল—একদিন বা হাঁসের ডিম ভাতে দিলুম।

পিসী। দূর বোকা ছেলে, হাঁসের ডিম কি খেতে আছে ?

ললিত। কেন দোষ কি ? তাতে তো আর আঁস নেই, কেমন ভট্টাচার্য্য মশাই ?

ভট্টা। না, কপি খান তাই দোষ নাই, গোল-আলুও চলেছে, হাঁ—হাঁ—হাঁসের ডিমটা চ'ল্‌বে না।

ললিত। আর আমি আপনি রাঁধ্‌বো ?

ভট্টা। না, মায়ে রেঁধে দিলে দোষ নাই।

ললিত। কেন, নতুন কেরোসিনের উত্তুন কিনে এনেছি।

পিসী। নাহে বাপু, চুপ কর,—ভট্টাচার্য্য মশাই, আপনি অনুমতি দিন, আমি নিরিমিষ্যি খাওয়াব।

ললিত। পিসো, তুই শুধু পায়ের কথাটা জিজ্ঞাসা কর, এই শীতকালে মোজা না পায়ে দিলে, আমার পা ফেটে যাবে।

পিসী। ভট্টাচার্য্য মশাই, পশমের জুতো চ'ল্‌তে পারে ?

মা। ঠাকুরঝি, ছেলেটাকে তো মুখ্য ক'রলে, এখন মিন্‌সের কাজটাও করতে দেবেনা ?

পিসী। আরে থাম্‌ না লো, আমার চেয়ে যেন ওঁর দরদ,—আমি কি ব্যবস্থা না নিয়েই কিছু ক'রছি।

ভট্টা। তা মোজা চ'ল্‌তে পারে, মোজা চ'ল্‌তে পারে, ছেলেমানুষ।

ললিত। আর জুতো ? তা নইলে আমার সিল্‌কর মোজা খারাপ হ'য়ে যাবে।

পিসী। গ্যাকড়ার জুতো পায়ে দিতে পার্‌বি; কি বলেন ভট্টাচার্য্য মশাই ?

ভট্টা। বড়লোকে এগন দেয়; বলি শ্রাদ্ধ কিরূপ হবে? দানসাগর শ্রাদ্ধে সকল দোষই খণ্ডে যায়।

মা। বলি ভট্টাচ্ছিন্ন মশাই, ও আপনার কেমন কথা? গরীবের ছেলে—ছেলে, আর বড় লোকের ছেলে—ছেলে নয়?

পিসী। ই্যা দেখ্ বৌ, তুই আমার ওপর কথা ক'ম্নে ব'লছি, যা ব'লছি, চুপ ক'রে শুনে যা,—কালকের ছুঁড়ী এল ফরফরাতে! ইনি না ব্যবস্থা দেন, আমি নবদ্বীপ থেকে ব্যবস্থা আনাবো। শ্রাদ্ধ দেখতে দেখতে আমার মাথার চুল পাকুলো, আমি আর ব্যবস্থা জানিনি! আমার ভাস্কর-পো চাপকান প'রে আফিসে গেছে, শুধু চামড়ার জুতোই পায়ে দেয়নি।

ললিত। পিসো, সেই বেন্দাবনী জুতোগুলো?—সে বিক্রী দেখায়, আমি পায়ে দেব না।

ভট্টা। তা সাহেব-বাড়ী থেকে মৃগচর্মের জুতা ক'রে নাও না, হরিণের চামে-দোষ নাই। নবদ্বীপের ভট্টাচার্য্যি ব্যবস্থা দিতে পারে, আমি আর পারিনি? ব্যবস্থার মত পয়সা দেয় কে? পিত্যেসের মধ্যে একটি মধুপর্কের বাটী। দানসাগর শ্রাদ্ধ হ'লো—রাজসিক শ্রাদ্ধ, তা যদি করেন তো সকল বিধিই আছে। মম্ব ব'লেছেন,—

“কলৌ তামসিক শ্রাদ্ধ, রাজসিক ধনেশ্বরে।

ত্রেতায়াং সাত্বিক শ্রাদ্ধ, সংগ্রাম নরবানরে।

দ্বিজ পুরোহিতো তুষ্ঠা, সর্কদোষ হরে হর।

কলৌ ধন্য ধনাভ্যেন, যং কৃহা দানসাগর ॥”

কি না, কলির হ'লো গে—তামসিক শ্রাদ্ধ; আর যারা বড় লোক—তারা রাজসিক ক'রবে; ত্রেতায় ছিল গে সাত্বিক শ্রাদ্ধ,—বড় কঠিন, বিভীষণ ক'রেছিল—সইলো না, নরবানরের যুদ্ধ হ'লো। বামুন-পুরুতকে সম্বলিত ক'রতে পারলে স্বয়ং মহাদেব নিজে সব দোষ অপহরণ করেন। কলিতে দানসাগর ক'রলে ধন্য ধন্য হয়; দানসাগর শ্রাদ্ধ কর,—ললিত বাবু সব ক'রতে পারেন।

পিসী। বৌ শুনলি, 'অতুরের নেম নাস্তি।'

মা। বলি ভট্টাচ্ছিন্ন মশাই, তোমার কেমন কথা গো, বেটার কি কাজ নাই?

ভট্টা। মা, আপনি চিন্তিত হবেন না, আমি ব্যবস্থা দিলেম, দেখি কোন্ ভট্টাচার্য্যি খণ্ডন করে।

মা। এখন দানসাগর আমার কে করে? মেয়ের পুরী, একটা কি অভিভাবক আছে?

পিসী। ওমা, দানসাগর ক'রতে হবে বইকি, আমার ভাস্কর-পোদের ডেকে পাঠাই, তারা সব ক'রে দেবে।

মা। এখন বেয়াইকে একজিকুটার ক'রে গেছেন,— তাঁর মত না হ'লে তো আর হবে না।

পিসী। ওমা, দানসাগর না ক'রলে হয়! এতটা টাকা রেখে গেল, আমার ভায়ের কাজটা হবে না? একটা টি-টি প'ড়বে না? তোমার কেবল টাকায় গাঁট দেওয়া, আর ছুঁদের ছেলেকে হবিষ্যি করিয়ে সারা!

মা। ঠাকুরকি, তোমার কথা আর আমার ভাল লাগে না ভাই।

পিসী। তা তোমার এ শোকের সময়, এ সব কথায় থেকে কাজ কি,—এখন কি তোমার মাথার ঠিক আছে? আমরা গিন্নি-বান্নি আছি,—সব ক'রচি; তুই বাপু চাইলে, টাকাটা বার ক'রে দিস,—না পারিস্ চাবিটা আমায় দিস; আমরা শোকের সময় শোক করি, কাজের সময় বুক পাথর ব'দি।

মা। পাষণ বেঁদেছ, তা দেখতেই পাচ্ছি, আমি চ'ল্লম।

[ললিতের মার প্রস্থান।

(নেপথ্যে দোকড়ি)। ললিত বাবু! ললিত বাবু! ওপরে আছেন না কি?

ললিত। কেও—দোকড়ি?—আছি—দাঁড়াও!

(নেপথ্যে দরোয়ান)। আরে হিই বৈঠো, হুকুম হোয়, ছোড় দেবে।

পিসী। কে আবার ম'রতে এলো? ভট্টাচ্ছিন্ন মশাই, একবার আমার সঙ্গে আসুন,—মাগীর এখন মাথার ঠিক নাই—দিন তো দেখতে দেখতে গেল; আর দেখুন, আর্পন দে ব্যবস্থা দেবেন, আমি তাই ক'রবো। পচা কখনো 'না' জানে না, 'বাপ' জানে না,—আমাকেই জানে, আমার কথা ঠেলেবে না; কিন্তু আমার শশুর-বাড়ীর গুরু-পুরুত—এদের ভাল ক'রে বিদেয় ক'স্তে হবে। এদিকে আসুন, আরও অনেক কথা আছে।

[ললিতের পিসীর প্রস্থান।

(পুরোহিতের গমনোদ্যোগ ও ললিত
কর্তৃক পুরোহিতের টিকি আকর্ষণ)

ললিত। ঠাকুর, দাঁড়াও,—আমি দাননাগর ক'র্ব্বো,
হাঁসের ডিম খাবার ব্যবস্থা ক'রে দাও।

ভট্টা। তা আপনার যা ইচ্ছা ক'রবেন, কিন্তু হ—হ—
বিষয় ভোজন গোপনে ক'রতে হয়,—গোপনে ক'রতে
হয়।

ললিত। কেন, আমি টেবিলে ব'সে খাব,—যদি
পাঁচজন বন্ধুই এলো।

ভট্টা। কি জানেন ললিত বাবু, গরীব ব্রাহ্মণ আছি,
দুঃখ ঘুচিয়ে দেবেন,—আমি আপনার হ'য়ে সব নিয়ম পালন
ক'রে দেব, আমায় মূল্য ধ'রে দেবেন; পুরোহিতের উপর
সকল ভার চলে, সকল ভার চলে।

[পুরোহিতের প্রস্থান।

(নেপথ্যে দোকড়ি) ললিত বাবু! ললিত বাবু! দরওয়ান
ছারে না।

ললিত। এস, এস, দরওয়ান ছোড় দেও।

[ললিতের প্রস্থান।

তৃতীয় দৃশ্য

ললিতের বৈঠকখানা।

(ললিতের প্রবেশ)

ললিত। উঃ! ভুলে গেলুম; খৃষ্টমাসের (Christmas)
ব্যবস্থাটা ক'রে নিলে হ'তো; তা ওতো বলেই গেল, ওকে
মূল্য ধ'রে দিলেই সব হ'বে।

(দোকড়ির প্রবেশ)

কি হে দোকড়ি যে?

দোকড়ি। বাবুর সঙ্গে আলাপ ক'রুতি দুইজন জাণ্ট-
মেন আইচে, একজন ডাক্তর, একজন কোটের উকীল।

ললিত। কৈ ডাকো না?

দোকড়ি। আপনি সেকেন্ করে লন, জাণ্টমেন্ লোক—
বাবুর আলাপের যোগ্য, তাই আন্লাম, বর বর মাঝ—বর
বর মেম ওদের হাতে।

ললিত। ম'শায় আসুন।

(খুদিরাম ও পুঁটিরামের প্রবেশ)

আমার বড় সৌভাগ্য, ব'সতে আসা হয়।

খুদি। শুন্লেম, আপনি একজন এডুকেটেড্ ইয়ঙ্গ-
ম্যান্, তাই আপনার সঙ্গে সাক্ষাৎ ক'রতে এলুম।

পুঁটি। আপনার সঙ্গে আলাপ ক'রে বড় প্লিজড্
হলুম। আমরা মেডিকেল ম্যান্, ভিজিট ভিন্ন কোথাও যাই
না,—আপনার চরিত্রের কথা শুনে দেখা ক'রতে এলুম।

দোকড়ি। আপনারা বইসে আলাপ করবেন, আমি
বিষয়-কর্মের কথাটা সেরে যাই। বাবু, আজ লন, কাল লন,
টাং প্রস্তুত, আমরা কাঁচা কথা কই না,—ব'লে গেছলাম
কাছা গলায় উঠবে, আমিও প্যামেন্ট করবো; এই উকীল
বাবু আছেন, লেখাপরা সব দেহায়ে দেবেন, ডাক্তর বাবু
আপনার তরফে ইসাদি হবেন।

ললিত। তা কাল সকালেই তবে পেমেন্ট হোক, কত
দিচ্ছ?

দোকড়ি। যা লন; কাল সকালে—দশ হাজার মজুত
আছে।

ললিত। আরও বিশ হাজার চাই।

দোকড়ি। গোলাম আছে, আপনার ভাবনা কি?

ললিত। তা খুচরো নোট ক'রে রাখতে ব'লো, ভারি
নোট ভাঙ্গাতে হাঙ্গাম।

দোকড়ি। খুচরা নোটও থাকবে, শাল, দোশালা,
আংটা,—আর বরদিন আসছে, আপনাকে সওগাৎ দিতে
হবে তো,—তা ষাইট্ কলসী খাজুর গুর আছে, কোমলাও
আছে পাচশত।

ললিত। না, আমার নগদ টাকা চাই,—সাহেবের
পোষাক পরি, শাল টাল নিয়ে কি ক'র্ব্বো? আর কতক-
গুলো ঝোলা তুমি হাবড় খেও, গুড় তোমার বাঙ্গালের
খোরাক।

দোকড়ি। তা না রাখেন, আমি বেচে দেব,—গোলাম
আছে ভাবনা কি? আপনি একটা সহী করে দেবেন মাত্র;
ও মহাজনের একটা পদ্ধতি আছে, ওরা বোঝে না।

ললিত। তা যা হয় ক'রো, আমার টাকার দরকার।
দোকড়ি। তা যাই, আমি আর বিলম্ব করবো না,
সব ঠিক করে রাখি গিয়া। কাল সকালে দশটার সময় তো
ঘুমে খেহে উঠবেন?

ললিত। তা উঠবো বৈ কি।

দোকড়ি। তবে আসি, বসেন ডাক্তার বাবু, আলাপ করেন, আগায়ে বসেন। [দোকড়ির প্রশ্নান।

খুদি। আপনি কি কিছু লোনু ক'চ্ছেন?

ললিত। হাঁ, এদিন বাবা যকের ধন আগলে গেলেন; যখন ম'লেন, তখনও বজ্জাতি ছাড়লেন না, খশুরশালা হ'য়েছেন একজিকিউটার, তার হাত তোলায় থাকতে হবে।

খুদি। হ্যা, এ ইণ্ডিপেন্ডেন্স আমি অ্যাপ্রভ করি।

পুঁটি। ইণ্ডিপেন্ডেন্সের মত কি আর আছে, আপনার টাকায় কেন পরের মুখ চাওয়া?

খুদি। তা এ তো ভাল উপায় ক'ছেন না, ও মহাজনদের কাছে ধার ক'রে, দশ হাজার লিখে দিয়ে, ছোর পাঁচ হাজার পান তো ঢের।

ললিত। তা কি ক'র্বো, একজিকিউটার তো এক পয়সা দেবে না, খশুর বেটা তো এমন শালা নয়,—সে আবার বাবার বাবা।

খুদি। এ আপনার পূর্নপুরুষের সম্পত্তি?

ললিত। তা নয় তো কি, বাবাকে আর এক পয়সা রোজগার ক'র্বতে হয়নি,—খালি স্তদ খেয়েছেন, আর রায়েত লাঠিয়ে জমি কেড়ে নিয়েছেন।

খুদি। আপনি উইল নেট অ্যাসাইডের নালিশ করুন, তা হ'লেই একজিকিউটার থাকবে না। আপনার নিজের সম্পত্তি, আপনি নিজে দেখে ওনে ম্যানেজ ক'র্ববেন। আর আমার এই ফ্রেণ্ড ডাক্তার আছেন, এ হ'তে আপনার বিশেষ উপকার হবে, ইনি সাক্ষী দেবেন যে, যখন উইল ক'রেছিলেন, তখন আপনার পিতার মস্তিস্কের দোষ ছিল, হি ওয়াজ্ নট ইন্ এ ফিট ষ্টেট টু নো হোয়াট্ হি ওয়াজ্ ডুইং। (He was not in a fit state to know what he was doing.) ফ্রেণ্ডের জন্ত সকলি ক'র্বতে হয়।

ললিত। উনি তো বাবার চিকিৎসা করেন নি।

পুঁটি। কোন্ ডাক্তার দেখেছিলো? আমার সঙ্গে অনেকের আলাপ আছে,—আমি হয় তো ঠিক ক'রে নিতে পারবো।

ললিত। ডাক্তারি ওষুধ খাবে? কবিরাজ দেখিয়েছিল, তিরকুটী কত!

খুদি। থ্যাক গড্, ছাপি কন্সিডেন্স (Coincidence);

আপনার ফাদারের ডেথ হ'য়েছে কবে?

ললিত। পরশু।

খুদি। ঘাটে রেজেষ্ট্রী করা হ'য়েছিল?

ললিত। তা হ'য়েছিল বৈকি, আমার খশুর রিপোর্ট লেখায়।

খুদি। আই কন্গ্রাচুলেট ইউ, আপনার ফাদারের মৃত্যু জাল, উইল জাল, আপনার খশুর ট্যাম্পোর্ট হবে।

ললিত। সে কি রকম?

খুদি। দোকড়ি দালাল আজ বৈকালে ঘাটে আপনার ফাদারের মৃত্যু হ'য়েছে কি না, এনকয়ারী ক'র্বতে গিয়েছিল। রেজিষ্ট্রার ব্যাটা—কি নাম, কি ব্যাগো, কোথায় বাড়ী জিজ্ঞাসা ক'র্বতে, ভুলে—ফের আজ রেজেষ্ট্রী ক'রে ফেলেছে; আপনার খশুরকে আর দোকড়ি দালালকে কম্পিরেসি ক'রে ফোরজারী চাচ্ছে ফেল্ছি। এক দফা ক্রিমিন্যাল, আর এক দফা সিভিল, ফোরজড্ উইল ক্যান্সেলের জন্ত অ্যাপ্রিকেশন।

পুঁটি। বেশ হ'য়েছে, দোকড়ি দালালকে আপনার এনিমি ফ্রন্ড ক'র্বতে হবে, ওকে আর বাড়ী ঢুকতে দেবেন না।

ললিত। টাকা - কাল সকালে টাকা—

খুদি। টাকা আমি দেব, আপনি ছাওনোটে ধার ক'রবেন না, আমি কম স্তদে মটগেজ করিয়ে দেব।

ললিত। কিছু লোকটা বড় সারভিসেবন ছিল, আমার অনেক প্রাইভেট কাজ ক'র্বতো। আপনারা আমার ফ্রেণ্ড, বলি এমন কি লুকিয়ে বৈঠকখানায় আনতো; বাবা একদিন টের পেয়ে কাণ্ড'লে তাড়িয়ে দেন।

পুঁটি। আপনি এই বাজারে নারকেল তেল মাথা পাবলিক্ ওম্যানগুলোর সঙ্গে মিক্স করেন? আমি লেডিজদের সঙ্গে আলাপ ক'রে দেব, আপনি যাকে ইচ্ছা—বাগানে নে যাবেন।

ললিত। ইংলিস্ লেডি?

পুঁটি। ইংলিস, আরমেনিয়ান, জার্মান।

ললিত। সত্যি, মাইরি! গিভ্ ছাও গিভ্ ছাও।

পুঁটি। আপনাকে বড় বড় পার্টিতে নিয়ে যাব, বলেতে (Ball) লেডীদের সঙ্গে ডান্স ক'র্ববেন। আপনি ইংরেজী পোষাক পরেন ব'ল্লেন না?

ললিত। পেণ্ট, লেন কোর্ট সব ঠিক ক'রে রেখেছি, কেবল হ্যাটটা বাবার ভয়ে পরিনি, তা যা আছে, প্রায়ই ছাটের মতন, খালি চারিদিকের কার্ণিসটা নেই।

পুঁটি। না, হ্যাট প'রতে হবে।

ললিত। বলে (Ball) আমি বিবির সঙ্গে নাচতে পারবো কেমন ক'রে? আপনার সঙ্গে খুব আলাপ?

পুঁটি। আলাপ আছে—আর উপায়ও আছে; আপনি মধ্যে মধ্যে বাড়ীতে পার্টি দিন,—বড় বড় সাহেব, বড় বড় লেডী সব আসবে,—আসল গোরা। আর জানেন, এ সব ছোট কাজে দুর্গাম হয়, আপনার এমন পজিসন্ ক'রে দেব যে, লেভিতে পর্যন্ত নিমন্ত্রণ হবে; আর এন্জয়মেন্টও ফাষ্ট ক্লাস হবে।

ললিত। কি করে?

খুদি। আপনি স্টুট ফাইল করুন, বড় বড় ব্যারিষ্টারের সঙ্গে আলাপ হবে, তাদের থু (through) তে।

পুঁটি। স্টুট তো ফাইল ক'রবেনই, সেতো আমি সাফী দেব; একটা পলিটিক্যাল পার্টি ক'রবো আমরা—বুঝেছ খুদিরাম, যাতে স্ত্রী-স্বাধীনতা হয়, বিধবা বিবাহ হয়, খাওয়া-দাওয়া রেপ্লীকসন উঠে যায়, গ্যাশাওয়াল এনার্জি বাড়ে,—এমন সব কাজ ক'রতে হবে।

ললিত। স্ত্রী স্বাধীনতা কি?

পুঁটি। এই আপনার স্ত্রী আমাদের সামনে আসবে, আমাদের স্ত্রী আপনার সঙ্গে বেড়াতে যাবে।

ললিত। বেশ, বেশ, এ যদি হয়, তা আমার মেম চাই না,—আমি ইংরিজী জানিনি, মেমদের সঙ্গে প্রাণ খুলে কথা কইতে পারবো না।

পুঁটি। হবে না কেন,—চেপ্টা, উদ্যম, এঞ্জিটেশন আর তার সঙ্গে পয়সা খরচ ক'রলেই হবে। আপনি উদ্যোগ করুন, এই খৃষ্টমাসের দিনেই ফাষ্ট মিটিং করা যাবে; আমোদ, কাজ—দুই এক সঙ্গে হবে,—কোন দেশে কেউ কখন এমন করেনি।—কেমন হে খুদিরাম ভায়া, এর মধ্যে টাকাটার যোগাড় ক'রতে পারবে তো?

খুদি। এই ডিভিটা তৈয়ার ক'রতে যা দেরি, তা হ'য়ে যাবে।

ললিত। খৃষ্টমাস কবে?

পুঁটি। ফিরে হুয়ায়।

ললিত। তা আমার যে মেডিসিন হ'য়েছে, বাবার একটা শ্রাদ্ধের হাঙ্গাম আছে আবার,—সাহেবদের সঙ্গে খানা কেমন ক'রে খাব?

খুদি। শ্রাদ্ধ-ফ্রাঙ্ক আবার কি, ওসব মানেন নাকি?

পুঁটি। তা শ্রাদ্ধ ক'রতে হয়—ক'রে ফেলুন; বাপ-মাকে জল পিণ্ডি দেবে তা আবার একমাস বসিয়ে রাখা কেন? যত শীঘ্র দেওয়া যায়—তত ভাল ছেলের কাজ হয়।

ললিত। তার এক রকম যোগাড়ও হ'য়েছে, দানসাগর করবো, পুরুত ব'লেছে, তার মূল্য ধ'রে দিলেই আমার ছুটা, সে সব ক'রবে।

পুঁটি। তবে আর কি, মূল্য ধ'রে দেবেন।

খুদি। তা আপাতত কত টাকার ঠিক ক'রবো?

ললিত। আমার এখন দশ হাজার চাই; আর বড় দিনের কি লাগবে, মকদ্দমার খরচ, সে আপনারা জানেন।

পুঁটি। হাজার ত্রিশ ঠিক কর, রোজ রোজ ঘেঙা ভাল নয়।

ললিত। বেশ কথা।

(চাকরের প্রবেশ)

চাকর। বাবু, বাড়ীর ভেতর ডাকছেন, জলখাবার যাগগা হ'য়েছে।

খুদি। তা যান, আপনি জল টল খান গে, রাত তো হ'য়েছে। আমরা সকালেই আসছি, মোদ্দাং দোকড়ি না বাড়ী ঢোকে।

ললিত। তবে আমি বাড়ীর ভেতর যাই—ওরে বাবুদের একটু দে—প্রথম দিনটা; তবে আসি।

খুদি। না না, আজ থাক, আর একদিন হবে।

ললিত। তবে পান এনে দে, আর তামাক এনে দে, আমি চ'ল্লুম।

[ললিতের প্রস্থান।]

চাকর। আপনারা বসুন, আমি তামাক আনছি।

[চাকরের প্রস্থান।]

খুদি। তুমি আবার কি ধূয়ো তুলে হে, পলিটিক্যাল এসোসিয়েসন, সেডি, লিভি;—আমি প্রফেসনালি ডিল করাই ভাল বুঝি, রেগুলার কনভেন্যান্স হ'য়ে মটগেজ হোক,

সিভিল, ক্রিমিন্যাল দু'রকম স্কটই ফাইল করা যাক, তোমারও মেডিক্যাল জুরিস্‌প্রুডেন্স পড়ার পরিশ্রমটা পুষিয়ে আসুক, আর আমারও প্রফেসরন্যাল পসারটা জাঁকুক। লেট আস্ অ্যাক্ট ইন্ কন্সার্ট। (Let us act in concert.)

পুঁটি। তোমার এক গান ল বই, আমার একখানি জুরিস্‌প্রুডেন্স ; তোমার কোর্জারী, চিকেনারী কত র'য়েছে, আমার একেত একটা পয়েজ্‌নিং ক'রবার সাবজেক্টও নাই। আর ওকেও তো একটা আমোদ-টামোদ দিয়ে রাখা চাই,—খালি আদালতে ঘুরোলেই কি ওর প্রাণ ঠাণ্ডা থাকবে ? তা একটু রিফর্ম্‌ড ইয়ারকি না তোকালে যে আমাদের সোসিয়েল্‌ পজিসন্‌ যাবে। সর্কদা ওকে চোখে চোখে রাখতে হবে। এ সহরে তো শুধু তুমি আর আমি ছিপ্‌ নিয়ে ফিরিচি নি, অত বড় কাতলা গা-ভাসান দিলে অনেকেই গাথ'বার চেষ্টায় ঘুরবে। মদ-মেয়েমাছ'ঘের চার—বড় জ্বর চার !

খুদি। তা কি ক'রবে ?

পুঁটি। আমার একটা ন'সে ব'লে ভাইপো আছে,তাকে ওর সঙ্গে জুটিয়ে দিচ্ছি,—সেই সব কীর্তি ক'রে বেড়াবে।

খুদি। লোকড়ে বেটাকে তাড়ান গেল,—আবার ভিড় বাড়াতে চাচ্ছ কেন ?

পুঁটি। আরে সে একটা পাগলা,—তাকে নিয়ে ভয় নাই, একটা হজুগ ক'রে চোগা-চাপকান্ প'রে তার স্পিচ্‌ ক'রে বেড়াতে পারলেই হ'লো।

খুদি। ভাল কথা মনে প'ড়লো,—আমার একজন সারভিং ক্লার্ক আগে গোরার দালাল ছিল ; তাকে ভিড়িয়ে দেওয়া যাক ; কলিন্‌গের বিবি আর জাহাজী গোরা এনে এনে ওর সঙ্গে ইয়ারকি দেওয়াবে ; মিছিমিছি কাকেও ব'ল্বে ম্যাজিস্ট্রেট, কাকেও ব'ল্বে ব্যারিষ্টারের মেম,—কি বল ?

পুঁটি। এইবার তুমি আমার মতলব কতক বুঝেছ ; টাকাতো প্রোফেসরন্যাল উপায়ে মারা যাবেই, একটা আপনাদের নাম কেনা যাক না, পজিসমটা বাড়িয়ে নেওয়া যাক। ওকে লালবাজারের কাফিখানায় পাঠিয়ে বোঝান যাবে যে, ইভনিং পাটি যথার্থ ইভনিং পাটি, লিভিতে আপনাদের ইন্ট্‌ ডিউস করার চেষ্টা করা যাক না, তোমার আমার বাইরের ছটা ফিরিয়ে ফেলতে হবে।

খুদি। বেশ বেশ, তাই ভাল, একটা চাই কি অনারেবেল টনারেবেল হ'তে পারা যাবে।

পুঁটি। দেখলে বাবা, এনার্জির গুণ ! আমরা যেন জুলিয়াস্‌ সিজার হ'য়েছি,—এলুম্‌ আর লঙ্কাকাণ্ড ক'রে চ'ল্লুম।

খুদি। রসো বাবা, ভাত তো মাথলে, এখন মুখে তোল।

পুঁটি। ওর ডোলটা ঠিক ডায়োগনিসিস্‌ (diagnosis) ক'রে নেওয়া গেছে, গোলা তো খা ডালা।

খুদি। চল, আর তামাকের জন্তু দাঁড়ায় না, বড়মান্‌ মের বানেয়াং চাকর, এখন টিকে দরাক্ছে, কাল সকালে এসে খাওয়া যাবে।

[উভয়ের প্রশ্নান।

চতুর্থ দৃশ্য

রঙ্গ-পট

(মেথর ও মেথ'রাণীর প্রবেশ)

(গীত)

ময় উম্মা উম্মা চিচ্ছ সওগাং লিমা,
যিস্‌ তিসিকো ময় বেগা নেহি ;
যরকো ঘুমাকো ময় লে যাগা ওভি সহি।

মায বাপ জিসিকো রোয়ে,

জর ছোড়্‌কে কস্‌বি ঘরমে শোয়ে,

চাম ওস্‌কো দেওয়ে ;

গঙ্গা কিরা ময় সাচি কহি।

যো না মানে দেওতা ভি না মানে পীর,

বে-পয়জারসে যিসিকো না নোয়ে শির.

সরাপ মে রহে যো মস্তাগীর,—

যো ছোড়া হায় জাত,

ডাম্‌ ডাম্‌ ব'লে হে ছোড়েহে লাথ,

উসিকো দেনে ময় খাড়া রহি।

(উভয়ের প্রশ্নান।

[রঙ্গদার ও রঙ্গিণীর নৃত্য করিতে করিতে

প্রবেশ ও প্রশ্নান।

পঞ্চম দৃশ্য

কক্ষ

(ললিত, নসীরাম ও মুক্তারামের প্রবেশ)

নসী। না, বল এণ্ড সাপার (Ball and supper) বেশী রাত্রে ; সন্ধ্যার সময় যা অ্যারেঞ্জমেন্ট আছে, ইন্টার-ন্যাশানাল পলিটিকোসোসিয়েল প্রসেসন্ ক'রে বাগানে প্রবেশ ; তারপর পিকনিক, তাতে বড় বড় ব্যারিষ্টার, ক্যাপটেন, লেপ্টেনেন্ট সব জয়েন্ ক'রবে, শেষে মেমেরা এসে পৌছিলে গ্র্যাণ্ড বল এণ্ড সাপার হ'য়ে এন্টারটেনমেন্ট ক্লোজ করা যাবে।

ললিত। তাতে কি হবে ?

নসী। এ ক'রলেই নাম বেছে যাবে, বল (Ball) এ আমাদের চূড়ান্ত, আর প্রসেসনে নাম।

মুক্তা। আর পিকনিকে আহ্বারের ঘটনা।

ললিত। নাম বেছেলে তো বড় বড় মেম, বড় বড় সাহেবদের সঙ্গে খানা-টানা খাওয়া যাবে ?

মুক্তা। হঁ।

নসী। আর আমাদের ইন্টারন্যাশনালের মতলবটা কি জান ? যেমন উইলসনের হ'লো, হল্ অব্ অল্ নেস্নস, নেমনি খৃষ্টমাস হবে পরব অব্ অল্ নেস্নস—অর্থাৎ ইহুদি, পার্শি, মোগল, চীনেমান, মাদ্রাজী, সব জাত এক সঙ্গে গান-বাজনা আত্মরাদি ক'রবে।

ললিত। না না, চীনেমানটা কাজ নাই, ওরা আস্তলো যায়।

মুক্তা। না না, চীনেমান থাক্,—এক একটা চীনে-মেম বড় জবর আছে ; দেড় ছটাক ওজনে, যেন ছবিখানি !

ললিত। তব্ বহুং আচ্ছা, জয় জগন্নাথ, সব জাত একত্র !

মুক্তা। ঢের ঢের শালা বাবুয়ানা ক'রে গেছে, এমনটা কেউ করেনি।

ললিত। খুদিরাম বাবু, পুঁটিরাম বাবু যাবেন তো ?

মুক্তা। যাবেন বৈকি, তাঁদের ওয়াইফ নিয়ে পিকনিকে যাবেন।

ললিত। আর ব্যারিষ্টারেরা ?

নসী। সাহেবেরা কি মেম ছাড়া কোথাও যায় ?

ললিত। তবেত ইস্তক কাবার !

মুক্তা। শুধু ইস্তক—ইস্তক বিন্তি কাবার। সাহেব, বিবি, আর গোলাম এই মজুত আছি।

ললিত। আমাকেও কি পরিবার নিয়ে যেতে হবে ?

নসী। গেলে দেখায় ভাল, ইংরেজের মজ্জলিস্।

ললিত। চার দিন কেটে গিয়েই তো মুস্কিল হ'য়েছে, নইলে দিদির চতুর্থীর নাম ক'রে আনাতুম, আর সঙ্গে ক'রে বাগানে নিয়ে যেতুম।

নসী। আপনার তো ভগ্নী নাই ?

ললিত। ব'লতুম পিসো চতুর্থী ক'রবে।

মুক্তা। তাকি হয় ?

ললিত। কেন, আমার বোন পারে, আর বাবার বোন পারে না ?

নসী। মাই ডিয়ার, আজ না দশ দিন ?

ললিত। হ্যাঁ।

নসী। দশপিণ্ডির নাম ক'রে আনাও।

ললিত। সেই বেশ, আমি ব'লবো—দশপিণ্ডিতে বেরুঘো উচ্ছুগ্য ক'রবো। খৃষ্টমাস প্রেজেন্ট পাঠাব, আর সেই সঙ্গে আন্তে পাঠাব। ভাই নসি, সাহেবদের কথার জবাব দেব কি ক'রে ?

মুক্তা। ইয়েস, নো, ভেরি ওয়েল, আর হিন্দিতে ব'লবে।

ললিত। আমি তো ব'লতে পারবো না ; আমি তোমায় ডিজাসা ক'রবো—'কি ব'লছে', উন্টা করে, 'ইক লবছে' ?

নসী। কেন, আমীর-ওমরা, রাজা-রাজ্জা—তারা সব আপনার ভাষায় কথা কয় ; তুমি বাঙ্গলায় ব'লবে, আমি ইন্টারপ্রেট ক'রে দেব।

ললিত। এই মদ খেয়ে ধরা প'ড়লে, পুলিশে যেমন করে ?

নসী। হ্যাঁ, তুমি বাঙ্গলায় ব'লে যেও।

ললিত। না ভাই, বাঙ্গলা কথা কইলে মুখ্য ঠাওরাবে। আমি ঐ উল্টো কথা কব, তুমি ব'লো, মাদ্রাজী বুলি ব'লছে।

নসী। সে মন্দ নয়, একটা বিজাতীয় ভাষায় কথা
কওয়া চাই,—তাতে রেসপেক্টেবিলিটি বাড়ে।

ললিত। সাহেবেরা খেপে ঘুসি-টুসি মারবে না
তো?

নসী। না।

মুক্তা। আর দুই একটা আমোদ ক'রে মারে, স'য়ে
যাবে; এই আমরা যে কত গোরার ঘুসি খেয়েছি।

নসী। হ্যাঁ, তাতে ফিজিক্যাল এক্সারসাইজ হয় বটে,
বক্সিং নোবল আর্ট (Boxing noble art)

ললিত। আর এক মুষ্কিলে প'ড়েছি,—এই এক
মাসের ভেতর বাগানে গেল, মা বাড়ী ছেড়ে চ'লে যাবে
ব'লেছে।

নসী। তা অমন যাবে,—আমি যখন রিফরমড্ হই,
আমার মা গলায় দড়ী দেয়।

ললিত। আর পিসীও একটু বেজার—বেজার;
দশপিণ্ডি আপনি দিলুম না,—পুরুতকে মূল্য ধ'রে দিলুম।

নসী। সে বেশ ক'রেছ।

মুক্তা। এই যে লোক প্রাচিস্তিরের সময় গরুর মূল্য
ধ'রে দেয়,—দেব্য মূল্যনাং শোধ্যতে।

নসী। বেজার হয় হবে,—ও মাগীগুলো তফাৎ হয়,
সে ভাল,—রিফরমেশনের পথে বিষম কটক। আমি এখন
চ'লুম,—হাতে ঢের কাজ র'য়েছে,—প্রদেসনের উদ্ভোগ
ক'রতে হবে।

ললিত। তা মুক্তারাম, তুমি যাও। বাগানটা যাতে—
ডাক্তার বাবু যেনন যেনন ব'লেছেন,—তেমনি তেমনি
সাজান হয়, তার তদারক করগে; আর দেখ ভাই মুক্তারাম,
—উকীলবাবু, ডাক্তারবাবু যেন ওয়াইফ্ আনেনই।

মুক্তা। আন্বেন বৈকি।

ললিত। আমিও ওয়াইফ্কে আনতে পাঠাই, আর
খুঁটমাস প্রেজেন্টগুলো পাঠাইগে। হ্যাঁ মুক্তারাম, মকদ্দমার
কি হ'লো?

মুক্তা। এই বড়দিনের বন্ধ খুলেই একেবারে
গজকচ্ছপের যুদ্ধ বেধে যাবে, এস নসীবাবু।

[সকলের প্রস্থান।

ষষ্ঠ দৃশ্য

শিবচৌধুরীর বাড়ীর উঠান

শিবচৌধুরী ও দোকড়ি।

শিব। আর তুমি তো ছেলেটাকে মজালে।

দোকড়ি। আজ্ঞে হজুর, আমি মাগীবাড়ী আস্তা
নিয়া যেতেম বটে, কিন্তু এই মকদ্দমা-মামলার শলা কি
মারগিজের মদ্দি ছিলাম না।

শিব। বুঝেছি, তোমার বকরায় কম প'ড়েছে,—আমি
সব বেটাকে খামে বেঁধে চাব্কাবো।

দোকড়ি। আজ্ঞে, আমায় চাব্কান, গোলাম হাজির
আছে, এই খুদে পুট বেটারে বেইজ্জত করেন।

শিব। তোমরা সব সমান।

দোকড়ি। আজ্ঞে, তারা আমার উপর দশকাটা বারা,
যদি অভয় ছান তো বলি।

শিব। কি, মকদ্দমা ক'রবে তো?

দোকড়ি। আজ্ঞে, পেত্যয় করেন আর না করেন, ঐ
খুদিরামের সারবিং ক্লাক, আর পুটীরামের ভাইপো, দুই
বেটাতে শলা দিয়া আজ বিবির লাচ করবে,—আর
আপনার কন্ঠাকে সেই মজ্জলিসে নিয়া যাবে।

শিব। চোপ, বেকুব!

দোকড়ি। আজ্ঞে, দোহাই হজুর, মিথ্যা কইছি না;
সেখানে গোরার লাচ হবে, খানা খাওয়া হবে, দশা তো
হোলোই না, শ্রাদ্ধও যে হয়, এমনটা বুঝি না। আজ
সব ভেপু বাজায়ে গরের মাঠ দিইয়া হুলা কইরা যাবে।

শিব। বটে, বটে, রাস্তায় প্লাকার্ড দেখেছিলুম বটে,
সে কি গুরা?

দোকড়ি। আজ্ঞে হয়, ঐ আবাগীর পুং নইসা।

শিব। হঁ, আমি ডেপুটী কমিসনারকে চিঠি
লিখছি।

(ললিতের পিসীর প্রবেশ)

পিসী। এই যে বেয়াই, আর ভাই আমি লজ্জা-
সরনের মাথা খেয়েছি,—গজা নেয়ে যাব, অমনি এদিকে
এসেছি। বাড়ীতে তো সর্কনাশ, তুমি কদিন হেথা ছিলে
না, খপর দিতে পারি নি।

শিবু। কি কি! আপনি এসেছেন,—ব্যাপারটা কি?

পিসী। বৌ তো কিছু বুঝবে না,—ছেলে কেমন ক'রে কথার বাধ্য ক'রতে হয়, তাতে জানে না,—খালি রাগতেই জানে। আমি ব'লুম, অত পেড়াপিড়ি করিস্নি, বেশী কোটকিনা টেকবে না; কালের ছেলে, এখন বৈকে ব'সেছে, শ্রাদ্ধ ক'রতে চায় না, পুরুতের হাতে টাকা ধ'রে দিয়ে ব'ল্লে—মূল্য ধ'রে দিলুম। দানসাগর শ্রাদ্ধ হবে, তোমরা প'চজনে আমোদ ক'রবে, এই সব ভাব'নাঘ ডাক ছেড় বিনিয়ে কাঁদতে পাই নি। সাধ ক'রেছিলাম, মেয়ে-দুগির দিন খানিক কাঁদবো, পোড়া কপালে হ'লো না।

শিবু। আবার যে শুন্ছি, আমার নামে নালিস ক'রবে।

পিসী। তা, ও সব পারে। আমাকেই যে ব'লছে, বাড়ী থেকে বেরিয়ে যাও। তা যাই, আমি না হয় বিন্দাবন-বিন্দাবন চ'লে যাই।

শিবু। বেন ঠাকরুন কি বলেন?

পিসী। তবে আর ব'লতে এলেম কি ছাই? বেটার ওপর রাগ ক'রে মাগী আজ ভোরে পাকী ডাকিয়ে বাপের বাড়ী চ'লে গেল।

দোকড়ি। ছাহেন, এইটে ক্যাবল খুদিরানের শনায়।

পিসী। হারে, তোরা তো ওর সঙ্গে বেড়াস, একটু সুপরামর্শ দিতে পারিসনি?

দোকড়ি। পিসো, এহন কি আর দোকরির কথা চলে,—এহন যা করে সেই খুদে আর পুটে। তোমাঘ বারী থেছে বার ক'রছে, পিসো আমিই কোন্ সুখে আছি,—আমার ছাই দেখলে চাবুক নিয়ে তারা করে, কুত্তা লেনাইয়া দেয়।

(ঐষ্টমাস-সঙগাং লইয়া মুটিয়াগণের প্রবেশ)

শিবু। এ সব কি? এ বাড়ী না—এ বাড়ী না, বড়দিনের সঙগাং হিন্দুর বাড়ী কেন?

পিসী। হ্যা, এইখানকারই বটে, ও বৌমার হবিষ্যির নামঘী; কাল থেকে গুছোন ছিল।

শিবু। এ কি হবিষ্যি? এ যে শোর গরু।

পিসী। ও তোমার কোন্ সাহেবের বাড়ী থেকে আসছে; এই যে আমাদের ওরা পেছিয়ে প'ড়েছে, আলো-চাল মালসা টালসা নিয়ে আসছে।

শিবু। হ্যারে, ও কি সব, ঠিকানা ভুল হয়নি তো?

মুটে। এজ্ঞে এহানেই বটে।

শিবু। কে পাঠিয়েছে?

মুটে। নন্দী সাহেব ব'ল্লেন, বিবি সাহেবের কিস্মিসের ভ্যাট; ও খানসামা, পিছিয়ে পবুলা ক্যান, চিঠি দেহাও না।

(খানসামার প্রবেশ)

খানু। এই চিঠি নিন।

শিবু। এ সব কি হে নফর?

খানু। আজ্ঞে বাবুর হুকুম, কথা ক'য়ে কে চাবুক খাবে?

শিবু। (পত্র পাঠ করিয়া) অ্যা, একেবারে গেছে!

পিসী। কি, কি, লিখেছে কি?

শিবু। লিখেছে আমার মাথা আর মুণ্ড! এই ভেড়া শোর, গোরুগুলো পাঠিয়েছে, আর মোহিনীকে আজই সেখানে পাঠাতে ব'লেছে, বলে—দশ-পিণ্ডিতে বুঘ-উৎসর্গ ক'রবো।

দোকড়ি। এই ছাহেন হজুর, গোলাম সত্যি কি মিথ্যা বলছিল। ছাহেন হজুর, ঐ খুদে পুটের নামে জাতমারার দাবী দিইয়া, এক নম্বর ফোজদারী করেন।

পিসী। অ্যা, আবাগীর বেটা একেবারে ব'য়ে গেল! নফরা, সে আলোচাল ঘি-টি কি ক'রুলি?

খানু। আজ্ঞে, সে ডুরিয়াকে দেছেন, কুকুরের পোলাও বাঁধতে।

পিসী। (কান্নার স্বরে) ওগো দাদাগো, তুমি একবার নিমতলার ঘাট থেকে এসে দেখগো,—তোমার সোণার পচা বৌমাগীর দোষে পাদরী হ'য়েছে গো,—তোমার বোনের একটা হিল্লি ক'রে যাও গো—

শিবু। উঠুন উঠুন, আপনি এখানে প'ড়ে কাঁদবেন না,—বাড়ীর ভিতর যান,—ঠাণ্ডা টাণ্ডা হোন।

পিসী। আর আমি ঠাণ্ডা হ'য়েছি গো—

[পিসীর প্রস্থান।]

শিবু। এ সব আবি উঠাও ; নফর, নে যা, আজ থেকে
দে আর জামাই নয়,—আমার মেয়ে বিধবা হ'য়েছে।

দোকড়ি। আচ্ছা, হজুর! ওদের দুইটারে ফোজ-
দারীতে ফাসাইতে পারলেই ললিত বাবু দোরস্ত হবেন।

শিবু। আচ্ছা আচ্ছা, যা যা—হারামজাদা, ট্যাঙ্ক
ট্যাঙ্ক ক'রছে।

দোকড়ি। হজুর, খপর দিলাম, আর হলেম আমি
হারামজাদা! বরাং, বরাং, কলিতে ধম্ম নাই!

শিবু। যা, নিয়ে যা সব; ওরে আমার গাড়ী তৈয়ার
ক'রতে বল।

[শিবু চৌধুরীর প্রস্থান।]

দোকড়ি। হালারা আমারেই তারে, আচ্ছা দেখি,—
আমি কেমন বান্দাল দেখ্‌মু। হালারে আমি দিলাম জুটায়
পুটায়, আর আমারেই দেহাও কলা! দেশ হইলে হালাদের
বাণ পিটা কর্তাম। বগবান্ দেবেনই সুবিধা ক'রে, যেমন
সাব জুটিয়ে খানা দিচ্ছে, তেমনি সাইবরা মন খাইয়ে বন্দা
দেয় তো আমি দেব পয়সা গঙ্গা পূজা দিই।

[দোকড়ির প্রস্থান।]

সপ্তম দৃশ্য

রাঙ্গপথ।

(চীনেম্যানের প্রবেশ)

(গীত)

এ'ন'চু কে'চু কু'চু না'চু না'চু—
কে'ট'মু অাঁকু'চু হাঁ' ফু'চু।
হবে'চু কো' লু'পী বাবু,
ভে'লা মেলা খাঁও কে'চু ঘাঁ'চু।

(মগের প্রবেশ)

(গীত)

ডিং ডিং ডিং নাটিং থিম—
ফু'ঙ্গি লপিং চা চাকুম চাকুম চিং।
ডিগোলা ডিগোলা ডিগ্ ডিগ্ কায়া,
ডিগোলা ডিগোলা লাগিম্ পিয়া,
নাঁঠাও নাঁঠাও কো বারমিজ্ সিং, ঠিং ঠিং ঠিং।

(সংস্কারকগণের প্রবেশ)

(ব্যঙ্গ-গীত)

জয় জয় পলিটিকো ড্রেস,—

এত দিনে হ'য়েছে বাঙ্গালীর রেস।

খেলু'ছে ক্রিকেট, খেলু'ছে বিলিয়ার্ড

ঘিয়ের বদলে গেলে হ'গন্ লাড';

কি ভয় কি ভয় ধরে রাখবে সব দেশ,

দেখু'ছ না মিলেছে হররঙ্গা ফেস,—

ইণ্ডিপেণ্ডেট সব নাই সেমের লেসু।

[সকলের প্রস্থান।]

[রঙ্গদার ও রঙ্গিনীর নৃত্য করিতে করিতে

প্রবেশ, পরে প্রস্থান।]

(দোকড়ির প্রবেশ)

দোকড়ি। হালারা নাস্তিক,—বরদিনের দিন গঙ্গার
বন্দনা গান করছে! বগবান্ মিথ্যা, এই সব হালা মন পেয়ে
ডুগী বাজায় বাগানে চলু'ছে, আর দোকরি সেন উমি
লোকের মত দারায়ে তামাসা দেখু'ছে। হালার পুত্রিরা
বিলাতি পোল মাথায়ে ফৌলবাজা খাবে, আর আমি বাসায়
গিয়া চিরা গুর চিবাইমু। এ মাগুর-বাই ছ'হালারে
জুটাইলাম ক্যান, টাধা প্রস্তুত, প্যামেট করি, আর সব
ফাস—বগবান্!

(গোরাত্রয়ের প্রবেশ)

গোরাত্রয়। We shan't go home till
morning. Dunde didle didle dom.

দোকড়ি। ও বাপু! এ যে লাল কুস্তী!

[পলায়নোচ্ছত]

১ম গো। Not so fast my bonny lad.

(দোকড়িকে ধৃত করণ)

দোকড়ি। দোহাই সাহেবের! পুওর মেন!

১ম গো। What a knocker face, Ha! Ha!

Ha! (হাস)

দোকড়ি। পুওর মেন। লাইসিনি হাভ, থিফ্ (thief)
নই।

১ম গো। Hold the ankle Dick, Darkee
wants a swing.

গোরাঘর । (দোকড়িকে শূণ্ণে তুলিয়া) Polly polly dear polly gone to Cashmere, Lulla Lulla Lullaby, Lulla Lulla Lullaby.

দোকড়ি । সার, ছেরে গিভ্ সার, ভুঁই দাও—গিভ্ গ্রাউণ্ড ।

গোরাঘর । Polly was a welshman
polly was a thief.
Polly came to my house,
stole like a beef.

দোকড়ি । Aad no sir and no বেগুন পটল ।
Sir, give ground. And no and no নচেং I go
যম্-home at once. ও কদম, তোমার সাধের বুরা
মইলো রে, সাধের বুরা মইলো !

গোরাঘর । Now don't howl.

দোকড়ি । My হার গোর all another place,
নারী ভুঁরি up down, head making thus thus
(ঘুরিতে ঘুরিতে পতন)

২য় গোরা । Ha ! Ha ! Ha ! (করতালি দিয়া)
Encore encore three cheers for Father
X'mas, what a pantomime, Old Erin
couldn't give us, better fun.

দোকড়ি । I fall go, you হাত তালি give and
laugh, very good, God have, God have,
virtue see.

২য় গো । Grog-shop ?

দোকড়ি । দাও বাবা ইংরাজী গালিগালা, আমি
বুঝিনা যে আমার গায়ে লাগবে ।

২য় গোরা । Look sharp, a good ale-house.

দোকড়ি । আমিও বাঙ্গালায় দিচ্ছি, তোমার বুনির
সাথে আমার পুতির বিধা হইছে, আমি তোমার বগ্নীপোত,
কেমন গন্ধশ্রাব, বেরের বেরে, রেজলা !

৩য় গোরা । Wine shop—সরাব ঘর দেখ্ লাও ।

দোকড়ি । (স্বগত) ও হালা, সোরাপের দোহান
দেহায়ে দিতে বল্ছ, সবুর করোতো ; বগবান্ ! তুমিই
সত্য, এইবার বাগানে মদমায়া বার কর্ছি ; এই
হালাব মদমায়া খেবা গোরাব দল চেহায়ে দিচ্ছি, দনঞ্জয়
দিবে আর সব কারি খাবে ।

৩য় গোরা । চল্—বারো ।

দোকড়ি । Yes Sir, your servant Sir,
wine-shop here not, Master eat wine, come
garden very near ; this মোর return, Brandy,
Whisky, Champagne, all, all ; Fowl কাটলিস,
মদন ছাপান—every every, free free, come
garden, come my back, Back me, not beat,
back থেকে come.

৩য় গোরা ।—Come come my boys away,
Let us hasten to the play,

দোকড়ি । গান বাজনা after after, come
come. No rupee give, no rupee give, beat
and eat, beat and eat.

৩য় গোরা । (স্বরে)

When dined all kind
Of fruit upon the table wash,
With red wine and white wine,
Spirits and punch ;
The boys eat the fruits
As long as each one able was
Their chops and apples went,
Crunch, crunch, crunch.

দোকড়ি । গান keep, come, নইলে সব eatয়ে
ফেলবে, not got something, come, come. !

[সকলের প্রস্থান ।

অষ্টম দৃশ্য

উত্তান-মধ্যস্থ কক্ষ ।

(খুদিরাম, পুঁটিরাম ও মুক্তারামের প্রবেশ)

খুদি । কিরে মুক্তারাম, সাহেব বিবির কি কর্ছি ?

মুক্তা । আজ্ঞে, আজ বড় দিনের দিন কি সাহেব
পাওয়া যায় বাবু ?

খুদি । তাইতো, তাইতো, গোটাকতক সেলার
(sailer) ফেলার পেলিনি ?

মুক্তা । সেলার কি পেতুম না, আপনার যে নসীরাম
র'য়েছেন, ঠর আবার দশ পনেরটা লাটসাহেব নইলে

চ'লবে না, ঠ'রে কেন এনেছেন ? ও একাজ জানে না, ও খালি হেল্লো হেল্লো ক'রে লেকচার হাঁকবে ।

পুঁটি । তবেই তো, কি হবে ?

মুক্তা । মদ খাইয়ে মাতাল ক'রে ফেলে রাখবেন এখন ।

খুদি । আর আমাদের ছ'জনের পরিবারের কি ক'রলি ?

মুক্তা । এই ছ'লে শ্যাম আর মাতাল গোলাপীকে নিয়ে খেমটাওয়াল। আসছে, আমি সব শিখিয়ে দিগে এসেছি, কেউ ধ'রতে পারবে না ।

পুঁটি । তাদের বিবিঘানা পোষাক ?

মুক্তা । আমাদের পাড়ায় সখের যাত্রা আছে কি না, তাই থেকে ছ'টো ফেয়ারি পোষাক দিগে এসেছি ।

পুঁটি । ন'সেটা আছে যে ?

খুদি । তুমি এমন বেয়াড়া লোক ছোটোও কেন ?

পুঁটি । তা এখন সব দিকে ধ'রবজ্জাক্ষণ কোথা পাই ? বখ'রা নেবে না, চালাক্ চট'পটে হবে, আবার ছোঁড়াকে ধ'শে রাখবে ।

খুদি । যাহোক্, এখন আর উপায় নাই । যখন commit ক'রে ফেলেছে, তোমায় maintain কর'তেই হবে । যদি ন'সে বলে, আমার কাকী নয়, তুমি নসের নামে malice impute করো ; তুমি যখন oath নিয়ে ব'লবে, তোমার ওয়াইফ্—তখন তোমার affidavitই গ্রাহ্য হবে ।

পুঁটি । কি ও ক্ষেপামো ক'রছো ? একি আদালত, যে হলপ শুনবে ? এক ফিকির আছে ; ন'সেটা রিক'রুম, রিক'রুম ক'রে মাথা-পাগলা হ'য়েছে, আমার পরিবারকে ও ছ'মাস দেখেনি, বাপের বাড়ী গেছে, তাতে আজ থাকে দেখবে, তার পোষাকও রকমসই, আমি বুলিয়ে দেব এখন যে, মেণ্টাল রিক'রমেনসন যদি খুব উঁচু হয়, তা'হলে Physical metamorphosis হ'য়ে চেহারা বদলে যায়, ফিজিকালজিতে এমন আছে ।

খুদি । মোদ্দাং কার কোন্টা ঠিক ক'রে রাখতে হবে, আবার মিনিটে মিনিটে না ফিজিক্যাল মেটামর-ফসিসের প্লি (plea) নিতে হয় ।

পুঁটি । হাঁ, সে ঠিক ক'রে রাখতে হবে বৈকি, বড়টা

তোমার, ছোটটা আমার ; ছ'টো কিছু আর এক বয়সী নয়, তা হ'লেই ন্যাচারেল (natural) হবে ।

(খেমটাওয়াল। ও খেমটাওয়ালীদের প্রবেশ)

মুক্তা । এই যে সব এসেছে ।

খেমটাওয়াল। মুক্তারাম বাবু, কার বউ কে হবে ঠিক ক'রে নিন্, কিন্তু নাচ-টাচ হওয়া চাই, নইলে ষোল টাকা ক'রে নেব ।

খুদি । এ নেহাৎ কেডাভারাস্ (Cadaverous) গোছ !

খেমটাওয়াল। আজকের মতন ঐ এক রকম গুড়িয়ে নিন্, আজ বড়দিনের বাজারটা কেমন ?

খুদি । মুক্ত, এঁকে ব'লে দাও, উনি আমার ওয়াইফ্, ঠ'র নাম 'প্রসন্ন', মনে ক'রে রাখতে বল, আমি 'মাই ডিয়ার' ব'লে ডাকবো ; আর উনি ডাকারবাবুর স্ত্রী, ঠ'র নাম—নামটা কি, বলে দাও, সত্যি ওয়াইফ্এর নাম ব'লে দাও ।

পুঁটি । 'কামিনী', মনে রেখ, আমি 'ডারলিং' ব'লে ডাকবো ।

খুদি । আপনার wifeএর নামটা important হ'লো, নদীরাম নাম জানে ।

পুঁটি । ভুলে গতি নাই, Reformationএ নামও বদলায় ; দেখতে পাওনা, বিলেত থেকে ফিরে এসে, রায় Roy হন্, দত্ত হন্ Detta ।

খুদি । এ বেশ তুমি নজীর বা'বু ক'রেছ, এতে হাইকোর্টের কল আছে ।

(ললিত, নদীরাম ও সংস্কারকগণের প্রবেশ)

ললিত । নদীরাম, খবরের কাগজে লিখবে ?

নদী । লিখবে না ? আমি রিপোর্টারদের টাকা দিগে এসেছি ।

ললিত । আমি 'রায় বাহাদুর' হব ?

নদী । নিশ্চয় ; এইরকম ছ'টো Christmas ক'রলেই ।

পুঁটি । ললিত বাবু, আমরা প্রোসেসনে জয়েন্ ক'রতে পারলেন না, ওয়াইফ্ গঞ্জে ছিল, লেডি হাঁটিয়ে আনা ।

ললিত । ওয়াইফ্ এনেছেন, Go to hell ! আস্থন, খত্তর শালা আমার মাগ পাঠ লে না, আমি তার নামে ট্রেম্পাসের চার্জ আনবো ;—হবে না স্কুদিরাম বাবু ?

খুদি। না, ট্রেম্পাস্ হবে না, হেভিয়াস্ করপাস্ ক'রতে হবে।

ললিত। কেন, মদ খেয়ে আমি একবার একজনের বাড়ী ঢুকেছিলুম, আমায় ট্রেম্পাস্ ক'রে ধ'রে নিয়ে গিয়ে পঞ্চাশ টাকা জরিমানা ক'রেছিল। কই—ডাক্তার বাবুর ওয়াইফ কই?

পুঁটি। এই যে, ডারলিং, এদিকে এস না।

নসী। কাকা, এ ভারতে তুমিই দত্ত! কবে তোমার ভাইপো-বৌয়ের বিচার জোর হবে, ফ্রেণ্ডের হাত ধ'রে বেরিয়ে আসবে?

পুঁটি। ডারলিং, আমার ফ্রেণ্ড ডাকছেন, এস।

১ম খে। ও শামী, যা না।

২য় খে। আমি কেন, ও যে তোকে ডাকছে 'ডালী'।

মুক্তা। যে হয় একজন এস না।

২য় খে। 'ডালী' যে ওকে বলবে, আমি যে 'মাই ডিয়ার'।

নসী। কাকা, আজও লজ্জা-ভাঙ্গা হয়নি? কাকি, কাকি!—

১ম খে। আবার কাকী কে লো, এতো মড়ারা কারুকে শিথিয়ে দেয় নি।

মুক্তা। ওগো তুমি গো তুমি, এস।

নসী। কাকি, কাকি! আমি তোমায় কনগ্রাচুলেট (congratulate) করি—এ করে! কাকা, কাকা, এতো বাড়ীৰ কাকী নয়, সে বসন্তের দাগ গেল কোথায়?

ললিত। না, আবার বসন্তের দাগ কেন, ঐ বেশ!

পুঁটি। নসি, তুমি রিফরমেশনের পাইওনিয়র হ'য়ে বৃষ্টিতে পারছ না যে, ডাক্তার জেনারেলের মতে মনের বদলতা হ'লে চেহারারও বদল হয়, আর সুপারটিসন গেলেই, স্মল পক্সের দাগ মিলিয়ে যায়?

নসী। বটে, ঠিক জ্ঞান?

পুঁটি। এবারকার 'Lancet'এ বেরিয়েছে, সাহেবরা এ মত খুব মানছে।

নসী। সাহেবরা বলেছে, তবে কাকী না হ'য়ে আর যায় না। "আজ কি সুখের দিন, বাঙ্গালীর মিটিংএ "Ladies and gentlemen" বলে Speech দিতে

পারবো। I will introduce you to ললিতবাবু, this is Mr. Nandy, this my dear aunty.

ললিত। বা! বা! বা! বাসু বিবি সাহেব! এ বেড়ে মজা, আমি রোজ রোজ কিস্ মাস্ ক'রবো, খুদিরাম বাবু, তোমার ওয়াইফকে ডাক।

খুদি। এই যে, মুক্তারাম, ওঁকে এদিকে আসতে বলতো।

মুক্তা। বো-ঠাকরুণ, বাবু ডাকছেন, যাও।

২য় খে। ভাল চ'এর বাগান যা হোক!

ললিত। তোমার নাম কি ভাই?

২য় খে। মাই ডিয়ার।

ললিত। মাই ডিয়ার!—বা! বা! বা! কেয়া বিলাতি নাম! দেখ দেখি কি মজা, আর খলুরশালা আমার মাগটিকে আটকে রেখে আমায় নাকাল ক'রলে, তাকেও এমনি পোষাক পরাতুম।

নসী। নাও বস, এখন স্পীচ (Speech) আরম্ভ হোক।

১ম সংস্কারক। না, আগে মঙ্গল-সঙ্গীত।

২য় সংস্কারক। না না পলিটিক্যাল প্রেয়ার। (Political prayer.)

ললিত। না, আগে সার্কাস; ঠিক পোষাক প'রে এসেছে, আমার গাড়ী থেকে ঘোড়া খুলে নিয়ে এস।

১ম খে। হ্যারে ও ওস্তাদজী মুখপোড়া, গেলি কোথা? বাগানে এসেছি কি প্রাণ দিতে?—ঘোড়ায় চ'ড়তে হবে?

নসী। কাকি, ঘোড়ায় চ'ড়বেই তো, বীরাজনার কাজই এই; আমি আর কারুর কথা শুন্বো না; আমার দম ফেটে যাচ্ছে, আমি স্পীচ আরম্ভ করি,—Ladies and gentlemen, না জাগিলে সব ভারত-ললনা, এ ভারত কড়ু জাগে না, জাগে না।—

১ম সংস্কারক। প্রেমের কোহেল হে দয়াময়, ডাহ হৃদয়-বসন্তে!—

২য় সংস্কারক। Oh! Poor India, where art thou, come to your own country!—

(দোকড়ির প্রবেশ)

দোকড়ি । Come in sir, come in, free pass
come in. Beat, she beat, eat very much
drink দেদার, not give চাইলে ।

(গোরাবাদের প্রবেশ)

[মত্ত গোরাগণকে দেখিয়া সভয়ে সকলের বিশৃঙ্খল
ভাবে পলায়ন]

পটপরিবর্তন—পল্লীস্থান

X'MAS SONG.

Woman and wine our hearts do bind,
Kiss my lads, the misses are kind.

Why miith we mar,

drink the nectar ;

'Tis not in the moon,

Y'll find very soon ;

Each slender waist let us wind,

'Tis not for jolly nectar oh ! lads dear,

We wish good cheer ;

To all - to all

A merry Christmas—

Happy New year.

সবনিকা


—

মোহিনী প্রতিমা

(গীতিনাট্য)

—+— ::—+— ::—+—

[২৮শে চৈত্র, ১২৮৭ সাল, ছাসাছাল থিয়েটারে প্রথম অভিনীত]



“পাঠক ধীমান্,

পাষাণে প্রেমের স্থান, পাষাণে (ও) গলে প্রাণ,

পাষাণে প্রেমের খেলা, কোথা তার সীমা ?

প্রতিদিন আশা যায়, পাষাণ ফিরিয়া চায়,

পাষাণে অঙ্কিত দেখে মোহিনী প্রতিমা

১২৮৭,
১২শে চৈত্র

}

শ্রীকেশবনাথ চৌধুরী ।”

নাট্যোল্লিখিত ব্যক্তিগণ

পুরুষ—হেমন্ত, জম্বুভয়, মহীন্দ্র, হীরালাল, যুবকগণ ইত্যাদি ।

স্ত্রী—সাহানা, কুম্ভম, নীহার, মহিলাগণ ইত্যাদি

প্রথম অঙ্ক

—:—

প্রথম গর্ভাঙ্ক

চিত্রশালা

হেমন্ত ও সাহানা ।

(গীত)

পাহাড়ী-পিলু—খেমটা ।

সাহানা ।—ছি ছি ছি, ভালবেসে আপন বশে কে র'য়েছে,
সাধে বাদ আপ'নি সেধে,
কেন্দে কেন্দে দিন ব'য়েছে ।
চায় প্রাণ ধারে বেচে, কে কবে দাম পেয়েছে,
দিন গিয়েছে প্রাণ র'য়েছে,
সাধের খেলা কাল হ'য়েছে ।

হেমন্ত । ধারে প্রাণ বেচ নাকি ?

সাহানা । তুমি কি একজন ষড়ের ?

হেমন্ত । আমার কি তুমি ধারে বেচবে ?

সাহানা । সুদ সুদ নাও যদি ।

হেমন্ত । না ভাই, তোমার সঙ্গে কারবার পোষাল না ;
প্রাণই আছে, আবার সুদ পাব কোথা ? তোমার মত
সুদখোরের কাছে আমি ধার লই না ।

সাহানা । তোমার মত জোচ্চোরকেও আমি ধার দিই
না । ছুঁটো মিষ্টি কথার দালালিতে ভুলে আমি প্রাণ
বেচে পথে পথে বেড়াই আর কি ?

হেমন্ত । এত ভয়, তুমি মহাজন নয় ; তা হ'লে এত
ভয় থাকত না ।

সাহানা । আর তুমি ভারি মহাজন, সম্বল এক
শুকনো প্রাণ ।

হেমন্ত । তাই কোন্ রাখতে পেরেছি, হাতে হাতে
সঁপে দিয়েছি ।

সাহানা । কাকে ?

হেমন্ত । এই না আমার জোচ্চোর ব'ল'ছিলে ?

সাহানা । আবার যে এখন ব'ল'ব ।

হেমন্ত । কেন ?

সাহানা । এই দালালিতে ।

হেমন্ত । বুঝেছি, কোন কথাই শুনবে না, আমার
যা সম্বল ছিল, তা তো পেয়েছ, আর কথায় কাজ চি ।

সাহানা । আহা ! ভুলিয়ে প্রাণ কেড়ে নিইচি না ?
চের চের ত্রাকা দেখেছি ।

হেমন্ত । কিন্তু এমন আর দেখ নি ।

সাহানা । এক রকম মন্দ বল নি, ছুঁদিন ধ'রে ত্রাকাম
ফুরোল না ।

হেমন্ত । দত তোমার সঙ্গে দেখা হবে, তত বাড়বে ।

সাহানা । ভালও ত লাগে ।

হেমন্ত । খুব ।

সাহানা । এবারে কি উত্তর দিই বল দিকি ?

হেমন্ত । আমি আগে জিজ্ঞাসা করি, তবে ত উত্তর
দেবে । প্রাণ না পেলে বুঝি প্রাণ দাও না ?

সাহানা । পাবার পিত্তেস থাকলে দিই ।

হেমন্ত । তবে আর মহাজনী ক'রো না, যদি ক'ন্তে
চাও, পিত্তেস ক'রো না ।

সাহানা । নিপিত্তেস হ'য়ে প্রাণ হাত-ছাড়া ক'ন্তে
বল না কি ?

হেমন্ত । বলি নি ; সে সক থাকে তো কর ।

সাহানা । অমন সকে কাজ নাই ।

হেমন্ত । কাজ কি কারো থাকে ? কাজ আপনা
হ'তেই হয় ।

(গীত)

সাহানা—আড়খেমটা ।

প্রাণের মত পেলে পরে,

প্রাণ কি কার' মানে মানা ।

না পেলে প্রাণ দেবে না,

ভালবাসা সে জানে না ।

চাই নে তোর ভালবাসা,

দেখ'ব কেবল করি আশা,

পিন্নাসা ভালবাসা, ভালবাসা যায় কি কেনা ?

সাহানা । বেশ বেশ রসিকরাজ, শিখলে কোথা ?

হেমন্ত । তুমি তো অনেককে শিখিয়েছ, বল দেখি, এ
কি শেখা কথা ?

সাহানা। যা হ'ক, শুনে খুশী হ'লেম।
 হেমন্ত। যদি খুশী ক'রে থাকি তো বক্‌সিস দাও।
 সাহানা। কি বক্‌সিস ?
 হেমন্ত। তেমনি করে একবার ব'সো, আমি তোমার
 চেহারা তুলি।
 সাহানা। আচ্ছা, বস্‌ছি (উপবেশন)
 হেমন্ত। (চেহারা তুলিতে তুলিতে) উঠ না, উঠ
 না।
 সাহানা। তুমি গৌ হ'য়ে থাকলে আমি ব'সব না,
 কথা কও তো বসি।
 হেমন্ত। আচ্ছা, আমি কথা ক'ছি, তুমি কথা ক'য়ো
 না, তুমি অম্‌নি থেকে।
 সাহানা। দেখ, তোমার এ হেনস্তা দেখে এক দণ্ডও
 থাকতে ইচ্ছা করে না। আমি কি মানুষ নই ?
 হেমন্ত। কেন, কি হেনস্তা ক'লেম ?
 সাহানা। কথায় কাজ নাই, আমি ব'সব না।
 হেমন্ত। আচ্ছা, এস, দু'জনে কথা কই।
 সাহানা। কথাও কইব না।
 হেমন্ত। কেন ?
 সাহানা। তুমি কি সত্য কথা কইবে ?
 হেমন্ত। মিথ্যা তো শিখি নি, মিথ্যা শিখলে মনকে
 একটা মিছে ভোলাতে পারেন।
 সাহানা। আচ্ছা—একটা কথা জিজ্ঞাসা করি, যদি
 তুমি সত্য বল, তা হ'লে আমি রোজ আসব, আর যতক্ষণ
 তুমি ছবি তুলবে, ততক্ষণ আমি ব'সে থাকব।
 হেমন্ত। তুমি য'টা কথা জিজ্ঞাসা ক'রবে, তার যদি
 একটা মিথ্যা বলি, আর কখন' আমার মুখ দেখো না।
 সাহানা। কেন, তোমার মুখ কি এত সুন্দর যে, আমি
 দেখতে পাব না, ভয় দেখাচ্ছ !
 হেমন্ত। ভাল, তোমারি মুখ দেখব না।
 সাহানা। দিক্‌দি দেখেই বুঝতে পেরেছি, প্রাণ ভরে
 মিথ্যা কথা কইবে, আচ্ছা কও।
 হেমন্ত। না, কিন্তু মিছে ব'লেই হবে না, মিছে
 প্রমাণ ক'রে দিতে হবে।
 সাহানা। আচ্ছা, তুমি কি আমায় ভালবাস ?
 হেমন্ত। বাসি।

সাহানা। এই নাও, একটা মিছে কথা একশটার
 ধাক্কা।
 হেমন্ত। প্রমাণ ক'ত্তে হবে ?
 সাহানা। তুমি পাকা চোর। যা হোক তোমার বিত্তা
 কিছু আদায় ক'লেম।
 হেমন্ত। বাট্‌পাড়ি ক'রে।
 সাহানা। না; তোমার কাছে আমি থাকব না,
 চ'লেম।
 হেমন্ত। ঘড়ি ঘড়ি কথা গুলটাচ্ছে,—এটাও যে
 গুলটালে বাঁচি।
 সাহানা। কি কথা গুলটাচ্ছে বল তো ?
 হেমন্ত। তুমি যেতে চাচ্ছিলে।
 সাহানা। তুমি যে মিছে ব'লে।
 হেমন্ত। আমি যদি মিছে না ব'লে থাকি ?
 সাহানা। দেখো, আচ্ছা ও কথা যাক; তোমার বে
 হ'য়েছে ?
 হেমন্ত। না।
 সাহানা। বে ক'রবে না ?
 হেমন্ত। হাঁ।
 সাহানা। বের কিছু স্থির হ'য়েছে ?
 হেমন্ত। হ'য়েছে; কিন্তু একটা কথা জিজ্ঞাসা ক'রতে
 পারবে না।
 সাহানা। কি কথা ?
 হেমন্ত। আমি যাকে বে ক'রবো, তাকে ভালবাসি
 কি না ?
 সাহানা। আচ্ছা নাই বা ব'লে।
 হেমন্ত। আমি বলব না ব'লে জিজ্ঞাসা ক'ত্তে বারণ
 করি নি; আমি ভালবাসি কি না, জানি না।
 সাহানা। আচ্ছা, যার সঙ্গে বে হবে, তুমি তাকে
 দেখেছ ?
 হেমন্ত। তার ছবি আমার কাছে আছে, দেখতে চাও
 তো দেখাতে পারি।
 সাহানা। যদি দয়া ক'রে দেখান।
 হেমন্ত। এই সে ছবি দেখুন।
 সাহানা। তবে তুমি ভালবাস ?
 হেমন্ত। জানি না।

সাহানা। নামটি কি ?

হেমন্ত। নীহার।

সাহানা। আচ্ছা দেখ, তোমার মিছে কথা ধ'রে দিচ্ছি, ফের বল দিকি, আমায় ভালবাস কি না ?

হেমন্ত। বাসি, মিথ্যা সত্য বিচার ক'রে বল।

সাহানা। তোমার কথা আমি একটাও বুঝতে পারি না।

হেমন্ত। সে তো আমার শুকনো প্রাণের দোষ নয়, সে তোমার তাজা প্রাণের দোষ।

সাহানা। আমার সব দোষ, আমি টাকা নিয়ে এসেছি কি না ?

হেমন্ত। সুন্দরি, নির্দয় হও,—মর্ষে ব্যথা দাও কেন ? আর কি তোমায় টাকার দরে কিনতে চাই ? তুমিই একটা কথা তুলেছিলে মাত্র।

সাহানা। তোমরা আমাদের কেনা-বেচার মধ্যে মনে কর,—না ?

হেমন্ত। তোমরা কেনা-বেচার মধ্যে কি না, তা তোমরা জান, আমি কেমন ক'রে জানুব ; আমি তো বেচা-কেনা জানি না।

সাহানা। আচ্ছা, তোমার স্ত্রীর আর কোন রকমের ছবি এঁকেছ ?

হেমন্ত। না।

সাহানা। কেন ?

হেমন্ত। এখন' তো বিবাহ হয় নি।

সাহানা। বে নাই হ'লো, আমার সঙ্গে তোমার তো কোন স্বেচ্ছা নেই।

হেমন্ত। বেশী কিছু না, তুমি প্রথম ব'লেছিলে—আসবে না, তারপর এসেছ ; স্বেচ্ছাদের তো বেশী বাকী নাই।

সাহানা। বুঝেছি, পাঁচ শো টাকা দিয়ে এনেছ ব'লে তাই খোঁটা দিচ্ছ।

হেমন্ত। পাঁচ শো টাকা,—এক টাকারও কথা হ'চ্ছে না।

সাহানা। দেখ, এই আমার আংটির দাম হাজার টাকা ; তোমার পাঁচ শো টাকার বদলে এই আংটি দিলেম।

হেমন্ত। রাগ ক'লে ?

সাহানা। না।

হেমন্ত। হ্যা, রাগ ক'রেছ, তা আমার অপরাধ নাই, সত্য বলবার তো আমার কথা।

সাহানা। আমি সত্যই ব'লছি, রাগ করিনি। আমরা বেশী, আমরা যার কাছে যখন থাকি, তার মতন হ'য়ে থাকি, তোমার যখন টাকায় তাচ্ছিল্য, তখন তোমার কাছে থাকলে টাকায় তাচ্ছিল্য দেখানই উচিত।

হেমন্ত। আচ্ছা, তোমার আংটি আমি নিচ্ছি, কিন্তু তুমি এই মালা ছড়াটা নাও, মাথায় প'রবে।

সাহানা। নিলুম, কিন্তু তোমার কাছে রইল ; যখন তুমি ছবি তুলবে, তখন মাথায় দিয়ে ব'সব।

হেমন্ত। আচ্ছা, মাথায় দিয়ে ব'সো।

সাহানা। আগে আমার দর জানতেম না, তাই পাঁচ শো টাকা চেয়েছিলেম। আর কার' কথা ব'লতে পারি নি, কিন্তু তুমি টাকা দিয়ে কাজ পাবে না, এ নিশ্চয়।

হেমন্ত। আর কি দিয়ে পাব ?

সাহানা। আর কিছু থাকে তো দাও।

হেমন্ত। তুমি যা চাও, তাই দেব।

সাহানা। আমি যা চাই, তা তোমার নাই, অন্য কি দিতে পারবে তা বল ?

হেমন্ত। তুমি যা চাবে।

সাহানা। আমার একটা কথা রাখবে ?

হেমন্ত। তোমায় যবে ডাকব, তবে আসবে ?

সাহানা। আসব।

হেমন্ত। সত্য ?

সাহানা। দাম শুনে বুঝতে পারবে, সত্য কি মিথ্যা।

হেমন্ত। কি দাম বল ? কিন্তু একটা ছাড়া। তুমি যদি আমায় বিবাহ ক'তে বারণ কর, তোমার সে কথা থাকবে না ; তার কারণ আছে, আমার যার সঙ্গে বিবাহ হবে, তার পিতার সঙ্গে আমার পিতার পরম বন্ধুত্ব ছিল। তাঁহারা একত্রে বাণিজ্য দ্বারা অনেক ধন-সঞ্চয় ক'রেছিলেন। উভয়ের মত, সম্পত্তি বিভাগ না হয়। তাঁর এক কন্যা,

আর আমার পিতার আমি এক পুত্র। তাঁরাই আমাদের বিবাহ স্থির ক'রেছিলেন। আমরা উভয়েই আপন আপন পিতার নিকট সত্যে আবদ্ধ, আর তাঁরা উভয়েই স্বর্গে।

সাহানা। সত্যে বদ্ধ, তাই বিবাহ ক'রবে? ভাল, বিবাহ ক'রতে বারণ ক'চ্চি না, অথবা যা বলব, শুনবে? কিন্তু দেখো—

হেমন্ত। আমি স্বীকৃত।

সাহানা। বিবাহ ক'রবে, কিন্তু বিবাহের পর স্ত্রীর মুখ দেখতে পাবে না।

হেমন্ত। স্বীকার; এই মালা মাথায় দিয়ে ব'সো।

সাহানা। আজ ক্ষমা কর।

হেমন্ত। কেন?

সাহানা। আজ আমার এক ভাবনা হ'য়েছে।

হেমন্ত। কি ভাবনা?

সাহানা। দেখ, পাঁচ রকম দেখ'ব বলে এ পথে ঠাড়িয়েছি; কিন্তু তোমায় দেখতে পাব না, এই বড় দুঃখ।

হেমন্ত। কেন, আমি তো তোমার সামনে; দেখলেই দেখতে পাও।

সাহানা। না, সে চক্ষু খোলে নি। আজ চ'ল্লুগ,—একটা কথা জিজ্ঞাসা করি, তুমি কি চাও? তোমার কি সত্য সত্য প্রাণ নাই?

হেমন্ত। প্রাণ নাই! প্রাণ জানাব কারে?

(গীত)

কালান্ধা—আড়াঠেকা।

মাতুরার হ'রা প্রাণ কে ফিরাতে পারে।

বিশাল সাগরে, তুঙ্গ শৃঙ্গ'পরে,

গহনে গহ্বরে, নির্মল নির্ঝরে,

নিরমল প্রাণে খুঁজেছি তোমারে।

বৃকে বজ্র পাতি ধ'রেছি দামিনী,

কাঁদিয়াছি যত, কেঁদেছে যামিনী,

হাসি উধা সনে ফুল ফুলবনে,

অমিয়াছি ফুল-হারে।

[উভয়ের প্রশ্নান।

(কুসুমের প্রবেশ)

(গীত)

সাহানা—থেম্টা।

যতনে কিন্ব যতন, মনের আশুন কিন্ব কেন?

এ কি হয়, এত কি সয়, ফুলের মতন প্রাণটি যেন!

ফুটেছে সকাল বেলা, রাত্রি আশা ক'ছে খেলা,

শুকাবে সাধের নীহার,

না জানি কার সোহাগ হেন।

ওই যা, বাবাজী চ'লে গেছে! এক এক দিন হাত-তালির ধুম দেখে কে! আজ বুঝি গান ভাল লাগে নি? কে জানে—কখন কোন্ মেজাজে থাকেন।

[প্রশ্নান।

দ্বিতীয় অঙ্ক

—:••:—

প্রথম গর্ভাঙ্ক

কানন-কুঞ্জ

সাহানা ও জম্বুভয়।

সাহানা। তুমি এই চিঠির জবাব নিয়ে এস, তুমি যা বলবে, তা শুনবে।

জম্বু। জবাব তো এখনি নিয়ে আসছি, তুমি আমার কথা রাখবে তো ?

সাহানা। শুধু জবাব আনলে হবে না, কোন রকমে আমার সঙ্গে দেখা করাতে হবে।

জম্বু। হ্যা, এ ত বডুই কথা। আমার মামাত ভগ্নী, আমি আর দেখা করাতে পারুব না ?

সাহানা। আচ্ছা, তবে যাও।

জম্বু। দেখো, চরণে ঠেলবে না তো ?

সাহানা। রাধাকৃষ্ণ !

[জম্বুর প্রস্থান।

(মহীশূর প্রবেশ)

মহীশূর। তুমি যে আমায় এত অনুরোধ করবে, তা জানি না।

সাহানা। কেন, আমার কথা শোন ; তোমার মকদ্দমার কি হলো ?

মহীশূর। সে কথা আর কেন ভাই, এখন তোমার কাছে এসেছি, ছুঁদণ্ড জুড়াই।

সাহানা। তোমার ভ্রম, আমি দিবানিশি জ্বলছি, আমার কাছে তুমি জুড়াবে কেমন করে ?

মহীশূর। বুঝেছি হে, তাই তোমার আর কাকেও ভাল লাগে না। সে তো খুব জয়েফ, তার ছবি তোমার খুব গুণ আছে দেখছি।

সাহানা। তোমায় যা বলবার জন্ত ডেকেছি, তা শোন। আমিই তোমার সর্কনাশের কারণ, তোমার অতুল

ঐশ্বর্য ছিল, দেনা কেন হবে ? আমার গহনার জন্ত তোমার পোন্ধাবের দেনা, বাড়ীর জন্ত তোমার বাড়ী বাঁধা, নন্দন-কাননের মত বাগানখানি আমাকে দিয়েছিলে, ইহার দামে তোমার সমস্ত দেনা পরিশোধ হয়। কিন্তু আমি তোমার কি ক'রেছি, কখন মুখে বলিছি, ভালবাসি। আমার মত পাপিষ্ঠার সঙ্গে তোমার আলাপ করা উচিত নয়। তুমি অতি সরল, তবুও আমায় চাও ; আমি আমার নই, তোমার হব কি ?

মহীশূর। তুমি কি উপদেশ দেবার জন্ত আমাকে ডেকেছিলে ? অনেক উপদেশ পেয়েছিলেম, তবুও সর্কস্বাস্থ হ'য়েছি। তুমি উপদেশ দিচ্ছ, কিন্তু তুমি জান না, আমি এই দণ্ডে প্রাণ দিতে প্রস্তুত, যদি মৃত্যুকালে জানতে পারি, তুমি একদিন আমাকে ভালবেসেছ।

সাহানা। আমার জন্ত অনেক দুঃখ পেয়েছ, আর কেন, আমায় ভোল। না ভুলেও আমার সঙ্গে আর দেখা হবে না।

মহীশূর। তুমি কি এই বজ্রাঘাত করবার জন্ত আমাকে ডেকেছিলে ?

সাহানা। আমি যদি ভালবাসতে পারতাম, তুমি যথার্থই ভালবাসার পাত্র। আমি অভাগিনী, আমার ভালবাসার ক্ষমতা আছে কি না, জানি না, কি ক'ছি, তা জানি না ; কিন্তু স্থির জেন, যে পথে এতদিন চ'লে এসেছি, সে পথে আর চ'লব না। তোমার দেনার জন্ত আর লুকিয়ে থাকবার আবশ্যক নাই ; তুমি কারও কাছে ঋণী নও ; আমি তোমার সকল ঋণ পরিশোধ ক'রেছি, এই তোমার পাণ্ডনাদারদের রসিদ নাও।

মহীশূর। তুমি কি পাগল, না আমায় নিয়ে আর কি খেলা খেলছ ?

সাহানা। আমি পাগল কি না, জানি না, খেলছি কি না জানি না, কেবল এই জানি যে, মনের স্রোতে ভেসে বেড়াচ্ছি।

মহীশূর। ভাল, তোমার এ প্রবৃত্তি-পরিবর্তনের কারণ কি বলতে পার ?

সাহানা। আমি আপনার রূপের গৌরবে মনে ক'রে-ছিলেম, এই পথেই স্বর্গ,—আমি জানতেম না, যাহারা রূপের পূজা করে, তাদের চক্ষে আমি ঘৃণ্য।

মহীন্দ্র। আমার চক্ষে ?
সাহানা। শুন, তুমি আর ও সব কথা আমাকে ব'লো না, আর আমায় অপরাধী ক'রো না ; কিন্তু তোমায় এইমাত্র ব'লছি যে, যার জন্ম আমি সর্কৃত্যগী হবো, তাকেও আমি চাইনা।

মহীন্দ্র। তবে কি চাপ ?
সাহানা। তোমায় ত ব'লেম, মনের স্রোতে ভেসে বেড়াচ্ছি—কি চাই, জানি না।

মহীন্দ্র। তুমি কি পটোর প্রেমে এত প'ড়লে ?
সাহানা। মন হাত-পরানয়, তা ত তুমি জান, তুমি সদাশয়, তুমি যদি বেশ্যাকে ভালবাস, আমি দেবতাকে ভালবাসব না কেন ?

মহীন্দ্র। সে দেবতা—না! তার দৌরায়ে রাতে বাজারে বেশ্যা থাকবার যো নাই।

সাহানা। সে বেশ্যা নিয়ে যায় সত্য, কিন্তু নিয়ে কি করে, তা জান ?

মহীন্দ্র। আমি তো আর প্রদীপ জ্বলে দাঁড়াই না, ছুধ কিনতে কেউ শুঁড়িকে ডাকে ?

সাহানা। ডাকে, তুমিই জান না।

মহীন্দ্র। বটে, এত ?

সাহানা। তোমায় যা ব'লবার ব'লেছি।

(কয়েকজন যুবকের প্রবেশ)

১ম যুবা। বিবি সাহেব, কেমন নজর এনেছি—দেখ দেখি ?

মহীন্দ্র। দেখি দেখি, এ চমৎকার ছবি ! (সাহানার প্রতি) দেখ, কেমন ছবি !

সাহানা। এ ছবি যখন তয়ের হয়, তখন আমি জানি।

মহীন্দ্র। এ ছবি এঁকেছে কে ?

সাহানা। তুমি কি মনে কর, দেবতা ভিন্ন এ ছবি কেউ তুলতে পারে ?

মহীন্দ্র। তবে কি তোমারই প'টোর এই কাজ ?

সাহানা। ছবিখানা ভাল ক'রে দেখ, দেবতার কাজ কিনা বোঝ।

২য় যুবা। না বাবা, এতে ধূপ-ধুনোর গন্ধ পেলেম না,

মাপ কর। এতে এক ব্যাটা পাহাড়ের উপর গে আক শ-পানে চেয়ে ব'সে আছে।

৩য় যুবা। দেখি, যথার্থই এ দেব-চিত্রিত !

২য় যুবা। ইস, তোমারও যে ভাব লাগল হে !

৩য় যুবা। তুমি অন্ধ, কি বুঝবে ? এ একজন কবি,—আপনার হৃদয়-প্রতিমার অনুসন্ধান ক'ছে।

২য় যুবা। বা ! তোমার তো বিছা ভারি হে ! হৃদয়-প্রতিমা হৃদয়ে থাকতে বনে গিয়ে অনুসন্ধান ক'ছে ! ও কে এক ব্যাটা শীকারী, বনে বাঘ মারতে গিয়েছে।

সাহানা। হৃদয়ের প্রতিমা হৃদয়ে থাকে বটে, কিন্তু যোগী সেই প্রতিমা যুগে যুগে ধ্যান করে।

২য় যুবা। বাবা, বড়' বয়সে পীরিতে প'ড়লে ?

সাহানা। সেটা দোষ না গুণ ?

২য় যুবা। সাবাস ছেলে বটে !

৩য় যুবা। কে হে ?

১ম যুবা। ওঁর পীরিতের প'টো।

৩য় যুবা। কে সে ?

২য় যুবা। কে বাবা তার ঠিকুজি কুণ্ডী জানে ! বছর দুই হ'লো, বেটা এসে মস্ত একখানা বাড়ী নিলে ; লোকজন, গাড়ীঘোড়া, ধুমধাম ; কারু সঙ্গে আলাপ করা নেই, পেঁচা ধাতের লোক বাবা—দিনের বেলা বেরোন না।

৩য় যুবা। দিনে কি করে ?

২য় যুবা। যম জানে বাবা ! তর বেতর লোক আনা-গোনা ক'ছে ; কেউ বেশ্যার দালাল, কেউ একটা ভাল ফুল এনেছেন, কেউ একখানা হাড় এনেছেন। শুন্তে পাই, বেটা মুটা মুটা টাকা ছড়াচ্ছে। বিবিসাহেব পিরীত-ফিরীত রাখে না ; কিছু আদায় ক'লে ? বেটার অটেল টাকা, বাবা ! মজায় আছে। কথা ক'ছ না যে, কিছু আদায় ক'লে ?

সাহানা। অমূল্য রত্ন।

২য় যুবা। কি রত্নটা শুনি ?

সাহানা। কি রত্ন, তা বুঝতে পা'রবে না, কিন্তু সে রত্ন কাছে থাকলে, অণু কোন রত্নের আবশ্যক হয় না।

২য় যুবা। বেটার জিত আছে, বাবা !

সাহানা। দেখ, তোমাদের আমি ও জন্ম ডাকি নি, আমি আজ তোমাদের নিকট বিদায় নিতে ডেকেছি।

২য় যুবা। যোগিনী হবে, প্রেমে নাকি ?

সাহানা। হ'তেও পারি, ব'লতে পারি না।

১ম যুবা। বা! বা! ঢের রকম ফেরালে, বাবা!

সাহানা। তোমায় ডেকেছি কেন, জান ?

২য় যুবা। কেমন ক'রে জানুব? শুণ্ডতে পারি
নি ভো।

সাহানা। আমার একটা কথা রাখতে হবে।

২য় যুবা। কি কথা ?

সাহানা। এই হীরামানি তুমি নাও। তুমি তোমার
স্ত্রীর গহনা বেচে আমার সহিত আলাপ ক'রেছিলে, এই
হীরামানি বেচে তোমার স্ত্রীকে সেই সকল গহনা কিনে
দিও।

(জম্বুভয়ের প্রবেশ)

জম্বু। বাবা, আমি কি কম ছেলে ? এই তোমার
পত্রের জবাব নাও ; এখন দয়া ক'রবে তো ? তোমার
কাজ তো ক'রে দিলেম, এখন আমার প্রাণ বাঁচাবার
উপায় ?

সাহানা। নাই বা বাঁচলে।

জম্বু। বটে, বটে, আজ এই কথা! মনে করে দেখ,
আমা হ'তে কাকে না পেয়েছ ?

সাহানা। তোমাকে যদি ভালবাসি, তুমি কি ভাল-
বাসবে ?

জম্বু। বাবা, আজ না বাস, কাল বাসবে। মেয়েমাছুষ
ভোলাতে জানে কে ?

সাহানা। তুমি তবে ভালবাসবে না ? আমি তোমার
সঙ্গে কথা কব না। এই আমি মান ক'রে ব'স্লেম।

জম্বু। না বাবা, মান ক'রো না, তা হ'লে প্রাণে
বাঁচব না।

৩য় যুবা। সে কি হে, তুমি এমন রসিক, মান
ভাঙতে পার না ?

জম্বু। কি করে ভাঙব বল দেখি ?

৩য় যুবা। মান ভাঙা আর কি ! রসিকতা ক'রে
একটা হাসিয়ে দাও না।

জম্বু। সুন্দরি ! একবার ফিরে চাও, দেখ—চেহারা মন্দ
নয়, এখন শেতলার অঙ্গুগ্রহতে যা বল।

৩য় যুবা। ও হে, তুমি একটা গান গাও, তা হ'লে
মান ভাঙবে।

(গীত)

দিলু—খেমটা।

জম্বু। প্রাণ তোমারে মানা করি অন্তর্প'নি কেড় না,
হৃদ-মাচাতে দোলে ক'ছ, মই বেয়ে গে পেড় না।
আড় নয়নে জুলুম ভারি, হেন না প্রাণে কাটারি,
বিষম তোমার ছাঁদন দড়ি, একশবারি নেড়ো না।

কই ভাই, কথা তো কইলে না ?

৩য় যুবা। তুমি ভাই ঠাট্টা মনে ক'রবে, তা না
হ'লে একটা উপায় ব'লে দিতেম, কথা না ক'য়ে থাকতে
পারবে না।

জম্বু। না, ঠাট্টা মনে ক'রবো না, ব'লে দাও।

৩য় যুবা। তুমি খানিক কালি মুখে মাখ, আর এই
নলটায় তোমার লেজ ক'রে দিই।

জম্বু। হা, ঠাট্টা ক'চ্চ!—

৩য় যুবা। তোমায় তো আগেই ব'লেছি, তুমি ঠাট্টা
মনে ক'রবে ; তোমার যা খুসি কর, আমরা চ'লেম।

জম্বু। না ভাই, রাগ ক'রব কেন, যা ক'রতে হবে
বল।

৩য় যুবা। (জম্বুর মুখে সিন্দুর ও কালি এবং নলে লেজ
করিয়া দিয়া) আর তোমার 'মাদুর মাথায়' গীতটা গাও।

সিন্দু—আড়া-খেমটা।

জম্বু। মাদুর মাথায় মন কেড়ে নেয়
দোল দিয়ে মই আমড়া-ডালে ;
নেশার ঝোঁকে এঁকে বঁকে
ফিরত বঁধু চালে চালে।
কাঁধে ক'ছ লুটত মধু,
হানা দিত সাজ সকালে ;
আড় নয়নে হাড় ভেঙ্গে দে,
যাড় গুঁজে গে উল্লো খালে।

কই ভাই, কথা তো কইলে না ?

মহীন্দ্র। তবে একটা তুক ব'লে দিই শোন।

জম্বু। কি বল দেখি ?

মহীন্দ্র। আমি একটা মস্ত জানি ; একটা কেলে হাড়ি
পড়ে দিচ্ছি, আর তোমার চোক বেঁধে দিই ; যদি তিন

বারের ভিতর হাঁড়িটা ভাঙতে পার, হাঁড়িও ভাঙা, মানও ভাঙা।

ঙ্য়ু। এ যে ফ্যাচাং ভারি হে।

২য় যুবা। ফ্যাচাং আর কি, ফটু ক'রে ভেঙ্গে ফেলবে, আর কি!

(সবলে ঙ্য়ুর চক্ষু বন্ধন করণ ও ঙ্য়ুর হাঁড়ি ভাঙিতে যাওয়া এবং সকলে মস্তকে খাড়া মারণ)

ঙ্য়ু। ও বাবা রে, শালারা যুনে, আমাকে খন ক'ল্লে!

[প্রশ্নান।

সাহানা। ওকে তাড়ালে, ওর সঙ্গে আমার দরকার ছিল যে?

২য় যুবা। বলিহারি ঘাই! আজ কাল রকম রকম জিনিষে তোমার দরকার; ও ডায়মনকাটা জিনিষে কি দরকার, চাঁদ?

সাহানা। তোমরা একটু ব'সো। (মহীন্দ্রের প্রতি) এ দিকে এস, একটা কথা আছে।

[উভয়ের প্রশ্নান।

২য় যুবা। এইবার বেটা নাকাল হবে।

ঙ্য়ু যুবা। তুমি হীরেখানা ফেলে রাখলে যে?

২য় যুবা। তুমিও যেমন, ওর ভুজুকুনিতে ভোল, বেটা একখানা মুড়ী দিয়ে কি দাঁও ক'চ্ছে।

ঙ্য়ু যুবা। না, তুমি বুঝতে পার নি, ওর যথার্থই মনের ভার ব'দলেছে। তুমি ব'লতে ব'লতে থামলে—লোকটা কি তর বল দেখি?

২য় যুবা। কি তর ভাই জানি না; একদিন দেখে-ছিলাম, বেশ সুশ্রী বটে, আর যে কত টাকা—তাও ব'লতে পারি না। সে দিন একটা ভুট্টোকা গোলাপ-ফুল একশ টাকা দিয়ে কিনলে; আর যে যা চায়, তারে তাই দেয়। তুমি এক কড়া কড়ি নিয়ে যাও, তোমায় দশটা টাকা দিয়ে দেবে। শুনেছি, এ বেটার কথায় মাগের মুখ দেখে না; কিন্তু ইনি আবার বলেন, 'আমার সঙ্গে কোন সুবাদ নাই।' আমাদের ন্যাকা পেয়েছেন কি না, দিন-রাত্রি একত্র থাকেন, আর সুবাদ নাই।

ঙ্য়ু যুবা। আমি এ কথা বিশ্বাস করি।

২য় যুবা। কিসে?

ঙ্য়ু যুবা। তোমার কথার দ্বারা বোধ হ'চ্ছে, সে ব্যক্তির কিছুই দরকার নেই।

২য় যুবা। দরকার নেই তো ওর কথায় মাগের মুখ দেখে না কেন?

ঙ্য়ু যুবা। সে ব্যক্তি মহাত্মা, তার সন্দেহ নাই; "তা কেন"—আমরা বুঝতে পারবো না।

১ম যুবা। ভাল, সে কি করে?

২য় যুবা। ছবি আঁকে; আজকাল বাজারে তারই ছবি চ'ল্চে।

১ম যুবা। বটে! কতকগুলো ছবির কাগজে তো সুখ্যাতি দেখতে পাই, সে কি তার আঁকা না কি?

২য় যুবা। তা হবে, সকলেই তো সুখ্যাতি করে।

(মহীন্দ্র ও সাহানার প্রবেশ)

মহীন্দ্র। তুমি যদি এ কথা প্রমাণ ক'তে পার, তা হ'লে তুমি যা ব'লবে, তা শুনব।

সাহানা। তুমি আমার সঙ্গে বেও, তুমি আপনি দেখেই বুঝতে পারবে যে, সে মস্ত লোক।

মহীন্দ্র। তুমি আপনি কি তার বাড়ীতে যাতায়াত কর, না তোমায় নিতে আসে?

সাহানা। আমার যখন ইচ্ছা তখন ঘাই, তিনি বাড়ীতে না থাকলেও ঘাই।

মহীন্দ্র। দেখ, তোমার কথা এখনও অবিশ্বাস হ'চ্ছে, মনুষ্যের এত ধৈর্য, তা আমি জানি না।

সাহানা। আমি তো মনুষ্য বলি নি, তিনি দেবতা।

মহীন্দ্র। যদি সত্য হয়, দেবতাই বটে। আমি স্বর্ক-স্বাস্ত হ'য়েছি, কিন্তু আজ তোমার নিকট যে উপদেশ পেলেম, তা কখন ভুলব না; আজ বুঝতে পাল্লেম, আমরা পশু, আমরা মনুষ্য নই।

সাহানা। এই তোমার বাগান তোমারই রইল, আর দিন দুই চারি আমি অধিকার ক'রবো। তার ভাড়া, এই চক্ষের জল। সতীশ বাবুকে ব'লো যে, তাঁর বাগান-খানিও আমি আর দুই চারি দিন অধিকার ক'রবো। এই দু'খানি বাগানের ভিতর কোন্খানি দরকার হবে তা জানি নি; চারি দিন বাধে তোমাদের জিনিষ তোমা-দেরই দেব। সতীশ-বাবুকেও এই চ'খের জলের কথা

ব'লো। ব'লো—সাহা আজ কৈদেছে। এ কান্না কাঁদতে হবে, হাসিমুখে আসি দে'খে ব'ঝি নি। হায়! এ কান্না কি আর কেউ কৈদেছে? (সকলের প্রতি) তোমাদের কাছে আজ বিদায় হ'লেম, আমার অণু কাজ আছে, আমি চ'ল্লেম। (স্বগত) আহা! 'শুকাবে সাধের নীহার!'

২য় যুবা। বুকেছি, পিরীতের তুফান উঠেছে।

[সকলের প্রস্থান।

দ্বিতীয় গর্ভাক্ষ

উত্তান

নীহার ও সাহানা।

(গীত)

থ স্বাজ—মধ্যমান।

নীহার।— জানি নে কেন যে ভালবাসি;

দতনে বাতনা বাড়ে কেন মন অভিলাসী।

দেখি বা না দেখি ভাল, ভালবেসে থাকি ভাল,

কি হ'ল বিফল আশা, বাসনা-সাগরে ভাসি।

আপনি আমার সঙ্গে সাক্ষাৎ ক'ত্তে চেয়েছিলেন কেন?

সাহানা। আপনার নিকটে আমি গুরুতর অপরাধে

অপরাধিনী, আমায় ক্ষমা করুন।

নীহার। জগদীশ্বর ক্ষমা করুন।

সাহানা। আপনি ক্ষমা ক'রবেন না?

নীহার। আমার স্বামী আমায় ত্যাগ ক'রেছেন, তোমার অপরাধ কি?

সাহানা। আপনার স্বামীর অপরাধ নাই, আমিই অপরাধী।

নীহার। আমার স্বামীর অপরাধ নাই, আমি জানি; তিনি ত আমার বিবাহের পূর্বেই আমাকে ব'লেছিলেন, আমার সহিত সাক্ষাৎ ক'রবেন না।

সাহানা। তার কারণ আমি; আমি আপনার স্বামীকে কৌশলে সত্যে বন্ধ করি।

নীহার। কথা শুন্তে সাধ হয় বটে; তোমার রূপ তিল্ল কি অপর কৌশল ছিল? তাঁরে আমি যেরূপ জানি, তাঁর নিকটে কি কৌশল চলে?

সাহানা। কৌশল চলে না সত্য, কিন্তু তিনি রূপেরও বশীভূত নন।

নীহার। তবে তোমার বশীভূত হ'লেন কেমন ক'রে?

সাহানা। কেন বন্ধ হ'লেন, তা আমি জানি না। তিনি আমায় ছবি তুলতে নিয়ে গিয়েছিলেন। আপনার ছবি দেখ'লেম, মনে রিস হ'লো, আপনার সঙ্গে বিবাহও হবে শুন্'লেম—

নীহার। চূপ ক'লে কেন?

সাহানা। অশ্রুতাপে আমার হৃদয় দন্ধ হ'চ্ছে, তাই ব'লতে পাচ্ছি না।

নীহার। তুমি কাঁদ'চ কেন?

সাহানা। আমার কান্নাই দেখুন; হৃদয় দেখাতে পারব না। আমি পিপাসী, আপনিও পিপাসী,—সে স্বধা কার প্রাণ না চায়?—কিন্তু আক্ষেপ, আপনিও পেলেম না, তোমায়ও বঞ্চিত ক'লেম।

নীহার। আমার জন্তু আক্ষেপ কেন?

সাহানা। আমার পিপাসা এ জীবনে মিটবে না; কিন্তু অণুকে দেখে যে স্থখী হব, সে পথও রোধ ক'রেছি।

নীহার। আমার নিকট এসেছ কেন?

সাহানা। মনে মনে আকাঙ্ক্ষা, যদি তোমার হারা-মিধি তোমাকে দিতে পারি।

নীহার। আমায় ক্ষমা কর, তুমি আপনিই আপনার পরিচয় দিলে—তোমার কথা প্রতারণা নয়, আমার ধারণা হবে—কেমন ক'রে জান'লে?

সাহানা। আপনি আপনার স্বামীকে চেনেন; অবশ্যই জানেন, তিনি দেবতুল্য। নিত্য তাঁর দর্শনে মনের মালিন্য দূর হবে, এ কথা অনায়াসে অশ্রুভব ক'রতে পার'বেন। এই নিমিত্ত আপনার সঙ্গে সাক্ষাৎ ক'ত্তে সাহস ক'লেম।

নীহার। তুমিও যদি আমার স্বামীকে চেন, তা হ'লে অবশ্যই জান যে, তিনি সত্য লজ্জন ক'রবেন না; তবে তোমার এ আকিঞ্চন কেন?

সাহানা। তিনি সত্য লজ্জন ক'রবেন না জানি, কিন্তু আমি যদি তাঁকে সে সত্য হ'তে মুক্ত করি?

নীহার। তিনি তাতেও সন্মত হ'বেন না, তা কি তুমি জান না?

সাহানা। অপর উপায় আছে।

নীহার। কি ?

সাহানা। আপনার স্বামীর জীবনে কি উদ্দেশ্য জানেন ?

নীহার। না।

সাহানা। আমি এতদিন জানতাম না, সম্প্রতি জেনেছি ; তাঁর উদ্দেশ্য অতি মহৎ।

নীহার। আবার বলি, ক্ষমা কর ; তাঁর উদ্দেশ্য যদি মহৎ হয়, তোমার লভা হ'লো।

সাহানা। আপনি প্রত্যয় করুন—দিন দিন তাঁর উপদেশে তার উপযুক্ত হব, এই আশায় আমি যা ছিলাম—যা ব'লে পরিচয় দিলাম, এখন তা নাই। আমি পূর্বেই ব'লেছি, আমি পিপাসী, পিপাসায় জলদের নিকট পয্যন্ত উঠ'ব মনে ক'রেছিলাম ; কিছু উঠেই দেখতে পেলেন, এ জীবনে তাঁর নিকটে যেতে পারবো না।

নীহার। ভাল, তাঁর উদ্দেশ্য কি বল ?

সাহানা। তিনি সৌন্দর্যের নিমিত্ত লালায়িত, কিন্তু সুন্দরের পিপাসা তাঁর মেটে নাই। তাঁর অসীম কল্পনা-প্রসূত হৃদিগুলি জগৎকে সৌন্দর্য-রসে আন্দোলিত ক'রেছে বটে, কিন্তু তাঁর সৌন্দর্যের পিপাসা মিটে নাই ; তিনি দিবা-রাত্র একটা উলঙ্গ নর-নারীর মূর্তি সম্মুখে রেখে চিন্তা করেন ; কিন্তু তাদের মুখমাদুরী কিরূপ চিত্রিত ক'রবেন, স্থির ক'রতে পারেন না। নানা রূপ চিত্রিত ক'রেছেন—জগৎ মোহিত—কিন্তু তিনি তৃপ্ত হন নি ; সে আদর্শ যদি কেহ দেয়, তিনি তারে সকলই দিতে প্রস্তুত।

নীহার। এ কথা অর্থ কি ?

সাহানা। আমি সেই আদর্শ দেব ; তার পর তাঁর পদে যাচ্'ণা ক'রবো, এ জীবনে আর দ্বিতীয় যাচ্'ণা ক'রবো না,—অভাগিনীর নিকট তিনি দান নেন।

নীহার। ভাল, কি দান দেবে ?

সাহানা। তোমাকে দিব।

নীহার। আমি কি তোমার ?

সাহানা। ভগিনি, আমার হও, আমিও নারী ; আমি অনেক যন্ত্রণায় এ কথা ব'লেছি।

নীহার। ভাল, আমি তোমারই হ'লেম ; আর একটা কথা, সে আদর্শ তুমি কোথায় পাবে ?

সাহানা। আমি অনেক কৈদে পেয়েছি।

নীহার। আমি তো কাঁদি, পাই নি।

সাহানা। তোমার প্রাণ পোড়ে নি, আশা ভঙ্গ হয় নি ; তোমার কান্নায় আমার কান্নায় প্রভেদ আছে। সহজ প্রভেদ বোঝ, তুমি অভিমান করে আছ, আর আমি উপযাচিকা।

নীহার। কৈদে পেয়েছ ?

সাহানা। পেয়েছি ; আমি তাঁরে যত ভালবাসি, তিনি যদি তত ভালবাসতেন, তা হ'লে তাঁর হাত ধ'রে, আমার ব'লে প্রথম যে দিন দাঁড়াতেম, তখন আমাদের মুখের ভাব দেখে, তাঁর কঠোর প্রাণও তৃপ্ত হ'ত।

নীহার। সে আশা তোমার যদি বিফল হয়, তা হ'লে সে আদর্শ পাবে কোথা ?

সাহানা। সেই অর্কট আদর্শ কিন্ত আমি এখানে এসেছি। যদি অল্পতাপানলে দক্ষ হৃদয়ে বারি দান করার মাহাত্ম্য থাকে, সেই মাহাত্ম্য দিয়ে তোমায় কিন্তে চাচ্ছি, তুমি আমার হও।

নীহার। ভগ্নি, আমি তোমার ; কিন্তু পায়ে ধরি, মাজ্জনা কর,—তুমিও নারী, অভিমান বিদম্ভিত দিতে পারবে না।

সাহানা। তুমি পতিব্রতা,—এক অভিমান-ত্যাগে যদি শত অভিমানের মান থাকে, ভগ্নি, নারী হ'য়ে কি পায়ে ঠেলা উচিত ? অত স্পর্ধা নারীর সাজে না।

নীহার। তুমি আমার যথার্থই ভগিনী। দেখলেন, সত্যই সাজে না।

সাহানা। সাজবে না, আমি প্রথম গান শুনেই বুঝতে পেরেছি। যখন ভগ্না ব'লে, আবার একবার সে গানটি গাও, গানটি যেন চ'ক্ষের জলে মালা গাঁথা।

নীহার। চ'ক্ষের জলেই তো গৈথেছি।

(গীত)

খাম্বোজ—মধ্যমান।

জানি নে কেন যে ভালবাসি,

যতনে যতনা বাড়ে কেন মন অভিলাসী।

দেখি বা না দেখি ভাল, ভালবেসে থাকি ভাল,

কি হ'ল বিফল আশা, বাসনা-সাগরে ভাসি।

সাহানা। বাসনা-সাগরই বটে। হায়! আমি কুল পাব

না? এখন চ'লেম, কাল আবার এমনি সময় আসব, কথা আছে।

[সাহানার প্রস্থান।

(কতিপয় স্ত্রীলোকের প্রবেশ)

১মা স্ত্রী। ভাই, আমার স্বামী সব জেনেছেন।

নীহার। আমিও সব জানতে পেরেছি।

১মা স্ত্রী। তোমায় কে ব'লে?

নীহার। তোমার স্বামীকে বে ব'লেছে।

১মা স্ত্রী। তুমি সেই খান্‌কীর সঙ্গে দেখা ক'রেছিলে না কি?

নীহার। ভাই, তুমি খান্‌কী বল' না—এখন সে পবিত্রা।

১মা স্ত্রী। তুমি কখন' এ কথা বিশ্বাস কর—কয়লা কখন হীরে হয়?

নীহার। ভাই, মন কয়লা নয়, হীরে; তবে কখন' কখন' ময়লা লেগে থাকে।

২য়া স্ত্রী। কিন্তু ভাই, তোমার মন পাষণ।

১মা স্ত্রী। কেন? তোমার স্বামী কি সত্য চিঠি লিখেছেন—“তোমায় বিয়ে ক'রব, কিন্তু মুখ দেখ'বো না,”—কি ব'লে লিখলে?

নীহার। আমার প্রতি কথা স্মরণ আছে—

“তোমায় আমি ভালবাসি কি না, জানি না। তোমায় বিবাহ ক'রতে পিতৃ-ঋণে বাধ্য, বিবাহ ক'রবো, কিন্তু বিবাহের পর সাক্ষাৎ হবে না। সম্মত কি অসম্মত, পত্নের উত্তর লিখো।”

১মা স্ত্রী। তুমি তার কি উত্তর দিলে?

নীহার। আমি উত্তর দিলেম, ‘আমিও পিতৃ ঋণে বাধ্য।’

১মা স্ত্রী। তার পর?

নীহার। তার পর আর কি, বে হ'লো।

২য়া স্ত্রী। ফুরিয়ে গেল!

নীহার। ফুরিয়ে গেল বৈ কি।

১মা স্ত্রী। ধর্মি ভাই, তোমাদের দু'জনের প্রাণ!

৩য়া স্ত্রী। তুমি কি ভাবছ?

নীহার। ভাবছি চের, এখন কি ক'রতে হবে?

২য়া স্ত্রী। যা ইচ্ছে তাই।

১মা স্ত্রী। তবে জলে ডুবে মর।

নীহার। দেখ্ ভাই, যেন জলের চেউয়ে প্রাণ চেউয়ে নিয়ে যাচ্ছে!

১মা স্ত্রী। দেখ্ দেখ্ দেখ্!—

২য়া স্ত্রী। মরি মরি মরি!

নীহার।—

(গীত)

যোগিয়া—থেমটা।

জলে হিলোলে প্রাণ চেউয়ে চেউয়ে কত চলে!

শুন মই, গুন্‌গুননি,—

কাণ পেতে শোন কে কি বলে।

দেখ না হান্‌ছে কমল, আপনি বিস্মল,

সোহাগে মই আপনি টলে!—

না জানি কার পানে চায়,

ভাসায়ে কায় বিমল-জলে।

[সকলের প্রস্থান।

তৃতীয় গর্ভাঙ্ক

চিত্রশালা

সাহানা ও হেমন্ত।

সাহানা। আমার আর সাজ'বার সাধ নাই।

হেমন্ত। এই সাজে আঁকি দেখ, দেখেই বুঝতে পারবে, আরও সাজা বাকী আছে কি না।

সাহানা। সাজা বাকী আছে—তা জানি, কিন্তু সে সাজা আর আমার দেখ'বার সাধ নাই। তোমার অসুগ্রহে আমি অনেক জিনিস দেখ'লেম। আমার দেখ'বার আর কিছু বাকী নাই। কিন্তু যে দিন তোমায় সুখী দেখ'বো, সেই দিন আমার জীবন সফল জ্ঞান ক'রবো।

হেমন্ত। আশায় কিসে অসুখী দেখ'লে?

সাহানা। তুমি আর আমার কাছে আত্ম-গোপন ক'রতে পার না। বিধাতা নারীকে পরাধীনা করেছেন, কিন্তু কার অধীন জান'বারও ক্ষমতা দিয়েছেন।

হেমন্ত। তুমি কি আমার অধীন?

সাহানা। অধীন যদি না হ'তেম, তোমার মনের কথা টের পেতেম না।

হেমন্ত। আমি জান্তেম, আমিই বড় পাগল, তা নয় ;
তুমি আমার চেয়ে পাগল।

সাহানা। যথার্থ ব'লেছ, তোমার পাগলামীর সঙ্গে
অনুতাপ নাই, আমার পাগলামীতে অনুতাপ আছে।

হেমন্ত। অনুতাপ ক'রো না, তা হ'লে পাগল হ'তে
পারবে না।

সাহানা। তুমি বারণ ক'চ্ছ, অনুতাপ ক'রবো না ;
কিন্তু তুমি যে স্ত্রীর মুখ দেখে না, তোমার অনুতাপ হয় না ?

হেমন্ত। না।

সাহানা। তুমি বড় কঠিন।

হেমন্ত। এ গাল তো ছ' বছর দিচ্ছ, কিছু নূতন গাল
দাও।

সাহানা। তোমার পূজাও নাই, গাল'ও নাই ;
অন্ততঃ আমি তো খুঁজে পাই না।

হেমন্ত। খুঁজে পাও না, কি ? গাল খোঁজ, না পূজা
খোঁজ ?

সাহানা। দেখ, তোমার কাছে আস্তে ভালবাসি,
কিন্তু এসে জ্ব'লে মরি।

হেমন্ত। তুমি বার বার এই কথা বল ; কেন, আমি
কি তোমায় অযত্ন করি ?

সাহানা। তুমি কিছুই অযত্ন কর না ; কিন্তু তুমি
আমায় মনুষ্যের মধ্যেই মনে কর না !

হেমন্ত। তোমায় বেশ মেয়েমানুষ মনে করি। মনে
ক'রে দেখ দেখি, তোমার জন্ম কি না ক'রেছি ?

সাহানা। দর্প রাখ, আমি সামান্য মেয়েমানুষ বটে,
কিন্তু তুমি যা চাও, আমি তা দিতে পারি।

হেমন্ত। তবে ত ভাল !

সাহানা। এখনও তাচ্ছিল্য ?

হেমন্ত। তাচ্ছিল্য করি না, কিন্তু যদি করি—তা হ'লে
কি ?

সাহানা। তোমার জীবনের চির-উদ্দেশ্য সিদ্ধ হবে
না।

হেমন্ত। পাগলের উদ্দেশ্য আছে, তুমি জান ?

সাহানা। তুমি আমায় হীন বিবেচনা ক'রে ঘৃণা
কর।

হেমন্ত। আমি তোমায় কখন' হীন বিবেচনা করি

নাই, আমার সমতুল্যই জানি। তবে তুমি আপনাকে
চেন না, আমি আপনাকে চিনি ; এখন যদি চিনে থাক
তো ব'লতে পারি না। ভাল, বল দেখি, আমি কি চাই ?
তুমি আমায় কি দিতে পার ?

সাহানা। তুমি ছ'বি লিখে সকলের প্রশংসা পেয়েছ ;
কিন্তু আপনার প্রশংসা পাও নাই। তুমি এমনি একটা
আদর্শ চাও, যাতে আত্ম-প্রশংসা পাও।

হেমন্ত। তুমি না ব'লে, আমি যা চাই, তা আমায়
দিতে পার ?

সাহানা। পারি। আমি তোমায় সে আদর্শ দেব, কিন্তু
দাম নেব।

হেমন্ত। দাম কি চাও ? যদি একবার সে আদর্শ
দেখতে পাই, আর তখন যদি আমার মৃত্যু উপস্থিত হয়,
তাতেও আমি প্রস্তুত।

সাহানা। আমার দাম এই, আমি যা তোমাকে দেব,
তুমি আদর করে নেবে। চূপ ক'রে রইলে যে ?

হেমন্ত। তুমি কি দেবে, তাই ভাবছি।

সাহানা। ভাবছ কি ? আমি হাতে ক'রে মন্দ
জিনিষ দেব না।

হেমন্ত। নেব স্বীকার পেলেম ; কিন্তু দাম দেব, এই
প্রথম তোমার কাছে স্বীকার ক'লেম। আমি আদর্শ কত
দিনে পাব ?

(গীত)

ভৈরবী—আড়াঠেকা।

দেখা দিয়ে দেখা দাও না,—

সাধি কাঁদি ফিরে চাও না !

বিভরে আঁখি ভরে, দেখি রে দেখি তোরে,

প্রাণ রাখি পদে—নাও না !

সাহানা। আজ আমি পরম সন্তুষ্ট হ'লেম।

হেমন্ত। কিসে ?

সাহানা। তোমায় ব্যাকুল দেখলেম।

হেমন্ত। আর কি কখন' ব্যাকুল হই নাই ? তোমার
পায়ে পর্য্যন্ত ধ'রেছি !

সাহানা। তোমার পায়ে ধরাও যা, গলায় ধরাও তা,
তাতে তোমার ব্যাকুলতা প্রকাশ পায় না।

হেমন্ত। তবে তুমি আশা দিয়ে আমাকে নৈরাশ ক'রবে না কি ?

সাহানা। যদি শোধ দিতে হয়, উচিত বটে ; কিন্তু আমি স্ত্রীলোক, তোমার মতন কঠিন প্রাণ নয়। তুমি কখন' পাথর খুঁদে পুতুল তৈয়ারি ক'ন্তে ?

হেমন্ত। না, এ কথা জিজ্ঞাসা ক'ল্লো কেন ?

সাহানা। বছর পাঁচ ছয় হ'লো, আমায় একবার নিয়ে গিয়েছিল। তুমি চিত্রকর, সে খুঁদে পুতুল তৈয়ারি করে। তারও তোমার মত সফল, কিন্তু তোমার মত অত ধন নাই।

হেমন্ত। সে কোথা থাকে ?

সাহানা। আমি একদিন গিয়েছিলেম, অত মনে নাই।

হেমন্ত। তুমি অনেক দিনের পর একটা মিথ্যা কথা ক'হলে।

সাহানা। যখন আমি বেড়া, তখন ত মিথ্যাকথা ক'ইবই।

হেমন্ত। আজ আমায় ভাবালে।

সাহানা। শুনে সুখী হ'লেম বটে। তুমি যে ছবিখানি নিৰ্জ্জনে ব'সে আঁক, সে ছবিখানি আমায় দেখাও।

হেমন্ত। কি ছবি ?

সাহানা। আর আমায় ভোলাচ্ছ কেন ? আচ্ছা, না দেখাও আমি ব'ল্চি। একটা পুরুষ মানুষ আর একটা স্ত্রীলোক ; দু'জনে হাত ধরাধরি ক'রে উলঙ্গ দাঁড়িয়ে আছে। আর ওই ছবি নিয়ে নিৰ্জ্জনে কি ভাব, তাও জানি। তাদের মুখের ভাব তুমি আঁকতে পাচ্ছ না। তা পারবে কেমন ক'রে ? আমি আদর্শ না দিলে তুমি আঁকতে পারবে না।

হেমন্ত। দিতে পার যদি, দাও না ?

সাহানা। আমি দিতে পারি, কিন্তু তুমি নিতে পারবে কি না, তা আগে পরখ ক'রে দেখি।

হেমন্ত। আচ্ছা, কি পরখ ক'রবে কর।

সাহানা। শুন বলি,—একটা স্ত্রীলোক একজনের অল্প ভেবে ভেবে পাষণ হ'য়েছিল, সে সত্য কালের কথা। পাষণ-মূর্তি হ'য়ে কত দিন থাকে ; দৈবে একদিন যার অল্প পাষণ হ'য়েছিল, সে তার কাছে উপস্থিত। পাষণ-প্রতিমা মনে মনে ভাবলে যে,—“হে পরমেশ্বর ! আমি

তো পাষণ, কিন্তু যদি এক মুহূর্তের জন্ত মানুষ হই, তা হ'লে আমি উহার সঙ্গে কথা কই!”—ব'ল্তেই মানুষ হ'লো। গল্পের এইটুকু জানি। তুমি এই গল্পটুকু শেষ ক'রে দাও।

হেমন্ত। আমি তো আর তোমার মত নটী নই যে, নাটক লিখ'ব। এই গল্প আমি কেমন ক'রে শেষ ক'রবো ?

সাহানা। আমি বেড়া হ'য়ে পাষণে প্রাণ দিলেম, তুমি একটা মানুষে প্রাণ দিতে পারলে না ?

হেমন্ত। তিরস্কারটি উপযুক্ত হ'য়েছে।

সাহানা। তোমায় দুই বৎসরের কথা মনে ক'রে দিচ্ছি ; আজ বল দেখি, তোমার শুকনো প্রাণ বই আর কি সম্বল ? এই শুকনো প্রাণ নাড়া চাড়া ক'রে পৃথিবী সরা জ্ঞান কর ?

হেমন্ত। কোথা চলে ?

সাহানা। তোমার সেই ছবি দেখতে।

হেমন্ত। না, না, ছবি দেখতে হবে না।

[উভয়ের প্রস্থান।

(হীরালালের প্রবেশ)

হীরা।

(গীত)

মাঝ— কাওয়ালী।

হেরিব পাষণে হাসি,—

সে হাসি কত ভালবাসি।

সরল প্রাণে দাগা দিয়ে, র'য়েছি ছায়া নিয়ে,

উদাসী ছায়ার হাসি, দিবানিশি মন পিয়ালী।

(হেমন্ত ও সাহানার প্রবেশ)

সাহানা। এ গান আমি শুনেছি, যে শিল্পীর কথা ব'ল্ছিলাম, সেই এ গীত গাচ্ছে। আমার বোধ হ'চ্ছে— এই সে শিল্পী।

হেমন্ত। আজ তুমি নূতন রকম কুহক দেখাচ্ছ।

হীরা। মহাশয়, আমায় বালক বিবেচনা ক'চ্ছেন করুন ; আমার যা কর্তব্য—বলি। আমার জ্ঞানোদয় অবধি পাথরে মূর্তি করি। অনেক রকম ক'রেছি, কিন্তু আমার মনের মতন একটাও হয় নাই। যখন মনের মতন ক'রতে পারেন না, তখন সে কাজ ত্যাগ করাই

উচিত। আমি এ স্থানে আর থাকুব না। আমার বহু যত্নের গঠন কাকে দিয়ে যাব? শুন্লেম, আপনিও একজন মাধুরী-উপাসক, যদি অল্পগ্রহ ক'রে গ্রহণ ক'রেন, আমি আপনাকেই সেইগুলি দিই।

হেমন্ত। তাতে আপনার লাভ?

হীরা। ক্ষতি লাভ কখন' গণনা করি না; স্মৃতির ব'লতে পারি না।

হেমন্ত। আমায় দিয়ে যদি সুখী হন, আমি নেব। (জনাস্তিকে) আজকে দানের পালা!

হীরা। আগে আপনি দেখুন, আপনার উপযুক্ত কি না?

হেমন্ত। কোথায় গেলে দেখতে পাই?

হীরা। (কাগজ লেখা ঠিকানা দিয়া) আজ সন্ধ্যার সময় এই ঠিকানায় গেলেই আপনি দেখতে পাবেন। আহা! এ স্ত্রীলোকটি কে? আমি আপনাকে কখন' দেখেছি?

সাহানা। আমি সামান্য বনিতা। আমায় দেখে থাকবেন, তা'র বিচিত্র কি!

হীরা। সন্ধ্যার সময় যাবেন কি?

হেমন্ত। যাব।

হীরা। যে আজ্ঞে, তবে চ'ল্লেম।

[হীরালালের প্রস্থান।

হেমন্ত। রঙ্গিণি, এ কি রঙ্গ?

সাহানা। আমি কেমন ক'রে জানব?

হেমন্ত। অবশ্যই জান; আমার প্রয়োজন আছে, চ'ল্লেম।

[উভয়ের প্রস্থান।

তৃতীয় অঙ্ক

—:০০:—

প্রথম গর্ভাঙ্ক

উপবন

(হেমন্তের প্রবেশ)

হেমন্ত। আহা! যতদূর নয়ন যায়, ততদূর কেবল সুন্দর মৃতি। একটু বিশ্রাম করি, আবার তোমাদের প্রাণভ'রে দেখব! (উপবেশন)

(গীত)

বেহাগ—একতারা।

জাগ? কুসুম জাগ কি আশে,—
নীলিমায় কেন তারকা ভাসে,
কেন নিশাকর ঢালিছে কিরণ,
তরু-লতা কেন নাচ রে!
বিজনে মাধুরী বিলাইছ কারে,
নীরবে কি রবে, ভাষ বারে বারে,
কার সোহাগে, কি অনুবাগে,
বনমাঝে সাজিয়াছ রে!

(প্রস্তরমূর্তিরূপে নীহার প্রভৃতির গীত)

লুপ-খান্ধাজ—খেম্টা।

ফুল তুলি আয় লো স্বজনি, সাজ'ব মনের সাথে;
দেখ'ব কেমন প্রেমিক অলি কাঁদে কি না কাঁদে।
কুসুমের মালা গাঁথা, একলা কেন প'রবে লতা,—
তুল'ব রতন, কুসুম-ভূষণ, ধর'ব' রসিকচাঁদে।
ধ'র'ব মোহিনী ছবি, সাজ'বো আজ বনদেবী,
রাখ'ব খোপাতে বেঁধে, মদমেরি ফাঁদে।

হেমন্ত। (চমকিত হইয়া) এ কি, এ স্থানে জনপ্রাণী ত নাই, এ সঙ্গীত কোথা থেকে হ'চ্ছে! পাষণ-পুতলীয়া গান ক'চ্ছে না কি? মীবব হ'লো।

(গীত)

পরজ—৫৭ ।

নীহার ।—

পাষণ প্রাণে পাষণ বল,
করি না করি না মানা ;—
পাষণ নয়, এ প্রাণে মাগা,
কে পাষণ, তা গেছে জানা ।
জেনে শুনে পাষণ প্রাণে,
প্রাণ সঁপেছি পাষণে,
যে জানে সে জানে,
কেন পাষণ করি উপাসনা ।

হেমন্ত । (একটা পুত্রলিকার নিকট গমন করিয়া)
না, এই স্থানে গান হচ্ছে । এ কি প্রস্তর-প্রতিমা, না
কুহক মাত্র । মরি—মরি, কি মোহিনী প্রতিমা !

সাহানা । (নীহারের হস্ত ধারণ করিয়া) এই আমার
দান,—গ্রহণ করুন ।

নীহার । নাথ, আমি এত দিন পাষণ হ'য়েছিলাম,
তোমার দর্শনে প্রাণপ্রতিষ্ঠা হ'লো ।

হেমন্ত । প্রিয়ে, আমায় ক্ষমা কর ।

নীহার । যদি সহস্র বৎসর পাষণ হ'য়ে থাকতেম, এই
কথাতেই তার শোধ হ'তো ।

হেমন্ত । (সাহানার প্রতি) তোমার দান আমি আদর
ক'রে নিলাম, কিন্তু তুমি আমায় আদর্শ দিলে না ।

সাহানা । আমি তোমার মত মিথ্যাবাদী নই ; তুমি
যেমন মিছে ক'রে বল, আমায় ভালবাস ! (সম্মুখে আসি-
ধরিয়া) তোমাদের ছ'জনের মুখের ভাব তোমার ছবিতে
তুলো ।

হেমন্ত । না, না, কেবল আমাদের মুখের ভাব তুলিতে
তুলে হবে না, এ মুখখানিও চাই । আমার হৃদয়ের যোগি-
নীও সেই পুরুষ-প্রকৃতির আরাধনা ক'রবে । তোমায়
ভালবাসি ব'লেছি ; আবার বল দেখি, আমি মিথ্যাবাদী !

(গীত)

লুম—থেম্‌টা ।

যামিনী মাতোয়ারা, মাতোয়ারা প্রাণ রে ;
মাতোয়ারা চলে, সুধা কাণে কান রে ।
কু-সুম মাতোয়ারা, মাতোয়ারা তারা,
মাতোয়ারা শর্শী, মাতোয়ারা তান রে ।

স্বনিকা

ভোট-মঞ্চ

বা

সঙ্গীত পুতলো নাচ ।



(সাময়িক ব্যঙ্গ-নাট্য)

[২২শে আশ্বিন, ১২৮৯ সাল, গ্রাসান্যাল থিয়েটারে প্রথম অভিনীত]

“বড়লাট লর্ড রিপনের শাসন-সময়ে কলিকাতা মিউনিসিপ্যালিটিতে প্রথম স্বায়ত্ব-শাসন-প্রথা (Local Self Government) প্রচলিত হয়। এই সময়ে কমিশনার নিকীচনে, ভোট লইয়া সহরে মহা হুলস্থূল পড়িয়া যায় ; সেই সময়ে এই ব্যঙ্গ-নাট্যখানি রচিত হইয়াছিল। গিরিশচন্দ্র স্বয়ং ‘নাচওয়ালার’ ভূমিকা অভিনয় করিয়া সম্পূর্ণ মূর্তন চংয়ে প্রহসনখানি আত্মোপাস্ত পরিচালিত করিতেন।” গিরিশচন্দ্র (২৫১ পৃষ্ঠা)

দৃশ্য—

পুতলোনাচের ঘর

(নাচওয়ালাগণ উপস্থিত, কালুয়ার প্রবেশ)

(গীত)

ঝড়, লাগাতা হাম যাহা যাতা,
নাম মেরা কালুয়া,—
হাম অনারারি, নেহি ভাতা পাতা,
খাতা হাম হালুয়া ।
যাহা তলাও রহেতা, হ্যায় জরিমানা,
বাগিচা রাখ্‌নে মানা,—
ছোটী ছোটী সব নর্দামা থা,
সরাপপিকে গিরনে মুন্সিল হোতা,
শোনেকো জ্যাগা কুচ খোড়ি মিল্তা,
ছোটী নর্দামা হাম বুজায় দিয়া,
হোড় চল্তা, পায়ের চল্তা,
মজ্জেমে গির্ততা দল্‌ দলুয়া ।

নাচ-ও । তুমি কে গো ?

কালুয়া । পি—পি—পি ।

নাচ-ও । কি ব'লে, তোমার কাঁটা হাতে, কাঁটা দে
বেড়াও পথে পথে ?

কালুয়া । পি—পি—পি ।

নাচ-ও । কি ব'লে, তুমি মেতর, তোমার ভারি
জোর, তুমি চ'লে গেলে পাশ দেয় সকলে—পইস্‌ পইস্‌
পইস্‌ ?

(ভুলুয়ার প্রবেশ)

(গীত)

নেহি করেগা মেতরকা কাম লেগা কমিসানি,—
বোলা হামকো মেরা রুপী জানী ।
ভোট আলবৎ লেগা, যো নেহি দেগা,
মেরা গোস্তা হোগা ;
হাম পচাশ রুপেয়া দেতা খাজানা,
সরাপ পিকে কেৎনা জরিমানা ;
বহৎ রোজসে কর্তা হ্যায়, হাম কাপ্তানী ।

নাচ-ও। ও গো, তুমি কে গো ?

ভুলুয়া। পি—পি—পি।

নাচ-ও। কি ব'লে, তোমার নাম ভুলুয়া, তোমার ভাই কালুয়া, তোমার জানী রুপী,—সরকার থেকে পেয়েছ লাল টুপী ? এবার কমিসানি নেবে, না ভোট পেলে ঘরে ময়লা দেবে ?

ভুলুয়া। পি—পি—পি।

নাচ-ও। কি ব'লে, তোমার গোস্বা বড়, তোমায় দেখে সবাই জড়সড় ?

ভুলুয়া। পি—পি—পি।

নাচ-ও। কি ব'লে, তোমার জানীর সঙ্গে বড় দস্তি, মতের জঞ্জ করে কুস্তি, তার বড় মুস্তি ?

ভুলুয়া। পি—পি—পি।

(মেত্রাণীর প্রবেশ)

(গীত)

হামকো নত দেনে হোগা,

নেই তো কুম্কা,—

নেই তো ছোড়ি চলা বাগা কুম্কা।

মাগুম হয়া তেরা বেইমানী,

তোম্‌সে নাহি পিগে হাম্‌ সরাপ-পানি,

মেত্রাণী লাও যাকে কুম্কা ॥

নাচ-ও। ও গো, তুমি কে গো ?

মেত্রা। পি—পি—পি।

নাচ-ও। কি ব'লে, তোমার নাম রুপী, তোমার খন্দম পেয়েছে রাঙা টুপী ? তুমি নখ্‌ না পেলে যাবে চ'লে ? নিদেন কুম্‌কো ঢেঁড়ি, দেবে পাড়ি,—চ'লবে না আর ময়লার গাড়ী ?

(জল-গাড়ীওয়ালার প্রবেশ)

(গীত)

ছিটাতা মিঠা পানি, মিলা গাড়ী-ঘোড়া,

মুক্‌ পর হকুম্‌ হায় বহত কড়া।

যব পানি লেগা,

যেস্‌কা সাদা ধুতি, ওস্‌কো ছিটায় দেগা,

রেণ্ডী দেখ্‌নেসে পিছে তাগা ;

হকুম্‌ হায় রোখ্‌নে জুড়ি,

হাম্‌কো তোম্‌ জাস্তা খোড়ি ;

পানি ছিটানে বহত হায় পিনে খোড়া।

নাচ-ও। ও গো, তুমি কে গো ?

জল-গা। পি—পি—পি।

নাচ-ও। কি ব'লে, তুমি সরকারী লোক, লোকের কাপড় ভিজাতে ভারি ঝোক, রাস্তায় হোক বা না হোক ?

জল-গা। পি—পি—পি।

নাচ-ও। কি ব'লে, তোমার রোকা ঘোড়া—দেখলে বুড়া মড়া—তার পড়ে ঘাড়ে, দাঁড়াও না কখন পথ ছেড়ে ?

জল-গা। পি—পি—পি।

নাচ-ও। বেড়ে, বেড়ে, বেড়ে।

জল-গা। পি—পি—পি।

নাচ-ও। কি ব'লে, কাম সারা হ'লো, সব চ'লে ?

[নাচওয়ালারা ভিন্ন সকলের প্রস্থান।]

(পুরোহিত, কোচমান, খানসামা, দাওয়ান, উমেদার, মোসাহেব, বজ্জকারক ও গুরুর প্রবেশ)

(গীত)

পুরোহিত।— বাঁচি যদি করবো পুরুতগিরি,

পায় গিয়েছে চড়ু --

কোচমান।— ছোড়গা কোচমানী, ভোট জুগুম কি জড়।

খানসামা।— তামাক সেজে আর রাত জেগে,

কক্‌মারি চাকরী পড়ি ভেগে,

দাওয়ান।— থাক্‌ দাওয়ানী পারি নি আনাগোনা,

ভোট ভোট ভোট খালি টানা ;

উমেদার।— বাবা উমেদারী কামে গড়।

মোসাহেব।— মোসাহেবী চলে না আর, হলো হাড়ি মার,

কজ্জকারক।— বাবা কুম্‌পে নিয়েছি ধার ;

শালা ভোটের তরে, দিলে গালে চড়।

গুরু।— বেল্লিক কথা, ভোট পাব কোথা,

রোদে চ'লে ধলো মাথা ;

বিদায় নিতে গেছি দায় পড়ে,

গুরুগিরি এবার দেব ছেড়ে,

করে রাস্তা হড়্‌ হড়্‌,

নিকো গাড়ীতে হাড়ীতে পড় তোরা পড়।

নাচ-ও। (পুরোহিতের প্রতি) ও গো, তুমি কে গো ?

পুরো। পি—পি—পি।

নাচ-ও। কি ব'লে, ছাড়্‌বে পুরুতগিরি, তোমার উপর জুগুম ভারি, পূজা হোক বা না হোক, গিন্নীর ধ'স্নেছে

রোগ, বলে ভোট ভোট ভোট, নইলে এই পূজায় দেখাবে
এক চোট, বল দেখি বাপু, কোথায় ক'রবে জোটা-
জোট ?

পুরো। পি—পি—পি।

নাচ ও। বইঠ্—বইঠ্—বইঠ্। (কোচম্যানের প্রতি)
ও গো, তুমি কে গো ?

কোচ। পি—পি—পি।

নাচ-ও। কি ব'লে, তুমি ছেড়ে দেগা কোচমানী, সময়
পাও না খেতে পানি ? জানী তোমার অম্বল রেঁধে
কাদে, এই ভোটের জ্বালায় প'ড়েছ বড় কাদে ?

কোচ। পি—পি—পি।

নাচ ও। বাবা যে টানা-পড়েন, বোড়া নাদে, সেইস
তল্লী বাধে !

কোচ। পি—পি—পি।

নাচ ও। বইঠ্—বইঠ্—বইঠ্। (খানসামার প্রতি)
ও গো, তুমি কে গো ?

খান। পি—পি—পি।

নাচ-ও। কি ব'লে, তুমি খানসানা, এনাম পেয়েছ
ছেঁড়া জ্বালা, আর পার না, ভোর রাতই আনাগোনা,
তাদের তো আর তামাক সাজতে হয় না, তোমাদের
ছোট খোকা নেছে ভোটের বায়না ?

খান। পি—পি—পি।

নাচ ও। কত্তা গিল্লীর চড়া ভুকুম, রেতে কারো নাইকো
ধুম, বৈঠকখানায় রাত দিন লোকের ধুম ?

খান। পি—পি—পি।

নাচ-ও। বইঠ্—বইঠ্—বইঠ্। (দাওয়ানজীর প্রতি)
ও গো, তুমি কে গো ?

দাওয়ান। পি—পি—পি।

নাচ-ও। কি ব'লে, তুমি দাওয়ানজী, ক'ছো ভাগ্‌চি
ভাগ্‌চি ; কত্তা ভারী বাগী, নিশ্চেস ফেলতে দেয় না ;
একে খুচে গেছে পাওনা, রেওংবা হ'য়েছে সায়ানা, তার
উপর এই পড়েন আর টানা ?

দাওয়ান। পি—পি—পি।

নাচ-ও। কাজ নাই তোমার আর, বয়েস তো হ'য়েছে,
হুও দক্ষিণমুখো রওনা, না একটু ব'সবে ?

দাওয়ান। পি—পি—পি।

নাচ-ও। মোটা পেট, কোমরের কসি একটু ক'সবে ?
বইঠ্—বইঠ্—বইঠ্। (উমেদারের প্রতি) ও গো,
তুমি কে গো ?

উমে। পি—পি—পি।

নাচ-ও। কি ব'লে, তুমি উমেদার, মনে মনে ভাবছো
হবে পগার পার ? তোমার উপরেই জ্বরদস্তি,—সার
হ'য়েছে চামড়া অস্থি, আর গন্তে যেতে পার না, কিন্তু না
গেলেই না ?

উমে। পি—পি—পি।

নাচ-ও। ক'রুচো উমেদারী, যদি পাও চাকরী ? এখন
বাজার গরম ভারি, যে দিন আন্লে ভোট তো ভাল,
নইলে জুতোর চোটে প্রাণ গেল ?

উমে। পি—পি—পি।

নাচ-ও। আবার বড়-বৌ নেছে বায়না ?—তবে তো
না ক'লেই না ! বইঠ্ যাও—বইঠ্ যাও—বইঠ্
যাও। (কর্জ্জকারকের প্রতি) ও গো, তুমি
কে গো ?

কর্জ্জ। পি—পি—পি।

নাচ-ও। কি ব'লে, তুমি কর্জ্জ ক'রে প'ড়েছ ভারি
ঘোরে, চাই দশটা ভোট, ঘুরে ঘুরে হ'য়েছ দড়া ; বড়
কত্তা ব'লেছে, নইলে সূদ ছাড়বে না এক কড়া ?

কর্জ্জ। পি—পি—পি।

নাচ-ও। কি ব'লে, তোমার লাঞ্ছনা ঘরে পরে, চড়
খেয়েছ ভোটের তরে, আহা ! এমন জায়গায়ও ধার নেয়,
ঘাম ছুটেছে গায়। বইঠ্—বইঠ্—বইঠ্। (মোসাহেবের
প্রতি) ও গো, তুমি কে গো ?

মোসা। পি—পি—পি।

নাচ-ও। কি ব'লে, তুমি মোসাহেব, এবার পাচ্ছে
বেগ ; আর চলে না, সব কাপড়ই ময়লা হ'লো ? কোথা
চড়তে জুড়ী, না হেঁটে প্রাণ গেল—এমন বদ'ইয়ার ভোটও
এল !

মোসা। পি—পি—পি।

নাচ-ও। বাবুর কাপড় প'রুতে পাও না, খানার নাই
ঠিকানা, তুমি ভোট কুছু:চ্চা এ দিকে, ও দিকে ব্রাণ্ডর
বোতল উঠলো ?

মোসা। পি—পি—পি।

নাচ-ও। আ গেল, চাকরগুলো একটু লুকিয়ে রাখে
না গা। বইঠ্ যা, বইঠ্ যা, বইঠ্ যা। (গুরুর প্রতি)

ও গো, তুমি কে গো ?

গুরু। পি—পি—পি।

নাচ-ও। কি ব'লে, তুমি গুরু। তোমার বুদ্ধি ভারি
সরু ; কিন্তু এবার প'ড়েছ ফেরে, কত চেউই তুলছে বাবা !
ভোট নিয়ে এলো কে রে ? উঠলো খৃষ্টানী দাঁজ, সে
ছিল ভাল। ব্রহ্ম-চেউ চ'লে গেল,—উঠলো আবার ভোট,
এ আবার কি নতুন ধর্ম উঠলো গা ?

গুরু। পি—পি—পি।

নাচ-ও। বিদেয় এক চেটে আটক, ভাবছ দেশে
সবুবে একচেটি, না হয় যাও দক্ষিণমুখে, উত্তরে ভারি
শুকো ; তোমার নস্তির ডিপে, খাও না হ'কো ?

গুরু। পি—পি—পি।

নাচ ও। বইঠ্ বইঠ্ বইঠ্।

(বাইজীর প্রবেশ)

(গীত)

কুমি কুমি পায়লা বোলে,—

পিয়লা পিয়া পিয়া, গোলাবী অঁখি চুলে।

ছেরাসে মজা চলা, ইয়ারা হেলা দোলা,

গোলোলা মালা দেগা পিয়া গলে।

নাচ-ও। ও গো, তোমরা কে গো ?

বাইজী। পি—পি—পি।

১ন নাচ। কি ব'লে, তোমরা বিল্লিওয়ানী ছাই ?

২য় নাচ। ছর পোড়ারমুখো—দিল্লীওয়ানী বাই।

এবার প্রাইস্ বড় হাই—শীগ্গির কেউ পাবে না ঘাই।

বাইজী। পি—পি—পি।

নাচ-ও। কি ব'লে, বাগানে নাচ হবে, লোক দেখতে
যাবে ; অমনি ভোট লিপে নেবে, তোমরা রওনা হ'য়েচ
তাই ?

বাইজী। পি—পি—পি।

নাচ-ও। যে ব'লবে ভোট দেব না, তার গালে দেবে
ঠোনা, যাচ্ছে তাড়াতাড়ি, দাঁড়িয়ে আছে গাড়ী ?

(খেলোয়াড়স্বয়ের প্রবেশ)

(গীত)

দোনো ভাই দোস্তিমে হোগা লড়াই,—

উফে জুলুমদার, হাম বোলে সাফাই।

নেই সমজে হায বেকুব খাড়া,

মেরা যেস্তে থা ভোট সব দিহি কাটাই।

নাচ-ও। তোমরা কে গো ?

খে-ছ। পি—পি—পি।

নাচ-ও। কি ব'লে, তোমরা ছ'ভাই, আপোসে
ক'বে লড়াই, চেগে উঠেছে ভোটের বাই, তুমি ব'ল্চ
গৌর, ও ব'ল্চে নিতাই ? তা মিনিয়ে ফেল না ছাই।

খে ছ। পি—পি—পি।

নাচ-ও। কভি নেই—লাগাবে গরম চাটি, একাত্তই
লাগবে, রগ্ তাগবে ?

খে ছ। পি—পি—পি।

নাচ-ও। তেরা নাক না তোড়ে, মেরা টিকি না ওড়ে,
তেরা কাণ না কাটে, মেরা গোপ না ছাটে !

[উভয়ের যুদ্ধ ও প্রস্থান।]

(কতিপয় পুস্তলিকার প্রবেশ)

(গীত)

দেখছি এবার প্রাণ বাঁচা ভার,
চার ভোটের তরে।

ই জুটে পুটে আন্ছে ছুটে,
লুকুই গিয়ে অন্দরে।

খিল্ দে এঁটে দিসু নে রে সাড়া,

না হয় বলিস্ ম'রেছে মড়া,

যুচ বে বালাই বলিস সাফাই,

জ্বলে নে গেছে ধ'রে।

তবু যদি বাড়াবাড়ি পেড়াপীড়ি হয়,

কালী কলম বের করে তুই দেখাবি রে ভয়,

দিবি তাড়া. ব'লবি দাঁড়া,

ভোট লেগাব জোর করে।

পুস্ত। পি—পি—পি।

নাচ ও। ভোট লেখাব, পালা পালা পালা ! দল
বৈদে সব আসবে মেলা, পালা পালা পালা !

(গীত)

না হ'লে নয় কমিসনার দেখছি যে বাজার,—

হবে সহর মাটী, বন্ডি খাঁটি,

টেক্স বাড়ী হবে ভার !

রেতে দিনে চ'লবে জলের কল,

আলো হবে গলি, কোথা হোটেল থাকবে বল ?

চ'লবে না চল রাস্তা জুড়ে,

থাকবে না আর এ বাহার ।

নতুন বাড়ী হবে না আর মাঠ,

থাকবে না আর ওলাউঠো উঠবে বার্ণিংঘাট,

স্বদ পাবে না সহর জুড়ে,

ঘুচবে মিউনিসিপাল ধার !

স্বহ স্বহ কোমর কি আঁটি,

হাত তুলবে ভোট নেবে গে আটকাবে ঘাঁটি :

কে করে আস্থা, চালায় রাস্তা,

বস্তি করে ছারপার ।

শিখেছে বিলাতী কারসাজি,

মেখে নেব আবার ভোটবাজি,

বুদ্ধি মস্ত, ক'রছি কস্ত,

দোস্তর মুখে দিব খার ।

নাচ-ও ও গো, তুমি কে গো ?

পুত্র । পি—পি—পি ।

নাচ-ও । কি ব'লে, তুমি গয়লা-পাড়ার গোপাল,
চালবে এক চাল ; কমিসানি নেবেই নেবে, বে-আইনি
ক'লে ঘানি দেবে ; তোমার সঙ্গে কে ?

পুত্র । পি—পি—পি ।

নাচ-ও । 'সবে ধন,' উনি ১ নম্বর স্বর্কি কুর্টতে
বিলক্ষণ ; ঘুমুচ্ছিলেন স'রুমের তেল দিয়ে, তাই প'ড়েছেন
পেছিয়ে ; আর কে চ'লেছে মাদা মাদা ?

পুত্র । পি—পি—পি ।

নাচ-ও । ১১ নম্বরে ভুটে গাধা, প'ড়েছে পাছে ; ছুটো
থায়, একটা নাচে ।

[পুত্রলিঙ্গাঙ্গের প্রশ্নান ।

(অপর একদল পুত্রলিঙ্গার প্রবেশ)

পুত্র । পি—পি—পি ।

নাচ-ও । কি ব'লে, বেঁধেছ ভোটের মোট, লাগিয়েছ
এক চোট ; কমিসনার হবে, কি ব'লবে ?

পুত্র । পি—পি—পি ।

নাচ-ও । হাত তুলবে কার দিকে ?

পুত্র । পি—পি—পি ।

নাচ-ও । দেখবে, যে দিকে কানাই বলাই, বেশ
ঠাউরেছ ভাই, তোমার মতনই কমিসনার চাই ।

(উক্ত দলের প্রশ্নান ও অপর দলের প্রবেশ)

নাচ-ও । ও গো, তোমরা কে বল গো ?

পুত্র । পি—পি—পি ।

নাচ-ও । কি ব'লে, তোমাদের আইন প'ড়ে মুখ ভারি
সাফাই ; হ্যা, হ্যা, নইলে কি কমিসনিতে লাফাই ;
তোমরা কোন্ দিকে ভাই ?

পুত্র । পি—পি—পি ।

নাচ-ও । কারো দিকেই নাই, ছুটো পয়সায় একটা
টাইটেল চাই ?

(উহাদের প্রশ্নান ও অপরদলের প্রবেশ)

নাচ-ও । ও গো, তোমরা কে গো ?

পুত্র । পি—পি—পি ।

নাচ-ও । কি ব'লে, তোমরা বড়লোক, ধ'রেছ ঝাঁক ?
ঠোক তাল ঠোক ; সেই তো উকীলপাড়ায় যাও, ঘরের
খাও ; কি ক'রবে ছাই, মিটিংয়ে গে তুলবে হাই ।

[প্রশ্নান ।

(অপরের প্রবেশ)

পুত্র । পি—পি—পি ।

নাচ-ও । তুমি কে গো, ভোট বড় পাও নি বটে, তবু
রাখ'চো পেটলেন এঁটে ?

পুত্র । পি—পি—পি ।

নাচ-ও । আঁচো যাবে কোটে, কমিসনার তো না
হ'লেই নয়, সহরটা ম'জে যায় ।

(প্রশ্নান ও অপরদলের প্রবেশ)

নাচ-ও । তোমরাও সব হাত তোলবার দল, টাকা
আছে, ক'রেছ আচ্ছা কল ।

পুত্র । পি—পি—পি ।

নাচ-ও । হাজার হোক, পড়া-শুনা তো ক'রেছ, বাবুর
ক্রাসের পরিচয়টা দেবে, ক'টোক থাকবে ?

পুত্র । পি—পি—পি ।

নাচ-ও। তিন ঢোক, তবে তাল ঠোক।

(উহাদের প্রশ্নান ও অপরের প্রবেশ)

নাচ-ও। ও গো, তুমি কে গো ?

পুত্র। পি—পি—পি।

নাচ-ও। কি বল্লে, তোমরা ডাক্তার, ফেলে ক্যাপ
দেবে সামলার বাহার,—তোমরা কার ?

পুত্র। পি—পি—পি।

নাচ-ও। হ্যা, হ্যা, জানাই তো যার, কথায় কাজ নেই
আর।

(উহাদের প্রশ্নান ও অপরের প্রবেশ)

নাচ-ও। ও গো, তুমি কে গো ?

পুত্র। পি—পি—পি।

নাচ-ও। কি বল্লে, তুমি কানাই, তোমার বড় ঘাই,
প্রজার মুখে দিয়ে ছাই, টাইটেল নির্ঘাত চাই ?

পুত্র। পি—পি—পি।

নাচ-ও। শিখচ ফুন্-মস্তুর, যত বড়লোক সব তোমার
যস্তুর ; তুমি ধন্নি ছেলে ! কোথায় দড়ি পেলে ? দেখ
বান্ধতে কান্ধুর ঘোড়া নাই।

পুত্র। পি—পি—পি।

নাচ-ও। ভোট তোমার একচেটে ; ভাবছ কিম্ব
তোমার বলাই গেছে গোষ্ঠে, পাছে মারা যয় মাস্তে।

পুত্র। পি—পি—পি।

নাচ-ও। বটে, বটে, বটে।

(উহাদের প্রশ্নান ও নাপিনীর প্রবেশ)

(নাপিনীর গীত)

আমি কৃষিকটা রসের নাপিনী,—

ছোড়াকে বলবো এবার করে যেন কমিগানি।

ন-পাড়ার গিল্লী মার্গী,

গাল দিয়েছে গত্তরখাগী,

নাইকো কড়ি কিন্তে দড়ি,

কিনের জারি জানি নি।

ছোড়া যদি কাকটা পেতো,

বাড়ীর উপর রাস্তা যেতো,

এমন তো হ'চ্ছে কত,

ব'লেছে ভূতী মিতিনী।

নাচ-ও। ও গো, তুমি কে গো ?

নাপ। পি—পি—পি।

নাচ-ও। কি বল্লে, তুমি নাপিনী, তোমায় দেখলেই
বলে, কেটে দে নখ কুণি, তুমি ক'চ্ছো ফব্ ফব, রেগে
চ'লেছ ঘর ?

নাপ। পি—পি—পি।

নাচ-ও। মিন্লে যদি হয় কমিশনার, বড় বাড়ী রাখবে
না আর, বাড়ীর উপর চালাবে রাস্তা, আছে ব্যবস্থা,
ব'লেছে বুদ্ধির ধূচনি, তোমার ভূতী মিতিনী।

(নাপিনীর প্রশ্নান ও অপের পুত্রলিকার প্রবেশ)

নাচ-ও। গড় ড্যাম রেণ্ড, কোন হায়, কুচ্ পরওয়া
নেই—ড্যাম ফুলি ড্যাম, তোমরা কে গা ?

পুত্র। পি—পি—পি।

নাচ-ও। কি বল্লে, তোমাদের আছে লক্ষণ, আগে
ব'ল্লে মোচার দণ্ট, এখন বল গুটন ; আগে ব'ল্লে কলা,
এখন বল কেলা, বুঝেছি, আর ব'ল্লে হবে না মেলা—
ড্যাম ফুলি ড্যাম, খেলে কত হাম, তবু হ'লো না ম্যাম !

পুত্র। পি—পি—পি।

নাচ-ও। সদাই আটা পেটুলন, কাজ-কম্ব নাই
তেমন, আবল তাবল ব'ক্লে পাও না, যাও না মিটিংয়ে
যাও না,—কিছু না হোক নামটা হবে, কাগতক্ আর
একলা ব'সে খাবি খাবে।

পুত্র। পি—পি—পি।

নাচ-ও। গট হ'য়ে আছ ব'সে, তোমার ভোট দিক্
এসে, তোমাদের ই'রাজী খব মড়-গড়, এই ভোট পা'ড়ল
তড়তড় ; ড্যাম ফুলি ড্যাম !

(পাত্রী সাহেবের প্রবেশ)

নাচ-ও। ও গো, তুমি কে গো ?

পাত্রী। পি—পি—পি।

নাচ-ও। কি বল্লে, তুমি ভূমুণ্ডি, এখন ধ'রেছ ঠণ্ডি ;
মিটিং ক'ব্বে ঘ্যান ঘ্যান, শক্র মিত্র দেবে পিটটান ?
ভাষায় বিদ্যা বড় দর, কোন্ কথায় কি গোড়া, তা ক'রেছ
মড়গড় ; দেখছ ঠিক ফাদার থেকে বাবা, মাদার থেকে
মা ; ভোটের কি কুটি গা।

পাত্রী। পি—পি—পি।

নাচ-ও। ফোট থেকে ভোট; ফোট মানে কেলা,
ফোট মানে চাঁপা-কলা; বোঝ না কেন, কেউ পেয়েছে
বার শো, আর যে বড় ডাক্তার সাহেব—পেয়েছে পাঁচটা
পোড়া খয়ের মো।

(একজনের প্রবেশ)

নাচ-ও। ও গো, তুমি কে গো ?

এক-জ। পি—পি—পি।

নাচ-ও। কি বললে তুমি গো বেচারি, তোমার বাড়ীর
চারিদিকে নার্কেল-চারি ? তোমার কি, তুমি বুদ্ধির
টেকি, কারুক কি অন্য় করতে দাও ! আইন জান,
জারি করে দেখ—যদি ভোট পাও।

এক-জ। পি—পি—পি।

নাচ-ও। কি বললে, তুমি মাতো পোক স্বর্গে যেতে,
আটকে গিয়েছ আন্ধক গাথে ? তুমি কলির হরিশ্চন্দর,
তোমার লেকচার বড় সুন্দর, পেয়েছ ঠিক অন্দর—ড্রুণ

ক'রেছ ভেয়াস কি বাস্মীকি, গ্যাকেভিলি বা কণিকী ;
তোমার ধান ভানতে শিবের গীত, বাহাবা তোমারই
জিত !

(সমবেত গীত)

শুনলে পরে সখের ভোট-মঙ্গল,—

বো-বেটা সব ঠাও থাকে

ঘুমিয়ে বাঁচে ছেলের দল।

দলাদলি চলাচলি উঠে গিয়েছে,

ভোট নামে কোট গায়ে দিয়ে,

সেই এল কেঁচে ;

এবার ইংরাজী ধাঁজ কড়া মেজাজ,

সহর জুড়ে বাজলো ঢোল।

রোকের চোটে আপন পব নাই ভেদ,

হাল যজ্ঞ বন্ধমেধ,

বড় ধুম জ্বলো আগুন, ঘুচলো মনের খেদ ;

দিগ্বিজয়ী যজ্ঞ বটে বুঝবে এবার ফলাফল।

গল্প ও নক্সা

হাবা

['নলিনী' মাসিক পত্রিকায় (৮ম সংখ্যা, অগ্রহায়ণ, ১২৮৭সাল) এই গল্পটি প্রথম প্রকাশিত হয়]

ভিজিতে ভিজিতে বিশ্বনাথ গোলপাতার ছাতা ঘাড়ে
করিয়া বাড়ীতে আসিলেন।

গৃহিণী বলিলেন,—“না ভিজ্লে নয়?”

বিশ্বনাথ উত্তর করিলেন,—“স্বীলোকটি মারা যায়।”

গৃহিণী। এখন তুমি যে মারা যাব, তার কি? বেলা
তৃতীয় প্রহর, এখনও উদরে অন্ন নাই, ভোরের বেলা
এমন দুর্ঘ্যোগেও বাহির হইয়াছ!

বিশ্ব। কি জ্ঞান,—পরোপকার পরমধর্ম। শিশু
সন্তানটি জিজ্ঞাসা করিল,—“বাবা, তুমি যে বাহিরে গেলে,
আমার পূজার জুতা আনিবে বলেছিলে, তা কৈ আমায়
দাও?” কুক্ষণে বিশ্বনাথের মনে উদয় হইল, “আমি
অভাগা, পরোপকারক! আমার উপকার কই?”

বিশ্বনাথ আহারাদি করিয়া শয়ন করিলেন। এমন
সময়ে তাঁহাকে এক ব্যক্তি বহির্কাটাতে ডাকিল। তিনি
দেখা দিয়া জিজ্ঞাসা করিলেন,—“কে গা?” আগন্তুক
উত্তর করিল,—“হরমণির চরমকাল উপস্থিত, আপনাকে
কি বলিবেন।” বিশ্বনাথ উত্তর করিলেন,—“বাও,
যাচ্ছি।” কিন্তু গেলেন না। পূজার সময় বিশ্বনাথ
ছেলেটিকে জুতা দিতে পারেন নাই,—এই ক্ষোভ তাঁহার
হৃদয়ে বলবান হইতে লাগিল। অনেক উপার্জন করিয়া-
ছিলেন, পরের জন্ত সকলই ব্যয় হইয়াছে, আজ সেই ক্ষোভ
হইল! তেমন বয়স নয় যে, পুনরায় উপার্জন করিতে
পারেন। যাহা আয় আছে, সংসার নির্বাহ হয়, মোটা
ভাত, মোটা কাপড়; তাহাতে আর বিশ্বনাথের তৃপ্তি
নাই। কোথায় অর্থ পাইব, কি হইলে অর্থ হইবে, এই
ভাবনায় ব্যাকুল হইতে লাগিলেন। এমন সময় বহি-
র্কাটাতে আবার ডাক হইল,—“বিশ্বনাথ বাবু বাড়ীতে
আছেন?” বিশ্বনাথ বাহিরে গেলেন, আগন্তুককে বসিতে
বলিয়া জিজ্ঞাসা করিলেন,—“কি সংবাদ?” আগন্তুকের
নাম কেনারাম। উত্তর করিলেন,—“মহাশয়ের রূপায়
যে চাকরীটুকু পাইয়াছিলাম, তাহা যায় যায় হইয়াছে,
দশজনের কথায় রায় বাহাদুর আমার চোর ঠাওরা-

ইয়াছেন।” বিশ্বনাথ উত্তর করিলেন,—“আমি কি
করিব?”

কেনা। দুই এক কথা আমার হ'য়ে বলিয়া দিবেন।

বিশ্ব। আমার লাভ?

কেনারাম উত্তর বুঝিতে পারিলেন না। ‘লাভ’ এ কথা
বিশ্বনাথের মুখে পূর্বে কখন শুনে নাই। স্তব্রাং উত্তর
করিলেন,—“আজ্ঞে?” বিশ্বনাথ বলিলেন,—“আজ্ঞে
রাখ। লাভ এ কথার অর্থ বুঝ না?” কেনারাম কেমন
কেমন হইয়া বলিলেন,—“তাই ত, তাই ত!” কেনা-
রামের কাষ্যসিক্কি হইল না।

বিশ্বনাথের কিছুই ভাল লাগে না। যাহার জুতার
জন্ত তাঁহার মন বিচলিত হইয়াছে, তাহাকেও দেখিলে
তাঁহার রাগ হয়। মনে ভাবেন,—“পল্লীতে এমন
কে আছে যে, আমার দ্বারা উপকৃত হয় নাই? কেহ
লাটমাহেবের দেওয়ান, কেহ অতুল ঐশ্ব্যের অধিকারী,
কাহারও একমাত্র সন্তান আমার ঘরেই বাঁচিয়াছে, কাহারও
আমার অর্থে জেল নিবারণ হইয়াছে, কিন্তু আমার দৈন্যদশা
কে দেখে?” পরোপকার যে স্পন্দে খাটাইবার জিনিষ
নয়, তাহা বিশ্বনাথ বুঝিতে পারিলেন না।

বলিয়াছি, বিশ্বনাথের কিছুই ভাল লাগে না,
ক্রমে ঘরে দোর দিলেন, গৃহিণীরও প্রবেশ করিবার
অধিকার নাই। তিনি অর্থোপার্জনের নানাবিধ উপায়
অবদারিত করিতে লাগিলেন, কিন্তু তাঁহার বিবেচনায়
পরপীড়ন ব্যতীত অর্থোপার্জন হয় না, এই কথাই সাব্যস্ত
হইল। “পরপীড়ন করিব?—ক্ষতি কি?” একবার
একটু ক্ষতি মনে উদয় হইয়াছিল, তাহা রহিল না।
সাব্যস্ত হইল, পরপীড়ন করিব।

বিশ্বনাথ ঘরের দোর খোলেন না। দোর
খুলিয়া দেখিলেন, ঘনঘটাবৃত রজনী—টিপ্ টিপ্ বৃষ্টি
পড়িতেছে, আকাশে তারা নাই, স্বভাবে শব্দ নাই।
কেবল এক একবার রোদনস্বরে সমীরণ বহিতেছে।
দেখিতে দেখিতে অন্ধকার ভয়ঙ্কর বোধ হইতে লাগিল,

কিন্তু তখাচ বিশ্বনাথ বাহিরে যাইবেন না। একপ যাওয়া বিচিত্র নহে। অনাথা বা অভাগিনীর রোদনাশ্রু মুছাইতে বার বার গিয়াছেন, কিন্তু আজ অন্ধকারের প্রতি লক্ষ্য হইল। মনে মনে কিঞ্চিৎ ইতস্ততঃ করিতে লাগিলেন। দেবেন্দ্রবাবুর চরমকাল উপস্থিত, তাহা তিনি জানেন। দেবেন্দ্রবাবুর অতুল ঐশ্বর্য, কিন্তু তৎসঙ্গেও তিনি চক্ষু মুদিলে শিশু সন্তানগুলি অনাথ হইবে, কারণ তাঁহার আত্মীয় কেহই নাই। দেবেন্দ্রবাবুর রুগ্নশয্যাগারে লোকের অভাব নাই, সকলেই দেবেন্দ্রবাবুর নিমিত্ত যে প্রাণ দিতে হইবে না, সেই প্রাণ দিবার জ্ঞতা প্রস্তুত। কৌচা বা অঞ্চল বার বার চক্ষে উঠিতেছে। কিন্তু একটা রমণী তাঁহার শিয়রে বসিয়া আছে, সে চক্ষু মুদিতেন না। সৌদামিনীকে পূর্বযৌবনা বলিলেও বলা যায়, অল্প বয়সে দু'টি স্তনস্থান হইয়াছে। সৌদামিনী পরম লজ্জাশীলা, কিন্তু আজ লজ্জা নাই। মনে মনে দশবার করিয়াছেন যে, একবার বাহিরে যাইয়া কাঁদি, কিন্তু সে সময়ে যদি দেবেন্দ্র একবার ইঙ্গিত করে—“জল চাই, বা বাতাস চাই”—কে সে ইঙ্গিত বুঝিবে? পতিপরায়ণা সৌদামিনী কাঁদিবার অবকাশ পান নাই। এমন সময়ে বিশ্বনাথ উপস্থিত হইলেন। ডাক্তারবাবুকে ইঙ্গিত করিয়া বাহিরে লইয়া গেলেন। কি কথা কহিলেন, পুনর্বার ঘরে প্রবেশ করিলেন, সৌদামিনীকে জিজ্ঞাসা করিলেন—“মা আহার হইয়াছে?” এ কথায় সৌদামিনীর চক্ষে জল আসিল, কিন্তু উত্তর করিতে পারিলেন না; বিশ্বনাথ কথার প্রতীক্ষা করিলেন না, বাহিরে গেলেন, সকলেই বুঝিল যে, সৌদামিনীর নিমিত্ত আহার আনিতে যাইতেছেন। কারণ,—এইরূপই বিশ্বনাথের কার্য। বিশ্বনাথ খাচুসামগ্রী লইয়া আসিলেন, যেন সেই অবস্থায় চিরদিন আনিতেন। কার্য সমান হইল, কিন্তু সে ভাব নাই। সৌদামিনীকে বলিলেন—“আমি শিয়রে বসিতেছি, তুমি বাহিরে যাইয়া যৎকিঞ্চিৎ আহার কর।” ক্ষুধার অনুরোধে যত হ'ক বা না হ'ক, বিশ্বনাথের কথার অনুরোধে সৌদামিনী উঠিতে বাধ্য হইলেন। বিশ্বনাথ শিয়রে বসিলেন; সকলকে বলিলেন,—“ডাক্তারবাবু আমায় বলিয়াছেন, এত লোকসমাগম ভাল নয়।” সকলেই বাহিরে গেল। তখন বিশ্বনাথ ধীরে ধীরে দেবেন্দ্রের কর্ণে বলিতে লাগিলেন,—“দেবেন্দ্রবাবু, দু'টি ছোট ছোট ছেলে, উইল করিলে

ভাল হয়।” দেবেন্দ্র উত্তর করিলেন—“বিশ্বনাথ বাবু, আমার কি এমন অবস্থা, তবে কেন সৌদামিনী বলে, আমি বাঁচিব?” বিশ্বনাথ প্রত্যুত্তর দিলেন,—“আমি তা বলিতেছি না, কিন্তু সকল অবস্থাতেই লোকের উইল করা ভাল।”

দেবেন্দ্র বলিলেন, “বুঝিলাম, কিন্তু সৌদামিনী যেন একথা না শুনে।”

বিশ্বনাথ বলিলেন,—“শুনা আবশ্যক। কারণ, তিনি বানীচ আর অছি হইবার জ্ঞতা কাহাকেও দেখি না। অছির সকল বৃত্তান্ত জানা আবশ্যক।”

দেবেন্দ্রবাবু বলিলেন,—“কেন মহাশয়, আপনি হউন না?”

বিশ্বনাথ উত্তর করিলেন,—“আমার ইচ্ছা বটে, কিন্তু ভয় পাই, পাঁচজনে কি ব'লবে।”

দে। পাঁচজনে যাইতে বলাক, কিন্তু আপনাকে ইহা স্বীকার পাইতে হইবে। সৌদামিনী ছেলেমানুষ, আমার সন্তানগুলির আর উপায় দেখি না।”

বি। ভাল, বাজাট বাড়িরে, কি করিব? আমি স্বীকৃত।

দেবেন্দ্রের মৃত্যু হইল। সৌদামিনী তিন দিবস কাঁদিলেন। কোলের ছেলেটি একদিন মার কান্নায় কাঁদিয়াছিল, আর দুই দিন কাঁদে নাই। দাসী ছুধ দিয়াছে, তাই থাইয়া পাশে বসিয়া আছে। কি জানি, কেন ভরসা করিল,—সৌদামিনীকে ‘মা’ বলিয়া ডাকিল। সৌদামিনী উঠিলেন, হাবাকে কোলে লইয়া বলিলেন,—“আমার নীরদ কোথা?” নীরদের মার কাছে আসিতেও লজ্জা হইয়াছিল, কিন্তু আসিল। হাবাকে কোলে লইলেন, নীরদকে চুম্বন করিলেন মাত্র। দান-দাসীর অভাব নাই, তথাপি গৃহ জনশূন্য। এমন সময়ে একজন দাসী সঙ্গে করিয়া বিশ্বনাথ উপস্থিত হইলেন। বলিলেন—“মা গো, গৃহিণী পীড়িত, হরমণিকে পাঠাইয়া দিয়াছিলাম, তাহার নিকট গুনলাম, তুমি তিন দিন আহার কর নাই। শোক কর, শোকেরই কারণ বটে, কিন্তু এক একবার ছেলেগুলিকে না দেখিলে ত নয়? মা, চিনির পানা আনিয়াছি, একটু মুখে দাও।”

সৌদামিনী মুখে দিলেন। বিশ্বনাথ বলিলেন,—“উঠ,

স্মান কর। রাধামণি ছুটি প্রসাদ আনিয়াছে—তাহাও খাও। আমি আসিতেছি, তোমার সহিত বিশেষ কথা আছে।”

সৌদামিনী তখন হাবাকে কোলে করিয়াছে, নীরদের মুখ দেখিয়াছে, ‘কাঁদিব’—ভাবিল, ‘কিন্তু মরিব না’ উঠিল—রাধামণির প্রসাদও স্পর্শ করিল।

সন্ধ্যাকালে বিশ্বনাথ আসিলেন, বলিলেন,—“না, তোমার স্বামী আমার প্রতি একটা গুরুতর ভার অর্পণ করিয়া গিয়াছেন। আমি কখন বিষয়ী নহি, এ বিষয়-কায্য কিরূপে নিরীক্ষা করিব—এই ভাবিতেছি। যদি কেহ এমন থাকে, আমি দেখিব শুনিব, সে কায্য নিরীক্ষা করে, তাহা হইলে ভাল হয়। দেখ, তুমি যুবতী, আজি তোমার নিকট ছুইবার আসিতে হইল। কর্মোপলক্ষে আসিতে যাইতে হইবে, আমি তাই ভাবিতেছি।”

সৌদামিনী উত্তর করিলেন,—“বাবা, তুমি না আসিলে কে ছেলে ছুটিকে দেখবে, আর আমার ত কেহ নাই যে দেখে।”

আরও কথোপকথন হইল, সৌদামিনী ভাবিলেন, বিশ্বনাথ বথার্থই মহাত্মা।

দিন যায়, থাকে না। সৌদামিনীর মুখে সৌদামিনীর শ্রায় মারো নরো হাস দেখা দেয়, কিন্তু ঘনমালা ঘুচে নাই। বিশ্বনাথকে মহাত্মা জানিতেন, কিন্তু যে বিশ্বাসের ব্যতিক্রম ঘটয়াছে। তিনি সশঙ্ক জ্ঞানে অস্থান করিতেন যে, তাহার স্বামী যথেষ্ট সম্পত্তি রাখিয়া গিয়াছেন, তাহাতে আজি এ বাড়ী, কাল সে বাড়ী বেচিবার আবশ্যক নাই। বিশ্বনাথ বলেন—‘আবশ্যক,’ স্তত্রাং স্বাক্ষর দেন; কিন্তু এবার যা কথা হইতেছে, তাহাতে স্বাক্ষর দিতে তিনি ইচ্ছুক নহেন।

বিশ্বনাথের আর দৈন্দ্রদশা নাই, কিন্তু ভিজিতে ভিজিতে গোলপাতার ছাতা ঘাড়ের গৃহে প্রত্যাগমনপূর্বে গ্রামে গ্রামে গৃহিণীর তিরস্কার খাইয়া যে স্থখ ছিল, তাহা আর বিশ্বনাথের নাই। ‘পরোপকার পরম ধর্ম’ এই কথাই প্রচার, তাহাতে এখন অনেকের বিশ্বাস, সেই বিশ্বাসের উপস্থিত বিশ্বনাথ ভোগ করেন।

পাঠক, সেই ছেলেটিকে মনে করুন, যার জুতার নিমিত্ত বিশ্বনাথের দুর্দশা,—সে নোট কাটে, সৌরভকে

রাখিয়াছে, পূজাতে মৌরভের মাকে বারানসীর সাটা দিয়াছে। বিশ্বনাথের তাহার সহিত দেখা হয়; ইহাতে যদি স্থখ থাকে—থাকুক।

বিশ্বনাথ নীরদকেও দেখে। নীরদ তাহার পুত্রের সমবয়স্ক। মাতার প্রতি অচলা ভক্তি। যদি কখন মাকে কাঁদিতে দেখে, ভয়ে সৌদামিনী কাঁদে না, বলে—“মা গো, হাবাকে আমি মাতুষ ক’রে তুল্বে, আর আমি কি মেট বইতেও পারিব না?” সেই সময় নীরদ একবার হাসে, নচেৎ সমবয়স্ক তাহার হাসি দেখে না।

কলিক পদার্থ, বুদ্ধিতে পারিলাম না। যখন দেবেন্দ্রের শিয়রে সৌদামিনীকে দেখিয়াছিলাম, আমাদের পরম-রূপসী বালিকা জ্ঞান হইয়াছিল। পরিচ্ছদের ক্রটি ছিল না, বিনা পরিচ্ছদে দেখিলে দেবেন্দ্র পাছে ভয় পান, এই নিমিত্তই পরিচ্ছদ ছিল—এখন তাহার আবশ্যক নাই। ম্যানচীর, রুক্ষকেশ, চোখের কোলে কাণী পড়িয়াছে, তথাপি রূপ কেন ধরে না? এ কি রূপ? এ কি সন্ন্যাসিনী? না, তা ত নয়। নীরদ ও হাবা ছুটি ছেলে রাখিয়াছে, সন্ন্যাসিনী ত নয়। যদি কেহ নিরাভরণার সৌন্দর্য্য দাও, যদি কেহ পতিপরায়ণার সৌন্দর্য্য দাও, যদি কেহ মলিনা স্থলপদ্মের সৌন্দর্য্য স্বীকার কর, যদি কেহ মেধাবৃত চন্দ্রবার শোচনীয় সৌন্দর্য্য নিরীক্ষণ করিয়া থাক, যদি কেহ মেঘমলিনদিনকরের রাশ্মি, পদ্মের উদর পড়িতে দেখিয়া থাক, তাহার চক্ষে সৌদামিনীর রূপ ধরবে না।

বাতুল বিশ্বনাথ সে রূপ দেখিয়াছিল। এখন আর শিশু সন্তানের জুতার অভাব মনে নাই, সৌদামিনী সম্বন্ধে অনেক গহিত কাব্য করিয়াছে; কি জানি, যদি তাহার কলভোগ করিতে হয়? “নীরদ, নীরদের শ্রায় গভীর; সকলই করিতে পারে। অধিক বয়স হইয়াছে, ক্ষতি কি? আমি মনে করিলে সৌদামিনীর ত কিছুই থাকিবে না। অনেক দিন সৌদামিনী ‘কি বলি বলি’ করিয়াছে, কিন্তু বলে নাই।”

তুমি বুঝ নাই, সৌদামিনী ‘বলি বলি’ করিয়াছে যে, ‘তুমি ছুরায়া’, কিন্তু বলে নাই। বদ্ধবাস বশত: যে উন্নত হৃদয় দেখিয়াছ, তাহা প্রেমে নয়, যে লজ্জা দেখিতেছ, তাহা কি বলিব? সৌদামিনী বুদ্ধিমতী, সকলই বুঝিয়াছে। তোমায় যে বার বার ডাকে, ইচ্ছা করে,

বলে—“কেন এ অভাগিনীর সর্বনাশ কর।” কিন্তু অবলা ভয়ে বলিতে পারে না।

গভীর রজনী, আকাশে চন্দ্র হাসিতেছে; এমন সময় বিশ্বনাথ সৌদামিনীর বাটীতে উপস্থিত। বিশেষ কার্য, দাসী সৌদামিনীর শয়ন-গৃহে লইয়া গেল, বিশ্বনাথ দাসীকে বাহিরে ঘাইতে বলিলেন। সৌদামিনী উঠিয়া বসিয়াছেন, কিন্তু ঘুমের ঘোর ভাঙে নাই, কত রাত্রি জানেন না; অবশ্যই বিশেষ কাণ্ড ভাবিলেন। বিশ্বনাথ একবার বাহিরে গিয়া কে কোথায় আছে দেখিলেন, তাহা সৌদামিনী বুঝেন নাই। অকস্মৎ সৌদামিনীর পদপ্রান্তে পড়িয়া বলিলেন,—“আমায় দয়া কর!” সৌদামিনী কিছুই বলিলেন না। নীরবে বাহিরে ঘাইয়া নীরদের নিকট বসিলেন। বিশ্বনাথ চতুর, চলিয়া গেলেন। অনেক ভাবিয়া গেলেন। কার্যসিদ্ধি হইল না, ঠিক বিপরীত হইল। এক সিদ্ধান্তের বিপরীত সিদ্ধান্ত কত ভাবনায় হয়, পাঠক ভাবুন, আমরা নীরদের কাছে ঘাই।

পর-চর্চা-প্রিয় লোকের কুংসার অভাব নাই। বিশ্বনাথ বার বার খাইসে কেন? ইহা যে জিজ্ঞাসা, তাহা নীরদ শুনিয়াছে। আজি মাকে জিজ্ঞাসা করিল,—“মা, এত রাত্রে বিশ্বনাথবাবু কেন আসিয়াছিলেন?”

সৌদা। তুমি কি তা জানিতে পারিয়াছ? আমি তোমায় সেই কথাই বলিতে আসিয়াছি।

মী। মা, এ কি মা?

সৌদা। এ কি? আর বলিব না। নীরদ, আমার বোধ হয়, যদি পুরুষের সহিত আমার না সাফল্য হইত, আমি দুঃখিনী হইতাম না।

হাবার ঘরে গেলেন। হাবা নির্দ্রত। সৌদামিনী তাহাকে জাগাইলেন। হাবা বলিল,—“মা, তুমি ত আমায় একলা শোয়াও; আজ কেন দেখিতে আসিয়াছ? আমি আর ভয় পাই না।” সৌদামিনী বলিলেন,—“হাবা, ওঠ, আমার বিপদ, স্বামী নাই, তুই সন্তান, তোরে না বলিয়া কারে বলিব?”

হাবা বোকা ছেলে, পিটু পিটু করিয়া চাহিল। সেই শিশু সন্তানের চাহনিত্তে বহুদিন পরে সৌদামিনী স্মৃথী হইলেন।

“ম’, তুমি দাদাকে বল না, দাদার গায়ে বেশী জোর,

আমার গায়ে তত জোর নাই। চল মা, আমরা পলাই।” সৌদামিনীর মনের দুঃখ বলিবার স্থান ছিল না, এই নিমিত্ত এই শিশু সন্তানকে বলিতে গিয়াছিলেন, এ অবস্থা মনুষ্যের হয়। কিন্তু ছেলেটি বলিল, ‘পলাই’। ‘কেন পলাইব?’ হাবা বলিয়াছে, পলাই, পলাইবার কোন কারণ নাই। কিন্তু হাবা আবার বলিল,—“মা, চল পলাই, তোরা আর বিশ্বনাথবাবুর সঙ্গে দেখার দরকার নাই। আমি জানি, আর তোরা কিছু বিপদ নাই, সে এক একবার আদর করিয়া চায়, আমার বোধ হয়, আমায় ম’বুতে বলে।”

হাবা—হাবা নয়, হাবা যেন উন্মাদ।

সৌদা। হাবা, ঘুমো।

হা। না মা, চল, আমরা দু’জনে পলাই। দাদা যায় যাবে, নয় চল, আমরা দু’জনে পলাই।

পূর্বদিকে স্বর্ণকান্তি মেঘ দর্শন দিল। সরোবরে নির্মল শিল্লোল বহিতে লাগিল। কলনাদে বালকুল ‘মা’ বলিয়া ডাকিল। হাবাও ডাকিল—“মা, কই চল।”

সৌদামিনী হাবাকে অনেক বুঝাইলেন, হাবা বুঝিল না। কি জ্ঞান হাবা পাইয়াছিল, আমরা জানি না; কিন্তু কখন’ কখন’ সেই জ্ঞান মনুষ্যহৃদয়ে উদয় হয়,—কারণ খুঁজিলে পাওয়া যায় না, কিন্তু সেটি সত্য।

সৌদামিনী হাবাকে বুঝাইয়া রাখিলেন। যিনি অস্বীকার করুন, পুরুষমাত্রেই জানেন যে, তিনি রমণীপ্রিয়। বিশ্বনাথের অভিলাষ পূর্ণ হয় নাই। তিনি বুঝেন নাই যে, তিনি সৌদামিনীর উপযুক্ত কিছুতেই নহেন। “কি, এত স্পন্দা, আমাকে বিমুগ্ধ করে?” তাহার রোষের উদয় হইল।

অবিলম্বে সৌদামিনী সর্বস্বান্ত হইল। হাবা বলিল,—“এখন মা চল।”

সৌদামিনী হাবাকে কোলে লইতে চাহিলেন, ভারি ছেলে, কোলে করিতে পারিলেন না। হাবা বলিল, “মা, তুই কি আমায় কোলে করিতে পারবি? এখন তোকে আমি কোলে করিয়া পথে লইয়া যাইব।”

সৌদা। কোথায় যাবি হাবা?

হাবা। কুটীরে।

সৌদামিনী অশ্রু-সংবরণের চেষ্টা করিতে ছিলেন, হাবা বলিল,—“কেন মা, কাঁদ? খুব কাঁদ, কেঁদে চল—যাই।”

সেই দিন প্রাতে নীরদ বাটীতে নাই। সৌদামিনী তিন দিন অপেক্ষা করিলেন, যথাসাধ্য তত্ত্ব করিলেন, কিন্তু নীরদকে দেখিতে পাইলেন না। হাবা বলিল,— “দাদা আমাদের সঙ্গে যাবে না।” সাতদিন কাঁদিয়া সৌদামিনী হাবার সঙ্গে চলিলেন। মধ্যে মধ্যে বিশ্বনাথ-প্রেরিত অনেক লোক তাঁহার স্মৃতি-সস্তাবনা বলিয়াছে।

সপ্তাহ পরে সৌদামিনী হাবার সঙ্গে বাহির হইলেন। হাবার সঙ্গে চলিতেছেন, পথে একজন মাতালের সহিত দর্শন। মাতাল কিছু না বলিয়া হাবাকে ধরিল—বার বার মুখ দেখিতে লাগিল। হাবা ভয় পাইল না। পরক্ষণে মাতাল কহিল,—“তুই কে রে - কে রে?” হাবা বলিল, “আমি দেবেন্দ্রবাবুর ছেলে।”

মাতাল। তোর দ্বন্দ্বের মার্গীটা কে রে?

হাবা। আমার মা।

শুনিবামাত্র মাতাল সৌদামিনীর পদপ্রান্তে টিপ্ করিয়া গড় করিল, কিন্তু অঞ্চল ধরিতেও ক্রটি করিল না। অঞ্চল ধরিয়া হাবাকে ডাকিতে লাগিল,—“আয়, এ দিকে আয়, টেনে নিয়ে যাই চল।” হাবার টানিতে ইচ্ছা হইল, কহিল,—“মা চল, এর সঙ্গে যাই।”

আড়ম্বরের প্রয়োজন নাই, সে অবস্থাতেও সৌদামিনীকে মাতালের বাটীতে লইয়া যাওয়া যায়, পাঠক বিশ্বাস করুন। মাতাল হইলে কি হয়? যদি তার ভাবের ক্রটি না থাকে। আর হাবার পরামর্শ বাহির হইয়াছেন, অলঙ্কার মাত্র সম্বল, কোথায় যাইব, তার স্থির নাই; ইহাতে মাতাল কি পুরাতন গল্পের ‘ব্যাঙ্গমা-ব্যাঙ্গনী’ ডাকিলেও যাইতে পারা যায়। অনাথিনী মাতালের গৃহে গেলেন।

বহির্কীর্টি হইতে মাতাল আপনার গৃহিণীকে ডাকিল,— সৌদামিনীর সাহস বাড়িল। গৃহিণী বাহিরে আসিল। মাতাল কহিল, “এই নাও।”

গৃহিণী “কি লব?” না বুঝিয়া দুইজনকে পরম যত্নে বাটীর ভিতর লইয়া গেল, সেই দিন গৃহিণীর যত্নে সেই গৃহে বাস।

পরদিন প্রাতে অরুণোদয়ে কুসুমকলির শ্রায় উন্মীলিত-চক্ষু মাতাল সৌদামিনীকে বলিল,—“মা, এ ঘর ছেড়ে আর তুমি যেতে পাবে না। মেদিনীপুরে তোমার মনে পড়ে, একটা ছোড়া পালিয়ে এসেছিল। বাড়ীর লোকের, বালাই বিদায়

হ’ল জ্ঞান। মা-বাপ ছিল না, এক কাকা বাবু। তিনি ছেলেটাকে—‘পাওয়া যায় না ব’লে’ পার পেলেন। দেবেন্দ্র-বাবু স্কুলে দিয়া আমায় উকীল করেছেন। বেশ দু’টাকা পাই। মা, আমার মনে হ’ছে, তুমিও ছেলেটিকে নিয়ে পালিয়ে যাচ্। এখন ধ’রে তোমায় ঘরে রাখি।” সোজা কথা—সৌদামিনীর বিশ্বাস জন্মাইল, সেই স্থানেই রহিলেন।

একদিন মাতাল মদ খাইয়া আসিয়াছে। সৌদামিনী জ্ঞানেন না, সৌদামিনী ‘আত্মি’ করিয়া বলিতে গেলেন,—“বাবা, তুমি আমার ছেলে।” মাতাল উত্তর করিল,—“তার হিসাব কি?” সৌদামিনী ভাবিলেন, “এ কি উত্তর!” কিন্তু ভয় হইল না। মাতাল তখন ভাবিতেছিল যে, নীরদ নামে এক সম্ভান এই অনাথিনীর আছে; বিশ্বনাথ নামে কে কোথায় আছে,—তাকে নীরদ নামে এক ব্যক্তি খুন করিয়াছে। মাতাল দোষাযোগ করিয়া স্থির করিয়াছিল যে, সেই নীরদ ইহা এই সম্ভান। এই কথা ভাবিতেছিল যে, কেমন করে তাহাকে ধর চাইবে; তাই উত্তর করিল,—“তার হিসাব কি?”

যথার্থই সৌদামিনীর পুত্র নীরদ বিশ্বনাথকে খুন করিয়াছে। তার বল্লনা ছিল, আগে বিশ্বনাথকে, পরে মাকে খুন করিব; কিন্তু কি জানি, যখন তাহার উপর ফাঁসীর ভুকুম হইয়াছিল,—খুন করিবার জ্ঞান নহে, একবার মাকে দেখিতে চাহিয়াছিল। মাতাল বা উকীল, যে কথায় বুঝেন, এ সকল কথাই জানিত। কাল ফাঁসী যাইবে, এমন পুত্রের সহিত সাক্ষাৎ করিতে জননীকে বলিতে পারে না। উকীল ভাবিতেছিল,—“দূর হ’ক, বালাইয়ে কাজ নাই, কাল আপীল করিব।”

দীপে দীপনির্করণের শ্রায়, হৃদিবেদনায় হৃদিবেদনা হরণ করা যায়। এই স্বতঃসিদ্ধে রমণী রমণীর নিকট হৃদয়ভাব ব্যক্ত করে। সেই দিন ফাঁসীর দিন। প্রমদা (মাতালের স্ত্রী) বলিল,—“মা গো, আজ তোমার নীরদের ফাঁসী। তোমায় দেখিতে চাহিয়াছিল, ভয়ে উনি বলেন নাই।”

উন্মাদিনী শুনিলেন, ক্ষণেক স্তম্ভিত হইলেন, রহিলেন না।—হাবা রাখিবার চেষ্টা করিল না, পশ্চাৎ পশ্চাৎ চলিল। ক্ষতপদে, অতি ক্ষতপদে উন্মাদিনী চলিতে লাগিলেন। দিকনির্ণয় নাই, অথচ যে দিকে ফাঁসী হইতেছে, সেই দিকে চলিতেছেন। কোমলপদ বিচ্ছিন্ন

হইতে লাগিল। রুক্ষকেশ আকাশে তুলিল, পবনে বসন উড়িতে লাগিল,—তথাপি উন্মাদিনী চলিলেন। অতি ক্ষতপদে চলিতে লাগিলেন। জনসমাগমে স্থান নাই। ফাঁসীদর্শনেচ্ছু নির্দিয়-হৃদয় উন্মাদিনীকে দেখিয়া গলিল! —সকলে স্থান দিতে লাগিল।

ঠিক ফাঁসীর সময়। উন্মাদিনী নিকটে উপস্থিত—কহিলেন,—“নীরদ, আমি অসতী নহি।”

নীরদ ফাঁসীতে তুলিল। উন্মাদিনীর কথা কাণে গেল কি না জানি না। উন্মাদিনী সেই খানেই মরিলেন।

হাবা পশ্চাৎ পশ্চাৎ ছিল, সেও পড়িয়া গিয়াছিল। এক দৌড়ে মাতাল বাড়ীতে লইয়া আসিল।

যথানিয়মে সৌদামিনীর সংকার হইল। ক্রমে হাবা সংসারী হইল। উকীলের কোশলে পিতৃ-অজ্ঞিত অর্থ পাইল, কিন্তু সেই ফাঁসী ও মাতার মৃত্যু ভুলিল না। সম্মানকে চুষন করিতে করিতে বলিত,—“মা আমায় এইরূপ চুষন করিতেন।”

বাচের বাজী

(ইংরাজীর অশুকরণ)

[“জন্মভূমি” : মাসিক পত্রিকায় (১ম খণ্ড, জ্যৈষ্ঠ, ১২৯৮ মাল) প্রথম প্রকাশিত]

মোহিনী একটা কণ্ঠা লইয়া বড়ই ব্যতিব্যস্ত। মোহিনীর বড়ই কষ্ট। একখানি মাত্র ছোট বাড়ী আছে। নিজের একখানি ঘর রাখিয়া সমস্ত বাড়ীটা ভাড়া দিয়া তাহাকে জীবিকা নির্বাহ করিতে হয়। কায়ক্লেশে গুজরান হইয়া থাকে। আজকালের রকমে কণ্ঠার বিবাহ দিবার কোনও উপায় নাই। কি হবে? কণ্ঠার বয়স বার বৎসর উত্তীর্ণ হইয়া তের হইল। জাত খায়, উপায় কি? যেন কিছু সুবিধা লাগিল।

বীরেশ্বর ঘোষের এক বৎসর হইল গৃহশূণ্য হইয়াছে। মোহিনীর কণ্ঠা সারদা,—তার ভারী পছন্দ। ঘটক আসিয়া বলিল, এমন কি, বরযাত্রীর ও কণ্ঠাবাত্রীর খাই-খরচ দিয়া সে বিবাহ করিবে। মোহিনী আহ্লাদে গদগদ, শ্মশানেশ্বরের মাথায় তিন ঘটা জল ঢালিত, এখন নয় ঘটা ঢালে। বিবাহের দিন স্থির হইল। গাত্রহরিদ্রার সামগ্রী আসিল। বর দোজপক্ষের—চেহারা একটু খারাপ; তাতে কি এসে গেল, জাতরক্ষা ত হইল। বিশেষ বীরেশ্বরের যেরূপ ব্যবহার, কেবল এক জনের জাতরক্ষা করিবার জন্তই সে বিবাহ করিতেছে। এরূপ পাত্র কণ্ঠাদান করিলে কিছু বিশেষ ক্ষতি নাই। পাত্র সুপাত্র। মহাদেবকেও দোজপক্ষে কণ্ঠাদান হইয়াছিল। ভৃতীর মার দোজপক্ষের জামাই এনে সুখের সীমা নাই। সকলই বিধাতার ফের। গাত্রহরিদ্রার সামগ্রী আসিল, প্রতিবাসিগণের আনন্দের সীমা রহিল না, মোহিনীর চক্ষে এক বিন্দু জল পড়িল। সন্ধ্যার পর খবর আসিল, বরের মনে একটু দুঃখ হইয়াছে, বিবাহ করিয়া তো কণ্ঠা আনিবেন, কিন্তু শাশুড়ীর দশা কি হইবে। একে বিধবা স্ত্রীলোক—তেমন অধিক বয়স নয়, তিনি কণ্ঠাকে ঘরে আনিলে—তার পর লোকে নিন্দা করিবে; অতএব যৌতুকস্বরূপ বাড়ীখানি দেওয়া হউক—তিনি শাশুড়ীকে বাড়ী আনিয়া মায়ের গ্নায় সেবা করিবেন।

সকলের মন সমান নয়,—বীরেশ্বর বাবুর যেমন সরল অন্তঃকরণের প্রস্তাব—মোহিনীর একজন দুঃখী মাসতুতো ভাই—নামটা বড় ভাল নয়,—সেবারাম বা হোড়দোং বলিয়া লোকে ডাকে, কুরুটে লোক কি না—প্রস্তাবটা বড় ভাল বুলিল না; বলে, “মোহিনী, তুমি সর্বনাশ করতে বাসছ? তুমি নাকি বীরেশ্বরকে বাড়ী লিখে দিতেছ?” মোহিনী বলিল, “না, জামাই একটা কথার কথা বলেছেন—ভালই বলেছেন। তুমি ভাই দোকান লইয়া ব্যতিব্যস্ত, তাই বলেন বাড়ী লিখিয়া দাও, আমি ভরণপোষণ করিব। আমি কি তোমার মত না নিয়ে কোন কাজ করি? তুমি বলেছ, বীরেশ্বর মন্দ পাত্র নয়, তাই বিবাহ দিতে সম্মত হয়েছি।”

হোড়দোং বলিল, “আমি ভাল বুলি নাই, বীরেশ্বরের মতলব ভাল না।” মোহিনী বলিল, “উপায়? গাত্রহরিদ্রা

হইয়াছে, বিবাহ না হইলে জাত যাবে।” এইরূপ কথা-বার্তা হইতেছে, এমন সময় বীরেশ্বর বাবুর নিকট হইতে একখানি পত্র আসিল, যদি বাড়ী না লিখিয়া দেওয়া হয়, তিনি বিবাহ করিবেন না। তিনি ত আর একব’রে বর নয় যে, গাত্রহরিদ্রা হইয়াছে বলিয়া জাতি যাবে। না হয় আর নাই বিবাহ ক’রবেন, তাই ব’লে কি যুবতী শাশুড়ী একা বাড়ীতে থাকিবে, তাঁহার কি নিন্দার ভয় নাই? ক্রমে হির হইল, বাড়ী না লিখিয়া দিলে বিবাহ হইবে না। কি হবে, জাতি যায়! জামাই বাড়ী লইয়া ফাঁকি দেয়, দিক্; মোহিনী না হয় রাঁধুনী-বৃত্তি করিয়া থাকিবে। কিন্তু হোড়দোং ছেদ করিল, কদাচ হইতে পারে না।

হোড়দোং স্বয়ং স্বাক্ষর করিয়া পত্র লিখিল, মোহিনী যুবতী নয়, কন্নার বিবাহান্তে বাড়ীখানি ভাড়া দিয়া হোড়দোংএর পরিবারস্থ হইবে; মহাশয়ের কোন চিন্তা নাই, কোন নিন্দার কারণ নাই। মোহিনীর চরিত্র আদর্শ চরিত্র; সাত আটটি সম্মান কালগ্রাসে পতিত হইয়া এই কন্নাটী মাত্র রাখিয়া আছে; শোকসন্তাপিতা বয়স্কা বিধবার নিভৃতচিন্তার কোন কারণ নাই।

বর মহাশয় উচ্চচরিত্র,—কোন রকমেই এ সকল বুঝিলেন না। স্ত্রীলোক কোন কালেই বিশ্বাসের পাত্র নয়, তা সভ্য সমাজমাত্রেই স্থির করিয়াছেন; বয়স অধিক হইলে কি হয়? বেশী কথাস্তরে কাজ নাই, বাড়ী লিখিয়া দেন, বীরেশ্বর বিবাহ করিবেন, নচেৎ নয়। মোহিনী প্রায় সম্মতা, হোড়দোং অকূল পাথারে ভাসিতেছে; এমন সময় হোড়দোংপুত্র আসিয়া বলিল,—“বাবা, বিবাহ না কি ভেঙ্গে যাচ্ছে?” দোড়দোং বলিল,—“যায় ত কি হবে?” পুত্র উত্তর করিল,—“হেমচন্দ্র বহু নামে আমার একটা স্কন্ধ সম্প্রতি ষ্টুডেন্টসিপ পাশ করিয়াছে, তার পিতা মাতা কেহই নাই; পৈতৃক একখানি বাড়ী;—সম্পত্তির মধ্যে বিছা। সে পত্র করিতে আসিয়া সারদাকে দেখিয়াছে। এ বে যদি ভাঙ্গিয়া যায়, হেমচন্দ্র সারদাকে বে করিতে প্রস্তুত।” হোড়দোং স্বর্গ হাত বাড়াইয়া পাইল। হেমের সহিত সারদার বিবাহ হইল। বীরেশ্বরের রাগের সীমা রহিল না।

বীরেশ্বর লোকের কাছে বলেন,—ভাল হইয়াছে, হেম তার আত্মীয়, হেম সারদার যোগ্যপাত্র; তাঁর বিবাহ

করিবার মত ছিল না, কেবল জাত যায়, এই নিমিত্ত সম্মত হইয়াছিলেন; হেমের সহিত যাতে বিবাহ হয়, এই তাঁর নিতান্ত ইচ্ছা। বাড়ী লিখিয়া দিবার প্রস্তাব তাঁর ছিল মাত্র, সম্মত না ভাঙ্গিলে হেমের সহিত বিবাহ হইবে না, এ সকল কথা হেমের সহিত বিবাহ হইবার পর শুনা যাইতে লাগিল। কিন্তু হেমের সহিত শুভ বিবাহ হইবার অগ্রে তিনি বলিয়া বেড়াইতে লাগিলেন যে, তিনি কন্ট্রাক্ট ভঙ্গের নালিস করিবেন। শুনা যায়, এই রকম নাকি সভ্য ইংরেজদিগের মধ্যে আছে।

শুভবিবাহ সম্পন্ন হইয়ে গেল। দৈবের ঘটনায় হেমের পৈতৃক বাটী বীরেশ্বরের বাটীতে সংলগ্ন। যে ঘরে হেম শয়ন করে, বীরেশ্বরের বাটী হইতে যদি কোন লোক সেই ঘরে যাইতে ইচ্ছা করে, সংজে পারে। ইট বেকনো পূজার দালান—সেই পাশে ঘর হইবার সম্ভাবনা ছিল, সেই জন্য ইট বেকনো আছে। ইট ধরিয়া উঠিয়া যাইলে চিলের ঘরে পড়ে। তার পর সিঁড়িতে নামিলেই ডাইনে সারদার শোবার ঘর। সারদার শোবার ঘরে গিয়া বীরেশ্বরের কোন পোষাক রাখিয়া আসিতে পারিলে, এবং তাহা কোন প্রকারে প্রকাশ করিতে পারিলে, লোকের মনে একটা সন্দেহ জন্মাইতে পারে।

৯ই বৈশাখ হেমচন্দ্রর বাড়ীতে প্রতিবাসী স্ত্রীলোকদিগের ভোজ, এ সংবাদ বীরেশ্বরবাবু তাঁহার মাসীর নিকট শুনিয়াছেন। সারদার এক দাসী ছিল। বীরেশ্বর তাহাকে টাকা কবলাইল, তাহাতে সে রাজী হয় নাই। দিন দুই তিন পরে একবারে পকাশ টাকা কবলাইল—ক্ষুদ্রমতি দাসী রাজী হইল। বীরেশ্বর মনে করিয়াছিল, সেই ঘরে পরিচ্ছদ ধরা পড়িলেই যথেষ্ট; কিন্তু তাহা অশোকা যদি তিনি স্বয়ং সেই ঘরে ধরা পড়েন এবং তাঁহাকে মার না খাইতে হয়, তাহা হইলে হেমের আর অপমানের সীমা থাকে না।

স্বযোগে উপস্থিত। বীরেশ্বর সংবাদ পাইয়াছেন, ৮ই তারিখে হেমের মনিবের বারাকপুরের বাগানে ইংরাজদের দল ও সাপার, তাহাকে সেইখানে থাকিতে হইবে। শুভ সংবাদ দাসী আনিয়া দিল। দাসী মুচ্কে মুচ্কে হাসিয়া বলিল, “মহাশয়, ভারি স্বযোগ! বাবু তো বাড়ী থাকিবে না,—ছুটো বিছানা—সকাল সকাল

খেয়ে বাবুর বিছানায় আপনি শুয়ে থাকলেই—মা ঠাকুরদার দিয়া শোবার পর,—কিন্তু মহাশয়, যে কাজে আমি হাত দিচ্ছি, ছ' ভরির অনন্ত আমার চাই!” কথা শুনিয়া বীরেশ্বর উন্নত, দামীকে অনন্ত, হার ইত্যাদি যা মুখে আসিল, তা দিতে স্বীকার করিল। কি চমৎকার সুর্যোগ! সারদা বড় হাতছাড়া হয়েছিল; এইবার—বুদ্ধি থাকলে কি না হয়? যাক, এদিকে তো সব ঠিক, সারদার যত দূর সর্কনাশ কল্পনা করিয়াছিলাম, কাজে তাহা অপেক্ষা শতগুণ হইল। পরে তিনি আপনি ঢাক বাজাইয়া বেড়াইবেন। কিন্তু হেমের ঘোরতর লজ্জা ভিন্ন অন্য কোন সাজা হইল না। সে ষ্টুডেন্টসিপ্ পাশ করিয়াছে, ১০,০০০ হাজার টাকা পুরস্কার পাইয়াছে, কোন মহাশয় ঠাকুরবাড়ীতে চ কুবী লাভ করিয়াছে। ঠাকুরের মেজাজ বড় উচ্চ, দশ বিশ হাজার গ্রাহ্য করেন না—হেমের বিবাহের কথা শুনিয়া তিনি বলিলেন,—হেম এম-এ, পাশ, অস্বতঃ এ বিবাহে ৫০০০ টাকা পাইত। এক বালুতির মেয়ে বিবাহ করিয়াছে, নতুবা বালুতির জাত যাইত, এই সংবাদ শুনিয়া ঠাকুর তাহাকে তিনশত টাকা বেতনে প্রাইভেট সেক্রেটারী-পদে নিযুক্ত করিয়াছেন, এবং দশ হাজার টাকা তার স্বার্থত্যাগের পুরস্কার দিতে সম্মত হইয়াছেন। বীরেশ্বর ভাবিল, এ টাকা কিরূপে হস্তগত হয়? হেম বড় কথার মানুষ, একটা বাজী রাখলে হয় না?

বীরেশ্বর বাবু বাচ খেলেন। বাচ উল্টো রথের দিন হইয়া থাকে, কিন্তু তাহার প্রতিপক্ষ হরেন্দ্র মজুমদার জমিদারীতে যাইবেন, তন্নিমিত্ত ৯ই বৈশাখ দিন স্থির হইল। বাচে বাদী-প্রতিবাদীর বাজী হইয়া থাকে, অন্য অল্প বাবুরা—কে হারিবে, কে জিতিবে,—এই বাদানুবাদ করিয়া বাজী রাখেন।

বীরেশ্বর বাবু ভাবিলেন, যে দলে হেম বসেন, সেই দলে উপস্থিত হইব। হেমচন্দ্র একটু একরোকা, রাগাইয়া দিলে সব করে, যদি একটু রাগাইয়া বাজী রাখিতে পারি। বাঁড়ুঘোদের বাড়ী হেমচন্দ্র বসিয়া আছেন, খাওয়া-দাওয়া হইবে; বীরেশ্বর গিয়া গালে হাত দিয়া বসিল; বলিল,—“আমার সর্কনাশ হইয়াছে!” কেহ কেহ জিজ্ঞাসা করিল,—“কেন, কি বৃত্তান্ত?” বীরেশ্বর বলিল,

—“আমি তো বাচ খেলিব, হরেন্দ্র মজুমদারের সঙ্গে বাচ-খেলা—বাজীও অল্প নয়, দশ হাজার টাকা; কিন্তু আমি নিশ্চয়ই হারিব, যে মাঝিকে চেষ্টা করিয়াছিলাম, তাহাকে পাই নাই।” হেমচন্দ্র বীরেশ্বরের কথা একটাও প্রত্যয় করিতেন না। কি জানি, কি কুক্ষণে বলিল,—“মহাশয় যখন বলিতেছেন, হারিবেন, তখন নিশ্চয়ই জিতিবেন।” বীরেশ্বর বলিলেন, “কি, তুমি আমাকে মিথ্যাবাদী বল!” হেমচন্দ্র বলিলেন, “আপনার এইরূপ স্বভাব।” কথায় কথায় উচ্চ কথা উঠিতে লাগিল। হেমচন্দ্র জেদ করিয়া বলিতে লাগিলেন, “আপনি নিশ্চয়ই জিতিবেন।” বিশ হাজার টাকা বাজী হইল। হোড়দোং সেই দলে ছিল, মুচুকে মুচুকে হাসিতে লাগিল, বাজী স্থির। বীরেশ্বর মজা পাইয়াছে, হেমচন্দ্র বাটা থাকিবে না, সারদার ঘর হইতে দৌড়িয়া বাহির হইবে। দৌড়িয়া বাহির হইলে সারদার কলঙ্কের একশেষ, তার উপর তিনি এরূপ মাঝি-মাল্লা ঠিক করিয়াছেন যে, বাচে নিশ্চয়ই জিত হইবে। হরেন্দ্র মজুমদারের সঙ্গে কোন বাজী হয় নাই; কেবল যে হারিবে, সে গার্ডেন পার্টি দিবে। মাঝিকে বলিলেই হইবে যে, তোমরা হারিয়া যাও। তিনি হারিলে তো হেমচন্দ্রকে বিশ হাজার টাকা দিতে হইবে। সকল দিকেই বীরেশ্বরবাবুর সুরিধা; একটি গার্ডেন পার্টি হারিবে, সারদার কলঙ্ক—হেমচন্দ্র বিশ হাজার টাকা হারিল। হেমচন্দ্র ঠিক কথার মানুষ, কথার খেলাপ করিবে না। মোহিনী বাড়ী লইয়া থাকুক, ক্রমে বাড়ীও পাওয়া যাইবে। কলে-কৌশলে কি না হয়? আগে হেমচন্দ্র ও সারদার সর্কনাশ হউক।

৮ই তারিখে হেমের তগিনী ঘরে ঘরে নিমন্ত্রণ করিল। তার আর অভিভাবক নাই, প্রাতঃকাল হইতে বীরেশ্বর বাবুর মাসী এবং তার দলের যে সকল স্ত্রীলোক, তাহারা যাইয়া উজ্জুক-সুজ্জুক করিবে।

বাচখেলাও ৯ই; বীরেশ্বরের কপালের উপর কপাল। বাচখেলা ত বৈকালে; মাঝির সঙ্গে সাক্ষাৎ হয় নাই এবং তাহাকে হুকুম দিতে পারে নাই। মাঝি তারকেশ্বর গিয়াছে, ৯ই বেলা ৮টার সময় সে যেখানে থাকুক আসিবে; হুকুম দিবার সময় অনেক আছে; সকালে সারদার ঘরে ধরা পড়িবে, তারপর মাঝিকে হারিতে বলিবে,

বাচে হারিলে বিশ হাজার টাকা! আর এদিকে সারদার কলঙ্ক, সারদার ঘরে ধরা পড়িলে মার খাইবার আর কোন সম্ভাবনা নাই, স্ত্রবিধার উপর স্ত্রবিধা। দাসীর সাহায্যে বীরেশ্বর বাবু সারদার ঘরে প্রবেশ করিল। দাসী বলিয়া দিল,—‘হেমচন্দ্র একটি ছোট বিহানায় থাকে, হুঁজনে একত্র শোয় না। সেই বিহানায় মশারি ফেলে তার ভিতর থাকিলে, কোন উৎপাত নাই। পরদিন প্রাতে যাহা হইবার হইবে।’ বীরেশ্বরের মাসী ত তেমন নয়, গলাবাজীতে পাড়া ফাটাইয়া দিবে, বড় স্বেযোগ; হেমচন্দ্র ও সারদার সর্কনাশ! মাঝিকে বলিলেই হইবে—তুমি হারিয়া যাও, তাহা হইলেই হেমচন্দ্রকে বিশ হাজার টাকা দিতে হইবে। কথার মাসুখ হেমচন্দ্র। কিন্তু তখন বাজী ঠিক নাই। অচু চই তারিখে হোড়দোং আসিয়া বাজী ছির করিবে। হেমচন্দ্র যে বাজীতে ইতস্ততঃ করিতেছিল, চই তারিখে হেমচন্দ্রের সাক্ষরিত পত্র লইয়া হোড়দোং উপস্থিত হইল। পত্রের নর্থ এই—“যদি বীরেশ্বর বাবু হারেন, তাহা হইলে হেমচন্দ্র বিশ হাজার টাকা দিবে।” হোড়দোং চলিয়া গেল।

কিছু পরে দাসী আসিল। বলিল,—“মহাশয়, এই বেলা শীঘ্র শীঘ্র আসুন। ছোট বিহানায় শুইয়া থাকুন, কিন্তু আমায় যে পঞ্চাশ টাকা দিবার কথা আছে, তা এখন দিন; তা না দিলে আমি একাছে হাত দিব না। কায়া সিদ্ধ হউক, যা বকুসিস্ দিবেন বলিয়াছেন, তা দিবেন।”

বীরেশ্বর দাসীর সঙ্গে সঙ্গে চলিলেন। পূর্কোক্ত দালানের ইট ধরিয়া উঠিতে তাঁর বিশেষ কষ্ট হইল, কিন্তু তিনি সমস্ত ভুলিয়া গেলেন। তখন দাসী আসিয়া বলিল, “এখানে শয়ন করুন।” দাসী বলিল,—“ও মা! অচ্ছ ছোট বিহানা করে নাই, আমি এখনি করিয়া দিতেছি।” এমন সময় বলিয়া উঠিল,—“মহাশয়, এই আলমারীর পেছনে লুকুন, কে আসিতেছে।” দাসীর কথা সত্য, হেমচন্দ্র ও হোড়দোং আসিয়া উপস্থিত; বীরেশ্বর বাবু বহু কষ্টে আলমারীর পেছনে ঢুকিলেন। কেবলমাত্র আলমারীর পেছনে দাঁড়াইবার স্থান আছে। আলমারীর পেছনে নাকে লাগিল, তিনি যে বহু কষ্টে আলমারির পেছনে দাঁড়াইয়া ছিলেন, তাহা হেমচন্দ্র ও হোড়দোং দেখিতে পাইলেন না, ইহাই তাঁহার স্প্রসন্ন অদৃষ্ট।

সর্কনাশ! হেমচন্দ্র বলিল, “মামা, আমার পিণ্ডল আনিয়া রাখ, কয়েক দিন হইতে এই ঘরে চোরের আন্দানী হইতেছে, আর পাল্কাী আন, সারদাকে তোমার বাড়ীতে লইয়া যাও। আমি এই ঘরে শুইব।” বীরেশ্বরের হুংকম্প হইতে লাগিল! তিনি তাঁহার কামিজ চাদর আন্না রাখিয়াছেন, রাতে যদি ভুলক্রমে হেমচন্দ্র তাহা না লক্ষ্য করেন, সকালেই তাঁহার মাসী আসিয়া বাহির করিবে; তাহাতে সারদার কলঙ্ক হউক আর না হউক তাঁর প্রাণ যাইবে, তার আর সন্দেহ নাই। হোড়দোংএর সহিত হেমচন্দ্রের কথাবার্তা হইতে লাগিল। হেমচন্দ্র,—“মামা, মেয়ে নিমন্ত্রণ বন্ধ করিয়াছি; কি জানি বাজীতে হার হয় কি জিত হয়, বাজীতে বীরেশ্বর বাবুর হার হলে ত আমার সর্কনাশ!” বীরেশ্বর বাবুর মন আশ্বাসিত হইল। হেমথর সকালে উঠে, উঠিয়া গেলে তিনি বাহির হইতে পারিবেন; তিনি বাহির হইয়া মাঝিকে হারিতে বলিবেন। সারদার কলঙ্ক হউক আর নাই হউক, হেমের ত সর্কনাশ হইবে। হেম বলিতে লাগিল, “মামা, রিভলবার রাখিয়া দাও, যদি ঘরের ভিতর কাহাকে দেখি, গুলী করিব।” বীরেশ্বরের হুংকম্প! মনে মনে সে ভাবিতে লাগিল, “ভয়ে আপততঃ বড় কষ্ট হইতেছে বটে, কিন্তু কাল তোমার সর্কনাশ করিব। তুমি সত্যবাদী; বাজী হারিলে দিতে হইবে। ৬টার সময় উঠিয়া যাইব, আমি মাঝিকে বাহির বলিব, তোমরা হারিয়া যাইও।”

আলমারীর পশ্চাতে বীরেশ্বরের নাক চাপিয়া যাইতেছে! পা নাড়িবার জায়গা নাই, তখাচ মনে মনে ক্ষুষ্টি! আজ কষ্ট, সারদার কলঙ্ক হইল না? না হউক, কিন্তু হেমের সর্কনাশেই সারদার সর্কনাশ। হেম জেলে যাইবে, তবু মিথ্যা কথা কহিবে না, ইন্সল্ভেণ্ট লইবে না। হেমকে জেলে পুরুতে পারুলেও কি সারদা বশ হইবে না? যদি না হয়, তা হলে হাবাতেরা যা বলে, তা সত্য—ধর্মের জয়! হোড়দোং চলিয়া গেল। হেম এই শোয়, রাত ১১টা বাজিয়াছে, আর কতক্ষণ দেয়ী করিয়া বসিবে। দুপুর ১, ২, ৩টা; বইপড়া আর হয় না। সামনে রিভলবার, নড়িলেই প্রাণ যাইবার সম্ভাবনা। কি সর্কনাশ! এদিকে পিট গেল, পা গেল, আর ত দাঁড়ান যায় না। তার উপর মশার বহুগায় অস্থির। তিনটে, চারটে, পাঁচটা, ছয়টা খড়িতে

বাজিতেছে; তবু আবাগে হেমচন্দ্র পড়া ছাড়ে না। বেলা চটার সময় হেমচন্দ্র বলিল,—“এইবার শুই।” বীরেশ্বর ভাবিতেছে—“প্রাণ ত যায়! কিন্তু চটার সময় শুইতেছে, এখনি নিদ্রা যাইবে, তাহা হইলে পলাইব। পালান নিতান্ত আবশ্যক। প্রাণ যায়, সে বড় কথা নয়। কিন্তু মাঝিকে বলিয়া দিয়াছি, জিতিতেই হইবে; এত চিন্তার কারণ কি? এখনি নিদ্রা যাইবে।

পোড়া হেমের চক্ষে নিদ্রা নাই, একবার উঠে, একবার বসে, রিভল্বারের ঘোড়া তোলে, আর আস্তে আস্তে নামায়; এমন কি, ইস্কুর নড়িলে, আওয়াজ করিবে। সময় থাকে না; ক্রমে চটা, ৯টা, ১০টা, ১১টা, ঢং ঢং করিয়া ঘড়িতে বাজিতেছে। বরং গুলি খাইয়া মরা ভাল, হেম রিভল্বার হাতে বিছানায় বসিয়া আছে, কি হবে। বেলা ৫।০ সাড়ে পাঁচটা, এমন সময় একজন আদিয়া বলিল—“বাচে, বীরেশ্বর বাবুর জিত হইয়াছে।” বীরেশ্বর বাবু ভাবিল,—মৃত্যু ভাল; বিশ হাজার টাকা লোকদান। মধ্যস্থের কাছে বিশ হাজার টাকা জমা রাখিয়াছে।

তার পর হেমচন্দ্র উঠিয়া গেল। বীরেশ্বর উঠিয়া বাহিরে আসিল, চলিবার শক্তি নাই! কোন প্রকারে চলিয়া আসিল, সুবিধা—বাটীতে কেহই নাই; একেবারে তিনি রেলওয়ে চুচুড়ার বাগান-বাটী যাইয়া উপস্থিত। সেখানে একখানি পত্র পরদিন ডাকযোগে আসিল। পত্রে হোড়দোংএর স্বাক্ষর। মর্ম্ম এই—“মহাশয়! আপনার বাচে জয় হওয়ায়, হেমচন্দ্র বিশ হাজার টাকা পাইয়াছে; কিন্তু আপনি যে ৫০০ টাকা সারদার ঝিকে দিয়েছিলেন, তাহা মনিঅর্ডার করিয়া পাঠাইব।”

বীরেশ্বর বাবু বুঝিল,—দাসী সমস্ত ব্যক্ত করিয়াছে, মাঝির জিতিবার কথা ছিল, বাচে জিতিয়াছে; গার্ডেন পার্টি তাহাকে দিতে হইবে না। কিন্তু বিশ হাজার টাকার কোম্পানীর কাগজ ইন্ডোর্স আছে, তাহা হেমচন্দ্র পাইবে, সারদার কলঙ্ক হইল না। মোহিনীর বাড়ী গেল না। হেমচন্দ্র বাজীর টাকা লউন বা না লউন, সকলই প্রকাশ হইয়াছে। অপমানের একশেষ। বীরেশ্বরের এই দশা! সকলেরই অধর্ম্ম এই দশা হয়। অধর্ম্মে কেহ কখন বিপুল অর্থ সঞ্চয় করে, কিন্তু হে পাঠক! যদি তাহার মনের অবস্থা দেখেন ত বিশেষ অর্থ প্রয়োজন হইলেও, আপনার ওরূপ অর্থ উপার্জনের লালসা হইবে না।

নসীরাম

(নক্সা)

[‘কুসুমমালা’ মাসিক পত্রিকায় (১২৯১ সাল)

প্রথম প্রকাশিত]

চার পাঁচ বৎসর বিদেশে। পথে আসিতে বাটীর খবর কিছু পাই নাই;—নৌকা হইতে উঠিয়া দেপি, আমাদের নসীরাম ঘাটের ধারে বসিয়া আছে।—“নসীরাম!” নসীরাম এক দৌড়ে এসে আমার জামা ধরে কান্না,—“মামা গো! রাজনীতি!” রাজনীতি! আমার বিষম শঙ্কা হইল। নসীরামকে যত বুঝাই, ভেউ ভেউ করিয়া কাঁদে। হঠাৎ আমার গলা ছাড়িয়া দৌড়! আমি অবাক, কি সর্ম্মনাশ! নসে কি খেপিল? নসে কি ছাড়িবার পাত্র, ভাবিবার সময় দেয়? দেপি, নসীরাম আবার দৌড়িয়া আসিতেছে; মস্ত একটা নিশান আর আগাগোড়া লাল ফিতা জড়ান! এবার বেশের সঙ্গে বুলিও পান্টাইয়াছে, বলে,—“হরুরে! হরুরে!” আমি ফের জিজ্ঞাসা করিলাম,—“নসীরাম! হ’য়েছে কি?” চারি পাঁচ ছোঁড়ায় আমার তুলে একটা ছাগলের গাড়ীতে বসাইয়া হড় হড় করিয়া টানিয়া লইয়া চলিল।

“ওরে! করিস্ কি?” কে কার কথা শুনে! “মামা! প্রিয় মামা!” বলিয়া চতুর্দিকে করতালি। গাড়ী হইতে নাগিব, এমন উপায় নাই—লালফিতা দিয়া গাড়ীর সঙ্গে আমাকেও বাঁধিয়াছে। প্রাণ যায়! কি করি? “পাহারাওয়াল! পাহারাওয়াল! খুন কর্বুলে!” দুইটা যগুর টানের চোটে গাড়ীখানা উল্টাইয়া গেল, আমি প্রাণভয়ে একটা গ্যাসপোষ্ট জড়াইয়া ধরিলাম। আমার পূর্বপুরুষের স্মৃতি, তারা একটু থাকিল। কিন্তু সে কতক্ষণ? এবার আমার উপর নয়; এক লালপাগড়ী পাহারাওয়াল আসিয়াছিল; তাহার পা ধরিয়াই টান! নসীরাম তখন চীৎকার করিল,—“খবরদার! ছাড়িও না, তাহাই হইলে স্বাধীন হইতে পারিবে না!” নসীরামদের অন্তমনস্ক দেখিয়া আমি পলাইব ভাবিতেছি, আর যাইব

কোথায়? মোটা চাদর গায়ে দিয়া আমার ভগিনী নসের মা আসিয়া বলিতে লাগিল,—“দাদা! প্রিয় দাদা!” আমি ভাবিলাম, আর কিছু নয়, আমি পাগল হইয়াছি। মাগী আবার হাত বাড়ায়! যা থাকে অদৃষ্টে—দৌড়! একজন দাঁড়ী আমার জিনিসপত্র মাথায় করিয়া আসিতেছিল, যখন দেখিল, আমি দৌড়িতেছি, সেও দৌড়! আমি বলি—“দাঁড়া! দাঁড়া! আমি নৌকায় যাইব।” একথা শোনায মোট ফেলিয়া দৌড়! আমি যথার্থই ভাবিয়াছিলাম, নৌকা করিয়া চাকরীস্থানে যাই, কিন্তু আমি ঘাটে পৌঁছিবামাত্র মাঝি তাড়াতাড়ি নৌকা খুলিয়া ভাসিয়া পড়িল!

এবার নসীরামের হাতে পড়িলে আর বাঁচিব না, জোড়া মাঁকোয় বাবুদের বাসা আছে, সেইখানেই যাই, ভাবিলাম। পোয়াপানেক পথ গিয়াছি, রাস্তায় মহাগোল! রাস্তায় এমন গোল হয়, তাহাতে ভয়ের কারণ এত বেশী নাই; কিন্তু গোলের বোল শুনিয়া প্রাণ শুকাইয়া গেল—রাজনীতি! রাজনীতি! রাজনীতি! মা দুর্গা! কোথায় যাই? আবার সেই ফিতা। কিন্তু লাল নয়, কাল! ভাবিলাম, সরিয়া পড়ি। দেখিতে দেখিতে দেখিলাম, চার পাচজন মুটিয়াকে ধরিয়াছে, আমায়ও একজন ধরিল! আমাদের সারবন্দী দাঁড় করাইল, আর একজন সামনে দাঁড়াইয়া মুখের কাছে হাত মুখ নাড়িতে লাগিল। একটা মুটির নাক দিয়া ঝব্ব ঝব্ব করিয়া রক্ত পড়িতে লাগিল, একজনের দাঁত পড়িয়া গেল; আমার রগে লাগাতে ঘুরিয়া পড়িলাম। পড়িলাম বা, তাহাদের কি, ঘোর করতালি দিতে আরম্ভ করিল। সকলেই সেই নসীরামের মতন, শুধু ‘মামা’ বলে না, বলে ‘দ্রাতঃ!’ আর “রাজনীতি! রাজনীতি!” সে এক ছুরস্ত আশুয়াজ!

অনুগ্রহ পূর্বক কাল-ফিতার দল চলিয়া গেল। আমি ধীরে ধীরে যাইতেছি; আমার মাথা, কোথায় যাইব? আবার দুই দিকে কাল-ফিতার দল! ভাবিলাম, কোথাও লুকাইয়া থাকি। বা! দিব্য বাগান! এই বাগানের ভিতর বসি। যার ভাল হয়, তার সব ভাল। মালীটা সভ্য, বলে—“মহাশয়, ওখানে কেন? আসুন, ঘরের ভিতর বসুন।” এতক্ষণে প্রাণ জুড়াইল, দিব্য চৌকি পাতা। ও বাবা! দেখালে লেখা কি? ‘রাজ-

নীতি!’ আর কে বসে, আর কেই বা যায়? টক্ টক্ করিয়া জুতা পায়ে দিয়া উঠিতেছি। মা কালি! রক্ষা কর! ‘মামা! মামা! প্রিয় মামা!’ ঐ যে আমাদের নসীরাম! হুম্‌দাম সোড়াওয়াটারের বোতল খোলে আর আমার মুখে ঢালে, কেউ রগে, কেউ কাণে, কেউ চোখে বরফ দেয়;—আমি মরণে কৃতসংকল্প হইয়া নিশ্চিন্ত রহিলাম। দরজা বন্ধ হইল। আমায় সমাদরের সহিত একখানি চৌকিতে বসাইয়া ও সকলেই এক এক চৌকিতে বসিল; যা হ’ক, পাথার বাতাস খাইয়া তবু প্রাণটা জুড়াইল। নসীরাম আবার বলিল, “আমার প্রিয় মামা!” আমি এদিক্ ওদিক্ ছাগলের গাড়ী আছে কি না দেখিতেছি, কিন্তু অশেষ রঙ্গ! এক একজন গুঠে, বলে, ‘আপনি নসীরামের মামা?’ বলি, আর নাই বলি, এক একবার হাত ধরিয়া নাড়ে! জানি পারিব না, স্তবরাং পলাইবার চেষ্টা করিলাম না। এমন সময় বলিল, “মহাশয় বুঝেছেন? শিখেরা স্বাধীন হ’য়েছিল।” বা পাজরারই বা খেদ থাকে কেন? একজন গুঁতা দিয়া বলিল, “ম’শায়! বুঝেছেন? নানামাহেব অনেক ইংরাজ মারিয়াছিল।”

ভাবিলাম, একটা গুঁতা পিঠে, একটা গুঁতা বুকে, বাকি না, পাশের গুঁতাই চলিতে লাগিল, আবার—“ম’শায় বুঝেছেন, যুদ্ধ করিতে হইবে।”

অমনি ঠা পাশে, বুঝেছেন, এখন নয়। এবারে বক্তা ছোঁড়া অগ্নি-মূর্তি! গাঁগা রবে চীৎকার করিতে লাগিল। আর সকলে তড়্ তড়্ তালি পিটিতে লাগিল। কিন্তু আমার সাবকাশ নাই।

‘ম’শাই বুঝেছেন, চাঁদা।’ ‘ম’শাই বুঝেছেন, পার্লামেন্ট।’ ‘ম’শাই বুঝেছেন, দেশ গেল।’ ‘ম’শাই বুঝেছেন, সর্কনাশ!’

এবার আর থাকিতে পারিলাম না, বলিলাম,—“বাপু, ‘সর্কনাশ’ তা কলিকাতায় পদার্পণ করিয়াই বুঝিয়াছি।” এই কথা বলিবামাত্র “হব্বরে, হব্বরে, নসীরামের মামা, হব্বরে, হব্বরে!” ফের বক্তৃতা শুরু ক’রে দেখি, আমি গুঁতার হাতে কিসে বাঁচি। ভাবিতেছি; স্কটে না পড়িলে বুদ্ধি যোগায় না। ভাবিলাম, বুঝিবার মত মাথা চালি, তাহা হইলে গুঁতায় জাণ পাই; ও মা! বার দুই

তিন মাথা নাড়িয়াছি, অমনি সকলে 'হায়! হায়!' করিতে লাগিল। আমি বলি, 'হায় হায়' করুক, আর গুঁতা মারে না। সত্যই গুঁতা মারিল না বটে, কিন্তু মস্ত একখানা পুঁথি আনিয়া আমার সামনে ধরিল। কলম হাতে দিয়া বলে,—“সই করুন।” জিজ্ঞাসা করিলাম,—“সই কি?”

“নাম সই, বিলাতে লোক যাবে, তার খরচের টাকা চাঁদা করিয়া তুলিব।” জিজ্ঞাসা করিলাম,—“কেন?”

“তবে আপনি কি বুঝিলেন?” দোহাই বাপু! আমার চৌদ্দপুরুষ বুঝে নাই, কেবল গুঁতার ভয়ে মাথা চালিয়াছি। তবে শুধু; ভাবিলাম, গেলান! কিন্তু এবার দেহে আক্রমণ নয়, আক্রমণ মুখে মুখ। খুতুতে ভরিয়া গেল, আঁস্টে গন্ধে নাসিকা পূরিয়া গেল, এইটুকু বুঝিলাম যে, পঞ্চাশ হাজার টাকা আবশ্যক, এক বৎসরে পঞ্চাশ টাকা উঠিয়াছে; তখন যে বাকী টাকা উঠিবে, তাহার আর সন্দেহ নাই। “সন্দেহ নাই,—সন্দেহ নাই!” চারিদিকে ধ্বনি হইতে লাগিল, আমারও এড়ান নাই, স্থির করিয়া কলম ধরি, এমন সময়ে হঠাৎ দরজা খুলিয়া গেল; ইনেস্পেক্টর সঙ্গে পাহারাওয়াল জমাদার সার্জেন দলে দলে আসিয়া ঘরে প্রবেশ করিল। সামনে আমায় দেখিল, আমাকেই ধরিল। নসীরাম আর কোথায় আছে?—“মামা, স্বাধীনতা! প্রাণ দিব, প্রাণ দিব।” নসীরামকে দেখিবামাত্র একজন মাথায় পটি বাঁধা পাহারাওয়াল বলিল,—“ওহ,—নসীরামকে ধরিল। নসীরাম তখন চীৎকার করিয়া বলিতে লাগিল—“ভ্রাতা-সকল! আমি জেলে যাইব, তোমরাও সকলে যাইবে সন্দেহ নাই।” তাহাদের মনে সন্দেহ হোক বা না হোক, আমি ভাবিলাম, নিঃসন্দেহ যাইবে।

টানিয়া লইয়া চলিল। পথে আমার বাবুরা ফিটনে করিয়া হাওয়া খাইতে বাহির হইয়াছেন, আমার জামিন্ হইয়া খালাস করিলেন; নসীরামের জামিন লইল না। কোথায় যাইব? বাটা আসিলাম। এখানে এক ভৈরবী কীর্তি! নসের মা ও আমার স্ত্রী বলে—

“ইচ্ছা করে এই দণ্ডে ভীমা অসি করে,

নাচিত্তে চামুণ্ডারূপে সমর ভিতরে!”

আর বটি হাতে ধেই ধেই নাচে। কিন্তু এবারে

আমার স্ত্রীরই মৃত্যু বেশী, নসের মা খানিক নাচিয়াই বলিল,—“দাদা, আমার ছেলের কি হইবে?” আমায় উত্তর দিতে হইল না, ঠাকুরণ উত্তর দিলেন, “ঠাকুর ঝি! ভাবিস্ কেন? ফাঁসী যাবে, আর কি?” ঠাকুরঝির মুখে কথা সরে না, আমার স্ত্রী অবাধ, এই যে অমন সাস্তানা বাক্যেও নসের মা স্থির হইল না, বরং কাঁদিতে লাগিল।

পরদিন মকদ্দমা। মকদ্দমায় আমি খালাস পাইলাম, নসীরামের দুই শত টাকা জরিমানা হইল। নসীরামকে গাড়ী করিয়া লইয়া আসিতেছি, পথে বুঝাইতে লাগিলাম, “বাবা, অমন করে?” নসীরাম ভালমন্দ কিছুই উত্তর করিল না; ভাবিলাম, বুঝিয়াছে, “ছি! এখন শিষ্ট শাস্ত হইবে।” এ কথাও বলা, আর নসীরামের গাড়ী হইতে লক্ষ্যত্যাগ!

“নসীরাম! কোথায় যাস্?” আর কোথায় যাস্! দেখি, দশ পনের জন ষণ্ডাছোঁড়া এক এক চেলাকাঠ হাতে—বলে, “নসীরামের নিমিত্ত প্রাণ দিব, প্রাণ দিব!” পাছে আমায় ধরে, এই ভয়ে পলাইলাম। আমি বাটা না পৌঁছিতে পৌঁছিতে দেখি, একখান গাড়ীর ছাদে নসীরামকে বসাইয়াছে, মাথায় টোপর দিয়াছে, গলায় ফুলের মালা, আর ছোঁড়ার দল চেলাকাঠ হাতে কেহ গাড়ীর ভিতর, কেহ পিছনে, কেহ সামনে হৈ হৈ শব্দ করিতেছে। নসীরাম গাড়ী হইতে নামিল; চেলাকাঠ হাতে বীর-পুরুষেরাও পিছনে পিছনে আসিতে লাগিল, এই উঠানে বক্তৃতা, এইরূপে স্বাধীনতা-সমর অবসান হইল।

নব ধর্ম

(নব্বা)

['কুমুমলা' মাসিক পত্রিকায় (১২৯১ সাল)

প্রথম প্রকাশিত]

চারি পাঁচ দিন কাছারী বন্ধ আছে, ভাবিলাম, আমার বাল্যবন্ধ স্বরূপচাঁদ বাঁড়ুজ্যের সহিত সাক্ষাৎ করে আসি। স্বরূপচাঁদের বাড়ী গিয়া দেখি, দরজা বন্ধ। একবার ভাবিলাম কিরিয়া যাই, আবার মনে করিলাম, যখন আসিয়াছি, অস্ততঃ খবরটাও দিয়া যাই। ডাকাডাকি করিতে করিতে স্বরূপ আপনি আসিয়াই দরজা খুলিয়া দিল; “এস ভাই এস!” বলিয়া অভ্যর্থনা করিয়া বৈঠক-খানা ঘরে বসাইল; কিন্তু দেখিলাম, সে বড় বিষন্ন, স্বরূপচাঁদ বেশ সুখে আছে, আমি জানিতাম; বিষন্ন দেখিয়া কিছু উদ্ভিন্ন হইলাম। যে কথা উত্থাপন করি, দুই একটা উত্তর দিয়া নীরবে ভাবিতে থাকে। শেষ আমি স্পষ্টই জিজ্ঞাসা করিলাম, “ভাই, তোমায় অসুখী দেখিতেছি কেন?” স্বরূপ দীর্ঘনিশ্বাস পরিত্যাগ করিয়া বলিল,—“আমার স্ত্রী নূতন ধর্ম গ্রহণ করিয়াছে।” আমি আরও অবাক হইলাম। স্বরূপের পরিবার গত হইয়াছে জানিতাম, কিন্তু পুনর্বার দারপরিগ্রহ করিয়াছে জানা ছিল না; এখন শুনিলাম, একটা বড় দেখিয়া বিবাহ করিয়াছে, শাশুড়ী, শালা, শালাজদিগকে বাড়ীতে রাখিয়াছে, তাহারা সকলেই নূতন ধর্ম গ্রহণ করিয়াছে এবং তাহাকেও ছয়মাসের মধ্যে নূতন ধর্ম গ্রহণ করিতে হইবে; যদি না করে, তাহার স্ত্রী, শালী, শালাজ প্রভৃতি আর কেহ মুগ্ধদর্শন করিবে না, সকলেই খোরাকি লইয়া তাহার সহিত পৃথক হইবে।

এই কথা শুনিতে শুনিতে তাহার পুরাণ মালী চুপি চুপি আসিয়া বলিল, “বাবু, বেদব্যাস আইছন্তি।” শুনিয়া স্বরূপচাঁদ আমায় বলিল, “ওই?” ওই কি? ভূত নাকি? আমার বন্ধু বলিল,—“ভূত নয়, বেদব্যাস।” ক্রমে

বুঝিতে পারিলাম, ইনি নব বেদব্যাস, ইহার নব বদরিকা-শ্রমে বাস, নব বেদ প্রকাশ ক’রে জীব তরাতে এসেছেন। আমি অবাক! ভাবিলাম, আমার বন্ধুর কোন অসুখ হইয়া থাকিবে। এমন সময় দেখি, আপাদমস্তক মোটা চাদর-আবৃত্ত একটা তাকিয়া-অবতার যুবা আসিয়া প্রবেশ করিল। তাকিয়া-অবতার ছাড়া ছাড়া কথায় গদগদস্বরে বলিলেন, “বা—ডু—জ্যে—ম—শা—গো! বে—দ—ব্যা—স।” বাঁড়ুজ্যে মশাই কপালে করাঘাত করিয়া রোদন করিতে লাগিলেন,—তাকিয়া-অবতার বলিতে লাগিলেন,—“কাঁতুন, অমুতাপ করুন, বেদব্যাস বলেন,—অমুতাপই প্রায়শ্চিত্ত।” আমি বলিলাম, বাঁড়ুজ্যে মশাই, কাঁদিতেছ কেন?” বাঁড়ুজ্যে মশাই নীরবেই রোদন করিতে লাগিল। আমি ভরসা করিয়া মোটা চাদরওয়ালাকে জিজ্ঞাসা করিলাম,—“বেদব্যাস কে? বেদব্যাস কি সার্বজন?” আমার বন্ধু বলিলেন, “সার্বজনের বাবা!” এই কথা শুনিয়া তাকিয়া-অবতার দ্রুতবেগে প্রস্থান করিল ও নেপথ্যে শব্দ হইতে লাগিল, “পাপ! পাপ!—গংসার ডুবিল।” তখন আমার বন্ধু বলিলেন, “সর্কনাশ করিয়াছি, এখন আমার স্ত্রী আসিবে।” আমি ভাবিলাম, পলায়ন করি, বন্ধু আমার কাপড় ধরিয়া বলিলেন,—“তুমি ব’স, নচেৎ আমার প্রাণ বাঁচিবে না।” এবার রঙ্গভূমি আচ্ছন্ন হইয়া গেল। একটা বৃদ্ধা স্ত্রীলোক, একটা আধবয়সী, আর দুইটা যুবতী, সেই তাকিয়া-অবতার, আর একটা বন্ধ-বেহারী,—হন্ হন্ শব্দে প্রবেশ করিল। কথা বড় বুঝা গেল না। কেবল ‘পাষণ্ড’ ধূয়াটি সমস্বরে হইতে লাগিল।

এমন সময়ে নেপথ্যে মহাঘোড়া-নাদে শব্দ হইল,—“পাষণ্ডকে আমরা তিরস্কার করিব না, কেবল বুঝাইব।” এই দৈববাণী হওয়ায়, সকলেই রোদন করিতে লাগিল, এবং সেই মোটা চাদরাবৃত্ত স্থলকলেবর দড়াম্ করিয়া পড়িয়া গেলেন। আমি সতয়ে চীৎকার করিয়া উঠিলাম,—“কে আছিস? জল আন!” তখন সকলেই আমায় তিরস্কার করিয়া বলিল,—“ভ্রাস্ত! ভ্রাস্ত! দশা লাগা জানে না।” আমি ক্রমে বুঝিতে পারিলাম যে, তাহারা সকলেই মাঝে মাঝে ঐরূপ পড়িয়া থাকেন, এবং উঠিয়া এক এক বাটি চিনির পানা পান করেন।

খাপারটা কি, জানিতে আমার নিতান্ত কৌতূহল জন্মিল। ভাবিলাম, বেদব্যাসকে দেখিতে হইবে। যেন আমার মনস্কামনা সিদ্ধ করিবার নিমিত্ত নেপথ্যে আবার শব্দ হইল, “পাপি! তাপি! সকলেই আইস, আমায় দর্শন কর।” এই কথা শুনিবামাত্র সকলেই প্রশ্ন করিলেন, এবং সেই আধাবয়সী স্ত্রীলোক আমার বন্ধুকে বলিল, “আইস যদি উদ্ধার হইতে চাও, আইস।” তখন আমার বন্ধু দীর্ঘনিশ্বাস পরিত্যাগপূর্বক বলিলেন,— “ভাই, আজি বাটী গমন কর; যদি বাঁচি, সাক্ষাৎ হইবে।” আমি বলিলাম, “বন্ধু, কথাটা কি?” শুনিলাম, সেই বৃদ্ধা তাঁহার শাশুড়ী, আধা বয়সী তাঁহার স্ত্রী, যুবতী দুইটা তাহার শালাছ, স্থূলকলেবর এবং বন্ধবেহারী তাঁহার শালাছয়। যদি নূতন ধর্ম গ্রহণ না করেন, তাঁহার ইহকালও নাই, পরকালও নাই। পুরাতন ক্রম-বিষ্ণু প্রভৃতি এখন আর তরাইতে পারে না। উনবিংশতি শতাব্দীর নূতন গোবর্দ্ধন-অবতার ব্যতীত আর উপায় নাই।

বেদব্যাস আসিয়া, তাঁহার শালাছয় হইতে আরম্ভ করিয়া সমস্ত পরিবারকে দীক্ষিত করিয়াছেন। কিন্তু স্বরূপ, পৈতৃক দেব-দেবীর মায়া কাটাইতে পারেন নাই, এ নিমিত্ত সপরিবারে তাঁর প্রতি তাড়না। পাপের প্রায়শ্চিত্তের নিমিত্ত কোন দিন উপবাসী থাকিতে হয়, নিত্যই অর্থদণ্ড দিতে হয় ও বাধ্যজন্য অহনিশি সহিতে হয়। স্বরূপ আমার গলা ধরিয়া বলিলেন,— “ভাই, উপায় কি করি?” আমি বলিলাম,— “বেদব্যাসকে দেখিতে পাওয়া সহজ, কিন্তু ছাড়ান বড় সঙ্কট।” আমি সভয়ে জিজ্ঞাসা করিলাম— “বেদব্যাসটা পদার্থ কি?” আমার বন্ধু বলিলেন, “দেখিবে আইস।”

গিয়া দেখি, বেদব্যাস একখানি কারপেটের আসনে বসিয়া আছেন, বাঁ পাশে একটা ছোট রকমের খোল, আর ডাইনে টবে করা একটা নারকুলে কুলের চারা, সামনে একটা কাঁচা গোল্লার নৈবেদ্য, এক খালা ছানা চিনি। বেদব্যাস দোহারা কাল রঙ, দিব্য দাড়ি গৌপ, একটু ভুঁড়ি আছে, গরদের কাপড় পরণে, গরদের দোব্‌চা গায়ে, চক্ষু বৃজিয়া ছানা চিনি মাখিতেছেন। মোটা সন্থকী বলিল, ‘প্রণাম কর।’ বন্ধবেহারী আমায় প্রণাম করিতে অমুরোধ করিলেন। আমি জিজ্ঞাসা করিলাম,— “উনি কি ব্রাহ্মণ?”

বন্ধবেহারী উত্তর করিলেন, “না উনি সদ্‌গোপ—বেদব্যাস।” আমায় প্রণাম করাইবার জন্ত মহা জেদ, কিন্তু স্বয়ং বেদব্যাসই আমায় রক্ষা করিলেন, এক গ্রাস ছানা বদনে দিয়া খোলের বায়য় একটা ঘা দিলেন এবং “একমেবাদ্বিতীয়ং” বলিয়া ঝিমাইতে লাগিলেন। আমি বন্ধবেহারীকে জিজ্ঞাসা করিলাম “ও কি! ছানা কি গলায় বাধিয়াছে?” বন্ধবেহারী উত্তর করিলেন,— “না, উনি ছানা গালে করিয়া ভজনা করেন।” বেদব্যাস এবার চক্ষু মেলিলেন ও এক ছোড়া মোণ্ডা আর এক ডেলা ছানা গালে দিয়া চক্ষু বৃজিয়া মহা ছুলিতে লাগিলেন। আমি জিজ্ঞাসা করিলাম, “এ আবার কি?” বন্ধবেহারী বলিলেন,— “মোণ্ডায় গুঁর কিছু ভাবোদয় হয়।” আমি আবার জিজ্ঞাসা করিলাম,— “বেদব্যাস কি কুলচারা খান?” বন্ধবেহারী বলিলেন,— “কুল খান, কুলচারা খান না।” তবে টবে ও কুলচারাটা কেন?” “বদরিকাশ্রম নহিলে থাকিতে পারেন না।”

আমরা কথা কহিতেছি, বেদব্যাস নিরস্ত নাই, সন্দেশ ও ছানা আধাসারা করিয়া, খোলে মাথা দিয়া মূর্ছা গিয়াছেন ও আমার বন্ধুর স্থূল শালকটি এক গ্রাস আরক তাহার মুখের কাছে ধরিয়াছে। বেদব্যাস পান করিয়া বলিলেন,— “তোমাদের সকলের পাপ পান করিলাম।” আমি বন্ধবেহারীকে জিজ্ঞাসা করিলাম,— “ও কি?” বন্ধবেহারী বলিলেন— উনি উহা পান করিয়া সংসারকে আশীর্বাদ করেন। আমরা এতক্ষণে নিষ্পাপ হইলাম।”

এমন সময় সেই পুরাতন উড়ে মালী আসিয়া বলিল, “সেটপল আইছন্তি।” বেদব্যাসের মূর্ছাভঙ্গ হইল, খাবায় খাবায় ছানা সন্দেশ ওজোড় করিয়া চীৎকার স্বরে বলিতে লাগিলেন,— “একমেবাদ্বিতীয়ং।” ইতি-মধ্যে একটা হলুস্থূল পড়িয়া গেল, একজন চৌকি আনিল, একজন টিপায়া আনিল, একজন দুই তিন খানি তোয়ালে ঢাকা কাচের বাসন আনিল, টিপায়ের উপর রাখিল।

একজন লম্বা দাড়ী, ইজার চাপকান পরা, মাথায় কুণ্ডলী টুপী, গৃহমধ্যে প্রবেশ করিলেন। বেদব্যাস প্রণাম করিলেন, তিনি ‘গুডমর্নিং’ করিলেন। তাহার পর আস্তে আস্তে গিয়া চৌকি খানিতে বসিলেন। বেদব্যাস বলেন,— “একমেবাদ্বিতীয়ম্।” তিনিও

বলেন,—“একমেবাহিতীয়ম্!” আমি জিজ্ঞাসা করিলাম,
—“ইনি কে?” “ওনিয়াছেন ত সেন্টপল।” “উনি
যে চৌকিতে বসিলেন?” “বেদব্যাস আসনে বসেন,
উনি চৌকিতে বসেন।” “ওর ছানা চিনি নাই?” “না,
উনি বিস্কুট আর কাটলেট লইয়া ধ্যান করেন।” “ইনিও
কি নূতন বেদ প্রচার করেন?” “ওর নূতন বেদ নয়, নূতন
বাইবেল।” সেন্টপল বলিলেন,—“ভ্রাতঃ বেদব্যাস
কতক্ষণ?” বেদব্যাস বলিলেন “ভ্রাতঃ সেন্টপল! সবে
পাপ পান করিয়াছি।” এই কথা শুনিবামাত্র সেন্টপল
রোদন করিতে লাগিলেন। বলিলেন,—“ভ্রাতঃ! তোমারই
সার্থক জীবন!”

সেন্টপল কাচের বাসন হইতে তোথালে তুলিয়া
লইলেন ও একখানি বিস্কুট গালে দিয়া অনেকক্ষণ চুপ
করিয়া রহিলেন; তখন বেদব্যাস বক্তৃতা করিতে আরম্ভ
করিলেন, বলিলেন,—“ভ্রাতঃ ও ভগিনিগণ! যখন
সেন্টপল বসিয়া আছেন, তখন আমার কথা অবজ্ঞা।
আমি তোমাদিগকে বেদমতে শিক্ষা দিয়াছি, উনি আজ
বাইবেলের মতে তোমাদিগকে বেদের মর্ম বুঝাইয়া
দিবেন। বেদ ও বাইবেল এক কথা।”

সেন্টপল একখানি কাটলেট খাইতে খাইতে বলিলেন,
“ভ্রাতঃ, তুমি ধন্ত! সত্য বলিয়াছ, বেদ ও বাইবেল
এক কথা।”

আমি জিজ্ঞাসা করিলাম, “কোন্ বাইবেল?” বন্ধুর
শালক বলিলেন,—“নব বাইবেল।” আভাসে বুদ্ধিতে
পারিলাম, বহুবেহারীর বুঝাইতে আর তেমন শ্রদ্ধা নাই,
তিনি কাটলেটের প্রতি ভীক দৃষ্টি দিতেছেন। এমন
সময়ে উড়ে মালী আবার আসিয়া বলিল,—“মাম্দো
আইছন্তি।” এই কথা শুনিবামাত্র আমার বন্ধু চীৎকার
করিয়া বলিল,—“ভাইরে, সর্কনাশ! আজ বিনা কারণে
অস্ততঃ পঁচিশটে টাকা ব্যয় হইল!”

অমনি মহাধুম পড়িয়া গেল, আমার বন্ধুর উপর
“পাষণ্ড! নরাধম!” প্রভৃতি নানা মিষ্টবাক্য-প্রয়োগ
হইতে লাগিল। সেন্টপল ও বেদব্যাস কর্তে আশ্রয় দিয়া
বলিতে লাগিল,—“কি দুর্দিন! টাকা! এ কথা শুনিতে
হইল।”

এই গোলযোগের তিতর একবার ভাবিলাম, পলাই;

আবার ভাবিলাম, মাম্দোকে না দেখিয়া ত যাইতেছি না।
মাম্দো ধীরে ধীরে উপরে উঠিতে লাগিল। দেখি, মাথায়
একটা রিপুকর্ষের টুপী। ও হরি! মাম্দো আর কে?
মাম্দো আমাদের নসে। আমি বলিলাম, “নসে! এই যে
বাড়ীতে ছিলি, মাম্দো হ'লি কে?” নসে বলিল,
“মামা! মাম্দো নহি, মহম্মদ হইয়াছি। আমি
পোলাও খাইতে খাইতে উপাসনা করিতে পারি, একজন
আচার্য্য আমার নাম মহম্মদ দিয়াছেন। আমি নূতন
কোরান প্রচার করি।” কথা শুনিয়া আমার রাগে সর্ক-
শরীর কাঁপিতে লাগিল। আমি বলিলাম—“ও আবাগের
ব্যাটা! তুমি পোলাও খাইয়া নূতন কোরান পড়। যা
বেয়ো, বাড়ী যা।”

নসীরাম সুর করিয়া বলিতে লাগিল, “মামা, তোমার
আজ ভ্রাতা বলিব। ভ্রাতঃ, তুমি নিতান্ত ভ্রান্ত।” আমি
বলিলাম,—“নসে! তোমার বড়ই স্পর্ধা! যা মুখে আসে,
তাই বলি!” এই কথা শুনিবামাত্র সেন্টপল উঠিয়া
বলিলেন, “বোধ করি, মহাশয় বোধ করি ভাল কথা
ব'লছেন না, বোধ করি, আমাদের মহম্মদ ভ্রাতাকে বোধ
করি, কি মন্দ কথা বলিতেছেন।” আমি ক্রোধে বলিতে
লাগিলাম, “মহাশয় অত বোধই করিতেছেন কেন, আমার
ভাগ্নে শাসিত করিব না?”

“আপনার—অধিকার নাই বোধ করি।” “কি!
হিন্দুর ছেলে মাম্দো সাজবে—আমি শাসিত করিব
না?”

“আপনি বোধ করি, আমাদের উপাসনার ব্যাঘাত
দিলেন, বোধ করি, এতে বোধ করি, খুব রাগতে পারি
বোধ করি।” “রাগেন, ঘরের ভাত বেশী করিয়া
খাবেন।”

“ভাত বোধ করি, খুব কম খাই; বোধ করি, বিস্কুট
খেয়ে থাকি বোধ করি।” এইরূপ বচসা হইতেছে, এমন
সময়ে দেখি যে, আর একদল বেদব্যাস, সেন্টপল, মাম্দো
ও আরও কত লোক আসিয়া উপস্থিত হইল। তখন
বেদব্যাসে বেদব্যাসে, সেন্টপলে সেন্টপলে ও মাম্দোতে
মাম্দোতে লড়াই লাগিল। আগত বেদব্যাস বেদব্যাসকে
বলিল, “মশাই বোধ করি, আপনার সমাজ থেকে বোধ
করি, অব্যব হইয়াছে, বোধ করি। আপনি আর বেদব্যাস

নেই বোধ করি।” ছানা-খাওয়া বেদব্যাস বলিল,—
“আমায় জবাব দেওয়ার ক্ষমতা কারুর নাই বোধ করি!”
সেন্টপলে সেন্টপলে ঐরূপ যুদ্ধ। নূতন সেন্টপল বলিলেন,
—‘আপনার জবাব হইয়াছে, বোধ করি।’ পুরান সেন্টপল
বলিলেন,—“আমি স্বীকার করি না, বোধ করি।”

কিন্তু মাম্দোতে মাম্দোতে বকাবকি না করিয়া হাতা-
হাতি আরম্ভ করিল। ন’সে খুব যত্নে মাম্দো, আগত
মাম্দোর গালে ঠাসু করিয়া চড় মারিল। সেও মাম্দো,—
ন’সের ঝুঁটি ধরিল। একটা যুদ্ধের পর উভয়
পক্ষ দুই শ্রেণী হইয়া দাঁড়াইল। একশ্রেণীর বেদব্যাস
বলিল,—“দেখিব, কিরূপে উপাসনা-মন্দিরে প্রবেশ করিস,
দেখিব?” আর এক শ্রেণীর সেন্টপল বলিল,—“তোমার
সেন্টপলগিরি কি ক’রে চলে দেখিয়া লইব।” মন্দিরে
চাবি দিয়া ন’সে মাম্দোকে আবার শাসাইতে লাগিল—
“টুপী খোল, নইলে, এক চড়েই তোরে মারিব।” তখন
আমার বন্ধুর স্ত্রী ও শান্তী দুই বেদব্যাসের মধ্যস্থানে
দাঁড়াইল, রোগা-শালা ও তার স্ত্রী সেন্টপলঘয়ের মাঝে
এবং মোটা শালা সস্ত্রীক মাম্দোঘয়ের মাঝে বিরাজ
করিতে লাগিল। করযোড় হইয়া বলিতে লাগিল,—
“প্রকুরা কমা করুন।”

উভয় পক্ষ হইতেই বলিতে লাগিলেন,—“ক্ষমা করি,
যদি মাপ চান ও স্বীকার করেন,—আমরা ব্যতীত
বেদব্যাসত্ব, সেন্টপলত্ব ও মহম্মদত্ব কেহ না লন।” মধ্যস্থেরা
বলিতে লাগিলেন,—“ছানা, চিনি, বিস্কুট, কাটলেট
আর পোলাও-কোপ্তা আমরা উভয়কেই দিতে প্রস্তুত।”

আমার বন্ধু হায় হায় করিয়া বলিতে লাগিলেন,—“ভাই
রে, পঁচিশ টাকার জায়গায় পঞ্চাশ টাকা পড়িল।” এ
প্রস্তাবে বিরোধী মহাশয়েরা স্থির হইলেন ও গান
ধরিলেন,—

তুমি পরম কারুণিক, মহাদয়ালু!

তোমার কৃপায় খাই

শীতকালেতে শাঁক আলু।

তোমার কৃপার জোরে,

মোরগ ডাকে ভোরে কৌকড় কৌ করে,

ছপুর বেলায় রোদের জালায়,

করি হে হালু চালু।

আমি আর বন্ধুর নিকট বিদায় নিবার অপেক্ষা করিলাম
না; বেগে বাটী ফিরিয়া আসিলাম।

দ্বিতীয় ভাগ সমাপ্ত

গিরিশচন্দ্র

নাট্যসম্রাট গিরিশচন্দ্রের সুবিস্তৃত জীবন-চরিত।—নটগুরু গিরিশচন্দ্রের শেষ জীবনের নিত্যসহচর
শ্রীঅবিনাশচন্দ্র গঙ্গোপাধ্যায়-প্রণীত।

মহাকবির ধারাবাহিক জীবন-চরিত, তাঁহার কর্মজীবন—নাট্যজীবন—ধর্মজীবন—কি উপাদানে তাঁহার প্রকৃতি
ষ্টিত হইয়াছিল—তৎসম্বন্ধে বহুসংখ্যক গল্প ও প্রসঙ্গ, বঙ্গ-নাট্যশালার ইতিহাস, অভিনেতা-অভিনেত্রীগণের অভিনয়-
পথা, কবির নাটক প্রভৃতি যাবতীয় রচনার আলোচনা এবং সে কালের সমাজ ও সাহিত্য ইত্যাদি নানা বিষয় সংযোগে
গ্রন্থখানি পরম উপাদেয় হইয়াছে। রচনা এবং ঘটনা-বৈচিত্র্যে ইহা উপন্যাসের স্থায় সরস ও সুখপাঠ্য।

সাত শত পৃষ্ঠা এবং ৭৯ খানি ফটো-চিত্রে সুশোভিত। কাগজ, ছাপা এবং বাধাই অতি সুন্দর। মূল্য ৩ তিন
টাকা মাত্র।

সংবাদপত্রের মন্তব্যঃ—

১। “গিরিশচন্দ্র একাধারে নাট্যকার, নট, কবি ও সাধক ছিলেন। তাঁহার জীবন-কথা জানিবার জন্য সকলেই উৎসুক। সে উৎসুক
গিরিশচন্দ্রের ছায়ার স্থায় সহচর অবিনাশবাবু মিটাইয়াছেন; তাঁহার চেষ্টা, যত্ন ও অধ্যবসায়ের গুণে আমরা গিরিশচন্দ্রের একখানি সর্বস্ব-সম্পূর্ণ
জীবন-চরিত পাইয়াছি। অবিনাশবাবু এই উপলক্ষে গিরিশবাবুর সমস্ত নাটকগুলির সংক্ষিপ্ত পরিচয় দিয়াছেন; সে পরিচয় সংক্ষিপ্ত হইলেও সুন্দর।
গিরিশবাবুর জীবন-কথা লিপিতে গেলেই বাঙ্গালা নাট্যশালার ইতিহাস লিপিতে হয়, অবিনাশবাবু সে ইতিহাসও লিপিয়াছেন। জীবন-চরিত লিপিতে
সলে যে সত্যনিষ্ঠা ও সংবাদের আবশ্যক, এ পুস্তকে তাহা সর্বতোভাবে প্রদর্শিত হইয়াছে।” ভারতবর্ষ, পৌষ, ১৩৩৪ সাল।

২। “*** আমাদের মনে হয়, অবিনাশবাবু ভবিষ্যতে আর কিছু না লিপিতেও শুধু এই জীবনোখানি লিপিয়াই বঙ্গসাহিত্যে প্রসিদ্ধিলাভ
করবেন।”
উদ্বোধন, মাঘ, ১৩৩৪ সাল। (৩০ বর্ষ, ১ম সংখ্যা)

৩। “*** গিরিশের কবি-জীবন ও কর্মজীবন বিশ্লেষণ করিয়া তাঁহার শক্তি ও সাধনার কথা বিস্তারিত ভাবে বর্ণন করিতে ইতঃপূর্বে
কাহাকেও অগ্রসর হইতে দেখি নাই। তাই অবিনাশচন্দ্রের এই “গিরিশচন্দ্র” পাইয়া আজ আমাদের এত আনন্দ। তিনি এই জীবন-কথা
প্রদর্শন করিয়া গিরিশ-আলোচনার সকল পথ সুগম করিয়া দিয়াছেন। গিরিশচন্দ্রকে জানিবার ও বুঝিবার পক্ষে এই গ্রন্থ অতি উপাদেয় হইয়াছে।”
হিতবাদী, ১৮ই ফাল্গুন, ১৩৩৪ সাল।

৪। “গিরিশবাবুর শেষ পনের বৎসরের ঘটনা অবিনাশবাবুর চক্ষের উপর ফুটিয়াছে, আর তাঁহার পূর্বের ঘটনাগুলি নানা সময়ে নানা প্রসঙ্গে
তিনি গিরিশবাবুর নিজে-মুখেই শুনিয়াছেন। সুতরাং অবিনাশ বাবুর লিপিত গিরিশ বাবুর এই জীবনী যে সত্য তথ্যপূর্ণ, তাহাতেও সন্দেহ করিবার
কিছু নাই। *** গিরিশচন্দ্রের এই জীবনী গ্রন্থে গ্রন্থকার গিরিশচন্দ্রের চরিত্রের যাহা দোষ তাহাও যেমন না ঢাকিয়া প্রকাশ করিয়াছেন, তেমনই
গিরিশচন্দ্রের চরিত্রের গুণাবলীও নিপুণ তুলিকায় ফুটাইয়া তুলিয়াছেন। *** অবিনাশ বাবুর সরস ও সরল গুণের লেখার ফলে ইহা যেন আরও
চমৎকার হইয়াছে। * *”
বঙ্গবাসী, ১১ই চৈত্র, ১৩৩৪ সাল।

৫। “*** গিরিশচন্দ্রের বহুমুখী প্রতিভা এবং অননুসাধারণ চরিত্রখানি আলোচ্যগ্রন্থে আলোচ্যের স্থায় ফুটিয়া উঠিয়াছে—গ্রন্থকারের বহুবর্ষের
সাধনা সার্থক। আজ অবিনাশবাবু তাঁহার সিদ্ধির সম্পদ দিয়া বাঙ্গালা-সাহিত্যের জীবনচরিত বিভাগের গৌরব বৃদ্ধি করিলেন, সন্দেহ নাই। ***
গ্রন্থকারের ভাবার সচ্ছতা ও অনাবিল গতিভঙ্গীর সরসতার এই সুবৃহৎ গ্রন্থখানি কোথাও আড়ষ্ট হয় নাই।” আনন্দবাজার পত্রিকা, ৭ই মাঘ, ১৩৩৪।

৬। “*** কতকগুলি ঘটনা যেমন তেমন করিয়া লিপিবদ্ধ করিলেই যে মানুষের পরিচয় দেওয়া যায় না, ইহা জীবনী রচয়িতারা
ভুলিয়া যায়। অবিনাশ বাবু যে তাহা ভুলিয়া যান নাই, ইহার জন্য তিনি ধন্যবাদার্থ। গিরিশচন্দ্রের গাইহু ও ধর্মজীবনের কথা সত্যসত্যই
অজুত, এবং উহার অধ্যবসয়েই এই মহাকবির ও মহাসাধকের সকল শক্তি যে নিহিত, লেখক ইহা ধরিয়া ফেলিয়াছেন। গিরিশের মৃত্যুর পর যে
সকল সাংবাদিক বলিয়াছিলেন যে, গিরিশের পরিচয় তাঁহারা জানেন না, আমাদের অসুরোধ, অবিনাশবাবুর গ্রন্থে তাঁহারা অন্ততঃ ধার করিয়া লইয়া
একবার পরীক্ষা করেন। প্রত্যেক বঙ্গ গৃহে এই পুস্তক আদৃত হোক ইহাই আমাদের চিন্তা।”
আত্মশক্তি, ২৮শে পৌষ, ১৩৩৪ সাল।

৭। “*** অবিনাশ বাবুর গ্রন্থখানি পড়িয়া কিন্তু যথার্থই তৃপ্তি পাইলাম। গিরিশচন্দ্রের মত মনীষীর চরিত্রকে বৃত্তিতে ও বৃত্তিতে
হইলে যে একান্ত অধ্যবসায় ও একনিষ্ঠ শ্রদ্ধার প্রয়োজন, অবিনাশবাবুর তাহা তো আছেই, তাহা ছাড়া তাঁহার লিপিনৈপুণ্যের গুণে গিরিশচন্দ্রের
জীবন কথা পরম সুখপাঠ্য হইয়া উঠিয়াছে। * * *”
বাঙ্গালার কথা, ১৬ই মাঘ, ১৩৩৪ সাল।

৮। “*** গিরিশচন্দ্রের জীবনী রচনার অবিনাশবাবুর যোগ্যতা সম্বন্ধে সন্দেহ প্রকাশ করবার উপায় নাই। কারণ তিনি ছিলেন
বঙ্গীয় নাট্যকারের পার্শ্বসহচর। ** অবিনাশবাবু যে দীর্ঘকালব্যাপী অশান্ত পরিভ্রমে কাতর হননি, এই বিরাট গ্রন্থখানি সে প্রমাণ দিচ্ছে।
ও উপাদান সংগ্রহে তাঁর বাহাদুরী আছে বটে—কোন পাথর উন্টাতেই তিনি বাঁকি রাখেন নি।”
নাট্যধর, ৪ঠা ফাল্গুন, ১৩৩৪ সাল।

৯। “*** However, what it is, at present, in one word, Abinash Babu's "Girish-Chandra" is an encyclo-
paedia of informations about the Bengali Stages and its father. Every Bengalee should have a copy of this
book in his private Library.”
The Amrita-Bazar Patrika, 8th January, 1928.

১০। “*** The author was one of the close followers of the Great Master and has thus been able to
write it with an almost Boswellian thoroughness and accuracy. ** It is a very great book and will more than
repay perusal.”
Forward, 27th May, 1928.

গুরুদাস চট্টোপাধ্যায় এণ্ড সন্স,

